


wĩn nivìní
tirle



toussian du sud: wĩn nivìní tirle New Testament

wĩn nìv`nì tirlɛ
toussian du sud: wĩn nìv`nì tirlɛ New Testament
Nouveau Testament en toussian

copyright © 2013 Wycliffe Bible Translators, Inc.

Language: Toussian, Southern

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Feb 2024 from source files dated 29 Jan 2022

aaf2875e-90b5-5c14-b910-61579d3da2c7

Contents

Matye	1
Markı	69
Likiyi	110
Nsyõ	181
Tyípinì	236
Wrome tãn	310
Korẽnti tãn	340
Korẽnti tãn	371
Kalatı tãn	389
Yefesı tãn	401
Filipi	411
Kolosı	419
1 Tesaloniki tãn	426
2 Tesaloniki tãn	432
1 Timote	436
2 Timote	445
Titi	451
Filemo	455
Nsyaki	457
1 Nsyõ	465
2 Nsyõ	473
3 Nsyõ	474

Matye-á nìvìnì tir nê wārki Yesu tyí soko

Yesu Krista duku wìl-nsahle

¹ Yesu Krista sùtó nàhkì yó ye lésō Davidile, Davidi sùtó nàhkì yó me Abrahmùne. Yesu Krista mèn nàh tǎn nónó-á ku soko, pé yni we yò: ² Abrahmù mènne, Yisakì sù ye. Yisakìle, Nsyakòbì sù ye. Nsyakòbìle, Nsyuda sù ye, ñmò nê-á ñ òdìnpì soko yóle.* ³ Nsyudale, Peresi ànê Nsera sù ye, té Tamar me pé yúne. Peresile, Yesroni sù ye. Yesronine, Wrami sù ye. ⁴ Wramine, Yaminadabi sù ye. Yaminadabile, Nasò sù ye. Nasòne, Salma sù ye. ⁵ Salmale, Bowasi sù ye, té Bowasi yú me Wrahbile. Bowasile, Wobedi sù ye, té Wobedi yú me Wrutile. Wobedile, Nsyese sù ye. ⁶ Nsyesele, yòtē ñ Davidi sù ye. Yòtē ñ Davidile, Salomo sù ye, té Salomo yúne, Yuri lékókè kyì ye lésō. ⁷ Salomole, Wroboyam sù ye. Wroboyamne, Abya sù ye. Abyale, Asafi sù ye. ⁸ Asafule, Nsyosafati sù ye. Nsyosafatile, Nsyoram sù ye. Nsyoramne, Wosyasi sù ye. ⁹ Wosyasile, Yotam sù ye. Yotamne, Asyasi sù ye. Asyasile, Yesekyasi sù ye. ¹⁰ Yesekyasile, Manasi sù ye. Manasile, Amo sù ye. Amole, Nsyosyasi sù ye. ¹¹ Nsyosyasile, Yekonya sù ye, ñmò nê-á ñ òdìnpì soko yóle. Té légbí ye sò pé me Yisrayel no kyì mò à pé tē soko Babiloni yamana soko.† ¹² Képah nàh, Salatyeli dubi, ñmò nê-á Yekonya pìdìne. Salatyelile, Nsorobabeli sù ye. ¹³ Nsorobabelile, Abiyudi sù ye. Abiyudile, Yelyakimi sù ye. Yelyakimine, Asori sù ye. ¹⁴ Asorile, Sadoki sù ye. Sadokule, Asyimi sù ye. Asyimine, Yeliyudi sù ye. ¹⁵ Yeliyudile, Yeleyasar sù ye. Yeleyasarle, Matã sù ye. Matãne, Nsyakòbì sù ye. ¹⁶ Nsyakòbìle, Nsyosefu sù ye, nê-á Mari pele. Mari mèn ye sò dubi Yesule, nê-á pé n ye Kristale, Liyel ney yáhtókòne.

¹⁷ Kno kno nónó pól-á we soko, sè we yò: A tóko Abrahmù gbì tyí, pópó à pò syi Davidi gbì tyí, kno knòno gbònyáh ye we soko. A tóko Davidi gbì tyí, à pò syi Yisrayel no tēnsòkòno tyí Babiloni yamana soko, kno knòno gbònyáh ye tō we soko. Té à tō tóko Yisrayel no tēnsòkòno tyí Babiloni

* **1:2** 1.2 - Nsyakòbì òdìnpì ye Yisrayel no yìkìni gbòninó súbìle. Yah n te Yenesi 46.8-21. † **1:11** 1.11 - Yah n te 2 Yòtām 24.12-16.

yamana sɔkɔ à pɔ syi Krista gbí tyí, knɔ knɔnɔ gbɔnyáh ye we sɔkɔ.

Yesu Krista dubi dùkùle

¹⁸ Yesu Krista dubi dùkù we yò: N yú Mari sò me gbínóle Nsyosefu tyí. Nte pèkì náh sò we yah pé wró, té kè pɔ we Mari me kúrkìle Liyel Mirki gbò yò. ¹⁹ Té n pɛ Nsyosefule, négbí ye sò ònɛ. A náh sò me ké tyí ne pé Mari yín yíki névye yí yah. Képah ye à kè yah tɔkɔ ne, páh kɪ à yahle sètìn sò sɔkɔ. ²⁰ Wáh me képah sɔnɔ sɔkɔ, Tě òngbě Liyel yínyò tònpi yó pɔ wil n yah dékí sɔkɔ, té yo n tyí ne: «Davidi pídí Nsyosefu, káh tíkí pɪ á kyi Mari fúrnóle. A náh we di, Liyel Mirki gbò yò ye à tɔkɔ kúrkì mènɛ. ²¹ A kɪ pídí dubi nê-á kɪ n no pwah n mɔ n pi pé tyípél sɔkɔ. Képah ye, á kɪ n yín sah Yesule.»[‡] ²² Tě òngbě Liyel-á lésò n těntò syíno-ò kò à tyi nónó yo sah, sépi wil yín ye tyi nópi pól kò sè pɪ. A lésò ne níkě: ²³ «Yah, dí pí-ńkě sê kɪ kúrkì tɔkɔ. A kɪ dínpir yó dubi, té n yín kɪ sah Yemanuwelule, nê kór-á: Liyel me ápile.»[§] ²⁴ Nsyosefu-á pɔ dɔ yuku, Tě òngbě Liyel yínyò tònpi-á tyi nónó yo n tyí, à sè pɪ. A n kyi Mari fur. ²⁵ Nte pèkì náh we yah pé wró, fós Mari syi pɔ pídí mè dubi, té Nsyosefu me n yín sah Yesule.

2

Nwɔ kèpye sɔkɔ tyi pnèpu kyínyahnɔle Yesu tyi

¹ Yesu dubi Betlemɪ kwil sɔkɔ, Nsyude sétáh yò, gbí nê-á lésò yòtòrí me yòtě dí Yerɔdɪ gbò. Yesu-á dubi sě, níwɔ kèpye sɔkɔ tyi pnèpu me wil gbìngbokele, à pɔ Yerusalemɪ kwil sɔkɔ, ² té me píkínyahnɔ pɪ ne níkě: «Nsyifunɔ yòtě dí nê-á dubi, à me níyáh sɔkɔ? Apɪ me gbìngbokele té n níwɔ kèpil we kè wil. Képah ye á ne á pɔ gbílkínó sah n yò.» ³ Yòtě dí Yerɔdɪ-á képah tě noh sě, kè n fɔkɔ fěkɪ ànê Yerusalemɪ tã pólle. ⁴ Káh pɪ sě, à me sárká syínwìlkìpu yòtãm ànê Liyel tyi kònsàhnó kwópú pól ye tuke, té pè piki yah ne níkě, níyáh sɔkɔ se Liyel ney yáhtokɔnɔ yíne à pɔ dubi nɪ? ⁵ Pè me yo n tyí ne: «Betlemɪ sɔkɔ ye, Nsyude sétáh yò. A náh we di, Liyel lésò n těntò syíno-ò kò à kè wárkɪ sah ne níkě: ⁶ «Áwɔ Betlemɪ kwil nê-á Nsyude sétáh yò, á náh me fòrɔɔ Nsyude sétáh yò kwlo òngbɔ sɔkɔ dé. Yah, névye yah tẽ-ò

[‡] 1:21 1.21 - Wáh noh pàh ne Yesu-á, ké kór ye pwáhnmo-òle. [§] 1:23 1.23 - Yah n te Yesayi 7.14.

yó kɪ pɔ n dubi n pi á sɔkɔ, nê-á kɪ n̄mɔ no Yisrayel t̄ɛnɔ ple n pi.»*

⁷ Képah t̄ɛne, Yerɔdɪ me n̄wɔ kèpye sɔkɔ tyi pnèpu wòbɪ ye à pɔ pè piki yah p̄i, gbí nê tótó-á pè we n̄wɔ kèpil mènɛ. ⁸ Képah náh, à pè tekɪ mɔ Betlemɪ sɔkɔ, té yo pé tyí ne, pàh kɪ kyɪ, pè píkinyahnɔ pɪ palle piri mè tyí sɔkɔ, pàh kɪ à we, pè pɔ kè yo pé tyí, péwɔ tɔ kɔ pé kyɪ gbílkínɔ sah n̄ yó. ⁹ Yòt̄ɛ dí Yerɔdɪ-á welɔ n̄ɔpi yo te pé tyí, pè me w̄k̄i t̄ɛ. Pàh w̄k̄i t̄ɛ, n̄wɔ kèpil nê-á sò pè we té me gb̄ngbokelɛ, pè t̄ɔ kè we pé yah f̄inne kè n yuku péle, pópó à kyɪ ȳin piri mé-nsah yòtah sírr sɔkɔ. ¹⁰ N̄wɔ kèpil mè t̄ɔnwɛnɔlɛ, kè pé nɪ kah vɪ. ¹¹ Pè me de gbô, té piri we ànê n̄ yú Marilɛ. Képah t̄ɛne, pè pé gbètukunɔ di piri mè yah à gbílkínɔ sah n̄ yó, té pé vyó yey ykɪ mɔ à s̄án, ànê wòkò yó yó kwáh p̄án pènèkì yó, ànê làsèkw̄ɛl p̄án pènèkì yó wilki sé sɔkɔ, à pèpɔɪ pɪ piri tyí. ¹² Képah náh, Liyel gbáhdyáh yó di pé tyí dékì sɔkɔ ne, pè káh pé syɪ yuku Yerɔdɪ f̄inne. Káh pɪ s̄ɛ, pè me w̄k̄i káhkì yó t̄ɛ, à pé syɪ sɔkɔ pé kwil sɔkɔ.

Nsyosefu ànê n̄ no tónsɔkɔnɔlɛ Yesyipti yamana sɔkɔ

¹³ N̄wɔ kèpye sɔkɔ tyi pnèpu-á pé syɪ sɔkɔ, T̄ɛ n̄gb̄ɛ Liyel ȳinyó t̄ɔnpɪ yó me wil Nsyosefu yah dékì sɔkɔ, té yo n̄ tyí ne: «Yòt̄ɛ dí Yerɔdɪ kɪ piri mè soh n̄ kɔ n̄ pi núkúnúkú n̄ ko n̄ mɔ n̄ ȳinne. Képah ye, yuku piri mè t̄ɛ ànê n̄ yúne, n̄ to n̄ sɔkɔ péle Yesyipti yamana sɔkɔ, n̄ kyɪ n̄ t̄ɛ n̄énpó, pópó kɪ pɔ n̄ nɔ n̄ yónmɔnɔ tyí á tyí.» ¹⁴ Képah t̄ɛne, Nsyosefu me yuku kéné lékâhne, à piri ànê n̄ yú t̄ɛ pè sɔkɔ Yesyipti yamana sɔkɔ. ¹⁵ Pè kyɪ t̄ɛ n̄énpó, pópó Yerɔdɪ syɪ pɔ ku. Káh pɪ s̄ɛ, T̄ɛ n̄gb̄ɛ Liyel-á lésɔ n̄ t̄ɛntò syínyo-ò kɔ à nê yo sah ne: «Mé n̄ Pídí ye yal Yesyipti yamana sɔkɔ.»† kè kɪ wil.

Betlemɪ w̄ɛnp̄i yr̄ɔ kòn̄mɔnɔlɛ

¹⁶ Yerɔdɪ-á pɔ p̄i ne n̄wɔ kèpye sɔkɔ tyi pnèpu-á pé vi t̄ɛ, n̄ fɔkɔ kah vyáh. Té wáh lésɔ n̄wɔ kèpil mè wil gbí we noh sɔkɔ te n̄wɔ kèpye sɔkɔ tyi pnèpu tyí s̄ɛ, à núkú ne pè kyɪ Betlemɪ kwil ànê ké gbòplo kwlo w̄ɛnp̄i pól ko mɔ, nónó-á pè náh kah ye nínó nínólɛ. ¹⁷ Képah sɔkɔ, Liyel t̄ɛntò syínyo-ò Nsyeremi-á lésɔ nê yo sah, kè wil. A lésɔ ne ník̄ɛ:

¹⁸ «Ȳinp̄ɔ yó me n̄ dɔkɔ Wrama kwil sɔkɔ, nê-á pò gbónó ànê yām yām tyi kàhnp̄ínólɛ. Arasyɪɪ ye n̄ gbo n̄ w̄ɛnp̄i ȳinne.

* 2:6 2.6 - Yah n̄ te Mise 5.1. † 2:15 2.15 - Yah n̄ te Wose 11.1.

Pè ye yah kwlo, képah ye à náh me fàlnó tyí.»‡

Nsyosefu ànê ò no kyíntěnlé Nasareti kwil

¹⁹ Yerodı kúntenó náh, Tě ñgbě Liyel yínyo tónpi yó wil Nsyosefu yah dékí soko Yesyipti yamana, ²⁰ té yo ñ tyí ne: «Nónó-á sò n yah n kō piri mè kònmò-ńsahle, pè ku te. Képah ye, yuku piri ànê ñ yú tě n soko Yisrayel sétáh yō.» ²¹ Képah soko, Nsyosefu me yuku piri ànê ñ yú tě pè soko Yisrayel sétáh yō. ²² Té wáh pò noh ne Arsyulawusi-á tóko Nsyude mara yòtòríle ñ sú Yerodı swò, tíki à tě kyínlé nénpó. Nte Tě ñgbě me yo mò ñ tyí dékí soko. Képah soko, à me soko Kalile mara soko, § ²³ à kyi tě ké kwil yó soko, nê-á pè n ye Nasaretle. Tě ñgbě Liyel-á lésò ñ těntò syínyopu kō pè tir nê yo sah, képah wil yin ye tir mè kō kè pi. Pè lésò ne ñkě: «À kɪ n ye Nasareti neyne.»

3

Wèlnwìlkì-ò Nsyō me Liyel weyne n yo

¹ Légbíne, Wèlnwìlkì-ò Nsyō pò Nsyude mara gběnni soko, à pò tyah Liyel weyne n yo. ² A sò me yo tū ne: «Yé yé tyípèl pínó yal mò. Yé náh we di, Liyel tórí me yini tě te.» ³ Liyel těntò syínyo-ò Yesayi-á lésò nê yo sah ne ñkě: «Nnî yó yínpō me n doko gběnni soko ne ñkě: «Yé Tě ñgbě wěkì tō sah. Yé ñ sókò-ńtân pi tómtóm.» Nsyō yínpō tyí ye lésò à n yo. ⁴ Yàhmíkì yè fwòmòni ye sò Nsyō wil, té à me ñ syi tě sèl kōle. Sègblo ànê syiri ye sò ñ yòkele. ⁵ Képah tēne, Yerusalemı kwil tãn, ànê Nsyude mara pól névyé, ànê Nsyurdě yò gběnyah pól névyé sò me n wil n pò ñ tyí. ⁶ Pè sò me pé tyípèl pínóle n yo n pò no pól yí yah, té Nsyō me péle n wel n wilki Nsyurdě yò soko. ⁷ Képah soko, Nsyō-á kè we Farisi wěkì kópú ànê Sadusi wěkì kópú náhnáh me n pò n pò à kō à péle n wel n wilki sě, à me yo pé tyí ne, wáhnmiró dükù nópí! Nê se kwò péle ne páh kɪ fě to pwah Liyel fòkònyàhnì yah, nê-á n pi nɪ? ⁸ Pè tyípeplòle n pi, nónó-á n wěkì n pi ne páh pé tyípèl pínó yal mò. ⁹ Té pè káh we ne páh kɪ n sò pé fòkòni soko ne Abrahamı-á pé sùle, képah-á kɪ yīne dé. Páh kéle n yo pé tyí, dyèh nónó-á yò, Liyel-á kɪ fě sè vi mò pi Abrahamı pyele. ¹⁰ Té man ńtē-á me yáhnshntenole sésân fě yinne sé sémîn soko. Séswô nê-à n syí-ńkěne pye pèplòle, káh kɪ ko min dah mò nyàh soko.

‡ **2:18** 2.18 - Yah n te Nsyeremi 31.15. § **2:22** 2.22 - Nsyude mara ànê Kalile mara sò me Yisrayel sétáh yō.

¹¹ Péwɔ tẽ wɔ-á péle n wel n wilki ni sɔkɔ, nê-á kɪ kè wěkɪ ne páh pé tyípèl pínó yal mɔ. Nte névi nê-á kɪ n pɔ n pi péwɔ náhle, tẽ wɔ tẽnwenɔ-á kal péwɔ tyíle. Páh fórɔɔ kah ñ lékyèh ñtẽ dénóle. Tẽ wɔ-á kɪ pɔ pè wel wilki Liyel Mirki ànê nyàh sɔkɔ.* ¹² Ñ sèmukɔ fwo fwo kwâh-á me ñ gbò. Wáh kɪ ñ táh t̄ sah, kɪ ñ sèmukɔ fwo, té kɪ ké pórí kwel mɔ dúkúrí sɔkɔ. Nte sé yésyí wɔle, wáh kɪ sépi suke ní-ńkê nyàh sɔkɔ.

Yesu wèlnwìlkìnóle ni sɔkɔ

¹³ Képah tẽne, Yesu wil Kalile mara sɔkɔ à pɔ Nsyõ tyí Nsyurdẽ yóngbalɪ sɔkɔ, ne pé pɔ à k̄ɔ à pé wel wilki ni sɔkɔ. ¹⁴ Nte Nsyõ me yahle té ne, péwɔ-á yĩne pé pɔ ñmɔ k̄ɔ à pé wel wilki ni sɔkɔ, té ñmɔ pyè pɔ péwɔ tyí ni? ¹⁵ Nte Yesu me yo ñ tyí ne: «Ye kè pɪ s̄ẽ átre. Á náh we di, ké yah ye Liyel-á nê yah k̄ɔ, ápi kè pɪ.» Wáh képah yo s̄ẽ, Nsyõ me f̄ẽ syi. ¹⁶ Yesu wèlnwìlkintɛnɔ ñs̄õ, à wil ni sɔkɔ. Nénpó swɔ yĩnyõ yɪkɪ mɔ, té à me Liyel Mirki we kè me n tiki n pi kèpíkípíkí tyí k̄õle, à pɔ tẽ ñ yò. ¹⁷ Képah sɔkɔ, yĩnp̄ɔ yó núkú n wil yĩnyõ ne ńkê: «Ñmɔ ñidè Pídí ye yò. Ñmɔ ye ní ñivì ñi yòle.»

4

Sétàn yòtẽ-á Yesu t̄ mɔ yah dùkù nêne

¹ Képah náh, Liyel Mirki Yesu tẽ yuku gběnnɪ sɔkɔ ne sétàn yòtẽ à we t̄ mɔ yah nénpó. ² Wáh sèp̄in tikinini ànê lékãhlɔnó tikinini pɪ yòke yó-ńkêne, kwekɪ à tẽ. ³ Képah sɔkɔ, sétàn yòtẽ nê-á t̄nɔmɔ-òle, ñmɔ me nɔ de Yesule té yo ñ tyí ne, ñmɔ-á kɪ nê Liyel Pídíne, à yo dyèh nópi tyí sè vi mɔ pɪ yòkele. ⁴ Yesu me yo ñ tyí ne: «Kè me wárkínsàhnóle Liyel wey sébéy sɔkɔ ne ńkê: <Yòke ó náh n pu névile dé. Nte welɔ nónó-á n wil Liyel vyãh, sépi ye pyè n pu névile.>»* ⁵ Képah náh, sétàn yòtẽ yuku ñne Yerusalemɪ kwil, à kyɪ à sah Liyel ní-ńsah gbò yòtah† ⁶ té me yo ñ tyí ne, ñmɔ-á kɪ nê Liyel Pídíne, à yɔkɔ n tiki sétáh. Á kó we ni, kãh me wárkínsàhnóle Liyel wey sébéy sɔkɔ ne ńkê, ñmɔ yĩnne, Liyel-á kɪ ñ yĩnyõ t̄nnp̄ɪbɪ k̄õ sè kɪ à swah syi sé gbãh sɔkɔ, ñ gbáhk̄i k̄õ kè náh n mɪ n pi dáhk̄i tyí.‡ ⁷ Képah sɔkɔ, Yesu me yo ñ tyí ne: «Kè me wárkínsàhnó tɔle ne: <Káh á Tẽ

* **3:11** 3.11 - Yah n te Tyípínì 2.1-13. * **4:4** 4.4 - Yah n te T̄nyonɔ 8.3. † **4:5**

4.5 - Liyel ní-ńsah gbò yòtah nê tyí-á n yo ásô sɔkɔ yò, ké kolo kah métérnɔ gbãmne. ‡ **4:6** 4.6 - Yah n te Gbálnó 91.11-12.

ngbē Liyelle n mɔ n yah.»[§] ⁸ Képah náh, sétàn yòtē tō sɔkɔ ònne yòlì kèyy yó yō, à kyì kèkōyó tōrì pólle à wēkì ànê ké tahrile, ⁹ té yo ò tyí ne, wáh kì ò gbètukunɔ di péwɔ yah à pé gbilki, páh kì sé pólle à kō. ¹⁰ Képah tēne, Yesu yo ò tyí ne: «Yal ò tnô, sétàn yòtē! Kè me wárkínsàhnóle Liyel wey sébéy sɔkɔ ne: «Á Tē òngbē Liyelle n gbilki, ò té ne n sah òmɔ ó tyí yō.»^{*} ¹¹ Képah sɔkɔ, sétàn yòtē me yal ò tnô. Yinyō tōnpɔbì me pɔ ò tnô, à pɔ n yah n dah n mɔ ò tyí sɔkɔ.

Yesu tō tyàhnóle Kalile mara sɔkɔ

¹² Pè lésò Wèlnwilki-ò Nsyō dah mɔ wòkònpèkè sɔkɔ.† Yesu-á kè noh gbí nêne, à ò syì sɔkɔ Kalile mara sɔkɔ. ¹³ Té à náh tē Nasaretì kwil sɔkɔ. A sò me kyì tē Kalile yó-òngbē gbòpɔ kwil yó sɔkɔ pè n ye Kapernayumine, Nsabalō yìkì ànê Nefutali yìkì névyè sétáh yō. ¹⁴ Kè ye pì sē, nê-á kì Liyel tēntò syinyo-ò Yesayi tir yónsàhnó mè kō kè kì wil. A lésò ne òkē: ¹⁵ «Nsabalō yìkì ànê Nefutali yìkì névyè nónó-á me wēkì gbòpɔ nê-á sɔkɔ yó-òngbē tnô, ànê pé nónó-á me Nsyurdē yónkahnune, à tahlì pé Kalile mara tã tyí nónó-á pé tókù náh pì Nsyifunole, ¹⁶ pépi nónó-á sò me fēntù sɔkɔ, pè kyòò òngbē yó we. Pépi nónó-á sò me fēntù sɔkɔ kù tìkile pé sɔkɔ, kyòò yó me we pé tyí.»‡

¹⁷ Té à tɔkɔ gbí nê-á sò Yesu me Kapernayumi sɔkɔ, à tyah Liyel weyne n yo, me yo tū ne: «Yé yé tyípèl pínó yal mɔ. Yé náh we di, Liyel tōrì me yīni tē te.»

Yesu tō sáhpú négbrole

¹⁸ Yesu sò me n kɔ Kalile yó-òngbē gbòpɔ sɔkɔ, té díbí népì ními we. Simo nê-á pè yīn dyì à kō Pyerile, òmɔ ye sò ànê ò gbēndí Andrele. Pè sò me yēnkyɔ tē tē mnole n min yo sɔkɔ. Yēnkyɔ tēpú ye sò péle. ¹⁹ Yesu me yo pé tyí ne: «Yé ò sò tē. Mé kì yé pì névyè tēnpɔpule Liyel tyí.» ²⁰ Nénpó swɔ, pè núkú pé yēnkyɔ tē tē mnɔ sah té ò sò tē. ²¹ Wáh tō yuku yahle kwéy, à díbí népì ními yísyó we. Nsyakì ànê Nsyō ye sò, pépi nónó-á Nsebede dínpìle. Pè sò me ànê pé sú Nsebedele krótókè sɔkɔ, me pé yēnkyɔ tē tē mnole n tō n sah. Yesu me pè ye yah. ²² Nénpó swɔ, pè núkú yal krótókè ànê pé sú tnô, té ò sò tē.

§ 4:7 4.7 - Yah n te Tōnyonɔ 6.16. * 4:10 4.10 - Yah n te Tōnyonɔ 6.13. † 4:12 4.12 - Yah n te Matye 14.1-12; Markì 6.17-18; Likyì 9.7-9. ‡ 4:16 4.16 Yah n te Yesayi 8.23 - 9.1

Yesu névye kwónó ànê yámpú dénməɔle

²³ Yesu sò me Kalile mara pólle n kɔ n kɔ̃, me nolɛ n kwɔ Nsyifunɔ Liyel ní-ńtàn vì sɔkɔ, me Nìvìnì tirlɛ n yo Liyel tǔrì tyí yǎ, té me yámpú pól ànê néfukuló pólle n de n mɔ. ²⁴ Kǎh pì sě, Yesu yĩn wil Siri yamana pól sɔkɔ. No me tyah n pɔ n pɔ yámpú pólle n tyí, nónó-á sò me kwlónó sɔkɔ yam ànê yèvyǎhrì duke duke pól sɔkɔ, ànê sétàn-á sò me nónó sɔkɔ, ànê ndyìkìnrìbìlɛ, ànê wil kúnó névyelɛ, Yesu pé pól de mɔ. ²⁵ Képah tǎnɛ, tówù ñgbě Yesu sò tǎ. Pé túkù sò wil Kalile mara sɔkɔ, túkù wil Dekapoli mara sɔkɔ, túkù wil Yerusalemì kwil, túkù wil Nsyude mara sɔkɔ, túkù me wil Nsyurdě yónkahnɛ.

5

Yesu-á kwónó nónó pì yǎli yǎ.

¹ Yesu-á tówù wɛ sě, à dɔkɔ yuku yǎli yǎ. Wǎh kǎ tǎ, n tò sǎhpú me nɔ de n tnô. ² Képah sɔkɔ, à me tyah péle n kwɔ nɛ ñkě:

Névye nónó-á me nɔli sɔkɔ

³ «Nónó-á pĩ nɛ Liyel yétô-á me pé tǎ, pépi tyí nɔ. Pé kɪ Liyel tǔrì nɔli yǎ n pì. ⁴ Nónó-á me gbnì sɔkɔ, pépi tyí nɔ. Liyel kɪ pé yéfi kele n pì. ⁵ Gblǒy tìkínmɔnɔ-á me nónó sɔkɔ, pépi tyí nɔ. Sétáh kɪ pɔ n pɪ n pì pépi tyíle.* ⁶ Gbì wěkì kóló dékè-á me nónó sɔkɔ, á kɪ nɛ kwɛkɪ ànê níkì sǎ tǎ péle, pépi tyí nɔ. Pǎh nêne n yah n kǎ, pè kɪ kè wɛ n dal n mɔ n pì. ⁷ Nónó-á névye yǎmne n yah, pépi tyí nɔ. Liyel kɪ pé tɔ yǎm yah n pì. ⁸ Nónó nɔ-á me yályál Liyel yah, pépi tyí nɔ. Pé kɪ Liyel wɛ n pì yíne. ⁹ Nónó gbò yǎ-á yèvɪnɪ n wɛ, pépi tyí nɔ. Pé kɪ n ye n pì Liyel wɛnpìle. ¹⁰ Nónó-á me fǒhnóle n wɛ pé négblo pínó yinne Liyel yah, pépi tyí nɔ. Pé kɪ Liyel tǔrì nɔli yǎ n pì. ¹¹ Névyè-à yéle n gbyɔ gbí nêne, té yéle n fǒh, té yé tyíle n yo n ko à mìnì duke duke pólle n sah yé yǎ ñmɔ yinne, yépi tyí nɔ. ¹² Sě ye lésò pé fǒh Liyel tǎntò syínyopule nónó-á yé dyàh tǎ pɔ sɔkɔ. Yé kɪ ké yǎre ñgbě wɛ n pì yínyò sɔkɔ. Képah ye, yé nɛ n me nìvìnì ñgbě sɔkɔ yèsyìkì tǎnɛ.

Yesu-á kwónó nêne n tò sǎhpú kǎ pne ànê kyòo tyí yǎ

¹³ Yépi ye n nɔ kèkǒyóle, sǎ-á pne pǎnne n nɔ. Nte pne dëndèn-à wal ké sɔkɔ, sǎ me kè kɪ tǎ fě pì dëndèn? Kè náh

* 5:5 5.5 - Yah n te Gbálnó 37.11.

tõ fẽ tir yó pekɩ n pi, à wil mílkinó tyí sɔko kégbó, té névyé kɩ n ko n sɔko ké yõ. ¹⁴ Yépi ye kèkõyó kyòole. Kwil nê-à me mónóle yõli yõ, kè náh fẽ n wõbɩ n pi dô. ¹⁵ Pè náh fõtnòle n soh té dúle n kwĩnki n mɔ ké yah. Pè kè sah fõtnò sahki sɔko, kè kõ kè n pi kyòole wòkò sɔko névyé pól tyí. ¹⁶ Sẽ ye yé yĩne yè pi kyòole névyé tyí, pè kõ pè yé tyípeplo pínó we, pè mó yé Súle n gbilki, nê-á me yĩnyõ sɔko.

Yesu-á kwónó nêne ò tõ sáhpú kõ tyi kònsàhnó tyí yõ

¹⁷ Yé káh we ne nímo-á pɔ tyi kònsàhnó duku kò-nsah, képah náh pi Liyel tẽntõ syínyopu-á kwónó nónó kõ, sépi duku kò-nsah dé. Mé náh pɔ sé duku kò-nsah, nte mé pɔ sé tyi píndalnmɔ-nsah. ¹⁸ Kègbɩ yõ mé kéle n yo yé tyí, yĩnyõ ànê sétáh tẽ-à fyò me, kwáh tyĩ yó, képah náh pi kwáhkýírí yó ntẽ náh n wilki n pi tyi kònsàhnó sɔko, fók kɩ pɔ syi ké sɔko tyi pól píntenɔ tyí. ¹⁹ Képah ye, névi nê-à n sàh-nkẽne tyi kònsàhnó sɔko tir kyírí fyé yõ, té no téló tɔ yõ yɩkɩ mɔ sɛntẽ pínó sɔko, tẽ kɩ fórcɔ kal Liyel tǒrí nɔli yópú pólle. Nte névi nê wɔ-à n sah sé sɔko tyíyónó yõ, té séle nolé n kwɔ, tẽ wɔ kɩ yín-nsah ñgbẽ we Liyel tǒrí nɔli yó-nsah sɔko. ²⁰ Mé kéle n yo yé tyí, yáh kɩ pí-ńkẽne gbɩ wèkì kópúle Liyel yah à kal Liyel tyi kònsàhnó kwópú ànê Farisi wèkì kópúle, yé náh Liyel tǒrí nɔli yõ n pi.

Yesu-á kwónó nêne ò tõ sáhpú kõ fòkòvyàhni tyí yõ

²¹ Yé kè noh sɔko ne káh yo á náh tãn tyí ne, ney káh nékókè mɔ. Névi nê-à nékókè mɔ, tẽ-á yĩne tükènole. ²² Nte nímo wɔ kéle n yo yé tyí ne, névi nê-à ò fòko vyàh ò ní-òle, tẽ-á yĩne tükènole. Nê-à ò ní-ò ye Néwòle, tẽ-á yĩne tükènole tukey tükèpu fĩnki tyí. Té nê-à à ye Vínplé, tẽ wɔ-á yĩne dáhnmonole ní-ńkẽ nyàhnpèkè sɔko. ²³ Wáh pɔ á yĩ n kõ kõ kwáhle Liyel kò-nsah, té á dyɔ to kò nénpó sɔko ne wáh pi de á ní-ò yó tyí, ²⁴ á yĩ n kõ kõ kwáh sah nénpó, ò té n kyɩ á wró tõ n sah á ní-ò mènne, ò té n pyè n pɔ kéle Liyel kõ. ²⁵ Tir yó kénkõ-à me yé wró ànê ònì yóle, té à kyɩ ò ye tukey tükè-ò tyí, gbah n tẽ ké yah wah yé yínintẽ-ńkẽ sɔko nénpó. Képah-à pí-ńkẽne, à kɩ kyɩ ále tukey tükè-ò tyí ne à ké yah wah, tukey tükè-ò mè kɩ kyɩ ále sràsyíbì kõ, té pépi kɩ mó ò dah mɔ wòkònpèkè sɔko. ²⁶ Kègbɩ yõ mé kéle n yo á tyí, á náh n wil n pi nénpó, né á náh kòli mè pól dyah te pnépné.

Yesu-á kwónó nêne ò tõ sáhpú kõ fòfìkì tyí yõ

27 Yé kè noh sɔkɔ ne kǎh me yónóle ne: «Káh fòfíkìle n pi.»† 28 Nte nímo kéle n yo yé tyí ne, névi nê-à sê yó yah, té yí wil n tyí, tẽ-á fòfíkì pi te ònne n ni sɔkɔ. 29 A gbòyò sò yí-à kɪ nê n dah n mo n pi tyípékè pínó sɔkɔ, kè gbahɪ n wilki n milki ále fíí. A tékínóle á wil gběnsê fí núkú sɔkɔ, kèpah kɪ fónfó kal á wil pól mínndahnmoɔ yò ní-ńkē nyàhnpèkè sɔkɔ. 30 A gbòyò sò gbò-à kɪ nê n dah n mo n pi tyípékè pínó sɔkɔ, kè kām n milki ále fíí. A tékínóle á wil gběnsê fí núkú sɔkɔ, kèpah kɪ fónfó kal á wil pól kýíndenɔ yò ní-ńkē nyàhnpèkè sɔkɔ.

Yesu-á kwónó nêne n tò sáhpú kō fúr yíkínó tyí yō

31 Kè me yónó tɔle ne, névi nê-à n kyɪle n fin n mo, tẽ-á yĩne à n fínnmoɔ tǎrfyò sébéy pi à kō.‡ 32 Nte nímo tẽ wo kéle n yo yé tyí ne, névi nê-à n kyɪ fin mo né fòfíkì tẽ tyí yò náh, tẽ-á me ònne n mo fòfíkì pínó wèkì yò. Névi nê tɔ-à mó sê fínnmoɔ tɔkɔ, fòfíkì-á tẽ n pi.

Yesu-á kwónó nêne n tò sáhpú kō gblǒy wónó tyí yō

33 Yé kè noh sɔkɔ tɔle ne kǎh yo á náh tǎn tyí ne: «Káh ále n wo mìnì tyi sɔkɔ. Wáh á wo tir nê sɔkɔ Tẽ ñgbě yah, á yĩne n kè pi.» 34 Nte nímo tẽ wo kéle n yo yé tyí ne, yé káh yéle n wo pólle. Yé káh yéle n wo yínyòle. Liyel tǔrí kǒ ye kéle, kèpah ye yé káh yéle n wo kéle. 35 Yé káh yéle n wo sétáhle. Liyel gbyèh súnsh-ñsah kǒ ye kéle, kèpah ye yé káh yéle n wo kéle. Yé káh yéle n wo Yerusalemine. Yòtẽ ñgbě Liyel kwil ye kéle, kèpah ye yé káh yéle n wo kéle. 36 Káh ále n wo á yòle. A náh fẽ á yòyén pó núkú nítẽ fyé piki, kèpah náh pi à kè silki n pi, kèpah ye káh ále n wo kéle. 37 Káh àwewe, yo ne àwe-á. Káh ɔ̀òle, yo ne ɔ̀ò-á. Té wáh nê yo dohnɪ sépi yò, pèkè pí-ò tò vyǎh ye.

Yesu-á kwónó nêne n tò sáhpú kō pèkè dyáhnó tyí yō

38 Yé kè noh sɔkɔ ne kǎh me yónóle ne: «Wáh yí sɔ, á yí kɪ sɔ. Wáh yín dal, á yín kɪ dal.»§ 39 Nte nímo kéle n yo yé tyí ne, névi-à tyítúkù pi yé tyí, yé káh ne yáh ké wóle n de. Té névi-à á gbòyò sò létáh mɪ, ké ní-ò tɔ vi n mo à kō. 40 Névi-à me ké tyí ne pé n ye tukey tükèpu tyí á fwòmònpír syi yinne, á fwòmò-ñgbě tɔle tẽ kō. 41 Névi-à n kyí mo ne á

† 5:27 5.27 - Yah n te Yálnó 20.14; Tõnyonɔ 5.18. ‡ 5:31 5.31 - Yah n te Tõnyonɔ

24.1. § 5:38 5.38 - Yah n te Yálnó 21.22-25.

kíló núkú kɔ péle, kílónó nínó kɔ tẽne. ⁴² Névi nê-à ni á tyí, yĩ tẽ kɔ. Nê-à ne pé deki syi á tyí, káh n yahle.

Yesu-á kwónó nêne ò tò sáhpú kɔ à yuku sépébi tyí-á yĩne kè nɔ pé tyí sɔ

⁴³ Yé kè noh sɔkɔ ne káh me yónóle ne, á ní-ò tyí-á yĩne kè nɔ á tyí,* á mó á sépe dyole n yo. ⁴⁴ Nte ñmɔ kéle n yo yé tyí ne, yé ye yé sépébi tyí nɔ yé tyí, yé mó Liyelle n ni yé fòhpú tyí. ⁴⁵ Yáh képahle n pi, yé Sú Liyel nê-á yĩnyò sɔkɔ, yé me kéle n wɛki ne ñmɔ wɛnpi-á yéle. Ñmɔ ye n se ñ gbĩne népèl ànê népéplɔ tyí, té pũne n pi n mɔ négblo ànê nétúkúni tyí. ⁴⁶ Té yépi tyí-á nɔ nónó tyí, pépi ó tyí-à nɔ yé tyí, yõre nê me yé kɔ n we n pi képah sɔkɔ Liyel tyí? Móri syípú rítè tɔ náh me sɛntẽne n pi di? ⁴⁷ Yáh n wɛki n mɔ yé no ó tyí, gbẽndùnì tir nê me képahle? Liyel wɛkì kó-ńkèpú rítè tɔ náh me sɛntẽne n pi di? ⁴⁸ Yépi tẽ wɔle, yé tyípéplɔ ó kókóle n pi, sɔ-á yé Sú tyípéplɔ ó kókóle n pi, ñmɔ nê-á me yĩnyò sɔkɔ.

6

Yesu-á kwónó nêne ò tò sáhpú kɔ yĩ n kɔ dùkù tyí yò

¹ Yé yé gblɔyne n tẽ gbɔ wɛkì kólóle yĩnyáhkì sɔkɔ dé. Yáh képahle n pi, yé náh ké yõre we n pi Sú Liyel tyí, ñmɔ nê-á yĩnyò. ² Képah ye, wáh kwáhle n yĩ yãm neyne n kɔ, káh ké kwnĩne n kɔ sɔ-á névyé tókù n ne n pi kéle Liyel ní-ńtân vè sɔkɔ ànê wàl yey sɔkɔ, névyé kɔ pè péle n gbilki. Kègbɔ yò mé kéle n yo yé tyí, pè ye ké yõre we te. ³ Nte áwɔ-à kwáhle n yĩ yãm neyne n kɔ, káh n ye ñnì yó rítè pĩ ké sɔkɔ. ⁴ Képah sɔkɔ, yĩnkɔnɔ nê-á á pi, kè kɔ tẽ sètìn sɔ sɔkɔ. Té Sú Liyel nê-á sètìn sɔ tyile n pne, ñmɔ kɔ ñ dyah ké yõrele.

Yesu-á kwónó nêne ò tò sáhpú kɔ Liyel ni dùkù tyí yò

⁵ Yáh Liyelle n ni, yé káh névyé tókùle n yah n pi. Liyel ní-ńtân vè ànê wètlo yey sɔkɔ yúkúnyĩnttẽnó tyí ye nɔ pépi tyí pàh Liyelle n ni. Pé gblɔy wɛki yĩn ye pè n ne n pi képahle. Kègbɔ yò mé kéle n yo yé tyí, pè ye ké yõre we te. ⁶ Nte áwɔ-à me ké tyí ne á Liyel ni, wáh pi ñ de á wòkò sɔkɔ, ñ té á yah vike, ñ té á Sú Liyelle n ni. Té Sú Liyel nê-á sètìn sɔ tyile n pne, ñmɔ kɔ ñ dyah ké yõrele. ⁷ Yáh níri le n pi, yé káh tyile n tɔ n yo tyé-ńkène Liyel pí-ńkèpú tyí kòle. Pépi tẽ sɔnɔ sɔkɔ, tyi tɔnyonɔ kwlɛyy níri ye Liyel n tẽ. ⁸ Nte yĩ

* 5:43 5.43 - Yah n te Levitiki 19.18.

nónó yétô-á me yépi tẽ, yé Sú Liyel sè pĩ te sé ní-ńkẽ gbí nítẽne n tyí. Képah ye, yé káh Liyel pĩ-ńkẽpúle n yah n pi.

⁹ Yáh yĩne yé Liyelle n ni òkù nêne, kè we yò:

Ápi Sú Liyel nê-á yĩnyõ,
á yĩn ne n gbilki.

¹⁰ Á yõtõrí wẽki.

Wáh me nê tyí,

képah ne n pi sétáh yõ, sõ-á kéle yĩnyõ.

¹¹ Á kwey gbìyìkì yòkele á kõ.

¹² Ápi-á pi de áwò tyí tyi nónó sòkò, sè yõ n mọ á kõ, sõ-á ápi tọ yõ mọ névye kõ, nónó-á pi de á tyí.

¹³ Káh n ye à sétàn yõtẽ tònmonole n fẽ n syi.

Nte á pwah n mọ n gbò, òmọ nê tyí-á pèkè pínó sò n wil.

[Yõtõrí, ànê tẽnwenò, ànê gbilkinóle, áwò tyí ye gbímegbí.

Amiina!]

¹⁴ Névyé nónó-á n pi n de yé tyí, yáh n yõ n mọ péle n kõ, yé Sú Liyel nê-á yĩnyõ, à ki n yõ n mọ yé tóle n kõ. ¹⁵ Nte yépi-à névyé tyípèlle n yõ n mọ péle n kõ-ńkẽne, yé Sú Liyel náh yépi tọ tyí yõ n mọ yé kõ n pi.

Yesu-á kwónó nêne n tò sáhpú kõ níkì tẽ òkù tyí yõ

¹⁶ Yáh níkì tẽ, yé káh yé yey kwò n sah névyé tókù tyí kòle. Pépi ńkẽne pé yey yõre n sah ne névyé pĩ ne páh me níkì tẽ. Kègbi yõ mé kéle n yo yé tyí, pè ye ké yõre we te.

¹⁷ Nte áwò-à níkì tẽ, á yah wu, té káh á yõ pi n sah yákará,

¹⁸ névyé kõ pè pĩ ne wáh me níkì tẽ. Té á Sú Liyel nê-á sètìn sò tyile n pne, òmọ ki n dyah ké yõrele.

Yesu-á kwónó nêne n tò sáhpú kõ tahrì koh n sah òkù tyí yõ yĩnyõ

¹⁹ Yé káh tahrìle n yah n koh n sah kèkõyó mè sòkò, képah nê sòkò-á sóhrì ànê syímì ki fẽ séle n yõ, képah náh pi yípú ki fẽ kye de vì sòkò ki sè yĩ tókò. ²⁰ Nte yé tahrìle n yah n koh n sah yĩnyõ, képah nê sòkò-á sóhrì ànê syímì náh me sé yõ yõ tẽne, yípú tọ náh me ki fẽ kye de vì sòkò, képah náh pi ki yĩbe yĩ. ²¹ Á náh we di, á tahrì-à me nýāh, á sòno tọ ki me nénpó.

²² Wil kyòole, yí ye. Á yí-à me vyele, á wil pól ki me kyòo sòkò. ²³ Nte á yí-à yiki, á wil pól ki me fěntũ sòkò. Kyòo nê-á á sòkò, káh ki me fěntũne, á me yíi fěntũ pbèy sòkò dé.

²⁴ Névi yó nítẽ náh fẽ tò kwò n pi n pi yõtām népĩ ními tyí. Á ki núkú dyòle n yo, té ki no n ní-òle. Képah náh pi, à ki

núkúle n tĩnki, té kɪ ò ní-ò we mɔ. Sě ó ye, yé náh fě tō kwro n pi n pi Liyel ànê pó tyí.

²⁵ Képah ye ní kō mé kéle n yo yé tyí ne, yé káh yé fòkòle n sō yáh ne we n yō [té we n wɔ] n pi sō, té kɪ me min sòkɔ, ànê yáh ne yé wil flo we n mɔ n pi sō. Névi min tyí náh tah kal yòkele di? Wil tɔ tyí náh tah kal flole di? ²⁶ Yé yah kèpyele yĩnyō sòkɔ kè; sè náh sèmukòle n duku, sè náh sèmukòle n tɔkɔ; sè náh se mó tō sèmukòle n koh n sah díké sòkɔ; té yé Sú Liyel séle n pu. Nte yépi náh fónfó kal kèpye yō nahnáh di? ²⁷ Yépi sòkɔ nê tē kɪ fě kwéy íntē fyé dohnɪ ò gblɔy min yō, ò fókósōnɔ gbò yō? ²⁸ Nte kwâh nê fòkɔ sōnɔ me yé tyí yé mɔ mɔ flo tyí sòkɔ wé? Yé yah filkɪ fi pi dükùle swěy sòkɔ kè: Sè náh tōle n pi, sè náh se mó tō flole n fi. ²⁹ Nte mé kéle n yo yé tyí ne, yòtē dí Salomo tãh fyé yah yō, à náh flo we mɔ yah nónó-á ple nɔ filfi nópi sòkɔ yó íntēne. ³⁰ Liyel yō sěnyĩ-ńkēpú nópi. Fílkɪ nê-á swãh sòkɔ kweyne, té kɪ pɔ n suke n pi ńsòne, Liyel-á képah fi pi palle sě à, yépi wɔ se pyē à kɪ ye kóhnmɔnɔle kal pléntnɔɔ? ³¹ Yé káh yé fòkòle n sō yè pɔ ne n yo ne, kwâh nê se yé kɪ we yō nɪ? Kwâh nê se yé kɪ we wɔ nɪ? Kwâh nê se yé kɪ we mɔ yé wil sòkɔ nɪ? ³² Yé náh we di, Liyel pí-ńkēpú ye ńkēne ne n yah n kō sépi pólle tyétyéní kēne. Nte yé Sú nê-á yĩnyō, à pĩ ne yĩ nópi pól yétô-á me yé tē dò. ³³ Yé Liyel tōrí ògbò yah n kō, ànê wãh me nê tyí. Képah sòkɔ, à kɪ yĩ téló tɔ pól dohnɪ yé kō. ³⁴ Yé káh yé fòkòle n sō ńsô tyí sòkɔ. Yé ńsô tyi sah ńsô yah. Swō swō pól ànê sé yótyí ye.

7

Yesu-á kwónó nēne ò tō sáhpú kō ne pè káh no télóle n tuke

¹ Yé káh nole n tuke. Képah sòkɔ, Liyel náh yé tɔ tuke n pi. ² Yé náh we di, yáh no télóle n tuke sō, sě ye Liyel kɪ n tuke n pi yé tɔle. Yáh no téló tyíle n sãh dú nēne, yé tɔ tyí kɪ n sãh n pi kéne dú óle. ³ A pi sō té òndan we á yũnpi yí sòkɔ, té dàhnpele áwɔ yí sòkɔ, á náh me képah wɔ pĩ? ⁴ A kɪ pi sō, té kɪ yo á yũnpi tyí ne, à ye á òndan wilki à kō ò yí sòkɔ, té dàhnpele mó tō me áwɔ yí sòkɔ? ⁵ Fòkòpíl névi. A yí sòkɔ dàhnpele ògbò wilki. Képah-à pi, á kɪ fě n yah palle kɪ á yũnpi yí sòkɔ òndan wilki.

⁶ Yĩ nónó-á me Liyel tyí yō, yé káh séle névyele n kō nónó-á me pãhlɔ tyí kòle, pè kō pè káh n pɔ pé yey vi yé tyí

képékèyô. Yé káh mó tǝ yî kêtǎrnɔle névyele n kɔ nónó-á me slo tyí kǝle, pè kǝ pè káh n pɔ n suki n sɔkɔ sé yǝ.

Yesu-á kwónó nêne ñ tǝ sǎhpú kǝ ne pè ne n ni Liyel tyí
 7 Yé ne n ni, yé kɪ n we n syi. Yé ne n yah n kǝ, yé kɪ n we. Yé wùkahle n mɪ, kè kɪ n yɪkɪ n mɔ yéle n kǝ. 8 Yé náh we di, nê-à ni Liyel tyí, tǝ n we n syi. Nê-à yah kǝ, tǝ n we. Nê-à wùkah mɪ, kè n yɪkɪ n mɔ tǝ kǝ. 9 Nê tǝ me yépi sɔkɔ, ñ pídí-à búrn ni ñ tyí à kɪ dáhkiìle à kǝ? 10 Képah náh pɪ, wáh yǝnkô ni ñ tyí, à kɪ wahyne à kǝ? 11 Yépi nónó-á népèlle, yé yé wǝnpì kǝnó yah we yípéplɔle. Tòtò náh me ké sɔkɔ, yé Sú Liyel nê-á me yînyô sɔkɔ, ñmɔ kɪ yîle sé nípu kǝ nónó-á ple kal yépi tyíle dò.

12 Yáh me ké tyí ne no tyi nónó pǝlle n pɪ yé tyí, yépi tɔ sǝknɔle n pɪ pé tyí. Sǝ ye tyi kǝnsǎhnó ànê Liyel tǝntò syínyopu sébéynó yo kéle.

Yesu-á kwónó nêne ñ tǝ sǎhpú kǝ dé-ńsah wǝkè ànê dé-ńsah fǝ tyí yǝ

13 Yé ne n de dé-ńsah fǝlle. Yé náh we di, wǝkì nê-á n yuku tyí yíkínó tǝ-ńsah, ké kóló me fáhfháh, ké dé-ńsah me wòo. Képah sɔkɔ dépú me dò. 14 Nte wǝkì nê-á n yuku tyé-ńkê min tǝ-ńsah, ké kóló me táhnóle, ké dé-ńsah me fǝ. Ké wéndepu náh me fwóo.

Yesu-á kwónó nêne ñ tǝ sǎhpú kǝ Liyel yǝn yǝ mìnnyobe tyí yǝ

15 Yé yé gblǝyne n kyɔmɪ Liyel yǝn yǝ mìnnyobele. Pàh n pi yé tyí, pǝ pé gblǝy pɪ mámm képyénì tyí kǝle, té ké kègbɪ tǝ yǝ sɔkɔ, pè me pékénóle gbǝnpǎhlɔ sǝ. 16 Yé kɪ pè pǝ n pi pé tyípínó sɔkɔ. Yèresǝ náh fǝ n we n gbɛ kahɪ sɔkɔ. Sènsóké pye tɔ náh mó fǝ n we n gbɛ gbíyǝkì sɔkɔ. 17 Sésǎn pèplɔ pól n syi pye pèplɔle. Té séswóntúkù wɔ mó n syi pye túkúnìne. 18 Séswô pèpey náh fǝ n syi pye túkúnìne. Séswóntúkù tɔ náh mó fǝ n syi pye pèplɔle. 19 Séswô nê-à n syí-ńkêne pye pèplɔle, kè n kǎm ñ min n dah n mɔ nyàh sɔkɔ. 20 Sǝ ó ye yé kɪ n pǝ n pi Liyel yǝn yǝ mìnnyobele pé tyípínó sɔkɔ.

Yesu-á kwónó nêne ñ tǝ sǎhpú kǝ tir yónó ànê ké pínó tyí yǝ

21 Kè náh pɪ ne nónó pól-á ñmɔle n ye Tǝ ñgbǝ, Tǝ NGBENE pé pól sǝ kɪ Liyel tǝrí nɔlɪ yǝ n pi dé. N Sú Liyel nê-á me yînyô, ñmɔ-á me nê tyí, képah pípú ó ye kɪ yǝ ké nɔlɪle. 22 Liyel tukey tuke sǝle, névye náhnáh kɪ n yo n pi í tyí ne,

Tě ñgbě, Tě ñgbě, ñmɔ yĩn yõ kó lésõ pé n syi n yo Liyel tẽntõnène ni? Nmɔ yĩn yõ kó lésõ pè n ne n yĩni n wilki sétãñne névyè sɔkɔ ni? Nmɔ yĩn yõ kó lésõ pè n ne n pɪ gbilnó náhnáhle ni? ²³ Nte mé kɪ yo pé tyí ne, mé náh péle n pne pólle. Pè gbe mɔ ñne, Liyel tyi kònsàhnó dèl pípu nópi.

Yesu-á kwónó nêne ñ tò sáhpú kã vì duke ñínó mónó tyí yõ

²⁴ Képah ye, névi nê-á ní welɔ nópi noh, té me sé tyiyónóle n pɪ, tẽ me á kɪ ne lékám névi yó sã, nê-á ñ wòkò mɔ légbí yõ. ²⁵ Pũ me pɔ pɪ, yrey yuku à kwɔkɪ kyɪ syi kéne wòkò tyí, pũnyáhkí tɔ me kã kyɪ mɪ ké sɔkɔ, ñte káh sò sò légbí yõ sã, képah ye kè náh sykɪ. ²⁶ Nte névi nê-á ní welɔ nópi noh té à náh me sé tyiyónóle n pɪ, tẽ me á kɪ ne lékám kẽ névi yó sã, nê-á ñ wòkò mɔ sèm̃yáhrí yõ. ²⁷ Pũ me pɔ pɪ, yrey yuku à kwɔkɪ kyɪ syi kéne wòkò tyí, pũnyáhkí tɔ me kã kyɪ mɪ ké sɔkɔ, kè me sykɪ à pirki kwe pnépné.

²⁸ Képah sɔkɔ, Yesu-á kwónó nópi kã te gbí nêne, tówú gbàn du ñ névyè kwónó dùkùle. ²⁹ Yé náh we di, ñ névyè kwónó dùkù náh sò me Liyel tyi kònsàhnó kwópú tyí kòle dé, kè sò me yòtõrí kwónóle képah ye.

8

Tótẽ dí yó déñmɔnɔle

¹ Yesu-á wil yõh yõ à tiki pɔ gbí nêne, tówú ñgbě ñ sò tẽ. ² Tótẽ yó me nɔ de à gbètukunɔ di ñ yah sɔkɔ, té yo ñ tyí ne, pé Tě ñgbě, wáh me ké tyí wáh kɪ fẽ pé de mɔ pé kã pé pɪ yályál Liyel yah. ³ Wáh yo sã, Yesu me ñ gbõ nɔ à tũ ñ tyí, té yo ñ tyí ne: «Mé me ké tyí, á kɪ de.» Nénpó swɔ, dí dú ñyân núkú tyɛ. ⁴ Képah sɔkɔ, Yesu me yo ñ tyí ne: «Káh yĩ mè yáh ney tyí dé. Té kyɪ á gblõyne sárká syínwilkí-ò wẽkɪ. Moyisi-á sò sárká nê tyí yo sah tótãm déñmɔnɔ tyí sɔkɔ, kyɪ képah wilki, nê-á kɪ kéle pé wẽkɪ ne wáh de.»

Wrome sràsýibí yòtẽ dí yó tònpi déñmɔnɔle

⁵ Té Yesu-á pɔ de Kapernayumi sɔkɔ gbí nêne, Wrome sràsýibí yòtẽ dí yó pɔ ñ tnô té à ni ⁶ ne, pé yòtẽ, pé tònpi dí-á me sɛnóle gbò sɔkɔ wil kúnó ñyãñne ñ sɔkɔ. Wáh me n kwlɔ kèpékèyô. ⁷ Képah sɔkɔ, Yesu me yo ñ tyí ne páh kɪ ñ sò tẽ kyɪ à de mɔ. ⁸ Nte kéne dí me yo Yesu tyí ne, pé yòtẽ, péwɔ-á

fóρω kah ò dénoíe pé gbô soko. Nkě à wey núkú ó yo, té pé tònpi-á kɪ de. ⁹ A kó we ni, yõtã-á me péwo tyí, té péwo to mó me sràsyíbi yísyó yõtêne. Pâh yo nê tyí ne, à soko! Tě n soko. Pâh yo nê tyí ne, à po! Tě n po. Pâh yo pé yõ tyí ne, à tir mè pi! Á kè pi. ¹⁰ Képah soko, Yesu-á kéné welo noh sê, sè ò gbã kah du. A me yo ò sò tẽpú tyí ne: «Kègbɪ yõ mé kéle n yo yé tyí, mé náh Liyel yõ sãnó ògbě mè dùkú névi we yah Yisrayel no ítẽ fyé soko. ¹¹ Té mé kéle n yo yé tyí ne, névyé náhnáh-á kɪ wil ywõ ywõ pólle, kɪ po yõke yõ wẽ tyí Abrahmune, ànê Yisakile, ànê Nsyakobule Liyel tõrí tyah soko. ¹² Nte Yisrayel no nóno-á sò yĩne dénoíe Liyel tõrí tyah soko, pépi kɪ wũ kégbó fẽntũ soko, nýãh soko-á gbní ànê yní táhnó kɪ me.» ¹³ Képah tẽne, Yesu ò syi yo sràsyíbi yõtẽ dí mè tyí ne: «Á syi ne n yuku á òinne. Wáh sê òmɔ yõ sê, wáh nê yah kõ, kè kɪ pi á tyí.» Nénpó swɔ, ò tònpi dí núkú de.

Yámpú náhnáh dénmɔɔle

¹⁴ Képah náh, Yesu kɪ Pyeri gbô, té kɪ Pyeri dénsé we sãnóle wílvyáhnne. ¹⁵ Yesu me tũ pi gbò tyí, wílvyáhní núkú à fin mɔ. Képah tẽne, pi me yuku tyah n yah n dah n mɔ Yesu tyí soko.

¹⁶ Gbíyí-á de, no po névyé náhnáhle Yesu tyí sétã-á sò me dénoíe nóno soko. A me ò vyãh weyne sétã nópi yĩni wilki pé soko, té yámpú téló pól de mɔ. ¹⁷ A képah pi Liyel tẽntò syinyo-ò Yesayi tir yónsàhnó mè kõ kè wil. A lésò ne òkě: «Á ye á yèvyãhrɔ pól tɔkɔ to á yõ, té á yamno pól tye.»

Nónó-á sò me ké tyí ne pé Yesu sò tẽ

¹⁸ Yesu-á tówú ògbě we pé po à mɔ gbĩ sê, à ne pé tò sáhpú àwɔ pé yuku yó-ògbě kahnne. ¹⁹ Képah soko, Liyel tyi kònsàhnó kwó-ò yó no de ò tñô té yo ò tyí ne, kwó-ò dí, páh kɪ ò sò tẽ n kɔ n kõ òne ò yúkú-ítãn pól soko. ²⁰ Wãh yo sê, Yesu me yo ò tyí ne: «Gbẽnpãhlo tyí pì me. Kèpye tyí syè me. Nte Névi Pídí tẽ tyí, wénsẽnmi-ònsah ítẽ náh me.» ²¹ Képah tẽne, ò tò sáhpú soko yó tã à syah ne, kwó-ò dí, à ye pâh po pé sú lékó ògbò yĩ te. ²² Yesu me yo ò tyí ne: «Ñmɔ sò tẽ, ò té n ye nékyî kõ pé pé lékyîle n yĩ.»

Yesu yáhpékè yó yĩn mɔ yó-ògbě soko

²³ Képah soko, Yesu de krótókè soko ànê ò tò sáhpúle pé soko. ²⁴ Dõ yáhpékè yó núkú kõ yó-ògbě yõ soko, fókò krótókè

yõ n tyah yínóle ni soko. Nte Yesu wo sò me n do. ²⁵ Képah soko, ò tò sáhpú nò de ò tnô me kyi ònne n yilki n mo ne ònkè, Tě òngbè, à pé pwah mo oo! Yo-á me n tyah pé yónóle dé! ²⁶ Yesu me yo pé tyí ne: «Kwâh nê pi té tiki yé tẽ? Liyel yõ sěnyĩ-ònkèpú nópi.» Képah tẽne, à yuku à díri kò yáhkí ànê ni yõ, tyah núkú pi súmm. ²⁷ Képah tẽne, kè kah pi gběndùnìne pé tyí. Pè me tyah yo tũ wě tyí ne, nédúkú nê se dí mènne té yáhkí ànê yo to n sah ò tyí yõ ni?

Díbi nēpī nīmī dēnmōnole sētān-á sò me nónó soko

²⁸ Képah soko, Yesu-á kyi yini tẽ yó-òngbè kahnune Kadaru tãn sètáh yõ gbí nēne, díbi nēpī nīmī me wil léyâl wró soko à pò à yohni sètanne pé soko. Pé pékénkahnó tẽ tyí, ney náh sò me fẽ n soko nénpó wèkìle. ²⁹ Pãh pò à yohni, pé tyah n de n syi ne, Liyel Pídí, kwâh nê se à n yah n kò pé tyí ni? A se pò ásò pépi fõh yinne ké gbí nó-ònkè soko ni? ³⁰ Té kè sò pò yĩne sel kwĩnki yísyó me n yah n yõ n kò fíi kwéy péle. ³¹ Sètān nópi me Yesu ni ne, wáh kɪ sé yini wilki díbi nópi soko, à ye sé kò sé kyi n de sel nópi soko. ³² Yesu me ne, sè ne n yuku. Sè núkú wil díbi nópi soko à kyi de sel nópi soko. Sel nópi pól núkú wil yõl yõtah, à to tiki tükütükü à kyi de yo soko à ku. ³³ Képah tẽne, sel nópi fẽpu me to de kwil soko, à kyi tyi nópi pól yãh no tyí, à tahlɪ tir nê-á pi díbi nēpī nīmī nópi tyí sētān-á sò nónó soko. ³⁴ Képah soko, kwil tãn pól wil kyi Yesu yohni. Pãh fyò à we, pé à ni ne à yal pépi sètáh yõ.

9

Sèkùkù dí yó dēnmōnole

¹ Képah soko, Yesu de krótókè soko à ò syi yó-òngbè kah à soko ò kwil soko.* ² Nósyó me sèkùkù dí yó twah sè sè kwâh yó yõ à pò ò tyí. Wáh kè we pé sè ò yõ sè, à yo sèkùkù dí mè tyí ne: «Káh n ye á yáh-ńsah tye ní pídí. A tyípèl pínó ye yõ mo ò kò.» ³ Képah tẽne, Liyel tyi kònsàhnó kwópú yísyó tyah n sò ne, dí mè-á me n yo n de Liyel tyí dé. ⁴ Nte Yesu-á pé sòno pĩ sè, à yo pé tyí ne: «Kwâh nê pi té sòno tükúnìne yé soko sè? ⁵ Mâh yo sèkùkù dí mè tyí ne: «Á tyípèl ye yõ mo.» Képah náh pi, mâh yo ò tyí ne: «Yuku ne n kò.» Dlo me nê tẽ yónó soko kal? ⁶ Nte mé kɪ tir yó pi yé kò yé kɪ pĩ

* 9:1 9.1 - Yesu kwil nê tyí-á n yo ásò soko yò, Kapernayumi ye.

ne, tẽnwenɔ-á me Névi Pídí tyí sétáh yõ kɪ fẽ tyípêl yõ mɔ.» Té n syi yo sèkùkù mè tyí ne: «Yuku, á sã sã kwâh tɔkɔ n ne n yuku á gbô.» ⁷ Dí me yuku à sɔkɔ n gbô. ⁸ Tówû-á képah tẽ we sã, tíkí pè tẽ. Pè tyah Liyel yinne n gbilki wãh sɔnpíle tẽnwenɔ mè dùkùle névye kɔ.

Yesu Matye ye pi n tò sáh-òle

⁹ Yesu-á yal nénpó té n sɔkɔ, à dí yó we à me kɔ tẽ móríle n syi mórí syí-nsah sɔkɔ, pè n ye Matyele. Yesu me yo n tyí ne: «N sò tẽ.» A me yuku n sò tẽ. ¹⁰ Képah náh, Yesu-á sò me yòke yónó sɔkɔ Matye gbô, mórí syípú náhnáh ànê Liyel wẽkì kó-ńkêpú tɔ pɔ n yõ nne wẽ tyí ànê n tò sáhpúle. ¹¹ Farisi wẽkì kópú-á képah we sã, pè yo Yesu tò sáhpú tyí ne, kwâh nê se pi té pé kwó-ò dí n yõ mórí syípú ànê Liyel wẽkì kó-ńkêpúle wẽ tyí ni? ¹² Nte Yesu-á pé wey noh, à yo pé tyí ne: «Névye nónó-á me lènɔle, sènpɪ yétô se me pé tyí? Yámpú tyí náh n yétôle di? ¹³ Liyel-á nê yo ne ńkê: «Yâh wẽ yãmne n yah, képah tyí nɔ ńmɔ tyí kal yáh sárká nêne n suke ńne n kɔ.» Yé kyɪ yé fɔkɔni mɔ yah képah tyí sɔkɔ, yé ké kór pĩ. Yé náh we di, névye nónó-á me n sò ne négló-á péle Liyel yah, mé náh pɔ pépi yé-nsah dé. Nte nónó-á pĩ ne tyípêl pípú-á péle, pépi yé-nsah ye mé pɔ.»

Nìvìnì tir náh me núkùle Nsyifunɔ tyídìle

¹⁴ Képah sɔkɔ, Wèlnwìlkì-ò Nsyõ tò sáhpú nɔ de Yesu tnô té à syah ne, kè se pi sò té pépi ànê Farisi wẽkì kópú níkìle n tẽ té ńmɔ tò sáhpú náh me níkìle n tẽ ni? ¹⁵ Yesu me yo pé tyí ne: «Pãh nónó ye fúr yòke yõ yinne, pépi se kɪ fẽ pé yey kwɔ sah pɛ me gbíne pé niyó? Nte sèpìn yísyó me n pi, pɛ mè kɪ pɔ n tẽ n wilki n pi pé niyó. Légbíne, pè kɪ níkìle n tẽ.

¹⁶ Nnì yó ńtẽ náh yĩne à fwòsãn kãm à fwòdyàh min. Yé náh we di, fwòsãn mè kɪ fwòdyàh mè yɔrɪ tɔ, wãn ó kɔ kè kɪ tɔ mɔ ké tónó yõ. ¹⁷ Dìvẽ sãn tɔ náh yĩne mónóle pley dí sɔkɔ. Wãh képah pi, òvẽ mè-à fũ, kè kɪ pley nópi sɔkɪ, òvẽ kɪ kwe, pley tɔ tyí kɪ yɪkɪ. Nte kàh òvẽ sãnne, pley snó sɔkɔ ye kè n mɔ. Képah sɔkɔ, kèyãh ńtẽ náh n yɪkɪ.»

Pi yó dénɔnɔ ànê sènpir yó lékó yílkínmɔnɔle

¹⁸ Yesu-á me kéne welɔle n yo pé tyí gbí nêne, Nsyifunɔ yòtẽ dí yó nɔ de n tnô, té gbètukunɔ di n yah, té yo n tyí ne pé písê-á yah kwɔ núkúnúkú sã yò. Nte à pɔ kyɪ n gbô sah

ñ yõ, wãh kɪ min wɛ. ¹⁹ Képah sɔkɔ, Yesu ànê ñ tò sáhpú me yuku dí sò tẽ.

²⁰ Té kè pɔ yĩne sê yó sò me náhle n yɔ tyé-ńkêne ye gbõninó. Pi mè me nɔ de Yesule ñ náh ònne, à pɔ tũ ñ fwòmɔnɪ vyãh tyí. ²¹ Yé náh wɛ di, à sò me n sò ñ fɔkɔ sɔkɔ ne páh kɪ tẽ wɛ tũ ñ fwòmɔnɪ ńtẽ ó tyí, páh kɪ de. ²² Yesu-á ñ yah vi té à wɛ, à yo ñ tyí ne: «Káh n ye á yáh-ńsah tye, ń písê. A Liyel yõ sɛnó ye ñ de mɔ.» Nénpó swɔ, pi núkú de.

²³ Té Yesu-á pɔ yĩni tẽ Nsyifunɔ yòtẽ dí gbô, à yikɔ fíbípú wɛ té tówú wɛ pè me n pi wrõwrõ. Képah sɔkɔ, à me yo pé tyí ne: ²⁴ «Yé wil ásô. Pípir náh ku, dɔy† sɔkɔ ye ñne.» Nte pè sò me kóle Yesule n ko. ²⁵ Pãh tówú wilki mɔ te kégbó sɔkɔ, Yesu me de yuku wòkò sɔkɔ, té pípir gbò sɔkɔ tẽ, pípir yuku. ²⁶ Yi mè pínó tyí tyah n yãh kéne mara ywõ ywõ pól sɔkɔ.

Yítũbi népí ními yísyó yí yíkínmɔnɔle

²⁷ Yesu-á yal nénpó à n sɔkɔ gbí nêne, yítũbi népí ními yuku ñ sò tẽ té me yo tũ léyy ne, Davidi Pídí, à pé yãm yah. ²⁸ Yesu-á pɔ yĩni tẽ gbô sɔkɔ, yítũbi nópi me nɔ de ñ tnô. A me pè piki yah ne, pè se sê ké yõ ne péwɔ-á kɪ fẽ pé yí yuku mɔ ni? Pè me ne, àwe-á, Tẽ ngbẽ. ²⁹ Képah sɔkɔ, Yesu tũ pé yí tyí té ne: «Yáh sê ńmɔ yõ sɔ, té nê yah kɔ ń tyí, Liyel kè pi yé tyí sê.» ³⁰ Képah tẽne, pé yí yuku mɔ. Yesu me pè gbah sni ne, pè pé gblõy tẽ, pè káh n ye ney pĩ ké sɔkɔ dé! ³¹ Nte pé wilntɛnɔ ñsò, pè kyɪ tyah Yesu yíngbíle n yo n kɔ kéne mara pól sɔkɔ.

Dí yó dénmɔnɔle nê vyãh-á sò me gbínóle

³² No nópi-á wil n sɔkɔ gbí nêne, nósyó pɔ dí yóle Yesu tyí, nê-á sétó yó me ñ sɔkɔ à kɔ à pi kèdòkile. ³³ Yesu-á núkú sétó mè yĩni wilki dí mè sɔkɔ, dí tyah n wɛkɪ. Kè pi gbẽndùnĩne tówú pól tyí, pè me yo tũ ne ńkẽ, pépi náh ñsòntẽ dùkù wɛ yah Yisrayel sɔkɔ pólle. ³⁴ Nte Farisi wèkì kópú wɔ sò me yo tũ ne, sétàn yòtẽ gbò yõ-á à n yĩni sétànne.

Tówú yãm me Yesu tẽ

³⁵ Yesu lésò me kwló-ngbno ànê kwlópí pólle n kɔ n kɔ, me nole n kwɔ Liyel ní-ńtàn vì sɔkɔ, me Nìvìnì tirlɛ n yo Liyel tǒrí tyí yõ, té me yámpú pól ànê néfukuló pólle n de n

† 9:24 9.24 - Dɔy nê tyí-á Yesu n yo ásô yò, dɔy gbɔy náh sò dé. Pípir sò ku kègbi yõ. Nte Yesu-á sò pĩ ne páh kɪ fẽ ñ lékó yilki mɔ sê, képah ye à ne dɔy sɔkɔ-á ñne.

mɔ. ³⁶ Yesu-á tówû nónó we kwlónó sɔkɔ, té pé yáh-ńsah me tye á kɪ ne yípêy sɔ̃ fě-ò kěne sé tyí, pé yām à tẽ. ³⁷ Képah sɔkɔ, à yo ò tò sáhpú tyí ne: «Sèmukɔ tɔkɔ tɔkɔ tẽ me dò, té ké tònpiɓɓe kwéy. ³⁸ Káh pɪ sě, Tẽ ñgbě Liyel nê-á sèmukɔ nétêne, yé à ni à tònpiɓɓe tekɪ n mɔ sèmukɔ tɔkɔ yĩnne.»

10

Yesu tẽntò névyé népî gbõnimíne

¹ Sò yóle, Yesu ò tò sáhpú népî gbõnimí ye pɔ, té tẽnwenɔle pè kɔ ne pè sétãnne n yĩni, pè mó yámpú pólle n de mɔ, ànê néfukuló pólle. ² Kéne népî gbõnimí nópi ye à pɪ ò tẽntò névyele. Pé yni we yò: Kè tyah Simo tyí, nê-á pè yĩn dyɪ à kɔ Pyerɪle, ànê ò gbẽndí Andrele, à tahlɪ Nsyakɪ ànê ò gbẽndí Nsyɔ̃ tyí, pépi nónó-á Nsebede dínpiɓe, ³ à tahlɪ Filipi ànê Bartelemi tyí. Toma sò me pé sɔkɔ ànê Matyele, nê-á sò mórí syí-òle, à tahlɪ Alfe pídí Nsyakɪ tyí ànê Tadule, ⁴ ànê Simole, nê-á sò sú fɔ vyáh syípú sɔkɔ yóle, à tahlɪ Nsyudasɪ Yisikariyɔtɪ tyí nê-á pɔ pɪ pè kɔ pè Yesu tẽ.

Yesu tẽntò névyé népî gbõnimí tékínmɔnɔle Nìvìni tir yó-ńsah

⁵ Népi gbõnimí nópi ye Yesu tó té kè gbah yo pé tyí ne: «Yé káh kyɪ névyé tĩnne nónó náh pɪ Nsyifunɔle, ànê yé káh de Samari tãn kwil yó ñtẽ sɔkɔ. ⁶ Yé ne n yuku Yisrayel no wɔ tĩnne, pépi nónó-á me képyénì mɔnpunɔ tyí kòle. ⁷ Yáh kɪ n yuku wěkì yò, yé ne n yo n yuku ne, Liyel tɔrí-á me yĩni tẽ te. ⁸ Yé yámpúle n de n mɔ. Yé lékyúle n yilki n mɔ. Yé tótãmne n de n mɔ pé dú ñyân sɔkɔ, yè mó sétãnne n yĩni n wilki névyé sɔkɔ. Yáh we syi ònòle sɔ̃, yé tɔ ne n kɔ ònòle sě.

⁹ Yé káh pɔ tɔkɔ dah mɔ yé yò. ¹⁰ Yé káh pley, ànê fwòmolo ní-òno, ànê lékyéh, ànê lépló tɔkɔ kóló yĩnne. Yé náh we di, tònpi yĩne ò tò pínó yòke yónóle.*

¹¹ Yáh kyɪ de kwil-ñgbě képah náh pɪ kwilpír nê sɔkɔ, yé négbí yah kɔ yè twah tẽ tyí. Yé mó tẽ tẽ tyí, fɔ́ kè pɔ no yé yálnó tyí kéne kwil sɔkɔ. ¹² Té yáh kyɪ n de kéte nê sɔkɔ, yé yo pé tyí ne yèvinɪ ne me pé yò. ¹³ Kéne kéte tãn-à fě syi yé twah pé tyí, yèvinɪ mè kɪ me pé yò. Nte pàh yahle, yèvinɪ mè kɪ ké syi pɪ yé tyíle. ¹⁴ Yáh de gbô nê sɔkɔ képah náh pɪ kwil nê sɔkɔ, té pé yahle ne yé káh twah pé tyí, té yahle

* **10:10** 10.10 - Yah n te 1 Korènti tãn 9.14 ; 1 Timote 5.18.

yé wey nóhnóle, yâh n yal, yé yé gbyêh nèngbõ kwere n kwe nénpó. ¹⁵ Kègbı yõ mé kéle n yo yé tyí, Liyel tukey tuke sòle, Sodomu kwil ànê Gbomoru kwil fòhnó nítê nâh n peke n no n pi kéne kwil tyíle.»

Yèvyâhrı nê-á kɪ n pɔ n pi

¹⁶ «Yé yah, yé me á kɪ ne képyénì sɔ́ nímɔ n tɛkɪ n mɔ gbènpâhlo niyó. Yé ne me lékám névyele áswɔ́ pléy tyí kòle, yé fòkɔ́ mó ne me pépér títì sɔ́. ¹⁷ Yé yé gblòyɛ n kyomɪ névyele dé. Pè kɪ yéle n tɛ́ n tuke n pɔ tukey tükè-ntàn sòkɔ́, té kɪ yéle n ko yèfòhle Liyel ní-ńtàn vî sòkɔ́. ¹⁸ Pè kɪ yéle n tɛ́ n kyɪ n pɔ kwiltām yòtām ànê yòtām tyí nímɔ yinne. Képah sòkɔ́, yé kɪ nímɔ tyíle n we n yo pé tyí, à tahlú névyé tyí nóno nâh pɪ Nsyifunole. ¹⁹ Nte pàh yé tɛ́ n yuku tükè-nsah, yé kâh ye yé yâh-nsah tyé yâh ne n yo n wil n pi sɔ́, ànê yâh ne nê yo n pi. Yâh ne nê yo n pi, ké sòno kɪ de yé sòkɔ́ nénpó swɔ́. ²⁰ Yé nâh we di, yé yah yíi welo nâh yé kɪ n wekɪ dé, Sú Liyel Mirki ye kɪ tɛ́ yé yahle yé kɪ n wekɪ. ²¹ Névyé kɪ pè kɔ́ pè kɪ pé yúnpyéle n tɛ́ n ko n mɔ. Súbì tɔ kɪ sèntène n pɪ pé wènpì tyí. Wènpì tɔ kɪ pé dúbípú tyí yahle, té kɪ pè kɔ́ pè kɪ péle n ko n mɔ. ²² Névyé pól kɪ yé we mɔ nímɔ yinne. Nte nê-à n tah sah à pɔ no ké tyénó tyí, tɛ́ kɪ pwâhnmɔno we. ²³ Pàh yéle n fòh kwil yó sòkɔ́, yé sòkɔ́ kèyâh sòkɔ́. Kègbı yõ mé kéle n yo yé tyí, nímɔ nê-á Névi Píðine, yé nâh tɔ́nì Yisrayel kwlo pól kɔ́ n kɔ́ n te n pi té mé kɪ pɔ.

²⁴ Tir sâh-ò nâh n kal n pne n kwó-òle. Tònpɪ tɔ nâh n kal n pne n yòtène. ²⁵ Tir sâh-ò-à pɪ n kwó-ò tyí kòle, kè kɪ yîne. Tònpɪ tɔ-à pɪ n yòtè tyí kòle, kè kɪ yîne. Névyé-á fyò me kéte tɛ́ dí nítène n gbyɔ́ Belsebulile, (nê kór-á sétàn yòtène), n kéte tãn wɔ se pyé pè kɪ ye gbyònpèkenole? ²⁶ Kâh pɪ sɛ́, yé kâh névyé yah tíkile n pɪ. Yé nâh we di, tyípìl yó nítê nâh n wũ n pi wìlkinmɔ-ńkène. Sètìn sò tir yó nítê nâh n wũ n pi pí-ńkène. ²⁷ Mâh tyi nóno n yo yé tyí fèntũ sòkɔ́, yé séle n yo n wilki n mɔ tyah kyòo yah. Tyi nóno-á n plɔ́ n yo yé tyí yé níkíló yey, yé sé kwníne n kɔ́ gbèntìn yõ. ²⁸ Yé kâh névyé yah tíkile n pɪ, nóno-á névyele n ko mɔ n pne, té pè nâh fè n min ko mɔ n pi. Nte Liyel nê-á kɪ fè névi wil gbènsé ànê n min tɔ min dah mɔ ní-ńkè nyàhnpèkè sòkɔ́, yé nímɔ wɔ tíkile ne n pɪ. ²⁹ Ntènpínó nínó n yãm pópíkí pó núkú óle. Nte sé sòkɔ́ yó nítê nâh n sykɪ sétâh, né yé Sú Liyel nâh ké wèkì kɔ́. ³⁰ Nte yépi tɛ́ wòle, yé yòyén nítê pól dan me pínóle

Liyel tyí. ³¹ Kǎh pɪ sɛ̃, yé káh tíkile n pɪ, yépi tyí náh tah kal ñtɛ̃npí kwĩnki tyíle di?

³² Névi nê-à kè yo dal mɔ névyé yí yah ne páh me nímo tyí yõ, nímo tɔ kɪ kè yo dal mɔ ní Sú yí yah nê-á me yĩnyõ, ne tɛ̃-á me nímo tyí yõ. ³³ Nte nê-à yahle névyé yí yah ne pé náh me nímo tyí yõ, nímo tɔ kɪ yahle ní Sú yí yah nê-á me yĩnyõ, ne tɛ̃ náh me nímo tyí yõ.»

Yesu tyí-á gbékínó nê dahbi kèkõyó

³⁴ «Yé káh we ne yèvinu-á mé pɔ mó-ńsah sétáh yõ dé. Yèvinu náh mé pɔ mó-ńsah sétáh yõ, gbékínó wɔ ye pyé. ³⁵ Mé pɔ dí ànê ñ sú wró gbékí-ńsah; sɛ̃npir ànê ñ yú wró gbékí-ńsah; sê ànê ñ pe yú wró gbékí-ńsah. ³⁶ Névi gbô tãn ye kɪ pɪ ñ sépébíle.

A á gblõy dyɔ yíi tyi we ye, té Yesu sò tɛ̃

³⁷ Névi nê sú, képah náh pɪ ñ yú tyí-à nɔ ñ tyí à kal nímo,le, tɛ̃ náh yĩne à ne n me nímo tyí yõ. Névi nê pídí, képah náh pɪ ñ písê tyí-à nɔ ñ tyí à kal nímo,le, tɛ̃ náh yĩne à ne n me nímo tyí yõ. ³⁸ Névi nê-à ñ syɪ syɪ dahnɪ twah ní sò tɛ̃-ńkɛ̃ne, tɛ̃ náh yĩne à ne n me nímo tyí yõ. ³⁹ Névi nê-á ne páh pé minne n koh n sah, tɛ̃ kɪ tekɪ tyé-ńkɛ̃ min sɔkɔ. Té nê-á tekɪ ñ min sɔkɔ nímo yĩnne, tɛ̃ wɔ kɪ tyé-ńkɛ̃ min we.»

Yõre nê-á n we Liyel nípú tɔ̃nsàhtɛ̃nɔ sɔkɔ

⁴⁰ «Névi nê-à yé tɛ̃ ple, nímo ye tɛ̃ tɛ̃ ple. Nê tɔ-à nímo tɛ̃ ple, Sú Liyel nê-á tekɪ mɔ níne, ñmo ye tɛ̃ tɛ̃ ple. ⁴¹ Névi nê-à Liyel tɛ̃ntò syínyo-ò tɛ̃ ple ñ pínó yĩnne Liyel tɛ̃ntò syínyo-ò, Liyel tɛ̃ntò syínyo-ò dyah dyah kwáh kénkõ ye kɪ dyah tɛ̃ne. Névi nê tɔ-à négbí tɛ̃ ple ñ pínó yĩnne négbíle, négbí dyah dyah kwáh kénkõ ye kɪ dyah tɛ̃ne. ⁴² Kègbɪ yõ mé kéle n yo yé tyí ne, névi nê-à nívinó ńgbíyĩne nímo tò sáhpú sɔkɔ yó ñtɛ̃ fyé kɔ à wɔ ñ pínó yĩnne nímo tò sáhp-ò,le, tɛ̃ náh n tekɪ n pí ké lédyáhní sɔkɔ pólle.»

11

¹ Képah sɔkɔ, Yesu-á tyi kwáh sah ñ tò sáhpú népí gbõnimí kɔ te gbí nêne, à yal nɛ̃npó à yuku gbòplo kwlo sɔkɔ, à kyɪ kwónòle n pɪ té Nìvìnì tirlé n yo.

Wèlnwìlkì-ò Nsyõ-á pikínyahnɔ nê pɪ Yesu Krista tyí sɔkɔ

² Wèlnwìlkì-ò Nsyõ sò me wòkònpèkè sɔkɔ té Krista tyípínó tyí yónó noh. A me ñ tò sáhpú yísyó tò pè kyɪ à

piki yah ne, ³ ñmɔ se Liyel ney yáhntòkɔnɔle nê-á kɪ sò n pɔ n pi, fɪ pé se yĩne pé ñnĩne n syɪkɪ nɪ? ⁴ Yesu me yo pé tyí ne: «Tyi nónó-á yé n nohni té séle n yah yò, yé kyɪ sè yāh Nsyɔ tyí ne, ⁵ yítūbi yí-á me n yɪkɪ n mɔ, sèkukubi me n kɔ tómtóm, tótām me n de n mɔ, níkitūbi me n nohni, lékyí me n yilki n mɔ, ànê Nìvìnì tir me n yo n kɔ yām tām tyí. ⁶ Nte ñmɔ tyí-á kɪ névi nê kɔ à ní yò sɛnó yáhle-ńkɛne, tɛ wɔ tyí nɔ.»

⁷ Nsyɔ tò sáhpu-á pé syɪ sɔkɔ te gbí nêne, Yesu tyah Nsyɔ tyíle n yāh tówú tyí ne ńkɛ: «Kwāh nê me yé kyɪ yah gbɛnnu sɔkɔ? Fílkɪ yó se yáhkɪ me n fi n kɔ? ⁸ Nte kwāh nê me yé kyɪ yah wé? Dí yó se nê-á me fwòtähnì mɔ? Té nónó-á mó tò fwòtähnìne n mɔ, pépi me yótām fné sɔkɔ dò. ⁹ Nte kwāh nê me yé kyɪ yah wé? Liyel tɛntò syínyo-ò yó se? Mé kéle n yo yé tyí ne sɛ-á. Té ñmɔ ńtɛ-á kal Liyel tɛntò syínyo-òle. ¹⁰ Yé náh we di, Nsyɔ tyí ye wárkínsàhnòle Liyel wey sébéy sɔkɔ ne Liyel-á ne: «Yah, ñmɔ Liyel kɪ ní tɛntò névi tekɪ mɔ á yahle, à kɪ pɔ á wɛkì tò sah.»* ¹¹ Kègbɪ yò mé kéle n yo yé tyí ne, sè fɔkɔ táh pi yó ńtɛ náh me nê-á kal Wèlnwìlkì-ò Nsyɔne. Nte nê-á tyí kal Liyel tɔrí nɔlɪ yópú sɔkɔ, ñmɔ ńtɛ kal ñne. ¹² Té à tɔkɔ Wèlnwìlkì-ò Nsyɔ gbí tyí, pópó à pɔ syɪ núkúnúkú tyí, Liyel tɔrí nɔlɪ me n we n yò táhnsàhnó ó sɔkɔ. Táhnsàhpu ye n we kéle. ¹³ Liyel tɛntò syínyopu pól ànê Moyisi tyi kònsàhnó sò me Liyel tɔrí tyíle n yo, pópó à pɔ syɪ Nsyɔ gbí tyí. ¹⁴ Yáh kɪ fɛ n sɛ n pi ké yò, Nsyɔ ye Yeli mènne, nê pónó tyí-á sò yónsàhnóle.† ¹⁵ Nê-á kɪ me kè noh, tɛ kè tɛ yĩn.

¹⁶ Mé kɪ kwey gbí névye tɔkɔ sāh nêne wé? Pè me á kɪ ne wɛnpì sò kɔ tɛ tówú tükè-ńtām sɔkɔ, té me n yo n mɔ pé no tyí ne, ¹⁷ pépi-á yɪkɪ fɪbɪ pé tyí, té pè náh yi. Pé tò kú yìkì gbɪ mɔ, pè náh se tò gbo. ¹⁸ Sɛ ye kwey gbí névye tɔ me n pi. Yé náh we di, Nsyɔ-á lésò pɔ, à náh me yòke yèsyìkìle n yò, à náh me ñvɛne n wɔ. Képah tɛne, pè ne sétò-á me ñ sɔkɔ. ¹⁹ Nte Névi Pídí wɔ-á pɔ, ñmɔ n yò palle té n wɔ palle. Pè me tò ne, pè yah yèwònpɪ ànê sètɛ-á ñne, mórí syípú ànê tyípél pípú kódí-á ñne. Nte Liyel lékām-á n tɔkɔ à tyí nónóne n pi, sé pal n pne sé tò n sah n pi ñkɔ sɔkɔ.

Yesu kàhnwɛkɪnɔle Kalile mara kwlo yísyó yò

²⁰ Képah náh, Yesu-á sò ñ gbìlnó kan pi kwlo nónó sɔkɔ, à tyah n kah n wɛkɪ sé névye yò, pāh sɔnpíle yahle pé tyípél

* **11:10** 11.10 - Yah n te Malaki 3.1. † **11:14** 11.14 - Yah n te Malaki 3.23.

πίνό yálnmōnōle. A ne: ²¹ «Pèkè me yé yō, Korasini tãn. Pèkè me yé yō, Betisayida tãn. Ngbõ gbìl tyi nónó-á pì yé ùnne, sēnkno-à sō me pì Tiri ànê Sidō tãn ùnne, pè nàhki me yèkwōri flo mō, té nàhki me pé piki syìle à pé tyípèl pínó yal mō di mónóle. ²² Képah ye mé kéle n yo yé tyí, Liyel tukey tuke sōle, Tiri ànê Sidō tãn[‡] fóhnó nítē náh n peke n nō n pì yépi tyíle. ²³ Té yépi-á dò Kapernayumi tãn, yé se me n sō ne yáh kì dōkō mō yínyō? Pólle, yé kì tiki mō yuku fókókwíl nyàh tē-nsah. Yé yah, gbìl nónó-á pì yé ùnne, sēnkno-à sō me pì Sodōmì tãn tyí, Sodōmì kwil nàhki me sē kwey mè sōkō. ²⁴ Képah ye mé kéle n yo yé tyí, Liyel tukey tuke sōle, Sodōmì kwil tãn fóhnó nítē náh n peke n nō n pì yépi tyíle.

Wékínóle Sú Liyel tyí

²⁵ Légbíne, Yesu ne níké: «Bõ, áwō nê-á yínyō ànê sétáh nētēne, mé n wekì á tyí wáh sōnpúle tyi nópi wōbì yí pípú ànê lékám névyeh yah, té séle névyeh wō wēkì nónó-á me wēnpì sō. ²⁶ Bõ, kè ye áwō dyo á kè pì sē.» ²⁷ Yesu tō ne: «Ní Sú ye tyi pólle ní gbõ dahbì. Nmō nê-á Pídíne, nnì yó nítē náh níne n pne né Sú ó náh. Nnì yó nítē tō náh mó Súle n pne né Pídí ó náh, à tahlì Pídí-à me ké tyí ne pé ñne nê wēkì.

Yesu-á yèvinì nēne névyeh n kō

²⁸ Yépi nónó pól-á me kwlónó sōkō tókópèlle yé yō, yé pō nímo tyí, mé kì yé kō yé kì n mì. ²⁹ Népír névi ànê gblōy tìkinmō-ò ye nímo. Képah ye, máh yéle n mō tō nê sōkō, yé kè fē syi yè mó pì ní tō sáhpúle. Képah sōkō, yé kì n we n mì. ³⁰ Yé yah, nímo tō náh tah, ní tókóbì me fáhah fáhah.»

12

Yesu-á nê yo mì mì yòh tyí sōkō

¹ Légbí mè ó sōkō, mì mì yòh sō yóle Yesu ànê n tō sáhpú sō me n kah sèmuco swēy yísyó sōkō. Té kwekì sō me n tō sáhpú tē. Káh pì sē, pè mì de sèmuco ywō kōlìntahnō sōkō. ² Farisi wēkì kópú-á képah we sē, pè me yo Yesu tyí ne, tir nê pínó wēkì náh me kōnóle mì mì yòh sōle, à ne n yah n tō sáhpú kéle n pì lé. ³ Nte Yesu me yo pé tyí ne: «Kwekì-á lésō yòtē dí Davidi ànê n náh névyeh tē, wáh nê pì, yé náh kè kar yah di? ⁴ Búrn nónó-á lésō me sàhnóle Liyel

[‡] **11:22** 11.22 - Tiri ànê Sidō tãn-á sō pì Nsyifunō náh péle sē, Nsyifunō sō me péle n mō n kō tyípèl kàhnripule. Yah n te Yesayi 23.

tyí yõ Liyel wòkò sòkò, à náh lésõ de ké sòkò à sè tòkò tah ànê ò náh névyele di? Té à wil sárká syínwìlkìpu tyí sòkò, ney náh lésõ yĩne sé táhnóle.* 5 Yé se kí ne yé náh kè kar yah tòle ne, sárká syínwìlkìpu-á òkène mì mì yòh dèlle n pì Liyel ní-ńsah gbô sòkò mì mì yòh sònóle, té lékàh náh me pé tyí?† 6 Nte mé kéle n yo yé tyí, névi me ásò ònê-á kal Liyel ní-ńsah gbôle. 7 Liyel kè yo ne òkè: <Sárká súkénkõnò náh mé n yah n kò dé, wẽ yãm yáhnó ye mé n yah n kò.> Yáh sò me képah kórle n pne, yé náh náhkì lékàhle lékàh kè névyele kò n pì. 8 Yé náh we di, Névi Pídí ye mì mì yòh yòtène dò.»

9 Yesu-á yal nénpó, à sòkò pé Liyel ní-ńsah wòkò yó sòkò. 10 Gbònkù dí yó sò me nénpó. Té pè sò me ké tyí ne pé lékàh we Yesu kò. Káh pì sè, pè Yesu piki yah ne òkè, yónwó dènmònò wèkì se me kònóle mì mì yòh sòle nì? 11 Nte à me yo pé tyí ne: «Yé sòkò yó tyí kèpó núkú ó-à me, té à sòkò de pwàhsùkù yó sòkò mì mì yòh sòle, tẽ se kí ye ò kyínwìlkìnóle lésòle? 12 Nte névi náh fónfó kal náhnáh kèpó yó di? Káh pì sè, pèpòrì pínó wèkì me kònóle mì mì yòh sòle.» 13 Kèpah tẽne, té yo gbònkù dí mè tyí ne: «Á gbò tò.» A me kè tò, kè núkú pì vile ké ní-ò mè sò. 14 Nte Farisi wèkì kópú-á fyò wil Liyel ní-ńsah wòkò sòkò, pè kyì wẽ we à vî-ńsah yah Yesu we n ko n mọ yĩnne.

Liyel-á nê yah wilki ne à pé tòle n pì

15 Yesu-á pọ pĩ ne Farisi wèkì kópú-á me pé kònmọ-ńsahle n yah n kò, à yal nénpó. Névyele náhnáh me ò sò tẽ. A me pé sòkò yámpú pól de mọ, 16 té pè gbah sni ne pè káh pé tyí yáh ney tyí. 17 Yesu-á kèpah pì, Liyel-á lésõ ònê yo sah ò tẽntò syínyo-ò Yesayi tyí, kè wil. A lésõ ne òkè:

18 «Máh ònê yah wilki ne à ò tòle n pì, à we yò.

N nìdè ney ye ònne. Nmọ ye ò nìvìnì yòle.

Mé kí ò Mirki tiki mọ ò yò,

à kò à kí gbì wèkì tyí yo yìkìnì pól névyele tyí.

19 A náh yékàb pì n pì neyne, à náh n gbo n mọ n tũ n pì, ney náh ò yĩnpò noh n pì tówù tükè-ńtàn sòkò.

20 Fìlkì ònê-á me kwónmòntèńóle, à náh ké téy kwọ n pì.

Fòtò ònê-á me n tyah nínóle, à náh ké téy nì n mọ n pì.

Sè ye à kí n pì, pópó kí pọ nọ gbí ònê-á gbì wèkì kí yah syi.

21 Té yìkìnì pól névyele gbò sàhnó kí me òmọ yò.»‡

* 12:4 12.4 - Yah n te 1 Samuyelì 21. † 12:5 12.5 - Yah n te Yáhnó 28.9-10.

‡ 12:21 12.18-21 - Yah n te Yesayi 42.1-4.

Yesu tẽ we sétàn yõtẽ tyí

²² Képah náh, nósýó dí yó tẽ pɔ Yesu tyí. Sétõ sò me n sɔkɔ à kɔ à pɪ yítũ ànê kèdòkìlɛ. Yesu me à de mɔ, à kɔ tẽ we n wɛkɪ, té fẽ n yah. ²³ Képah tẽne, kè pɪ gbëndùnìne tówù pól tyí, pè me tyah n yo wẽ tyí ne: «Té Davidi Pídí náh yò lé?» ²⁴ Nte Farisi wèkì kópú-á képah tẽ noh sɛ, pè ne sétàn yõtẽ Belsebuli ó gbò yõ-á à n yini sétànne. ²⁵ Té Yesu-á pé fɔkɔ sònɔ we sɛ, à yo pé tyí ne: «Yõtõrí nê tẽ névye-à fyò yuku wẽne n fwo, kéné yõtõrí kɪ ykɪ. Kwil nê névye-à yuku wẽne n fwo, kè náh n wũ n pi. Sɛ ó ye, kéte nê névye-à yuku wẽne n fwo, ké tɔ náh n wũ n pi. ²⁶ Té sétàn yõtẽ-à tyah n nole n yini, n gblõy náh à n fwo di? N yõtõrí se kɪ wũ? ²⁷ Té nímɔ-à me sétànne n yini Belsebuli gbò yõ yé yo à; yépi tĩnkì névye wɔ-á dò, nê gbò yõ me pépi n yini séle wé? Pépi rítẽ ye kɪ lékàhlɛ yé kɔ. ²⁸ Liyel Mirki gbò yõ-à mé n yini séle, képah n wèkɪ ne nkẽ, Liyel tõrí-á yini tẽ yé tyí. ²⁹ Tàhkì-á me díš nê sɔkɔ, nê kɪ fẽ n púkúbí-ńkẽ sɔkɔ, kɪ de n wòkò sɔkɔ kɪ n gbàn yí kwel? Máhah wáh kɪ à pukubi té kɪ pyè de n wòkò yí kwel. ³⁰ Névi nê-à mó-ńkẽne nímɔlɛ, tẽ me nne n fwo. Névi nê náh me ríne n yohnɪ n mɔ tükènmɔnɔ sɔkɔ, tẽ me kárkínóle n pɪ.

³¹ Képah ye, mé kéle n yo yé tyí ne: «Névye tyípèl pól ànê pé Liyel gbyònó pól kɪ fẽ yõ mɔ pè kɔ. Nte Liyel Mirki gbyònó tẽ wɔ náh n yõ mɔ n pi pé tyí pólle. ³² Névi nê-à yo de Névi Pídí tyí, kè kɪ fẽ yõ mɔ tẽ kɔ. Nte névi nê-à yo de Liyel Mirki tẽ wɔ tyí, kè náh yõ mɔ tẽ kɔ n pi kweyne, kè náh yõ mɔ tẽ kɔ n pi nsò tɔle.»

³³ Yé yah, séswô n pne ké pye dùkù sɔkɔ. Yáh ne séswô nê-á me ple, yé ne ké pye tɔ-á me ple. Yáh ne séswô nê náh me ple, yé ne ké pye tɔ-á me kétúkuyô. ³⁴ Wáhnmiró nópi, tyípéplɔ se kɪ fẽ n wil yé vyëy sɔkɔ té yé nno mó tõ me yúkúnóle pèkèlɛ? Névi nɪ-á me yúkúnóle tyi nónónɛ, sépi ye n wil tẽ vyáh sɔkɔ dò. ³⁵ Népépëy tyípéplɔ n wil n nɪ sɔkɔ. Nétúkù tyítúkùnì tɔ mó n wil n nɪ sɔkɔ. ³⁶ Nte mé kéle n yo yé tyí, yah kẽ wɛlɔ nónó pól-á névye n wɛkɪ, sé ywõ kɪ piki n yah n pi pé tyí Liyel tukey tuke sòlɛ. ³⁷ Tukey kɪ tuke á yõ à yine á vyáh weyne kɪ gbile n kɔ, képah náh pɪ kɪ lékàhlɛ n kɔ.

Névye me kéle n yah n kɔ Yesu tyí ne à gbìl yó pɪ, nê-á n wèkɪ ne wáh n wil Liyel tyí

³⁸ Képah sɔkɔ, Liyel tyi kònsàhnó kwópú ànê Farisi wěkì kópú yísyó me Yesu syah ne, pé kwó-ò dí, páh me ké tyí ne à gbíl yó pɪ pé yah, nê-á n wěki ne wăh n wil Liyel tyí. ³⁹ A me yo pé tyí ne: «Kwey gbī névyé náh plɛ. Pè náh me tē Liyel ó tyí yō. Pè me ké tyí ne mé gbíl yó pɪ pé yah. Nte kèyăh nítē náh pɪ pè wěki n pi, à wil Liyel tēntò syínyo-ò Nsyonasi tyí sɔkɔ. ⁴⁰ Yé yah, sɔ-á lésō Nsyonasi sèpìn tōnì pɪ yěnkô-ngbēkì yó fɔkɔ sɔkɔ,* sē ye Névi Pídí tɔ kɪ sèpìn tōnì pɪ sètáh sōwăh. ⁴¹ Nsyonasi-á lésō Liyel tēntò yo Ninivi kwil tăn tyí, pè fē syi pé tyípêl pínó yal mɔ. Nte ney me ásô nê-á kal Nsyonasule. Kăh pɪ sē, Liyel tukey tuke sōle, Ninivi kwil tăn kɪ yuku kwey gbī névyé yō, kɪ lékăhle pè kō. ⁴² Pɪ nê-á lésō yōtēne Saba sètáh yō, à lésō wil fíí sètáh yīn tyí, à pɔ yōtē dí Salomo lékăm welɔ noh.† Nte ney me ásô, nê-á kal Salomole. Kăh pɪ sē, Liyel tukey tuke sōle, kéné pɪ kɪ yuku kwey gbī névyé yō, kɪ lékăhle pè kō.

Sétō syínpɔndenɔle névi sɔkɔ

⁴³ Sétō-à wil névi sɔkɔ, à n kyɪ gbēnnɪ kɔ n kō, n mî-n̄sah yah n kō. Nte wăh wé-ńkēne, ⁴⁴ à n yo n gblōy tyí ne, páh sō wil n̄yăh sɔkɔ, páh kɪ pé syɪ yuku nénpó. Wăh n̄ syɪ, té kyɪ n̄ tē-n̄sah dyăh wɛ ké kókóle yăntōnsàhnóle, ⁴⁵ à n kyɪ sé no sètănnó kwărninɔ syah, nónó-á peke kal n̄mɔle. Sé tōó n kyɪ n de n tē tē sɔkɔ. Kăh pɪ sē, tē mē dükù ké syɪ n peke n kal n̄ gben tēne. Sē ye kwey gbī népêl tɔ tyí kɪ n pɪ n pi.

Nónó me Yesu yú ànê n̄ yúnpyéle?

⁴⁶ Yesu-á me képah yónó sɔkɔ tówú tyí, n̄ yú ànê n̄ yúnpyéle pɔ yīn kégbó té me ké tyí ne pé yo mɔ n̄ tyí. ⁴⁷ Nn̄i me yo n̄ tyí ne à noh yò, n̄ yú ànê n̄ yúnpyé-á me yīntēnóle kégbó. Păh me ké tyí ne pé yo mɔ n̄ tyí. ⁴⁸ Yesu me yo tē tyí ne: «Nê me n̄mɔ n̄le, ànê nónó me n̄ yúnpyéle?» ⁴⁹ Té n̄ gbò nɔ mɔ n̄ tō sáhpú tyí té ne n̄kē: «N̄mɔ n̄ ànê n̄ yúnpyéle wɛ yò. ⁵⁰ Yé yah, n̄mɔ Sú nê-á yīnyō, wăh me nê tyí, névi nê-à képahle n pɪ, tē wɔ ye n̄mɔ yúnpile, képah náh pɪ n̄ n̄le.»

13

Sèmirkì nê-á yăh sèmuɔ mîr-ò tyí yō

¹ Lésō mē óle, Yesu wil gbô sɔkɔ à kyɪ kō tē yó-ngbē gbòpɔ. ² Tówú ngbē yó me pɔ à mɔ gbī. Pé tnónkàhnó tē tyí, à de kō tē krótókè yó sɔkɔ. Tówú pól sò me yīntēnóle yóngbalɔ

* **12:40** 12.40 - Yah n te Nsyonasi 1.17. † **12:42** 12.42 - Yah n te 1 Yôtăm 10.1-13.

soko. ³ A sò me tyi náhnáhlé n yãh pé tyí sèmìrn soko, me n yo pé tyí ne: «Sò yóle, dí yó lésò kyì sèmukò mír-ńsah ò swáh soko. ⁴ Wáh me mírnó soko, yísyó syíkùlì wěgbalì soko, kèpye me pò sépi yò. ⁵ Yísyó me syíkùlì yen kwéy tẽ-ńsah légbí yò. Té káh pì yen gbì náh sò me nénpó sě, sè núkú fì súú. ⁶ Té sè náh tẽ we yãhnì gbì mọ. Káh pì sě, gbì-á pò vyãh sè tẽ, sè kọkọ. ⁷ Yísyó me syíkùlì de pàn nuyó, pàn me yuku fyãh sé yò. ⁸ Nte yísyó me syíkùlì sétáh pèpey soko à pò ywò pì. Túkù pyenọ lèkwěkwè pì, túkù tikitònitòni pì, túkù yōgbāmgbām pì. ⁹ Nê-à kì me kè noh, tẽ kè tẽ yīn.»

Tir nê yīn me Yesu n yãh névye tyí sèmìrn soko?

¹⁰ Képah soko, ò tò sáhpú me nọ de ò tnô té à piki yah ne, kwáh nê se pì té à n yãh no nópi tyí sèmìrn soko nì? ¹¹ A me yo pé tyí ne: «Liyel tǒrí tyi nónó-á sò me wǒbìnsàhnóle, sé pnénó ye yépi kǒ. Nte kè náh pépi wọ kǒ. ¹² Névi nê tyí kwáh-á me, dòhnìno kì n pì òmọ tyí yò yrǒyrǒ. Té névi nê tyí kwáh náh me, kwéy nê òtẽ-á me ò tyí, kè kì tẽ syi ò tyí. ¹³ No nópi me n yah, té pè náh me kwáh yóle n we, képah n wěkì ne pè náh me ké tyí yahle n we. Pè me pé níne n kwọ, té pè náh me kwáh yóle n nohnì, képah n wěkì ne pè náh me ké tyí yahle n we. Képah ye ní kǒ mé n yãh pé tyí sèmìrn soko. ¹⁴ Liyel tǔntǔ syínyo-ò Yesayi-á lésò nê yo sah, képah ye n nọ péle yò. A lésò ne òkě: <Yé kì yé níne n kwọ n nohnì, té yé náh ké tyí yah we n pì. Yé kì n yah, té yé náh kwáh yó we n pì, képah n wěkì ne yé náh me ké tyí yahle n we.

¹⁵ Nikisekókó névye ye no nópile.

Pè me pé ní tah tũ,

té pé yí vike sah

ne sè káh kwáh yó òtẽ we,

pé ní káh tir yó òtẽ noh

pé kǒ pé káh fě ké tyí yah we,

pé mó vi mọ Liyel wěkì yò

ní kǒ mé pè we n de n mọ.>

¹⁶ Welọ nópi yóntenọ náh, Yesu tǒ yo pé tyí ne: «Nte yépi tẽ wọ tyí nọ, yé yí me n yah, yé ní me n nohnì. ¹⁷ Kégbì yò mé kéle n yo yé tyí, yáh tyi nónó we, Liyel tǔntǔ syínyopu ànê névye nónó-á négbíle Liyel yah, pé náhnáh sò me ké tyí ne pé sè we, té pè náh sè we. Yáh tyi nónó noh, pè sò me ké tyí ne pé sé to noh, té pè náh sè we noh.»

Sèmìrkì kórlé, nê-á yãh sèmukò mír-ò tyí yò

¹⁸ «Sèmukɔ mir-ò sèmirkì yǎ-á nêne, yé yé ní sah kè noh: ¹⁹ Névyé nónó-à Liyel tǒrí tyí yónó noh té pè náh ké dùkù pĩ, sétàn yǒtě n pɔ wey mē wilki pé fɔkɔnɪ sɔkɔ. Pè me wēgbali tyí kǒle nýāh sɔkɔ-á sèmukɔ sykɪlɪ. ²⁰ Túkù me légbí yǒ tyí kǒle, nýāh sɔkɔ-á sèmukɔ mir mɔ. Pépi-à wey mē noh, nénpó swɔ pē kè fě n syi nìvìnì sɔkɔ. ²¹ Té pè náh n ye kè yǎhnìne n mɔ pé sɔkɔ. Pē kè fě n syi nénpó swɔ ó sɔkɔ. Té yèvyāhri, kèpah náh pɪ fǒhnò-à núkú pè yīni tē kéne wey yinne, pē pé náh vi kè kǒ súú. ²² Túkù me pàn tē-nsah tyí kǒle, pàh wey mē noh, kèkǒyó tyi fɔkɔ sǒnɔ ànê tahrì dékè n pɔ ké yah kǒ, kè náh n tē n we tirlé n pekɪ pé tyí. ²³ Túkù wɔ mó me sétáh pèpey tyí kǒle, pépi-à wey mē noh, pē ké dùkù pĩ, yǒre n we ké tyí sèmukɔ tyí kǒle, nónó-á pyeno lèkwèkwe pɪ, ànê nónó-á tikitǒnítǒnɪ pɪ, ànê nónó-á yǒgbāmgbām pɪ.»

Sèmirkì nê-á yǎh filkì tyí yǒ

²⁴ Yesu tǒ sèmirkì yǒ yǎh pé tyí ne nkē: «Yé yah, Liyel tǒrí-á kɪ fě tɔkɔ sǎh sèmirkì nêne, kè we yò: Dí yó lésò sèmukɔ duku pèpey mir mɔ n swāh sɔkɔ. ²⁵ Té névyé-á pɔ dɔ gbí nêne, n sépe kyɪ filpyé mir dah mɔ kǒ ké sɔkɔ nê-á me ké kètòle, té n náh vi sɔkɔ. ²⁶ Kǎh pɔ kyāh tē n dubi gbí nêne, filkì tɔ ké yǒ wilki mɔ kwèy. ²⁷ Sètě dí tǒnpɪbɪ-á kè kyɔmɪ we sě, pè me kyɪ kè yo pé yǒtě dí tyí ne nkē, pé yǒtě, sèmukɔ duku pèpey-á se sǒ à mir mɔ n swāh sɔkɔ; té kè se pɪ sǒ té filkì tɔ pɔ n we ké sɔkɔ nɪ? ²⁸ A me yo pé tyí ne, sépe yó tǒ vyāh-á kèpahle. Pè me ne, à se me ké tyí ne pé kyɪ sè viki nɪ? ²⁹ A me ne ǒǒ-á. Nkē pàh kɪ ne páh séle n viki, sèmukɔ tɔ-á kɪ syah n kwɔ n mɔ n viki séle. ³⁰ Pè ye sé yǒ sè ne n kyāh wē tyí kè syi pɔ n nɔ sèmukɔ tɔkɔ gbí tyí. Té sèmukɔ tɔkɔ gbí-à kɪ pɔ nɔ, páh kɪ yo sèmukɔ tókópú tyí ne pè filkì nǒgbò kǒ, pè mó sè pukubi pɔ pɔle pè kyɪ n suke. Té sèmukɔ wɔle, pè kèpah tɔkɔ n mɔ pé dúkúrí sɔkɔ.»

Sèmirn nónó-á yǎh mútárdì pi ànê kókónó tyí yǒ

³¹ Yesu tǒ sèmirkì yǒ yǎh pé tyí ne: «Yé yah, Liyel tǒrí-á kɪ fě tɔkɔ sǎh sèmirkì nêne, kè we yò: Dí yó lésò mútárdì pi tɔkɔ duku mɔ n swāh sɔkɔ. ³² Kèpah yilɔ kal yípyé pólle. Té kǎh fi, kè n pɪ gblò kal sèmukɔ duke pólle. Kè n pɪ séswò sǒ, kèpye n pɔ syè pɪ ké yǐngbàn tyí.»

³³ Kèpah náh Yesu tǒ sèmirkì yǒ yǎh pé tyí ne: «Yé yah, Liyel tǒrí-á kɪ fě tɔkɔ sǎh sèmirkì nêne, kè we yò: Sé yó

lésõ kókónó tɔkɔ mɔ tɔkɔ yí tǒnó mífáhkì sɔkɔ, ké pól kǒ kè dɔkɔ.»

Yesu sèmìrn yáhnó yõle

³⁴ Yesu sò me tyi nópi pólle n yãh tówû tyí sèmìrn ó sɔkɔ. A náh sò me tir yó ntěne n yo pé tyí né sèmìrn sɔkɔ náh. ³⁵ A képah pɪ Liyel tǔntǔ syínyo-ò tir yónsàhnó kǒ kè wil. A lésõ ne nkě: «Mé kɪ tyile n yo sèmìrn sɔkɔ. Tyi nónó-á sò me wǔbìnsàhnóle kèkǔyó mɔ gbí dükùle, mé kɪ névye níkì yíkì séle.»*

Sèmìrkì kórle, nê-á yãh filkì tyí yõ

³⁶ Képah tǔne, Yesu yal tówû tnô à sɔkɔ gbô. N tǔ sáhpú me nɔ de n tnô té yo n tyí ne, swãh sɔkɔ filkì sèmìrkì nê-á sò à yãh, à ké yõ yo pé syah. ³⁷ A me yo pé tyí ne: «Sèmukɔ duku pèpey mírnmo-òle, Névi Pídí ye. ³⁸ Swãhle, kèkǔyó ye. Sèmukɔ duku pèpeyne, Liyel yǔtǔrí sɔkɔ wǔnpǐ ye. Fílkìle, sétàn yǔtǔ náh névye ye. ³⁹ Sépe nê-á mir dah mɔ filpyéle, sétàn yǔtǔ ye. Sèmukɔ tókónóle, kèkǔyó tyénó ye. Sèmukɔ tókópúle, yínyõ tǔnpɪbɪ ye. ⁴⁰ Sǔ-á pǔ filkì viki n suke nyàh sɔkɔ, sǔnkǔ ye kɪ n pɪ n pi kèkǔyó tyénó tɔ sɔkɔ. ⁴¹ Névye nónó pól-á névye yõle n yíkì n mɔ pèkè pínó sɔkɔ, ànê nónó pól-á tyítúkúnì pípúle, Névi Pídí kɪ n yínyõ tǔnpɪbɪ tekɪ n mɔ n pi, pè kɪ pɔ pè wilkì n tǔrí tyah sɔkɔ. ⁴² Té kɪ pè min dah mɔ sɪnki nyàh sɔkɔ, níyãh sɔkɔ-á gbñí ànê yní táhnó kɪ me. ⁴³ Nte névye nónó-á me négbólóle Liyel yah, pépi wɔ kɪ n tǔ pé Sú Liyel tǔrí sɔkɔ, gbñí tyí kǔle. Nê-à kɪ me kè noh, tǔ kè tǔ yĩn.»

Sèmìrn nónó-á yãh tahrɪ wǔbìnsàhnó ànê pérlì tyí yõ

⁴⁴ Képah náh, Yesu tǔ yo pé tyí ne: «Yé yah, Liyel tǔrí-á kɪ fǔ tɔkɔ sãh sèmìrkì nêne, kè we yò: Dí yó lésõ kyɪ wil mɔ tahrɪ wǔbìnsàhnó yó yõ swãh yó sɔkɔ, té kè tɔkɔ tǔ wǔbɪ. Ké wénó nìvìnì tǔ tyí, à sɔkɔ à kyɪ n gbǎn yí pól yãm à pɔ swãh mè dwe.

⁴⁵ Yé yah, Liyel tǔrí-á kɪ tǔ fǔ tɔkɔ sãh sèmìrkì nêne, kè we yò: Gbò yí-ò yó lésõ me, nê-á yí kètárnó yísyóle n yah n kǔ, pè n ye pérlìnóle. ⁴⁶ Wãh pɔ ké dénkókò yó we, à kyɪ n gbǎn yí pól yãm à pɔ kè dwe.»

Sèmìrkì nê-á yãh yǔnkɔ tǔ tǔ mɔ tyí yõ

* 13:35 13.35 - Yah n te Gbálnó 78.2.

47 «Yé yah, Liyel tǒrí-á kɪ fě tɔkɔ sãh sèmĩrkĩ nêne, kè we yò: Nósyó lésò yěnkɔ tẽ tẽ mɔ min dah mɔ yɔ sɔkɔ, à yěnkɔ duke pól tẽ. 48 Kãh yuku, pè kè yɔɪ wilki pɔ kènkɔwãh yò, té kò tẽ à yěnkɔ gblɔ wah mɔ dú sɔkɔ, té sé téló milki. 49 Sě ye kɪ n pɪ n pi kèkõyó tyénó tɔ sɔkɔ. Yĩnyò tǒnpɪbɪ kɪ pɔ nétúkúnĩ wah wilki négló sɔkɔ, 50 kɪ kyɪ pè min dah mɔ sĩnki nyàh sɔkɔ, ñyãh sɔkɔ-á gbɪnĩ ànê yní táhnó kɪ mɛ.»

Kwónó kedyâh ànê kwónó késãnnɛ

51 Képah náh Yesu tǒ yo ñ tò sãhpú tyí nɛ: «Yé se tyi nópi pól noh wah?» Pè mɛ nɛ àwé-á.

52 Képah sɔkɔ, à mɛ yo pé tyí nɛ: «Liyel tyi kònsàhnó kwópú nónó-á sò kwónó we sɔkɔ Liyel tyi kònsàhnó tyí yò ñgbòle, té tǒ pɔ kwónó we Liyel tǒrí tyí yò núkúnúkú, té névyele n kwɔ séle, pépi mɛ kéte tẽ yó sǒ, nê-á yídi sò mɛ ñ tyí ñ dúkúrí sɔkɔ, té à tǒ pɔ snó we dohnɪ sé yò, té mɛ séle névyele n kǒ.»

Nasaretɪ tãn yahle sěńóle Yesu yò

53 Té Yesu-á sèmĩrn nópi yãh tɛ pé tyí gbĩ nêne, à yal nénpó 54 té sɔkɔ ñ kwil sɔkɔ. Wãh kyɪ nénpó, à kyɪ kwónóle n pɪ pé Liyel ní-ńsah wòkò sɔkɔ, fók no pól gbã du ñ tyíle. Pè sò mɛ yo tũ nɛ, à se we ñyãh lékãm ànê tẽnwenɔ mène, à fě gbĩl nópile n pɪ nɪ? 55 Nmɔ kó sésár sé-ò pídíne nɪ? N yú yĩn kó Marile, té ñ gběndípi mɛ Nsyakɪ, ànê Nsyosefu, ànê Simo, ànê Nsyudele nɪ? 56 Té ñ dósýó pól kó mɛ pépile ásò yò nɪ? Nte ñyãh tẽ ó se ñmɔ we lékãm ànê tẽnwenɔ mène nɪ? 57 Képah sɔnɔ sò mɛ pé yò yɪkɪ pè kǒ pè tẽ sě kwlɔ Yesu yò. Képah sɔkɔ, Yesu mɛ yo pé tyí nɛ: «Liyel tẽntò syĩnyo-ò kwil ànê ñ kéte sɔkɔ ó ye pè náh ñnɛ n mɔ n kǒ Liyel tẽntò syĩnyo-òle.» 58 Pãh yahle sěńóle Yesu yò sě, à náh mó gbĩlnó náhnáh pɪ nénpó.

14

Wèlnwĩlkĩ-ò Nsyõ kúnóle

1 Légbĩne, Kalile mara yòtẽ dí Yerɔɪ Yesu tyí yónó noh, 2 té yo ñ tǒnpɪbɪ tyí nɛ, Wèlnwĩlkĩ-ò Nsyõ-á yò tótó. N lékó-á yilki mɔ. Képah-á tẽnwenɔle ñ tyí à fě gbĩlnóle n pɪ. 3-4 Yé náh we di, ñgbòle, Yerɔɪ lésò ñ gběndí Filipi kyɪ Yerɔdyadu tẽ syi. Nsyõ mɛ kè yo ñ tyí nɛ, ké yah náh à à tɔkɔ. Pi mè yĩnne, Yerɔɪ mɛ pè kǒ pè Nsyõ tẽ à kárn mɔ ñ tyí, té à

dah mə sah wòkònpèkè sòko. ⁵ A lésò me ké tyí ne pé Nsyõ ko mə. Nte tówû-á lésò me Nsyõne n mə n kô Liyel tēntò syínyo-òle sě, pépi yah tíkí me à tē.

⁶ Nte Yeròdú dúbinó yòh vīnpòno syáh syah sòle, Yeròdyadı písê yõ yi néyénó yah sòko. Kè me no Yeròdú tyí, ⁷ fóó à ò vyähle à kô, té ò wo ò tyí ne wàh kú sô kwáhdúkú nê yah kô pé tyí, páh kú kéle à kô. ⁸ Képah sòko, pípir yú me à kurki mə à kô à yo Yeròdú tyí ne, à Wèlnwìlkì-ò Nsyõ yòle pé kô ásò dú pyahrò yó sòko. ⁹ Képah tēne, kè yòtē dí yah kwò. Nte ò wónó mè yīnne ò néyénó yí yah, à ne pè pò kéle à kô. ¹⁰ Té pè kô pè kyí Wèlnwìlkì-ò Nsyõ yõ kām wòkònpèkè sòko. ¹¹ Páh kè kām, pè kè dah mə dú pyahrò yó sòko à pò pípir kô, à me kè syi kyí ò yú kô. ¹² Nsyõ tò sáhpú me pò ò lékó tòko kyí yí, té kyí ké yah yo Yesu syah.

Népi kèyò nínó kyegbām (5 000) kénkô púnóle Yesu tyí

¹³ Yesu-á yí mè noh sě, à de krótókè yó sòko ànê ò tò sáhpúle pè yal nénpó, à yuku gbēnni tyah yó sòko à kyí tē pé yahle. Tówû-á pé sókónó tyí noh nýáh sòko, pè wil kwlo kwlo sòko à pé nyáh sò gbáhkì yò. ¹⁴ Yesu-á wil krótókè sòko té tówû ògbě we sě, pé yām à tē. A me pé yámpú de mə.

¹⁵ Nví-á pò no, ò tò sáhpú no de ò tnô té yo ò tyí ne, gbēnni tyah sòko-á péle yò. Té lékâh-á me n tyah mónóle, à kó tówûle n fin n mə pè kyí yõ yõ yíle n yah n dwe kwlo sòko ni? ¹⁶ Yesu me yo pé tyí ne, yõ náh me ké tyí pè sòko. Pépi yòke yah pé gblöy pè kô pè yò. ¹⁷ Képah sòko, pè me yo ò tyí ne, búrn pló kwló ànê yēnkyò pló nínó ó-á me pépi tyí ásò dò. ¹⁸ Yesu me yo pé tyí ne, pè sè tòko n pò pé kô ásò. ¹⁹ Té me tówû kô pè kô tē filkì yò, té búrn pló kwló ànê yēnkyò pló nínó nópi tòko, té ò yah yõ yínyò à wèkú Liyel tyí, té sè kwòkú mə ò tò sáhpú kô pè syi tówû kô. ²⁰ Pé pól me yò tō, té pè me pé yónkwłòno téló tuke mə vyó gbōninó yíine. ²¹ Té nónó-á sò yò yòke mēne, pè sò me díbí népi kèyò nínó kyegbām (5 000) kénkòle syó ànê wēnpi vyáh kēne.

Yesu kónóle Kalile yó-ògbě yò

²² Képah náh, Yesu núkú ò tò sáhpú gbah tē ne pè de krótókè sòko, pè mə pé yahle yó-ògbě kahnine, péwò mó tówû fin mə. ²³ Wáh pé fin mə te, à dokò yuku yòli yò à kyí tē ò tyíle à Liyelle n ni. Lékhâh mə pò à we ò gblöy nénpó. ²⁴ Té légbíne, krótókè sò me gbè mə te yo vyähle náhnáh.

Té yáhkí sò me péle n yohni. Káh pi sě, ni sò me krótókèle n kah n fwo. ²⁵ Tyah dal gbíne, Yesu tyah n kɔ n yuku pé tnô yɔ yô. ²⁶ Páh à we à n kɔ n pi yɔ yô sě, pé sām yɔkɔ. Pé tyah n yo ne lékó mírkí yó-á. Té tyah n de n syi tíkí tē tyí. ²⁷ Nte nénpó swɔ, Yesu me yo mo pé tyí ne, pé pé ni syāh. Péwɔ-á, pé káh tíkí pi. ²⁸ Képah sɔkɔ, Pyeri me yo n tyí ne, Tē ñgbē, ñmɔ-à kɪ nē ntyínɔ, à péwɔ kɔ pé wil kɔ pɔ n tnô yɔ yô. ²⁹ Yesu me yo n tyí: «Pɔ!» Pyeri me wil krótókè sɔkɔ à tyah n kɔ n yuku Yesu tnô yɔ yô. ³⁰ Nte wāh pɔ kè kyɔmɪ we ne yáhkí-á me n kah n pi, tíkí à tē. Képah sɔkɔ, à tyah n tiki n de ni sɔkɔ té de syi ne, Tē ñgbē, à pé pwah mo oo! ³¹ Nénpó swɔ Yesu núkú n gbò nɔ à à tē té yo n tyí ne, à náh sě péwɔ yô fwóɔ ló. Sɔ se pi té à n sɔ tɔtɔ ni? ³² Té pé me de krótókè sɔkɔ, yáhkí núkú yīn. ³³ Nónó-á sò me krótókè mè sɔkɔ, pé gbétukunɔ di Yesu yah té yo n tyí ne, kègbɪ yô, ñmɔ-á Liyel Pídíne.

Yámpú dénmɔnɔle Yenesareti sétáh yô

³⁴ Yesupi-á yó-ñgbē kah te, pé de Yenesareti sétáh yô. ³⁵ Nénpó tǎn me à yah pī, té núkú n pónó yo soh mo nénpó tǎn tǎn pól tyí. Pé me pɔ pé yámpú pólle n tyí. ³⁶ Té ñne n ni ne, à ye pé kɔ pé tú n fwɔmɔni vyāh rítē ó tyí. Té nónó pól-á fyò tú ké tyí, pé de.

15

Tyi nónó-á kɪ fē névi silki Liyel yah

¹ Képah sɔkɔ, Farisi wěkì kópú ànê Liyel tyi kònsàhnó kwópú wil Yerusalemɪ kwil sɔkɔ à pɔ Yesu tnô, té à syah ne níkē, ² sɔ se pi té n tò sáhpú náh me n kɔ lékóló wǎldi yô ni? A ne n yah pé yǎrle n yô, té pé náh se mó tɔ pé gbǎn wu à yīne pé wǎldile lé. ³ A me yo pé tyí ne: «Té yépi wɔ-á dò, sɔ pi té yé wǎldi yīnne, yé náh me n kɔ Liyel tyi kònsàhnó wǎl yô? ⁴ Yé yah, Liyel kè yo ne níkē: <Yòyénne n sah á sú ànê á yú yô.>* Té tɔ kè yo ne níkē: <Névi nê-à wèntùkù wèkɪ n sú tyí, képah náh pi n yú tyí, tē yīne kònmɔnɔle.>† ⁵ Nte yépi wɔ n mó ne, névi nê-à yo n sú képah náh pi n yú tyí ne, kwāh nê-á sò me pé tyí n yohni n mo mo tēne, páh képahle Liyel kɔ te, ⁶ n dúbì-ò mè yòhnìnɔmɔnɔ kòlɪ náh tɔ me n yô. Káh pi sě à, Liyel tyi kònsàhnó náh yé yɪkɪ yé wǎldi yīnne

* 15:4 15.4 - Yah n te Yálnó 20.12. † 15:4 15.4 - Yah n te Yálnó 21.17.

di? ⁷ Vyáhseŷírí névye nópi, Liyel-á lésõ Yesayi kã à nê yo sah, képah ye yépi n pi yò. A lésõ ne nkě:

⁸ «No nópile, vyãh ó soko ye pè n gbilki nímole.

Nte pé nno me fíí nne.

⁹ Pãh kwónóle n pi tyi nónó yõ,

névye yah yíí tyi kònsàhnó ye séle.

Képah ye, gbilkinó nê-á pè n gbilki n po nne pè yo,

nónó ye kéle.»[‡]

¹⁰ Képah soko, Yesu tówú mè ye tuke té yo pé tyí ne: «Yé yé ní kwò n noh palle, yè welo nópi syíkí-nsah pĩ. ¹¹ Yí nónó-á n de névi vyãh soko, sépi náh n silki ñne Liyel yah dé. Welo nónó-á n wil ñ vyãh soko, sépi ye n silki ñne.» ¹² Képah tẽne,

ñ tò sãhpú me no de ñ tnô té yo ñ tyí ne, à kó pĩ ne ñ welo nónó-á sò sé yey mo Farisi wěkì kópú ñne, sãh pè kah yo ni? ¹³ A me yo pé tyí ne: «Yèh nónó pól tẽ-á fyò me, té ní Sú nê-á yinyò ñmo sónó náh séle, sè kɪ viki to. ¹⁴ Yé ye pé yõ.

Yítubi ye péle, nónó-á me pé no yítubi yahle n tẽ. Té yítú-à mó tã ñ ní-ò yítú yah tẽ, pé ními kɪ syɪkɪ de pwãh yó soko.»

¹⁵ Képah soko, Pyeri me yo ñ tyí ne, wãh sò ne pé pé ní kwò welo nónó noh palle, à sé kór yo pé syah. ¹⁶ A me pè syah ne:

«Lékám kě névye se yépi tole? ¹⁷ Yé náh pĩ ne yí nónó pól-á n de vyãh soko, sãh nkẽne n syõ kèkùrkì soko, ñ té n pyè n po n wilki n kwe kèdúkúdahkɪ soko di? ¹⁸ Nte welo nónó-á n wil vyãh soko, sé sò n wil sòno soko. Sépi ye n silki

névile Liyel yah. ¹⁹ Névi lékám soko ye sòno tókúni ñ wil, ànê nékókè mónóle, ànê fòfíkì pínóle, ànê pròprò pínóle, ànê yĩbele, ànê mìnì yónóle, ànê gbyole. ²⁰ Kéne tyi wo ye n silki névile Liyel yah. Nte névi-à ñ gbãn wú-ńkẽne à yĩne wãldi-á kè yo sò té yòke yõ, képah náh n silki tẽne.»

Sê yó písê dénmoñole nê náh pi Nsyifule

²¹ Képah náh, Yesu yal nénpó té soko Tiri ànê Sidõ sétáh yõ. ²² Té pi yó sò me nénpó nê-á Kanah neyne. Nmo me po Yesule yúkey té me n de n syi, me yo tũ ñ tyí ne pé Tẽ ñgbě,

ñmo nê-á Davidi Píđine, à pé yãm yah. Nkě sétõ yó-á me pé písê soko me ñne n kwlo kèpékèyò. ²³ Nte Yesu náh dahbu wilki ñ tyí. Ñ tò sãhpú me no de ñne té kè yah kã ñ tyí ne, à

pi mè kã à ñ syi pé náh, à káh pé sò tẽ ne n de n syi n yuku sě. ²⁴ Yesu me ne, Liyel-á pé tekɪ mo Yisrayel no ó yĩne, pépi nónó-á me képyénì mónpuno sò. ²⁵ Nte pi me no po ñ gbètukuno di ñ yah, té yo ñ tyí ne pé Tẽ ñgbě, à pé yohnu n

[‡] 15:9 15.9 - Yah n te Yesayi 29.13.

mɔ. ²⁶ Yesu me à syah ne, ké yah náh pè wěnpì yòke tɔkɔ n mɔ pàhnpye kɔ̃. ²⁷ Pi me yo ò tyí ne, gbɛ-á à yo pé yòtě. Nte pàhnpye wɔ-á n yò sé nátãm yěnmîrn yónkwenɔle. ²⁸ Képah sɔkɔ, Yesu me yo ò tyí ne: «Pi, á sě yíí nímɔ yò dé. Wáh nê yah kɔ̃, Liyel kɛ kè pɛ á tyí.» Légbí mè ó sɔkɔ, pi písê núkú dé.

Yámpú náhnáh dénmonɔle

²⁹ Képah náh, Yesu yal nénpó à yuku Kalile yó-̀ngbě gbòpɔ. Té dɔkɔ yuku yòh yò à kyɛ kɔ̃ tě. ³⁰ Képah těne, nékwínkí pé yámpú tě pɔ ò tyí à pɔ pè sah ò yah sɔkɔ. Túkù sò me gbáhkì núkú névyele, túkù me yítũbile, túkù me nédónène, túkù me kedyò̀nìne, à tahlɛ yámpú túkù tyí. Té Yesu me pè de mɔ. ³¹ Kè pɛ gbě̀ndùnìne tówú tyí, pàh kedyò̀nì we pè me fě n wɛkɛ, nédónè dónónɔ me tyɛ, gbáhkì núkú névyɛ me fě n kɔ tómtóm, té yítũbi me fě n yah. Képah těne, pè gbílkinó sah Yisrayel Liyel yò.

Yesu tɔ tówú òngbě pu

³² Yesu ò tò sáhpú ye, té yo pé tyí ne, tówú mè yám-á me péwɔ tě. Pé sèpìn tònì-á péwɔ náh sɔkɔ kweyne yò, té yò yò kwáh náh se pé tyí. Pé náh me ké tyí ne pé pè fin n mɔ pè sɔkɔ kwɛkɛle. Pé túkù-á kɛ kyɛ n syah n tě n kwɔ wěkì yah. ³³ Képah těne, ò tò sáhpú à syah ne, pé se kɛ we nýãh yòkele gbě̀nnɛ mè sɔkɔ, kɛ fě tówú mè dùkù kɔ̃ pè kɛ yò tò nɛ? ³⁴ Yesu me pé piki yah ne, búrn pló sɔ̃ se me pé tyí nɛ? Pè me ne kwárninɔ-á, à tahlɛ yěnképi yísyó tyí. ³⁵ Képah sɔkɔ, à tówú kɔ̃ pè kɔ̃ tě sétáh. ³⁶ Té búrn pló kwárninɔ ànê yěnkɔ nópi tɔkɔ, té wɛkɛ Liyel tyí, té sè kwɔkɛ à ò tò sáhpú kɔ̃ pè syi tówú kɔ̃. ³⁷ Pé pól me yò tɔ, té pè me pé yónkwɔnɔ tuke mɔ tɔkɔ yí kwárninɔle. ³⁸ Té nónó-á sò yò yòke mène, pè sò me díbi népî kèyò nínóle (4 000), syó ànê wěnpì vyáh kěne. ³⁹ Képah náh, Yesu tówú fin mɔ pè sɔkɔ, té me de krótókè sɔkɔ à sɔkɔ Makadã sétáh yò.

16

Névyɛ me kéle n yah n kɔ̃ Yesu tyí ne à gbíl yó pɛ, nê-á n wěkɛ ne wáh n wil Liyel tyí

¹ Farisi wěkì kópú yísyó ànê Sadusi wěkì kópú yísyó nɔ de Yesu tnô ne pé à mɔ yah. Té à syah ne à gbíl yó pɛ pé yah, nê-á n wěkɛ ne wáh n wil Liyel tyí. ² Képah sɔkɔ, Yesu me yo pé tyí ne: «Gbíyí de gbíne, yínyò-à me gbòlì, yè n ne

tyah yah-á kɪ yɪkɪ mɔ. ³ Tɛ séngbɔ̃lɛ, ỹinyõ-à me f̃ɪnmòò, yè n ne kweyne tyah yah náh n yɪkɪ n mɔ n pi. Yé me f̃ɛ tyah òkù wɔlɛ n pne, té tyi nónó wɔ-á me n pi kwey gb̃i sɔkɔ, sáh me tyi nónónɛ n wɛkɪ, yé t̃ɛ sépi wɔ òkù p̃i kwɔlɔ kè? ⁴ Kwey gb̃i névyɛ náh plɛ. Pè náh me t̃ɛ Liyel ó tyí yõ. Pè me ké tyí ne mé gb̃il yó pi pé yah. Nte kèyáh ñt̃ɛ náh pi pé wɛkɪ n pi, à wil Liyel t̃ɛntò syínyo-ò Nsyonasɪ tyí sɔkɔ.» Képah yóntenɔ náh, à pé sah nénpó té sɔkɔ.

⁵ Képah náh, Yesu ànê ò t̃ò sáhpu-á n sɔkɔ yónkahnɛ, ò t̃ò sáhpu dyɔ sò fwɔ búrn tókónsɔkɔnɔlɛ. ⁶ Yesu me yo pé tyí ne: «Yé kyòmínó pi. Yé yé gblɔyne n t̃ɛ Farisi wɛkɪ kópú ànê Sadusi wɛkɪ kópú kókónóle.» ⁷ Képah sɔkɔ, ò t̃ò sáhpu tyah n sò ne pépi-á pɔ búrn kɛnɛ, képah-á à kɔ à n yo s̃ɛ yò. ⁸ Nte Yesu me pé sòno p̃i té yo pé tyí ne: «Liyel yõ s̃ɛnyí-nkèpú nópɪ. S̃ɔ pi té yé n s̃ɛ s̃ɛ ne, yé náh pɔ búrnne képah-á? ⁹ Yé náh t̃òni me sé òkù p̃i s̃ɛ nɪ? Yé dyɔ náh me n kwne tɔlɛ máh búrn pló kwɔlɔlɛ díbi ñépi kèyõ nínó kyegbām (5 000) pu, ànê yáh yónkwɔnɔ téló tuke mɔ vyó yí dan ñɛne di? ¹⁰ A tahlɪ máh búrn pló kwárninɔlɛ díbi ñépi kèyõ nínó (4 000) pu, té yáh yónkwɔnɔ téló tuke mɔ tɔkɔ yí dan ñɛne, yé dyɔ náh me n kwne kéle di? ¹¹ Tɛ s̃ɔ pi té yé náh t̃ɛ we p̃i ne búrn tyí náh mé n yo yé tyí, máh sò n yo yé tyí ne: «Yé yé gblɔyne n t̃ɛ Farisi wɛkɪ kópú ànê Sadusi wɛkɪ kópú kókónóle?» ¹² Képah sɔkɔ, pé pyé p̃i ne mífáhkɪ sɔkɔ mɔ mɔ kókónó tyí náh sò Yesu n yo pé tyí ne pé pé gblɔyne n t̃ɛ kéle. Nte Farisi wɛkɪ kópú ànê Sadusi wɛkɪ kópú-á kwónó ñɛne n kɔ, képah tyí-á sò à n yo pé tyí ne pé pé gblɔyne n t̃ɛ kéle.

Pyeri-á ñɛ yo Yesu tyí sɔkɔ

¹³ Yesu-á kyɪ ỹini t̃ɛ Filipi-Sesari gběnyah t̃ɪnɛ, à ò t̃ò sáhpu piki yah ne: «Névyɛ t̃ɛ tyí ñɛ me ñmɔlɛ, ñmɔ ñɛ-á Névi Pídíne?» ¹⁴ Pè me ne, tókù-á ne Wèlnwilk̃i-ò Nsyõ-á ònɛ. Tókù ne Liyel t̃ɛntò syínyo-ò Yeli-á ònɛ. Tókù mó ne Liyel t̃ɛntò syínyo-ò Nsyeremi-á, képah náh pi Liyel t̃ɛntò syínyo-ò yó-á ònɛ. ¹⁵ Képah sɔkɔ, à t̃ò ne: «Nte yépi-á dò, yépi t̃ɛ tyí ñɛ me ñmɔlɛ?» ¹⁶ Simo Pyeri me yo ò tyí ne: «Áwɔ ye Liyel ney yáhntɔkɔnɔlɛ. Liyel ñɛ-á min ñt̃ɛnɛ, òmɔ Pídí ye ále.» ¹⁷ Képah sɔkɔ, Yesu yo ò tyí ne: «Áwɔ tyí nɔ, Nsyonasɪ pídí Simo. Á náh we di, névi náh wɛkɪ ále tyi nópɪle dé, ní Sú Liyel ñɛ-á me ỹinyõ sɔkɔ, òmɔ ye wɛkɪ

ále séle. ¹⁸ Nte n̄mɔ kɪ yo á tyí ne: «Pyeri ye ále, (nê kór-á légbíle). Té kéné légbí yõ sɔkɔ ye mé kɪ n̄ yõ s̄pú t̄inkì sah. Té kũ t̄áhkì n̄t̄e fyé n̄áh t̄e we tir yó pɪ n̄ pi pé sɔkɔ. ¹⁹ Mé kɪ Liyel t̄órí tyah yah gb̄n̄í kénikópyéle n̄ k̄õ. Wáh tir nê yahle sétáh mè yõ sɔkɔ, Liyel nê-á ȳinyõ sɔkɔ, n̄ tɔ kɪ sah ké yõ sɔkɔ. Té wáh nê w̄èkì k̄õ sétáh mè yõ sɔkɔ, Liyel nê-á ȳinyõ sɔkɔ, n̄ tɔ kɪ sah ké yõ sɔkɔ.» Mé kɪ áwɔ k̄õ á kɪ f̄ẽ Liyel t̄órí nɔl̄i ȳónó w̄èkìle n̄ k̄õ. Wáh tir nê yahle sétáh mè yõ sɔkɔ, Liyel nê-á ȳinyõ sɔkɔ, n̄ tɔ kɪ sah ké yõ sɔkɔ. Té wáh nê w̄èkì k̄õ sétáh mè yõ sɔkɔ, Liyel nê-á ȳinyõ sɔkɔ, n̄ tɔ kɪ sah ké yõ sɔkɔ.» ²⁰ Képah n̄áh, Yesu n̄ t̄ò s̄áhpú gbah sni ne, pé káh kè ȳáh névi syah ne péwɔ-á Liyel ney yáhntɔkɔnɔle dé.

Yesu me n̄ kúnó ànê n̄ lékó ȳilkinmɔnɔ tyíle n yo

²¹ A tɔkɔ légbí tyí, Yesu tyah ké yahle n yo n̄ t̄ò s̄áhpú tyí ne, páh ȳine pé yuku Yerusalem̄i kwil sɔkɔ. Yèwàhn̄i, ànê sárká sȳinw̄ilk̄ipu ȳòt̄ám, ànê Liyel tyi k̄onsàhn̄ó kwópú-á kɪ yèvyàhr̄i n̄áhn̄áh sah n̄ pi péwɔ yõ. Páh kɪ pé ko mɔ, té ké sèp̄in t̄ò-ò s̄òle, pé lékó-á kɪ yilki mɔ. ²² Képah t̄ẽne, Pyeri me à ye k̄èkì té tyah n̄ wekì n̄ yõ ne n̄k̄ẽ, pólle pé T̄e n̄gb̄ẽ, képah n̄áh à ȳini n̄ t̄e n̄ pi. Liyel-á kɪ n̄ t̄ũ n̄ mɔ n̄ yõ. ²³ Nte Yesu me n̄ yah vi té yo n̄ tyí ne: «To n̄ yah sétàn ȳòt̄ẽ mè. N̄mɔ f̄èkì-n̄sah ye á n̄ yah n̄ k̄õ. Yah, á s̄õnɔ n̄áh me n̄úkùle Liyel tyíle. Á s̄õnɔ me n̄úkùle névi tyíle.»

Yesu s̄ò t̄e dùkùle

²⁴ Képah n̄áh, Yesu yo n̄ t̄ò s̄áhpú tyí ne: «Névi nê-à me ké tyí ne pé n̄mɔ s̄ò t̄e, t̄e ȳine à n̄ gbl̄õy tyi we n ye, à mó n̄ sȳi sȳi dah̄n̄i twah n̄mɔ s̄ò t̄e. ²⁵ Névi nê-à ne páh n̄ to n̄ pwah kũ yah, t̄e n̄áh tyé-n̄k̄ẽ min we n̄ pi. Té nê-á tekì n̄ min sɔkɔ n̄mɔ ȳinne, t̄e wɔ kɪ tyé-n̄k̄ẽ min we. ²⁶ Névi-à ne kèk̄oȳó ȳi pól we n̄ pi, té ne n̄ tekì n̄ pi n̄ min sɔkɔ, yõ se me ké tyí? Képah n̄áh pɪ, kwáh se kɪ f̄ẽ we névi tyí à kɪ tɔkɔ k̄õ, n̄ min s̄õne? ²⁷ Yé yah, Névi Pídí kɪ n̄ sȳi n̄ pɔ n̄ pi ànê n̄ ȳinyõ t̄õnp̄ib̄ile n̄ Sú Liyel t̄óríle n̄ sɔkɔ. A kɪ pɔ n̄énúkù n̄úkù pól dyah à ȳine pé tyíp̄ín̄ine. ²⁸ Kègb̄i yõ mé kéle n yo yé tyí, névyé n̄ónó-á ás̄ò, pé t̄úkù n̄áh t̄õn̄i me n̄ ku n̄ pi, té kɪ Névi Pídí we à kɪ me n̄ pi n̄ ȳòt̄órí sɔkɔ.»

17

Yesu dùkù v̄inmɔnɔle

¹ Sèpìn kénúkò sókóntenɔ náh, Yesu me Pyeri, ànê Nsyaki, ànê Nsyaki gbëndí Nsyõ tẽ pè yuku yõlì kèyy yó yõ, à kyì tẽ pé tyíle. ² Dõ, Yesu dùkù vi mɔ pé yí yah. N yèpɔ tyah n tẽ gbí sõ, té n flo me piki préyy. ³ Moyisi ànê Yeli núkú wil mɔ pé yah, té me n yãh ànê Yesule. ⁴ Képah sɔkɔ, Pyeri me yo Yesu tyí ne, Tẽ ñgbě, pé pól tẽnó-á me ple ásô dé! Wáh kɪ me ké tyí, páh kɪ yèpyenɔ tɔnó pɪ: Núkú-á kɪ pɪ ñmɔ tyíle, núkú kɪ pɪ Moyisi tyíle, núkú mó pɪ Yeli tyíle. ⁵ Wáh me képah yónó sɔkɔ, nýírkì yó núkú wil ñvyõõ à fob mɔ pé yõ. Té yínpõ yó me wil nýírkì mè sɔkɔ ne: «Nê-á yò, ñmɔ nìdè Pídí ye. Nmɔ ye ñ nìvìnì yõle. Yé ne n nohnì ñ tyí.» ⁶ Yesu tò sáhpú nópi-á képah tẽ noh nýãh sɔkɔ, pé syikɪ pé yah di sétáh tiki tẽ tyí. ⁷ Képah sɔkɔ, Yesu me nɔ de pé tnô à tũ pé tyí, té yo pé tyí ne: «Yé yuku, yé káh n ye tiki yé tẽ.» ⁸ Páh pé yey yõ, pé Yesu ó we ñ gblõy núkúnine. ⁹ Páh pé syi yõlile n tiki, Yesu me pè sni ne: «Yáh nê we, yé káh kè yãh ney tyí, fók kè syi n pɔ n nɔ Névi Pídí lékó yílkínmɔnɔ tyí.»

¹⁰ Képah sɔkɔ, ñ tò sáhpú me à piki yah ne, ñte sõ se pɪ té Liyel tyi kònsàhnó kwópú wɔ ne ñkě Yeli ñgbò-á yíne à pɔ Liyel ney yáhntɔkɔnɔ yah nɪ? ¹¹ A me yo pé tyí ne: «Gbɪ ye Yeli ye yíne à pɔ tyi pól tõ sah. ¹² Nte mé kéle n yo yé tyí, Yeli pɔ te té pè náh à yah pĩ. Pè pé dyɔ pɪ ñ sɔkɔ. Sẽ ye Névi Pídí tɔ kɪ fòhnó we n pi pé gbò.» ¹³ Képah sɔkɔ, ñ tò sáhpú núkú pĩ ne Wèlnwìlkì-ò Nsyõ-á à n ye.

Ndyìkìnpɪ yó dénɔmɔnɔle

¹⁴ Yesu ànê ñ tò sáhpú nópi-á pɔ yíni tẽ tówú sɔkɔ gbí nêne, dí yó nɔ de Yesule à gbètukunɔ di ñ yah, té yo ñ tyí ne, ¹⁵ pé Tẽ ñgbě, à pé pídí yãh yah. Ndyìkìnpɪ-á ñne, wáh me n kwlo kégbule. Kèyãhle à n syikɪ n de nyàh sɔkɔ, képah náh pɪ ni sɔkɔ. ¹⁶ Páh pɔ ñne ñ tò sáhpú tyí, té pè náh tẽ we à de mɔ. ¹⁷ Képah tẽne, Yesu wekɪ pé yõ ne: «Népèl yísyóle n yah dé, Liyel yõ sè-ńíkèpú nópi. Mé kɪ tẽ yéle, pópó kɪ pɔ syi gbí nê tẽ tyí? Mé kɪ yé sòmnole n pɪ, pópó kɪ pɔ syi gbí nê tẽ tyí? Yé pɔ ñne ñ kã ásô.» ¹⁸ Páh pɔ ñne, Yesu díri kò sétõ yõ nê-á mɔ ñ sɔkɔ ñdyìkìnìne, à me wil dípir sɔkɔ. Nénpó swɔ, dípir núkú de. ¹⁹ Képah tẽne, Yesu tò sáhpú nɔ de Yesu tnô pé yahle té à piki yah ne, sõ se pɪ té pépi wɔ sò tẽ sétõ mè yíni wilki kwlo dípir mè sɔkɔ nɪ? ²⁰ A me yo pé tyí ne: «Yé Liyel yõ sèno yilo kah mɔ képah ye. Kègbɪ yõ mé

kéle n yo yé tyí, yé Liyel yõ sě́nó-à me nɔ mútárdì pí* fyéle, yé náhkí fě́ yo yõlì mề́ tyí ne kẹ̀ yal ásô kẹ̀ kyí n tẹ́ yàhàh, té kẹ̀ náhkí mó tǒ kẹ̀ pí. Yé náh náhkí tir yó nítẹ́ pí n kwlɔ n pí dò. [²¹ Nte sětõ mề́ dùkùle, né nírí pínó ànê níkí tě́nó ó sɔkɔ náh, à náh fě́ n yĩni.]»

Yesu me ò kúnó ànê ò lékó yilkinmɔnɔ tyíle n tǒ n yo

²² Sõ yóle, Yesu ànê ò tǒ sáhpú sǒ me tükènmɔnɔle Kalile mara sɔkɔ. A me yo pé tyí ne: «Pè kí Névi Pídí tẹ́ dahbì névye gbò, ²³ pé kí à ko mɔ. Nte ké sèpìn tǒ-ò sǒle, ò lékó kí yilki mɔ.» Welɔ nópi nóhnó ò tǒ sáhpú yah kwɔ kẹ̀gbùle.

Yesu ànê Pyeri mórí mónóle Liyel ní-ńsah gbô

²⁴ Yesupi-á kyí yĩni tẹ́ Kapernayumi kwil sɔkɔ, Liyel ní-ńsah gbô mórí syípú nɔ de Pyerile té à piki yah ne, pé kwó-ò dí kó me Liyel ní-ńsah gbô móríle n mɔ ni? ²⁵ A me ne àwé-á, wǎh me kéle n mɔ kẹ̀. Pyeri-á kyí yĩni tẹ́ gbô, Yesu ñgbò à piki yah ne: «Simo-Pyeri, áwɔ sǒnɔ tẹ́ nêne à yuku mórí mónó tyí sɔkɔ? Kàh me móríle nê-á kí kẹ̀kǒyó yòtámne n kǒ, kwil wěnpì se kí n mɔ kéle, tǐ, nẹ́pàn se?» ²⁶ Pyeri me ne nẹ́pàn-á. Yesu me ne: «Kàh pí sě́, kwil wěnpì wɔ vyǎh náh mó me ké mónó sɔkɔ kẹ̀. ²⁷ Nte mé náh me ké tyí ne nɔ nópi kéle ne n sǒ kětúkùyô. Képah ye, kyí dlóy mɔ Kalile yó-ñgbě́ sɔkɔ, yěnkô nê-á kí pɔ tẹ́ gbenne, ò vyǎh yíkí n mɔ n yah, á kí pó wẹ́ ké sɔkɔ. Kẹ̀ wilki n kyí mórí mɔ pé tyí, ñmɔ ànê áwɔ tyíle.»

18

Névi nê-á kí pí né-ñgbě́ne kal Liyel tǒrí nɔlì yónó sɔkɔ

¹ Légbíne, Yesu tǒ sáhpú nɔ de ñne, té à piki yah ne, nê se né-ñgbě́ne kal Liyel tǒrí nɔlì yónó sɔkɔ ni? ² Képah tẹ́ne, Yesu me wěnpir tyí yó ye pɔ sah pé niyó, té yo pé tyí ne: ³ «Kẹ̀gbì yõ mé kéle n yo yé tyí, né yé náh yé nno vi mɔ à pí wěnpì tyí kǒle, yé náh Liyel tǒrí nɔlì yõ n pí. ⁴ Névi nê-à kí ò gblǒy tiki mɔ pí tyí wěnpir mề́ sǒ, tẹ́ wɔ ye kí pí né-ñgbě́ne kal Liyel tǒrí nɔlì yónó sɔkɔ. ⁵ Névi nê-à wěnpir mề́ kénkǒ tě́nó ple ñmɔ yinne, ñmɔ ye tẹ́ tẹ́ ple.»

Gbáhdýǎh gbáhdinsàhnóle

⁶ «Nte wěnpì* nóno-á sě́ ñmɔ yõ yò, névi nê-à pé sɔkɔ yó yõ yíkí mɔ tyípékẹ́ pínó sɔkɔ, pàh yínónan ñgbě̀kì yó toh tẹ́

* **17:20** 17.20 - Mútárdì pí yilɔ kal yípyé pólle. Yah n te Matye 13.31b-32a.

* **18:6** 18.6 - Wěnpì nóno tyí-á n yo ásô sɔkɔ yò, kẹ̀ kí fě́ pí Yesu yõ sě́pú ye pé n ye.

yègbɪ té à tu dah mɔ pne yɔ ʈi tẽ-̀nsah sɔkɔ kè kɔ kè à yõ, képah kɪ fɔ́nfɔ́ kal tẽne. ⁷ Pèkè me kèkõyó névyè yõ névyè yõ yíkínmɔnɔ yinne tyípékè pínó sɔkɔ. Névyè yõ tẽ wɔ náh fẽ n ye yíkínóle ó, ñte névi nê gbò yõ sɛnkõ-à we, pèkè kɪ tẽ nɔ. ⁸ A gbò, képah náh pɪ á gbáhkì-à kɪ nê n dah n mɔ ále tyípékè sɔkɔ, kè kãm milki fíí ále. Wáh tekɪ á gbò, képah náh pɪ á gbáhkì sɔkɔ té tyé-̀nkê min we, képah kɪ fɔ́nfɔ́ kal ále á mínndahnɔnɔ yõ ní-̀nkê nyàhnpèkè sɔkɔ gbàn nínì ànê gbyêh nínine á tyí. ⁹ A yí-à kɪ nê n dah n mɔ ále tyípékè sɔkɔ, kè gbahlɪ n wilki n milki fíí ále. Wáh tekɪ á yí sɔkɔ té tyé-̀nkê min we, képah kɪ fɔ́nfɔ́ kal ále á mínndahnɔnɔ yõ ní-̀nkê nyàhnpèkè sɔkɔ yí nínóle á tyí.»

Képo mónpuno wéntɛnole

¹⁰ «Yé yé gblõy tẽ wɛnpì† nópi sɔkɔ yó yílonóle. Ngbò yinyõ tɔnpɪɪ nónó-á n yah pé yõ, pè me gbímegbí ní Sú Liyel yah sɔkɔ yinyõ dé. [¹¹ Yé náh we di, névyè nónó-á me mónpuno, pépi pwah n mɔ yin ye Névi Pídí pɔ.]

¹² Yépi tẽ tyí à; sɔ kénkõ-á képyénì lèkwě-à me dí yó tyí à me n fẽ yõlɪ yõ, té núkú mɔ pu sé sɔkɔ, à náh tikiyéh pó gbãm pó kwaryãh nópi téló sah n pi nɛnpó, té kyɪ mónpuno mè yah n kɔ n pi di? ¹³ Té gbɪ yõ mé kéle n yo yé tyí, wáh à we tẽ, ñ nɪ n vɪ ñmɔle à kal tikiyéh pó gbãm pó kwaryãh nópi télóle, nónó náh mɔ pu. ¹⁴ Sɛ ye yé Sú Liyel nê-á me yinyõ, ñ tɔ náh me ké tyí ne wɛnpì nópi sɔkɔ yó ñtẽ mɔ n pu.»

Tyípékè pí-ò tẽ n pɔ dukùle gbɪ wèkì yõ

¹⁵ Yesu tɔ ne: «Á yúnpi yó-à tyípékè pɪ [á tyí], kyɪ n wil ñ tyí, ñ ñ yah yo yé nímí wró ó sɔkɔ. Wáh sah á tyí yõ, yé yúnpi kɪ yuku yahle. ¹⁶ Wáh yahle, kyɪ nénúkù képah náh pɪ nímí yah n dohnɪ á gblõy yõ ñtõ, yè kyɪ ké yah wah. Sɛ ye Liyel wey yo kéle ne, ké yah-á yĩne kè wah tàrfyò népì nímí, képah náh pɪ tɔmí yí yah. ¹⁷ Té wáh yahle sàhnóle pépi tɔ tyí yõ, kyɪ ké yah yo nímɔ yõ sɛpú ònkì tyí. Wáh se tɔ yahle sàhnóle pépi tɔ tyí yõ, ñne ne n mɔ n kɔ Liyel wèkì kó-̀nkêpú sɔkɔ, képah náh pɪ mórí syípú sɔkɔ.

¹⁸ Kègbɪ yõ mé kéle n yo yé tyí, yáh tir nê yahle sétáh mè yõ sɔkɔ, Liyel nê-á yinyõ sɔkɔ, ñ tɔ kɪ sah ké yõ sɔkɔ. Té

† **18:10** 18.10 - Yah n te Matye 18.6 yah yónó sɔkɔ.

yâh nê wě̀kì kǒ sètáh mè yǒ sɔkɔ, Liyel nê-á yĩnyǒ sɔkɔ, ñ to kɪ sah ké yǒ sɔkɔ.

¹⁹ Mé kéle n yo yé tyí tɔle, yé sɔkɔ népɪ ní mí tẽ-à fyò pé yégbékè pɪ núkúle sètáh mè yǒ, té kwáhdúkú nê ni ní Sú Liyel tyí, à kɪ kéle pè kǒ. ²⁰ Yé náh we di, népɪ ní mí kèpah náh pɪ tǒmí-à wě̀ tuke mɔ nýāh sɔkɔ nímɔ yĩn yǒ, mè n ne me pé nýó.»

Névyé-á yĩne pè ne n yǒ n mɔ wě̀ne n kǒ dǔkù nêne

²¹ Kèpah sɔkɔ, Pyeri me no de Yesu tñò té yo ñ tyí ne, pé Tẽ ñgbě̀, pé yũnpi yó-à n pɪ n de pé tyí, gbáhyí sǒ se pé yĩne pé yǒ mɔ à kǒ ni? Fóó gbáhyí kwǎrnino se ni? ²² Yesu me yo ñ tyí ne: «ǪǪ, mé náh n yo n pi á tyí ne gbáhyí kwǎrnino-á dé, ñte fóó gbáhyí kwǎrnino sàh-ñtǎnnó tikitǒní pó gbām ye.

²³ Yé yah, Liyel tǒrí-á kɪ fě̀ tokɔ sǎh sèmirkì nêne, kè we yò: Yǒtẽ dí yó lésò me ké tyí ne pé pé pó tyí yah wah ànê pé tǒnɔɔbɪle. ²⁴ Pǎh tyah pó yáhnóle, pè ñ tǒnɔɔ yó tẽ pɔ ñ tyí, ñ kǒli ñgbě̀-á sǒ me nê yǒ, fóó talá‡ pó pló kèyǒ kwlóle (10 000). ²⁵ Té kwáh náh sǒ me dí mè tyí ké dyah dyah tẽne. Kǎh pɪ sě̀, yǒtẽ dí ne, pè à tẽ yām, ànê ñ kyile, ànê ñ wě̀npɪle, à tahl ñ gbǎn yí pól tyí, pè kǒli mè dyah. ²⁶ Kèpah tẽne, tǒnɔɔ mè me ñ gbètukunɔ di té ñ yah kwĩnki sètáh yǒtẽ dí yah, té yo ñ tyí ne, à ñ gblǒy ye à mó pé syɪkɪ n yah kwéy, páh kɪ pɔ ké pól dyah ñ tyí. ²⁷ Wǎh kèpah yo sě̀, ñ yām yǒtẽ dí kah tẽ. A me à fin mɔ té kǒli mè yǒ mɔ à kǒ. ²⁸ Kéne dí-á fyò wil, à ñ ní-ò tǒnɔɔ yó yohnɪ ñmɔ kǒli kwéy-á sǒ me nê yǒ deniyéš pó pló lèkwéle. A me à fyāh tẽ ñ yègbɪ tyí à ñne n fɪ kɪrr, té à syah ne nǐkě̀, pé kǒli nê-á me ñ yǒ, à pé dyah kéle. ²⁹ N ní-ò mè me ñ gbètukunɔ di ñ yah té yo ñ tyí ne, à ñ gblǒy ye à mó pé syɪkɪ n yah kwéy, páh kɪ pɔ kè dyah ñ tyí. ³⁰ Nte à yahle, té se tǒ à tẽ kyɪ dah mɔ wòkònpèkè sɔkɔ, fóó kɪ pɔ no gbí nê-á à kɪ kǒli mè dyah. ³¹ Pé no tǒnɔɔɔ-á kèpah tẽ we sě̀, kè pé yah kwò kègbɪle. Pè me kyɪ sé pól yo pé yǒtẽ dí syah. ³² Kèpah sɔkɔ, yǒtẽ dí me pè kǒ pè à ye pɔ, té yo ñ tyí ne: <Tǒnɔɔ népo. Wáh lésò ní ni, kèpah ye mé á kǒli yǒ mɔ ñ kǒ. ³³ Nte áwɔ tɔ náh sǒ yĩne ñ á ní-ò yām yah, nímɔ-á á yām yah sǒ di?> ³⁴ Té fòkòvyǎhni kèpèkè tẽ tyí, yǒtẽ dí à

‡ **18:24** 18.24 - Légbíne, talá pó pó núkú kɪ sǒ fě̀ no nénúkú ye gbònkwló tǒ pínó danne. § **18:28** 18.28 - Légbíne, deniyé pó pó núkú kɪ sǒ fě̀ no nénúkú gbìyìkì núkú tǒ pínó danne.

dahbi wòkònpèkè névyè fòhápúpèl gbò, fós kɪ syi pɔ nɔ gbí nê-á à kɪ yòtɛ dí pɔ pólle à dyah. ³⁵ Sɛ ye ní Sú Liyel kɪ n pɪ n pi yé tɔlɛ, yáh n yònmɔ-ńkêne wêne n kò yé nno pólle.»

19

Yesu-á kwónó nê kò fúr yíkínó tyí yò

¹ Yesu-á tyɛ ò wɛyne gbí nêne, à yal Kalile mara sɔkɔ à yuku Nsyude mara tyah yó sɔkɔ, nê-á me Nsyurdɛ yónkahnɛ. ² Tówú ñgbɛ yó me ò sò tɛ yuku, té à me pé yámpú de mɔ nénpó. ³ Képah sɔkɔ, Farisi wɛkì kópú yísyó nɔ de ò tnô ne pé à mɔ yah, té à piki yah ne, ké wɛkì se me dí tyí à kɪ ò kyɪ fin mɔ, káh sɔ me tyídúkú nê yò nɪ? ⁴ Yesu me yo pé tyí ne: «Yé náh kè kar yah Liyel wɛy sébéy sɔkɔ ne, kèkòyó mɔ gbíne, Kèkòyó mɔ-ò-á pè mɔ dí ànê sêlɛ di? ⁵ Wáh ne, képah-á dí-á kɪ yal ò sú ànê ò yú tnô, té kɪ kwɔ mɔ ò kyɪlɛ, pé ními kɪ pɪ wil gbɛnsɛ núkúle. ⁶ Káh pɪ sɛ, ními náh tɔ péle dé, núkú-á péle. Liyel-á nónó kwɔ mɔ, ney káh pè gbekɪ.» ⁷ Képah tɛne, Farisi wɛkì kópú à syah ne, òtɛ sɔ se pɪ té Moyisi kè kò sah ne, névi nê-à ò kyɪlɛ n fin mɔ, tɛ ò fin mɔ mɔ tãrfyò sébéy pɪ à kò à mó pyè à fin mɔ nɪ? ⁸ A me yo pé tyí ne: «Yépi òhni-ńkê yin ye Moyisi kò à képah wɛkìlɛ yé kò kè. Nkɛ sɛ náh se lésò kéle ké tyàh-nsah sɔkɔ té. ⁹ Té ñmɔ kéle n yo yé tyí ne, névi nê-à ò kyɪ fin mɔ né fòfikì tɛ tyí yò náh, té sékáhkí tɔkɔ, fòfikì-á tɛ n pɪ.»

¹⁰ Képah sɔkɔ, Yesu tò sáhpu yo ò tyí ne, dí yin-nsah-à mó me pɔ sah képah yò à yuku ò kyɪ tyí finne, sê tókó-ńkê-á fónfó dò. ¹¹ Yesu me yo pé tyí ne: «Wɛy nê-á mé kɪ n yo n pi yé tyí yò, no pól náh fɛ ké syíkí-nsah we n pi. Nte Liyel-á ké fɛnpɪnɔ lékámne nónó kò, pépi wɔ kɪ fɛ ké syíkí-nsah we. ¹² Yé náh we di, tyi yísyó me nónó-á díbi kò pè náh syóle n tɔkɔ: Túkú me pé díbi-nsah dukù sɔkɔ, pè náh me díbi sɔkɔ. Túkú me névyè ye mɪ péle pè kò pè náh me díbi sɔkɔ. Túkú mó sétókókì yahle Liyel yòtɔrí yah yúkúnó yinne. Nê-à kɪ fɛ wɛy mè syíkí-nsah we n pi, tɛ kɪ ké syíkí-nsah we.»

Yesu sãm mónóle wɛnpɪ sɔkɔ

¹³ Képah tɛne, névyè pɔ wɛnpɪ yrɔle Yesu tyí ne à ò gbàn sah pé yò à Liyel ni pé tyí. Nte ò tò sáhpu me tyah dírilɛ n kò pé yò. ¹⁴ Képah sɔkɔ, Yesu me yo pé tyí ne: «Yé ye wɛnpɪ kò pè ne n pɔ n pɔ ñmɔ tyí. Yé káh pé yahle n kò. Yé náh we di, névyè nónó dukù-á me wɛnpɪ nópi tyí kòle, pè kɪ Liyel

* 19:7 19.7 - Yah n tɛ Tònyonɔ 24.1.

tǒrí noli yǒ n pi.» ¹⁵ Képah tǝne, wǎh ò gbǎn sah te pé yǒ, à yal nǝnpó.

Tahrı tyı yónóle

¹⁶ Képah tǝne, kètǝnpikı yó no de Yesule té à piki yah ne, kwó-ò dí, tir nê sé pé yǝne pé pi tyıpépǝyne pé mó tyé-ńkǝ min we ni? ¹⁷ Yesu me yo ò tyı ne: «Sǒ pi té á ńne n piki n yah pǝpey tyı yǒ? Pǝpey núkú ó me. Wáh ki me ké tyı ne á min we, Liyel tyi kǝnsǎhnó wǎlle n ko.» ¹⁸ A me ne Liyel tyi kǝnsǎhnó nónó tǎn se ni? Yesu me yo ò tyı ne: «Káh nékókè mǎ, káh fǝfíkı pi, káh yǝbe yı, káh mìnı sah ney yǒ. ¹⁹ Yǝyénne n sah á sú ànê á yú yǒ. Ye á ní-ò tyı no á tyı á gblǝy tyı kǝle.» ²⁰ Képah tǝne, kéne kètǝnpikı me yo ò tyı ne, páh me sépi tǝ pólle n pi dò, kèyǎh se tǒ me wǔ pé tyı pi pi tǝne ni? ²¹ Yesu me yo ò tyı ne: «Wáh ki me ké tyı ne á tyi pól tǔ, gbǎn yı nónó-á me á tyı, kyı sè yǎm ò té sé pó dibi yǎm tǎn kǝ. Képah sokǎ, á ki tahrı we Liyel fǒ sokǎ. Képah-à pi, ò pǎ ńmǎ sǝ tǝ.» ²² Wǎh képah tǝ noh sǝ, à sokǎ yahle yıkınsǎhnóle. Kwǎh nétǝ ńgbǝ ye sǝ òne képah ye.

²³ Képah sokǎ, Yesu me yo ò tǒ sǎhpú tyı ne: «Kègbı yǒ mé kéle n yo yé tyı, tǎh Liyel tǒrí noli wényǝnǝle, kè ki tah dé. ²⁴ Mé kéle n tǒ n yo yé tyı, yǎhmíkı dénwılńóle sèndi pwǎh sokǎ, képah ńtǝ ki dǝdǝ kal tǎh Liyel tǒrí noli wényǝnǝle.» ²⁵ Yesu tǒ sǎhpú-á képah noh sǝ, pé gbǎn kah du. Pè me ne, òte nê wǎ se ki mó fǝ pwah ni? ²⁶ Yesu me yǒ pè yah, té yo pé tyı ne: «Névyte tǝ wǎle, pè nǎh fǝ kè pi n pi. Nte Liyel ki fǝ tyi pól pi.»

²⁷ Képah sokǎ, Pyerı me yo ò tyı ne, à yah, pépi-á pé tyi pól sah té òmǎ sǝ tǝ. Pépi tyı se ki n pi n pi sǝ ni? ²⁸ A me yo pé tyı ne: «Kègbı yǒ mé kéle n yo yé tyı, Névi Pídı-à pǎ kǝ tǝ ò tǒrí kǝ yǒ kèkǝyó késǎn sokǎ gbı nêne, yépi nónó-á ńmǎ sǝ tǝ, yé tǎ ki kǝ tǝ tǒrí klǝ gbǝninó yǒ ki Yisrayel no yıkıńınó gbǝninó yah tǝ n pi. ²⁹ Nmǎ yın yǒ, névi nê tǝ-à fyǝ me yal ò gbǝ sokǎ ò, ò yúnpyé tnǝ ò, ò dósýó tnǝ ò, ò sú tnǝ ò, ò yú tnǝ ò, ò wǝnpı tnǝ ò, ò swǝy tnǝ ò, tǝ ki sǝnknǝnǝ lèkwǝ we, té ki se tǒ tyé-ńkǝ min we. ³⁰ Nte négbro nǎhnáh ki n pi n pi nétélóle, té nétélóle nǎhnáh ki n pi n pi négbrole.»

20

Sèmırkı nê-á yǎh sètǝ yó ànê ò tǝnpıbı sar dükú tyı yǒ

1 «Yé yah, Liyel tǒrí-á kɪ fě tɔkɔ sãh sèmirkɪ nêne, kè we yò: Sètě dí yó lésò wil séngbǒ púpúle ne pé tǒnpɪbɪ yah n tɔkɔ n tekɪ mɔ pé yèresě swãh sɔkɔ. 2 Wãh nónó we, à yo sah núkú yò péle ne, nénúkú gbìyìkɪ núkú tò pínó sãrle, deniye* pó pó núkú-á. Képah sɔkɔ, té pè tekɪ mɔ n swãh sɔkɔ. 3 Pǒy tǒ gbíne, à tǒ wil té kyɪ nósýó we tẽnóle tówú tükè-nsah sɔkɔ tò kěne pé tyí. 4 A me yo pé tyí ne, pépi tɔ sɔkɔ péwɔ swãh sɔkɔ, pãh kɪ pè sar ké yah yò. 5 Pè me sɔkɔ. Gbì-á me yòtah sírr sɔkɔ, à tǒ wil à sěntě pɪ. Gbèkãm gbí-á nɔ, à tǒ wil à képah núkú ó pɪ. 6 Nví lésyile, à tǒ wil té kyɪ nósýó we ntǒ kéne tówú tükè-nsah sɔkɔ. A me pè piki yah ne, sǒ se pɪ té péle ásô gbìyìkile tótó tò pí-ńkěne nɪ? 7 Pè me yo n tyí ne, ney náh pé tɔkɔ képah-á. A me ne pépi tɔ sɔkɔ péwɔ swãh sɔkɔ. 8 Tǒ-á tiki nívine, sètě dí yo n pó yah wãh-ò dí tyí ne, à tǒnpɪbɪ nǒpi ye n pɔ pè dyah pé póle. Nkě nónó-á kyɪ swãh sɔkɔ nétélóle, à kè tyah pépi tyí à pɔ n dal n mɔ négbro tyí. 9 Nónó-á télóle, pãh pɔ, à pè kǒ deniye pó pó núkú núkúle. 10 Kãh syɪ négbro tyí, pépi tě sǒ me n sǒ ne wãn-á kɪ we pépi tyí yò. Nte deniye pó pó núkú núkú ye pépi tɔ we. 11 Pãh pó nǒpile n syi gbí nêne, pè tyah sètě dí sèyòkèle n yo 12 ne ńkě, nónó-á à tɔkɔ pɔ télóle, lérí núkú ó sɔkɔ-á pè we pɪ tǒle. Nte kè se pɪ sǒ té à pɔ péle n sar núkúle pépile, pépi nónó-á kwlónó fě syi à tò pɪ kwlo gbìyìkile tótó gbì syòkɪ yah sɔkɔ nɪ? 13 Sètě dí me yo pé sɔkɔ yó tyí ne: «N kódí, mé náh syɪkɪ á yò sɔkɔ dé. Nmɔ ànê áwɔ náh sǒ wekɪ sah núkú yò ne, á gbìyìkɪ núkú tò pínó sãr-á kɪ pɪ deniye pó pó núkúle di? 14 Ne n yuku á póle. Mé kɪ nétéy mè kǒ dan núkúle áwɔle n dyɔ ó. 15 Ké wěkɪ náh me nímɔ tyí, kɪ fě n dyɔ dyɔ tyi pɪ n póle di? Tí, n nɪ nónó se n yɔ ále?» 16 Képah yáhnteno náh, Yesu tǒ yo pé tyí ne: «Sě ó ye, nétéló kɪ pɪ négbrole, té négbro kɪ pɪ nétélóle.»

Yesu me n kúnó ànê n lékó yilkínmɔnɔ tyíle n yo ke tǒ-òle

17 Yesupi-á n sɔkɔ Yerusalemɪ kwil, pãh me wěkɪ yò sɔkɔ, à n tò sáhpú ye pé yahle, té yo pé tyí ne: 18 «Á we wěkɪ yò à n dɔkɔ n yuku Yerusalemɪ sɔkɔ yò. Névi Pídí kɪ tě n dahbɪ n pɪ sárká syínwilkɪpu yòtãm ànê Liyel tyi kǒnsàhnó kwópú gbǒ nénpó. Pè kɪ kè yah tɔkɔ ne wãh yíne kònmɔnɔle, 19 té kɪ à dahbɪ névyé gbǒ nónó náh pɪ Nsyifunɔle, pè kɪ kóle à

* 20:2 12.5 - Légbíne sǒ, wãh gbìyìkɪ núkú tò pɪ névi tyí, deniye pó pó núkú ye tě n sar ále.

ko, té kɪ à ko yèfõhle, té kɪ à syɪ dahnɪ yõ. Nte ké sèpìn tǒ-ò sõle, n̄ lékó kɪ yilki mɔ.»

Nsyakɪ ànê Nsyõ yũ-á nê yah kõ Yesu tyí

²⁰ Képah sɔkɔ, Nsebede kyɪ mɛ n̄ dɪnpɪ tẽ nɔ de Yesule, té kɔ kwĩnki n̄ yah ne pé yáhnkõnɔ yó pɪ n̄ tyí. ²¹ Yesu me à piki yah ne, à se me kwáh nê tyí nɪ? Pi me yo n̄ tyí ne, pé dɪnpɪ nónó-á yò, à n̄ vyáhle péwɔ kõ ne wáh pɔ dɔkɔ n̄ yõtõrí yõ, pé sɔkɔ núkú kõ tẽ n̄ gbòyò sòle, ní-ò mó kõ tẽ n̄ gběyìnè sòle. ²² Yesu me yo n̄ tyí ne: «N̄pɪ-n̄kẽ sɔkɔ ye yé n ni kéle. Máh kɪ n de n pi yèvyáhrɪ nê sɔkɔ, yé tɔ se kɪ fẽ de ké sɔkɔ?» Pè me à syah ne páh kɪ fẽ de ké sɔkɔ. ²³ Yesu me yo pé tyí ne: «Máh kɪ n de n pi yèvyáhrɪ nê sɔkɔ, yé tɔ kɪ de képah wɔ sɔkɔ ó, nte ní gbòyò sò ànê ní gběyìnè sò tẽnó tẽ wɔle, n̄mɔ tyí náh képah wěkì kǒnóle. N Sú Liyel-á kè yah sah nónó yinne, pépi ye à kɪ kõ kéle.» ²⁴ Yesu tǒ sáhpú népɪ gbám nópɪ téló-á képah noh sɛ, pé fɔkɔ vyáh nímí nópɪle. ²⁵ Képah sɔkɔ, Yesu me pé pól ye yah té yo pé tyí ne: «Tir nê-á me n pɪ kwlo kwlo sɔkɔ, yé kè pĩ ó. Yõtám náh níkẽne pé kwlo névyele ne n fne, té né-n̄gbnɔ tɔ n mó ne n fyáh pé yõ pé tẽnwenɔ yinne di? ²⁶ Nte kè náh yĩne kè ne n pɪ sɛ yépi wró. Gbëntěnáhle, yépi sɔkɔ nê-à me ké tyí ne pé yĩn-risah n̄gbě we, tẽ yĩne à pɪ tǒnpɪle téló tyí. ²⁷ Té nê-à me ké tyí ne pé pɪ yah névile yé sɔkɔ, tẽ yĩne à pɪ yé yõle. ²⁸ Sɛ ó ye, Névi Pídí náh pɔ ne névyé tǒle n pɪ péwɔ tyí dé. N̄mɔ ye pɔ tǒ pɪ yinne névyé tyí, té kɪ n̄ min kõ névyé náhnáh yõ dwe yinne.

Nsyeriko kwil yítũbi népɪ nímí yí yíkínmɔnɔle

²⁹ Yesu ànê n̄ tǒ sáhpú-á n wil Nsyeriko kwil sɔkɔ gbí nêne, tówú n̄gbě yó me n̄ sò tẽ. ³⁰ Té yítũbi népɪ nímí yísyó sò me tẽnóle wěgbalɪ sɔkɔ. Páh noh ne Yesu-á pɔ n sɔkɔ, pè tyah n yo n mɔ yĩnpǒ n̄gběne ne, pé Tẽ n̄gbě, n̄mɔ nê-á Davidi Pídíne, níkẽ à pé yám yah. ³¹ Képah tẽne, tówú dirí kõ pé yõ ne pè pé vyěy vike. Nte pè tǒ wán mɔ pé yónmɔnɔ yõ ne níkẽ, pé Tẽ n̄gbě, n̄mɔ nê-á Davidi Pídíne, níkẽ à pé yám yah. ³² Yesu me yĩn té pè ye yah, té yo pé tyí ne: «Kwáh nê me yé me ké tyí ne mé pɪ yé tyí?» ³³ Pè me yo n̄ tyí ne, pé Tẽ n̄gbě, à pé yí yɪkɪ mɔ. ³⁴ Képah tẽne, pé yám Yesu tẽ. A me tũ pé yí tyí. Nénpó swɔ, pé yí núkú yɪkɪ mɔ. Pè me n̄ sò tẽ.

21

Yesu dénóle Yerusalemi kwil soko

1 Yesu ànê ò tò sáhpú sò me fíi kwéy Yerusalemi kwille. Pè sò me yúkey Betifasyi kwille, képah nê-á me Wólívyé yèh yòli yò. Képah soko, à me ò tò sáhpú népí ními tò ² ne nkê: «Kwil nê-á yé yah òinne yò, yé kyi ké soko. Yé ki nukú nkweñdyíyũkì yó we tóhnmònsàhnóle nkweñdyípikì yóle ò tnò. Yé à de, yé pò séle ní kò. ³ Nê-à ki ne pé yo, yé yo tẽ tyí ne, sé yétò-á me Tẽ òngbẽ tyí. Képah soko, tẽ ki ye yé kò yé ki soko séle nénpó swò.» ⁴ Yesu képah yo sã, Liyel tẽntò syíno-ò wey yónsàhnò mè wil yinne. Liyel tẽntò syíno-ò lésò ne nkê: ⁵ «Yé yo Yerusalemi * kwil tã tyí ne, pé yah, pé yòtẽ-á me n pi pé òinne. Gblöy tikiñmòno-á me ò soko. Wãh me dókónkòntẽnóle nkweñdyíkì yò, nê-á nkweñdyípikile.»† ⁶ Képah soko, Yesu tò sáhpú me kyi tyi nópi pi ò yóre yò. ⁷ Pè nkweñdyíyũkì ànê nkweñdyípikì mè tẽ pò, té pé flo mò sé yò Yesu kò à dokò kò tẽ. ⁸ Nékwínkì sò me pé flole n mò n yuku wèkì yò, túkù mó me pẽmìle n kwòki n mò n yuku. ⁹ Tówù nê-á sò me mò ò yah òinne pé n yuku, ànê nóno-á sò me ò tò tẽ, pé pól sò me yo tú yínpò òngbẽne ne: «Gbílkinó ne n sah Davidi Pídí yò. Névi nê-á n pi Tẽ òngbẽ yin yò, Liyel sãm mò ò soko. Gbílkinó ne n sah Liyel yò, òmò nê-á me yínyò.» ¹⁰ Yesu-á pò n de Yerusalemi kwil soko, nénpó tã pól yuku kwille n yike wùù. Pè sò me piki yah tú ne, nê se dí mènne ni? ¹¹ Tówù me yo pé tyí ne, Liyel tẽntò syíno-ò Yesu-á, nê-á n wil Nasareti kwil soko, Kalile sétáh yò.

Gbòyibi yínwilkínóle Liyel ní-nsah gbò soko

¹² Yesu-á de Liyel ní-nsah gbò soko, à yíyãm yãmpu ànê yídwénè dwépú pól yíni wilki ké soko. A pò sàhntùpu tàbálnó tu wilki mò, ànê kèpíkípikínò yãmpu klòle. ¹³ Té yo pé tyí ne: «Kè me wárkínsàhnóle Liyel wey sébéy soko ne: «N gbò ki n ye níri pí-nsah gbòle.»‡ Nte yépi kè tòko pi yípú wòbìntẽ-nsahle kè?»§

¹⁴ Képah náh, yítùbi ànê gbáhkì nukú névyè me nò de Yesule Liyel ní-nsah gbò soko. A me pé de mò. ¹⁵ Sárká syínwilkìpu yòtãm ànê Liyel tyi kònsàhnò kwópú-á gbìl nópi pínó we sã, té wẽnpì tò me gbo mò tú ne nkê, gbílkinó ne

* **21:5** 21.5 - Yerusalemi yin yó ye sò Siyòne. † **21:5** 21.5 - Yah n te Nsakarì

9.9. ‡ **21:13** 21.13 - Yah n te Yesayi 56.7. § **21:13** 21.13 - Yah n te Nsyeremi

7.11.

n sah Davidi Pídí yō, pé foko vyāh. ¹⁶ Képah tēne, pé me yo Yesu tyí ne, wēnpì nópí-á me nēne n yo, à kó me kéle n nohnú nì? A me yo pé tyí ne: «Awe mé me kéle n nohnú. Té wey nê-á wárkínsàhnòle Liyel wey sébéy soko ne: <Á kè pì á gbilki gbilki welo n nohnú wēnpì ànê wēnpì yrō vyēy soko.>»* Yé se kú ne yé náh kè kar yah? ¹⁷ Képah yónteno náh, à yal pé tnô, té wil kwil soko à kyí sō Betani kwil soko.

Yesu vyāh yénmɔnɔle sɛnsóké séswô yô

¹⁸ Dīndal séngbòle, Yesu-á n syí n pì Yerusalemú kwil soko, kwekú à tē. ¹⁹ Wāh sɛnsóké séswô yó we yúkey wēkìle, à me nɔ de ké tnô. Nte à náh kwāh yó we ké soko. Kè sò me miri ó kókóle. Kāh pì sē, à me yo ké tyí ne, tōó-á sē yò, képah tē náh tō n syí n yah n pì pólle. Nénpó swò, séswô mè núkú kòkò. ²⁰ N tō sáhpú-á képah we sē, pé gbàn du. Pè me Yesu piki yah ne níké, kè se pì sō té sɛnsóké mè núkú kòkò nénpó swò nì? ²¹ A me yo pé tyí ne: «Kègbí yō mé kéle n yo yé tyí, Liyel yō sɛnó-à me yé soko, té yé náh me n sō tòtò, máh nê pì sɛnsóké séswô mè soko, yé tó kú fē sɛnkō pì. Té kè náh n yīn n pì képah ó tyí dé, yé kú tō fē yo yòlì mè tyí ne, kè yuku n yal ásò kè kyí n syíkú n de pne yo soko, té kè kú mó tō pì. ²² Liyel yō sɛnó-à me yé soko, té yé kwáhdúkú nê yah kō Liyel tyí nírí soko, yé kú kè we.

Pè me Yesule n piki n yah ò tēnweno wil-nsah tyíle

²³ Yesu kyí Liyel ní-ńsah gbò soko. Wāh me névyele n kwò gbí nēne, sárká syínwìlkìpu yòtām ànê kwil yèwàhnì nɔ de ò tnô té à syah ne, nê gbò yō se à n pì tyi nópìle, ànê nê se kō òne kéne tēnweno nì? ²⁴ A me yo pé tyí ne, péwò t-á kú pè piki yah tir núkú ó kókóle. Pàh kú ké yah yo pé syah, pé t-á kú mó yo pè syah nê gbò yō-á pé n pì tyi nópìle. ²⁵ Pépì tē tyí à; nê se tō Nsyōne à pò wèlnwìlkínòle n pì nì? Liyel se, tì névyé se nì?» Képah soko, pè tyah n yo wē tyí ne, páh kú ne Liyel-á tō òne, wāh kú pé syah ne, té kwāh nê se pì té pé náh sē ò yō nì? ²⁶ Nte páh kú se mó tō ne névyé-á tō òne, tówù tíkí-á me pé tē pé pól-á sōnpìle me Nsyōne n tokò n pì Liyel tēntò syínyo-òle. ²⁷ Kāh pì sē, pè Yesu syah ne pé náh pì. N tó mó yo pé tyí ne, pé tó náh kè yo pè syah n pì, nê gbò yō-á pé n pì tyi nópìle.

Sèmìrkì nê-á yāh dīnpì népì nímí yísyó tyí yô

* 21:16 21.16 - Yah n te Gbálnó 8.3.

28 Képah sɔkɔ, Yesu tɔ̄ yo pé tyí ne: «Mé kɪ sɛ̀m̀ĩrkĩ yó yãh yé tyí, yè mó yé sɔ̄nɔ yo ní tyí ké tyí sɔkɔ. Dínpĩ nɛ́pĩ ní mí lésɔ̄ me dí yó tyí. A me nɔ de gben tɛ̀ne, té yo ñ tyí ne, pé pídí, ñkɛ̀ à kyɪ tɔ̄ pɪ pé tyí yèrɛsɛ̀ swãh sɔkɔ kweyne. 29 A me ñ sú syah ne kyɪ dékè nãh me pé tɛ̀. Té dɔ̄ kwéy, à kè we ké yah nãh. A me yuku sɔkɔ swãh sɔkɔ. 30 Sú mè me tɔ̄ nɔ de ñ pídí ní-òle, à wey núkú mè ó yo ñ tɔ̄ tyí. Nmo me yo ñ tyí ne, páh kɪ kyɪ, pé bɔ̄. Té à nãh pɔ kyɪ. 31 Nɛ́pĩ ní mí nópi sɔkɔ, nê tɛ̀ pé sú ñiv̀ǹǹ pɪ?» Sárká syínwĩlkĩpu yòtã̀m ànê kwil yèwãhǹǹ nópi me ne gben tɛ̀-á. Képah sɔkɔ, Yesu me yo pé tyí ne: «Kègbɪ yò mé kéle n yo yé tyí, mórí syípú ànê syó fɔ̀fɔ̀npɪbɪ kɪ yé dyàh tɛ̀ Liyel tɔ̄rí nɔh yò. 32 Yé nãh we dí, Nsyɔ̄ pɔ yé tyí à pɔ gbɪ wɛ̀kɪle yé wɛ̀kɪ, té yé nãh sɛ̀ ñ yò. Nte mórí syípú ànê syó fɔ̀fɔ̀npɪbɪ wɔ pyɛ sɛ̀ ñ yò. Yé mó tɔ̄ kè we yíne, té képah fyé yò, yé nãh yé nno vi mɔ à sɛ̀ ñ yò.»

Sɛ̀m̀ĩrkĩ nê-á yãh yèrɛsɛ̀ swãh tópu nɛ́pɛ̀l tyí yò

33 Yesu tɔ̄ yo pé tyí ne: «Yé yé ní sah noh ní tyí sɛ̀m̀ĩrkĩ yóle ntɔ̄ yò: Sètɛ̀ dí yó lésɔ̄ yèrɛsɛ̀ swãh kɔ, té kɛ̀kɪ mɔ kè kore vi, té swɔ yó tũ tédáhkɪ yò ké sɔkɔ, à pɪ yèrɛsɛ̀ pye yíkĩ-ńsahle. Té ké syíkípú dókóntɛ̀-ńsah mɔ kèyy ké sɔkɔ. Képah nãh, à yèrɛsɛ̀ swãh tópu yísyó tɔkɔ pɔ sah ké yò, píndibino yò, té sɔkɔ kóló sɔkɔ. 34 Sé pye gbɛ gbí-á pɔ n nɔ, sètɛ̀ dí ñ tɔ̄npɪbɪ tɔ̄ yèrɛsɛ̀ swãh tópu nópi tyí ne, pè pé we we tɛ̀ne pè kɔ pè pɔ pé kɔ. 35 Nte yèrɛsɛ̀ swãh tópu nópi yuku pè tɛ̀, té núkú ko kèpékèyò, té kèyãh ko mɔ, té kèyãh minkɪ ko dyèhle. 36 Sètɛ̀ dí tɔ̄ ñ tɔ̄npɪbɪ yísyó tekɪ mɔ, nónó-á dò kal gbɔ tãne. Pè tɔ̄ pépi tɔ̄ pɪ sɛ̀ntɛ̀ óle. 37 Kãh pɪ sɛ̀, à tɔ̄ ñ pídí tɔ̄ pé tyí tɛ̀yne, té me n sɔ ne, páh kɪ ñmɔ wɔ yah sen ku. 38 Nte yèrɛsɛ̀ swãh tópu nópi-á fyò ñ pídí we, pè núkú yo wɛ̀ tyí ne, ñ gbɛyò-á yò. Pè pɔ pé à ko mɔ, gbɛkɪ mó pɪ pépi tyíle. 39 Képah tɛ̀ne, pè núkú à fyãh tɛ̀, té à wilkɪ mɔ swãh kahnne, té à ko mɔ. 40 Yé tɔkɔ ne n yah kè; sètɛ̀ dí-à pɔ pɔ, sɔ̄ me à kɪ pɪ péle?» 41 Pè me ne, wãh kɪ kɛ̀ne nɛ́pɛ̀l ko mɔ pélpèl, té kɪ yèrɛsɛ̀ swãh tópu yísyó tɔkɔ pɔ sah ñ swãh mè yò, píndibino yò. Pépi wɔ-á kɪ ñ we we tɛ̀ne ñne n kɔ ké gbí sɔkɔ. 42 Képah sɔkɔ, Yesu me yo pé tyí ne: «Yé se kɪ ne yé nãh wey mè kar yah pólle, nê-á yo Liyel wey sɛ̀béy sɔkɔ ne ñkɛ̀:

«Wòkò mópú-á dáhkɪ nê yahle,

képah yétô pɔ kal.

Tě ngbê tò vyāh ye képahle.

Gbëndùni tir ye kéle ápi yah sɔkɔ yò dé!»†

⁴³ Képah yóntenɔ náh, Yesu tǒ yo pé tyí ne: «Mé kéle n yo yé tyí tɔle ne, Liyel tǒrí sɔkɔ tǔnɔ kɪ syi yépi Nsyifunɔ tyí kɪ yíkɪ yó névyé kǔ, nónó-á kɪ tyípéplɔle n pɪ ké sɔkɔ Liyel-á me nónó tyí. [⁴⁴ Wòkò mópú-á dáhki nê yahle, névi nê-à wil syikɪ képah yò, tǔ kɪ kwɔkɪ. Té kàh se mó tǔ syikɪ nê yò, kè kɪ tǔ pyāhrɪ.]» ⁴⁵ Sárká syínwilkɪpu yòtām ànê Farisi wǔkɪ kópú-á fyò sèmìrn nópi noh, pè pǐ ne pépi yò-á Yesu mɪ séle. ⁴⁶ Képah tǔne, pè sǔ me ké tyí ne pé à tǔ, té tówù tiki pè tǔ. Tówù sǔ me Yesule n tɔkɔ n pɪ Liyel tǔntǔ syinyo-òle képah ye.

22

Sèmìrkɪ nê-á yāh fúr yòke yónó tyí yò

¹ Yesu tǔ tyah sèmìrkɪ yóle n yāh pé tyí ne: ² «Liyel tǒrí-á kɪ fǔ tɔkɔ sāh sèmìrkɪ nêne, kè we yò: Yòtǔ dí yó lésò n pídí fúr fèn pɪ. ³ Té me n tǔnpɪbɪ wilki tǔ ne, pè kyɪ néyénó ye n pɔ fúr yòke yó-ńsah. Nte néyénó nópi náh sǔ me ké tyí ne pé pɔ. ⁴ Képah tǔne, à tǔ tǔnpɪbɪ yísyó wilki tǔ pé tyí ne, pín-á pɪ te. Pāh nyéhpyénì ànê yípéy ko te nɪrɪ-á me nónó sɔkɔ. Tyi pól-á pɪ te, pè pɔ fúr sɔkɔ. ⁵ Nte néyénó nópi náh kè mɔ kǔ pólle. Nyɔ-à yuku à n sɔkɔ n swāh, nýɔ-à yuku à n sɔkɔ n gbò yí-ńsah. ⁶ Pé tókù me yuku mɪ yòtǔ dí tǔnpɪbɪ sɔkɔ, à pè fǔh pélpèl, té pè ko mɔ. ⁷ Képah sɔkɔ, yòtǔ dí fɔkɔ kah vyāh. A me n srāsýíbí tekɪ mɔ pè kyɪ kéne nékókè mópú ko mɔ, té pé kwil suke. ⁸ Képah náh, té yo n tǔnpɪbɪ tyí ne, fúr yòke-á pɪ te. Nte néyénó nópi náh sǔ yīne yòke mè yónóle. ⁹ Nkǔ pè kyɪ wǔtlo yey sɔkɔ, pāh kɪ fyò névyé nónó we, pè pé pól ye n pɔ fúr yòke yó-ńsah. ¹⁰ Tǔnpɪbɪ nópi me sɔkɔ wǔl yey sɔkɔ. Pāh kyɪ té névyé nónó we, nétúkúni tɔkɔ dohnɪ népéplɔ yò, pè pé pól ye pɔ tuke mɔ, fóó fúr pí-ńsah wòkò pól yuku yòke yópúle. ¹¹ Yòtǔ dí-á de yuku yāh-ńsah pé tyí, à kyɪ dí yó we pé sɔkɔ nê náh sǔ me fúr flo mɔ. ¹² A me yo kéne dí tyí ne, pé kódí, ñmɔ se de sǔ ásò sɔkɔ fúr flo kéne n wil sɔkɔ nɪ? Nte yó-ńsah náh we dí tyí. ¹³ Képah sɔkɔ, yòtǔ dí yo tǔnpɪbɪ tyí ne pè n gbyēh ànê n gbàn pukubi, pè mó à min mɔ kégbó fǔntú sɔkɔ, nýāh sɔkɔ-á gbní ànê yni

† 21:42 21.42 - Yah n te Gbálnó 118.22-23; Tyípini 4.11.

táhnó kɪ mɛ. ¹⁴ Yé náh wɛ di, névyɛ náhnáh mɛ yénóle. Nte nónó-á yah wilki pé sɔkɔ, pè náh mɛ fwóo.»

Pó mórí mónóle Wrome kwiltām yòtē ñgbē Sesar tyí

¹⁵ Képah sɔkɔ, Farisi wēkì kópú kyɪ wē wɛ à yo sah núkú yō, sǒ-á pè kɪ pɪ té kɪ Yesu wɛ n tē n pi ñ vyāh wey sɔkɔ. ¹⁶ Té mɛ pé tò sáhpú yísyó ànê yòtē dí Yerɔdɪ náh névyɛ túkú wilki tò Yesu tyí ne pè kyɪ yo ñ tyí ne, pé kwó-ò dí, páh pĩ ne gbɪ yó-ò-á ñne, ànê wāh Liyel wēkìle névyɛle n kwɔ gbɪ wēkì yō. A náh névyɛ yah tíkile n pɪ. A náh névyɛle n wah. ¹⁷ Nte à ñ sǒno yo pé syah. Nkē ké wēkì se mɛ kǒnóle ne pé mórile n mɔ Wrome kwiltām yòtē ñgbē Sesar tyí, tĩ ké wēkì náh mɛ kǒnóle? ¹⁸ Nte Yesu-á pé fɔkɔ sǒno túkúni pĩ sē, à mɛ yo pé tyí ne, fɔkòpìl ànê vyāhsesyírí névyɛ nópí, sǒ se pɪ té pè pé pìlkintē-ńsahle n yah n kǒ nɪ? ¹⁹ Pè pɔ mórí mɔ mɔ pó pó núkúle pé yah átre. Pè mɛ pɔ ké núkúle à kǒ. ²⁰ Yesu mɛ pé piki yah ne, nê yah mírki ànê ñ yīn se wárkinmɔnɔle ké yō yò nɪ? ²¹ Pè mɛ yo ñ tyí ne, Sesar tyí-á. Képah sɔkɔ, Yesu mɛ yo pé tyí ne, pè Sesar tyíle Sesarle n kǒ, pè mó Liyel tyíle Liyelle n kǒ. ²² Páh képah tē noh sē, pé gbān du. Pè mɛ yal ñ tnô à sɔkɔ.

Lékyî yílkinmɔnɔ tyí yónóle

²³ Lésò mè óle, Sadusi wēkì kópú nónó-á ñkēne ne n yo ne lékyî yílkinmɔnɔ náh mɛ, pé túkú nɔ de Yesu tnô té à piki yah ne, ²⁴ kwó-ò dí, Moyisi-á kè yo ñ tyi kǒnsàhnó sɔkɔ ne, dí nê-à ku pi kēne ñ tyí, ñ gbēndí-á yīne à ñ kyɪ pékúsè mè tokɔ, à pi dubi à kǒ, nê-á kɪ pɔ n pɪ n pi ñ nénkyí dí lékókè náhne.* ²⁵ Nte sú núkú dínpì népì kwārnimi yísyó-á lésò mɛ pépi wró sɔkɔ. Gben tē mɛ pɔ sē tokɔ, té pɔ ku pi wé-ńkēne té ñ kyɪ sah ñ sǒ syɪ kǒ. ²⁶ Nte ñmɔ tɔ tyí tǔ pɔ pɪ sē, tǔ-ò tɔ tyí pɔ pɪ képah núkú óle, fǒó à pɔ syɪ kwārní-ò tyí. ²⁷ Pépi pól tyí náh, pi mè tɔ-á pɔ ku. ²⁸ Nte pi mè-á de yah pé pól tyí sē à, lékyî yilki n mɔ sǒle, à se kɪ n pɪ n pi pé népì kwārnimi nópí sɔkɔ nê tē tyíle nɪ? ²⁹ Képah sɔkɔ, Yesu yo pé tyí ne: «Liyel wey sébéy pí-ńkē ànê Liyel tēnweno pí-ńkē ye mɔ sah yéle pìlkinó sɔkɔ. ³⁰ Yé yah, lékyî-à pɔ yilki mɔ, pédéké náh kɪ n mɛ n pi, sétókókì tɔ náh kɪ n mɛ n pi. Nte névyɛ kɪ mɛ yīnyō tǔnpɪbɪ tyí kǒle yīnyō. ³¹ Té à yuku lékyî yílkinmɔnɔ wɔ tyí sɔkɔ, Liyel-á nê yo yé tyí, yé náh kè kar yah di? A lésò ne: ³² «Ñmɔ ye Abrahamɪ Liyelle, ànê Yisakɪ Liyelle, ànê

* 22:24 22.24 - Nsyifuno tyí sǒ, pékúsè yīne à de ñ pe tyí névi yó tyí. Yah n te Tǒnyonɔ 25.5-6; Yenesɪ 38; Wruti 1-4.

Nsyakobɪ Liyelle.>† Liyelle, lékyî Liyel náh ònne dò, vye Liyel ye. Képah n wěki ne á náh tãn Abrahamɪpi lékyî-á yilki mo.»
 33 Képah tēne, tówú nê-á sò me òn weyne n nohnɪ, pé gbãndu òn névye kwɔ dukù tyíle.

Liyel tir kònsàhnó nê tyí-á tah kal

34 Farisi wěki kópú-á noh ne Yesu-á weyne Sadusi wěki kópú tē, pé wē ye tuke mo. 35 Té pé Liyel tyi kònsàhnó pípú sokɔ yó me pikinyahno yó pi Yesu tyi òn pilki n tē yinne ne, 36 kwò-ò dí, Liyel tir kònsàhnó nê tē tyi se tah kal sé télóle ni? 37 Yesu me yo òn tyi ne: «Á Tē òngbē Liyel tyi yīne ki no á tyi á ni pólle, ànê á min pólle, ànê á sōno pólle.>‡ 38 Képah ye tir kònsàhnó gbenne, ànê nê tyi-á tah kal. 39 Ké ní-ò nê-á tō me ké tyi kōle, képah ye yò ne: <Ye á ní-ò tyi no á tyi á gblōy tyi kōle.>§ 40 Moyisi tyi kònsàhnó ànê Liyel tēntò syinyopu sébéynó sokɔ tyi pól me tyi kònsàhnóno nínó nópɪ sokɔ.»

Krista ye Davidi Tē òngbēne té tō pi òn Pídíne

41 Farisi wěki kópú-á sò me tükènmònole, Yesu me pikinyahno yó pi pé tyi ne: 42 «Yépi tē sōno nēne Krista tyi sokɔ, nê-á Liyel ney yáhntokònole? Nê pídí me ònne?» Pé me yo òn tyi ne, Davidi Pídí-á. 43 Képah sokɔ, à me yo pé tyi ne: «Nte kwáh nê pi té Liyel Mirki-á Davidi yah tē, Davidi me Krista ye Tē òngbēne? Yé náh we di, à lésò ne nkē,
 44 nê-á péwo TÈ NGBÈNE
 Tē òngbē Liyel-á kè yo òn tyi ne nkē,
 à po n kō n tē pé gbōyò sòle,
 fóó kè po no gbí nê-á
 pé ki òn sépébi pi òn gbáhkì súnsàh-nsahle.*

45 Nte Davidi-á Krista ye TÈ NGBÈNE à ki tō pi sō té ki po n pi òn Pídíne?» 46 Yesu-á sépi yo, tyiyóné náh tō fē we pé sokɔ yó ntē tyi. Té à tokò lésò tyi, òn nî yó ntē náh tō òn nu syáh à piki yah yah tir yó ntēne.

23

Yesu-á nê yo à yuku Liyel tyi kònsàhnó kwópú ànê Farisi wěki kópú tyi tinnē

† 22:32 22.32 - Yah n te Yálnó 3.6. ‡ 22:37 22.37 - Yah n te Tōnyono 6.5.

§ 22:39 22.39 - Yah n te Levitiki 19.18. * 22:44 22.44 - Yah n te Gbálnó 110.1.

¹ Yesu yo ò tǝ sǎhpú ànê tówû tyí ne: ² «Liyel tyi kǝnsǎhnó kwópú ànê Farisi wěkì kópú ye n kwǝ névyele Moyisi tyi kǝnsǎhnóle. ³ Yé ne n nohnú pé tyí, yé mó ne n kǝ pé yóre yǝ. Nte pǎh kwónó nónóne n pɪ, pè náh me n kǝ sé wǎl yǝ. Képah ye, yé káh pé pɪ dukù tǝ wǎle n yah n pɪ. ⁴ Pǎh níkǝne névyele n kwǝ tyi nónóne, sè me á kɪ ne tókópèl sǝ pé pukubi pé twah mǝ, té pè náh n fǝ n syi n so n mǝ pé tyí kèngbǝ núkú fyéle. ⁵ Pè pé gblǝyne n wěkɪ pé tyípínì pól sǝkǝ. Képah ye, kyésúpì nónó-á Liyel weyne sé sǝkǝ yèwetyéh yey toh n mǝ mǝ tǝne, képah náh pɪ gbǎn tyí toh n mǝ mǝ tǝne, pépi pé tyínǝ pɪ gblǝ gblǝ, ò té pé flo vyéy dro pɪ flèyflèy. ⁶ Tǝ-ntǎn gbroy tyí nǝ pé tyí yéno yó-ntǎn sǝkǝ ànê Liyel ní-ntǎn vì sǝkǝ. ⁷ Pè n ne n me ké tyí ne, névye ne n tǝ n sah n wɛkɪ n pǝ pé tyí tówû tükè-ntǎn sǝkǝ, pè mó péle n ye Kwópúle. ⁸ Nte yépi tyi kwó-ò núkú ó ye me, té yé télǝ pólle núkú ye. Képah ye, yépi tǝ wǝ káh ne pè yéle n ye Kwópúle. ⁹ Sú núkú ó ye me yé tyí, nê-á me yǐnyǝ. Képah ye, yé káh ònî yó níǝne n ye Súle sétáh mè yǝ sǝkǝ ò Liyel wěkì kóló yǐnne. ¹⁰ Yah tǝ-ò núkú ó ye me yé tyí. Krista ye, nê-á Liyel ney yáhtokǝnǝle. Képah ye, yé káh ne pè yéle n ye Yah tǝpúle. ¹¹ Yǐn-ńsah ògbê-á me névi nê tyí yé sǝkǝ, tǝ wǝ yǐne à pɪ yé tǝnpɪle. ¹² Névi nê-à ò gblǝy dǝkǝ sah, tǝ kɪ tiki mǝ. Té nê-à ò gblǝy tiki mǝ, tǝ kɪ dǝkǝ mǝ.

¹³ Yépi Liyel tyi kǝnsǎhnó kwópú ànê Farisi wěkì kópúle, pèkè me yé yǝ. Vyǝnnínì wékípú ye yéle. Yé Liyel tǝrí nǝlɪ yónó yah kǝ névye tyí. Yé náh me ké tyí ne yé ké nǝlɪ yǝ, té nónó-à se mó tǝ ne pé ké nǝlɪ yǝ, yé pé yah kǝ. [¹⁴ Yépi Liyel tyi kǝnsǎhnó kwópú ànê Farisi wěkì kópúle, pèkè me yé yǝ. Vyǝnnínì wékípú ye yéle. Yé pékúsyǝle n vi n tǝ pé gbǎn yǐle n syi pé tyí, ò té nírilɛ n pɪ yǝšǝkǝle ne névye pé we. Káh pɪ sǝ, yé tukey kɪ n pɪ n pɪ kápékèyǝ kal no télǝ tyíle.] ¹⁵ Yépi Liyel tyi kǝnsǎhnó kwópú ànê Farisi wěkì kópúle, pèkè me yé yǝ. Vyǝnnínì wékípú ye yéle. Yé yrey ànê sétáh yǝ pól kǝ n kǝ nénúkú fyé yáhnkǝnǝ sǝkǝ Nsyifunǝ wěkì tǝ yǐnne. Té nê-à se we fǝ syi, yé n tǝ òmǝ pɪ à kǝ à n yǐne dénǝle ní-ńkǝ nyàhnpèkè sǝkǝ à kal yépile ke nínó. ¹⁶ Pèkè me yé yǝ, yépi nónó-á yah tǝpú yítǝbile. Yé n ne n yo ne níkǝ, névi-à n wo Liyel ní-ńsah wǝkǝ kètǎrle, képah náh n mǝ n kǝ n pi. Té nê-à n wo Liyel ní-ńsah wǝkǝ kètǎr sǝkǝ sǎnne, képah-á kɪ mǝ kǝ. ¹⁷ Lékám kǝ névye, yítǝbi nópi, sǎn wǝ se fónfó Liyel ní-ńsah wǝkǝ kètǎr yǝ sǝkǝ, képah nê gbǝ yǝ-á sǎn n mǝ n

kõ Liyel tyí yõ? ¹⁸ Yè n ne n yo tɔle ne ñkě, névi-à n wo sárká súkénkõ-ńsahle, képah náh n mɔ n kō n pi. Té nê-à n wo sárká kwâhle, nê-á me sárká súkénkõ-ńsah yõ sɔkɔ, képah-á kɪ mɔ kō. ¹⁹ Yítūbi nópi, sárká wilki wilki kwâh wɔ se fónfó sárká súkénkõ-ńsah yõ, képah nê gbò yõ-á sárká n mɔ n kō Liyel tyí yõ? ²⁰ Névi nê-à fyò n wo sárká súkénkõ-ńsahle, tẽ ye ñ wo te ké yõ sárká yí tɔle. ²¹ Névi nê-à fyò n wo Liyel ní-ńsah wòkò kètárle, tẽ ye ñ wo te Liyel tɔle, ñmɔ nê-á me ké sɔkɔ. ²² Névi nê-à fyò n wo yínyòle, tẽ ye ñ wo te Liyel tǒrí kǒ tɔle ànê ké yõ kǒntě-òle. ²³ Yépi Liyel tyi kǒnsàhnó kwópú ànê Farisi wěkì kópúle, pèkè me yé yõ. Vyěnníni wékípú ye yéle. Yě nànyè ànê pěnfènè pól gbām-òbólé Liyelle n kō. Nte gbɪ wěkì kólól, ànê névyè yām yáhnó, ànê tyi pínóle sé wǎl yõ, sépi nónó tyí-á tah kal Liyel tyi kǒnsàhnó sɔkɔ, yè n pyě sépi wɔ yahle; sépi nónó-á yé yĩne yè ne n pi gbònwòkò kěne, à tahlɪ yáh me nónóne n pi. ²⁴ Névyè yah tǐpú yítūbi nópi. Yáh nêne n pi yò, kè me á kɪ ne yé wɔ wɔ ni sǒ yé n syi à sèswòle n wilki ké sɔkɔ, té pyě yàhmínì wòle n wɔ n mɔ n yo sǒ. ²⁵ Yépi Liyel tyi kǒnsàhnó kwópú ànê Farisi wěkì kópúle, pèkè me yé yõ. Vyěnníni wékípú ye yéle. Yě wóhló ànê yěyóvyo náhló wu n tǒ n sah, té sé sɔkɔ táhló n ne me yúkúnóle yé yĩbe yíle ànê yí nónó dékè kèpèkè-á me yé sɔkɔ. ²⁶ Farisi wěkì kópú yítūbi nópi. Yé vyó sɔkɔ táhló ñgbò tǒ n sah. Képah sɔkɔ, sé náhló tɔ kɪ pi yályál. ²⁷ Yépi Liyel tyi kǒnsàhnó kwópú ànê Farisi wěkì kópúle, pèkè me yé yõ. Vyěnníni wékípú ye yéle. Yé me á kɪ ne léyál pikínsàhnó sǒ. Sé kégbó n ne n me palle, té sé sɔkɔ táhló n ne n me lékyí kègbèl ó ànê yípyáhnì duke duke pólle. ²⁸ Sě ye yépi tɔle. Kégbó sɔkɔ, yè n pi n tẽ néglólé, té yé fɔkò táhló mó tǒ me yúkúnóle fòkòpìl tyi ànê tyítúkúnìne. ²⁹ Yépi Liyel tyi kǒnsàhnó kwópú ànê Farisi wěkì kópúle, pèkè me yé yõ. Vyěnníni wékípú ye yéle. Yě Liyel tǐntǒ syínyopu léyálle n tǒ n sah n mɔ. Névyè nónó-á pi sɔkɔ néglólé Liyel yah, yě pépi tyínóle n koh n mɔ yípéplòle, ³⁰ ñ té ne n yo ne, yé tɔ-à sǒ me yé súbí me gbíne, yé náh náhkɪ n so n mɔ n pi pé tyí Liyel tǐntǒ syínyopu kònmɔnɔ sɔkɔ. ³¹ Nte yah, yé me kéle n wěkɪ yé gblǒy ne, Liyel tǐntǒ syínyopu kònmɔpu pye-á yéle. ³² Ìǒ, yé súbí-á nê tyah mɔ sah, yé gbah n tẽ kè syi kè. ³³ Vyeh nópi, wáhnmíró yísyóle n yah dé. Yé n to n pwah sǒ ní-ńkě nyàhnpèkè yah sɔkɔ? ³⁴ Képah ye, ñmɔ kɪ Liyel tǐntǒ syínyopu, ànê yí pípú, ànê kwópú kègblo tekɪ

mɔ yé kɔ̃. Nte yé kɔ̃ pé tókù ko mɔ, té kɔ̃ tókù syɔ̃ dahlo yɔ̃, té kɔ̃ tókù ko yèfòhle yé Liyel ní-ńtàn vi sɔkɔ, té kɔ̃ pé náh péle n yĩni n kɔ̃ kwlo kwlo sɔkɔ. ³⁵ Képah sɔkɔ ye lékàh kěpú pól kònmɔnɔ plo kɔ̃ we syɔ̃kɔ yé yɔ̃, pépi nónó-á ko mɔ à tɔkɔ Abeli kònmɔnɔ tyí, ñmɔ nê-á négbíle Liyel yah, pópó à pɔ syɔ̃ Baraki pídí Nsakari tyí tyí, nê-á yé ko mɔ sárká súkénkɔ-ńsah ànê Liyel ní-ńsah wòkò kètár wró. ³⁶ Kègbɔ yɔ̃ mé kéle n yo yé tyí, nékókè mónó nópi pól plo kɔ̃ n syɔ̃kɔ n pi kwey gbí névye yɔ̃.»

Yesu yah kwónóle Yerusalemɔ tyí sɔkɔ

³⁷ Yesu tɔ̃ yo ne ńkě: «Yerusalemɔ tãn, Yerusalemɔ tãn, yépi nónó-á Liyel tẽntò syínyopule n ko n mɔ, té Liyel-á nónó tekɔ mɔ yé kɔ̃, yé pépile n minki n ko dyêhle, gbáhyí sɔ̃ pól me mé kè yah kɔ̃ ne, mé yé tuke n mɔ sɔ̃-á sɔ̃n n tuke n mɔ ñ pyele ñ kãm sò sɔkɔ, té yé náh fě syi? ³⁸ Káh pɔ sě, Liyel kɔ̃ ñ náh vi yé kwil kɔ̃ pnépné, kè kɔ̃ kè kɔ̃ pɔ kéntikínine. ³⁹ Té mé kéle n yo yé tyí, yé náh tɔ̃ ñmɔ we n yah n pi, fɔ́ kɔ̃ pɔ nɔ gbí nê-á yé kɔ̃ n yo ne ńkě, névi nê-á n pi Tě ñgbě yĩn yɔ̃, Liyel sãm mɔ ñ sɔkɔ.»

24

Yesu me Liyel ní-ńsah gbô sɔnó ànê kèkɔyó tyénó tyíle n yo n sah

¹ Yesu-á wil Liyel ní-ńsah gbô sɔkɔ té n sɔkɔ gbí nêne, ñ tò sáhpú me nɔ de ñ tñô à Liyel ní-ńsah gbô mɔ dùkùle n sɔ̃ ñ tyí. ² Nte à me pé syah ne, káh pé n yah yò kè; kègbɔ yɔ̃ páh kéle n yo pé tyí, ké pól-á kɔ̃ pɔ sɔ. Dáhkì nukú yó ńtẽ náh tɔ̃ n wũ n pi ké ní-ò yɔ̃.

³ Wáh kyɔ̃ kɔ̃ tẽ gbí nêne Wólívyé yèh yɔ̃lɔ̃ yɔ̃, ñ tò sáhpú me nɔ de ñne pé yahle, té à piki yah ne, à yo pé syah, gbí nê se képah kɔ̃ n pɔ n pi nɔ? Tir nê pínó se kɔ̃ ñ syínponɔ ànê kèkɔyó tyénó wěkɔ n pi nɔ?

⁴⁻⁵ A me yo pé tyí ne: «Yé yah, névye náhnáh kɔ̃ pɔ ñmɔ yĩn tɔkɔ n pi pé yah yĩne, té kɔ̃ ne pépi-á ñmɔle, nê-á Liyel ney yáhtɔkɔnɔle. Pé kɔ̃ névye náhnáh mɔ n pi pilkínó sɔkɔ. Nte yépi tẽ wɔ̃ yé gblɔ̃yne n kyɔ̃mɔ, ney káh n fě yé pilki. ⁶ Yé kɔ̃ mál pínó tyí yónó noh n pi, ànê mál tyí dírí wónsàhnóle. Nte yé káh n ye tíkí yé tẽ. Kè yĩne kè pɔ sě. Nte képah náh tɔ̃n ñ n pɔ n pi kèkɔyó tyénóle. ⁷ Yé náh we di, kwil yó kɔ̃ pɔ yuku kwil yóle n fwo, tɔ́rí yó kɔ̃ pɔ yuku tɔ́rí yóle n fwo. Té

kweki ànê sétáh syahrı kı n we n pi tãntãn náhnáh sòkò.
 8 Nte sépi pól kı me á kı ne kúrki tẽ gbí yónó sò tyàhnó sò.
 9 Pè kı yéle n tẽ pè kò pè kı n fõh, té kı yéle n ko mò.
 Kèkõyó névye pól kı yé we mò ímò yinne. 10 Képah tẽ sòkò,
 névye náhnáh kı Liyel wèkì fin mò. Pè kı n wil wẽ náh,
 té kı wẽ dyòle n yò. 11 Té Liyel yin yò mìnnyobe kı wil mò
 pí, kı névye náhnáh mò pílkinó sòkò. 12 Pèkè pínó kı yah
 syi, fóó tyínòò náh tã n we n pi fwóó névye náhnáh sòkò.
 13 Nte nê-à ò tah sah à pò nò ké tyénó tyí, tẽ kı pwáhnmòò
 we. 14 Képah sòkò, Nìvìnì tir kı yo Liyel tórí tyí yò kèkõyó
 pól sòkò, névye pól kò pè kı noh. Képah náh, kèkõyó kı pyè
 tyè.»

Yèvyãhrı nê-á kı pò n we n pi kèkõyó

15 Képah sòkò, Yesu tã ne: «Liyel tẽntò syínyo-ò Danyelı-á
 lésò yíkínó pı pı kwãh kèpékè nê tyí yo sah,* yé kı kè we
 n pi Liyel ní-ńsah gbô tyah kètãr sòkò.» — Nónó-à kı wey
 mènne n kar, pè gbah n tẽ ké dukù pı. — 16 Yesu tã yò sòkò
 ò weyne ne íkè: «Yãh képah we gbí nêne, nónó-à kı me
 Nsyude mara sòkò, pè to sòkò ymò yò. 17 Névi nê-à kı me
 gbèntin yò, tẽ káh ne páh n tiki pé vyóle n tòkò pé wòkò
 sòkò. 18 Nê-à kı se mó me ò swãh sòkò, tẽ káh ne páh péle
 n syı n yuku pé fwòmò-ngbè tókó-ńsah. 19 Kéne sèpın-à pò
 syó nónó we kurn nátãnne, ànê nónó-à me yòki syóle, kè
 kı pı yèwãhtãhpolé pé tyí. 20 Képah ye, yé yĩne yè Liyelle
 n ni ne tóló mè káh n pı vıri gbĩne, képah náh pı mı mı
 yòh sòle. 21 Kè kı pı yèvyãhrı ñgbène, nê kénkò náh we yah
 kèkõyó mómóni à pò syı kwey tyí, ànê nê kénkò náh tã n we
 n yah n pi pólle. 22 Liyel-à náhkı sò wílkinó pí-ńkène kéne
 sèpın sòkò, ñnı yó nítè yò náh náhkı pò n wil n pi ké sòkò.
 Nte wãh nónó yah wilki pı ñ tyíle, pépi yinne, à wílkinó
 pı sé sòkò. 23 Névi nê-à yé syah ne, Liyel ney yáhnòkòò-
 á me ásò, képah náh pı wãh me yáhàh, yé káh sè tẽ yò.
 24 Yé yah, mìnnyobe kı pò wil mò pí. Pé túkù kı ne Liyel ney
 yáhnòkòò-á pépile, túkù kı mó ne Liyel tẽntò syínyopu-
 á pépile. Pè kı gbilgbil tyi ñgbnòle n pı, fóó kı n yah n kò
 Liyel névye yáhnwílkinó nítè tò yò yíkí-ńsahle káh sò fẽ n pı
 n pi. 25 Tyi nópi ye mé kwãh tẽ yo sah yé tyí yò.

26 Képah sòkò, névi nê-à yé syah ne Névi Pídı-á me gbènnu
 sòkò, yé káh ne yáh ñ nyáhle n sò. Nê-à se ne wãh me

* 24:15 24.15 Yah n te Danyelh 9.27 ; 11.31 ; 12.11.

wōbìntě̀nóle, yé káh sě tě yō. ²⁷ Sǎ-á pǔ n yīkiri yǎl yè n wε, à tǎkǎ gb̃ngboke tyí, fǒó n kyí n dal n mǎ gb̃nyiki tyí, sě ye Névi Pídí syínpono to kɪ n wε n pi. ²⁸ Kwáhkókè se kɪ fě wōbɪ ñkyònkýòní yah?»

Névi Pídí pónóle

²⁹ «Kéne sèpìn nópi yèvyāhrɪ-à fyò sǎkǎ n tε ñsǒ, gbí kɪ pɪ syī, níwǒ náh tǒ n piki n pi, níwǒ kèpye kɪ wil yínyō kɪ kwe, té yínyō yíyìn pól kɪ yike. ³⁰ Légbíne, Névi Pídí syínpono kwní kɪ yō mǎ yínyō. Képah tēne, sétáh yō yìkìni pól névye kɪ n gbo kɪ yām yām tyile n pɪ. Té pè kɪ Névi Pídí wε à kɪ mε n pi níyīrn sǎkǎ, tǎhkì ó ñ tǒú ànê tǒríle. ³¹ Kèpǒ ñgbě yó kɪ fɪbɪ, té à kɪ ñ yínyō tǒnpɪbɪ tekɪ mǎ ywǒ ywǒ pól sǎkǎ, à tǎkǎ kèkǒyó yah mè tyí, à kyí sah ké yah mè tyí. Pè kɪ kyí névye tuke mǎ, Liyel-á nóno yah wilki.

³² Yé yah sènsóké kèdùkù-á nēne ále n wēkɪ. Yāh fyò ké yǐngbǎn wε sè n gboke n wil à mǐsnóle n pɪ gbí nēne, yè n pǐ nε ki de gbí-á mε yúkey. ³³ Sě ó ye, yépi to-à pópó kéne tyi wε sè tyah n pɪ gbí nēne, yé pǐ nε Névi Pídí syínpono-á mε yúkey. Wǎh kɪ pǎ sě yò sě yò. ³⁴ Kègbɪ yō mé kéle n yo yé tyí, kwey gbí névye pól náh n ku n tε n pi, té kéne tyi nópi kɪ mε n pi. ³⁵ Yínyō ànê sétáh kɪ pǎ tye, ñte nímo welo tě wo náh n tye n yah n pi pólle.

³⁶ Nte ké lésō ànê ké gbí tě wǎle, ñnî yó nítě náh sèpile n pne. Yínyō tǒnpɪbɪ náh séle n pne, Liyel Pídí to náh séle n pne. Ñnî yó nítě náh séle n pne à wil Sú Liyel tyí sǎkǎ. Ñmo ó ye n pne séle. ³⁷ Nê-á pɪ sǎkǎ Nowe gbí sǎkǎ, sěnkǒ ye kɪ n pɪ n pi Névi Pídí syínpono sǎkǎ. ³⁸ Yé náh wε di, gbí nê-á lésō púnpáhkì náh tǒnì mε pɪ à nine kèkǒyó pól yō, névye lésō mε n yō, té mε n wǎ, té mε syóle n tǎkǎ, képah náh pɪ mε pé pyele pɛbɪle n kǒ, pópó à pǎ syɪ Nowe de sǒ tyí krótó-ñgbě sǎkǎ. ³⁹ Pè náh sǒ mε n sǒ tir yó nítě tyí sǎkǎ, fǒó à pǎ no púnpáhkì pɪ sǒ tyí, ni kǒ kè pǎ pé pól yō. Sěnkǒ ye kɪ n pɪ n pi Névi Pídí syínpono sǎkǎ. ⁴⁰ Díbɪ nɛpɪ ními kɪ mε swāh sǎkǎ, núkú kɪ tě sǎkǎ, té ñ ní-ò kɪ wū. ⁴¹ Syó nɛpɪ ními kɪ mε nanne n nǎ, núkú kɪ tě sǎkǎ, té ñ ní-ò kɪ wū. ⁴² Yé Tě ñgbě-á ñ syɪ n pǎ n pi sǒ nēne, yé náh mε kè pǐ. Képah ye, yé káh yé dyo mǎ n fwo n tē. ⁴³ Yépi nítě pǐ nε, gbóntě dí-à mε pǐ gbí nê-á yěnwó kɪ n pǎ n pi lékáhne, à kɪ yah sǒ, à náh ye à kǒ à wε kwǎ n de n pi ñ gbô sǎkǎ. ⁴⁴ Képah ye,

yépi tɔ ne me yé vi sah. Ngbõ yé náh me gbí nê tyíle n sô, légbí ye Névi Pídí kɪ ñ syi n pɔ n pi dé.»

Tõnpɪ-á yĩne à ne me sɔ

⁴⁵ «Tõnpɪ négbí ànê lékám névi nê me yòtẽ dí kɪ tɔkɔ sah ñ tɔnpɪbɪ téló yõ, à kɔ à kɪ yòkele péle n kɔ ké gbí pèpey sɔkɔ, té kɪ sɔkɔ kóló sɔkɔ? ⁴⁶ Yòtẽ dí-à ñ syi pɔ à we à me kéne tòle n pɪ ké yah yõ, tɔnpɪ mè tyí nɔ. ⁴⁷ Kègbɪ yõ mé kéle n yo yé tyí, yòtẽ dí kɪ à pɪ ñ gbãñ yĩ pól kyòmì-òle. ⁴⁸ Nte kàh pɪ tɔnpɪ túkùle, té à tyah n sô ne pé yòtẽ dí-á me mo ñ syínpɔ-ńsah, ⁴⁹ té tyah pé no tɔnpɪbɪ télóle n ko, té n yõ té n wɔ sètènì pípùle wẽ tyí, ⁵⁰ ñ yòtẽ dí kɪ ñ syi pɔ ñ yõ dɔkɔ sô yóle, ànê wô yó sɔkɔ, à náh me nê tyíle n sô. ⁵¹ A kɪ tɔnpɪ mè yĩni, té kɪ à tekɪ mɔ yínvɪnpɪbɪ mé-ńsah sɔkɔ, nyãh sɔkɔ-á gbñí ànê yní táhnó kɪ me.»

25

Sèmìrkì nê-á yãh syónpì népì gbãm tyí yõ

¹ Yesu tɔ yo ñ tò sáhpú tyí ne: «Névi Pídí syi n pɔ gbíne, Liyel tɔrí kɪ fẽ tɔkɔ sãh syónpì népì gbãm yísyó sèmìrkìle, nónó-á pé fòtnónó tɔkɔ sɔkɔ pe yòhnì-ńsah. ² Syónpì nópi sɔkɔ, népì kwâl sò me lékám kèpùle, té kwló mó me lékámpute. ³ Nónó-á lékám kèpùle, pépi-á sò pé fòtnónó tɔkɔ n sɔkɔ, pé náh nɪrɪ wãñ tɔkɔ. ⁴ Nte lékámpute nópi wɔ mó pé fòtnónó tɔkɔ, té nɪrɪ mɔ sɔkɔ sonó sɔkɔ. ⁵ Pɛ-á mo pɔ-ńsah, dɔy mɪ pé sɔkɔ, pé dɔ sɔkɔ. ⁶ Lénɪ wérrle, yínpɔ yó n dɔkɔ ne nkẽ, pɛ-á oo, pé wil à yohnɪ. ⁷ Kèpah tẽne, syónpì nópi pól dɔ yuku, té yah dah mɔ pé fòtnónó tyí sɔkɔ. ⁸ Nónó-á lékám kèpùle, pépi me lékámpute nópi syah ne, pé yĩ pé kɔ nɪrɪle, nkẽ pé fòtnónó-á me tẽ syi n ni pé tyí. ⁹ Pè me yo pé tyí ne, sè náh fẽ n yĩne n pi pépi tyínɔle té pé tɔ n yĩ n kɔ n pi. Nkẽ pé kyɪ n yah dwe yãmpu tyí pé mɔ pé tyínɔ sɔkɔ. ¹⁰ Pãh sɔkɔ yãhndwe-ńsah, pe pɔ de. Syónpì nónó-á sò me pé vi sah, pépi me de ñne fúr yòke yó-ńsah wòkò sɔkɔ, té pé me wùkah vike. ¹¹ Syónpì nópi téló-á pópó pé syi pɔ, pé pɔ wùkahle n mɪ té me yo mɔ tũ ne nkẽ, pé yòtẽ, pé yòtẽ, à yɪkɪ mɔ pé kɔ. ¹² Nte à me yo pé tyí ne, kègbɪ yõ páh kéle n yo pé tyí, pé náh péle n pne. ¹³ Kèpah ye, yépi káh yé dɔy mɔ n fwɔ n tẽ dé. Yé náh se yó lésò ànê ké gbíne n pne té.»

Sèmìrkì nê-á yãh tɔnpɪbɪ népì tɔmí yísyó tyí yõ

14 «Liyel tǒrí-á me sèmìrkì nê kètòle, kè we yò: Dí yó lésò n sòkò kóló sòkò, té n tǒnpɪbɪ ye pɔ n tahrɪle pè kǒ sah, 15 à yīne pé nénúkù núkú pól-á fě nê pɪ n pi. A talã* pó pló kwlólé nnî kǒ, té nínóle nnî kǒ, té me núkúle nnî kǒ. Képah náh, té sòkò n kóló sòkò. 16 Nê-á we talã pó pló kwlólé, ñmɔ núkú kyɪ n gbò vi n tyíle à kwló yísyó we dohnɪ sé yǒ. 17 Sě-ó ye nê-á we talã pó pló nínóle, n tɔ me nínó we dohnɪ sé yǒ. 18 Nte nê-á we talã pó pó núkúle, ñmɔ me sòkò kyɪ swɔ tũ à n yǒtě dí pó wǒbɪ. 19 Ké di-á mo náhnáh, pé yǒtě dí n syɪ pɔ. Wǎh pɔ, à pé ye ne pè pɔ pé tahrɪ tyí dükù yo pé noh. 20 Képah tǝne, nê-á sǒ we talã pó pló kwlólé, ñmɔ me n tyí tɔkɔ nɔ de n yǒtě díne té kwló yísyó tóle à wěkɪ, té yo n tyí ne, pé yǒtě, talã pó pló kwló-á sǒ à pé kǒ sah, ñte à yah, páh kwló yísyó we dohnɪ sé yǒ n tyí. 21 N yǒtě dí me yo n tyí ne, kǎh ple, tǒnpɪ pèpey ànê négbí-á ñne. Wǎh fyò pɪ négbíle tir tyíí sòkò, páh kɪ tyí-ñgbnɔ dahbɪ n gbò. A pɔ pé nìvìnìne n pɪ wě tyí. / N yǒtě dí me yo n tyí ne, kǎh ple, tǒnpɪ pèpey-á ñne nê-á tyile n pɪ sé wǎl yǒ. Wǎh fyò tir tyíí pɪ ké wěkì yǒ, páh kɪ tyí-ñgbnɔ dahbɪ n gbò. A pɔ pé nìvìnìne n pɪ wě tyí. 22 Nê-á sǒ we talã pó pló nínóle, ñmɔ tɔ me n tyí tɔkɔ nɔ de n yǒtě díne té yo n tyí ne, pé yǒtě, talã pó pló nínó-á sǒ à pé kǒ sah, ñte à yah, páh nínó yísyó we dohnɪ sé yǒ n tyí. 23 N yǒtě dí me yo n tyí ne, kǎh ple, tǒnpɪ pèpey ànê négbí-á ñne. Wǎh fyò pɪ négbíle tir tyíí sòkò, páh kɪ tyí-ñgbnɔ dahbɪ n gbò. A pɔ pé nìvìnìne n pɪ wě tyí. 24 Képah náh, nê-á sǒ we talã pó pó núkúle, ñmɔ-á nɔ de, à n yǒtě dí syah ne níkě, pé yǒtě, páh pǐ ne níkě n tò-á tah. A náh sèmukɔ nê duku mɔ, ǎ kè tɔkɔ. A náh nê mir mɔ, ǎ kè kǒ. 25 Képah-á tíkí pé tǝ, pé me kyɪ n pó wǒbɪ sétáh sòkò. Kǎh yò, à tɔkɔ n póle. 26 N yǒtě dí me yo n tyí ne, tǒnpɪ nétúkù, gbāndal névi-á ñne. Wǎh sǒ pǐ ne níkě, pé náh sèmukɔ nê duku mɔ, pǝ kè tɔkɔ, pé náh nê mir mɔ, pǝ kè kǒ. 27 Kǎh pɪ sě, wǎh náhkɪ mó sǒ me kyɪ pé pó dah mɔ sah pó sǎh-ñsah wòkò sòkò kè. Páh pé syɪ pɔ sǒ yò, páh náhkɪ mó sè we wilkɪ dòhnìnóle sé yǒ kè. 28 Nkě pè n tyí mè tǝ syɪ n tyí, pè kéle talã pó pló gbām nété kǒ. 29 Pè kó we nɪ, névi nê tyí kwâh-á me, dòhnìnó-á kɪ n pɪ ñmɔ tyí yǒ yrǝyrǝ. Té névi nê tyí kwâh náh me, kwéy nê nté-á me n tyí, kǎh kɪ tǝ syɪ n tyí. 30 Yǒre kě tǒnpɪ mè tǝ wòle, níkě pè à wilkɪ mɔ kégbó fěntũ sòkò, nýāh sòkò-á gbni

* 25:15 25.15 - Yah n tɛ Matye 18.24 yah yónó sòkò.

ànê yní táhnó kɪ mɛ.»

Tukey nê-á kɪ n pɪ n pɪ Névi Pídí syínwɔwɔ sɔkɔ

³¹ «Névi Pídí-à n syɪ pɔ n tɔ́rí sɔkɔ ànê yínyõ tɔ́npɪbɪ pólle gbí nêne, à kɪ kɔ́ tẽ n tɔ́rí kɔ́ yõ. ³² Kwlo kwlo pól névyɛ kɪ pɔ tuke mɔ n yah sɔkɔ. Té à kɪ névyɛ wah wilki wẽ sɔkɔ, sɔ́-á yípénfẽ n wah n wilki képyénì ànê perle wẽ sɔkɔ. ³³ A kɪ négló sah n gbòyò sòle, té kɪ népêl sah n gběyìnè sòle. ³⁴ Képah sɔkɔ, nónó-à kɪ mɛ n gbòyò sòle, à kɪ yo pé tyí ne: <N Sú Liyel-á sām mɔ yépi nónó sɔkɔ, té tɔ́rí nê yah sah yé kɔ́ kèkòyó mɔ gbí dùkùle, yé pɔ ké nɔ́hle n yõ. ³⁵ Yé náh we di, kwekɪ-á sò n tẽ, yé yòkele n kɔ́ mé yõ. Níkì-à sò n tẽ, yé ninɛ n kɔ́ mé wɔ. Máh sò mɛ népòle, yé n kɔ́ mé twah yé tyí. ³⁶ Máh sò mɛ flo kěne, yé flɔle n kɔ́ mé mɔ. Máh sò mɛ n yɔ, yé yah dah mɔ n tyí sɔkɔ. Máh sò mɛ wòkònpèkè sɔkɔ, yé pɔ yah n tyí.> ³⁷ Képah sɔkɔ, négló nòpi kɪ à piki yah ne, Tẽ ñgbě, gbí nê se pé we ñne kwekɪ sɔkɔ, té à kɔ́ à yõ nɪ? Anê gbí nê se pé we ñne níkì sɔkɔ, té à kɔ́ à wɔ nɪ? ³⁸ Gbí nê se pé we ñne népòle, té à kɔ́ à twah pé tyí nɪ? Anê gbí nê se pé we ñne flo kěne, té flɔle à kɔ́ à mɔ nɪ? ³⁹ Gbí nê se pé we ñne à mɛ n yɔ, képah náh pɪ à mɛ wòkònpèkè sɔkɔ, té pɔ yah n tyí nɪ? ⁴⁰ Képah sɔkɔ, yòtẽ dí kɪ yo pé tyí ne: <Kègbɪ yõ mé kéle n yo yé tyí, n yúnpyé nónó-á yò kè, yáh níkěne sɛnknɔle n pɪ pé sɔkɔ tyítýí nónó fyé tyí, nímɔ tyí ye níkěne yè n ne n pɪ séle.> ⁴¹ Képah náh, nónó-à kɪ mɛ n gběyìnè sòle à kɪ yo pépi tyí ne: <Yé to n tɔ́nô, yépi nónó tyí-á ykɪ. Yé ne n yuku ní-níkè nyàhnpèkè sɔkɔ, képah nê-á mɛ mónsàhnóle sétàn ànê sé yòtẽ yinne. ⁴² Yé náh we di, kwekɪ-á sò n tẽ, yé náh n kɔ́ mé yõ. Níkì-á sò n tẽ, yé náh n kɔ́ mé wɔ. ⁴³ Mé sò mɛ népòle, té yé náh fẽ syi n kɔ́ mé twah yé tyí. Mé sò mɛ flo kěne, té yé náh flɔle n kɔ́ mé mɔ. Mé sò mɛ n yɔ, té mɛ wòkònpèkè sɔkɔ, té yé náh pɔ yah n tyí.> ⁴⁴ Pépi tɔ́ kɪ à piki yah ne, Tẽ ñgbě, gbí nê se pé we ñne kwekɪ sɔkɔ, képah náh pɪ níkì sɔkɔ, képah náh pɪ népòle, képah náh pɪ flo kěne, képah náh pɪ mɛ n yɔ, képah náh pɪ mɛ wòkònpèkè sɔkɔ, té pé náh à yohnɪ mɔ nɪ? ⁴⁵ Képah sɔkɔ, à kɪ yo pé tyí ne: <Kègbɪ yõ mé kéle n yo yé tyí, n yúnpyé nónó-á yò kè, yáh níkěne n yahle sɛnknɔ pínóle pé sɔkɔ tyítýí nónó fyé tyí, nímɔ tyí ye níkěne yè n yahle pínóle

séle.> ⁴⁶ Tyé-ńkĕ yèvyāhrı soko ye nétúkúni nópi kı kyı n de n pi, té négló nópi wɔ kı kyı tyé-ńkĕ min we.

26

Pè me Yesu tĕ-ńsahle n yah n kɔ lékámkām soko

¹ Yesu-á tyi nópi pól yah yo te gbí nĕne, à yo ò tò sáhpú tyí ne: ² «Yé pĩ ne ńkĕ sèpìn nini-á wũ, té Pakı syáh kı syah. Névi Pídí kı tĕ pè kɔ pè kı à syı dahnı yõ.» ³ Légbíne, sárká syínwilkıpu yõtām ànĕ kwil yèwāhnı wĕ tuke mo sárká syínwilkıpu yõtĕ ngbĕ ònne, nĕ-á pè n ye Kayifile. ⁴ Té yo sah núkú yõ ne pé ye Yesu tĕ lékámkām soko, pé mó à ko mo. ⁵ Pè sò me yo tú wĕ tyí tɔle ne, tir mè náh yĩne kè pı syáh syáhnó sèpìn soko dé. Páh kı kėpah pı, névye-á kı tyah fĕki.

Sê yó pèpɔrı pı Yesu tyí

⁶ Sõ yóle, Yesu lésõ me tótĕ dí Simo gbô, Betani kwil soko. ⁷ Wāh me yõke yónó soko gbí nĕne, sê yó me no de ò tnò nıri so pèpey yóle ò tyí làsèkwĕl dénkókòle ké soko. Kėpah tĕne, té làsèkwĕl mè mo Yesu yõ yõ. ⁸ Yesu tò sáhpú-á kėpah tĕ we sĕ, pé foko vyāh. Pè ne kwāh nĕ se pı té à làsèkwĕl mè yıki sĕ yò nı? ⁹ Kāh nāhkı sò fĕ yām dántāhle, à ké pó dibi yām tån kɔ. ¹⁰ Yesu-á kėpah we sĕ, à me yo pé tyí ne: «Sõ pı té yé pi mè yahle n vyāh sĕ? Tyípépĕy ye à pı nmo tyí. ¹¹ Yé yah, yām tån kı me yé wró soko gbímegbí. Nte nmo wɔ náh kı me n pi yé wró soko gbímegbí. ¹² Nĕ-á pi mè pı yò, nmo lékó yĩ sò yĩn ye à pı sah kéle. ¹³ Kėgbı yõ mé kéle n yo yé tyí, kəkōyó pól soko, Nìvìnı tir mè-à n yo fĩ nĕ soko, pi mè tyípíkı mè tɔ kı yo, névye dyo kɔ kè kı n kwne ò tyíle.»

Nsyudası me ké tyí ne pé Yesule ò tĕpú wĕki

¹⁴ Yesu tò sáhpú népı gbōnimı soko, nĕ-á pè n ye Nsyudası Yisikariyotile, nmo me kyı wil sárká syínwilkıpu yõtām tyí, ¹⁵ té pè syah ne, pè se kı pé kɔ kwāh nĕne pé mó kè pı pè kɔ pè Yesu we tĕ nı? Pè me pó pló yōgbāmne à kɔ. ¹⁶ A tɔko légbı tyí, à tyah n yah n kɔ wāh ne pı sɔ té pè Yesu we n tĕ n pi.

Pakı syáh yõke pínóle

¹⁷ Kókónó kån búrn syáh tyah sòle, Yesu tò sáhpú pɔ à piki yah ne, nıyāh soko se à me ké tyí ne pé kyı Pakı syáh yõke pı ò tyí nı? ¹⁸ A me yo pé tyí ne: «Yé kyı n yo yāhnkō tyí

kwil sɔkɔ ne, kwó-ò dí-á yo ne nkě pé gbī-á me se n te, nkě ñmɔ ɸn-á péwɔ ànê pé tò sáhpú kɪ pɔ n yõ n pi Paki syáh yõkele.»¹⁹ Wáh kè yo sɔ ñ tò sáhpú tyí, pé me sɔkɔ ñ yóre yõ, à kyɪ yõke mè pɪ.

²⁰ Lékâh-á pɔ mɔ, ñmɔ ànê ñ tò sáhpú népɪ gbõnimí me kɔ tẽ yõke sò. ²¹ Té pãh me yónó sɔkɔ, à yo pé tyí ne: «Kègbɪ yõ mé kéle n yo yé tyí, yé sɔkɔ yó kɪ pɪ pé kɔ pé kɪ n tẽ n pi.» ²² N tò sáhpú-á képah noh, pé yey kwɔ kègbɪle. Képah tẽne, nê mè nê mè, tẽ à piki n yah ne, Tẽ ñgbẽ, péwɔ se à n ye ni? ²³ A me yo pé tyí ne: «Nê-á me n di ñmɔle dú nukú sɔkɔ yò, tẽ wɔ ye kɪ pɪ pé kɔ pé kɪ n tẽ n pi. ²⁴ Névi Pídí kɪ n ku n pi à yĩne kãh wãrkɪ sah Liyel wey sébéy sɔkɔ sò ñ tyí sɔkɔ. Nte névi nê-á kɪ pɪ pé kɔ pé kɪ à tẽ n pi, pèkè kɪ pɪ tẽ tyíle. Tẽ-à sò me dúbí-ńkẽne, képah náhkɪ fónfó ñne.» ²⁵ Nsyudast nê-á sò me ké tyí ne pé pɪ pé kɔ pé à tẽ, ñ tɔ me à syah ne, kwó-ò dí, péwɔ se à n ye ni? A me yo ñ tyí ne: «Áwɔ ye yo kéle.»

²⁶ Té pãh me yónó sɔkɔ, Yesu búrn tɔkɔ té wekɪ Liyel tyí, té kè kwɔkɪ à ñ tò sáhpúle n kɔ, té yo pé tyí ne: «Yé syi n tah kéle. Nyɔle, ñmɔ wil ye.» ²⁷ Képah náh, à tɔ wóh tɔkɔ ñwẽne ké sɔkɔ té wekɪ Liyel tyí, té kéle pé kɔ té yo pé tyí ne: «Yé pólle, yé kè wɔ. ²⁸ Yé náh we di, ñyɔle, ñmɔ tó ye, nê-á kɪ névyé yégbékè kwɔ mɔ ànê Liyelle. Kè kɪ n kwe n pi nékwínkɪ yĩne, kɪ pé tyípèl yõ mɔ. ²⁹ Mé kéle n yo yé tyí, à tɔkɔ nukúnúkú tyí, mé náh tɔ ñwẽ wɔ n yah n pi, pópó kɪ pɔ nɔ sò nê-á mé kɪ tɔ ñwẽ sán yó wɔ yéle n Sú Liyel tɔrí sɔkɔ.»

³⁰ Képah náh, pé syáh yì gbɪ, té wil à n yuku Wólivyé yèh yõli yõ.

Yesu ne Pyeri-á kɪ ñ vyãh kòli ne pé náh pé pĩ

³¹ Képah sɔkɔ, Yesu yo ñ tò sáhpú tyí ne: «Kwey lékâh mè ñtẽ óle, ñmɔ tyí kɪ yé pól kɔ yé kɪ yal mɔ n sò tẽnóle. Yé náh we di, kè me wãrkínsàhnóle Liyel wey sébéy sɔkɔ ne: «Mé kɪ yípénfẽ ko mɔ, té képyénì tũ pól kɪ karkɪ.»* ³² Yesu tɔ ne: «Nte n lékó yílkínmɔntenɔ náh, mé kɪ mɔ yé yahle Kalile mara sɔkɔ.» ³³ Képah tẽne, Pyeri me yo ñ tyí ne, no téló pól-à kɪ sò yal mɔ ñ sò tẽnóle, péwɔ tẽ wɔ náh n yal n mɔ n pi pólle. ³⁴ Yesu me yo ñ tyí ne: «Kègbɪ yõ mé kéle n yo á tyí, kwey lékâh mè ñtẽ sɔkɔ, sènpɛ-à kɪ pópó n gbo, á

* 26:31 26.31 - Yah n te Nsakari 13.7.

kɪ mɛ á vyãh kôli tɛ kɛ tɔ́nó nɛ á náh ñmɔ pĩ.»³⁵ Pyerɪ mɛ yo ñ tyí nɛ, kàh kɪ sɔ́ nɔ pé kúnó tyí ñnɛ wě tyí, pé náh pé vyãh kôli yah n pi pólle nɛ pé náh à pĩ. Yesu tò sáhpú tɛlɔ́ tɔ mɛ kɛpah ó yo.

Yesu Liyel nínóle Ketsemanɪ sɔko

³⁶ Kɛpah sɔko, Yesu ànê ñ tò sáhpú kyɪ yĩni tẽ fĩ yó sɔko, pè n ye Ketsemanɪnɛ. A mɛ yo ñ tò sáhpú tyí nɛ, pè kɔ tẽ ásô pé kyɪ Liyel ni n pɔ yàhàh. ³⁷ Wãh n sɔko, à Pyerɪ ànê Nsebede dínpi nɛpĩ ními tẽ sɔko. Yèkwɔri ànê tiki kɛpéke sò mɛ tyah n mɪ ñ sɔko. ³⁸ Kãh pi sɛ, à mɛ yo pé tyí nɛ: «Yèkwɔri mɛ ní sɔko, mɛ n pi ní ko ko tẽnɛ. Yé tẽ ásô, yépi tɔ káh yé dyɔ mɔ n fwɔ n tẽ, sɔ́-á ñmɔ náh mɛ ní dyɔ mɔ fwɔ tẽ.» ³⁹ Té mɛ yuku yahle kwéy à kyɪ kɔ kwĩnki ñ yah di sétáh, à Liyelle n ni nɛ níkẽ: «Ñmɔ Sú, kàh kɪ fẽ n pi n pi, yèvyãhrɪ mɛ gbe mɔ ñmɔle. Ntɛ mé náh nɛ á kè pi ñmɔ-á mɛ kɛ tyí sɔ́ dé, kè pi áwɔ-á mɛ kɛ tyí sɔ́.» ⁴⁰ Wãh ñ syɪ pɔ ñ tò sáhpú nɛpĩ tɔ́mí nópi tnô, à pɔ pè wɛ pè mɛ n dɔ. A mɛ yo Pyerɪ tyí nɛ: «Yé kègbɪ yô, yé náh tẽ wɛ lérí núkú ñtẽ fyé pi yáhnó sɔko ñmɔle kè? ⁴¹ Yé káh yé dyɔ mɔ n fwɔ n tẽ. Yé níriɛ n pi yé káh n pɔ tɔ́nmɔnɔ fẽ n syɪ. Tyípéplɔ sɔ́nɔ n nɛ n mɛ névi sɔko, té sé tɛ́nwenpɪnɔ tãhkɪ náh n wɛ ñ sɔko.» ⁴² Wãh kɛpah yo, à tɔ́ gbe mɔ péle kɛ ní-òle à kyɪ Liyelle n ni nɛ níkẽ: «Ñmɔ Sú, ní yô-à kɪ fẽ n wil n pi níkɛnɛ yèvyãhrɪ mɛ sɔko, áwɔ-á mɛ nê tyí, kɛpah pi.» ⁴³ Wãh tɔ ñ syɪ pɔ, à pɔ pè wɛ pè tɔ́ mɛ n dɔ. Dɔy sò mɛ tẽ wɛ pé tyí. ⁴⁴ A tɔ́ yal pé tnô à gbe mɔ kyɪ Liyel ni kɛ tɔ́-òle gbɔ tãh tyí kɔ́le. ⁴⁵ Kɛpah náh, à ñ syɪ pɔ pé tnô, té yo pé tyí nɛ: «Yé mɛ dɔy sɔko sɛ mɛ yéle n mɪ kè? Névi Pídí tẽ n dahbɪ gbí wɛ nɔ tyípɛl pípú gbò yò. ⁴⁶ Yé yuku à sɔko. Névi nê-á kɪ ñ dahbɪ n pi pé gbò, à wɛ n de yò.»

Yesu tɛ́nóle

⁴⁷ Yesu mɛ kɛpah yónó sɔko, té Nsyudasɪ nê-á ñ tò sáhpú nɛpĩ gbɔ́nimí sɔko yóle, ñmɔ yĩn nékwĩnki yísyó yah pè pɔ de kèkírɪn ànê ñsnɪnɛ pé tyí. Sárká syínwĩlkɪpu yòtã́m ànê kwil yèwãhnɪ ye sò tɛkɪ mɔ péle. ⁴⁸ Té Nsyudasɪ nê-á sò ñ dahbɪ n pi Yesule pé gbò, à sò mɛ pi dùkú yóle pè wɛkɪ sah. A nɛ páh kɪ wɛkɪ névi nê tyí té à pɔri tẽ, ñmɔ-á. Nkẽ pè à tẽ. ⁴⁹ Té núkú nɔ de Yesule té nɛ, kwó-ò dí, páh n wɛkɪ ñ tyí! Té à pɔri tẽ. ⁵⁰ Yesu mɛ yo ñ tyí nɛ: «Ñ kódí, wáh pɔ nê pí-ńsah, kè pi.» Kɛpah sɔko, nɔ nópi núkú nɔ de Yesule

à à tẽ. ⁵¹ Képah tẽne, nónó-á sò me Yesule, pé soko yó núkú ò kèkírki yorú de à sárká syínwìkìpu yòtẽ ògbẽ tònpi níki kò kãm. ⁵² Nte Yesu me yo ò tyí ne: «Á kèkírki dɔ́ kè gbò soko. Yah, nónó pól-á málle n pi kèkírne, kèkírni ye kí kò mɔ́ péle. ⁵³ Á náh pí ne òmɔ́-á kí sò fẽ yo mɔ́ ní Sú tyí, à kí yínyò tònpi kí kèyò náhnáh tekí mɔ́ ní kò nénpó swò, sè kí pɔ́ ní yohni mɔ́ dí? ⁵⁴ Nte kàh pi sã, Liyel wey sébéy soko tyi wárkínsàhnó kí wil dùkù nêne? Kè mó tã me kè yo sah ne sã-á kè yĩne kè pi.» ⁵⁵ Képah náh, té yo nékwínkí nòpi tyí ne: «Yé pɔ́ òmɔ́ tẽ-ńsah kèkírni ànê ńsnine yé tyí, á kí ne kèlékè névi sò òne. Nte swò swò pólle, mé sò òkène ne n me kòntẽnóle Liyel ní-ńsah gbò soko ò kwónóle n pi, té yé náh ní tẽ. ⁵⁶ Nte Liyel tẽntò syínyopu tyi wárkínsàhnó wil yĩn ye tyi nòpi pól kò sè pi.» Wáh képah yo, ò tò sáhpú pól to karkí té à sah.

Yesu tẽnkyinole Nsyifunò tukey tükèpu tĩnkì tyí

⁵⁷ Nónó-á tẽ Yesule, pé yuku òne sárká syínwìkìpu yòtẽ ògbẽ Kayifi tĩnne, nýáh soko-á Liyel tyi kònsàhnó kwópú ànê yèwàhnì sò me wẽ tuke mɔ́. ⁵⁸ Pyerí sò me Yesu sò tẽ n kò fí òne, pópó à kyí yĩni tẽ sárká syínwìkìpu yòtẽ ògbẽ gbò tyí. Té de yuku à kyí kò tẽ tònpi tñò, té n yah yí mè-á kí pɔ́ n syi n pi dùkù nêne. ⁵⁹ Sárká syínwìkìpu yòtãm ànê pé no tukey tükèpu tĩnkì pól sò me n yah n kò ne, tãrfyòno yísyò we, nónó-á kí mìnì we n yo n sah Yesu yò, pé mó à we n kò n mɔ́. ⁶⁰ Tãrfyò mìnnyobe náhnáh sénsò pɔ́ mìnì yo sah ò yò, òte pé náh tir yó we wáh yĩne à kò mɔ́ nê yĩnne. Ké tyé-ńsah soko, díbí népí ními wil yĩn ⁶¹ té ne òkè, dí mè-á yo ne páh kí fẽ Liyel ní-ńsah wòkò kètár sò té kí kè tò mɔ́ sèpìn tñò wró. ⁶² Képah soko, sárká syínwìkìpu yòtẽ ògbẽ yuku yĩn té yo Yesu tyí ne, no nòpi-á tyi nónóne n yo ò tyí soko, tyíyóné kó me òmɔ́ tyí sépi tyí soko ní? ⁶³ Nte Yesu náh dahbi wilki. Képah tẽne, sárká syínwìkìpu yòtẽ ògbẽ me yo ò tyí ne, min nètẽ Liyel yĩn yò, à yo pé syah òmɔ́-á kí nê Liyel ney yáhtòkònole, nê-á ò Pídíne. ⁶⁴ Yesu me yo ò tyí ne: «Áwò ye yo kéle. Té mé kéle n yo yé tyí, à tókò núkúnúkú tyí, yé kí Névi Pídí we kòntẽnóle tyi pól tyí tẽnwe-ò Liyel gbòyò sòle. Yé kí à we tole à kí me n pi nýĩn soko.» ⁶⁵ Képah tẽne, sárká syínwìkìpu yòtẽ ògbẽ ò gblòy flo yorú tókí té ne, wáh yo de Liyel tyí. Tãrfyò nê tẽ se tò pé kí n yah n kò ní? Pé kò ò Liyel tyí yóndenò noh ní? ⁶⁶ Pépi

se me n sǒ sǒ nɪ? Pè me yo n tyí ne, wǎh yĩne kònmonole. ⁶⁷ Képah tǝne, té tyah n sɪn n mo n yah sɔko, té ñne n syki gbõnkukele, té tókù mó me n létáhlóle n kǒli ⁶⁸ té me n yo n tyí ne, ñmo-à ki nê Liyel ney yáhtokonole, à sǎh pĩ yo pé syah nê-á n ko ñne.

Pyeri-á n vyǎh kǒli sǒ ne pé náh Yesu pĩ

⁶⁹ Pyeri sǒ me kǒntǝnóle gbô táh. Tõnpi pi yó me no de n tnô té yo n tyí ne, ñmo tɔ-á sǒ me Yesule, nê-á Kalile neyne. ⁷⁰ Nte à me kè kǒli no pól yí yah ne, pé náh me n wey mè tyí yah we yò dé. ⁷¹ Képah náh, Pyeri sɔko gbô yah tĩne. Tõnpi pi yó-á tǒ à we, nónó-á sǒ me nénpó, à yo pé tyí ne, dí mè tɔ-á sǒ me Yesule, nê-á Nasareti neyne. ⁷² Pyeri tǒ kè kǒli à n wo ne, pé náh dí mène n pne dé. ⁷³ Dǒ kwéy, nónó-á sǒ me nénpó pépi no de Pyerile té yo n tyí ne, kègbɪ yǒ, no nópi sɔko yó-á n tǒle. N wey dùkù-á me kéle n wǝki dò. ⁷⁴ Képah sɔko Pyeri tyah n gblǒyne n wo pélpèl ne, pé náh dí mè pĩ. Nénpó swɔ sɛnpe yó núkú gbo. ⁷⁵ Légbĩne, Pyeri dyɔ to kǒ Yesu wey mène, wǎh sǒ nê yo ne níké: «Sɛnpe-à ki pópó n gbo, á ki me á vyǎh kǒli te ke tǒnó ne á náh ñmo pĩ.» Képah sɔko, Pyeri wil kègbò à kyɪ kah gbo.

27

Yesu tǝnyukunole Pilati tĩne

¹ Séngbǒ púpúle, sárká syínwilkĩpu yǒtǎm pól ànê kwil yèwǎhni pól yo sah núkú yǒ ne Yesu-á yĩne à ko mo. ² Té me à tǝ pukubi, té kyɪ ñne kwiltǎm yǒtǝ Pilati gbò dahbi.

Nsyudasɪ kúnóle

³ Képah sɔko, Nsyudasɪ nê-á sǒ pi pé kǒ pé Yesu we tǝ, wǎh pɔ n kònmonɔ tyí we kè yĩ tǝ, kè à kah fyǎh. A me pó pló yǒgbǎm nópi tɔko kyɪ ne pé sárká syínwilkĩpu yǒtǎm ànê kwil yèwǎhni kǒ. ⁴ Té yo pé tyí ne, páh tyípékè pi lékàh ké névi mónóle kũ sɔko. Nte pé me à syah ne, pépi tir nê se me képah sɔko nɪ? Képah-á me ñmole n yah kè. ⁵ Képah sɔko, Nsyudasɪ pó mè milki Liyel ní-nsah wòkò kètǎr sɔko, té wil sɔko à kyɪ n gblǒy gbel. ⁶ Sárká syínwilkĩpu yǒtǎm me pó mè tɔko té ne níké, kè náh yĩne dáhnmonole Liyel ní-nsah gbô pó sɔko. Névi tǒ-á ki n kwe n pi ké tyí sɔko. ⁷ Képah tǝne, pé yo sah núkú yǒ, té pó mène pní mó-ò dí yó swǎh dwe à pi népân lékyî yí-nsahle. ⁸ Képah ye, fǒó à pɔ syɪ kwey mè tyí, swǎh mè me n ye tǒ swǎhle. ⁹ Képah

sokɔ, Liyel tɛntò syinyo-ò Nsyeremi-á lésõ nê yo sah, kè wil. A lésõ ne níkɛ: «Pè ye pò pló yõgbã tɔkɔ, Yisrayel no-á ne dan nê-á yĩne kɔnóle n̄ tyí sokɔ. ¹⁰ Té kyí séle p̄n̄í m̄ó-ò dí swãh dwe, à yĩne Tɛ ñgbɛ Liyel-á kè yo s̄õ ní tyí.»*

Pilati me Yesule n piki n yah

¹¹ Pãh Yesu tɛ kyí kwiltãm yõtɛ dí Pilati tyí, à me Yesu piki yah ne ñm̄o se Nsyifunɔ yõtɛne díne n̄i? Yesu me yo n̄ tyí ne: «Áwɔ ye yo kéle.» ¹² Nte sárká syínwilk̄ipu yõtãm ànê kwil yèwãhn̄i s̄õ me tyile n yo n sah n̄ yõ. Nte à nãh dahb̄i wilki pé tyí sépi tyí sokɔ. ¹³ Képah sokɔ, Pilati me yo n̄ tyí ne, pãh tyi nónó pólle n yo n sah n̄ yõ, à kó me séle n nohn̄i n̄i? ¹⁴ Nte Yesu nãh dahb̄i wilki n̄ tyí pólle. Kãh p̄i s̄ɛ, kè n̄ gbãh kah du.

Pilati Yesu kònmonɔ wɛk̄i k̄õ

¹⁵ Yimeyí Paki syáh sokɔ, kwiltãm yõtɛ níkɛne wòkònpèkè sokɔ nénúkù yó fin n m̄o, tówû-à nê yah wilki. ¹⁶ Té légbíne dí yó s̄õ me wòkònpèkè sokɔ, nê yínpèké-á wil yíi nãhnãh. N̄ yĩn ye s̄õ Barabasule. ¹⁷ Képah tɛne, tówû nê-á s̄õ me tükènm̄onɔle, kwiltãm yõtɛ dí Pilati me pépi piki yah ne, pè se me ké tyí ne pé nê fin m̄o pè k̄õ n̄i? Barabas̄i se, t̄i Yesu nê-á pè n ye Liyel ney yãhntòkònɔle, ñm̄o se? ¹⁸ Yé nãh wɛ di, Pilati s̄õ p̄i ne Yesu yíngb̄i w̄iln̄ó-á n yo péle pè k̄õ pè à dahb̄i péwɔ gb̄ò sokɔ. ¹⁹ Té wãh me tɛnóle tukey tükè-ñsah sokɔ, n̄ kyí tɛntò m̄o n̄ tyí ne, lékãh k̄ɛ dí mè tyí dlénpêl-á pé kwlɔ kwey lékãhne. A kãh n̄ vyãh dahb̄i n̄ tyí sokɔ dé. ²⁰ Nte sárká syínwilk̄ipu yõtãm ànê kwil yèwãhn̄i me tówû kurki m̄o ne, pè yo Pilati tyí à Barabas̄i fin m̄o, à mó Yesu ko m̄o. ²¹ Kwiltãm yõtɛ dí Pilati me t̄õ pè piki yah ne, pè se me ké tyí ne pé nê tɛ fin m̄o pè k̄õ nép̄i ními n̄opi sokɔ n̄i? Pè me ne Barabas̄i-á. ²² Pilati me ne, ñte Yesu nê-á pè n ye Liyel ney yãhntòkònɔle, pé se k̄i p̄i s̄õ ñm̄o n̄i? Pé pól me ne wãh yĩne à syi dahni yõ. ²³ A me pè piki yah ne, ñte tyítúkù nê ó se à p̄i n̄i? Nte pè t̄õ kah yo m̄o wòhòn ne, wãh yĩne à syi dahni yõ. ²⁴ Pilati-á p̄o kè p̄i ne pé nãh me f̄ɛ tir yóle n pek̄i ké sokɔ, té névyè-á mó t̄õ me n tyah tyah f̄ɛk̄inóle, à ni tɔkɔ à n̄ gbãh wu tówû yí yah té ne, péwɔ vyãh nãh me dí mè kònmonɔ tyí sokɔ. Kãh pé tyí kè. ²⁵ No pól me ne, n̄ kònmonɔ plo p̄i pépi ànê pé wɛnp̄i tyile wé!

* **27:10** 27.9 Yah n te Nsakari 11.12-13 ànê Nsyeremi 18.2-3 ; 19.1-2 ; 32.6-15.

26 Képah sɔkɔ, Pilati me Barabasí fin mɔ pè kɔ̃. Té sràsyíbí kɔ̃ pè Yesu ko yèfòhle, té ò gbàh de mɔ pè kɔ̃ ne pè à syi dahnɔ yɔ̃.

Sràsyíbí-á kóle Yesu ko dùkù nêne

27 Képah tɛ̃ne, kwíltám yòtɛ̃ dí Pilati sràsyíbí me Yesu tɛ̃ de tɔ̃rí gbô sɔkɔ, té pé no sràsyíbí pól ye pɔ à mɔ gbĩ. 28 Pè me ò flo de ò wil sɔkɔ, té fwòmònsàh ògbɛ̃ yó mɔ à kɔ̃. 29 Té pàn yòkɔ pɔ dyi à kɔ̃ tɔ̃rí yókúrí swɔ, té lépéy yóle à kɔ̃ à tɛ̃ yín ò gbòyò sɔkɔ. Té gbètukunɔ di ò yah sɔkɔ à kóle òne n ko me yo tũ ne, Nsyifunɔ yòtɛ̃ dí, páh n wekɔ ò tyí. 30 Té n sìn n mɔ ò yò, té lépéy mè syi à òne n mɔkɔ ò yò sɔkɔ. 31 Páh kóle à ko tɛ, pè fwòmò-ògbɛ̃ mè de ò tyí té ò flo tɔ̃ mɔ à kɔ̃, té à tɛ̃ n yuku syí-ńsah dahnɔ yò.

Yesu syínóle dahnɔ yò

32 Páh kyɔ n wil kwil sɔkɔ, pè Sireni kwil dí yó yohnɔ pè n ye Simole. Sràsyíbí me òmɔ kyí mɔ à kɔ̃ à Yesu syi syi dahnɔ twah. 33 Páh kyɔ yíni tɛ̃ tyah yó sɔkɔ, pè n ye Kolkotalɛ, nê kór-á Yògbèkè tyahle, 34 pè wil yónó kèkò kwáh yó fɛ̃kɔ mɔ òivɛ̃ sɔkɔ Yesu kɔ̃ ne à wɔ. Wáh kè wɔ yah, à kè yahle. 35 Képah náh, pè à syi dahnɔ yò. Páh à syi tɛ, pè òdan mɔ à ò flo dibi pé wɛ̃ wró. 36 Té me kɔ̃ tɛ̃ nénpó à òne n syikɔ ne ney káh pɔ à pwah mɔ. 37 Yò nê yò-á pè syi òne, pè sò me kè wárkɔ syi sah ò yòtah sɔkɔ ne ńkɛ̃: «Yesu ye yò, nê-á Nsyifunɔ yòtɛ̃ne.» 38 Kèlékɛ̃ pípú nɛ̃pɔ ními yísyó tɔ sò me syínóle dahlo yò ò tnô. Núkú sò me ò gbòyò sòle, ní-ò me ò gbèyìnè sòle. 39 Wèkɔbɔ nónó-à ko pɔ n sɔkɔ, pè pé ywòle n mɔ ò té òne n gbyɔ 40 ne ńkɛ̃, òmɔ nê-á sò ne páh kɔ Liyel ní-ńsah wòkò kètár sɔ, té kɔ fɛ̃ kè tɔ̃ mɔ sèpìn tɔ̃nì wró, ńkɛ̃ Liyel Pídí-à kɔ nê òne, à ò gblòy pwah mɔ. A tiki n to dahnɔ yò kè. 41 Sɛ̃ ye, sárká syínwílkɔpu yòtám ànê Moyisi tyi kònsàhnó kwópú, ànê kwil yèwàhnì tɔ sò me kóle òne n ko me yo tũ ne, 42 wáh túkù pwah mɔ, té kɔ tɛ̃ ò gblòy wɔ pwah mɔ kwlo nɔ? Yisrayel yòtɛ̃ tɛ̃-à kɔ nê òne, à tiki n to dahnɔ yò núkúnúkú, pé mó sɛ̃ ò yò kè. 43 A kó ò sòno sah Liyel yò, té kè yo ńtɛ̃ne ne ò Pídí-á péle nɔ? N tyí-à kɔ me no Liyel tyí, à à pwah mɔ núkúnúkú wé. 44 Kèlékɛ̃ pípú nónó tɔ-á sò syínóle ò tnô, pépi tɔ sò me òne n gbyɔ sɛ̃ntɛ̃ óle.

Yesu kúnóle

45 Gbī-á me yòtah sírr sòkò, fěntũ mò kèkòyó pól sòkò, pópó à pò nò lérínó tǎnó tyí. 46 Lérínó tǎnó nòpi-á sòkò, Yesu kah yo yǐnpǒ ñgběne ne: «Yeli, Yeli, lama sabakıtani?» Nê kór-á: Nmò Liyel, ñmò Liyel, kwâh nê pı té á n fin mò? 47 Nónó-á sò me nénpó, pé tükù-á ñ yónmòno mè noh, pé ne ñkě, wâh me Yelile n ye n yah oo! 48 Nénpó swò, pé sòkò yó to kyı sènsúkúrí tòkò fõ yòyòkè ni sòkò, à dyı mò gbey yó vyâh tyí, té kè nò ñ tyí ne à wò. 49 Pé téló mó me yo tũ ne ñkě, pé ye yǐn sǒ, Yeli mó pò à pwah mò pé yah ätre. 50 Nte Yesu me tǒ kah de syı té yah kwlò. 51 Képah tǎne, fwò nê-á dyınmònkàhsàhnóle Liyel ní-ńsah wòkò kètár sòkò, kè to tóló nínó à tókò ké yòtah tyí, à kyı dal mò ké sètàhkì sò tyí. Té sétáh me syah, légbýǒ gboke, 52 léyâl yıkyı mò, Liyel yǒ sǎpú nónó-á sò ku sòkò te, pé náhnáh lékyı me yilki mò. 53 Képah náh, té me wil léyâl sòkò Yesu lékó yılkinmònteno náh, té de Yerusalemı kwil sòkò Liyel-á képah nê yah tókò. Névye náhnáh yí tǎ pé yò. 54 Sràsyıbí yòtǎ dí ànê nónó tó-á sò me Yesule n syıkyı ñne, pépi-á sétáh syahrı mè we à tahlı tyı nónó tó-á pı, tíkí pè kah tǎ. Pè me ne ñkě: «Kègbı yò, dí mène, Liyel Pídı ye sò ñne.» 55 Té syó náhnáh tó sò me yǐn tǎ fı té me n yah. Kalile duku sòkò ye kéne syó Yesu sò tǎ, à n yah n dah n mò ñ tyí sòkò. 56 Makadala kwil Mari sò me pé sòkò, à tahlı Nsyakı ànê Nsyosefu yú Mari tyí, ànê Nsebede dǐnpı yúne.

Yesu lékó yínóle

57 Nvı-á pò nò, tàh dí yó pò de, nê-á sò n wil Arimatı kwil sòkò. Kéne dí yǐn ye Nsyosefule. Yesu tò sáh-ò ye sò ñ tole. 58 Nmò me kyı wil Pilati tyí, à Yesu lékó ni ñ tyí. A me ne pè ñne à kǒ. 59 Pâh ké wǎkùle à kǒ, à me ñ lékó tókò té à plo fwò gbró snóle. 60 Nsyosefu-á sò pè kǒ pè diki sán nê tũ sah ñ yǎngbǎ tyıle tekı sòkò, à kyı à dah mò képah sòkò. Képah sòkò, té dâh-ñgbǎ yó pil pò ké yah vike té sòkò. 61 Té légbıne, Makadala kwil Mari ànê ñ ní-ò Mari sò me kǒntǎnóle nénpó sòkò diki yah yèsreyne.

62 Té kéne yòh sònó ye ñkǎne pǎ péle n vi n sah pé mı mı yòh sǒ yǐnne. Ké dındalle, sárká syınwılkipu yòtám ànê Farisi wǎkì kópú me wǎ sò tǎ kyı wil Pilati tyí, 63 té yo ñ tyí ne, pé yòtǎ, pé dyò-á to kǒ ne, kéne névye pılki-ò-á lésó me kè yo sah ñ kú-ñkǎ sòkò ne, pâh pò ku, ké sǎpın tǒ-ò sǒle, pé lékó-á kı yilki mò. 64 Képah yǐnne, ñkǎ à sràsyıbí kǒ pè diki

syki pɔ nɔ sɛpɪn tɔ̀nì tyí. Képah-à pí-ńkēne, n tɔ̀ sáhpú-á kɪ n syah n pɔ n lékóle n yí n wilki, té kɪ névye syah ne n lékó-á yilki mɔ. Képah tē-á kɪ tɔ̀ névye pilki kal gben tēne. ⁶⁵ Pilati me yo pé tyí ne, tyah syíkípú-á yò. Nkē pè kyɪ diki mēne n syiki pãh me ké tyí sɔ. ⁶⁶ Pè me sɔkɔ à kyɪ diki yah dáhki mè pɔkɔ mɔ, té tyah syíkípú kɔ̀ pè kéle n syiki.

28

Yesu lékó yilkinmɔnɔle

¹ Mɪ mɪ yòh-á sɔkɔ, dimansyi sɔ séngbɔ̀ púsóle, Makadala kwil Mari ànê n ní-ò Mari kyɪ diki yò. ² Nénpó swɔ, sétáh syahrɪ ñgbē pɪ. Tē ñgbē Liyel yínyò tɔ̀npɪ yó me tiki pɔ dáh-ñgbē mè pil to diki yah, té kɔ̀ tē ké yò. ³ A sò me n kɔ̀ kyòò pũ sɔ̀ yíkiri, té n flo me pikínóle préyy. ⁴ Tíkí ànê wilsyahrɪ tē tyí, tyah syíkípú markɪ. ⁵ Képah sɔkɔ, yínyò tɔ̀npɪ me yo syó tyí ne: «Yé káh tíkí pɪ. Mé pĩ ne Yesu-á yé n yah n kɔ̀, pãh nê syɪ dahni yò. ⁶ A náh me ásò, n lékó yilki mɔ à yíne wãh lésò kè yo sah sɔ. Yé pɔ n yah n snékínmɔ-ńsahle, ⁷ ye mó n kyɪ kè yo súú n tɔ̀ sáhpú tyí ne, n lékó-á yilki mɔ. Té wãh mɔ pé yahle Kalile mara sɔkɔ. Pãh kɪ kyɪ à we nénpó. Nê-á sò me ní tyí yo yo tēne yé tyí, képah ye yò.» ⁸ Pè me yal súú nénpó sɔkɔ, tíkíle pé sɔkɔ nìvìnì ñgbē tɔle fèkínmɔnɔle ké sɔkɔ, à n to n yuku yí mè yáh-ńsah Yesu tɔ̀ sáhpú tyí. ⁹ Nénpó swɔ, Yesu núkú pè yohnɪ té ne: «Mé n wekɪ yé tyí.» Syó nópi me nɔ de ñne, té n gbyèh tē à gbilkínó sah n yò. ¹⁰ Képah sɔkɔ, Yesu me yo pé tyí ne: «Yé káh tíkíle n pɪ. Yé kyɪ n yo ní yúnpyé tyí ne, pé yuku Kalile mara sɔkɔ. Nénpó sɔkɔ ye pè kɪ we ñne.»

Tyah syíkípú tyipínìne

¹¹ Syó nópi-á me wèkì yò gbí nēne, tyi nónó pól-á pɪ, sràsýíbì nónó-á sò n syiki diki mēne, pé túkù pɔ kwil sɔkɔ, à pɔ sè yo sárká syínwìlkìpu yòtã́m syah. ¹² Képah sɔkɔ, sárká syínwìlkìpu yòtã́m nópi ànê kwil yèwàhnì wē tuke mɔ à yo sah núkú yò, té pò-ñgbē yóle sràsýíbì kɔ, ¹³ té pè syah ne pãh kɪ pɪ pè yo ne, n tɔ̀ sáhpú-á pɔ n lékó yí wilki lékãhne té pé sah dɔy sɔkɔ. ¹⁴ Kwiltã́m yòtē dí-à kɪ sɔ̀ kè noh, pépi-á kɪ kè niri pè kɔ̀ pè náh yótír we n pi ké sɔkɔ pólle. ¹⁵ Tyah syíkípú mó pɔ̀ mè syi té kè pɪ pé yóré yò. Képah tēne, yí mè tɔ̀ mɔ Nsyifunɔ̀ nɪyó, fóó à pɔ̀ syɪ kwey mè tyí.

Yesu wénóle n tɔ̀ sáhpú tyí n lékó yilkinmɔntenɔ náh

16 Yesu tò sáhpú népí gbõnúkú me sɔkɔ Kalile mara yõlɔ yõ, wãh lésõ ñyãh tyí yo sah pé tyí. 17 Pãh kyɪ à wɛ, pè à gbilki, ñte pé tókù sò me tòtòle n pɪ ñ tyí sɔkɔ. 18 Yesu me no de pé tnô té yo pé tyí ne: «Yõtõrí pól ye ñmɔ gbõ dahbu yĩnyõ ànê sétáh yõ sɔkɔ. 19 Yé kyɪ kwlo kwlo pól névye pɪ ñmɔ tò sáhpúle, yè mó pè wel n wilki ni sɔkɔ Sú Liyel, ànê Pídí, ànê Liyel Mirki yĩn yõ. 20 Máh tyi nónó kō sah yé kō, yè mó pè kwɔ séle pè kō pè séle n pɪ. Té ñmɔ kɪ me yéle sōmesó, fóó kɪ kyɪ syɪ kèkõyó tyénó tyí.»

Marki-á nìvìnì tir nê wārki Yesu tyí soko

N yúpyé, yépi nóno-á sébě mène n kar,

«Nê me Yesule?» Píkinyahno yó ye, no pól yĩne pè pé gblöy piki yah kéle. Wáh sɔ me Yesu pĩ di mónóle, képah náh pɪ, á náh n̄ tyí noh yah pólle: No pól kɪ fě gbah tē à pĩ palle.- Sébě nê-á á tē yĩn á gbò, képah kɪ píkinyahno mè yah yo n̄ syah, kɪ Yesu dùkùle n̄ wēkɪ. Dí yó ye wārki kéle di mónóle. Kéne dí yĩn ye sò Markile. Kè Yesu min pɪ dùkù tyíle n yo, ànê n̄ tyípínìne, ànê n̄ welole. Sépi n tyah n̄ tyípínì tyí, à pɔ nɔ n̄ kúnó ànê ní yúkúnó tyí. Képah n wēkɪ ne, Yesu-á pɔ Liyel tǒrìle, té wáh fě syi n̄ gblöy tíkínmɔno yò, névyè pwáhnmo yinne.

Kéne séběne, Bibili tyah yó ye nê-á Liyel wey sébě ñgbène. Képah fí yó ye.

Yé kɪ fě kyɪ welo yísyó we, sé pínó kɪ me tah. Té pókónmɔno me dùkù-à me, ké tyàh-ñsah, kè ále n wēkɪ ne, wáh kɪ fě wey mè yah yónó we sébě mè tyé-ñsah soko.

Nte, wáh tē yĩn nê kar kwlo, á kɪ yah te sébě tyé-ñsah soko. Ké kèpikì wey wārki dùkù to me nénpó, ànê ké wĩn weyne.

Yé pól pĩ ne níkē, nê-á tókù n ye «Lékám Pèpeyne», tókù ñne n ye «Liyel Mirkile». Té, Liyel wey vɪnmɔno soko, yĩn núkú ó ye kɪ fě yah tɔko képah yinne. Nte, áyáh «Liyel Mirkí» yah tɔko, kè náh pɪ ne, képah sɔ á tɔko kúmm yò dé! Á me ké tyí ne, yépi tɔ lékámne á kò ké tyí yò. Ké ye dùkù yó lékám se me yé tyí, yé kɪ fě á kò?

A wil yĩn mè tyí soko, wáh tir yó we sébě mè soko, té ké yo dùkù náh ple wĩn wey soko áwo yah, gbah n tē kè yo á syah.

Liyel pèpɔrɪ pɪ á tyí ké kàrnó soko.

Wèlnwìlkì-ò Nsyɔ wey yónsàhnóle

¹ Liyel pi Yesu *Krista nìvìnì wey sán tyàh-ñsah ye yò.
² Sɔ-á kéle wárkínsàhnóle *Liyel tēntò syinyo-ò *Yesayi sébě soko ne:

«Yah, nímo Liyel kɪ ní tēntò névi tekɪ mɔ á yahle, à kɪ pɔ á wēkì tɔ sah á tyí.»

³ Nn̄i yó yĩnpɔ ye n dɔko gbènnɪ soko ne níkē:
 «Yé Tē-ñgbē wēkì tɔ sah,

yé kè pi tómm!»*

⁴ Káh wārku sah sǒ, sě ye *Wèlnwìlkì-ò Nsyǒ pɔ wil mɔ gběnnu sɔkɔ. A tyah n yo n kǒ névyé tyí nɛ, pè pé nno vi mɔ, pè mó *wèlnwìlkìnó wɛ. Képah sɔkɔ, Liyel-á kɪ pé tyípêl yǒ mɔ pè kǒ.

⁵ Képah tēne, Yude kwlo névyé pól, ànê tǒ Yerusalemú névyé pól sǒ me n pɔ n pɔ ò tyí, n pɔ pé tyípêl yo névyé pól yí yah, té ǎ pè wel n wilki Yurdě yo sɔkɔ. ⁶ Té, Nsyǒ sǒ me yǎhmíkì yè fwòmɔn mɔ, té ò syĩ tē sêl kǒle. N yǒkele sǒ sègblo ànê syĩri ye. ⁷ A sǒ me n yo tówú tyí: «Névi nê-á kɪ n pɔ n pi nímɔ náh, òmɔ ye gblò kal nímɔle. Nmɔ tē náh yĩne mé kɔ yĩn, ò gbáhkì lékyêh sro de. ⁸ Nmɔ ye yéle n wel n wilki ni sɔkɔ, òte òmɔ kɪ pɔ yé wel n wilki n pi *Liyel Mírki sɔkɔ.»

Yesu wèlnwìlkìnó ànê ò tǔnmɔnɔle

⁹ Légbíne, Yesu wil Nasaretu kwil, Kalile sétáh yǒ, à pɔ Nsyǒ kǒ à à *wel wilki Yurdě yo sɔkɔ. ¹⁰ Té, wǎh n wil ni sɔkɔ gbí nêne, à yĩnyǒ wɛ kè n ykɪ n mɔ, té *Liyel Mírki tiki ò yǒ, dàhyòkèpil sǒ. ¹¹ Légbíne, yĩnpǒ yó n wil Liyel sɔkɔ nɛ níkê: «Áwɔ ye nímɔ òidè Pi núkúnine. A tyí nɔ yíí ní tyí kègbule.»

¹² Ké nénpó swɔ, Liyel Mírki à tē yuku gběnnu sɔkɔ. ¹³ A sèpìn tíkínini pi nénpó sɔkɔ. Té *sétàn yǒtē pɔ òne n tǒ n mɔ. A sǒ me gběnkɔ nɔyó sɔkɔ, té *yĩnyǒ tēntǔbe me ò tē-nsahle n yah.

Yesu yěnkɔ tēpú nēpí nyêh ye

¹⁴ Képah náh, pè pɔ *Wèlnwìlkì-ò Nsyǒ dah mɔ wòkònpèkè sɔkɔ.† N déntenɔ náh wòkònpèkè, Yesu yuku Kalile sɔkɔ, à kyɪ tyah nìvìnì wey sánne n yo n kǒ, nê-á wil Liyel tyí. ¹⁵ A nɛ: «Gbí nê tyí-á sǒ yo sah, kè me de tɛ. *Liyel tǔrí me yĩni tē tɛ. Yé yé nno vi mɔ, yé mó sě nìvìnì wey sán yǒ!»

¹⁶ Wǎh sǒ me n kɔ Kalile yó-ngbē gbòpɔ gbí nêne, à yěnkɔ tēpú nēpí ními wɛ, Simo, ànê ò gběndí Andrele. Pè sǒ me yěnkɔ tē tē mɔle n min yěnkɔle n tē yo sɔkɔ. ¹⁷ A yo pé tyí nɛ: «Yé pɔ nímɔ náh. Mé kɪ yé pi névyé tēpúle Liyel tyí.» ¹⁸ Nénpó swɔ, pè núkú pé yěnkɔ tē tē mɔ sah, té ò sǒ tē. ¹⁹ Wǎh tǒ kɔ yuku yahle kwéy, à kyɪ Sebede wēnpì wɛ, Nsyakɪ ànê Nsyǔne. Pè sǒ me pé krótókè sɔkɔ, me yěnkɔ

* **1:3** 1.3 - Yah n tɛ Yesayi 40.3 sɔkɔ. † **1:14** 1.14 - Képah yah kɪ n yo n pi Marku 6.17 ànê 18 sɔkɔ.

tě tě mnole n tō n sah. ²⁰ Ké nénpó swɔ, à pépi tɔ ye yah. Pè núkú yal pé sú ànê ò tònpi tñò krótókè sɔkɔ, té ò sò tě.

Yesu tēnwenole sétàn yō

²¹ Képah náh, wáh nónó ye, à yuku péle Kapernayim kwil sɔkɔ. *Mí mí yòh sòle, à kyí de *Liyel ní-ńsah wòkò, à tyah névyele n kwɔ. ²² Nónó-á sò me ò weyne n nohni, pé gbàn du ò névyele kwónó òkùle. Tir yó náh, kè náh sò me núkùle ànê *Liyel ògbò wèkì kwópú tyíle. Nmɔ kwɔ òkù sò me yòtòrí kwónóle, képah ye.

²³ Ké légbíne, kè pɔ yíne, dí yó sò me Liyel ní-ńsah wòkò, *sétòle ò sɔkɔ. A me yuku gbo mɔ ne, ²⁴ kwáh nê se à n yah n kò pépi tyí ni, Nasareti Yesu? A se pɔ pépi yíkí-ńsah ni? Páh pĩ ne, pi kě-á òne, òmɔ nê-á wil Liyel tyí. ²⁵ Képah tēne, Yesu dírí kò sétò mè yō, té yo ò tyí: «Á vyáh vike, ò té n wil dí mè sɔkɔ!» ²⁶ Képah sɔkɔ, sétò dí mè yike kègbule, té de syi náhnáh, té wil ò sɔkɔ. ²⁷ Képah névyele gbàn du. Pè tyah wēne n piki n yah ne, kwáh nê se sě ni? Kwónó késán yóle à n pi yòtòrí sɔkɔ. A fē n wèkì sétàn tɔ yō, té sè n sah ò tyí yō. ²⁸ Kéne ní yō, Yesu yīn gbílkinó tō mɔ Kalile kwlo pól sɔkɔ.

Yesu yámpú náhnáh de mɔ

²⁹ Páh yal *Liyel ní-ńsah wòkò, pé núkú yō sɔkɔ de Simo ànê Andrepi gbò. Nsyaki ànê Nsyō tɔ sò me péle. ³⁰ Té Simo déysé sò me sēnóle wílvyáhnine. Nénpó swɔ, pé me kè yo Yesu syah. ³¹ Wáh kè noh sě, à nɔ de pi mè tñò, té ò gbò tě à yilki sah. N wílvyáhnì núkú tye, à me yuku tyah pínne n pi pé tyí.

³² Gbíyí-á de, névyele pé yámpúnɔ pól twah pɔ Yesu tyí, ànê *sétàn-á me dénóle nónó sɔkɔ. ³³ Kwil névyele pól pɔ tuke mɔ kéne gbò yah sɔkɔ. ³⁴ A me yámpú duke duke náhnáh de mɔ, té sétàn náhnáh yīni wilki, sáh me de nónó sɔkɔ. Sè sò òne n pne, ne òkù nê-á òne. Képah ye, à yahle ne, sè káh ne n wèkì.

Yesu Kalile kwlo pól kɔ kō

³⁵ Séngbō púsó, tyah syĩ syĩ sɔkɔ, Yesu yuku wil wòkò. A yuku gbēnni sɔkɔ, à kyí tyah Liyelle n ni. ³⁶ Képah sɔkɔ, Simopi yuku tyah òne n yah n kō. ³⁷ Páh kyí à we, pé à syah ne, névyele pól-á me òne n yah n kō. ³⁸ A me yo pé tyí: «Á ye yuku gbòplo kwlo sɔkɔ. Mé yíne mé òvìvì wey sán yo nénpó tɔ sɔkɔ. N pónó yō ye képahle.» ³⁹ Képah sɔkɔ,

à kyi Kalile tãntãn pól sɔkɔ, me Liyel weyne n yo n kɔ pé *Liyel ní-ńtãn vì sɔkɔ, té me *sétãnne n yĩni n wilki névye sɔkɔ.

Yesu tótẽ yó de mo

⁴⁰ Só yóle, *tótẽ yó nɔ de Yesu tnô, à gbètukunɔ di ñ yah, té à ni ne, wãh me ké tyí, wãh kɪ fẽ pé de mo. ⁴¹ Wãh yo sɛ, ñ yãh Yesu tẽ. A me ñ gbò tɔ ñ yõ, à tũ ñ tyí, té ne: «Mé me ké tyí, á kɪ de!» ⁴² Nénpó swɔ, *dú núkú à fin mo, à me de. ⁴³ Képah sɔkɔ, Yesu núkú à tekɪ mo, té kè gbah yo ñ tyí ne, ⁴⁴ à noh yò, à káh kè yãh ne tyí dé! A kyi ñ gblõyne *sárká wĩkĩpu yòtẽ wẽkɪ. Nkẽ, *Moyisi-á sò *sárká nê tyí yo, tótãm dɛnmɔnɔ tyí sɔkɔ, à mó képah wilki, nê-á kɪ no pól wẽkɪ n pi ne, wãh de. ⁴⁵ Nte, dí-á yal ñ tnô, tir nê-á pɪ ñ tyí, à kyi tyah kéle n yãh n kɔ no pól tyí. Kãh pɪ sɛ, Yesu nãh tɔ sò fẽ ñ gblõy wẽkɪ n pi kwil yó ńtẽ sɔkɔ. A sò me gbɛ mo tẽ kwlɔle, kégbó sɔkɔ, té névye n wil tãntãn pól sɔkɔ, à n pɔ n pɔ ñ tyí.

2

Yesu sèkùkù dí yó de mo

¹ Sèpĩn yísyó sókóntɛnɔ nãh, Yesu ñ syɪ pɔ Kapernayim sɔkɔ. Névyé-á kè noh ne, wãh me gbô, ² tówú yó tuke pɔ tyah fyãh. Tẽ-ńsah ńtẽ nãh sò me kélé yah tɔ sɔkɔ. Képah sɔkɔ, à tyah ñ weyne péle n kwɔ.

³ Légbĩne, nósýó pɔ ñ tyí sèkùkù yóle. Népĩ ñyêh sò me à twah. ⁴ Té névyé tnónkàhnó tẽ tyí, pè nãh sò fẽ nɔ n de n pi ñ tnô. Pè dɔkɔ gbɛntĩn yõ, kye ñ mé-ńsah tírrle, té sèkùkù mè tiki mo kéne pwãhle ñ sɛ sɛ kwãh yõ ñ yah sɔkɔ. ⁵ Wãh kè we, pè sɛ ñ yõ sɛ, à yo sèkùkù mè tyí ne: «Ñ pídí, á tyípél ye yõ mo ñ kɔ.»

⁶ Képah tẽne, *Liyel ñgbò wẽkɪ kwópú nónó-á sò me tẽnóle nénpó sɔkɔ, pè tyah n sò ne, ⁷ sɔ se pɪ, té dí mè n wɛkɪ sɛ nɪ? Liyel yĩn-á à n yɪkɪ. Ké névi se me kɪ fẽ tyípél yõ mo névi kɔ, né Liyel nãh nɪ? ⁸ Képah sɔkɔ, wãh núkú pé fɔkɔ sɔnɔ we sɛ, à yo pé tyí ne: «Sɔ pɪ, té yé fɔkɔ sɔnɔle sɛ? ⁹ Nê tẽ dòdò kal, à yo sèkùkù mè tyí ne, ñ tyípél-á yõ mo à kɔ, képah nãh pɪ, à yuku, ñ sɛ sɛ kwãh tɔkɔ ne n kɔ? ¹⁰ Nte, yé pĩ ne, tẽnwenɔ-á me *Névi Pi tyí, kɪ fẽ tyípél yõ mo névyé kɔ, té à sah sétáh yõ.» ¹¹ Képah ye, à yo sèkùkù mè tyí: «Mé kélé n yo á tyí, yuku, á sɛ sɛ kwãh tɔkɔ, ñ ne n yuku á gbô.»

¹² Nénpó swɔ, dí núkú yuku ò sě sě kwâh tɔkɔ sɔkɔ no pól yí yah. Kè pé pól gbàn du. Pè tyah Liyel yinne n gbilki, té me n yo ne, pé nâh sěnkɔ we yah.

Yesu Levi ye

¹³ Képah nâh, Yesu tɔ n syɪ yuku Kalile yó-̀ngbě gbòpɔ. Tówú pól sò me n pɔ n pɔ ò tyí, à péle n kwɔ. ¹⁴ Wâh pɔ n sɔkɔ, à Alfe pídí Levi we ténóle mórí syí-̀nsah wòkò. A me yo ò tyí ne, à yuku pé sò tě. Levi mó yuku ò sò tě.

¹⁵ Pâh kyɪ tyah yòkele n yò Levi ùnne gbí nêne, mórí syípú, ànê Liyel wěkì kó-̀nkêpú nâhnâh sò me n yò òne, ànê ò *tò sâhpúle. Kéne névyé òkù nâhnâh ye sò me ò sò tě, képah ye. ¹⁶ Képah sɔkɔ, *Liyel ògbò wěkì kwópú nónó-à sò *Farisiyēnɔle, pépi-à à we à me n yò ànê kéne névyé òkùle, pè yo ò tò sâhpú tyí ne, kù se pi, té à n yò mórí syípú, ànê Liyel wěkì kó-̀nkêpúle fí núkú ni? ¹⁷ Yesu-à kéne wey noh sě, à yo pé tyí: «Névyé nónó-à me lènɔle, sènpɪ yétò se me pé tyí? Yámpú tyí nâh sènpɪ yétòle di? Névyé nónó-à n sò ne, névyé tír tír-à péle, mé nâh pɔ pépi ye yinne. Nte, nónó-à pì ne, tyípêl pípi-à péle, pépi yé-̀nsah ye mé pɔ.»

Yesu-à nê yo níkì ténó tyí sɔkɔ

¹⁸ Só yóle, *Wèlnwìkì-ò Nsyɔ tò sâhpú ànê *Farisiyēnɔ sò me níkì tě. Névyé me kyɪ Yesu piki yah ne, kù se pi, té Nsyɔ tò sâhpú ànê Farisiyēnɔ tò sâhpú me níkì tě, té òmɔ *tò sâhpú nâh me sěntěne n pi ni? ¹⁹ Wâh képah noh sě, à yo pé tyí: «Yépi tě sòno sɔkɔ, fúr pí-ò-à nónó ye, pè se kɪ fě fúr yòke yahle, té kɪ fúr pí-ò sah pé niyó? Pè tě-à fyò me pé niyó, pé nâh fě yòke yahle n pi. ²⁰ Nte, gbí me n pi, pè kɪ pɔ pè mè wilki pé niyó. Ké lésòle, pè kɪ pyé níkì tě.

²¹ Névi yó òtě nâh fě fwɔ sán tɔkɔ, à kɪ fwɔ dyàh min n pi. Wâh képah pi, fwɔ sán kɪ fwɔ dyàh kú-̀nsah téy yɔɪ yɪkɪ òtò, ké pwâh kɪ gbɛ mɔ. ²² Anê tɔ, névi nâh fě òvè sán mɔ n pi pley di sɔkɔ. Òvè sán-à fū, kè kɪ pley nópi sekɪ. Òvè kɪ kwɛ, pley tɔ kɪ yɪkɪ. Képah ye, òvè sán ye yīne mónóle pley snó sɔkɔ.»*

Yesu-à nê yo mi mi yòh tyí sɔkɔ

²³ *Mi mi yòh só yóle, Yesu ànê ò *tò sâhpú sò me n kɔ n kah sèmuɔ swěy yísyó sɔkɔ. Képah sɔkɔ, ò tò sâhpú

* 2:22 2.22 - Pè sò ni ànê wɔ wɔ yīle n mɔ pilki sɔkɔ ògbòle.

tyah sèmuƙo ywõle n kõli n yuku wěkì yah. ²⁴ *Farisiyěno-á kèpah we sě, pè tyah Yesule n piki n yah ne, à yah, kù se pi, té tir nê náh yĩne pínóle mi mi yòh sóle, ò tò sáhpú kéle n pi ni? ²⁵ A me yo pé tyí: «Kwekí-á lésõ *Davidi ànê ò náh névye kah tẽ só nêne, té yõke wé-ńsah náh me pé tyí, pãh nê pi, yé náh kè kar yah di? ²⁶ A náh sò de Liyel wòkò sòko di? Búrn nóno-á sò sàhnóle Liyel tyí yõ, à náh sè toko tah, té ò náhtãn to kõ pè tah di? Ké légbíne, Abyatar ye sò *sárká wílkipu yõtě ñgběne. Té névi yó ñtẽ náh sò yĩne búrn nópi táhnóle, né sárká wílkipu yõtãm náh.»† ²⁷ Kèpah náh, Yesu tã yo pé tyí: «Mi mi yòh ye sah névi yĩne, ñte névi náh mo mi mi yòh yĩne. ²⁸ Kèpah ye, *Névi Pi pi mi mi yòh ñtẽ yõtẽne.»

3

Yesu dí yó de mo mi mi yòh sóle

¹ Kèpah náh, Yesu ò syi de *Liyel ní-ńsah wòkò yó sòko. Ké nénpò sòko, dí yó sò me gbòle kúnóle. ² *Farisiyěno mó tyah Yesule n yah, wãh ki ntyĩno à de mo n pi *mi mi yòh sóle, pè mó lékàh we à kã. ³ Kèpah sòko, Yesu me yo gbònkù dí mè tyí ne, à yuku n po yĩn névye niyó. ⁴ Té no piki yah: «Tir nê wěkì me kónóle mi mi yòh sóle: Pèpori se yĩne pínóle, tĩ pèkè se? A névi wilki kũ sòko, tĩ à tẽ ko mo?» Nte, pè náh tir yó yo. ⁵ Kèpah sòko, wãh pè yah yah yésyêhle fòkònyàhnì sòko, ò yah kwò pé kùkùtãhkì tẽ tyí. A me yo dí mè tyí: «Á gbò tã!» A me ò gbò tã, kè núkú pi ké vile. ⁶ Farisiyěno-á kèpah we sě, pè yuku wil kéne Liyel ní-ńsah wòkò sòko, à núkú kyi wě tuke mo ànê yõtě dí *Yerodi náh névyele Yesu tyí sòko, pãh ki pi sõ, té à we n ko n mo n pi.

Tówù ñgbě yó po Yesu tyí

⁷ Kèpah náh, Yesu ànê ò *tò sáhpú yuku Kalile yó-ñgbě gbòpo, té tówù ñgbě yó sò me ò sò tẽ. Pé tükù n wil Kalile, tükù mó n wil Yude, ⁸ ànê Yerusalemi. Tükù n wil Yidume, tükù n wil Yurdě yónkahnine. Tükù mó n wil Tiri ànê Sidó gbòplo kwlo sòko. Kéne tówù ñgbě ye kyi wil ò tyí. Pè sò ò tyípínó noh, kèpah yĩn ye. ⁹ Kãh pi sě, Yesu yo ò tò sáhpú tyí ne, pè krótókè yó tã sah pé kã, tówù káh po pé fyãh. ¹⁰ Wãh sò me névye náhnãhle n de n mo, yámpú pól sò me n to n

† 2:26 2.26 - Yah n te 1 Samuwel 21.2-7 sòko.

tuke n̄ yō ne, pé we tũ n̄ tyí. ¹¹ Té *sétàn-á sò me nónó soko, pãh à we, pé pé gbètukunole n di n pɔ n̄ yah, té n yo n̄ tyí dénsyino soko ne, Liyel pi-á n̄ne. ¹² Képah soko, à dírí kō pé yō, té ne, pé káh pé òkùle n yo.

Yesu népí gbõnimí yah wilki pi n̄ tò sáhpúle

¹³ Só yóle, Yesu dokò yõli yó yō, té wãh sò me nónó tyí, à pé ye. Pé pɔ n̄ tyí. ¹⁴ Sě ye sò, à yah wilki kène népí gbõnimíne, à pi n̄ tɔnpibile. Ne, pé ne n me pé tnô, pé ne n we n tō pé wey pèpey yo n kō yinne. ¹⁵ Té tẽnwenole pé kō nê-á kɪ fě *sétàn yini n wilki n pi. ¹⁶ Népi gbõnimí nópi yini we yò: Simole, Yesu ñmɔ yin sah Pyerile. ¹⁷ Nsyakɪ ànê n̄ gbẽndí Nsyõne, pépile, Sebede wẽnpi ye sò. A pépi yin sah Gbanersyesile, ké yō ye «nónó-á gbẽséntáhkì sǒ». ¹⁸ Andre tɔ sò me, ànê Filipe, ànê Bartelemi, ànê Matye, ànê Toma, ànê Nsyakɪ, nê-á Alfe píđine. A tahlɪ Tade, ànê Simole, nê-á sò n̄ sú fǒ yō yõpu soko yóle, ¹⁹ ànê tǒ Yisikaryoti Yudasile, nê-á pɔ vi Yesu nãh.

Yesu gbôtãn pɔ ne, páh ñne n tẽ n soko

²⁰ Képah nãh, Yesu de gbô. Tówũ tǒ tuke n̄ yō. Wró ntẽ nãh sò me ñmɔ ànê n̄ *tò sáhpú tyí yõke yō yō tẽne. ²¹ N gbôtãn-á képah noh sě, pé yuku wěkì tẽ ne, páh kɪ kyɪ à tẽ, té n yo wě tyí ne, n̄ lékãm-á fěkɪ, wãh kah mɔ.

Yesu n̄ tyí kàhnó yáhnkõpu yahle n yo

²² Légbíne, *Liyel ñgbò wěkì kwópú nónó-á wil Yerusalemɪ soko, pépi ne ñkě, *sétàn yõtẽ Belsebul-á me Yesu soko. Nmɔ táhkì-á à kō, à tẽ we *sétãnne n yini n wilki névyé soko. ²³ Képah tẽne, à pé ye, té tyah n wekɪ pé tyí sèmirn soko: «Sǒ me sétàn yõtẽ kɪ fě n̄ gblõy yini wilki névi soko? ²⁴ Yõtõrí núkú névyé-à tyah wẽne n fwo, kéné yõtõrí nãh n mo n pi. ²⁵ Kéte nê névyé-à tyah wẽne n fwo, kéné kéte tɔ nãh n mo n pi. ²⁶ Sěntẽ ó ye, sétàn yõtẽ-à yuku, à n̄ táhkì tɔkɪ, à tyah wẽne n fwo, n̄ yõtõrí kɪ yɪkɪ, kè nãh n mo n pi. ²⁷ Névi yó ntẽ nãh fě de n pi kètẽnpe táhkì wòkò, kɪ n̄ gbãn yí tɔkɔ, né à nãh à tẽ pukubi. Wãh à tẽ pukubi te gbí nẽne, à kɪ pyẽ n̄ wòkò yí kwel. ²⁸ Mé kéle n yo yé tyí kègbɪ yò: Névyé-á tyípèl nónó pólle n pi, ànê Liyel gbyònó pólle, sè kɪ fě yō mɔ pé kō. ²⁹ Nte, névi nê-à *Liyel Mírki gbyɔ, kè nãh n yō n mɔ n pi n̄ tyí pólle. A kɪ wũ ké soko.» ³⁰ A képah yo sě pé tyí, pãh sǔnpí yo ne, sétõ-á me n̄ soko.

Nónó me Yesu pi ò yú ànê ò yúpyéle

³¹ Képah náh, Yesu-á sò me nýāh, ò yúpyé ànê ò yú pò yīni tē kéne gbô yah, té ne tekɪ mɔ à kyɪ à ye. ³² Tówú sò me kō tē Yesu mɔ gbī, té pè yo ò tyí ne, à noh yò, ò yú, ànê ò yúpyé-á me kégbó. Pāh me ké tyí ne, pé à we. ³³ A me yo pé tyí: «Nê me nímɔ yúne, ànê nónó me ní yúpyéle?» ³⁴ Képah náh, névye nónó-á sò me tē à mɔ gbī, à yō pè yah kore vi, té yo: «Yé yah, nímɔ yú, ànê ní yúpyé me ásô. ³⁵ Névi nê-á Liyel nìvìle n pi, òmɔ ye nímɔ yúpi, ànê ní yúne.»

4

Sèmuco mîr-ò sèmîrkîle

¹ Sô yôle, Yesu tō me tyah névyele n kwɔ Kalile yó-̀ngbē gbòpɔ sɔkɔ. Tówú òngbē yó pò à mɔ gbī. Pè tnónkàhnó tē tyí, à de kō tē krótókè yó sɔkɔ. Krótókè mè sò me yo sɔkɔ, té tówú pól me tēnóle yóngbalɪ. ² A sò me péle n kwɔ tyi náhnáhle sèmîrn sɔkɔ, me n yo pé tyí ò kwónó sɔkɔ ne: ³ «Yé noh! Sô yôle, dí yó sò kyɪ ò swāh, sèmuco mîr-̀nsah. ⁴ Wāh me mîrnó sɔkɔ, yísyó syíkɪlɪ wēgbalɪ sɔkɔ, kèpye pò sè yo. ⁵ Yísyó me syíkɪlɪ yen kwéy tē-̀nsah légbí yō, té fi súú. Yen gbɪ náh sò me nénpó, képah ye. ⁶ Gbī-á pò vyāh sè tē, sè kɔkɔ. Yāhni gbɪ náh sò me sé tyí, képah ye. ⁷ Yísyó me kyɪ syíkɪlɪ pān nuyó. Pān nópi me yuku fyāh sé yō, sè náh tē we pye pi. ⁸ Nte, yísyó kyɪ syíkɪlɪ sétáh pèpey sɔkɔ. Sépi me fi, à kyāh palle. Túkù pyenɔ yōgbām pi, túkù tikitōní pi, sé túkù mó lèkwě pi.» ⁹ Képah náh, à tō yo pé tyí: «Níkí-á kɪ me nê tyí noh noh tēne, tē ò níkí sah noh.»

Yesu sèmîrn yáhnó yôle

¹⁰ Yesu-á yal tówú tnô gbí nêne, nónó-á níkēne ne me òne, pépi ànê ò *tō sáhpú népî gbōnimí me òne n piki n yah sèmîrkî mè yôle. ¹¹ A mó yo pé tyí: «*Liyel tōrí tyi nónó-á wōbìnóle, sé pnèno ye yépi tē wɔ kō, ònte kégbó névye tyí, tyi pól n yo sèmîrn ó sɔkɔ.

¹² Képah sɔkɔ, pé kɪ n yah díkidíki, té pè náh kwāh yó we n pi.

Pè kɪ n nohnɪ, té pè náh tir yó pī n pi.

Né képah náh pi, pè náhkɪ pé pi dukù vi mɔ, à pé gblōyne Liyel kō, té náhkɪ pé tyípêl yōnmɔnɔ we.»*

Yesu sèmuco mîr-ò sèmîrkî yō yo

* 4:12 4.12 - Yah n te Yesayi 6.9 ànê 10 sɔkɔ.

¹³ Yesu tǒ yǒ sǒkɔ yo pé tyí: «Yé náh sèmirkǐ m̀è yǒ pǐ di? Nte, yé kɪ sèmírɲ tɛ́lɔ́ yǒ pǐ sǒ? ¹⁴ Sè̀mukɔ mír-ò̀e, Liyel wey ye à n mir. ¹⁵ Tɛ́ névyɛ túkù mɛ, á kɪ nɛ wɛ̀gbalɔ́ sǒ, wey-á mir mɔ́ nýãh sɔkɔ: Pépi-à wey m̀è noh, nénpó swɔ, *sétàn yòtɛ̀ n pɔ wey m̀è wilki pé fɔkɔ. ¹⁶ Túkù tǒ mɛ légbí tɛ̀-̀nsah sǒ. Pàh wey m̀è noh, pɛ̀ kè fɛ̀ n syi nìvìnìnɛ. ¹⁷ Tɛ́ pè náh n ye wey m̀è yàhnìnɛ n mɔ́ pé sɔkɔ. Nénpó swɔ névyɛ ye péle. Képah ye, kwlónó-à pè yīni tɛ̀, képah náh pɪ, névi-à pè fǒh Liyel wey yinne, pɛ̀ pé náh vi súú Liyel wey kǒ. ¹⁸ Túkù mó tǒ mɛ, á kɪ nɛ pǎn tɛ̀-̀nsah sǒ. Pàh wey m̀è noh, ¹⁹ kèkǒyó tyi fɔkɔ sǒnɔ, ànê tahrɪ ànê tyi náhnáh dékè n de pé sɔkɔ. Sépi n pɔ wey m̀è fyãh, kè náh n tɛ̀ n wɛ pyeɛ n pɪ. ²⁰ Névyɛ túkù mó mɛ, á kɪ nɛ sétáh pèpɛy sǒ: Pépi-à wey m̀è noh, pɛ̀ kè fɛ̀ n syi, ò tɛ̀ pye pɪ. Túkù pyenɔ yǒgbã m pɪ, túkù tikitǒnɪ pɪ, túkù n mó lèkwɛ̀ pɪ.»

Fòtnò ànê sãh sãh dú sèmirkìle

²¹ Képah náh, à tǒ yo pé tyí: «Névi se kɪ fɛ̀ fòtnò soh, tɛ̀ kɪ dú kwĩnki mɔ́ ké yah, képah náh pɪ, kɪ kè dah mɔ́ sɛ̀ sɛ̀ kwãh sètãhkì sǒ? A náh kè dɔkɔ n mɔ́ n pi ké sàh-̀nsah di? ²² Tir yó nítɛ̀ náh mɛ wǒ̀bìnó̀le, nê náh n wilki n mɔ́ n pi kégbó. Sètɪn sǒ tir yó nítɛ̀ náh n wũ n pi wɛ̀kí-̀nkɛ̀nɛ. ²³ Níkí-à mɛ nê tyí noh noh tɛ̀nɛ, tɛ̀ ò níkí sah noh!»

²⁴ Tɛ́ tǒ ò syi yo pé tyí: «Yáh tyi nónonɛ n nohnɪ, yé séle n kyomɪ palle. Yáh no tɛ́lɔ́ tyíle n sãh dú nɛnɛ, Liyel kɪ yépi tɔ tyí sãh n pi kéne dú núkúle, tɛ̀ dòhnìnó nítɛ̀ kɪ wɛ yépi tyí yǒ. ²⁵ Kwãh-á mɛ névi nê tyí, dòhnìnó kɪ pɪ ò tyí yǒ nítǒ. Tɛ́, névi nê tyí kwãh náh mɛ, kwéy nê-á mɛ tɛ̀ tyí, képah tɔ kɪ tɛ̀ syi ò tyí.»

Sèmirkì nê-á yãh sè̀mukɔ finó tyí yǒ

²⁶ Képah náh, à tǒ yo pé tyí: «Yé yah, kwãh nê-á *Liyel tǒrí kètò̀le: Kè mɛ, á kɪ nɛ dí yó sǒ nê-á sè̀mukɔ mir ò swãh sɔkɔ. ²⁷ A mɛ n dɔ ò, à mɛ n yah ò, lékãh ànê ké gbìntǒ, sè̀mukɔ n nɛ mɛ fi, n nɛ n kyãh, à náh ké dùkúle n pne. ²⁸ Sétáh ye sè̀mukɔ m̀è kǒ kè fi ké gblǒy. Sè̀ kètuke wil à pɔ dubi pɪ ywǒ̀le, à yí pɪ. ²⁹ Sãh fyò ko tɛ, sè̀mukɔ tɔkɔ gbí-á nɔ, à yɛ̀nkwɛ̀kì tɔkɔ kyɪ tyah séle n kǒ.»

Mútárdi pi sèmirkìle

³⁰ A tǒ yo pé tyí: «Á kɪ fɛ̀ kwãh nê tɔkɔ kɪ *Liyel tǒrí dùkù wɛ̀kɪ? Képah náh pɪ, sèmirkǐ nê mɛ mé kɪ yãh kɪ yīnɛ kéle?»

³¹ Kè mɛ, á kɪ nɛ mútárdi pi sǒ tyíí. Kè yilɔ kal sè̀mukɔ duke pòlle. ³² Tɛ́, pàh kè duku, kè n yuku n pɔ n pɪ yòhkì

ngbēne n kal sēmukɔ duke pólle swāh sɔkɔ. Nte, yǐngbān gbekɪ dò, kèpye kɪ fě pɔ syè pɪ ké sɔkɔ.»

³³ Sě ye Yesu n kwɔ névyele sēmĩrkĩ mè duke náhnáh sɔkɔ. A sò me séle n yāh n yĩne sé nòhnìpu pĩ pĩ tēne. ³⁴ A náh sò n yāh pé tyí sēmĩrn mí-ńkēne. Té, pàh me pé yahle, òmò ànê ò *tò sáhpule, ă sé pól yah yo n dal n mò pé tyí.

Yesu yáhpékè yó yĩn mò yó-ńgbē sɔkɔ

³⁵ Ké lésò ńvĩne, Yesu yo ò *tò sáhpu tyí ne, pè ye, pé yuku yó-ńgbē kahnune. ³⁶ Képah sɔkɔ, pè me yal tówù tñ. Wāh sò me krótókè nê, ò tò sáhpu sɔkɔ òne képah sɔkɔ. Té krótónenó yísyó tɔ sò me òne. ³⁷ Dò, yáhpékè yó kò, à nine n tɔkɔ n mò krótókè sɔkɔ pópó, kè pɔ n tyah yúkúnóle nine. ³⁸ Té légbĩne, Yesu sò me sě tē n dɔ krótókè sɔkɔ náh fĩne, té me ò yò sah yòsah yò. Képah sɔkɔ, ò tò sáhpu kyɪ à yilki mò, té yo ò tyí ne, kwó-ò dí, yɔ-á n tyah pé yónóle, kè kó me tirlé òmò tyí nɪ? ³⁹ Wāh dɔ yuku, à dírí kò yáhkí yò, té yo yo tyí: «Yĩn! Tē syísyí!» Yáhkí núkú yĩn, tyah pɪ súmm. ⁴⁰ A me yo pé tyí: «Kú pɪ, té tíkí yé tē sě? Yé náh tñnì sě n yò di?» ⁴¹ Képah tēne, tíkí me pé kah tē. Pè tyah wēne n piki n yah ne, ne òkù nê se dí mēne, té yáhkí ànê yo tɔ n sah ò tyí yò nɪ?

5

Yesu sétàn yĩni wilki dí yó sɔkɔ

¹ Képah náh, pè kyɪ yĩni tē Kalile yó-ńgbē kahnune, Yerasa tãn sétáh yò. ² Yesu-á fyò n tiki krótókè sɔkɔ, nénpó swɔ, dí yó wil léyâl wró, à pɔ à yohnɪ. *Sétò sò me kéne dí sɔkɔ. ³ A sò me tēnóle léyâl wró. Névi náh sò fě à pukubi n sah n pi kēy fyéle pólle. ⁴ Kèyáhle, pè ńkēne kárn mò ò gbyēh tyí, ò té kēló mò ò gbān tyí, té à kárn kwɔkɪ, ò té kēló kòlɪ. Kāh pɪ sě, ké tǎhkì náh sò me ònî yó rítē sɔkɔ, kɪ fě à tē sah. ⁵ Ké lékâh, ké gbĩntò, à sò ńkēne n ne n kɔ n kò léyâl wró ànê ymò sɔkɔ, n ne n de n syi, ò gblòyne n pɪ n yo n kò dyēhle.

⁶ Té, wāh Yesu we fíí sɔkɔ, à to pɔ gbètukunɔ di ò yah. ⁷ Té de syi yĩnpò ńgbēne ne, Yesu, pé yòtah Liyel pɪ, kwāh nê se à n yah n kò pé tyí nɪ? Páh òne n ni Liyel yĩn yò, à káh pé fòh. ⁸ Yesu sò me n yo sétò mè tyí ne, à wil dí mè sɔkɔ, képah ye. ⁹ Té me à piki yah ne, ò yĩn se sò? A me ne, pé yĩn-á Méfwóbé Kwĩnkile. Páh me dò, képah-á. ¹⁰ Té me à gbah ni ne, à káh pé yĩni wilki kwil mè sɔkɔ.

¹¹ Ké nénpó sɔkɔ, sel kwĩnki yísyó sò me n yah n yõ n kõ yõli yõ. ¹² Sétàn nópi Yesu ni ne, páh kɪ wil dí mè sɔkɔ, à ye pé kõ, pé de sel nópi sɔkɔ. ¹³ A me ké wěkile sè kõ. Légbíne, sè me wil dí mè sɔkɔ, té kyɪ de sel nópi sɔkɔ. Sel kwĩnki ye sò séle, sè kɪ fě nɔ sel kèyõ kénkõle, té me téyõ. Sè núkú to tiki tükütükù, à kyɪ de yó-̀ngbě sɔkɔ, kè kõ kè sè yõ.

¹⁴ Kǎh pɪ sě, sel nópi fěpu to sɔkɔ kwil niyó, ànê gbno sɔkɔ, à kyɪ ké òkù yó kõ no tyí. Képah tēne, névyé pɔ ké nénpó, à pɔ ké òkù yah, sǎ-á kè pɪ. ¹⁵ Pè kyɪ Yesu tnô, té kyɪ dí mè we, nê-á sò sétàn kwĩnkile déntēnóle n sɔkɔ. A sò me flo mɔ kõ tē, té me tírr névyé tyí kōle. Kǎh pɪ sě, tíki pè tē. ¹⁶ Tir nê-á pɪ sétàn nédéné sɔkɔ ànê sel tyí, sé wépú tyah séle n yāh pé tyí. ¹⁷ Képah sɔkɔ, kwil tǎn tyah Yesule n ni ne, à yal pé kwil sɔkɔ.

¹⁸ Kǎh pɪ sě, Yesu-á n òkɔ krótókè sɔkɔ gbí nēne, sétàn-á wil dí nê sɔkɔ, à tyah òne n ni ne, à ye pé kõ pé n sò tē. ¹⁹ Nte, à nǎh ké wěkile à kõ, té me yo n tyí: «Á syɪ n kyɪ gbô! Tě-̀ngbě-á n ògbèkì sɔkɔ pèpɔri ògbě nê pɪ á tyí, n kyɪ ké yah yo pé tyí!» ²⁰ Dí mó nítyínɔ n syɪ kyɪ kéle n yo n kõ Kwlogbām kwil sétáh yõ, tir nê-á Yesu pɪ n tyí. Nónó pól-á kéle n nohnɪ n tyí, pé gbǎn du.

Yayirusi písê yílkínmɔnɔ, ànê pi nê-á tũ Yesu fwòmɔn tyí

²¹ Képah sɔkɔ, Yesu-á yīni tē yó-̀ngbě kahnune krótókè sɔkɔ, à sò me yóngbalɪ sɔkɔ, té tówú ògbě yó pɔ à mɔ gbĩ. ²² Légbíne, *Liyel ní-̀nsah wòkò yòtē yó yīni tē nénpó, nê yīn-á Yayirusile. Wǎh Yesu we, à gbètukunɔ di n yah, ²³ té à gbah ni ne, pé písê lépir-á me n tyah kúnóle. Páh òne n ni, à pɔ kyɪ n gbǎn sah n yõ. Képah-à pɪ, wǎh kɪ de, té kɪ min we. ²⁴ Képah sɔkɔ, Yesu me yuku òne. Té tówú ògbě sò me n sò tē, me à fyāh sah ywõ ywõ pólle.

²⁵ Nénpó sɔkɔ, sê yó sò me nǎhle n yo tyé-̀nkēne ye gbōninó. ²⁶ A sò kah kwlo kègbule n gblǔy mónó sɔkɔ sènpɪbɪ nǎhnáh tyí. N gbǎn yí pól sò tye, té kè nǎh kwāh wilki n yam sɔkɔ. Kè pyè me gbɛ óle n gbɛ mɔ. ²⁷ Pɪ mè-á Yesu tyí noh nýāh sɔkɔ, à de tówú niyó n nǎh tīnne, à kyɪ tũ n fwòmɔn tyí. ²⁸ A sò me n sò n fɔkɔ sɔkɔ ne, páh nǎhkɪ we tũ n fwòmɔn ó tyí, pé nýān-á nǎhkɪ tye. ²⁹ Wǎh mó núkú tũ n fwòmɔn tyí, nénpó swɔ, n nǎh yónó tye. A kè kyɔmɪ we n wil sɔkɔ ne, páh de. ³⁰ Nénpó swɔ, Yesu pĩ ne, tǎhkì yó-á wil pé sɔkɔ. A me n yah vi tówú niyó, té piki yah ne,

nê se tũ pé fwòmɔn tyí nɪ? ³¹ N *tò sáhpú me yo n tyí ne, à kó me n yah tówû à mɔ gbĩ, me à fyãh sah ywõ ywõ pólle, té à tã me n piki n yah ne, nê se tũ pé tyí nɪ? ³² Nte, Yesu me vi n gbòplo névye yah. A sò me ké tyí ne, pé ké pí-ò we. ³³ Képah tẽne, pi mè wil n syah tíkí tyí. Nmɔ sò pĩ tir nê-á pɪ n sɔkɔ. A yuku kyɪ gbètukunɔ di Yesu yah, té ké gbɪ yo dal mɔ à syah. ³⁴ A mó yo pi mè tyí: «N̄ písê, n̄mɔ yõ s̄nó ye n de mɔ. Ne n yuku yèvinɪ sɔkɔ, á n̄yân tyɛ.»

³⁵ Wãh me képah yónó sɔkɔ s̄, t̄ntò yó wil Liyel ní-nsah wòkò yòt̄é dí gbô, me pɔ n yo kéne dí tyí ne, n písê-á ku. Nk̄é, yõ se tã me ké tyí, à tã kwó-ò díne n kwlo nɪ? ³⁶ Té Yesu náh n níkí sah képah t̄é noh pé tyí, té me yo Yayirusi tyí: «Káh tíkí pɪ, s̄é ó s̄é n̄ yõ!» ³⁷ Képah tẽne, pãh n sɔkɔ, à náh f̄é syi ne n sò t̄é, à wil Pyerɪ ànê Nsyakɪ ànê n gb̄endí Nsyõ tyí sɔkɔ. ³⁸ Pãh kyɪ de Liyel ní-nsah wòkò yòt̄é dí gbô, Yesu kyɪ névye we, pé me n gbo n mir n k̄õ, me n de n syi. ³⁹ A me de wòkò, té yo pé tyí: «Kû pɪ, té yé n gbo n mir n k̄õ s̄é? Piri náh ku. Dónó ó ye à n dɔ.» ⁴⁰ Névyé-á képah noh, pè tyah kóle ñne n ko. Képah sɔkɔ, à pé pól wilki wòkò sɔkɔ. Té piri sú, ànê n yú, ànê n tò sáhpú nép̄i t̄ómí ó de ñne piri mé-nsah wòkò. ⁴¹ A me piri gb̄ò t̄é, té yo n tyí pé kwil wey sɔkɔ: «Talita kumi!», nê-á pè n ye: «Pípír, mé kéle n yo á tyí, yuku!» ⁴² Ké n̄n̄pó swɔ, piri yuku tyah n kɔ. Kãh pɪ s̄é, kè névyé pól gb̄ân kah du. Légb̄ine, n ye gb̄oninó ye sò. ⁴³ Té Yesu me ké gbah yo pé tyí ne, pé káh ye névyé p̄í ké sɔkɔ, n̄k̄é, pè mó yòkele à k̄õ à yõ.

6

Nasareti kwil névyé náh s̄é Yesu yõ

¹ Yesu-á yal ké n̄n̄pó, à kyɪ ànê n *tò sáhpúle, wãh sò kyãh kwil nê sɔkɔ. ² *Mɪ mɪ yòh só-á nɔ, à kyɪ de *Liyel ní-nsah wòkò, à tyah névyéle n kwɔ. Nónó-á sò me n nohnɪ n tyí, pé náhnáh gb̄ân du. Pè tyah n yo w̄é tyí ne, n̄yãh se à we kéle, nê se à k̄õ kéne lékám ànê t̄enwenole, à f̄é gb̄il mè dükùle n pɪ nɪ? ³ Nk̄é, ñmɔ kó sésân sé-ò m̄ene, Mari pídine nɪ? N̄ yúpyé kó Nsyakɪ, ànê Yose, ànê Yude, ànê Simole nɪ? Nmɔ dósýó kó pé pól wró sɔkɔ ásô nɪ? Képah s̄onɔ ye pè k̄õ, pè náh s̄é n̄ yõ. ⁴ Képah sɔkɔ, à me yo pé tyí: «*Liyel t̄ntò syínyo-ò me gb̄ilkínóle névyé pól tyí, à wil n súfó, ànê n no, ànê n k̄étetân tyí sɔkɔ. Pépi ye ñne n yilɔ.» ⁵ Képah ye Yesu

kõ, à náh fě gbĩl yó ntě pı pé tyí, né yámpú yísyó ó yõ náh. A ñ gbõ sah pé yõ pè kõ pè de. ⁶ Té, ñ kwil névyé-á yahle sě́nóle ñ yõ sě́, kè ñ gbǎn du.

Yesu ñ tǒ sáhpú népî gbõnimí tǒ

Képah náh, à yuku gbòplo kwlo soko, à kyı névyéle n kwò n kǒ. ⁷ Képah soko, à ñ *tǒ sáhpú népî gbõnimí ye, té tyah péle n tǒ nimí nimíne. Té tēnwēnole pè kǒ *sétǎn yõ. ⁸ Té me kè gbah yo pé tyí ne, pàh n soko pé kóló soko, pè káh kwáh yó ntě tǒko, à wil pé ko ko lépló tyí soko. Pè káh yõke tǒko, pè káh pilki tǒko, pè káh pó tǒko dah mǒ pé yõ. ⁹ Pè lékyèh wǒ dyı, té pè káh fwòmǒlǒnǒ nínó nínó mǒ. ¹⁰ Té tǒ yo pé tyí: «Yáh kyı kwil yó soko, té twah nê tyí, yé tē nénpó, kè pǒ nǒ yé yálnó tyí. ¹¹ Kwil nê névyé-à kyı yahle ne, yé káh twah pé tyí, té yahle yé wey nóhnóle, yáh n wil kéne kwil soko, yé yé gbyèh nēngbõ kwer n kwe nénpó. Képah kyı gbáhdýáh dínsàhnóle pé tyí.» ¹² Képah soko, ñ tǒ sáhpú me soko, à kyı tyah n yo n kǒ no tyí ne, pè pé nno vi mǒ. ¹³ Pè sǒ me sétǎn náhnáhle n yĩni n wilki névyé soko, té me yámpú náhnáhle n de n mǒ, pàh nırı tuke te tē tyí.

Wèlnwìlkì-ò Nsyǒ ku dùkùle

¹⁴ Légbíne, yǒtē dí *Yerǒdi sǒ me Yesu tyípínóle n nohnı, tir yó náh, ñ yĩn sǒ me n gbilki ywǒ ywǒ pól soko. Túkù ne nkē, *Wèlnwìlkì-ò Nsyǒ-á ñne, wǎh ñ syı wil lékyî wró, à pǒ. Képah-á à kǒ, à tē we gbılńóle n pı. ¹⁵ Té, túkù mó ne, *Yeli-á. Túkù tǒ ne, *Liyel tēntǒ syınyo-ò yó-á, ñgbò Liyel tēntǒ syınyo-ò sǒ. ¹⁶ Yerǒdi-á sépi pól yónó noh sě́, à ne, Nsyǒ-á, páh sǒ pè kǒ pè ñ yõ kǎm, té wǎh ñ syı yuku gbáh!

¹⁷ Kègbı yõ, Yerǒdi sǒ pè kǒ ne, pè Nsyǒ tē pukubi dah mǒ wòkǒnpèkè soko. Yerǒdyadi yĩn ye à kǒ, à képah pı. Yerǒdi sǒ pi mè tǒko kyıle. Té ñ gběndí Filipe kyı ye lésǒ ñne. ¹⁸ Nte, Nsyǒ ye sǒ ké gbule n yo Yerǒdi tyí ne, à náh yĩne à ñ gběndí kyı tǒko. ¹⁹ Káh pı sě́, Yerǒdyadi sǒ me Nsyǒ dyole n yo, me ñ kǒnmǒ-ńsahle n yah n kǒ. Nte, à náh me ké syǒ-ńsah we. ²⁰ Yerǒdi sǒ me Nsyǒ yǒle n syıki, képah ye. A sǒ me ñ tíkile n pı. A pĩ ne, wǎh me tírr pi kéne Liyel yah. Wáh sǒ ñ welole n nohnı, ké ñ fǒkǒ fěki. Té, ñ welo tyí sǒ kah nǒ ñ tyí.

²¹ Képah soko, Yerǒdyadi pǒ syǒ-ńsah yó we, Yerǒdi dúbínó yòh vınpǒnǒ syáh syah sóle. A sǒ ñ tǒrí soko né-ńgbnǒ ye, ànê ñ méfwóbé yǒtǎmne, à tahlı Kalile yǒtǎm pól

tyí, té yõke ñgbẽ pi pé tyí. ²² Képah sokɔ, Yerɔdyadi písê de kyí yõ yi pé mé-ńsah wòkò. Kǎh pi sɛ, ñ tyí nɔ Yerɔdi ànê ñ náh névyé tyí. A me yo pípír tyí ne, wǎh kɪ me kwáhdúkú nê tyí, à kè yo, páh kɪ kéle à kɔ. ²³ Té ñ wo ñ tyí ne, wǎh kɪ kwáhdúkú nê tyí yo, páh kɪ kéle à kɔ, kǎh kɪ sɔ pi pé yõtõrí tóníne. ²⁴ Wǎh yo sɛ, pípír me wil kyí ñ yú piki yah ne, pé se yĩne pé kwáh nê tyí yo ni? N yú mó núkú à syah ne, à kyí yo ñ tyí ne, à Wèlnwìlkì-ò Nsyõ yõle pé kɔ.

²⁵ Képah tɛne, pípír núkú ñ syi súú, à pɔ yo yõtɛ dí tyí ne, à pɔ pé kɔ Wèlnwìlkì-ò Nsyõ yõle yévíkì sokɔ núkúnúkú yò. ²⁶ Wǎh yo sɛ, kè pi yèkwɔrɪle yõtɛ dí Yerɔdi tyí kègbɪle. Té, à náh sò me ké tyí ne, pé pé vyǎh vi pé wónó yinne pé náh névyé yí yah. ²⁷ Nénpó swɔ, yõtɛ dí núkú ñ tyah syíkípú sokɔ ne yó tekɪ mɔ ne, à kyí Nsyõ yõ kǎm pɔ. Kéne dí mó kyí Nsyõ yõ kǎm wòkònpèkè sokɔ, ²⁸ té pɔ kéle pípír kɔ yévíkì sokɔ. A mó kyí kéle ñ yú kɔ. ²⁹ Nsyõ *tò sǎhpú-á képah noh sɛ, pè pɔ ñ lékó tɔkɔ, à kyí yĩ léyɛkì sokɔ.

Yesu népí kèyõ nínó kyegbām kɔ yõkele

³⁰ Képah náh, Yesu tònpiɪ pi pé syi pɔ ñ tnô, à pɔ pé tyípínì ànê pé névyé kwɔ dukù pól yo à wɛkɪ. ³¹ Té légbíne, pópú ànê sókópú sò me dò. Yõke yõ yõ wró ńtɛ náh sò me Yesu ànê ñ *tò sǎhpú tyí. Kǎh pi sɛ, à yo pé tyí ne: «Yé pɔ, á yuku gbòpɔle, yé kyí mɪ yah kwéy.» ³² Pè me de pé yahle krótókè yó sokɔ, à gbɛ mɔ névyele. ³³ Té névyé náhnáh-á pè we sókó-ńsah, pè n gbɛ n mɔ sɛ, pè me pĩ, fí nê-á pè n yuku. Pè núkú wil ywõ ywõ pól sokɔ tólólɛ gbáhkì yõ, à Yesupi dyàh tɛ kyí de nénpó. ³⁴ Yesu-á wil krótókè sokɔ, té tówú ñgbẽ mè we sɛ, pé yām à tɛ. Tir yó náh, pè sò me, á kɪ ne yípɛ sɔ, fɛ-ò kɛne sé tyí. Képah sokɔ, à tyah péle ñ kwɔ tyi náhnáhle.

³⁵ Nví-á pɔ nɔ, ñ tò sǎhpú nɔ de ñ tnô, té yo ñ tyí ne, níví-á syi pɔ nɔ, té tyah mè-á gbènmɔnɔle. ³⁶ Wǎh náh ké wɛkìle névyé kɔ, pè kyí yõke yah dwe gbòplo gbɔ ànê kwlo sokɔ. ³⁷ A me yo pé tyí ne, pépi yõkele pè kɔ, pè yõ. Pè me à piki yah ne, à se ne, pépi yõke dwe pè kɔ pó pló lègbāmne ni? ³⁸ A me pè piki yah ne, búrn pló sɔ se me pé tyí ni? Nkɛ, pè kyí yah te. Pǎh kyí piki yah, pè pɔ yo ñ tyí ne, búrn pló kwló-á me pé tyí, ànê yɛnkyɔ pló nínólɛ. ³⁹ Képah tɛne, Yesu ne, pè névyé pól kɔ pè kɔ tɛ tɛn tɛnne filkì yõ. ⁴⁰ Névyé mó kɔ tɛ tɛn tɛnne, lèkwɛkwe ànê tíkíníní pó gbām gbāmne. ⁴¹ Pǎh kɔ tɛ te, Yesu búrn pló kwló ànê yɛnkyɔ pló nínó nópi

tɔkɔ, à n yah yõ yĩnyõ, té weki Liyel tyí, té búrn kwɔki pè kɔ̄ nɛ, pè dibi névyɛ kɔ̄. Té yẽnkɔ̄ nɔpi tɔ dibi névyɛ pól kɔ̄. ⁴² Képah tẽnɛ, pé pól yõ tɔ̄, ⁴³ té pè tɔ̄ pé búrn ànê yẽnkɔ̄ yónkwɔnɔ téló tuke mɔ gbétóló yí gbõninólɛ. ⁴⁴ Té nónó-á sò yõke mè yõ, pè sò mɛ dibi népí kèyõ nínó kyegbãmnɛ.

Yesu kɔ yó-̀ngbẽ yõ

⁴⁵ Nénpó swɔ, Yesu n *tò sáhpú kyí mɔ, pè de krótókè sɔkɔ nɛ, pè yuku pé yahle yó-̀ngbẽ kahnɛnɛ, Besayida kwil sɔkɔ. Péwɔ mó tówú fin mɔ. ⁴⁶ Wãh pè fin mɔ tɛ, à yuku yõli yó yõ, à kyí Liyelle n ni. ⁴⁷ Lékâh-á mɔ, krótókè sò mɛ yɔ nuyó, té ñmɔ ó mɛ kènkwhãh yõ. ⁴⁸ Dõ, à n tò sáhpú wɛ, yáhkí mɛ péle n yohni, pè mɛ n kwɔ krótókè vyónmɔnto-̀nsah. Tyah dal gbíne, à tyah n kɔ n yuku pé tírrle yɔ yõtãh, à n yuku pé kál-̀nsah. ⁴⁹ Pãh à wɛ, à n kɔ sɛ yɔ yõtãh, pè wɛ nɛ, lékó mírkí yó-̀á, té tyah n de n syi. ⁵⁰ Pé pól-á à wɛ sɛ, pé sãm yɔkɔ. Ntɛ, nénpó swɔ, à yɔ mɔ pé tyí nɛ: «Yé yé ni syãh, ñmɔ ye. Yé káh tíkí pi.» ⁵¹ Té de krótókè sɔkɔ pé tnô, yáhkí mó yĩn. Kè pi gbẽndùnɛnɛ náhnáh pé tyí. ⁵² Wãh búrn pi dò gbíl nê sɔkɔ, pè náh sò ké òkù pí, képah ye. Pé lékám sò kah tɛki ké pínólɛ.

Yesu yámpú dénmɔnɔle Yenesareti sétãh yõ

⁵³ Pãh yó-̀ngbẽ kah, pè yĩni tẽ Yenesareti sétãh yõ, té pé krótókè yĩn mɔ yɔ vyãh tyí. ⁵⁴ Pãh fyò n tiki krótókè sɔkɔ, névyɛ núkú Yesu yah pí. ⁵⁵ Pãh noh nɛ, wãh mɛ nyãh sɔkɔ, pè n tyah pé yámpúle n twah pé sɛ sɛ yí sɔkɔ ywõ ywõ pólle, nɛ n pɔ n pɔ n tyí. ⁵⁶ Yesu-à de nyãh òkù nê sɔkɔ, kwil ñgbnɔ ànê kwilpyé ànê gbnɔ, névyɛ pé yámpúnɔle n twah n pɔ n tyí pé tówú tükè-̀ntãn sɔkɔ. Pè n pɔ n tyah ñnɛ n fal nɛ, à yɛ pé kɔ̄, pé wɛ tũ n fwòmɔn vyãh ó tyí. Nónó pól-à fyò wɛ tũ n fwòmɔn vyãh tyí, pè n mó n de.

7

Farisiyẽnɔ ñgbò wãl kólólɛ

¹ Só yóle, *Farisiyẽnɔ ànê *Liyel ñgbò wèkí kwópú túkú wil Yerusalemi, à tuke mɔ pɔ Yesu tnô. ² Pè pɔ kè kyomɔ wɛ nɛ, n *tò sáhpú tükù-á mɛ n yõ gbẽnsillɛ. Pè náh mɛ pé gbãnnɛ n kãm n wu pé ñgbòtãn tyí kólɛ. ³ Té, Farisiyẽnɔ ànê *Nsyifunɔ téló pól sò ñgbòtãn wèkí mè sãhnólɛ n kɔ. Pè náh sò yõkele n yõ, né pè náh pé gbãn kãm wu palle. ⁴ Pãh wil pɔ yòh sɔkɔ, pè náh yõkele n yõ pé kãmnwèl-̀nkẽnɛ.

Pè sò pé ògbòtàn pì òkùnó náhnáh yísyó tó tē yí kègbùle, sǒ-á wóhno, ànê pńí, ànê késên [ànê sē sē yínó] wúnó òkùnó pèpèyne. ⁵ Képah ye, Farisiyēno ànê Liyel ògbò wèkì kwópú me Yesu piki yah ne, kú se pì, té ò tǒ sáhpú náh me ògbòtàn tyi sàhnóle n pì, té n yǒ pé gbàn kàmnu-ńkēne nì? ⁶ Képah sòkò, à me yo pé tyí: «Gbì lésǒ me *Yesayi tyí, wǎh Liyel wey nê yo yépi vyēy nini wékípú tyí sòkò. Sē ye sǒ à wǎrkì sah kéle:

«Kéne névyele, pé ńne n gbilki vyāh ó sòkò, té pé nì me fíí ńne.

⁷ Nírí nê-á pé n ne n pì ńmò tyí, nònó ye kéle.

Tir yó náh, kwónó nê-á pé n ne n kǒ, névyele sàhnó ye kéle, ńmò tyí náh.»*

⁸ Yesu tǒ yǒ sòkò yo pé tyí: «Yépi Liyel tyi kònsàhnóle n milki, ò té névyele tyí sàhnóle n pì. ⁹ Yē n gbah n tē Liyel tyi kònsàhnó yahle, ò té ye ògbò wǎlle n kò! ¹⁰ Sǒ-á sǒ *Moyisi yo ne, névi-á yīne à ò sú ànê ò yúne n gbilki. Képah náh pì, névi nê-à ò sú ànê ò yú yilò, tē-á yīne kònmòno. ¹¹ Nte, yépi névyele n kwò ne, névi-à yo ò sú tyí, képah náh pì, ò yú tyí ne, páh sǒ ne, pé kwāh nēne à kǒ, páh kéle Liyel kǒ te. ¹² Yē ké gbì syi tē kǒ ne, à náh tǒ yīne à tir yó pì ò sú tyí, képah náh pì ò yú tyí. ¹³ Kéne pì òkùnó sòkò ye, yē Liyel wey pì nònó tirlé ye ògbò wǎl kwónó sòkò. Anê yē n tǒ sēnkno náhnáhe n pì.»

Tyi nónó-á névile n silki Liyel yah

¹⁴ Képah náh, Yesu ò syi tówú ye tuke, té yo pé tyí: «Yé pólle, yé noh í tyí, yé mó pì ne, ¹⁵ kwāh yó ńtē náh n wil kègbó, à n de névi sòkò, té kì fē tē silki. Té, tyi nónó-á n wil névi sòkò, sépi-á n silki òne. [¹⁶ Níkí-à me nê tyí noh noh tēne, tē ò níkí sah noh!]

¹⁷ Yesu-á yal tówú tńó, té kyì de gbò gbí nēne, ò *tǒ sáhpú òne n piki n yah sèmirkì mè yǒle. ¹⁸ À me pé syah ne, lékám kē névyele se pépi tole nì? Pè kó pì ne, névi-á kwāh nēne n dah n mò ò vyāh, képah náh fē tē silki n pì nì? ¹⁹ Kè náh n de ò nì sòkò. Kǎh ńkēne n de ò kèkùrkì sòkò, à kǒ à n kyì n wilki n kwē, wǎh de filkì. Kéne wey sòkò ye à yo pé tyí ne, yòkeno pól-á kì fē yǒ. ²⁰ Té tǒ yo pé tyí: «Tyi nónó-á n wil névi fòkò, sépi ye òne n silki Liyel yah. ²¹ Fòkò sǒno túkúnì nónó-á n wil névi sòkò, sépi ye à kǒ, à ò minne n pì fòfikì sòkò, ànê yíbe, ànê kònmòno, ²² ànê syó yǒ yíkínó, ànê yí

* 7:7 7.6 ànê 7 - Yah n te Yesayi 29.13 sòkò.

yúkú-ńkē sɔkɔ, ànê népékè, ànê yíwí, ànê sen kú-ńkē sɔkɔ, ànê dyó yónó, ànê névyè yīn yíkínó, ànê gblɔy gbílkínó, ànê tǒ lékám kē sɔkɔ. ²³ Kéne tyítúkúni pól n wil névi sɔkɔ, à ñne n silki Liyel yah.»

Yesu sétō yīni wilki népô sê yó písê sɔkɔ

²⁴ Képah náh, Yesu yal nénpó, à yuku Tiri sétáh yō. A kyi wǒbɔ twah gbô yó sɔkɔ. A náh sǒ me ké tyí ne, ne pǐ ne, páh me nénpó. Té, à náh tē we wǒbɔ. ²⁵ Nénpó swɔ, pi yó sǒ me, *sétōle ñ písê sɔkɔ. Wǎh Yesu tyí noh sē, à núkú pɔ gbètukuno di ñ yah. ²⁶ Pi mènè, *Nsyifu ne náh sǒ ñne. A sǒ dubi Siri sétáh yō, Fenisi sɔkɔ. Wǎh pɔ, à sǒ me Yesule n ni ne, à sétō yīni wilki pé písê sɔkɔ. ²⁷ Képah tēne, Yesu me yo ñ tyí ne, à ye wēnpǐ ñgbò kǒ, pè yō tǒ. Wēnpǐ yōke náh yīne kè tɔkɔ mɔ pǎhnpye kǒ. ²⁸ Pi mè mó yo ñ tyí ne, gbi-á, pé Tē-ñgbē. Nte, wēnpǐ-á yōkele n yō, yēnmír nónó-à n syikili sétáh, pǎhnpye kó ńkēne sèpile n tǒ n yō ni? ²⁹ Képah sɔkɔ, à yo pi mè tyí: «Á wey mè yīnne, á syi n to n yuku. Sétō ye wil á písê sɔkɔ.» ³⁰ Kǎh pi sē, à me ñ syi to yuku gbô, à kyi ñ písê we sēnóle sē sē kwâh yō. Sétō sǒ wil te ñ sɔkɔ.

Yesu níkítú màhmàhkì wékí-ò yó de mɔ

³¹ Képah náh, Yesu yal Tiri sétáh yō, à kyi sɔkɔ Sidō kwille, té pyē Kwlogbām kwil sétáh kah, à yuku Kalile yo tinnè. ³² Nósýó me níkítú yó tē pɔ ñ tyí, màhmàhkì wékí-òle, té me à ni ne, à ñ gbò sah ñ yō. ³³ Képah sɔkɔ, à dí mè tē wil, à gbe mɔ tówúle, à kyi ñ kèngblo dah mɔ dí ní sɔkɔ, té sīn mɔ, à tuke ñ nénpóri tyí. ³⁴ Té ñ yah yō yīnyō, à mɔ dɔkɔ, té yo dí tyí pé kwil wey sɔkɔ: «Efata», nê-á pè n ye: «Yiki n mɔ.» ³⁵ Nénpó swɔ, dí ní yiki mɔ, ñ nénpóri de mɔ, à tyah n weku tírr. ³⁶ Té, Yesu me pè sni ne, pè káh kéle n yo n kǒ névyè tyí. Té, wǎh péle n sni sǒ, pè pyē wǎnne n mɔ ké yónkōno yō. ³⁷ Pé gbǎn kàhduno tē tyí, pè tyah n yo wē tyí ne, gbi yō, ñ tyípínó pól-á me kah ple! Wǎh níkítúbi níne n yiki, té kèdyòni nénpórile n de n mɔ.

8

Yesu népí kèyō nínó kǒ yōkele

¹ Kéne sèpìn sɔkɔ, tówú ñgbē yó tǒ sǒ me tükènmɔnɔle Yesu tnô. Té yō yō kwâh náh sǒ me pé tyí sē, à ñ *tò sáhpú ye, té me yo pé tyí ne, ² tówú mè yām-á me pé tē. Pé sèpìn

tõnì-á ànê péwɔle yò, té yõ yõ kwâh nâh me pé tyí. ³ Páh kɪ pè fin mɔ, pè sɔkɔ kwɛkɛle, pãh kɪ kah kwɔlɔ wẽkì yah. Pé tũkù-á n wil fíí sɔkɔ. ⁴ Képah tẽ sɔkɔ, ò tò sãhpú yo ò tyí ne, pé se kɪ fẽ we ñyãh yòkele gbẽnni mɛ sɔkɔ, kɪ pè kɔ, pè kɪ yõ tã ni? ⁵ A me pè piki yah ne, búrn pló sɔ se me pé tyí ni? Pè me ne, kwãrnínó-á. ⁶ Képah sɔkɔ, à tówù kɔ pè kɔ tẽ sétáh, té búrn pló kwãrnino nópi tɔkɔ, à weyne Liyel kɔ, té sè kwɔkɪ ò tò sãhpú kɔ ne, pè syi dibi névyɛ kɔ. Pè mó sè syi dibi pè kɔ. ⁷ Yẽnkyópì yísyó tɔ sò me pé tyí. A wɛkɪ Liyel tyí sé tyí yõ, té ne, pè sé tɔ tɔkɔ dibi pè kɔ. ⁸ Képah tẽne, pé pól yõ tã, té ò tò sãhpú yónkwɔlɔnɔ téló tuke mɔ tɔkɔ yí kwãrnino. ⁹ Té nónó-á sò me nɛnpó, pè nɔ nɛpì kèyõ nínó kénkòle. Képah nâh, à pè fin mɔ, ¹⁰ té mó núkú de krótókè sɔkɔ ànê ò tò sãhpúle, à yuku Dalmanuta kwil sétáh yõ.

Farisiyẽnɔ gbìl yah kɔ Yesu tyí

¹¹ Képah tẽ sɔkɔ, *Farisiyẽnɔ pɔ tyah yékãble n pi Yesule, té ò sòle n mɔ n yah ne, à gbìl yó pi pé yah, nê-á kè wẽkɪ n pi ne, wãh n wil Liyel tyí. ¹² Képah sɔkɔ, Yesu mi dɔkɔ nâhnâh, té yo pé tyí: «Kú pi, té kwɛy gbì névyɛ gbìlne n yah n kɔ? Kègbi yõ, mé kéle n yo yé tyí, gbìl yó ñtẽ nâh pè wẽkɪ n pi!» ¹³ Té yal pé tnô, à de krótókè, à yuku yó-ngbẽ kahnnɛ.

Yesu tò sãhpú lékám tékínóle

¹⁴ Légbine, Yesu *tò sãhpú sò pé dyɔ fwo yòke tókónóle. Búrn pó núkú ó sò me pé tyí krótókè sɔkɔ. ¹⁵ Képah sɔkɔ, Yesu me kè gbah yo pé tyí: «Yé yé gblõyne n kyɔmi *Farisiyẽnɔ ànê *Yerɔdi búrn dɔkɔ dɔkɔ kwáhle.» ¹⁶ Wãh yo sɛ, ò tò sãhpú yékãb mɔ ne, búrn kɛ yin-á à kɔ, à képah yo. ¹⁷ Wãh pè kyɔmi we, à pè piki yah ne, kú se pi, té pè yékãble n pi búrn kɛ yinne ni? Pè kó tònì me ké tyí yah we sɛ ni? Pè kó kè pĩ ni? Pé lékám se me víkɛntũnɔle ni? ¹⁸ Yí-á me pé tyí, pè kó me n yah ni? Ní me pé tyí, pè kó me n nohnɪ ni? Pé dyɔ kó me n kwne ni? ¹⁹ Páh lésõ búrn pló kwɔlɔ kwɔkɪ dibi nɛpì kèyõ nínó kyɛgbãh kɔ, gbétóló yí sɔ se pè kwel yónkwɔlɔnɔle ni? Pè me ne, gbõninó-á. ²⁰ A tã pè piki yah ne, té páh lésõ búrn pló kwãrnino kwɔkɪ dibi nɛpì kèyõ nínó kɔ, tɔkɔ yí sɔ se pè kwel yónkwɔlɔnɔle ni? Pè me ne, kwãrnino-á. ²¹ Képah sɔkɔ, à yo pé tyí ne, té, pè nâh tònì me ké tyí yah we sɛ ni?

Yesu yítũ yó yí yiki mɔ Besayida kwil sɔkɔ

22 Yesu ànê ò *tò sáhpú-á kyĩ yĩni tẽ Besayida kwil, nòsyó pò yítù yóle ò tyí, té à ni ne, à tũ ò tyí. 23 Yesu me yítù mè gbò sòkò tẽ, à wil òne kwil gbòpò, té sìn mò ò yí sòkò, té ò gbàn sah ò yò, té à piki yah ne, à se me n yah ni? 24 Yítù dí ò yah yò, té ne, páh me névyele n yah yirkòò, sésân sò. Té, páh me n kò. 25 Yesu tó ò syi ò gbàn sah dí yí yah. Káh pi sè, à fè n yah pnerne, à de. A yiyin pólle n wah n pne wè sòkò. 26 Képah sòkò, Yesu yo dí mè tyí ne, à sòkò ò gbò, té à káh syò kwil sòkò.

Pyeri kè yo ne, Yesu-á Liyel ne tékínmònlè

27 Képah náh, Yesu ànê ò *tò sáhpú yuku Filipe Sesaru gbòplo kwlo òinne. Páh me wèkì yò gbí nêne, à pè piki yah: «Névyé tẽ tyí, nímlè, nê me?» 28 N tò sáhpú ne, túkù-á ne, *Wèlnwilkì-ò Nsyò-á òne. Túkù mó ne, *Yeli-á. Túkù tó ne, *Liyel tẽntò syinyo-ò yó-á òne. 29 A me tó pè piki yah: «Té yépi tẽ tyí, nímlè, nê me?» Képah tẽne, Pyeri yo ò tyí ne: «*Krista ye ále, Liyel-á ne, páh kì nê tekì mò.» 30 Képah sòkò, Yesu pè sni ne, pè káh kè yo ne syah.

Yesu ò kúnó ànê ò yúkúnó tyí yo

31 Képah sòkò, Yesu tyah ò *tò sáhpúle n kwò ne, *Névi Pi-á yĩne à de yèvyáhrì sòkò náhnáh. Yèwáhnì, ànê *sárká wìlkìpu yòtám òngbò, ànê *Liyel ògbò wèkì kwópú-á kì à yahle, té kì à kò n mò n pi. Té, sèpìn tó-ò sóle, wáh kì yuku. 32 Wáh kéne wey yo dal mò pè syah sè, Pyeri me à ye kèkì, à kyi tyah lékàhle òne n kò. 33 Képah sòkò, Yesu ò yah vi ò tò sáhpú yah, té lékàhle Pyeri kò, té yo ò tyí: «To ní tnò, *sétàn yòtè! Á fòkò sòno náh me núkùle Liyel tyíle. Névyé tyí kò ye áwò n sò.»

Yesu sò tẽ dùkùle

34 Képah náh, à me tówù ye pò ànê ò *tò sáhpúle, té yo pé tyí: «Névi nê-á me ké tyí ne, pé nímo sò tẽ, tẽ ò gblóy dyóyí tyi ye, à mó ò *dahni twah, à mó nímo sò tẽ.* 35 Sè ó ye: Névi nê-á ne, páh pé minne n pwah n mò, à kì tekì ké sòkò. Té névi nê-á tekì ò min sòkò nímo ànê òvìvì wey sán yinne, òmò min kì pwah. 36 Kè kì tir nê pekì névi tyí, wáh kèkòyó yí pól we, té kì n tekì n pi tyé-nkè min sòkò? 37 Kwáh nê tẽ me névi kì fè kò, kì ò min dwe syi sah? 38 Kwey gbí névyele, Liyel dél ànê tyípèl pípú ye péle. Nte, névi nê-á sen ku nímo

* 8:34 8.34 - Dahni twáhnò n wèkì ne, á á vi sah á min kò kò tẽne Yesu tyí kòle.

tyí, ànê ní wey tyí yónóle pépi wró, *Névi Pi to kɪ sen ku tẽ yah, wàh só nêne pɔ n̄ sú gblò sɔkɔ, ànê *yĩnyõ tẽntõbele.»

9

¹ Té t̄õ n̄ syɪ yo pé tyí: «Mé kéle n yo n dal n mɔ yé tyí kègbɪ yõ: Yépi nónó-á ásô, yé túkù náh n ku n pi, té kɪ *Liyel t̄õrí we yĩne, póntenole. Kè kɪ n pi tẽnwenɔ n̄gbẽne.»

Yesu v̄inmɔnɔ dùkùle

² Sèp̄in kénúkò-ò sókóntenɔ náh, Yesu me Pyerɪ ànê Nsyakɪ ànê Nsyõ tẽ, à yuku péle yõli n̄gbẽ yó yõ. Pépi ó ye sò pé yahle nénpó sɔkɔ. Té, n̄ dùkù me vi mɔ pé yah sɔkɔ. ³ N flo piki, à n tẽ pépér. Ké névi náh me kèkõyó kɪ fẽ kwâh yó ntẽ piki n pi s̄entẽne. ⁴ Képah sɔkɔ, *Yeli ànê *Moyisi wil pé yah, me n yãh ànê Yesule. ⁵ Képah tẽne, Pyerɪ me yo Yesu tyí ne, kwó-ò dí, kãh yĩne pé tẽ ásô. Páh kɪ yèpyenɔ t̄ónó pɪ ásô, núkùle n̄mɔ tyíle, núkùle Moyisi tyíle, núkú mó pɪ Yeli tyíle. ⁶ Pyerɪ náh sò p̄i, wãh nê yo n pi, képah ye. Tíkí sò n̄mɔ ànê n̄ kópú nép̄i ními kah tẽ. ⁷ Pãh me képah sɔkɔ, n̄yírki yó pɔ fob mɔ pé yõ. Kéne n̄yírki sɔkɔ, yĩnp̄õ yó n wil pè n nohnɪ ne: «N̄mɔ nê-á yò, n̄mɔ n̄idè Pídí ye n̄ne. Yé ne n nohnɪ n̄ tyí!» ⁸ Kéne ní yõ, *t̄ò sáhpú-á yah k̄õ pé gbòplo sɔkɔ, pè náh t̄õ névi we. Yesu núkúní ó sò wũ ànê péle.

⁹ Pãh me yõlule n tiki gbí nêne, Yesu pè sni ne, pãh tir nê we, pè káh kè yãh névyè syah, kè pɔ nɔ *Névi Pi yúkúnw̄ilnó tyí lékyî wró. ¹⁰ Pè me snínó mè tẽ yĩn, té mó t̄õ me wẽne n piki n yah ne, kú se à n ye lékyî wró yúkúnw̄ilnóle nɪ?

¹¹ Képah tẽne, pè tyah n̄ne n piki n yah ne, kú se pɪ, té *Liyel n̄gbò w̄èkì kwópú ne, Yeli n̄gbò-á yĩne à pɔ? ¹² A yo pé tyí: «Yeli n̄gbò ye yĩne à pɔ tyi pól t̄õ sah. Nte, kú pɪ kè wãrkɪ sah *Liyel wey séb̄enó sɔkɔ ne, Névi Pi-á kɪ yèvyãhrɪ pɪ náhnáh, té pè kɪ n̄ne n yilo nɪ? ¹³ Nte, mé kéle n yo n dal n mɔ yé tyí ne, Yeli-á pɔ te. Té, névyè-á à pɪ pé dyɔ dyɔ tẽne. Sẽ ye sò kéle wárkínsàhnóle Liyel wey séb̄enó sɔkɔ n̄ tyí yõ.»

Yesu sétõ yĩni wilki w̄ẽnpir yó sɔkɔ

¹⁴ Képah sɔkɔ, pãh yĩni tẽ *t̄ò sáhpú téló tn̄õ, pè tówú n̄gbẽ yó we, pè me pè kore vi, té *Liyel n̄gbò w̄èkì kwópú me yékâble n pɪ t̄ò sáhpú nópilè. ¹⁵ Névyè-á núkú Yesu we gbí nêne, kè pɪ pé tyí gb̄endùn̄ne. Pè to kyɪ wèkɪ n̄ tyí. ¹⁶ Yesu me n̄ t̄ò sáhpú piki yah ne, kwâh nê yékâb se pè n pɪ péle

nɪ? ¹⁷ Nte, dí yó sò me tówû sɔkɔ, ñmɔ yo n tyí ne, kwó-ò dí, páh pɔ pé pídíne n tyí. *Sétõ yó-á me n sɔkɔ, me à pɪ kèdòkùle. ¹⁸ Kě ñne n kwel n min n kǒ tǎntǎn pól sɔkɔ sétáh. Gbèfòkòpíkìni n ne n wil n vyǎh, té ǎ n yínile n tah, ànê n wil n kɔkɔ. Képah-á, pé pɔ ñne n tò sǎhpú tyí ne, pè sétõ mè yīni wilki n sɔkɔ, té pè nǎh tē we. ¹⁹ Képah tēne, Yesu me yo pé tyí ne, Liyel yǒ sē-ńkē névye, pé se kɪ tē péle pópó, kɪ pɔ syɪ gbí nê tyí nɪ? Pé se kɪ pè so sah, kɪ pɔ syɪ gbí nê tyí nɪ? Nkē, pè pɔ ñne pé kǒ. ²⁰ Pè mó pɔ ñne à kǒ. Sétõ-á fyò Yesu we, à piri yike kègbùle, à syɪkɪ sétáh, à n pil n kǒ gbèfòkòpíkìniñe n vyǎh. ²¹ Képah sɔkɔ, Yesu me piri sú piki yah ne, gbí ne se kè tyah n tyí nɪ? A me yo n tyí ne, n wēnpir gbí dùkù-á. ²² Kèyahle, sétõ-á ńkēne à tɔkɔ n min n dah n mɔ nyàh, képah nǎh pɪ, ni sɔkɔ, n kò-ńsahle n yah n kǒ. Nte, wǎh kɪ fē n tē n pi, à pé yām yah, à mó pé yohnɪ mɔ. ²³ Képah sɔkɔ, à me yo dí mè tyí: «Máh kɪ fē n tē n pi wò...! Tyi pól kɪ fē pɪ Liyel yǒ sē-ò tyí.» ²⁴ Nénpó swɔ, piri sú gbo mɔ ne: «Mé sē ké yǒ, té kè me tah ní tyí. N yohnɪ mɔ ké sɔkɔ.» ²⁵ Képah sɔkɔ, Yesu-á névye we, pè n to n tuke pé yǒ sē, à díri kǒ *sétõ mè yǒ, té yo n tyí ne, ñmɔ nê-á névile n pɪ kèdòkù ànê níkitùne, à wil piri mè sɔkɔ! Té à káh tǒ de yah n sɔkɔ! ²⁶ Wǎh yo sē, sétõ me gbo mɔ, té piri yike kègbùle, té mó wil n sɔkɔ. Piri núkú pɪ tē kúnó sǒ, fóó névye nǎhnáh n yo ne, wǎh ku. ²⁷ Nte, Yesu me à tē n gbò tyí, à yilki sah. Piri yuku yīn.

²⁸ Yesu-á de wòkò gbí nēne, ñmɔ ànê n tò sǎhpú ye sò wũ pé yahle, té pè me à piki yah ne, kú se pɪ, té pépi nǎh tē we sétõ mè yīni wilki piri sɔkɔ nɪ? ²⁹ A me yo pé tyí: «Níri ó sɔkɔ ye kéne sétǎn dùkù kɪ fē yīni.»

Yesu tǒ n kúnó ànê n yúkúnó tyí yo

³⁰ Pǎh yal nénpó, pè me Kalile kwlɔle n kah, té Yesu nǎh sò me ké tyí ne, pè pé mé-ńsah pī. ³¹ Tir yó nǎh, à sò me n *tò sǎhpúle n kwɔ, té me n yo pé tyí: «*Névi Pi kɪ n dahbɪ n pi névye gbò. Pè kɪ à ko mɔ, té sèpìn tǒ-ò sóle, à kɪ yuku.» ³² Nte, n tò sǎhpú nǎh sò me wey mè tyí yah we, té tíkí sò me pè tē n píkinyahnɔle.

Nê tē kal?

³³ Képah nǎh, pè yīni tē Kapernayim kwil sɔkɔ. Pǎh me wòkò sɔkɔ gbí nēne, Yesu n *tò sǎhpú piki yah ne tir nê yékáb se sò pè n pɪ wěkì yah nɪ? ³⁴ Nte, pè nǎh tir we yo.

Tir yó náh, pè sò me yékâble n pi wěkì yah ne, pé pĩ pépi wró nê tẽ-á kal. ³⁵ Képah sɔkɔ, Yesu kɔ tẽ, té n tò sáhpú nepĩ gbõnimí ye, té yo pé tyí: «Nê-à me ké tyí ne, pé pi yah yétẽne, ñmɔ yĩne à pi pé no náhtũne, à mó pi tɔ̀npile pé tyí.» ³⁶ Képah tẽne, à wẽnpir yó tẽ pɔ pé nyó. Té à tẽ kòhli n ni yõ, té yo n tò sáhpú tyí: ³⁷ «Névi nê-à wẽnpir mè kénkɔ tẽnó plé ñmɔ yĩn yõ, ñmɔ ye tẽ tẽ plé. Névi nê tɔ-à ñmɔ tẽnó plé, ñmɔ ó náh tẽ tẽ plé: Nte nê-á tekɪ mɔ ñmɔle, ñmɔ ye à tẽ plé.»

A sépe náh nêne, á pèpey ne ye ñne

³⁸ Képah sɔkɔ, Nsyɔ me yo Yesu tyí ne, pé kwó-ò dí, pépi-á dí yó we, à me *sétãne n yĩni n wilki n yĩn yõ. Té, à náh sò me pépile. Képah-á pé kɔ, pé ne pé à yĩni mɔ ké pínóle. ³⁹ Yesu me yo pé tyí: «Yé káh à yĩni mɔ. Névi náh fẽ gbĩl pi n pi ñmɔ yĩn yõ, té kɪ tɔ̀ ñmɔ yĩnne n yɪkɪ nɛnpó swɔ. ⁴⁰ Tir yó náh, á sépe náh nêne, á pèpey ne ye ñne. ⁴¹ Kègbi yõ, mé kéle n yo yé tyí: Yáh pi *Krista tyíle, névi nê-à ni ñgbiyĩne yé kɔ yé wɔ képah yĩnne, ké pèpɔrɪ kɪ dyah óle à dyah.

Tyi nónó-á yo gblɔy tẽnó tyí sɔkɔ

⁴² Wẽnpĩ nónó-á sɛ ñmɔ yõ, névi nê-à pé sɔkɔ ne yó yõ yɪkɪ dah mɔ tyípɛl sɔkɔ, kè kɪ sò fónfó pè dáh-ñgbẽ toh tẽ yègbi sɔkɔ, pé kyɪ min dah mɔ yónti ñgbẽ sɔkɔ. ⁴³ Á gbò-à n dah n mɔ ále tyípékè sɔkɔ, kè kãm n milki, n té n kyɪ n de gbò núkúle tyé-ńkẽ min sɔkɔ. Kèpah kɪ fónfó kal á gbàn níni kyíndenɔle ní-ńkẽ nyàhnpèkè sɔkɔ. [⁴⁴ Nɛnpó sɔkɔ, kèfyɔ nónó-á wille n yõ, sè náh n ku, ànê ké nyàhnpèkè náh n ni.] ⁴⁵ Á gbáhkì-à n dah n mɔ ále tyípékè sɔkɔ, kè kãm n milki, n té n kyɪ n de gbáhkì núkúle tyé-ńkẽ min sɔkɔ. Képah kɪ fónfó kal á gbyêh níni mínndahnɔnɔle nyàhnpèkè sɔkɔ. [⁴⁶ Nɛnpó sɔkɔ, kèfyɔ nónó-á wille n yõ, sè náh n ku, ànê ké nyàhnpèkè náh n ni.] ⁴⁷ Á yí-à n dah n mɔ ále tyípékè sɔkɔ, kè wilki n milki, n té n kyɪ n de yí núkúle *Liyel yòtɔrí sɔkɔ. Képah kɪ fónfó kal á mínndahnɔnɔ yõ yí nínóle nyàhnpèkè sɔkɔ. ⁴⁸ Nɛnpó sɔkɔ, kèfyɔ nónó-á wille n yõ, sè náh n ku, ànê ké nyàhnpèkè náh n ni.

⁴⁹ Képah ye, no pól kɪ tɔ̀ sah nyàhle, sɔ-á pne n pi kéle. ⁵⁰ Pnɛne, kwáh pèpey ye kéle. Té ké syĩnsyí-à wil ké sɔkɔ, sɔ me yé kɪ tɔ̀ fẽ pi kéle, té kè kɪ tɔ̀ nɔ? Yé pne mɔ yé gblɔy sɔkɔ, yé tẽ wẽ tyí yèvinɪ sɔkɔ.»

10

Yesu-á kwónó nê kō fúr yíkinó tyí sɔkɔ

¹ Yesu-á yal nénpó, à kyɪ Yude sétáh yō, té yuku Yurdē yónkahnne. Képah sɔkɔ, tówú ngbē yó tō tuke mɔ n̄ tn̄. A me tyah péle n kwɔ ngbò tyí kōle. ² Képah tēne, *Farisiyēno yísyó nɔ de n̄ tn̄ ne, pé kyɪ n̄ sò mɔ yah. Té n̄ne n piki n yah ne, ké wēkì se me dí tyí kɪ n̄ kyɪ fin mɔ nɪ? ³ A me yo pé tyí ne, tir nê se sò *Moyisi yo sah pé tyí nɪ? ⁴ Pè me ne nkē, Moyisi-á ké wēkì kō ne, wâh á kyɪle n fin mɔ, á n̄ fínmmɔnɔ tārɸyò sébē pɪ à kō. A mó à fin mɔ. ⁵ Képah tē sɔkɔ, Yesu yo pé tyí: «Yépi kùkùtáhkì yīn ye, Moyisi me ké wēkìle yé kō sē. ⁶ Nte, kèkōyó mɔ gbīne, dí ànê sê ye Liyel mɔ. ⁷ Képah ye, dí kɪ n̄ sú ànê n̄ yú sah, té kɪ kyɪ yégbékè kwɔ mɔ ànê n̄ kyɪle, ⁸ té pé ními kɪ pɪ núkúle. Képah sɔkɔ, pé náh tō n pɪ n pi nímine, pé kɪ pɪ núkúle. ⁹ Kǎh pɪ sē, Liyel-á nê kwɔ mɔ, névi káh kè gbekɪ.»

¹⁰ Páh de wòkò, n̄ *tò sáhpú tō à piki yah wey mè yōle. ¹¹ A me yo pé tyí: «Dī-à n̄ kyɪ fin mɔ, té tō sê yó tɔkɔ, à tyípékè pɪ n̄ kyɪ gben tē tyí fòfíkì sɔkɔ. ¹² Sē ó ye tō, sê-à n̄ pɛ yahle, té kyɪ de dí yó tyí, à tyípékè pɪ fòfíkì sɔkɔ n̄ pɛ gben tē tyí.»

Yesu sām mɔ wēnpì sɔkɔ

¹³ Képah tēne, névye pɔ wēnpìle Yesu tyí ne, à n̄ gbǎn sah pé yō. Té n̄ *tò sáhpú me tyah díri le n kō pé yō. ¹⁴ Wǎh képah we sē, à yo n̄ tò sáhpú tyí fòkòvyǎhni sɔkɔ ne: «Yé ye wēnpì kō, pé ne n pɔ n pɔ n̄ mɔ tyí. Yé káh pé yahle n kō. Nónó dùkù-á me kéne wēnpì sō, *Liyel yòtōríle pépi tyí ye. ¹⁵ Mé kéle n yo yé tyí kègbɪ yō: Névi nê-à *Liyel tōrí fē syi nkēne wēnpir sō, à náh kè we n de n pi pólle.» ¹⁶ Képah sɔkɔ, à wēnpì tē, té n̄ gbǎn sah pé yō, à sām mɔ pé sɔkɔ.

Tàhdí yó pɔ Yesu tyí

¹⁷ Képah náh, Yesu-á n yuku wēkì yah, dí yó to pɔ gbètukunɔ di n̄ yah, té à piki yah ne, kwó-ò pèpey, pé se kɪ pɪ sō, té kɪ tyé-nkē min we nɪ? ¹⁸ Yesu me yo n̄ tyí: «Sō me, té á n̄ ye pèpeyne? Ne pèpey yó ní tē náh me. Liyel ó ye pèpeyne. ¹⁹ A Liyel tyi kònsàhnó p̄ kè, nê-á n yo ne, káh nékókè mɔ, káh fòfíkì pɪ, káh yībe yī, káh mìnì sah á ní-ò yō, káh ne n sykɪ ne yō, á sú ànê á yúne n tē ple.» ²⁰ Wǎh yo sē, dí me à syah ne, kwó-ò dí, páh me sépinó pólle n pɪ

* 10:19 10.19 - Yah n tɛ Ekisode 20.12-16 sɔkɔ.

pé wěnpir gbí dükùle. ²¹ Képah sɔkɔ, Yesu me à yah tyínɔnɔ sɔkɔ, té yo n tyí ne, tyínúkú-á yah kwɔ n tyí: A kyɛ n gbàn yí pól yām, à mó sé pó dibi yāmtām kō. Képah sɔkɔ, wāh kɛ yīnyō tahrɛ wɛ, à mó pɔ pé sò tē. ²² Té, dí mè-á képah noh sē, n yah yɛkɛ. A sɔkɔ yèkwɔrɛ sɔkɔ. Tahrɛ nḡbē sò me n tyí, képah ye.

²³ Kāh pɛ sē, Yesu n gbòplo yah kore vi, té yo n *tò sáhpú tyí: «Tahbɛ dénóle *Liyel tǒrí sɔkɔ, kè me tah dé!» ²⁴ Kéne wey n tò sáhpú gbàn du kègbule. Nte, Yesu tǒ n syɛ yo pé tyí: «N wěnpɛ, Liyel tǒrí sɔkɔ déno me tah náhnáh. ²⁵ Yāhmíkì dénwílnóle sèndi pwāh sɔkɔ, képah kɛ fāhfāh kal, tãh dénóle Liyel tǒrí sɔkɔ.» ²⁶ Képah tē sɔkɔ, pé gbàn kah du. Pè wēne n piki n yah pé tyí tyíle ne, nte, nê wɔ se kɛ mó pwah nɛ? ²⁷ Yesu me pé yah, té yo pé tyí: «Névi tē tyí, kè náh fē n pɛ n pi, té Liyel wɔ tyí, kè kɛ fē pɛ. Nmo tē wɛ tyi pól tyí.»

²⁸ Képah sɔkɔ, Pyerɛ yo n tyí ne, nte, pépi-á tyi pól sah nmo sò tē yinne. ²⁹ Yesu me ne: «Kègbɛ yō, mé kéle n yo n dal mɔ yé tyí ne, névi nê-à fē syi, n kéte, ànê n yúpyé, ànê n yú, ànê n sú, ànê n wěnpɛ, ànê n swēy sah nmo yinne, ànê nìvìnì wey sán yinne, ³⁰ tē kɛ sēnknɔnɔ lèkwèkwɛ wɛ kèkōyó mè sɔkɔ. A kɛ kètlo, ànê yúpyé, ànê yúbí, ànê wěnpɛ, ànê swēy wɛ. A kɛ fóhnó tɔ wɛ, té kɛ tyé-ńkē min wɛ nísó kèkōyó sán sɔkɔ. ³¹ Nónó-á me núkúnúkú ne gbrole, pé náhnáh kɛ pɔ n pɛ n pi ne télóle. Té nónó-á me núkúnúkú ne télóle, pé náhnáh kɛ pɔ n pɛ n pi ne gbrole.»

Yesu tǒ n kúnó ànê n yúkúnó tyí yo ke tǒ-òle

³² Yesu ànê n *tò sáhpú sò me wēkì tē n dɔkɔ n yuku Yerusalemɛ sɔkɔ. A sò me n kɔ n tò sáhpú yahle. Légbíne, pé fɔkɔ me fēkìnóle. Té nónó tɔ-á me n sò tē, tíkì sò me pé tē. Képah sɔkɔ, à n tò sáhpú népɛ gbɔnimí ye kēkɛ pé yahle, à kyɛ tir nê-á kɛ à yini n tē n pi, ké yah yo pé syah. ³³ A ne: «Yé yah, á wɛ dɔkɔ n yuku Yerusalemɛ sɔkɔ yò. *Névi Pi kɛ dahbɛ *sárká wílkɛpu yòtām nḡbnɔ, ànê *Liyel nḡbò wēkì kwópú gbò. Pè kɛ à mɔ kù kō, té kɛ à dahbɛ Liyel yō sē-ńkēpú gbò. ³⁴ Pépi kɛ kóle nne n ko, té kɛ n sɛn n mɔ n yō. Pè kɛ à ko yèfōhle, té kɛ à ko mɔ. Té, ké sèpìn tǒ-ò sóle, à kɛ yuku.»

Nsyakɛ ànê Nsyō-á nê ni

³⁵ Nsyakɛ ànê Nsyōne, Sebede wěnpɛle, pé nɔ de Yesu tnò, té yo n tyí ne, kwó-ò dí, tir nê-á pé pɔ ní-ńsah n tyí, páh me

ké tyí ne, à kè pí pé tyí. ³⁶ A me pè piki yah ne, tir nê se pè ne, pé pí pé tyí ní? ³⁷ Pè mó yo ò tyí ne, wàh kyí yíni tẽ ò yòtòrí tyah sòkò, à ye pépi sòkò ne núkú tẽ ò gbòyò sò, ní-ò mó tẽ ò gběyìnè sò. ³⁸ Képah sòkò, à yo pé tyí: «Kwàh nê-á yé n ni, yé nàh kè pí. Yé se kí fẽ wò ní wò wò wóh sòkò, kí de wil yèvyàhrí sòkò ní tyí kòlè?» ³⁹ Pè me à syah ne, páh kí tẽ wè. A me yo pé tyí: «Gbí ye, yé kí n wò n pí ní wò wò wóh tẽ wò sòkò, té kí n de n wil n pí yèvyàhrí sòkò ní tyí kòlè. ⁴⁰ Nte, névi nê-á n tẽ n pí ní gbòyò ànê ní gběyìnè sò, képah nàh n wil n pí ní mó tyí. Kéne tẽ-ntàn kí pò névyè kò n pí, Liyel-á sè tò sah nónó yinne.»

⁴¹ *Tò sáhpú népí gbām téló-á képah noh sè, pé fòkò vyāh Nsyakí ànê Nsyōne. ⁴² Képah sòkò, Yesu me pé pól ye, té yo pé tyí: «Yé pí ne, sétáh mè yò kwlo yòtām-á pé kwil tãñne n tẽ n sah pé dyò dyò tẽne, té kwil né-ngbno n mó pé tãhkìlè n sah névyè yò. ⁴³ Nte, yépi tyí nàh n pí n pí sè. Gbèntè nàhle, yépi sòkò nê-à me ké tyí ne, pé pí yòtẽne, tẽ ò gblòy pí yé tònpi. ⁴⁴ Té, yépi sòkò nê-à me kí tyí ne, pé yòtòrí yah n kò, tẽ ò gblòy pí yé pól yòlè. ⁴⁵ Tir yó nàh, *Névi Pí nàh pò ne, névyè tòlè n pí péwò tyí. Nmo ye pò tò pí yinne névyè tyí, té kí ò min kò névyè nàhnáh yò dwe yinne.»

Yesu yítú dí Bartime yí yíkí mọ

⁴⁶ Képah nàh, pè yíni tẽ Yeriko kwil. Yesu, ànê ò *tò sáhpú, ànê tówú ngbè-á n wil kwil sòkò gbí nêne, yítú dí yó sò me tẽnóle wègbalí sòkò, me n ni n syi. Time pídí ye sò òne, pè n ye Bartimele. ⁴⁷ Wàh noh ne, Nasareti Yesu-á n sòkò, à tyah n de n syi ne, Yesu, *Davidi pídí, à pé yām yah. ⁴⁸ Képah sòkò, nàhnáh sò me ò vyāhle n tũ. Nte, à tò n kah n de n syi ne, Davidi pídí, à pé yām yah. ⁴⁹ Képah tẽne, Yesu yīn, té ne, pè à ye yah. Pè me yítú dí ye yah, té yo ò tyí ne, à ò nu vi, à mó yuku, wàh me òne n ye. ⁵⁰ Dí-á képah tẽ noh, à ò fwòmò-ngbè milki, té yòkò syíkí ò gbyèh yò, à yuku Yesule n yíkí. ⁵¹ Yesu me à piki yah: «Kú me á ne, mé pí á tyí?» Yítú dí me yo ò tyí ne, kwó-ò dí, à kè pí, pé tò ne n yah. ⁵² A me yo ò tyí: «Ne n yuku, nímo yò sèno ye ò de mọ.» Nénpó swò, ò yí yíkí mọ, à me Yesu sò tẽ.

11

Yesu de òkùlè Yerusalemí

¹ Pãh de n te Yerusalemne, pè sò me yúkey Betefase ànê Betani kwille, Wólívyê sésân yǒli tnô. Képah sɔkɔ, Yesu n *tò sáhpú sɔkɔ népî ními wilki tō, ² té me yo pé tyí ne, pè kyɪ kwil nê-á pé yahle. Pãh kɪ kyɪ yīni tē nénpó, pãh kɪ nkwěndyípirí yó we tóhnmònsàhnóle, névi náh dɔkɔ yah nê yō. Pè à de pɔ. ³ Té, névi-à kɪ pè piki yah ne, sǒ se, té pè òne n de ni, pè yo n tyí ne, n yétô-á me Tě-ngbē dí tyí. Té wãh kɪ n syɪ à tekɪ mɔ núkúnúkú ásô. ⁴ Képah sɔkɔ, pè mó sɔkɔ, à kyɪ nkwěndyípirí mē we tóhnmònsàhnóle kégbó, gbô yó yah, wěkì gbòpɔ. Pè me à de. ⁵ Nónó-á sò me nénpó, pé tókù pè piki yah ne, kù se pɪ, té pè nkwěndyípirí mēne n de ni? ⁶ Képah sɔkɔ, Yesu-á sò pè tō sǒ, pè képah yo no tyí. No ye pè kō, pè à de sɔkɔ. ⁷ Pè me pɔ nkwěndyípirí mēne Yesu tyí. Té pé flo mɔ n yō, Yesu kō à dɔkɔ. ⁸ Névyè nahnáh mó pé flo mɔ wěkì yō. Tókù mó fòkòni kòli kyēh sɔkɔ, à n mɔ n yuku wěkì yō sɔkɔ. ⁹ Pãh n yuku, nónó-á sò me n kɔ Yesu yahle, ànê nónó-á me n sǒ tē, pè sǒ me n gbo n mɔ, me yo tū ne: «Wosanna, Tě-ngbē Liyel yīn pɪ gblò! Nê-á n pi n yīn yō, Liyel sām mɔ n sɔkɔ! ¹⁰ Á sútò *Davidi tǒrí nê-á n pi, Liyel sām mɔ ké sɔkɔ! Wosanna, Liyel yīn pɪ gblò yīnyō sɔkɔ.» ¹¹ Yesu-á de Yerusalemi sɔkɔ sē, à kyɪ de *Liyel wòkò ngbē kéntáhkì sɔkɔ. A kè yah kore vi, té n syɪ wil. Képah náh, tyah-á pɔ n piri, à sɔkɔ ànê n tò sáhpú népî gbònimíne Betani kwil sɔkɔ.

Yesu léplɔ ye mɔ sènsóké yó yō

¹² Ké dendalle, pãh n wil Betani sɔkɔ gbí nēne, kwekɪ Yesu tē. ¹³ Képah sɔkɔ, à me sènsóké yó we fíi mule gbòp ké tyí. A me nɔ de yah, pye-à kɪ n we n pi ké tyí. Nte, wãh yīni tē ké tnô, à kyɪ kè we mɪrɪ óle. Ké pye pɪ gbí náh sò nɔ, képah ye. ¹⁴ Képah tēne, Yesu yo sènsóké mē tyí ne, ne náh tǒ ké pye yō n yah n pi pólle. Nte, n *tò sáhpú mó kè noh.

Yesule Liyel wòkò ngbē kéntáhkì sɔkɔ

¹⁵ Képah náh, pè yīni tē Yerusalemi. Yesu me de *Liyel wòkò ngbē kéntáhkì sɔkɔ, à tyah yī yǎmpu ànê dwépúle n yīni n wilki. Té pó tǔpu tàbálnó tu wilki mɔ, ànê *sárká kèpye yǎmpu klòle. ¹⁶ Té, à náh fē syi vyó nétē yó ntē kō, à de kah Liyel wòkò ngbē kéntáhkì sɔkɔ. ¹⁷ Té tyah péle n kwɔ, me n yo pé tyí: «Kè náh me wárkínsàhnóle ne, <nímo Liyel wòkò kɪ n ye kèkòyó kwlo kwlo pól névyè níri pí-ńsahle>

di? Té, yépi me pɔ kè pɪ névye yõ v̄nsyɪkɪpu t̄ě-̀nsahle.»*
 18 Képah t̄ěne, *sárká w̄lkɪpu yõt̄ām ñgbnɔ ànê *Liyel ñgbò w̄ěkì kwópú-á kè noh s̄ě, pè tyah Yesu kònmo-̀nsahle n yah n k̄õ. Té, ñ t̄íkí s̄ò me pè t̄ě, tir yó náh, ñ kwónó tyí s̄ò me nɔ tówû tyí. 19 Képah sɔkɔ, gb̄íyí-á de, Yesu ànê ñ *t̄ò sáhpú wil kwil sɔkɔ.

Sènsóké sésuw̄ kókónóle

20 Ké dendal séngb̄õle, páh pɔ n sɔkɔ, pè sènsóké mè we kókónóle, à pɔ syɪ ké yàhn̄i tyí. 21 Pyeri dyó-á to k̄õ kéle, à yo Yesu tyí ne, kwó-ò dí, wáh s̄ò léplɔ ye mɔ sènsóké nê yõ, à yah, ké pól-á kɔkɔ. 22 Képah sɔkɔ, Yesu yo pé tyí ne: «Yé s̄ě Liyel yõ. 23 Kègbɪ yõ, mé kéle n yo yé tyí: Névi kɪ f̄ě yo yõh ñgb̄ě mè tyí ne, kè yuku yal ás̄ò, kè kyɪ n syɪkɪ n de pne yɔ sɔkɔ. T̄ě-à me n s̄ò ñk̄ēne t̄òt̄ò ñ nɪ sɔkɔ, té me s̄ě ȳíí ké yõ ne, páh n̄ēne n yo, káh kɪ pɪ, kè kɪ mó r̄ityínɔ pɪ s̄ě ñ tyí. 24 Képah ye, mé kéle n yo yé tyí: Yáh kwáhdúkú n̄ēne n yah n k̄õ Liyel tyí n̄írí sɔkɔ, yé s̄ě ké yõ ne, yáh ké we t̄e. Kè kɪ r̄ityínɔ yé k̄õ. 25 Anê t̄õ, wáh yuku ȳin n tyah n̄írí p̄ínóle, té á n̄í-ò-à me pɪ de á tyí, kè yõ mɔ à k̄õ. Képah-à pɪ, yé sú Liyel nê-á ȳinyõ, à kɪ yépi tɔ tyíp̄el yõ mɔ yé k̄õ. [26 Nte, yépi-à névye tyíp̄elle n yõ n mɔ péle n k̄õ ñk̄ēne, yé sú Liyel náh yépi tɔ tyí yõ n mɔ yé k̄õ n pi.]»

Nê w̄ěk̄ile Yesu k̄õ, à tyi nóp̄ile n pi

27 Yesu ànê ñ *t̄ò sáhpú-á pé syɪ kyɪ Yerusalemɪ sɔkɔ, wáh me n kɔ *Liyel wòkò ñgb̄ě kéntáhk̄i sɔkɔ gb̄í n̄ēne, *sárká w̄lkɪpu yõt̄ām ñgbnɔ, ànê *Liyel ñgbò w̄ěk̄i kwópú, ànê yèwàhn̄i pɔ ñ tyí. 28 Té me à piki yah ne, nê ȳin yõ se à n pɪ tyi nóp̄ile nɪ? Nê se à k̄õ ké w̄ěk̄ile nɪ? 29 Á me yo pé tyí: «Mé kɪ tir núkú óle yé piki yah. Yáh kɪ ké yah yo í tyí, nê ȳin yõ-á mé n pɪ tyi nóp̄ile, mé kɪ kè yo yé syah. 30 Yépi t̄ě tyí, nê tekɪ mɔ Nsyõne, à pɔ névyele n *wel n wilki? Liyel se, t̄i névye se? Yé yo í syah.» 31 Képah sɔkɔ, pè tyah n yo w̄ě tyí ne, páh kɪ ne, Liyel-á tekɪ mɔ ñne, wáh kɪ ne, té k̄u se pɪ, té pé náh s̄ě ñ yõ nɪ? 32 Pé náh se mó t̄õ f̄ě n yo n pi ne, névye-á t̄õ ñne... Pè s̄ò me tówû t̄íkile n pɪ, képah ye. No pól s̄ò me n s̄ò ne, Nsyõne, *Liyel t̄ěnt̄ò sȳinyo-ò kègbɪ-á s̄ò ñne. 33 Képah sɔkɔ, pè Yesu syah ne, pé náh p̄i. N tɔ mó yo pé tyí ne, nê ȳin yõ-á pé tyi nóp̄ile n pɪ, péwɔ tɔ náh mó kè yo pè syah n pi.

* 11:17 11.17 - Yah n t̄e Yesayi 56.7 sɔkɔ.

12

Divě sésân swāh tǒpú nǎpêl sèmirkìle

¹ Képah náh, Yesu tyah n yāh pé tyí sèmìrn soko ne níkē: «Dí yó ye lésō divě sésân sō, té kēki mo kè kore vi. Té kyi tédáhkì yó yō swo yó tũ, divě sésân pye yíki-ńsahle. Té me duke syíkípú tǎ-ńsah mo. Képah náh, à swāh tǒpú toko, à po swāh mē dahbi pé gbò, té pyē soko kóló. ² Sé pye gbe gbí-á po no, à n tǒnpi yó teki mo divě sésân swāh tǒpú nǒpi tyí ne, pè pé tyí divě sésân pyele à kō, à po pé kō. ³ Képah tǎne, divě sésân swāh tǒpú nǒpi tǎntò dí tǎ ko, té à fin mo, à soko n gbò kókóle. ⁴ Swāh nétē tǒ tǒnpi yó tō. Pé tǒ kyi ñmo to ko, té à miki n yō soko, té ñne n gbyo. ⁵ Swāh nétē tǒ n syi ñnî yó teki mo n tǒ. Nmole, pè ñmo ko mo, té sǎnkō pi pé náhnáh tyí: Pè pé tókù ko, té pé tókù ko mo. ⁶ Ne núkú nê-á sò wũ setē dí tnô, ñmole, n nìdè Pídí ye. A ñmo teki mo pé tyí téyne, té me n sō ne, pǎh ki pé pi wo yah sen ku. ⁷ Nte, swāh tǒpú nǒpi-á à we, pè tyah n yo wē tyí ne, pè yah, n gběyòpi-á n pi yò. Pè po, pé à ko mo. Gbēki mó pi pépi tyíle. ⁸ Té dí pídí tǎ ko mo, té à toko kyi milki divě sésân swāh kahnine.»

⁹ Képah soko, Yesu pè piki yah: «Sō me divě sésân swāh nétē ki po n pi n pi? A náh po divě sésân swāh tǒpú nǒpi pól ko mo, té kè dahbi n pi nǒsyó gbò di? ¹⁰ Yé náh kè kar yah *Liyel wey sébē soko di? Kè me wárkínsàhnóle ne: <Wòkò mópú-á dáhkì nê yahle, képah po pi dáhgbíle, wòkò dáhgbenne.»

¹¹ Képah n wil Tǎ-ńgbē tyí.

Té ápi tyí, gběndùnì tir ye kéle!»*

¹² Képah soko, *Nsyifunō yòtām tyah Yesu tǎ-ńsahle n yah n kō. Tir yó náh, pè sò pī ne, pépi yō-á à mi sèmirkì mēne. Té, tówù tíkì sò me pè tǎ. Pè me ye n yō, té soko.

Wromeno yòtē ñgbē mórí tyíle

¹³ Képah náh, pè *Farisiyēno ànê *Yerodi náh névyē tókù wilki teki mo Yesu tyí ne, pè kyi à mo yah pikinyahno soko. ¹⁴ Pè po yo n tyí ne, pé kwó-ò dí, páh pī ne, gbi ó kókó-á ñmo n ne n yo. A náh tíkile n pi névi yah. A náh névile n wah névi soko. Wǎh gbile névyele n kwō Liyel wēkì yō. Képah-á pé kō, pé ne, pé à piki yah: Kè se yīne pé móríle *Wromeno yòtē ñgbēne n kō, tǎ kè náh yīne? Pé se séle n mo, tǎ pé káh

* 12:11 12.10 ànê 11 - Yah n te Yìgbìnì 118.22 ànê 23 soko.

sè mɔ? ¹⁵ Ntɛ, Yesu sò pĩ nɛ, nê-á pè n sò, képah náh pè n yo. Kàh pɪ sɛ̃, à yo pé tyí nɛ, sɔ̃ se pɪ, té pè péle n mɔ n yah nɪ? Pè pɔ pó mènúkúle, pé yah. ¹⁶ Pè mɛ pó núkúle à kɔ̃. A mɛ pè piki yah nɛ, nê yah se, ànê ò yinne wárkínmɔnɔle ké yó nɪ? Pè à syah nɛ, Wromenɔ yòtɛ̀ ògbɛ́-á. ¹⁷ Képah tɛ̀nɛ, à yo pé tyí nɛ, pè Wromenɔ yòtɛ̀ ògbɛ̀nɛ n kɔ̃ ò tyíle, pè mó Liyelle n kɔ̃ ò tyíle. Képah sɔkɔ, pé gbàn du ò wɛy mènúkúle.

Sadusɛ̀nɔ Yesu piki yah lékyî yúkúnwìlnó tyí yó

¹⁸ Sadusɛ̀nɔle, nósyó ye nónó-á nɛ, lékyî náh n yuku n wil n pi. Pé túkù pɔ Yesu tnô, té à piki yah nɛ nkɛ̃, ¹⁹ kwó-ò dí, *Moyisi-á Liyel tir kònsàhnó mèn wárkɪ sah pé kɔ̃ nɛ, dí nê tyí gbɛ̀ndí-à mɛ, té tɛ̀ ku, té ò kyɪ sah pi kɛ̀nɛ, ò gbɛ̀ndí mèn-á yĩnɛ à pékúsê mèn tɔkɔ. A wɛ̀npĩ dubi à kɔ̃, nónó-á kɪ pɔ n pɪ n pi ò nénkyídí náh nɛ.† ²⁰ Tɛ̀, dínpĩ yísyó-á sò mɛ népĩ kwárnimi pé yú tyí. Nénkyí tɛ̀-á sê tɔkɔ, té ku, té ò kyɪ sah pi kɛ̀nɛ. ²¹ N sò syɪ mɛ pékúsê mèn tɔkɔ. N tɔ pɔ ku, té à sah pi kɛ̀nɛ. Tɔ-ò tɔ tyí pɔ pɪ sɛ̃. ²² Sɛ̀ntɛ̀ ó-á pɪ pé no téló pól tyí. Tɛ̀ népĩ kwárnimi nópi pól-á ku pi kɛ̀nɛ. Pé kúntenɔ náh, pi mèn tɔ pɔ ku. ²³ Kàh pɪ sɛ̃, lékyî yúkúnwìl sòle, pàh yuku, pi mèn se kɪ pɪ nê tyíle nɪ? Tir yó náh, pé népĩ kwárnimi pól-á à pĩ sɛ̀le.

²⁴ Képah sɔkɔ, Yesu yo pé tyí: «Liyel wɛy pí-nkɛ̃, ànê Liyel tɛ̀nwɛnɔ pí-nkɛ̃ yĩn náh yéle pílkínó sɔkɔ di? ²⁵ Lékyî yúkúnwìl sòle, sê tókókì náh mɛ, pɛ dékè náh mɛ. Névyɛ kɪ mɛ, á kɪ nɛ *yínyò tɛ̀ntòbe sɔ̃ pal tɛ̀-nsah. ²⁶ A yuku lékyî yúkúnwìlnó tyí sɔkɔ: Yé náh kè kar yah Moyisi sɛ̀bɛ̀ sɔkɔ, fí nê-á dukuni tyíle n yo, nê-á sò nyàh lépòle ké sɔkɔ di? Kè mɛ wárkínsàhnóle nénpó nɛ, Liyel-á yo Moyisi tyí: <N̄mɔ ye Abrahamɪ Liyelle, ànê Yisakɪ Liyelle, ànê Yakɔbɪ Liyelle.>‡ ²⁷ Vye Liyel ye ònɛ, lékyî Liyel náh. Sɛ̃ ye yéle kàhnpilkintɛ̀nóle yò.»§

Liyel tyi kònsàhnó sɔkɔ nê-á gb̀lò kal

²⁸ Képah sɔkɔ, *Liyel ògbò wɛ̀kì kwó-ò dí yó kɛ̀nɛ yékâb noh. A kè wɛ, Yesu tɛ̀ wɛ kè yo ple Sadusɛ̀ nópi tyí. A mɛ nɔ de ò tnô, té à piki yah nɛ, Liyel tir kònsàhnó nê tɛ̀ se kal

† **12:19** 12.19 - Yah n tɛ̀ Deteronɔmɪ 25.5-10 sɔkɔ. ‡ **12:26** 12.26 - Yah n

tɛ̀ Yekisɔdi 3.6 sɔkɔ. § **12:27** 12.27 - Nónó-á ku sɔkɔ di mónóle, kàh yo nɛ, Liyel-á pɪ pépi Liyelle, képah n wɛ̀kɪ nɛ, pàh mɛ min sɔkɔ. Tir yó náh, Liyelle, kyí Liyel náh ònɛ.

sé pólle ni? ²⁹ A me yo ò tyí: «Liyel tir kònsàhnó nê-á kal sé pólle, képah we yò: «Á níki kwò, Yisrayel: Api Tě-ngbě Liyelle, òmò nùkúní ó ye Tě-ngbě Liyelle. ³⁰ N tyí yĩne kè nò á tyí á ni pólle, ànê á min pólle, ànê á fòkò sònò pólle, ànê á tǎhkì pólle.»* ³¹ Ké ní-ò we yò: «Á ní-ò tyí yĩne kè nò á tyí á gblǒy tyí kǒle.»† Liyel tir kònsàhnó yó nítě náh tǒ kal sépi nínóle.» ³² Wǎh yo sě, Liyel ògbò wěkì kwó-ò dí me yo ò tyí ne, kǎh ple, pé kwó-ò dí! Tyi nónó-á à yo, gbí-á séle. Tě-ngběne, òmò nùkúní ó-á Liyelle. Liyel yó náh tǒ me òmò tyí náh. ³³ Òmò tyí-á yĩne kè nò á tyí á ni pólle, á fòkò sònò pólle, á tǎhkì pólle. Anê á ní-ò tyí mó nò á tyí á gblǒy tyí kǒle. Képah-á kú ple kal á yípě ko suke Liyel kǒ *sáarkále, ànê sáarká duke téló pólle. ³⁴ Képah sòkò, Yesu kè we ne, ò lékám-á nò, à ké yah we tǒ sah yo. A yo ò tyí ne, à náh me fíí *Liyel tǒrúle. Képah náh, névi náh tǒ fě syi à piki yah tir yóle.

Liyel ne tékínmòno n pi Davidi náh nene òkù nêne?

³⁵ Yesu sò me névyele n kwò *Liyel wòkò ògbě kéntáhkì sòkò, té me n yo ne, sǒ se pi, té *Liyel ògbò wěkì kwópú n ne n yo ne, *Kristale, nê-á Liyel ne, páh kú tekú mò, òmò-á kú pi *Davidi náh nene ni? ³⁶ Tir yó náh, Davidi nítě sǒ kè yo *Liyel Mírki gbò yò ne, Tě-ngbě Liyel-á kè yo péwò Tě-ngbě tyí ne: «Kǒ tě òmò gbòyò sòle, mé kú á sépébi pi á gbáhsúkíle.»‡

³⁷ Davidi nítě-à òne n ye ò Tě-ngběne, kè kú pi sǒ, té à kú pò n pi Davidi náh nene? Légbíne, tówú ògbě sò me wey mène n nohnú Yesu tyí nìvìni sòkò.

Yesu ne, pè pé gblǒyne n kyomú Liyel ògbò wěkì kwópúle

³⁸ Wǎh me névyé kwónó sòkò gbí nêne, à yo pé tyí: «Yé yé gblǒyne n kyomú *Liyel ògbò wěkì kwópúle. Fwòmòno ògbno mónkònkòno tyí nò pé tyí. Pé n ne me ké tyí ne, névyé ne n tǒ n sah n wekú pé tyí tówú tükè-ntàn sòkò. ³⁹ Pě tě-ntàn ògbnole n yah n kǒ *Liyel ní-ntàn vù sòkò, ò té né-ògbno tě-ntànne n yah n kǒ yòke ògbno yó-ntàn sòkò. ⁴⁰ Nte ne n sykú pékúsyò yò, pé gbàn yíle n syi yínvì sòkò. Nte nírúle n

* **12:30** 12.29 ànê 30 - Yah n te Deteronòmú 6.4 ànê 5 sòkò. † **12:31** 12.31 - Yah n te Levitíkú 19.18 sòkò. ‡ **12:36** 12.36 - Yah n te Yìgbìnì 110.1 sòkò.

pi yòsèkìle ne, névye pé we. Sě ye pé tukey ki tuke kápékè yó.»

Pékúsê yām ne yó nìvì pólé Liyel kō

⁴¹ Légbíne, Yesu sò me kǒntěńóle Liyel wòkò yah, pò dahnmo-ńsah kwâh gbòpò, té névye pò dahnmo dükùle n yah. Tahbi náhnáh sò me pò náhnáhle n dah n mo n pò. ⁴² Dò, pékúsê yām ne yó pò, pò pló nínó dah mo. Sè sò me núkú núkúnò nínó óle. ⁴³ Képah sòkò, Yesu n *tò sáhpú ye, té yo pé tyí: «Kègbi yò, mé kéle n yo yé tyi, pékúsê yām ne mè-á pò nê dah mo kwâh sòkò, kè kal névye pól tyíle. ⁴⁴ Tir yó náh, no pól pò yò dòhnòńó ye, pè dah mo. Nte, ñmo ànê ñ yām tóle, ñ sahki pól ye à dah mo, wáh ne pò nê tó yò n pi.»

13

Yesu Liyel wòkò ñgbě sónó tyí yo sah

¹ Yesu-á n wil *Liyel wòkò ñgbě kéntáhkì sòkò gbí nêne, n *tò sáhpú sòkò ne yó me à syah ne, kwó-ò dí, à vù ñgbno nópi mo dükù tēne n yah, dyèh pèplòle dé! ² Yesu me yo n tyí: «Á vù ñgbno nópi mónó we kè! Sé pól ki pò seki. Dáhkì núkú ntē náh n wù n pi ké ní-ò yò.»

³ Képah náh, Yesu kyi kō tē Wólívyê sésân yǒli yò, Liyel wòkò ñgbě yèsreyne. Wáh me nénpó, Pyeri, ànê Nsyahki, ànê Nsyò, ànê Andrepi pò pé yahle, té à piki yah ne, ⁴ gbí nê se tyi nópi pól ki n pi n pi ni? Nkě, à yo pé syah. Tyi nóno se ki sé pi gbíne pé wěki ni?

Yèvyāhrì tyah gbíne

⁵ Képah sòkò, Yesu tyah n yo pé tyí: «Yé yé gblǒyne n kyomi, ne káh yé pilki. ⁶ Névye náhnáh ki pò ñmo yin tókò n pi, té ki ne, pépi-á *Kristale. Pè ki névye náhnáh pilki. ⁷ Yáh mál tyíle n nohnù gbí nêne, yé gbòplo ànê fíí sòkò, yé káh ye tíkí yé tē. Sépi ye yīne sè pi. Nte, képah náh tǒnì kèkǒyó tyénóle. ⁸ Kwil yó ki yuku kwil yóle n fwo, yòtē yó ki yuku yòtē yóle n fwo. Té, sétáh syahrì ki me n pi tyahnó tükù sòkò, ànê kwekùle. Kè ki me, á ki ne sê kúrkì tē gbí yónó sǒ. ⁹ Képah ye, yépi tē wòle, yé yé gblǒyne n kyomi. Tir yó náh, névye ki yéle n tē n kyi n pò tukey tükè-ntàn sòkò. Pè ki yéle n ko *Liyel ní-ńtàn vù sòkò, té ki yéle n tē n kyi n pò yòtām ànê yòtām ñgbno tyí ñmo yinne ne, yé pi ñmo tárfyòńóle pé yah sòkò. ¹⁰ Té sépi-à pópó ne n pi,

nìvìnì wey sán ògbò yīne ké ne me yo kō kèkōyó kwlo kwlo pól névye tyí. ¹¹ Nte, pàh yé tē n yuku pé gbò dáhbí-ńsah, yé káh tōnì yé fòkòle n sò, yáh ne tyi nónó yo n pi. Tyi nónó-à de yé fòkò légbíne, yé kɪ sépi yo. Tir yó náh, tyi nónó-á yé kɪ n yo n pi, sè náh n wil n pi yépi tyí, sè n wil *Liyel Mírki tyí. ¹² Névyé kɪ pé yúpyé gbàhle n de n mɔ ne, pè pè ko mɔ, súbì tɔ kɪ n pɪ sɛntɛne pé wɛnpì tyí. Wɛnpì tɔ kɪ pé dúbípùle n fwo, kɪ péle n dah n mɔ kù sòkò, pé ku ku tɛne. ¹³ Névyé pól kɪ yé we mɔ nímɔ yīnne. Nte, névi nê-à ò tah sah, à pɔ nɔ kɪ tyɛ gbí tyí, tē kɪ pwáhnmonɔ we.»

Yèvyāhrì ògbēne

¹⁴ Képah sòkò, Yesu tō yō sòkò ò weyne - òte, wey mè kàrpu yīne pè ké dùkù pī. A ne: «Yé kɪ yíkínó pí-ò kèpèké we fí yó, à náh sò yīne tɛnóle nýāh sòkò. Légbíne, nónó-à me Yude, pè yīne pè to de ymɔ sòkò. ¹⁵ Névi nê-à me gbɛntin yō, tē-à tiki, à káh ne, páh n de kwáhle n tɔkò pé wòkò. ¹⁶ Nê-à se me swāh sòkò, à káh ne, páh pé syi n yuku fwòmò-ògbē tókó-ńsah pé tinnè. ¹⁷ Té kéne sèpìn kɪ pɪ tyípékèle syó kùrn nètān, ànê yōkɪ nètān tyí. ¹⁸ Képah ye, yé Liyelle n ni, kè káh pɪ kɪ sòkò. ¹⁹ Tir yó náh, kéne sèpìn kɪ pɪ yèvyāhrì ògbēne, nê kénkō náh we yah, Liyel-á kèkōyó mɔ sò, à pɔ syi núkúnúkú tyí. Anê sɛnkō náh tō we n yah n pi. ²⁰ Nte, Liyel nítē-à me ké yáhntòkò-ńkène ne, páh kɪ wìlkinó pɪ kéne sèpìn sòkò, ònì yó nítē min náh náh n wil n pi ké sòkò. Nte, wāh nónó yah tɔkò pɪ ò tyíle, pépi yīn ye à wìlkinó pɪ kéne sèpìn sòkò. ²¹ Képah ye, névi-à yo yé tyí ne, yé yah, *Krista-á me ásò, kèpah náh pɪ, wāh me wró mè, yé káh sē tē yō. ²² Tir yó náh, m̀nyobe túkù kɪ n wil n pi, té kɪ ne, pépi-á Kristale. Túkù kɪ mó tō wil ne, pépi-á *Liyel tɛntò syínyopule. Pè kɪ gbìl duke dukele n pɪ, kɪ n yah n kō Liyel névyé yáhntòkò nítē pílki-ńsahle, pàh náh fē n tē n pi. ²³ Képah ye, yépi tē wòle, yé yé gblòyne n kyomɪ. Mé ye sé pól kwāh yo sah yé tyí.

Névi Pi pónóle

²⁴ Kéne sèpìn sòkò, yèvyāhrì mè sòkònteno náh, gbì kɪ pɪ fɛntùne, n̄wō náh tō n piki n pi, ²⁵ n̄wō képye kɪ wil yīnyō kɪ syíkɪ, yīnyō tǎhkìnó kɪ yike. ²⁶ Ké légbíne, yé kɪ *Névi Pi we, à kɪ n pi n̄yīrn wró ò tǎhkì ògbē ànê ò gblò sòkò. ²⁷ A kɪ *yīnyō tɛntòbe tɛkɪ mɔ kèkōyó yey yey pól sòkò, pè kɪ ò

névye yáhntɔkɔnɔ tuke mɔ, à tɔkɔ yõ mè tyí, á pɔ syí yõ mè tyí.

Kwónó nê-á kɔ sènsóké tyí yõ

²⁸ Yé kè pĩ kwónó nê-á sènsóké n kɔ: Ni-à me n kɔ ké yìngbàn sɔkɔ, kě mi pi, yé n pĩ ne, ki de gbí-á nɔ. ²⁹ Sěnkɔ-ó ye: Yáh tyi nópi wɛ, sè n pi, yé pĩ ne, *Névi Pi pónó-á de te, wáh me yúkey. ³⁰ Kègbɪ yõ, mé kéle n yo yé tyí, kwey gbí névye pól náh n ku n te n pi, né tyi nópi pól náh pi. ³¹ Yinyõ ànê sétáh kɪ pɔ sɔkɔ, nte nímɔ welɔ náh n sɔkɔ n pi pólle.

Liyel ó ye kèkõyó tyɛ sóle n pne

³² Té ké lésòle ànê ké gbíne, ònî yó nítě náh kè pĩ: *Yinyõ těntòbe náh kè pĩ, Liyel Pi nítě tɔ náh kè pĩ. Sú núkúni ó ye kè pĩ. ³³ Yé yé gblɔyne n kyɔmi, yé mó ne n yah. Tir yó náh, yé náh ké pɔ gbí pĩ. ³⁴ Kè me, á kɪ ne dí yó sɔ n sɔkɔ kóló, té ò fɔ dahbi ò těntòbe gbò. A pé pól ne núkú núkú wěkɪ pé tǎnne, té yo gbô syíkí-ò tyí ne, à káh ne n dɔ, à ne n yah. ³⁵ Képah ye pi yépi tɔ ne n yah, tir yó náh, yé náh gbóntě pɔ sɔ pĩ: Kè kɪ pi nívine ni? Kè kɪ pi lénile ni? Kè kɪ pi sní gbo gbíne ni? Kè kɪ pi séngbɔle ni? ³⁶ Wáh n pi, à káh pɔ yé wɛ tě dɔy sɔkɔ. ³⁷ Nte, nê-á mé n yo yé tyí, mé kéle n yo no pól tyí: Yé ne me n yah.»

14

Nsyifunɔ yõtām me Yesu kònmɔ-ńsahle n yah n kɔ

¹ *Pakɪ syáh-á n tyah yínintɛnɔle, ké téy sò wũ sèpìn nínì, té Pakɪ ànê sě-nkě búrn syáh kɪ n syah n pi. Légbíne, *sárká wìlkìpu yõtām ògbnɔ ànê *Liyel ògbò wěkì kwópú sò me Yesu tě-ńsahle n yah n kɔ yínvi sɔkɔ, ò kònmɔ mɔ těne. ² Pè sò me n yo wě tyí ne, pé náh fě tir mè pi n pi syáh syáhnó sèpìn sɔkɔ, káh kɪ fě kwil névye fòkòvyàhni yilki mɔ kègbile.

Sê yó pɔ làsèkwèl mɔ Yesu yõ

³ Ké lésòle, Yesu sò me Betani kwil sɔkɔ, *tótě dí Simo gbò sɔkɔ. Wáh sò me yónó sɔkɔ gbí nêne, sê yó de yuku pé tnô nurɪ so pèpey yóle, làsèkwèl dan tahle ké yíine. A ké yah yikɪ mɔ, té ké kwe mɔ Yesu yõ. ⁴ Nónó-á sò me nénpó, kè náh sò nɔ túkù tyí. Pè yuku n yo wě tyí ne, kú se pi, té à làsèkwèl mè yikɪ sě ni? ⁵ Káh kɪ sò fě yām, kɪ kah pó pló kyetóní yõ, té kɪ séle yāmtām kɔ. Té me pé fɔkɔ vyáh pi

mènε kègbìlε. ⁶ Nte, Yesu me yo pé tyí: «Yé ye ò yõ! Kù pì, té yé ò yahle n vyāh? Tyi pèpɛy ye à pì nímɔ tyí sɛ yò. ⁷ Nte, yāmtām kɪ mε ànê yéle sòmésó. Yé kɪ fɛ pèpɔrɪle n pì pé tyí, kàh nɔ yé tyí gbí nêne. Nte, nímɔ tɛ wɔ náh n me n pì yéle sòmésó. ⁸ Pì mè pì pì tɛ ye à pì. A kwāh tɛ làsèkwèl mɔ nímɔ wil yò. A kè tɔ sah tε diki sɔkɔ dāhnímɔ yinne. ⁹ Mé kɪ kè yo yé syah kègbɪ yò nε, kèkõyó pól sɔkɔ, nìvìnì wey sán-à n yo nýāh, pì mè-á nê pì, kèpah tɔ kɪ n yo. No dyɔ kɪ n kwne ò tyíle.»

Yudasi vìnóle Yesu náh

¹⁰ Yudasi Yisikaryɔtilε, Yesu *tò sáhpú népì gbõnimí sɔkɔ yó ye sò ònε. Nmɔ sɔkɔ à kyɪ yo *sárká wìlkìpu yòtām ògbnɔ tyí nε, páh kɪ fɛ Yesu dahbɪ pé gbò. ¹¹ Kāh pì sɛ, ò wey mè nóhnó kah nɔ pé tyí. Pè mε yo sah núkú yò nε, páh kɪ pó dan yóle à kò. Kèpah sɔkɔ, Yudasi-á pì sɔ, té à dahbɪ n pì pé gbò, à tyah kèpah sókó-ńsahle n yah n kò.

Yesu pè kɔ pè Paki yòke pì

¹² Sɛ-ńkɛ búrn syáh tyah sóle, Yesu *tò sáhpú à piki yah nε, nýāh sɔkɔ se à mε ké tyí nε, pé kyɪ *Paki yòke pì ò tyí nɪ? *Nsyifunɔ ńkɛne Paki képyɛnne n ko lésóle, kèpah ye. ¹³ Kèpah sɔkɔ, à ò tò sáhpú népì nímí wilkì tò, té yo pé tyí nε, pè kyɪ kwil sɔkɔ. Páh kɪ de n tε, páh kɪ dí yó yohnɪ, à kɪ mε nì pín twah. Pè ò sò tɛ. ¹⁴ Wāh kɪ kyɪ de gbô nê, pè yo kéné gbô nétɛ tyí nε, kwó-ò dí-á nε, wòkò nê sɔkɔ se pé kɪ pɔ n yò n pì Paki yòkele ànê pé tò sáhpúle nɪ? ¹⁵ Wāh kɪ pè wɛkɪ yinyò wòkò sɔkɔ táh ògbɛ yóle. Yiyin pól-á kɪ mε tɔnsāhnóle ké sɔkɔ. Ké nénpó sɔkɔ-á pè kɪ Paki yòke pì pé tyí. ¹⁶ Wāh yo sɛ, ò tò sáhpú kyɪ kwil sɔkɔ, té pè ntyínɔ kyɪ tyi pól wε, wāh sò kè yo sɔ pé tyí. Pè mε Paki yòke pì nénpó sɔkɔ.

¹⁷ Kèpah sɔkɔ, ńví-á pɔ nɔ, à pɔ de ànê ò tò sáhpú népì gbõnimíne. ¹⁸ Páh sò mε yónó sɔkɔ gbí nêne, à yo pé tyí nε, kègbɪ yò, pépì sɔkɔ nε yó-á kɪ pɔ n vɪ n pì péwɔ náh, nê-á mε n yò péle fí núkú. ¹⁹ N tò sáhpú-á kèpah noh, pé yah kwɔ kègbìlε. Pè tyah ònε n piki yah núkú núkúle. Nyɔ n nε, péwɔ se nɪ, nýɔ n nε, péwɔ se nɪ? ²⁰ A yo pé tyí: «Yépi népì gbõnimí sɔkɔ, nê-á mε n di nímɔle tɛngbil núkú sɔkɔ, tɛ wɔ ye. ²¹ Kègbɪ yò, *Névi Pì kɪ n ku n pì, sɔ-á sò *Liyel wey sèbɛnó kè yo sah ò tyí sɔkɔ. Nte, tyípéké ògbɛ ye kélé

̀n gbàh d́nmo-ò tyí! N dúbí-ńkē ye náhkí fónfó ̀n dúbínó yō.»

Yesu yōke téyne

²² Képah soko, yōke yō gbíne, à búrn toko, té wẹki Liyel tyí, té kɪ kwokɪ dibi pè kō, té yo pé tyí: «Yé syi kéle, ńmo wil ye.» ²³ Képah náh, à me ðivē wo wo kwáh toko ðivēne ké soko, té weyne Liyel kō, té kéle ̀n *tò sáhpú kō pé pól wo ké soko, ²⁴ té yo pé tyí: «Képahle, ńmo tó ye, nê-á kɪ névyé yégbékè kwɔ mo ànê Liyelle. Kè kɪ kwɛ tówú yinne. ²⁵ Mé kéle n yo yé tyí kègbɪ yō: Mé náh tō ðivē wo n yah n pi. Mâh pópó ðivēne n wo tō ntō, ðivē sán yó ye *Liyel yõtɔrí tyah soko.»

Yesu ne, Pyeri-á kɪ ̀n vyāh kōli pé tyí soko

²⁶ Képah náh, pè Liyel gbílkinó yì gbɪ. Páh gbɪ te, pè yuku Wólívyé sésân yōli yō. ²⁷ Páh kyɪ nénpó, à yo pé tyí: «Yé pól kɪ ńmo yahle n pi. Sǎ-á *Liyel wey séběnó kè yo sah ne, yípénfě-á kɪ ko mo, té yípêy pól-á kɪ to karkɪ gbòplɔle.» ²⁸ Képah náh, à tō yō soko yo pé tyí: «Mâh pɔ yuku ní kúntenɔ náh gbí nêne, mé kɪ kyɪ yéle n syɪkɪ Kalile soko.» ²⁹ Képah tēne, Pyeri me yo ̀n tyí ne, téló pól-à kɪ sǎ à yahle, péwo tē wo náh à yahle n pi. ³⁰ Nte, Yesu me yo ̀n tyí ne, páh kéle n yo ̀n tyí kègbɪ yō, kwey lékáh mè soko, sénpe-à kɪ pópó n gbo ke nínó, wáh kɪ me ̀n vyāh kōli te ke tónó ne, pé náh péwo pĩ. ³¹ Nte, Pyeri tō kè tō yo yíi ̀n tyí ne, kũ fyé-à sǎ, páh kɪ ku ñne. Pé náh n yo n yah n pi pólle ne, pé náh ñne n pne. Pé no téló pól to yo sē.

Yesu níri pínóle Yesemani soko

³² Képah náh, pè soko tyah yó, ńyāh-á pè n ye Yesemanine. Páh yini tē nénpó soko, à yo ̀n *tò sáhpú tyí ne, pè tē ásô, pé mó kyɪ Liyel ni pɔ. ³³ Wáh n soko, à Pyeri ànê Nsyaki, ànê Nsyō tē soko. Té légbíne, ̀n foko sǎ me fěki, té tiki me à kah tē. ³⁴ Képah soko, à yo pé tyí: «Yèkwɔri me ní soko, kè sǎ ńne n ko. Yépi tē ásô, té yé káh ne n do!» ³⁵ Té yuku yah fínne kwéy, à kyɪ gbètukunɔ di, té yo Liyel tyí ne, káh kɪ fě pi n pi, à pé wilki kwlónó mè soko. ³⁶ A tō yo pé kwil wey soko: «Aba, bǎ, tyi pól me áwo gbò. Nmo wilki yèvyāhrɪ mè soko. Nte, nê-á me ké soko, ńmo dyo yíi tē káh pi, té áwo tyí mó pi.»

* 14:27 14.27 - Yah n te Sakari 13.7 soko.

37 Wǎh níri pi te, à ò syi pò tò sáhpú nǎpí tǒmí nǒpi tnô, à pò pè we pè me n do. A yo Simo Pyeri tyí: «Á me n do kè? Á náh tǎ we yah kwéy kè nò lér núkú rítǎne kè. 38 Yé gbah tǎ yé ne n yah, yé mó Liyelle n ni, yé káh pò *sétò tǒnmòno fǎ syi. Fòkò sǒno pèpèy me névi sòkò, té ké pínó tǎhkì náh me ò sòkò.»

39 Wǎh yo te pé tyí sǎ, à yal pé tnô, té tǒ kyi níri pi gben tǎ tyí kǒle. 40 Képah náh, à ò syi pò ò tò sáhpú tnô rítǒ. A pò pè we, doy me tǎ we pé tyí. Yo yo tir náh tǒ we pé tyí. 41 Wǎh tǒ kyi pò ke tǒ-òle, à yo pé tyí: «Yé me sǎ tǎ yéle n mi kè? Kè tye! Ké gbí nò. Núkúnúkú, *Névi Pi ki dahbi nǎpél gbò. 42 Yé yuku á sòkò! Yé yah, névi nê-á nímole n dahbi pé gbò, tǎ pò te.»

Yesu tǎnóle

43 Wǎh me képah yónó sòkò sǎ, à náh tǒnì yo te, té Yudasi, nê-á ò *tò sáhpú nǎpí gbǒnimí sòkò yóle, òmò yīn méfwóbé nǎkwíki yísyó yah, à pò kékirn ànê léplóle pé gbǎn. *Sáráká wílkipu yǒtǎm ògbno ànê *Liyel ògbò wǎkì kwópú ànê yèwàhnì ye sò teki mò péle. 44 Té nê-á sò Yesu dahbi n pi pé gbò, à sò me pi dùkú yóle pè wǎki sah. A ne, páh ki pò weki nê tyí té à pòri tǎ, òmò-á. Pè à tǎ, pè mó òne n kyòm n yuku palle.

45 Képah sòkò, wǎh núkú pò yīni tǎ Yesu tyí, à weki ò tyí ne, pé kwó-ò dí, té núkú à pòri tǎ. 46 Kǎh pi sǎ, no nǒpi núkú pò tuke Yesu yò, à à tǎ. 47 Yesu tò sáhpú sòkò yó núkú ò kékirkì yori de, à sáráká wílkipu yǒtǎ ògbǎ tǒnpi yó níki kǒ kǎm.

48 Képah sòkò, Yesu me yo pé tyí: «Yé pò òmò tǎ-nsah kékirn ànê léplóle yé gbǎn, á ki ne kélékǎ névi sǒ òne. 49 Swǒ swǒ pólle, mé sò níkǎne n ne n me yé wró *Liyel wòkò ògbǎ kéntáhkì sòkò, névyele n kwò. Té yé náh ní tǎ. Nte, tyi nónó-à yo *Liyel wey sébǎnó sòkò, sépi pínùnò yīn ye.» 50 Képah sòkò, ò tò sáhpú pól to karkí, té à sah. 51 Té kètǎnpíkì yó sò me Yesu sò tǎ, fwòpīn núkú ó ye sò à pil. Pè à tǎ ò fwòpīn tyí, 52 à mó kè fe de mò, té to sòkò ò sǎnpǎne.

Yesule Nsyifunò tukey tǔkèpu yah

53 Képah náh, pè Yesu tǎ yuku *sáráká wílkipu yǒtǎ ògbǎ gbò. Ké nǎnpó sòkò, sáráká wílkipu yǒtǎm ògbno, ànê yèwàhnì, ànê *Liyel ògbò wǎkì kwópú wǎ tuke mò. 54 Té Pyeri sò me Yesu sò tǎ wil fíi sòkò, à pò we de sáráká wílkipu

yòtẽ ñgbẽ gbô, à kyɪ nyàhle n wne gbô táh sɔkɔ ànê yòtẽ dí tònpiɓile.

⁵⁵ Sárká wìlkɪpu yòtãm ñgbɔ ànê *Nsyifunɔ tukey tükèpu pól sò me n yah n kɔ ne, pé tir yó we sah Yesu yõ, pé à we ko mɔ. Nte, pé náh me vî-ñsah we ké tyí. ⁵⁶ Tir yó náh, mìnnyobe tàrfyòno nahnáh sò me. Pé nahnáh sò me n wil mìnine n yo n sah ñ yõ. Té pépi ntẽ náh sò me sah wẽ tyí yõ. ⁵⁷ Túkù me n yuku lékàhle ñne n kɔ ne, ⁵⁸ páh noh à me n yo ne, péwɔ-á kɪ *Liyel wòkò ñgbẽ mè sɔ, nê-á névi mɔ, té kɪ kè tɔ mɔ sèpìn tɔnì wró, nê náh n pi n pi névi gbò mɔnɪne. ⁵⁹ Nte képah fyé yõ, mìnnyobe tàrfyò nópi náh me sah tírr wẽ tyí yõ.

⁶⁰ Képah sɔkɔ, sárká wìlkɪpu yòtẽ ñgbẽ yuku yìn no pól yah, té Yesu piki yah ne, tir kó me ñ tyí yo yo tẽne ni, pãh me tyi nóno pólle n yo n sah ñ yõ? ⁶¹ Nte, Yesu náh vi mɔ ñ tyí, à náh tir yó yo ñ tyí. Sárká wìlkɪpu yòtẽ ñgbẽ tɔ ñ syi à piki yah ne, ñmɔ se *Kristale, Liyel-á ne, páh kɪ ne tekɪ mɔ ni? Liyel, nê-á pé pól me n gbilki, ñ dórí pi se ñne ni? ⁶² Yesu me yo ñ tyí: «Awe, ñmɔ ye. Té yé kɪ *Névi Pi we kɔntẽnóle tyi pól Tẽ Liyel gbòyò sòle, kɪ me n tiki n pi ñyîrn sɔkɔ.»† ⁶³ Képah sɔkɔ, sárká wìlkɪpu yòtẽ ñgbẽ fɔkɔ kah vyãh. Fòkònyãhni tẽ tyí, à ñ fwòmɔn yori tɔ, té me n yo ne, pé se noh ni? Tàrfyò yah yah tẽ náh tɔ me ké sɔkɔ. ⁶⁴ Pé kó Liyel tyí wékíndenɔ noh ñ tyí ni? Pé se ne, pé pi sò ñne ni? Névyé pól yuku yo ne, wãh yĩne kònmɔnɔle. ⁶⁵ Pé túkù yuku n sìn n mɔ n pɔ ñ yõ. Pé ñ yah vike tũ, té ñne n miki n pɔ gbɛnkukurinóle. Té yo ñ tyí ne, à yo pé syah, nê-á mɔ ñne. A kè sãh n pĩ. Képah sɔkɔ, tukey tükèpu tònpiɓi Yesu tẽ ñ létáhlóle n kòli.

Pyeri ne, pé náh Yesu pĩ

⁶⁶ Képah sɔkɔ, Pyeri sò me gbyêh sò, gbô táh sɔkɔ. Té *sárká wìlkɪpu yòtẽ ñgbẽ tònpi pi yó pɔ. ⁶⁷ Wãh Pyeri we à me nyàhle n wne, à à gbah yah, té yo ñ tyí ne, ñmɔ tɔ-á sò me Nasareti kwil Yesule! ⁶⁸ Nte, Pyeri me ñ vyãh kòli té ne, pé náh à pĩ, péwɔ ntẽ náh me ñ wey mè syíkí-ñsah we dé. Wãh yo sɛ, à wil kyɪ yìn kélé yah.

⁶⁹ Képah tẽne, pi mè-á tɔ kyɪ à we, nóno-á sò me nénpó, à tɔ képah núkú ó yo pé tyí ne, dí mène, pépi sɔkɔ ne yó-á! ⁷⁰ Pyeri me tɔ ñ vyãh kòli. Dõ, névyé nóno-á sò me nénpó,

† 14:62 14.62 - Nê-á Liyel tɛntò syinyo-ò yo sah Daniyel 7.13 sɔkɔ, Yesu ne, pé gblõy tyí-á pé n yo.

pépi tǝ tyah n yo Pyeri tyí ne, yékâb náh n me ké soko. Wǎh n wil Kalile soko, no nópi soko ne yó-á ò tǝle. ⁷¹ Képah soko, Pyeri tyah ò gblǝyne n wo pélpèl ne, dí nê tyí-á pè n yo pé tyí, pé náh òne n pne gbógbó. ⁷² Nénpó swǝ, sénpe gbo ke ní-òle. Képah soko, Pyeri dyǝ to kǝ Yesu wey tyíle, wǎh sǝ nê yo ò tyí ne, sénpe-à kǝ pópó n gbo ke nínó, wǎh kǝ me ò vyǎh kǝli te ke tǝnó ne, pé náh péwǝ pǝ. Képah tǝ soko, wǎh képah sǝ, à tyah n gbo.

15

Pè Yesu tǝ yuku Pilati tyí

¹ Képah soko, séngbǝ púpúle, *sárká wǝlkǝpu yǝtǎm ògbnǝ, ànê *Liyel ògbó wǝkǝ kwópú, ànê yèwǎhnène, pépi pól ye sǝ pǝ *Nsyifunǝ tukey tǝkèpu yǝtǎmne. Pépi wǝ tuke mǝ Yesu tyí soko. Képah tǝne, pè à tǝ pukubi, té kyǝ òne *Pilati gbǝ dahbǝ. ² Pilati me à piki yah ne, òmǝ se Nsyifunǝ yǝtǝne nǝ? A me yo ò tyí: «Áwǝ ye yo kéle.»

³ Képah soko, sárká wǝlkǝpu yǝtǎm ògbnǝ me lékǎhle à kǝ tyí náhnáh soko. ⁴ Képah náh, Pilati me tǝ à piki yah ne, à kó tir yó yo n pi nǝ? Tyí nóno pól-á n yo n sah ò yǝ, à kó sè noh nǝ? ⁵ Nte, à náh tǝ vi mǝ. Képah Pilati yáh-ńsah tye.

Pè Yesu gbàh de mǝ kǝ kǝ

⁶ Ye ye pólle, *Pakǝ syáh-à n syah, *Pilati ńkǝne wǝkǝnpèkè soko ne núkú yó fin mǝ, nê tyí-á no tówú tyí. ⁷ Pǎh Yesu tǝ kyǝ Pilati fǝnne gbí nǝne, dí yó sǝ me wǝkǝnpèkè soko, pè n ye Barabasile, ànê pé nolè. Pè sǝ nékókè mǝ gbí nê-á sǝ pè me yahle sǎhnóle *Wromenǝ tyí yǝ. ⁸ Képah tǝne, tówú yuku kyǝ de Pilati fǝnne, à kyǝ tyah òne n ni ne, wǎh dar, té tir nǝne n pǝ pé tyí Pakǝ syáhnó soko, wǎh náh kè pǝ pé tyí. ⁹ Pilati mó yo pé tyí ne, pè se ne, pé *Nsyifunǝ yǝtǝ ògbǝ fin mǝ nǝ? ¹⁰ A sǝ kè pǝ ne ńkǝ, dyǝ yónó-á *sárká wǝlkǝpu yǝtǎm ògbnǝ kǝ pè Yesu dahbǝ péwǝ gbǝ. ¹¹ Té sárká wǝlkǝpu yǝtǎm ògbnǝ sǝ me gbah tǝ tówúle n kurki n mǝ ne, pè yo ne, à Barabasi wilki fin mǝ pé kǝ. ¹² Pilati pè piki yah tǝ ńtǝ ne, sǝ se pé kǝ pǝ dí mènè, nê-á pè n ye Nsyifunǝ yǝtǝne nǝ? ¹³ Pè tǝ gbo mǝ, té me yo: «Yé à syǝ *dahni yǝ!» ¹⁴ Pilati yo pé tyí ne, tyípèkè nê se à pǝ nǝ? Pè tǝ tǝ gbo mǝ náhnáh ńkǝ, à syǝ dahni yǝ. ¹⁵ Képah soko, Pilati Barabasi fin mǝ. A sǝ me tówú òvǝle n yah n kǝ, képah ye. A pè kǝ pè Yesu ko yèfǝhle, té òne srǎhsyíbi kǝ ne, pè kyǝ à syǝ dahni yǝ.

Sràhsyíbí kólé Yesu ko

¹⁶ Képah tēne, sràhsyíbí Yesu tē yuku gbô nyó yòtē dí tē-nsah, té pé no pól ye tuke mɔ. ¹⁷ Páh kɪ pɪ sɔ, té kɪ kólé à wɛ n ko n pi, pè fwòmɔn syâh pèpɛy yó mɔ à kɔ té, yòkɔ pɪ pàn yîle, à dyɪ à kɔ tɔrí yókúrí swɔ. ¹⁸ Té tyah n yo n tyí ne, páh n wɛkɪ n tyí, *Nsyifunɔ yòtē ñgbě, ¹⁹ té ñne n mikɪ n yó sokɔ gbè-ńsɪnne, té n sɪn n mɔ n pɔ n yó. Pè gbètukunɔ di, à kɔ kwĩnki sétáh n yah sokɔ. ²⁰ Páh kólé à ko te, pè fwòmɔn syâh mè de n wil. Té tɔ n flo tɔkɔ mɔ à kɔ. Képah náh, pè wil ñne kégbó sokɔ n syɪ yɪnne *dahni yó.

Pè Yesu syɪ dahni yó

²¹ Sireni ne yó sò me, pè n ye Simole, Alekisãdre ànê Wurfu súle. Légbíne, ñmɔ sò me wil swāh, me pɔ n sokɔ. Sràhsyíbí à kyɪ mɔ, à Yesu syɪ syɪ *dahni mè twah. ²² Pè yuku Yesule tyah yó sokɔ, nyāh-á pè n ye «Kolkɔtale», yògbèkè tyahle. ²³ Té pè me syɪbɪ yó fɛkɪ mɔ ñvɛ sokɔ à kɔ ne, à wɔ, té à yahle. ²⁴ Képah náh, sràhsyíbí à syɪ dahni yó, té me ñdan mɔ à n flo dibi wɛ tyí. ²⁵ Páh à syɪ gbí nēne, gbí me pɔntɔkɪ sokɔ. ²⁶ Páh à syɪ yó nê yó, pè kè wārki syɪ n yòtah sésár sɛnó yó ne: «*Nsyifunɔ yòtē ñgbě». ²⁷ Té me tɔ kèlékè névye népí ními syɪ dahlo yó n gbòplo, n gbòyò ànê n gběyɪnè sò. [²⁸ Képah sokɔ, nê-á yo sah *Liyel wey sɛbɛnɔ sokɔ ne: «Pè à mɔ kɔ tyípɛl pípú sokɔ»*, kè ntyɪnɔ pɪ sɛ.]

²⁹ Képah tēne, wɛkɔbɪ sò me ñne n gbyɔ n sokɔ, té me pé yóle n kal, me yo tũ n tyí ne, ɔɔ, ñmɔ nê-á sò ne, páh kɪ *Liyel wòkò ñgbě sɔ, té kɪ kè tɔ mɔ sɛpɪn tɔnì wró, ³⁰ à n gblɔy pwah n mɔ, à mó tiki dahni yó! ³¹ Képah núkú-ó ye, *sárká wɪlkɪpu yòtām ñgbnɔ ànê *Liyel ñgbò wɛkɪ kwópú sò me kólé ñne n ko, té me n yo wɛ tyí ne, wāh névye tókú pwah mɔ, té à náh fɛ n gblɔy pwah n mɔ! ³² Nmɔ-à kɪ ne Liyel-á ne, páh kɪ ne tekɪ mɔ Yisrayel yòtēne, à tiki dahni mè yó! Páh kɪ képah wɛ, páh kɪ sɛ n yó. Té nónó-á sò me syínóle dahlo yó n gbòplɔle, pépi tɔ me ñne n gbyɔ.

Yesu kúnóle

³³ Gbɪntɔ pɔle, lékâh mɔ sétáh pól yó sokɔ, fɔ́ó à pɔ no gbèkām gbí tyí. ³⁴ Gbèkām gbí-á nɔ, Yesu kah de syi, té yo pé kwil wey sokɔ: «Eloyi, Eloyi, lama sabaktani?» Képah n

* 15:28 15.28 - Képah sò yo Yesayi 53.12 sokɔ.

yo ne: «N̄mɔ Liyel, n̄mɔ Liyel, kù pɪ, té á n̄ fin mɔ?» ³⁵ Nónó-á sò me n̄n̄pó té kè noh, pé tókù sò me n yo ne, pè tɔkɔ noh, wǎh me *Yelile n ye. ³⁶ Képah sɔkɔ, pé sɔkɔ ne yó me to kyɪ s̄nsúkúrí tɔkɔ dahbɪ wilki yòyòkì ni sɔkɔ, à dyɪ gbey yó vyǎh tyí, à pɔ nɔ n̄ tyí ne, à wɔ, té me yo tũ ne, pé ye yah ñkàh Yeli-á kɪ n̄tyíno pɔ à tiki mɔ n pi *dahnɪ mè yò nɪ? ³⁷ Képah náh, Yesu me de syi, té pyě ku. ³⁸ Nénpó swɔ, fwɔ nê-á *Liyel wòkò ñgbě fɔkɔ táh dibi nínó, kè tɔ, à tɔkɔ ké yòtah, à pɔ syɪ s̄etáh tyí. ³⁹ Sràsýíbí lèkwě yòtě dí nê-á sò me ȳinnt̄n̄óle, té ñ ku dùkù we s̄ě, à ne: «Gbɪ yò, dí mèn̄e, Liyel pi ye n̄tyíno sò ñn̄e.»

⁴⁰ Syó yísyó tɔ sò me ȳin t̄ě fíí, me n yah. Pépi wró sɔkɔ Makadala kwil Mari, ànê Mari nê-á Nsyakɪ pir ànê Yose yúne, ànê Salome sò me. ⁴¹ Pépi ye sò Yesu sò t̄ě, ñ t̄òle n pɪ Kalile sɔkɔ. Syó kw̄inki yísyó tɔ sò yuku ñn̄e Yerusalemɪ sɔkɔ.

Yesu ȳinóle diki sɔkɔ

⁴² Pǎh Yesu ko mɔ só nê n̄v̄ine, ké d̄endal ye sò pɪ *Nsyifunɔ *mɪ mɪ yòhle. ⁴³ Arimatɪ kwil ne yó sò me, pé n ye Yoseful̄e. Nm̄ole, Nsyifunɔ tukey t̄uk̄epu sɔkɔ ne p̄ep̄ey yó ye sò ñn̄e. Nm̄o tɔ sò me *Liyel t̄órí pónóle n syikɪ. Nm̄o ñ nɪ syǎh, à kyɪ Yesu lékó ni *Pilati tyí ne, à ñn̄e pé k̄ó, pé kyɪ à ȳi. ⁴⁴ Pilati-á noh ne, Yesu-á núkú ku t̄e, kè ñ yáh-ńsah tye. A sràsýíbí yòtě dí ye pɔ piki yah ne, ñ kúnó di se mo nɪ? ⁴⁵ Wǎh ké gbɪ noh t̄e sràsýíbí yòtě dí tyí, à mó w̄èk̄il̄e Yosefu k̄ó ne, à kyɪ Yesu lékó tɔkɔ. ⁴⁶ Képah sɔkɔ, Yosefu kyɪ fwòp̄in dwe. A kyɪ Yesu lékó de *dahnɪ yò, té à plo fwòp̄in mè sɔkɔ, à dah mɔ diki sɔkɔ, nê-á tũ tekɪ sɔkɔ, té dáh-ñgbě yó pil pɔ vike ké yah. ⁴⁷ Légb̄ine, Makadala Mari ànê Yose yú Mari mó Yesu dahn̄mɔ-ńsah yah pɔkɔ mɔ sah.

16

Yesu yuku wil diki sɔkɔ

¹ *Mɪ mɪ yòh-á sɔkɔ, Makadala Mari, ànê Nsyakɪ yú Mari, ànê Salome kyɪ làsèkw̄el̄ dwe Yesu yò mɔ mɔ t̄ñe. ² Dimasyi só séngb̄ó púsó, gb̄i gbo gb̄ine, pé yuku diki yò. ³ Syó n̄opi me n yo w̄e tyí ne, nê se kɪ dáh-ñgbě mè yikɪ mɔ pé k̄ó nɪ? ⁴ Té pǎh ne, pé yah, pè dáhk̄i mè we p̄ilnton̄ole diki yah sɔkɔ. ⁵ Pè de yuku diki sɔkɔ, té kyɪ k̄èt̄en̄p̄ik̄i yó we, à me fwòm̄on̄p̄ik̄i mɔ k̄ó t̄ě gb̄oyò s̄òle. Tíkí pè kah t̄ě. ⁶ Té

kètěnpìkì mề me yo pé tyí: «Yé káh tíkí pì! Nasareti Yesu ye yé n yah n kǒ, nê-á pè syi *dahni yǒ. A yuku wil diki sǎkǎ. A náh me ásô. Yé pǎ yah n sě-ńsahle. ⁷ Yé kyi yo Pyeri ànê pé no téló tyí nkě, wǎh me péle n syiki Kalile sǎkǎ, sǎ-á lésô à kè yo sah pé tyí.» ⁸ Syó nópi-á kėpah noh sě, pè wil diki, à to sǎkǎ wil syahri sǎkǎ tíkí tě tyí. Pè náh me n yo n mǎ ne tyí, tíkí kǎhtěno tě tyí.

Yesu n gblǒyne Makadala Mari wěki

[⁹ Dimasyi só séngbǒ púsó, Yesu yuku wil diki sǎkǎ. A n gblǒyne Makadala Mari nǎgbò wěki, wǎh lésô *sétǎn kwǎrnino yini wilki pi nê sǎkǎ. ¹⁰ Makadala Mari kyi kè yo Yesu *tǒ sǎhpú tyí. A kyi pé we kǔ yèkwǎri gbní sǎkǎ. ¹¹ Pǎh noh, Mari n yo pé tyí ne: «Yesu me n vile! Nǎmǎ ye à we!», pè náh sě n yǒ.

Yesu n gblǒyne n tǒ sǎhpú népî nîmî wěki

¹² Kėpah náh, Yesu *tǒ sǎhpú népî nîmî sǒ me kwílpír yó wěki tě. Pǎh me kéne wěki yǒ, Yesu n gblǒyne pè wěki òkú yóle.* ¹³ Pè pé syi kyi ké yah yo pé no téló tyí, té pépi to náh tǒ sě pé yǒ.

Yesu n gblǒyne n tǒ sǎhpú népî gbǒnúkú wěki

¹⁴ Sépi pól sókónteno náh, Yesu n gblǒyne n *tǒ sǎhpú népî gbǒnúkú wěki pé yǒke yǒ gbíne. A pé yahle n yo pé níki sékélkè, ànê pé tir yǒ sě-ńkě yinne. Pǎh sǎnpi yahle pé vi wépu yǒ sěnole pé kúnteno náh. ¹⁵ Kėpah sǎkǎ, à yo pé tyí: «Yé kyi nìvìnì wey sǎnne n yah n yo n kǒ kèkǒyó névye pól tyí. ¹⁶ Névi nê-à sě ké yǒ té *wèlnwílkínó we, nǎmǎ ki pwah. Té nê-à sě nkěne ké yǒ, nǎmǎ ki wǔ ké sǎkǎ. ¹⁷ Té nóno-á sě ké yǒ, yé ki pè pǐ pé tyípínó sǎkǎ: Pè ki *sétǎnne n yini n wilki névye sǎkǎ nǎmǎ yin yǒ, té ki welo snóle n wěki, ¹⁸ té ki fě wahy tě pé gbǒle, té ki fě kwǎh pèkè wǎ, té kè náh tir yó pi n pi pé sǎkǎ. Anê pǎh pé gbǎn sah yámpú yǒ, pè ki de.»

¹⁹ Tě-ńgbě Yesu-á yo te sě, à yǒ òkǎ sǎkǎ yinyǒ, à kyi kǒ tě Liyel gbǒyǒ sǒ. ²⁰ Kėpah náh, tǒ sǎhpú me kyi tyah nìvìnì wey sǎnne n yo n kǒ ywǒ ywǒ pól sǎkǎ. Tě-ńgbě sǒ me péle n yohni mǎ kéne tǒ sǎkǎ, me gbíl tyile n pi, tyi nóno-á n wěki ne gblǎ-á pé welole.]

* **16:12** 16.12 - Kėpah ye yo dal mǎ Luki 24.13-35 sǎkǎ.

Likyi-á nìvìnì tir nê wārki Yesu tyí soko

Likyi-á nê yo òn sèbéy tyí yō

¹ N dí Tewofil, tyi nónó-á pɪ á wró, névye náhnáh tyah me séle n wārki. ² Pè sè wārki, sō-á tārɸyòno yo séle á tyí, pépi nónó-á sò wɛ séle sé tyah gbí dùkùle, té sò me Liyel wey yópùle. ³ Képah ye, nímo to me tyi nópi níy tē palle, nónó-á pɪ, à tɔkɔ ké tyah gbí tyí. Té me ké tyí ne, nímo to sè wārki òn kō sé wēkì yō, sáh pɪ syi wē tyí sō, ní dí Tewofil. ⁴ Képah soko, á kɪ pɪ ne, wáh kwónó nê wɛ, gbɪ-á kéle.

Yinyō tēntò yó pɔ Welnwìkì-ò Nsyō dúbínó tyí yo sah

⁵ Yerɔdɪ-á sò me yòtēne Yude kwil yō soko gbí nēne, sárká wìkɪpu yòtē yó sò me, pè n ye Nsakarɪle. Sárká wìkɪpu yòtām nónó-á sò Abya tìnkìle, pépi soko ney yó ye sò òne. N kyɪ Yelisabetɪ tɔle sò, sárká wìkɪpu yòtē ògbē Arō náh ney ye òne. ⁶ Pé ními sò me néglóle Liyel yah. Pè sò me Liyel tyi kònsàhnó pólle n pɪ, té me òn tyíyónè pól tē yíí. ⁷ Nte, pé ními sò dye te, Yelisabetɪ náh sò fē pi wɛ n pi, képah ye pi náh sò me pé tyí.

⁸ Só yóle, Nsakarɪpi tìnkì tò pɪ gbí-á pɔ nɔ, à sò me tòle n pɪ Liyel yah péle. ⁹ Páh dar té sáhntɔkɔnɔle n pɪ sō, kè sò pɔ yīne òmɔle. A sò yīne à de Liyel wòkò ògbē soko, à sèkukuri pān pèpey suke Tē ògbē Liyel yah soko. ¹⁰ Légbíne, tówú pól sò me Liyelle n ni kégbó soko, wáh wòkòle n yō gbí nēne. ¹¹ Wáh me képah soko, yinyō tēntò yó wil òn yah, té me yīn tē wòkò yō yō kwáh gbòyò sòle. ¹² Nsakarɪ-á à wɛ gbí nēne, tíkí à tē, ò lékám fēkɪ. ¹³ Nte, yinyō tēntò mè yo òn tyí: «Nsakarɪ, káh tíkí pɪ, á Liyel nínó ye tē. Á kyɪ Yelisabetɪ kɪ dínpir dubi á tyí, té á kɪ òn yīn sah Nsyōne. ¹⁴ N dúbínó kɪ pɪ nìvìnì ògbēne áwɔ ànê névye náhnáh tyí, ¹⁵ ò né-ògbē pónpɪnɔ yīnne Tē ògbē Liyel yah. A náh òvè wɔ n pi, à náh tō kónó yó n tē wɔ n pi, té kɪ me yúkúnóle Liyel Mírki tákùle òn dúbí-ònkē gbí dùkùle. ¹⁶ A kɪ pɔ Yisrayel névye náhnáh kō, pè kɪ pé syi pɔ pé Tē ògbē Liyel tyí. ¹⁷ A kɪ n kɔ Liyel yah Yeli pɪ dùkù ànê òn tákùle òn soko. A kɪ pɔ súbì ànê

pé wěnpì wró tǒ sah, té kɪ nòhni-ńkēpú vi mɔ pɪ nòhniɓule. A kɪ névyé tǒ sah vi mɔ Tě ńgbě kǒ.»

¹⁸ Wǎh yo sě, Nsakarɪ yo ñ tyí ne, péwɔ ànê pé kyile, pé ními-á dye te. Kǎh pɪ sě, sǒ se pé kɪ fě pĩ ne, gbɪ-á à yo nɪ? ¹⁹ Képah sɔkɔ, yĩnyǒ tǔntǔ yo ñ tyí: «Kabrelɪ ye ńmole, nê-á n yĩn Liyel yah, à ñ tǔle n pɪ. A ń tekɪ mɔ ne, mé pɔ ñivìni wey mè yo á tyí. ²⁰ Nte yah, á nǎh sě ń welo yǒ. Té, sè kɪ mó tǔ pɔ n pɪ n tũ n pi sé gbí sɔkɔ. Képah ye, á vyǎh kɪ gbɪ tǔ, á nǎh tǔ fě n wekɪ n pi fǒó, kɪ pɔ nɔ tyi nópi pɪntũ só tyí.»

²¹ Légbíne, tówú sǒ me Nsakarɪle n syikɪ. Té ñ kǎhnmone Liyel wòkò ńgbě sɔkɔ, képah sǒ me pé gbǎn du. ²² Nte, Nsakarɪ-á pópó n wil, à nǎh me fě n yo n mɔ pé tyí. Kǎh pɪ sě, no pĩ ne, gbɪl tir yó-á wil ñ yah Liyel wòkò ńgbě sɔkɔ. A sǒ me ñ gbǎn óle n pɪ n mɔ pé tyí, té me wekɪ kwlo.

²³ Képah nǎh, ñ tǔ pínó sèp̃in-á pɔ tũ Liyel tyí, à ñ syɪ yuku ñ gbô. ²⁴ Kéne sèp̃in sókóntenɔ nǎh, ñ kyɪ Yelisabetɪ kúrki tɔkɔ, té kè wǒbɪ ńwǒló kwló. A sǒ me n sǒ ne: ²⁵ «Yah, pèpɔrɪ nê-á Tě ńgbě Liyel pɪ ń tyí yò. A ye ńtyĩnɔ yah dah mɔ ń tyí sɔkɔ nukúnúkú, à ń sen tɔkɔ to ń yǒ névyé yah.»

Yesu dúbínó tyí yónsàhnóle Mari tyí

²⁶ Képah nǎh, ńwǒló kénúkò sókóntenɔ nǎh, Liyel tǔ ñ yĩnyǒ tǔntǔ Kabrelɪ tǔ kwil yó sɔkɔ, nê-á pè n ye Nasaretɪle, Kalile sétáh yǒ. ²⁷ A à tǔ yěndyíkì yó tyí, nê-á sǒ me gbínnóle Davidi nǎh ney Yosefu tyí. Yěndyíkì mè yĩn ye sǒ Marile. ²⁸ Wǎh kyɪ, à de yuku Mari tnô, té yo ñ tyí: «Mé wekɪ á tyí Mari. Tě ńgbě Liyel me pèpɔrɪ yó tǔ sah pɪ á tyí, à me ále.»

²⁹ Mari-á kéne welo noh sě, ñ gbǎn du. A sǒ me n sǒ ñ fɔkɔ ne, yǒ nê yǒ se à pɔ wekɪ mɔ pé tyí sě nɪ? ³⁰ Képah sɔkɔ, yĩnyǒ tǔntǔ yo ñ tyí: «Mari, pèpɔrɪ ye Liyel n pɪ á tyí ñ ńgbèkì sɔkɔ. Káh n ye kè pɪ tíkì tɪrle á tyí. ³¹ Yah, á kɪ kúrki tɔkɔ, kɪ dɪnpir yó dubi, té kɪ ñ yĩn sah Yesule. ³² A kɪ pɪ né-ńgběne Liyel yah. A kɪ n ye yǒtah Liyel pile. Té Tě ńgbě Liyel kɪ à kǒ, à kɪ tǔ kwil yǒ ñ nǎh ney Davidi sǒ. ³³ A kɪ n wũ n pi Yisrayel kwil pól yǒ gbímegbí. N yǒtǔrí nǎh tye yah n pi pólle.» ³⁴ Wǎh yo sě, Mari à piki yah ne, ñte, pé nǎh se dí tyí pĩ. Sǒ se kè kɪ pɪ, té pé kɪ kúrki tɔkɔ nɪ? ³⁵ Yĩnyǒ tǔntǔ me tǔ yo ñ tyí: «Liyel Mírki kɪ tiki á yǒ, té yǒtah Liyel tǎhkì kɪ fɔkɔ tũ á yǒ fob sǒ mɔ. Képah ye, pi nê-á á kɪ n dubi n pi, à kɪ me pèkè kéne ñ sɔkɔ, té kɪ n ye Liyel pile. ³⁶ Yah,

á wòkò ney Yelisabeti, nê tyí-á no yo tũ ne, píkán sê-á ñne, à me kúrki tókò ñ dyèntenò náh, ké n̄wǎlò kénúkò-ò ye yò. A kɪ n dubi n pi d̄n̄pirle. ³⁷ Á náh we di, Liyel t̄e we tyi pól tyí.» ³⁸ Wáh yo te, Mari t̄o ñ syi yo ñ tyí: «Ñmò me T̄e ñgb̄e Liyel tyí yò. Wáh yo s̄o, Liyel kè pɪ s̄e ní tyí.» Képah náh, ȳinyò t̄entò ñ syi sòkò.

Mari kyínyahnòle Yelisabeti tyí

³⁹ Kéne sèp̄in sòkò, Mari yuku sòkò súú ymò yò, Yude kwil yó sòkò. ⁴⁰ Á kyɪ de Nsakarɪ gbô, té wekɪ mò Yelisabeti tyí. ⁴¹ Yelisabeti-á Mari wékínmòno noh, piri núkú kah werke ñ fòkò sòkò. Képah sòkò, Yelisabeti me yuku Liyel Mírki t̄ahkìle, ⁴² té yo ñ tyí ȳinp̄ò ñgb̄ene ne: «S̄am me mónóle á sòkò, à kal syó pólle. Anê s̄am me mónóle á fòkò t̄ah piri to sòkò. ⁴³ Nédúkú nê me ñmò t̄e t̄ole, té ní T̄e ñgb̄e yú kɪ pò n yah ní tyí? ⁴⁴ Á náh we di, máh fyò á wékínmòno noh n̄yāh, n̄iv̄in̄i t̄e tyí, piri núkú kah werke ní fòkò sòkò. ⁴⁵ N̄iv̄in̄i me á tyí, áwò nê-á s̄e ké yò ne, T̄e ñgb̄e Liyel-á nê yo, k̄ah kɪ pɪ t̄u.»

Liyel ȳin gb̄ilkínóle Mari tyí yìgb̄in̄i sòkò

⁴⁶ Képah sòkò, Mari ne:

«Ñmò me ní nɪ dal mò T̄e ñgb̄e Liyelle n gbilki,
⁴⁷⁻⁴⁸ Ñ Pwáhn̄mò-ò Liyel f̄e syi yah dah mò ní tyí sòkò.
 Képah ye, ní nɪ me v̄inóle ñ ȳinne.
 Ñmò nê-á me ñ tyí yò, me ní gbl̄oyne n tiki n mò ñ yah sòkò.
 Gbɪ yò, à tókò núkúnúkú tyí, knò knò pól kɪ pò n yo n pi ne,
 máh yèvinɪ we.

⁴⁹ Tyi pól tyí t̄enwe-ò Liyel ye tyí-ñgb̄no pɪ ñmò tyí,
 ñ ȳin ye Kètòk̄e Liyelle.

⁵⁰ Ñ ñìgb̄èkì kɪ me t̄onm̄onyukunòle knò knò pól yò tyé-
 ñk̄ene, nónó-á ñ yah t̄ikile n pɪ.

⁵¹ A ñ gb̄ò t̄ahkìle t̄ò pɪ:

Gbl̄oy gb̄ilkínó s̄onò-á me nónó sòkò,
 à pè karkɪ.

⁵² A yòt̄ām tiki mò pé t̄órí kl̄ò yò,
 té gbl̄oy t̄ikínm̄opu d̄okò mò.

⁵³ A yò yò ȳile kwéndébé k̄ò ȳí,
 té tahbɪ fin mò pè sòkò pé gb̄an kúkóle.

⁵⁴ A Yisrayel névyè yohnu mò,
 pépi nónó-á me ñ tyí yò.
 Ñ dyò náh fwò ñ ñìgb̄èkì p̄inóle,

55 à yuku Abrahamı ànê ñ náh tãñ òñne tyé-ńkêne, wãh sò ñ vyãh kǒ sǒ á súbí ñgbò tãñ tyí.»

56 Képah sɔkɔ, Mari tẽ Yelisabetıle, à ńwǒlò tǒnó kénkǒ pı. Képah náh, à ñ syı sɔkɔ ñ òñne.

Wèlnwìlkì-ò Nsyǒ dúbínóle

57 Képah sɔkɔ, Yelisabetı dubi gbí-á pɔ nɔ, à dubi dínpirle. 58 N tnô tẽpu, ànê ñ wòkò tãñ-á noh ne, Tẽ ñgbẽ Liyel-á pèpɔrı ñgbẽ pı ñ tyí, pè à tahlı pè ké ñivìnı pı. 59 N dúbínó sèpìn kwártǒ-ò sóle, pè pɔ piri kò-ńsah, té me n yah n kǒ ñ sú yĩn dyí-ńsahle ñ tyí, nê-á Nsakarıle. 60 Nte, ñ yú me yo pé tyí ne: «ǪǪ, à kı n ye Nsyǒne.» 61 Pè me yo ñ tyí ne, ñgbò ñ wòkò ney yó ńtẽ yĩn náh me sǐ dé. 62 Té me kwásı pı piri sú tyí ne, yĩn nê se à kı sah à kǒ nı? 63 Képah sɔkɔ, à pè kǒ, pè sésár sénó yó tɔkɔ pɔ à kǒ, à wãrkı mɔ ké yǒ ne: «Nsyǒ ye ñ yĩnne.» Képah pé pól gbàñ du. 64 Nénpó swɔ, Nsakarı nénpórı de mɔ, ñ vyãh gbínó tye, à tyah n wekı, à Liyel yĩnne n gbilki. 65 Kãh pı sǐ, tíkí de pé tnô tẽpu pól sɔkɔ, té no sò me tyi nópi pólle n yãh n kǒ Yude ymɔ yǒ kwlo pól sɔkɔ. 66 Té Tẽ ñgbẽ Liyel sò me ñne. Képah ye, nónó pól-à sò tyi nópi noh, pè sè tẽ n sah pé nno sɔkɔ, ñ té ne me wẽne n piki n yah ne ńkẽ, piri mè se kı pɔ n pı n pi nédúkú nêne nı?

Liyel yĩn gbìlkínóle Nsakarı tyí yìgbìnı sɔkɔ

67 Képah sɔkɔ, piri sú Nsakarı Liyel Mírki tãhkı we, té me Liyel tẽntò welole n syi n yo ne:

68 «Tẽ ñgbẽ nê-á Yisrayel Liyelle, ñ yĩn ne n gbilki,

ñmɔ nê-á pɔ ñ no yohnı mɔ, à pè wilki yǒrı sɔkɔ,

69 té me Pwáhnmɔ-ò tãh wilki mɔ á kǒ,

à wil ñ tǒnpı dí Davidi náh tãñ sɔkɔ.

70 Képah ye lésò à ñ tẽntò syinyopu kǒ, pè yo sah di mónóle ne,

71 páh kı á syi pwah mɔ á pèltãñ tyí,

té kı á wilki á dyɔ yópú gbò.

72 A á súbí ñgbò tãñ nı gbe yíı.

N dyɔ náh fwɔ ñ yégbékè kwrónmɔnsàhnó tyíle péle.

73 A sò ñ wo á ñgbò sú Abrahamı tyí ne,

74 páh kı á tẽ syi á pèltãñ gbò,

á kǒ á fẽ tǒle n pı pé tyí tíkí kẽne,

75 á mó pı négbólóle yályál pé yah,

á min pól sɔkɔ.

76 Té áwɔ tẽ wɔle, ńmɔ pi, á kı pɔ n kɔ Tẽ ñgbẽ yah sɔkɔ,

kɪ n̄ wàl t̄õ n sah n pi.

Képah ye, pè kɪ ále n ye <Yòtah Liyel t̄ëntò syínyo-òle>.

⁷⁷ Tè kɪ n̄ no k̄õ pè kɪ pwáhn̄m̄õõ òkù p̄i,

pé tyípèl ȳõnm̄õõ gb̄õ ȳõ.

⁷⁸ Api Liyel n̄gbèkì, ànê n̄ t̄õnsàhn̄p̄ũõ gb̄õ ȳõ,

à kɪ kyòõ m̄õ á ȳõ kɪ wil ȳinyõ gb̄í s̄õ gbo,

⁷⁹ kɪ p̄õ kyòõle névye k̄õ, nónó-á m̄e k̄ũ f̄ènt̄ũ t̄íkí s̄õk̄õ,

té kɪ á yey vi m̄õ yèvn̄ũ w̄èkì ȳõ.»

⁸⁰ Tè Nsyõ t̄è w̄õ s̄õ m̄e n kyāh, ànê n̄ lékām m̄e n yɪkɪ n m̄õ n yuku. A s̄õ m̄e t̄è gb̄ènn̄ũ s̄õk̄õ p̄ópó, à p̄õ syi n̄ gbl̄õy w̄èkínó gb̄iȳìkì tyí Yisrayel névye yah.

2

Yesu t̄ènw̄en̄õ n wil n̄yāh?

¹ Kéne tyi p̄i gb̄íne, Wromen̄õ ȳòt̄è Wokusti kwní k̄õ ne,

pè pé t̄õrí mé-ńt̄ân névye pól yāh pé dan p̄i. ² Kéne névye

yāhn̄ó gben p̄õ Krinisi w̄e Siri kwlo pól yah yét̄ene. ³ Képah

t̄ene, no pól s̄õ m̄e pé yn̄ine n wārki n p̄õ pé súbì kwlo s̄õk̄õ.

⁴ Tè Yosefulè, ȳòt̄è dí Davidi nāh ney ye s̄õ ñne. Kāh p̄i s̄è, n̄

t̄õ mó wil Nasaret̄i kwil, Kalile sétāh ȳõ, à yuku Yude kwil

yó s̄õk̄õ, pè n ye Betlem̄ũne, ȳòt̄è dí Davidi dúbì-ńsah. ⁵ Tè

Yosefu kyi Mari s̄õ m̄e k̄úrk̄ile, p̄āh n yuku pé yni wārki-

ńsah gb̄í n̄ene. ⁶ P̄āh kyi ȳini t̄è, pè s̄õ m̄e s̄è n̄enp̄ó, té Mari

dubi s̄õ n̄õ. ⁷ Képah s̄õk̄õ, pè t̄è-ńsah yah kwlo n̄ep̄ān twāh-

ńsah, té kyi t̄è ȳip̄ey s̄è-ńsah. A n̄ p̄igben dubi d̄ĩnp̄irle, té à

plo fw̄õ gbr̄óle, à sn̄ekɪ m̄õ ȳip̄ey ȳõ ȳõ dú yó s̄õk̄õ.

Ȳinyõ t̄ènt̄õnè w̄ilnm̄õõle képyénf̄èb̄i ȳõ

⁸ Légb̄íne, Betlem̄ũ kwil gb̄õp̄õ yóle, képyénf̄èb̄i ȳisyó s̄õ

m̄e n s̄õ gb̄ān s̄õk̄õ, à pé képyén̄ine n syiki. ⁹ Pè m̄e t̄en̄óle, té

ȳinyõ t̄ènt̄ò yó p̄õ wil m̄õ pé ȳõ. N̄enp̄ó sw̄õ, Liyel t̄õrí núkú

tyah pól piki p̄èrr pé ȳõ. Tíkí m̄e pè kah t̄è. ¹⁰ Ȳinyõ t̄ènt̄ò

m̄e yó pé tyí: «Yé káh t̄íkí p̄i! Kwil pól ñv̄i tir p̄ep̄ey yó ye

mé p̄õ yó-ńsah yé tyí. ¹¹ Piri yó m̄e dubi yé tyí kwey lékāhne

Davidi kwil s̄õk̄õ. Nm̄õ ye T̄È NGB̄ÈNE pè n ye Kristale, Liyel-

á ne, p̄āh kɪ n̄è tekɪ m̄õ. Nm̄õ ye t̄õ yé pwáhn̄m̄õ-òle. ¹² Tè

yáh ne p̄i s̄õ, té à yah n̄ p̄i n pi, kè w̄e yò: Yáh kɪ kyi p̄iȳírí n̄è

w̄e plónóle fl̄ole, té m̄e sn̄ék̄in̄m̄õõle ȳip̄ey ȳõ ȳõ dú s̄õk̄õ,

ñm̄õ ye.»

13 Nénpó swɔ, yínyõ tëntõnè yísyó wil kwĩnkile yínyõ, à pɔ gben tẽ nɔ, pè tyah Liyel yinne n gbilki yìgbìnì sɔkɔ, me yo tũ ne ñkẽ:

14 «Liyel yin pi gblò yínyõ.

Nmɔ ye n yèvinune n nivì névye kɔ sètáh yõ.»

Képyénfěbi kyínyahnɔle Yesu píyírí tyí

15 Képah náh, yínyõ tëntõnè-á pé syi sɔkɔ yínyõ, képyénfěbi nópi mó n yo wẽ tyí ne, pé no, pè yãwɔ pé kyi yah Betlemi. Tir nê-á pi nénpó, té Liyel n tëntò tò pé tyí, páh yĩne pé kè we. 16 Páh weki wẽ kɔ sě, pè pé kyãh yuku Betlemi. Pè píyírí mè soh kyi we snékínmɔnɔle yípêy yõ yõ dú sɔkɔ, Mari ànê Yosefule n gbɔpɔ. 17 Páh à we sě, yínyõ tëntò-á tyi nóno pól yo pé tyí n tyí sɔkɔ, pè sè yãh pè syah. 18 Nóno pól-á képyénfěbi welɔ nópi noh, kè pé gbãndu. 19 Mari tẽ mó tyi nópi pól syi sah n fɔkɔle n sò. 20 Képah náh, képyénfěbi pé syi. Yínyõ tëntò-á sò yo sɔ pé tyí, kè mó ñtyĩnɔ pi sě. Képah ye, páh tyi nóno pól noh té tyi nóno pól we, sépi pè kɔ pè Liyel yinne n gbilki, n pal tyile n yãh n yuku wèkì yah.

21 Képah náh, piri dúbínó sèpìn kwártɔ-ò sóle, n kɔ gbí nɔ. Pè me n yin sah Yesule, sɔ-á sò yínyõ tëntò yo sah kéle n kúrkì tókó-ñkẽ gbíne.

Yesu dáhbínóle Liyel gbò

22 Képah sɔkɔ, sédám pèkì kúnó nê-á yĩne kè pi Moyisi tyi kònsàhnó-á kè yo sɔ, ké sèpìn-á tũ, Yosefu ànê Mari Yesu tẽ yuku Yerusalemi, à kyi ñne Liyel gbò dahbi. 23 Kè ye me wárkínsàhnóle Tẽ ñgbě Liyel tyi kònsàhnó sɔkɔ ne ñkẽ, pye gbro dínpi pól-á yĩne pè Tẽ ñgbě Liyel gbò dahbi. 24 Anê tɔ ñkànpìnnó nínóle, pèkì ànê yũkile Liyel kɔ sárkále, képah náh pi, kèpíkípi kíno nínóle, sɔ-á kéle wárkínsàhnóle Tẽ ñgbě Liyel tyi kònsàhnó sɔkɔ.

25 Té légbíne, dí yó sò me Yerusalemi sɔkɔ, pè n ye Simeyɔle. A sò me négbíle Liyel yah, té me n sah n yóré yõ. A sò me Yisrayel pwáhnmɔ-ò pónóle n syiki, té Liyel Mírki sò me n sɔkɔ, 26 té kéle à wèki ne, à náh n ku n pi, né à náh Krista we yĩne, nê-á Tẽ ñgbě Liyel ki tekì mɔ n pi. 27 Képah sɔkɔ, Liyel Mírki n yah tẽ yuku Liyel wòkò ñgbě kéntáhkì sɔkɔ. Té Yesu dúbípú sò me à tẽ pɔ tyi kònsàhnó

píntũ yĩnne ñ tyí, kǎh yo sah sǒ. ²⁸ Képah tǝne, Simeyǒ me piri mè tǝ ñ gbǒ, té Liyel yĩnne n gbilki, me yo tũ ne:

²⁹⁻³¹ «Ñ Tǝ ñgbǝ Liyel, mé pwáhnmo-ò we ní yĩne, wáh nê kǒ kèkǒyǒ névye pól yí yah.

Képah ye, á kǐ fǝ á tǝnpi min syi núkúnúkú à kǒ à ne n yuku yèvinu sǒkǒ, sǒ-á á wey kè yo.

³² Pwáhnmo-ò kǐ pi kyòole kwlo kwlo névye tyí, kǐ á dùkùle pè wǝkǐ,

té kǐ pi yǒ yǝnǒle áwǒ no Yisrayel tǎn tyí.»

³³ Kǎh pi sǝ, tyi nónó-á à yo Yesu tyí sǒkǒ, sè pi gbǝndùnĩne ñ sú ànê ñ yú tyí. ³⁴ Képah sǒkǒ, Simeyǒ me sǎm mo pé sǒkǒ, té yo ñ yú Mari tyí ne: «Yah, piri mè me Yisrayel névye náhnáh syíkínmǝnǝ ànê pé náhnáh yílkínsàhnó yĩnne, ànê yékâb dénó yǒle. ³⁵ Kǎh pi sǝ, névye náhnáh fókǝsǝnǝ kǐ wilki mo kwèyy. Té áwǒ tǝ wǒle, á kǐ yèvyáhrǐ pi, á kǐ ne pè sǒ me á nǐle n suke nyàhle.»

Liyel tǝntǒ syĩnyo-ò pi An-á nê yo Yesu tyí sǒkǒ

³⁶ Té Liyel tǝntǒ syĩnyo-ò pi yó sǒ me, pè n ye Anne. Fanuwel písê ye sǒ, nê-á Aseri yǐkǐ neyne. N yah sǒ wah náhnáh. Ñ sépíl gbĩne, wáh de pe tyí, ñ pe yah kwlo ké ye kwǎrní-ò sǒkǒ. ³⁷ A me tǝ pékúsèle, à pǝ no ye tíkiyéh pó nyáh tyí. A náh sǒ me n gbe n mo Liyel wǒkǒ ñgbǝne, té me Liyel yĩnne n gbilki gbĩmegbí, ké lékâh ké gbǝntǒ, níkǐ tǝnó ànê níri sǒkǒ. ³⁸ Nmǝ to me de kyǐ yĩne Yesu ànê ñ dúbípúle Liyel wǒkǒ ñgbǝ kéntáhkǐ sǒkǒ. A tyah Liyel yĩnne n gbilki. Té nónó-á sǒ me Yerusalemi pwáhnmǝnǝ syíkǐ tǝ, à me piri tyíle n yǎh pé pól tyí.

³⁹ Yesu dúbípú-á Liyel tyi sàhnó pi tũ te, képah náh, pè pé syǐ sǒkǒ Kalile sétáh yǒ, pé kwil Nasaretǐ sǒkǒ. ⁴⁰ Té piri wo mó me n kyǎh, me táhkǐle n we. Lékám ñgbǝ sǒ me ñ sǒkǒ, té Liyel me ñ nǐle n gbe.

Yesu wúnǒle Liyel wǒkǒ ñgbǝ, ñ ye gbǎmní-ò sǒkǒ

⁴¹ Ye ye pólle, Yesu dúbípú níkǝne ne n kyǐ n pǝ Yerusalemi, Pakǐ syáh sǒkǒ. ⁴² Té Yesu-á pǝ no ye gbǝninǒle gbǐ nêne, ñ dúbípú dǒkǒ yuku ñne Yerusalemi, Nsyifunǝ-á sǒ kéle n pi sǒ. ⁴³ Syáh-á pǝ tye só nêne, pè pé syǐ sǒkǒ, té pé pídí Yesu me wú Yerusalemi, ñ dúbípú pí-ńkǝ sǒkǒ. ⁴⁴ Pè sǒ me n sǒ ne, wáh me ànê pé no wǝkǝbí yísyǒle. Kǎh pi sǝ, pè gbǝyǐkǐ núkú kǒlǒ kǒ, té pyé tyah ñne n yah n kǒ pé wǒkǒ tǎn ànê

pé nǎpínó wró. ⁴⁵ Nte, pé náh à we. Pǎh à yah kwlo sě, pé pé syi à yah kǒ yuku Yerusalemi soko. ⁴⁶ Ké sèpìn tǒ-ò sóle, pé pyě kyi à we Liyel wòkò ògbě kéntáhkì soko. A me kǒntǎnóle Liyel ògbò wěkì kwópú wró, me n nohni pé tyí, té me péle n piki n yah tyile.

⁴⁷ Nónó pól-á sǒ me n nohni ò tyí, ò lékám ànê ò tyi yah yónó dùkù pé gbǎn du. ⁴⁸ N dúbípú-á à we sě, kè pépi tǒ gbǎn kah du. N yú me yo ò tyí ne, pé pídí, sǒ se pi, té à pi sě pé tyí ni? A yah, péwò ànê ò sú yáh-risah-á tye kègbìle ò yáhnkǒnò soko. ⁴⁹ Nte, à me yo pé tyí: «Sǒ pi, té yé níne n yah n kǒ? Yé náh pǐ ne, máh yíne mé ne n me ní sú tyah soko di?» ⁵⁰ Nte, pé náh me ò wey mè tyí yah we.

⁵¹ Képah náh, à me yuku péle Nasareti kwil soko, té me ò gblǒyne n tiki n mǒ pé tyí. N yú wò mó tyi nópi pól syi sah ò foko. ⁵² Té Yesu sǒ me n kyǎh ò gběnsé ànê ò lékám me n yuki n mǒ n yuku. Té wǎn tǒ me mǒ ò ògbèkì yò Liyel ànê névyé tyí.

3

Wèlnwìlkì-ò Nsyǒ Liyel wey yónsàhnóle

¹ Tiberi-á sǒ me Wromenò yǒtǎne gbí nêne, ò yǒtǒrí ye gbǒnkwló-ò pò Pǒse Pilati we Yude kwil yah yétǎne. Té Yerodù wò mó me Kalile kwil yǒtǎne. N gbě dí Filipi me Yitiri ànê Trakoniti yǒ. Té Lisanyasi wò me Abileni yǒ. ² Té An ànê Kayifi ye sǒ sárká wìlkìpu yǒtám ògbnǒle. Légbíne, Nsakarù pídí Nsyǒ Liyel yónmǎnò noh gběnni soko. ³ Kǎh pi sě, à kyi Yurdě yo gbòplo tǎntán pól kò kǒ, me n yo pé tyí ne, pé Liyel wěkì tǎ, pé mó wèlnwìlkínó we. Képah soko, pé tyípél-á kù yǒ mǒ pé kǒ. ⁴ Kǎh pi sǒ, sě ye nítyínò sǒ Liyel tǎntò syínyo-ò Yesayi wǎrkù sah kéle ne níké:

«Nnì yó yínpǒ ye n dokò gběnni soko ne níké:

<Yé Tě ògbě wěkì tǒ sah.

Yé ò sókó-ńtán pi tómtóm.

⁵ Ymò wrónò pól kù yí.

Kènpni ànê ymò pól kù tirki pi támm.

Syǒ-ńtán kněni kù pi tómtóm,

té wětúkúnì kù tǒrù.

⁶ Képah soko, no pól kù Liyel ney pwáhnmǎnò we yíne.»

⁷ Nékwínkì nónó-á sǒ n pò n pò Nsyǒ tyí à kǒ à péle n wel n wilki, à sǒ me n yo pé tyí ne, wáhnmiró dùkù nópi! Nê se kwò péle ne, pǎh kù fě to pwah Liyel fòkòvyǎhnì yah, nê-á

n pi ni? ⁸ Nkě, pè tyípeplòle n pi nónó-á n wěkɪ n pi ne, pãh Liyel wěkì tẽ. Té, pè káh pé gbò sah Abrahmɪ yõ nê-á pé súle. Páh kéle n yo pé tyí, Liyel-á kɪ fẽ dyêh nópi vi mɔ pi Abrahmɪ pyele. ⁹ Té man ntê-á me yáhnsáhntenɔle sésân fẽ yinne sé sémín sɔkɔ. Séswô nê-á n syí-ńkěne pye pèplòle, káh kɪ ko dah mɔ nyàh sɔkɔ.

¹⁰ Képah tẽ sɔkɔ, tówú Nsyõne n piki n yah ne ńkě, sɔ se pé yĩne pé pi ni? ¹¹ A mó yo pé tyí ne, fwòmɔlɔ nínó-à me nê tyí, tẽ núkúle fwòmò-ńkân ney kɔ. Té yòke-à me nê tyí, tẽ yĩ kwéndé kɔ.

¹² Móri syípú yísyó tɔ pɔ Nsyõ tyí ne, à pé wel wilki, té à piki yah ne, pé kwó-ò dí, ńkě sɔ se pépi yĩne pé pi ni? ¹³ A mó yo pé tyí ne, pãh yĩn nê yo pé tyí, pè káh ne n dohnɪ n syi ké yõ.

¹⁴ Képah sɔkɔ, sràsyíbí tɔ pɔ à piki yah ne ńkě, té pépi-á dò, sɔ se pé kɪ pi ni? A me yo pé tyí ne, pè káh ney wore n gbò kwâh tẽ syi tãhkì sɔkɔ. Pè káh mó tɔ ney gbò kwâh syi yĩnvĩ sɔkɔ. Nkě, pè ye pé tɔ pínó wénó pé yĩne n yuku.

¹⁵ Képah sɔkɔ, no pól-á sɔ me pwáhnmɔ-ò syíkínó sɔkɔ sɛ, pè sɔ me pé gblɔyne n piki n yah ne, té Nsyõ káh kɪ nê Kristale dé? ¹⁶ Képah tẽne, à pé pól syah ne: «N̄mɔ tẽ wo ye yéle n wel n wilki ni sɔkɔ. Té nê-á n pi, ñmɔ tẽnweno kal n̄mɔ tyíle. Mé náh yĩne n lékyêh m̄nɔ ntẽ wáhnmɔnɔle. Tẽ wo kɪ pɔ yé wel wilki Liyel Mírki ànê nyàh sɔkɔ. ¹⁷ N sèmukɔ fwo fwo kwâh me n gbò. A kɪ n táh tɔ sah, n sèmukɔ fwo kɪ kwel mɔ n dúkúrí sɔkɔ, té sé yésyî wɔle, à kɪ sépi suke ní-ńkě nyàh sɔkɔ.» ¹⁸ Nsyõ sɔ me n syõ sɛnkɔ v̄nmɔ mɔ kwónó duke náhnáh sɔkɔ, à n̄v̄n̄n̄ wey s̄anne n yo n kɔ no tyí.

¹⁹ A wil képah sɔkɔ, à tɔ lékàhle yòtẽ dí Yerɔdɪ kɔ, n̄ yũnpi kyɪ Yerɔdyadɪ tẽnsyino, ànê n̄ tyítúkúnì náhnáh pínó tyí sɔkɔ. ²⁰ Té Yerɔdɪ náh yĩn sépi tyí, à tɔ Nsyõ tẽ dah mɔ wòkònpèkè sɔkɔ náhle.

Yesu wèlnwìlkìnóle

²¹ Té Nsyõ-á sɔ me névyele n wel n wilki gbí nêne, wãh névyé pól wel wilki te, Yesu tɔ pɔ à kɔ, à à wel wilki. Yesu-á wil ni sɔkɔ té me níríle n pi, à me yĩnyõ we kè yɪkɪ mɔ. ²² Té Liyel Mírki pɔ tiki n̄ yõ wil gběnsé sɔkɔ kèpíkípíkí kètòle. Képah tẽ sɔkɔ, yĩnpɔ yó n wil líyel sɔkɔ ne ńkě: «Áwɔ ye n̄ n̄dè Pi núkúnine. Á tyí nɔ yĩ n̄ tyí kègbɪle.»

Yesu náh tãne

23 Yesu-á n̄ tò tyah gbí n̄n̄e, à s̄ò me ye yõgbãm kénkõ
 σοκω. Té névye t̄ẽ w̄o s̄ò me n̄ s̄o n̄e, Yosefu pídí-á n̄n̄e, Yosefu
 n̄ê-á s̄ò Yeli pídíne. 24 Té Yelile, Matata pídí ye. Matatale,
 Levi pídí ye. Levile, M̄elkí pídí ye. M̄elkíle, Yanayi pídí
 ye. Yanayile, Yosefu pídí ye. 25 Yoseful̄e, Matatyasí pídí
 ye. Matatyasíle, Am̄osí pídí ye. Am̄osíle, Nawumi pídí ye.
 Nawumine, Yesli pídí ye. Yeslile, Nakayi pídí ye. 26 Nakayile,
 Matí pídí ye. Matíle, Matatyasí pídí ye. Matatyasíle,
 Semeyin pídí ye. Semeyinne, Yosesyí pídí ye. Yosesyíle,
 Yoda pídí ye. 27 Yodale, Nswana pídí ye. Nswanale, Yresa
 pídí ye. Yresale, Yorobabelí pídí ye. Yorobabelíle, Salatyelí
 pídí ye. Salatyelíle, Neri pídí ye. 28 Nerile, M̄elkí pídí ye.
 M̄elkíle, Adi pídí ye. Adile, Kosamí pídí ye. Kosamíne,
 Yelemadamí pídí ye. Yelemadamíne, Yerí pídí ye. 29 Yerile,
 Yesu pídí ye. Yesule, Yelieserí pídí ye. Yelieseríle, Yorimi
 pídí ye. Yorimine, Matata pídí ye. Matatale, Levi pídí
 ye. 30 Levile, Simeyõ pídí ye. Simeyõle, Yuda pídí ye.
 Yudale, Yosefu pídí ye. Yoseful̄e, Yonamí pídí ye. Yonamíne,
 Yelyakimí pídí ye. 31 Yelyakimine, Meleya pídí ye. Meleyale,
 M̄ena pídí ye. M̄enale, Matata pídí ye. Matatale, Nat̄an pídí
 ye. Nat̄anne, Davidí pídí ye. 32 Davidile, Yese pídí ye. Yesele,
 Wobedí pídí ye. Wobedíle, Bowasí pídí ye. Bowasíle, Sala
 pídí ye. Salale, Nas̄oní pídí ye. 33 Nas̄oníne, Aminadab pídí
 ye. Aminadable, Adimini pídí ye. Adimine, Arní pídí
 ye. Arníne, Yesr̄omí pídí ye. Yesr̄omíne, Faresí pídí ye.
 Faresíle, Yuda pídí ye. 34 Yudale Yak̄obí pídí ye. Yak̄obíle,
 Yisakí pídí ye. Yisakíle, Abrahmí pídí ye. Abrahmíne,
 Tara pídí ye. Tarale, Nak̄orí pídí ye. 35 Nak̄oríle, Serukí
 pídí ye. Serukíle, Wrakó pídí ye. Wrakóle, Falekí pídí ye.
 Falekíle, Yeberí pídí ye. Yeberíle, Sala pídí ye. 36 Salale,
 Kayinamí pídí ye. Kayinamíne, Arfasadí pídí ye. Arfasadíle,
 Semí pídí ye. Semíne, Nowe pídí ye. Nowe, Lam̄ekí pídí
 ye. 37 Lam̄ekíle, Matisala pídí ye. Matisalale, Yen̄okí pídí
 ye. Yen̄okíle, Yar̄edí pídí ye. Yar̄edíle, Maleleyel pídí ye.
 Maleleyelle, Kayinamí pídí ye. 38 Kayinamíne, Yen̄osí pídí
 ye. Yen̄osíle, Setí pídí ye. Setíle, Adama pídí ye. Adama
 w̄ole, Liyel pídí ye.

4

Yesu mónyahnole

¹ Yesu-á yuku Liyel Mírki táhkìle, à n syi yal Yurdě yo tnô. Té Liyel Mírki à tẽ yuku gběnni soko. ² A sèpìn tiki níni pí nénpó níki ténó soko. Nénpó soko ye sétàn yòtẽ à mo yah. Té sèpìn nópi-á pò tũ, kweku me à tẽ. ³ Káh pí sě, sétàn yòtẽ me yo n tyí ne, ñmò-à kú ne Liyel Pile, à yo dáhkì mè tyí, kè vi n mo n pí yòkele. ⁴ Yesu mó yo n tyí ne: «Kè me wárkínsàhnóle Liyel wey soko ne níkě: <Névi náh n min pí n pí yòke óle.>»*

⁵ Képah náh, sétàn yòtẽ à tẽ doko léyy, à kyí à wěki kèkoyó tōrí pólle séyy ñsò, ⁶ té yo n tyí ne, páh kú fě à kō n pí sépi pól yòtōrí, ànê sé tahrúle. Sépi pól-á péwò gbò dahbú. Képah-á, nê-à pé dyò, páh kú séle ñmò kō. ⁷ Nkě, wáh kú fě syi n gbètukunò di pé yah à pé gbilki, páh kú sé pólle à kō. ⁸ Képah soko, à mó yo sétàn yòtẽ tyí ne: «Kè me wárkínsàhnóle Liyel wey soko ne níkě: <Á kú á Tẽ ñgbě Liyel ó nukúnine n gbilki, té kú n sah ñmò ó tyí yó.>»†

⁹ Képah náh, sétàn yòtẽ tō yuku ñne Yerusalemí, à kyí à sah Liyel wòkò ñgbě yòtah, té me yo n tyí ne, ñmò-à kú ne Liyel pile, à yoko tiki sétáh. ¹⁰ Káh me wárkínsàhnóle Liyel wey soko ne níkě, Liyel-á kú n yínyò tēntōnè kō, sè kú ñne n kyomí, ¹¹ ànê tō, sah kú à swah syi sé gbàn soko. Dáhkì náh n gbáhkì pí yo n pí.‡ ¹² Képah tẽ soko, à me yo sétàn yòtẽ tyí ne: «Kè me yónóle Liyel wey soko ne níkě: <Káh á Tẽ ñgbě Liyelle n mo n yah!>»§

¹³ Kéne mónyahnò nópi pól sókónteno náh, sétàn yòtẽ yal à gbe mo ñne, té me à syki tẽ náh ùnne.

¹⁴ Képah náh, Yesu n syi yuku Kalile sétáh yò Liyel Mírki táhkìle n soko. Té n yin sò me wil nénpó kwlo pól soko. ¹⁵ A sò me kwónóle n pí pé Liyel ní-ńtàn vì soko, té no pól me ñne n gbilki.

Nasaretí tãn Yesu yáhlenole

¹⁶ Sò yóle, Yesu pò Nasaretí soko. Kéne kwil soko ye sò à kyáh. Mí mí yòh sóle, à me de Liyel ní-ńsah wòkò soko, wáh dar té kéle n pí sò, té me yuku ne, pé Liyel wey kar. ¹⁷ Képah soko, pé Liyel tēntò syínyo-ò Yesayi sébéy toko à

* **4:4** 4.4 - Yah n te Yálnó sébéy 8.3 soko. † **4:8** 4.8 - Yah n te Tōnyono sébéy 6.13. ‡ **4:11** 4.10-11 - Yah n te Gbálnó sébéy 91.11-12 soko. § **4:12** 4.12 - Yah n te Tōnyono sébéy 6.16 soko.

kõ, à syi yiki mo fí yó soko, ñyāh-á kè me wárkínmònole ne ñkě:

¹⁸ «Tě ñgbě Liyel ní yah wilki,

à ñ Mirkí mo ní soko ne,

mé ñivìni wey sán yo yām tǎn tyí.

A ní teki mo yǒbi yǒri soko wílnó tyí yo yǐnne pé tyí,

ànê yítūbi yí yíkínmòno tyí yo yǐnne,

ànê yèvyāhri tě yǒ yǐnne névye yǒ, nónó-á me fóhnó soko,

¹⁹ ànê ñmo pèpòri pò yi tyí yo yǐnne.»*

²⁰ Képah náh, Yesu sébéy yah vike, té kéle Liyel wòkò kyòmì-ò kǒ, té kǒ tě. Té nónó-á sò me Liyel ní-ńsah wòkò, pé pól sò me ñne n yah díkí díkí. ²¹ Képah tě soko, à tyah n yo pé tyí ne: «Liyel wey fí ñê tyi-á yé noh, sè pì tū kweyne yé tyí.»

²² Kǎh pì sě, no pól sò me Yesu yíngbíle n yo. Té ñ welo pèplo wékínó sò me pé gbǎn du, pè me yo tū ne, ñmo kó Yosefu pídíne ni? ²³ Képah soko, à me yo pé tyí ne, páh pǐ ne, páh kú sèmirki mi n pi, ñê-á n yo ne ñkě, sènpitě, à ñ gblǒy de mo kè! Páh kú tǒ n yo n pi pé tyí ne, páh tyi nónó pól pì Kapernayumi soko, páh sè noh. Té pé tǒ sé dùkù pì pé sú kwil soko kè.

²⁴ A tǒ yo pé tyí ne: «Mé kéle n yo n dal n mo yé tyí ne: pè náh Liyel tǐntǒ syínyo-ò yó ñtǐne n tě ple ñ sú kwil soko.

²⁵ Kègbi tě yǒ, mé kéle n yo yé tyí ne: Liyel tǐntǒ syínyo-ò Yeli me gbíne, pù-á lésò to pópó, à pò syi ye tǒnó ànê ñwǒló kénúkò tyí, té kwénpékè yó me de kwil pól soko gbí ñne, pékúsyò náhnáh sò me Yisrayel soko. ²⁶ Nte, Liyel náh Yeli teki mo pépi soko ney yó ñtǐ tyí, té pékúsè yó tyí ye à teki mo ñne, Sarepita kwil, Sidǒ sétáh yǒ.† ²⁷ Anê Liyel tǐntǒ syínyo-ò Yelise me gbíne, tótám náhnáh tǒ sò me Yisrayel soko, té pé soko ney yó ñtǐ náh dénmonò we, à wil Siri sétáh tótě dí Nama tyí soko.»‡

²⁸ Képah soko, nónó pól-á sò me Liyel ní-ńsah wòkò soko, pé foko vyāh welo nópi nóhnó tě tyí. ²⁹ Pè me yuku Yesu tě yori wil kwil soko, à dokò yuku ñne yǒli yǒtah, pé kwil-á sò me mónóle ñê yǒ, té ne, pé à tu wilki mo. ³⁰ Té à núkú wil pé wró, à soko.

* **4:19** 4.18-19 - Yah n te Yesayi sébéy 61.1-2 soko. † **4:26** 4.26 - Pékúsè mène, Yisrayel ney náh sò ñne. A sò n wil Sarepita kwil, Sidǒ sétáh yǒ. Yah n te Yótám sébéy gben 17.9 soko. ‡ **4:27** 4.27 - Tótě dí Namale, Yisrayel ney náh sò ñne. A sò n wil Siri sétáh yǒ. Yah n te Yótám sébéy ní-ò 5.14 soko.

Yesu tēnwenɔle sētān yō

³¹ Képah náh, Yesu kyɪ Kapərnayumi kwil sɔkɔ, Kalile sətáh yō, té me névyele n kwɔ Nsyifunɔ mi mi yòh sòle. ³² N wey sò me yòtǒrí weyne. Képah ye n névye kwɔ dùkù kɔ, kè no pól gbàn du. ³³ Té lésòle, kè pɔ yīne, dí yó sò me Liyel ní-nsah wòkò sɔkɔ, sètòle n sɔkɔ. Dǒ, à de syi firr yīnpǒ ògbēne ne, ³⁴ wéèè, Nasareti Yesu, kwâh nê se à n yah n kǒ pé tyí nɪ? A se pɔ pépi tyí yíkí-nsah nɪ? Páh òne n pne, nédúkú nê-á òne: Nmɔ-á Liyel tekɪ mɔ yályál. ³⁵ Képah tē sɔkɔ, Yesu díri kǒ sètò mè yō ne: «Á vyāh vike, n té n wil dí mè sɔkɔ.» Nénpó swɔ, sètò núkú dí mè tɔkɔ min névye niyó, té wil n sɔkɔ, à náh dlo yó nítēne à nɔ. ³⁶ Kǎh pɪ sē, kè pɪ gbëndùnì ògbēne no pól tyí, pè me tyah n yo wē tyí ne, wey dùkù nê se à n wēki sē nɪ? A tē we sētānne n kyī n mɔ tēnweno ànê yòtǒrí sɔkɔ, sè n wil névye sɔkɔ. ³⁷ Sépinó-á pɪ sē, Yesu yīngbí tyah n yo nénpó sətáh pól yō.

Névye náhnáh dénmonɔle

³⁸ Wǎh yal Liyel ní-nsah wòkò, à sɔkɔ Simɔ gbô. Té Simɔ déy sê sò me n kwlo wílvyáhnìne kèpékèyô. Pè me kè yah kǒ Yesu tyí ne, à à de mɔ. ³⁹ Képah sɔkɔ, Yesu me kɔ yīn n yō, té díri kǒ wílvyáhnì yō, ké núkú pi fin mɔ. Nénpó swɔ, à núkú yuku tyah yòke tē-nsahle n yah pé tyí.

⁴⁰ Gbíyí dénó sɔkɔ, nónó pól-á sò me n yɔ yam duke dukele, pé nétām pɔ péle Yesu tyí. A mó n gbānne n sah n yuku pé nénúkù núkú yō, à péle n de n mɔ. ⁴¹ Té sētān tɔ sò me n wil névye náhnáh sɔkɔ. Sè sò me n gbo n mɔ sé wil gbíne ne nkē, Liyel pi-á òne. Nte, sǎh pī ne, Liyel ney tékínmonɔ-á òne, à me díri kǒ sé yō, té sé vyēy tū wékínóle.

⁴² Tyah-á núkú dal, Yesu yuku sɔkɔ gbēnnu tyah yó sɔkɔ. Kǎh pɪ sē, tówù yuku tyah òne n soh n kǒ. Pǎh kyɪ à we gbí nēne, pè sò me ké tyí ne, pé à syi n sah, à káh tǔ yal pé tnô.

⁴³ Nte, à me yo pé tyí ne: «Mé yīne mè nìvìnì wey sǎn yo n kǒ kwlo téló tɔ tyí Liyel tǒrí tyí sɔkɔ. N tékínmonɔ yō ye kèpahle.» ⁴⁴ Képah náh, à kyɪ tyah Liyel weyne n yo n kǒ Liyel ní-ntān vɪ sɔkɔ Yude kwlo sɔkɔ.

5

Yesu yēnkɔ tēpú ye pɔ pɪ n tò sáhpúle

¹ Sò yóle, Yesu-á sò me Yenesareti yó-ògbē gbòpɔ, tówù pɔ à mɔ gbí sah pílpi, Liyel wey noh yīnne. ² Yesu me krótónè

nini we yo tnô soko, té yěnkɔ tǝpú me wil sé soko, me pé yěnkɔ tǝ tǝ mnole n wu. ³ A me de krótónè nópi núkú soko, nê-á sò Simo tyíle. Té kè yah kō ñ tyí ne, à yal kéle yo vyāh tyí, à de yuku yo soko kwéyy. Képah-á pi, à kō tǝ krótókè soko, à yǝ soko tówùle n kwò.

⁴ Wǎh wɛkɪ tɛ gbí nêne, à yo Simo tyí ne, à de yuku yahle yo tǝ tǝ-nsah. Pè mó pé mɔ min dah mɔ yo soko, pé yěnkɔ tǝ. ⁵ Simo me à syah ne, pé yǝtǝ, pépi-á tǝ pi sǝ, té pé nǎh kwāh yó ntǝ we tǝ. Nte, ñmɔ yóré yǝ, pǎh kɪ mɔ min dah mɔ. ⁶ Képah soko, pé me pé mɔ min dah mɔ yo soko, té yěnkɔ we tǝ tnónóle fǝó, pé mɔ tyah n kǝli. ⁷ Pè me pi mɔ pé no tyí, nónó-á sǝ me krótókè ní-ò soko ne, pé pɔ pé yohnɪ mɔ. Pè me pɔ pé yohnɪ mɔ, pé yěnkɔ wilki mɔ krótónè nini nópi yíine fǝó, sè n tyah tíkíndenole ni soko. ⁸ Simo Pyerí-á képah we sǝ, à ñ gbétukunɔ di Yesu yah, té ne, pé Yǝtǝ, tyípékè pí-ò-á péle. Képah yinne, à gbɛ mɔ péwole. ⁹ Pǎh yěnkɔ nópi we tǝ pípi sǝ, tíkí me Simo ànê pé no pól kah tǝ, ¹⁰ à tahlɪ Sebede dǝnpǝ tyí, Nsyakɪ ànê Nsyǝne, pépi nónó-á sǝ Simo tǝ pi múnɛ. Képah tǝne, Yesu me yo Simo tyí: «Káh tíkí pi! A tǝkɔ núkúnúkú tyí, á kɪ pi névyɛ yénpɔ-òle Liyel tyí.» ¹¹ Képah nǎh, pé wil pɔ krótónè sah kènkwǎh yǝ ànê pé vyó pǝlle, té me Yesu sǝ tǝ.

Yesu tótǝ yó de mɔ

¹² Sǝ yǝle, Yesu sǝ me kwil yó soko, té dí yó tǝ sǝ me nénpó, dú nyǎnne ñ wil pól soko. Wǎh Yesu we sǝ, à kɔ kwǐnki, ñ yah di sétáh Yesu yah, té à ni ne, pé Yǝtǝ, wǎh me ké tyí, wǎh kɪ fǝ pé de mɔ. ¹³ Wǎh yo sǝ, Yesu núkú ñ gbò nɔ, à tǝ ñ tyí, té ne: «Mé me ké tyí, á kɪ de!» Nénpó swɔ, dí núkú de. ¹⁴ Képah soko, Yesu kè gbah yo ñ tyí ne, à káh yǝ mè yǎh ney tyí pǝlle. Té à kyɪ ñ gblǝyne sárká wilkɪpu yǝtǝ wǝkɪ. Moyisi-á sǝ sárká nê tyí yo sah tótǎm dénmɔnɔ tyí soko, à mó kè pi n tǝ. Képah-á kɪ ñ dénmɔnole pé wǝkɪ.

¹⁵ Képah fyé yǝ, wǎn sǝ me n dohnɪ Yesu yǐn wǐlnó yǝ, té nékwǐnki sǝ me n tuke n mɔ ñ wey noh yǐn, ànê pé yamɔ mónɔnɔ yinne. ¹⁶ Té Yesu wɔ sǝ ñkǝne n gbɛ n mɔ n tǝ ñ gblǝy gbǝnnɪ soko, ñ Liyelle n ni.

Yesu sèkùkù dí yó de mɔ

¹⁷ Sǝ yǝle ntǝ, Yesu sǝ me kwónóle n pi, té Farisiyǝnɔ ànê Liyel ñgbò wǝkɪ kwópú tǝ sǝ me kǝntǝnóle nénpó. Pè wil Kalile ànê Yude kwlo pól soko, ànê Yerusalemɪ tǝ soko. Té Tǝ

ngbẽ Liyel tãhkì sò me Yesu soko. Képah ye à kô, à yámpúle n de n mo. ¹⁸ Légbíne, nósýó sèkùkù dí yó twah po ò sã sã kwâh yô, me n yah n kô ne, pé de òne wòkò, pé kyí à tiki sah Yesu yah. ¹⁹ Té névye tnónkàhnò tẽ tyí, pè dé-nsah yah kwlo. Kãh pi sã, pè dokò gbẽntin yô kye, à sèkùkù mè tiki mo ànê ò sã sã kwâh tole, névye niyó Yesu yah. ²⁰ Yesu-á we pè sã ò yô sã, à me yo sèkùkù mè tyí: «Dí, á tyípêl ye yô mo ò kô.» ²¹ Képah tẽ soko, Liyel ngbò wèkì kwópú ànê Farisiyẽno tyah n sò ne, nê tẽ ó se dí mène, té à Liyel yinne n yiki sã ni? Nê se ki fẽ tyípêl yô mo névi kô, né Liyel ó náh ni? ²² Nte, Yesu-á pé fókósõno pĩ sã, à pé syah ne: «Kwâh nê pi, té yé n sò sã?» ²³ Nê tẽ dòdò kal, à yo sèkùkù mè tyí ne, ò tyípêl-á yô mo à kô, képah náh pi, à yo ò tyí ne, à yuku ne n kò? ²⁴ Nte, mé me ké tyí ne, yé pĩ ne, tẽnwen-á me Névi Pi tyí sétáh yô, ki fẽ névi tyípêl yô mo à kô», té ò syí yo sèkùkù mè tyí: «Mé kéle n yo á tyí: yuku, á sã sã kwâh toko, ò ne n yuku á gbò!» ²⁵ Nénpó swò, dí núkú yuku no pól yí yah, à sã sã kwâh toko, à soko ò gbò, me Liyel yinne n gbilki n yuku. ²⁶ Képah tẽ soko, no pól gbàn du. Pè Liyel yinne n gbilki tíkí tẽ tyí, me yo tũ ne, kweyne, páh tyi snó we dé!

Yesu Levi ye yah

²⁷ Képah náh, Yesu wil nénpó, té mórí syí-ò Levi we kóntẽnóle mórí syí-nsah wòkò soko. A yo ò tyí ne: «N sò tẽ!» ²⁸ Levi núkú ò tò sah, té yuku ò sò tẽ. ²⁹ Képah tẽne, Levi yòke ngbẽ pi ò gbò Yesu yinne, té mórí syípú náhnáh ànê nékábí kwínkí sò me péle kéne yòke yó-nsah. ³⁰ Képah soko, Farisiyẽno ànê pé Liyel ngbò wèkì kwópú sò me lékàhle Yesule n kô me n yo ò tò sáhpú tyí ne, kwâh nê se, té pè n yô té n wò mórí syípú ànê Liyel wèkì kó-ńkẽpúle wè tyí ni? ³¹ Képah tẽne, Yesu yo pé tyí ne: «Névye nóno-á me lènole, sènpí yétò se me pé tyí? Yámpú tyí náh sènpí yétòle di? ³² Névye nóno-á n sò ne, négló-á péle Liyel yah, mé náh po pépi ye yinne. Nte, nóno-á pĩ ne, tyípêl pí-pú-á péle, pépi yé-nsah ye mé po ne, pè Liyel wèkì tẽ.»

³³ Képah náh, Farisiyẽno yo ò tyí ne, Nsyó tò sáhpú ànê pépi tò sáhpú-á ńkẽne níkile n tẽ, ò té níriile n pi. Nte, òmo tyíno tẽ wò nine n wò, té yòkele n yô kè. ³⁴ Wãh képah noh sã, à me yo pé tyí: «Fúr pí-ò-á nóno ye ò fúr yòke yô yinne, yépi se ki fẽ pè kô pè ki níkí tẽ pé yé-ò yí yah? ³⁵ Nte, só yó

me n pi, pe mè kɪ pɔ n wilki n pi pé wró. Légbíne, pé kɪ pyě níkìlè n tẽ.»

³⁶ Képah náh, Yesu me tǒ sèmĩrkĩ yó mɪ pé tyí ne níkě: «Névi yó ntẽ náh fwòsǎn kǎm, à fwòdyàh min n pi. Wáh képah pɪ, fwòsǎn kɪ yɪkɪ, ké gbó mè tɔ náh se tǒ fwòdyàh syi n pi. ³⁷ Anê tǒ, névi yó ntẽ náh ðivě sǎn mɔ n pi pley ði sɔkɔ. Wáh képah pɪ, ðivě sǎn mè-à fũ, kè kɪ pley nópi tokɪ, ðivě kɪ kwɛ, pley kɪ yɪkɪ. ³⁸ Kàh pɪ ðivě sǎnne, kè yĩne kè mɔ pley snó. ³⁹ Névi nê-á dar ðivě kònó wónóle, à náh tǒ n fẽ n syi ké kò-nkēne n wɔ. Tẽ n ne n yo ne, ðivě kònó-á no kal.»

6

Yesu ànê mɪ mɪ yòh só tyile

¹ Képah náh, Nsyifunɔ mɪ mɪ yòh só yóle, Yesu sò me wěkì tẽ n kɔ n kah sèmukɔ swěy yísyó sɔkɔ. Té ò tò sǎhpú me sèmukɔ ywǒle n kǒlɪ n wɔkɔlɪ pé gbǎn sɔkɔ, à n tah.*

² Farisiyēno-á képah we sě, pé tókù me ne, tò pínó wěkì náh me kǒnóle mɪ mɪ yòh sóle. Té kwàh nê se, té pè kéle n pɪ nɪ? ³ Képah sɔkɔ, Yesu yo pé tyí: «Kwɛkɪ-á lésò yòtẽ Davidi ànê ò náh névyè tẽ só nēne, wǎh nê pɪ, yé náh kè kar yah kè? ⁴ A náh sò de Liyel wòkò sɔkɔ, à búrn tokɔ, nónó-á sò me sàhnóle Liyel tyí yò, à tah, té ò náh névyè tɔ kǒ ði? Té ney náh sò yĩne búrn nópi táhnóle, né sárká wìlkɪpu yòtǎm ó náh.»† ⁵ Té tǒ yo pé tyí: «Névi Pile, mɪ mɪ yòh yòtẽ ye òne.»

Gbònkù ðí yó dénmɔnɔle Nsyifunɔ mɪ mɪ yòh sóle

⁶ Képah náh, mɪ mɪ yòh só yóle ntǒ, Yesu de Liyel ní-ńsah wòkò sɔkɔ, me tyah névyèle n kwɔ. Té ðí yó sò me nénpó sɔkɔ, gbòyòle kúnóle. ⁷ Képah tēne, Liyel ñgbò wěkì kwópu, ànê Farisiyēno mó me Yesule n kyomɪ n yah, wáh kɪ nítyínɔ ney de n mɔ n pi mɪ mɪ yòh sóle, pé mó lékàh we à kǒ. ⁸ Nte, ñmɔ tẽ wɔ sò me pé fókósǒnɔle n pne. Kǎh pɪ sě, à me yo gbònkù ðí mè tyí: «Yuku n pɔ n yĩn névyè niyó ásò.» Dí me yuku yĩn. ⁹ Képah tēne, Yesu yo pé tyí: «Ñmɔ yéle n piki n yah, tir nê pínó wěkì me kǒnóle mɪ mɪ yòh sóle? Pèpɔri se, tǐ pèkè se? A ney min pwah mɔ, tǐ à tẽ ko mɔ?» ¹⁰ Képah sɔkɔ, wáh pè yah kore vi, à yo ðí tyí: «Á gbò tǒ!» A me ò

* **6:1** 6.1 - Yah n te Tǒnyonɔ sébéy 23.26 sɔkɔ. † **6:4** 6.3-4 - Yah n te Samyeli sébéy gben 21 sɔkɔ.

gbò tǒ, kè núkú pí ké vilé. ¹¹ Képah tǔnɛ, pé fɔkɔ kah vyǎh Yesulɛ, pé tyah wǔnɛ n vi n mɔ, sǒ-á pé kɪ n pí n pi nɛ.

Yesu tǔntòbe népí gbǒnimí yáhnwìlkìnóle

¹² Sǒ yóle, Yesu dɔkɔ yuku yǒlɪ yó yǒ, à kyɪ níríle n pí. A lékǎh pól pí Liyel nínó sɔkɔ. ¹³ Tyah-á pɔ dal, à n tǒ sǎhpú ye, té népí gbǒnimí yah wilki pé sɔkɔ, té pépi yǐn sah n tǔntòbele. ¹⁴ Wǎh nónó yah wilki, pé yni wɛ yò: Simɔ wɔle, Yesu ñmɔ yǐn sah Pyerile, té n gbǔndí Andre sǒ mɛ, ànê Nsyakɪ, ànê Nsyǒ, ànê Filipi, ànê Bartelemi, ¹⁵ ànê Matye, ànê Toma. A tahlɪ Alfe pídí Nsyakɪ tyí, ànê Simɔ nê-á sǒ pé n ye «Sú fǒ vyǎh syí-òlɛ», ¹⁶ ànê Nsyakɪ pídí Yudele, ànê Yisikariyɔtɪ Yudasɪle, nê-á pɔ vi Yesu nǎh.

Yesu tówù kwónó, ànê yámpú dénɔnɔle

¹⁷ Képah nǎh, Yesu tiki yǒlɪ yǒ ànê péle, à pɔ yǐn kéntáhkɪ támm yó sɔkɔ. Té n tǒ sǎhpú nǎhnǎh sǒ mɛ, à tahlɪ tówù ñgbǔ yó tɔ tyí, nónó-á wil Yude tǎntǎn pól sɔkɔ, ànê Yerusalemɪ, à tahlɪ pne yɔ gbòpɔ kwlo tyí, Tiri ànê Sidǒnɛ. ¹⁸ Pé sǒ pɔ Yesu welɔ nǒh-ńsah, ànê dénɔnɔ wɛ yǐnne pé yamɔ sɔkɔ. Sétǎn-á sǒ mɛ nónó sɔkɔ mɛ péle n kwlo, pé tɔ dénɔnɔ wɛ. ¹⁹ Té tǎhkɪ yó sǒ mɛ n wil n sɔkɔ, à pé pólle n de n mɔ. Képah ye tówù pól kǒ, pé n yah n kǒ wéntǔ-ńsahle n tyí.

Yèvinɪ ànê yèvyǎhrɪ tyíle

²⁰ Képah sɔkɔ, Yesu mɛ n yah yǒ n tǒ sǎhpú yah, té nɛ: «Yèvinɪ mɛ yé tyí, yépi nónó-á mɛ yǎm sɔkɔ.

Liyel tǒrí mɛ yépi tyí yǒ.

²¹ Yèvinɪ mɛ yé tyí, yépi nónó-á mɛ núkúnúkú kwɛkɪ sɔkɔ. Yé kɪ pɔ n tǒ n pí.

Yèvinɪ mɛ yé tyí, yépi nónó-á mɛ núkúnúkú gbńí sɔkɔ.

Yé kɪ pɔ yì syɔ n pí.

²² Yèvinɪ mɛ yé tyí, no-à yé dyɔle n yɔ, té yé milki, té yéle n gbyɔ, té yé yǐnne n yɪkɪ Névi Pi yǒ sǔnó yǐnne. ²³ Nte, ké yǒre ñgbǔ kɪ pɔ yé dyah Liyel fǒ. Képah ye, yé nɛ n mɛ nìvì sɔkɔ lésòle, yé nɛ n yɔkɔ n kwǎh nìvì tǔ tyí. Sǔ ye lésò pé nǎh tǎn tɔ n fǒh Liyel tǔntò syínyopule.

²⁴ Nte, yépi nónó-á tahbɪle, yèvyǎhrɪ mɛ yé yǒ.

Yé yé pèpɔrɪ wɛ sɔkɔ tɛ.

²⁵ Yépi nónó-á mɛ núkúnúkú tǔkɪ sɔkɔ, yèvyǎhrɪ mɛ yé yǒ. Kwɛkɪ kɪ pɔ yé tǔ n pí.

Yépi nónó-á mɛ núkúnúkú yìsyòní sɔkɔ, yèvyǎhrɪ mɛ yé yǒ.

Yé kɪ pɔ yèkwɔɾɪ gbní gbo n pi.

²⁶ Pàh yépi nónónɛ n gbilki, yèvyāhrɪ mɛ yé yō. Sě ye lésō pé náh tǎn tɔ n gbilki Liyel yīn yō mìnnyobeɛ.»

Sépébi tēnó pèpeyne

²⁷ «Nte, yépi nónó-á mɛ n nohnɪ ní tyí, mé kéle n yo yé tyí nɛ: yé yé sépébiɛ n tē plɛ. Yé pèpɔɾɪɛ n pɪ yé dyɔ yópú tyí. ²⁸ Nónó-á plɔɛ n ye n mɔ yé yō, yé sāmne n mɔ pé sɔkɔ. Yé mó Liyelle n ni yé fǒhpú tyí. ²⁹ Névi-à á létáh núkú mɪ, ké ní-ò tɔ vi n mɔ à kō. Névi-à á fwòmò-̀ngbē tɔkɔ, ye tē kō à á fwòmònpir tɔ tɔkɔ. ³⁰ Névi nê-à kwāh ni á tyí, kè yī tē kō. Anê, névi-à á gbò kwāh tɔkɔ, káh nɛ, tē n syɪ n pɔ kéle. ³¹ Anê tǔ, yáh mɛ ké tyí nɛ, no nêne n pɪ yé tyí, yépi tɔ sēnkōɛ n pɪ pé tyí.

³² Yépi tyí-á nɔ nónó tyí, pépi ó tyí-à nɔ yé tyí, yǐngbí nê mɛ yé kɪ n wɛ n pi képah sɔkɔ? Liyel wēkì kó-̀nkēpú n̄tē tɔ nénónó tyí náh nɔ pé tyí di? ³³ Nónó-á n tǔ n sah n pɪ yé tyí, yé tɔ-à n tǔ n sah n pɪ pépi ó tyí, yǐngbí nê mɛ yé kɪ n wɛ n pi képah sɔkɔ? Liyel wēkì kó-̀nkēpú n̄tē tɔ náh sēnkōɛ n pɪ di? ³⁴ Anê, yáh n dɛkɪ névyɛɛ n kō, yáh sē ké yō nɛ, nónó ó-á kɪ pɔ sé lédyáhníne yé kō n pi, yǐngbí nê mɛ yé kɪ n wɛ n pi képah sɔkɔ? Liyel wēkì kó-̀nkēpú tɔ náh n dɛkɪ wēne n kō, sé lédyáhní pónwɛ yīnne di?

³⁵ Pèpɔɾɪ pí-̀nkēpú, ànê népèl nìgbèkì mɛ Liyel sɔkɔ. Képah ye, yépi tɔ yé sépébiɛ n tē plɛ. Yé pèpɔɾɪɛ n pɪ pé tyí. Yé nɛ n dɛkɪ n kō, ké lédyáhní tyí sò-̀nkēne. Képah sɔkɔ, yé kɪ kyɪ ké lédyáhní n̄gbē wɛ Liyel fǒ, té kɪ pɪ yòtah Liyel wēnpìɛ. ³⁶ Yé pɪ nìgbèkì névyɛɛ, sǔ-á yé sú Liyelle nìgbèkì pí-̀òɛ.»

Káh no pìlkí-̀ntǎn óɛ n yo

³⁷ Képah sɔkɔ, Yesu tǔ yo pé tyí: «Yé káh noɛ n tuke. Képah sɔkɔ, Liyel náh yé tɔ tuke n pi. Yé káh lékàhɛ noɛ n kō. Képah sɔkɔ, Liyel náh lékàhɛ yé tɔ kō n pi. Nte, yé nɛ n yō n mɔ noɛ n kō. Képah sɔkɔ, Liyel kɪ n yō n mɔ yé tɔɛ n kō. ³⁸ Yáh no téló tyíɛ n sǎh dú nêne, kéne dú núkú ó kɪ yé tɔ tyí sǎh n pi. Képah ye, yé nɛ n yī n kō. Képah sɔkɔ, Liyel kɪ yī yé tɔ kō. A kɪ dú tɔkɔ, kɪ sǎhnó pèpey sǎh, kɪ sni, kɪ yike yike, kè kɪ yuku kwɛ, kɪ vi mɔ yé kō yé fwòmòɔ vyēy tēnkūnmɔnɔ sɔkɔ.»

³⁹ Té tǔ sèmìrkì yó mɪ pé tyí nɛ nkē: «Yítù se kɪ fē pɪ n̄ ní-ò yítù yah tē-̀òɛ? Pé nímí náh n syɪkɪ n de n pi pwāh yó

sokɔ di? ⁴⁰ Tir sáh-ò náh n kal n pne ò kwó-òle. Té sáh-ò nê-à kwónó we yíí, òmɔ n pɪ ò kwó-ò tyí kòle.

⁴¹ A pɪ sɔ̃, té òndan kyomɪ we á yúnpi yí sokɔ, té dàhnpele áwɔ yí sokɔ, á náh me képah wɔ we? ⁴² A kɪ pɪ sɔ̃, té kɪ yo á yúnpi tyí ne, à ye á òndan wilki à kɔ ò yí sokɔ, áwɔ nê-á dàhnpele á yí sokɔ, té á náh me képah wɔ we? Víniní wékí-ò! A yí sokɔ dàhnpe ògbò wilki! Képah-à pɪ, á kɪ fɛ n yah palle, kɪ á ní-ò yí sokɔ òndan wilki.»

Séswô ànê ké pyele

⁴³ «Séswô pèpey yó òtɛ náh n syi pye túkúnine. Séswô túkù tɔ náh mó n syi pye pèplɔle. ⁴⁴ Sésân pól n pne sé pye sokɔ. Sènsóké pye náh fɛ n we kahɪ sokɔ. Yrensɛ náh mó tɔ fɛ n we n gbɛ gbíyɛkì sokɔ. ⁴⁵ Népépɛy yípéplɔ n wil ò nɪ sokɔ, wáh nóno koh sah. Sɛ ó ye, nètúkù tɔ tyítúkúnì n wil ò nɪ sokɔ, wáh nóno koh sah. Névi nɪ-à yuku tir nêne, képah ye n wil ò vyá.»

Vì duke nínó tyí yónóle

⁴⁶ Képah sokɔ, Yesu tɔ yo pé tyí: «Sɔ̃ pɪ, té yɛ òne n ye <Tɛ ògbɛ, Tɛ ògbɛne>, té máh se nê yo, yé náh képahle n pɪ? ⁴⁷ Névi nê-à pɔ òmɔ tyí, té ò welo noh, té me séle n pɪ, tɛ-á me nê kètòle, mé kɪ ò tyí yo yé syah: ⁴⁸ A me, á kɪ ne wòkò mó-ò yó sɔ̃, nê-á swɔ tũ tiki náhnáh, té wòkò sɔ̃ légbí yò. Té ké sɔ̃ tyàhnó-á sò ple sɛ, képah ye, yo-á pɔ yuku, té kwɔ, kè fwo kyɪ syɪ kéne wòkò tyí, té kè náh tɛ we kè fɛ. ⁴⁹ Té, névi nê-à ò welo noh, té à náh séle n pɪ, tɛ wɔ me, á kɪ ne wòkò mó-ò yó sɔ̃, nê-á wòkò yò sokɔ mɔ sétáh kókó yò swɔ tũ-òkɛne. Yo-á pɔ yuku, à fwo kyɪ syɪ kéne wòkò tyí, nénpó swɔ, ké pól pirki kwe, à núkú mukuli pnépné.»

7

Sràsyíbí lèkwɛ yòtɛ dí Liyel yò sɛ dùkùle

¹ Képah sokɔ, Yesu-á welo nópi pól yo pɔ tye no tyí, à de Kapernayumi. ² Té nénpó sokɔ, tònpi yó sò me sràsyíbí yòtɛ dí yó tyí. A sò me n yo kèpékèyô, me n tyah kúnóle. Té ò tyí sò tah yíí ò yòtɛ dí tyí. ³ Wáh Yesu tyí noh, à me Nsyifuno yèwàhnì yísyó tekɪ mɔ ne, pè kyɪ à ni, à pɔ pé tònpi de mɔ. ⁴⁻⁵ Páh kyɪ yíni tɛ Yesu tnô, pè tyah òne n gbah n ni, me n yo ò tyí ne, pépi Nsyifuno tyí-á kah nɔ yòtɛ dí mè tyí. Anê, òmɔ-á tɔ yín pé Liyel ní-ísah wòkò mónóle. Képah-á, wáh yíne yòhnìn-mɔnɔ mè pínóle ò tyí. ⁶ Képah sokɔ, Yesu me

sokɔ péle. Wǎh de n te sràsyíbí yòtḗ dí mè kétele, kéne dí tḗ ò kódíbí yísyó tḗ ne níkḗ, pé pɔ yo Yesu tyí ne, pé Yòtḗ, péwɔ náh yíne ò dénoḗ pé kéte sokɔ. Képah-á, à káh ò gblḗy kwlo pɔ. ⁷ Nkḗ, képah tɔ-á pé kḗ pé kè yah ne, pé náh yíne pónwílnóḗ ò tyí pé gblḗy. Nte, à wey núkú ó yo, pé tḗnpi-á kí de. ⁸ Nkḗ, péwɔ nṗ tḗ tḗ tyí yòtám-á me, péwɔ tḗ mó me sràsyíbí yísyó yḗ. Páh yo nḗ tyí: «Sokɔ!», tḗ n sokɔ. Páh yo nḗ tyí: «Pɔ!», tḗ n pɔ. Anḗ, páh yo pé tḗnpi tyí: «Tir mè pi!», á kè pi. ⁹ Képah sokɔ, Yesu-á kéne welo noh sḗ, à dí mè sḗ kègbule. Té ò yah vi yo ò sḗ tḗpú tówú tyí ne: «Mé kéle n yo yé tyí ne: Yisrayel nṗ sokɔ, mé náh sḗnkḗ Liyel yḗ sḗnó névi we yah.» ¹⁰ Képah sokɔ, tḗntḗ névyé-á pé syi kyi sràsyíbí yòtḗ kéte, pé kyi ne n yah, ò tḗnpi mè de.

Yesu pékúsè yó pídí lékó yilki mɔ

¹¹ Sḗ yóḗ, Yesu me n yuku kwil yó sokɔ, nḗ-á pé n ye Nayinne. Té ò tḗ sáhpú, ànḗ tówú òngbḗ sḗ me ò sḗ tḗ. ¹² Wǎh yíni tḗ kwil dé-nsahle yúkey, à nósyó yohni, pé me lékó yó twah n yuku yí-nsah. Pékúsè yó pídí ye sḗ, ò gblḗy núkúnine ò yú tyí. Té, kéne kwil névyé sḗ me wil náhnáh, me pi mè sḗ tḗ. ¹³ Tḗ òngbḗ Yesu-á pi mè we sḗ, ò yám à kah tḗ, à me yo ò tyí: «Káh n tḗ ne n gbo!» ¹⁴ Té me nɔ de, à tḗ lékó twáhkì tyí, ké twáhpú núkú yín. Yesu me yo ne: «Dĩnpi, mé kéle n yo á tyí: yuku!» ¹⁵ Wǎh yo sḗ, à núkú yuku kḗ tḗ, té tyah n yáh. Yesu me òne ò yú gbḗ dahbi. ¹⁶ Képah tḗne, tíkí no pól tḗ. Pé tyah Liyelle n gbilki, me yo tḗ ne, Liyel tḗntḗ syinyo-ò òngbḗ yó-á wil mɔ pé wró. Anḗ, Liyel-á yah dah mɔ ò no tyí sokɔ. ¹⁷ Képah sokɔ, Yesu tyípinó tyí yónó tḗ mɔ Yude tantàn pól sokɔ, à kyi sokɔ ké gbòplo kwlo tḗ sokɔ.

Wèlnwìlkì-ò Nsyḗ-á nḗ piki yah Yesu tyí sokɔ

¹⁸ Képah sokɔ, Nsyḗ tḗ sáhpú tyi nópi pól yáh Nsyḗ tyí. A me pé sokɔ népí ními ye, ¹⁹ à tḗ Tḗ òngbḗ Yesu tyí. Nkḗ, pé kyi à piki yah ne, òmɔ se Liyel ney tékínmɔnoḗ, nḗ-á kí sḗ n pɔ n pi, tḗ pé se yíne pé ònṗne n syiki ni? ²⁰ Páh pɔ yíni tḗ Yesu tḗ, pé yo ò tyí ne, Wèlnwìlkì-ò Nsyḗ-á pépi tekì mɔ ò tyí ne, pé pɔ à piki yah ne níkḗ, òmɔ se Liyel ney tékínmɔnoḗ, nḗ-á kí sḗ n pɔ n pi, tḗ pé se yíne pé ònṗne n syiki ni? ²¹ Légbíne, Yesu me yámpú náhnáhle n de n mɔ pé yamɔ, ànḗ pé yèvyáhrɔ sokɔ. A sétàn yíni wilki pé sokɔ, té yítubi náhnáh yí yiki mɔ. ²² Té me yo Nsyḗ tḗntḗ névyé

tyí: «Yáh nê wε, té nê noh, yé kyí kè yāh Nsyõ tyí: Yítũbi yí me n yíkí n mɔ, sèkukubi me n kɔ tómtóm, tótām me n de, níkítũbi me n nohní, lékyí me n yilki n mɔ, ànê nìvìnì wey sán me n yo n kō yām tǎn tyí.* 23 Nte, nê-á Liyel yō sēnó yáhle-ńkēne nímɔ yinne, yèviní me tē tyí.»

24 Képah sɔkɔ, Nsyõ tēntò névye-á sɔkɔ te, Yesu tyah n tyíle n yāh tówú tyí me n yo: «Kwāh nê me yé kyí yah gbēnní sɔkɔ? Filki yó se yáhkí me n fi n kō? 25 Tí kwāh nê me yé kyí yah wε? Dí yó se, nê-á me fwòpèplo mɔ? Té nónó-á mó tō fwòtǎhnìne n mɔ, té tǔrí yéle n yō, pépi náh me yòtām fné sɔkɔ di? 26 Nte, kwāh nê me yé kyí yah wε? Liyel tēntò syínyo-ò yóle ní? Mé kéle n yo yé tyí ne: sē-á. Té nímɔ nítē-á kal Liyel tēntò syínyo-òle. 27 Nkē, nímɔ tyí sɔkɔ-á kè wārki sah ne níkē:

<Yáh, nímɔ Liyel kí ní tēntò yó-ò tekí mɔ á yahle, á kí pɔ á wēkì tō sah.>†

28 Mé kéle n yo yé tyí ne: sê fɔkɔ táh pi yó nítē náh me nê-á kal Nsyõne. Nte, nê-á tyí kal Liyel yòtǔrí sɔkɔ, nímɔ nítē gblò kal ñne. 29 Képah sɔkɔ, nónó pól-á sò me n nohní n tyí, à tahlí mórí syípú tɔle, pé pól ne, Liyel-á me tómm, té Nsyõ kō, à pè wel wilki. 30 Nte, Liyel-á nê yah kō Farisiyēno ànê Liyel ñgbò wēkì kwópú tyí, pè pé náh vi kè kō, té yahle pé wèlnwilkínóle Nsyõ tyí.»

31 Té Yesu tō ne: «Nê tē me mé kí tɔkɔ sǎh kwey gbí névyele? Nê tē me pè tɔ? 32 Pè me, á kí ne wēnpí sǔ kō tē n syah tówú tükè-ñsah sɔkɔ, té me n yo wē tyí ne, pépi-á yíkí fíbi pé tyí, té pé náh se yi. Pé tō kù yìkì gbí mɔ, pè náh se tō gbo. 33 Nte, Wèlnwilkì-ò Nsyõ pɔ, à náh me n yō, à náh me ñvène n wɔ, té yé ne, n yògbèkè náh me. 34 Névi Pi-á se pɔ, à n yō té n wɔ, yé tō ne, pè yah yèwònpí, ànê sètē-á ñne, mórí syípú ànê tyípél pípú kódí-á. 35 Nte, Liyel lékám tyíle, gbí ye séle sé fēnsyipu tyí.»

Yesu pí yó tyípél yō mɔ à kō

36 Farisiyē dí yó sò me, pè n ye Simɔle. Sǔ yóle, à Yesu ye ne, à pɔ yòke yō pé tyí. A me kyí de kéné dí gbò, à tē yòke yah.‡ 37 Té kéné kwil sɔkɔ, tyípél pí-ò pi yó sò me. Wǎh noh ne, Yesu-á me yòkele n yō Farisiyē dí gbò, à pɔ niri pǎn pènèkì yóle, so pèpey yó sɔkɔ. 38 Té me vi Yesu náh ñinne, à

* 7:22 7.22 - Yah n te Yesayi sèbéy 35.5 ànê 61.1 sɔkɔ. † 7:27 7.27 - Yah n te Malakí sèbéy 3.1 sɔkɔ. ‡ 7:36 7.36 - Yesu me gbíne, nénpó tǎn sò níkēne pé gbalí kēkì n tē yòke ñgbnole n yō.

n gbo n yéfine n kwe Yesu gbyêh yõ, té séle n kele n yõyénne, té sè porɪ tẽ, té nurɪ mènne n mo sé yõ.

³⁹ Farisiyẽ dí nê-á ye Yesule, ñmo-á képah we sã, à tyah n sõ n foko soko ne, dí mè-à sò me Liyel tẽntò syinyo-òle, pi nê-á n tũ n tyí yò, wãh náhki n dùkù pĩ ne nkẽ, tyípêl pí-ò ñgbẽ-á ñne. ⁴⁰ Yesu me wey toko, té yo Simo tyí ne, tir yó-á me pé tyí yo yo tẽne n tyí. Simo me ne, à kè yo, kwó-ò dí. ⁴¹ Képah soko, à me yo n tyí: «Kmo mó-ò yó kmo sò me népĩ ními yísyó yõ. Núkú sò yĩne à à dyah pó pló kyekwéle, ní-ò me yĩne à à dyah pló tikiníní pó gbãmne. ⁴² Nte, pé soko ney yó nĩtẽ náh sò me fẽ n tyí dyah n pi sã, dí pé ními tyí yõ mo pé kõ. Kãh pi sã, n tyí ki no kal nê tẽ tyí pépi ními soko?» ⁴³ Simo me à syah ne, péwo tẽ sõno soko, nê kõli-á kal, ñmo-á. Yesu me ne, gbí-á à yo.

⁴⁴ Képah soko, té n yah vi pi finne, té yo Simo tyí: «Á pi mè we kè? Nmo-á de á gbô, á náh gbyêh wu wu nine ní kõ. Nte ñmo wo n yéfi kwe ní gbyêh yõ, té sè kele n yõyénne. ⁴⁵ Awo náh ní porɪ tẽ. Nte, ñmo tẽne, wãh de po sõ, à náh me yal mo n gbyêh pórintẽnole. ⁴⁶ Á náh mó tã nurɪ mo ní yõ, nte ñmo tẽ wo nurɪ pãn pènèkì mo ní gbyêh yõ. ⁴⁷ Mé kéle n yo á tyí ne: pi mè tyípêl náhnáh nópi pól-á yõ mo à kõ. Képah ye, à tyínono ñgbẽ tir mè pi. Nte, yõnmono-à pi nê tyí kwéyy, ñmo tyínono n mó ne kwéyy.» ⁴⁸ Té tã n syɪ yo pi mè tyí: «Á tyípêl ye yõ mo n kõ.»

⁴⁹ Képah soko, wãh sò me n yõ ànê nónóne, pé tyah n sõ pé fokonɪ soko ne, nédúkú nê se dí mènne, té à ki po tyípêl tole n yõ mo ni? ⁵⁰ Kãh pi sã, Yesu me yo pi tyí: «Ñmo yõ sɛnó ye n pwah mo. Ne n yuku yèvini soko.»

8

Tò sáhpú ànê syó yísyó Yesu sò tẽ

¹ Kéne tyi sókóntenò náh, Yesu sò me n ko n kõ kwíl-ñgbno ànê kwílpí, me nìvìnì wey sãnne n yo Liyel yòtõrí tyí soko. Té n tò sáhpú népĩ gbõnimí sò me ñne, ² ànê syó yísyó tole, wãh sétàn yini wilki nónó soko, té pé yamno tye. Makadala kwil Mari sò me, nê soko-á sétàn kwãrnino wil, ³ ànê Nsyanne, nê-á Yerodɪ tahrɪ kyòmì-ò dí Kusa kyile, ànê Susanne, ànê syó náhnáh yísyóle, nónó-á sò pé gbàn yile Yesu ànê n tò sáhpúle n yohnɪ n mo.

Semukò mîr-ò sèmîrkile

⁴ Képah sɔkɔ, névyé sò me wil kwlo kwlo pól sɔkɔ, à n pɔ n pɔ Yesu tyí. Tówú ñgbě-á pɔ tuke mɔ sě, à me sèmìrkì yó yāh pé tyí nɛ: ⁵ «Só yóle, sètò yó lésò wil ñ sèmukole n mir. Wāh me mīrnó sɔkɔ, yísyó syíkùlì wěgbalì sɔkɔ. Wěkòbì kɔ sɔkɔ sé yò, kèpye me pɔ sè yɔ. ⁶ Yísyó me syíkùlì légbí yò, à fi, té núkú tǒ kòkò vínó kě tě tyí. ⁷ Yísyó me syíkùlì de pǎn nuyó. Sǎh fi wě tyí pǎnne, pǎn me fyāh sé yò. ⁸ Nte, yísyó me syíkùlì sètáh pèpey sɔkɔ, à fi. Sépi wɔ kyāh, à pɔ pyeno lèkwèkwe pɪ.» Sèmìrkì me yáhteno náh, Yesu tǒ yo pé tyí yínpǒ ñgběne nɛ ñkě: «Níkí-à me nê tyí noh noh tēne, tē ñ níkí sah noh.» ⁹ Képah sɔkɔ, Yesu tǒ sǎhpú à piki yah sèmìrkì mè yòle.

Yesu sèmukɔ mīrnó sèmìrkì yó yo

¹⁰ À me yo pé tyí: «Liyel tǒrí tyi nónó-á me wǒbìnóle, sé pnénó ye yépi tě wɔ kǒ. Nte, tǐlɔ tě tyí, sèmìrn ó sɔkɔ ye sè kɪ n yāh.

Képah sɔkɔ, pè kɪ n yah dikídíkí,

té pè náh kwāh yó we n pi.

Té kɪ n nohn,

té pè náh ké yó pǐ n pi.»

¹¹ Té tǒ yo pé tyí: «Sèmìrkì mè yò-á nēne, kè we yò: Mir mir sèmukɔ mēne, Liyel wey ye. ¹² Té névyé tókù me wěgbalì tyí kǒlì: Pépi-à Liyel wey noh, sètò n pɔ kè wilki pé nno sɔkɔ nɛ, pè káh pɔ sě ké yò, pè mó pwáhnmonɔ we.

¹³ Tókù me légbí yó tyí kǒlì: Pépi-à Liyel wey noh, pè kè fě n syi nìvìle. Té pè náh n ye kè yáhnìne n mɔ pé sɔkɔ. Pè kè fě n syi nénpó swɔ ó sɔkɔ, té mónyahno-à núkú pè yīni tě, pè pé náh vi kè kǒ. ¹⁴ Tókù me pǎn mé-ńsah tyí kǒlì: Pépi-à Liyel wey noh, fókósɔno, ànê tahrɪ yáhnó, ànê kèkǒyó nìvì tyi n pɔ kè fyāh. Kàh pɪ sě, pè n wū nuyó, kè náh tirlɛ n pekɪ pé tyí.

¹⁵ Nte, tókù me sètáh pèpey tyí kǒlì: Pépi-à Liyel wey noh, pè kè syi n sah palle nɪ pèpey sɔkɔ, nê-á me tǒnsàhnóle. N té ké tǐnó ple, yóre n we ké tyí, sèmukɔ pékínó tyí kǒle.»

Yesu-á sèmìrkì nê mɪ fòtnò tyí sɔkɔ

¹⁶ Yesu tǒ yo pé tyí: «Névi se kɪ fòtnò soh, té kɪ dú kwīnkì mɔ ké yah, képah náh pɪ, kɪ kè dah mɔ sě sě kwāh sètàhkì sò? Tě náh kè sah n pi fòtnò sahki sɔkɔ, kè n pɪ n pi kyòole wòkò sɔkɔ dépú tyí di? ¹⁷ Tir yó nte náh me wǒbìnóle, té kɪ n wū n pi wìlkinmɔ-ńkēne kégbó. Sètǐn sò tir yó nte náh n wū n pi pí-ńkēne, ànê wìlkinmɔ-ńkēne kwèyy. ¹⁸ Névi nê

tyí kwâh-á me, dòhnìnó kɪ n pɪ ñmɔ tyí yõ. Té névi nê tyí kwâh náh me, kwéy nê rítě-á à me n sõ ne, páh me we, ké to kɪ tẽ syi ñ tyí. Kãh pɪ sě, yé kyòmìnóle n pɪ yé nohni òkù sòkò!»

Yesu yúnpyé ànê ñ yúne

¹⁹ Képah sòkò, Yesu-á sò me fí nê sòkò, ñ yúnpyé, ànê ñ yú pɔ yíni tẽ nénpó. Nte tówù tẽ tyí, pè náh tẽ we nɔ de ñne. ²⁰ Pè me yo mɔ ñ tyí ne, ñ yú, ànê ñ yúnpyé-á me yínnóle kégbó. Páh me ké tyí ne, pé à we. ²¹ Képah tẽne, à me yo pé tyí: «Nónó-á Liyel weyne n nohni té ké tyile n pɪ, pépi ye ñmɔ yú ànê ní yúnpyéle.»

Yesu yáhpékè yó yín mɔ yó-ñgbě sòkò

²² Só yóle, Yesu de krótókè yó sòkò ànê ñ tò sáhpúle, té yo pé tyí ne, pè ye pé yuku yó-ñgbě kahnune. ²³ Té páh me krótókèle n to n yuku gbí nêne, Yesu dɔ. Dõ, yáhpékè yó kò pé yõ yó sòkò, à nine n tɔkò n mɔ krótókè sòkò, kè syi pɔ n yuku nine, dlo n tyah pé nónóle. ²⁴ Pè me nɔ de Yesu tnô, me ñne n yilki n mɔ ne, pé yòtě, pé yòtě! Yɔ-á me n tyah pé yónóle dé! Képah tẽne, Yesu me yuku, té díri kò yáhkí, ànê ni yõ. Yáhkí me yín, yó tiki tẽ, tyah pɪ súmm. ²⁵ Kãh pɪ sě, à yo pé tyí: «Yé Liyel yõ sěno nyãh?» Tíkí tẽ tyí, pé gbã du, pè tyah n yo wẽ tyí ne, nédúkú nê se dí mène, té à fẽ n yo yáhkí ànê ni rítě to tyí, sè n sah ñ tyí yõ nɪ?

Yesu sétàn kwĩnki yíni wilki dí yó sòkò

²⁶ Yesu ànê ñ tò sáhpú kyɪ yíni tẽ yó-ñgbě kahnune, Yeraseni sétáh yõ, Kalile yèsreyne. ²⁷ Wãh me n tiki krótókè sòkò gbí nêne, dí yó wil kwil sòkò, à pɔ à yohni, sétanne ñ sòkò. Kwil mè ney ye sò ñne. Té kè pɪ di mónóle, à náh tã sò me flole n mɔ, ànê à náh me n tẽ gbô. N tẽ-ñsah ye sò léyâl wró. ²⁸⁻²⁹ Té, sétõ mè sò n yuku dí mè yõ gbáhyí náhnáhle. Pè sò ríkẽne à pukubi kěló, ànê kárnne ne, pé à tẽ sah. Nte, à púkúbí-ñtân nópi kòli, té sétõ mè à tɔkò n de gbẽnni tantàn sòkò. Képah sòkò, wãh Yesu we, Yesu me yo ñ tyí ne, à wil dí mè sòkò. Wãh yo sě, dí pɔ kò kwĩnki ñ yah, té de syi yínpõ ñgběne ne, kwâh nê se à n yah n kò pé tyí nɪ, yõtãh Liyel pi Yesu? Páh ñne n ni, à káh pé fõh. ³⁰ Yesu me à piki yah ne, ñ yín se sõ nɪ? Té kãh pɪ, sétàn náhnáh sò me dénóle ñ sòkò, à me ne, pé yín-á Méfwóbé Kwĩnkile.

³¹ Képah sɔkɔ, sétàn nópi me Yesu ni ne, à káh sé yīni wilki teku mo yevyāhrɪ tē-nsah.

³² Té nénpó sɔkɔ, sel kwĩnki yísyó sò me n yah n yõ n kõ yõli yõ. Sétàn nópi tõ Yesu ni ne, à ye sé kõ sé kyɪ de sel nópi sɔkɔ. A me ké wěkìle sè kõ. ³³ Képah tē sɔkɔ, sétàn nópi wil dí mè sɔkɔ té kyɪ de sel nópi sɔkɔ. Sel kwĩnki nópi núkú kènpīn to tiki tükütükù, à kyɪ de yónpěkì sɔkɔ, kè kõ kè sè yõ.

³⁴ Sel nópi fěpu-á képah we sě, pè to kyɪ kè yāh kwil, ànê yèpiyey sɔkɔ. ³⁵ Képah tēne, tyi nónó-á pɪ, névyé wil ne, pé kyɪ sé ségblo yah. Pè pɔ yīni tē Yesu tnô, té dí nê-á sò sétàn wil n sɔkɔ, pè à we kōntēnóle Yesu tnô. A sò me flo mo, té me tírr. Kāh pɪ sě, tíkí pè tē. ³⁶ Képah sɔkɔ, nónó-á sò n dēnmɔ dukù we, pè kè yāh téló syah.

³⁷ Kāh pɪ sě, tíkí tē tyí, Yerasenɪ sétáh yõ névyé pól kè yah kō Yesu tyí ne, à yal gbɛ mo pépile. Képah sɔkɔ, Yesu me de krótókè sɔkɔ, à n tyah sókónóle.

³⁸ Té dí nê sɔkɔ-á sò sétàn wil, kéné dí Yesule n ni ne, à ye pé tē ñne. Nte, Yesu nāh kè fě syi, té yo n tyí: ³⁹ «Liyel-á tyi nónó pól pɪ á tyí, á syɪ n yuku á gbô, n kyɪ sè yāh.» Wāh yo sě, dí me n syɪ yuku n fīnne. Té tyi nónó pól-á Yesu pɪ n tyí, à séle n yāh n kō kwil pól sɔkɔ.

Yayirusi písê yilkīnmɔnɔ, ànê pi nê-á tū Yesu fwòmɔnɪ tyí

⁴⁰ Tówú sò me Yesu sykɪ tē sě, képah ye, wāh wil yó-ñgbě kahnne, à pɔ yīni n tē pé tnô gbí nēne, pé pól à yohnu nivì sɔkɔ. ⁴¹ Légbí mè ó sɔkɔ ye dí yó pɔ yīni tē, pè n ye Yayirusile. Nmɔ ye sò nénpó Liyel ní-risah wòkò yah yétēne. Wāh yīni tē Yesu tnô, à gbètukunɔ di n yah, té à ni ne nkě, kékwe, à pɔ pé yuku péwɔ gbô, ⁴² nkě, písê nê-á pé tyí n gblɔy núkúnine, té me ye gbōninó kénkõ sɔkɔ, wāh me n tyah kúnóle. Képah tē sɔkɔ, Yesu-á n sɔkɔ nénpó, tówú à fyāh kām̄m yey yey pólle.

⁴³ Té, sê yó to sò me nénpó. A sò me n yɔ tó kwénó nýanne pópó, ye gbōninó. N gbò pól syi pɔ tyɛ syey pínóle sènpɪbɪ tyí, té pé sɔkɔ yó ntē nāh tē we à de mo. ⁴⁴ A me nɔ de Yesule n nāh fīnne, té tū n fwòmɔnɪ vyāh tyí. Nénpó swɔ, n nýan núkú tyɛ. ⁴⁵ Képah sɔkɔ, Yesu me piki yah ne, nê se tū péwɔ tyí nɪ? No pól-á pé vyéyne n kōli ne, pépi nāh sě, Pyɛrɪ me ne, pé yòtē, névyé-á fyāh sah ñne kām̄m. ⁴⁶ Nte, Yesu me ne, ñnì yó-á tū pé tyí. Páh kè pī ne, tǎhkì yó-á wil pé sɔkɔ. ⁴⁷ Képah sɔkɔ, pi mè-á pɔ pī ne, tir mè nāh tō fě n

wōbɪ, à pɔ̀ n̄ gbètukunɔ̀ di Yesu yah wĩlsyahɪ sɔ̀kɔ̀. Tir n̄ē yĩn-á à tũ̀ n̄ tyí, té kè yāh no pól yí yah, àn̄ē sǒ-á à d̄énm̄ɔ̀nɔ̀ w̄e n̄énpó swɔ̀. ⁴⁸ Képah t̄ē sɔ̀kɔ̀, Yesu m̄e yo n̄ tyí: «Pi, á Liyel yō s̄én̄ ye n̄ de m̄ɔ̀. Ne n̄ yuku ȳèvɪnɪ sɔ̀kɔ̀.»

⁴⁹ Gb́í n̄ē-á Yesu m̄e kéne w̄ey yónó sɔ̀kɔ̀, dí yó wil yòt̄ē dí Yayirusi gb̄ô, à pɔ̀ yo Yayirusi tyí ne, n̄ písê-á yah kwlɔ̀, n̄k̄ē, à káh fw̄ót̄ē kwó-ò dí kwlɔ̀. ⁵⁰ Nte, Yesu-á képah noh, à m̄e yo Yayirusi tyí ne n̄k̄ē: «Káh tíkí pɪ! S̄ē ó s̄ē ké yō, té á písê kɪ n̄ min w̄e.» ⁵¹ Té p̄e m̄e sɔ̀kɔ̀ Yayirusi gb̄ô. Páh kyɪ yĩni t̄ē, à náh f̄ē syi ney de n̄ne, à wil Pyerɪ, àn̄ē Nsyō, àn̄ē Nsyakɪ, àn̄ē pípír sú, àn̄ē n̄ yú tyí sɔ̀kɔ̀. ⁵² Légb̄íne, no pól s̄ò m̄e pípír kũ̀ p̄òle n̄ gbo m̄e yām yām tyile n̄ pɪ. Képah sɔ̀kɔ̀, Yesu ne: «Yé káh ne n̄ gbo! A náh ku, d̄oy sɔ̀kɔ̀ ye n̄ne.» ⁵³ Nte, névye-á s̄ò m̄e n̄ kún̄tenɔ̀ p̄i te s̄ē, p̄e tyah k̄òle Yesule n̄ ko. ⁵⁴ Képah t̄ē sɔ̀kɔ̀, Yesu m̄e à t̄ē n̄ gb̄ò tyí, té à kah ye: «Ñ pi, yuku!» ⁵⁵ N̄énpó swɔ̀, n̄ min n̄úkú ké syɪ de n̄ sɔ̀kɔ̀ à k̄ò à yuku. Wāh yuku, Yesu m̄e kè yah k̄ò pé tyí ne, p̄e yārle à k̄ò à yō. ⁵⁶ Kāh pɪ s̄ē, n̄ dúbípú gb̄àn du, té Yesu kè yah k̄ò pé tyí ne, p̄e káh tir m̄e yāh ney tyí.

9

Yesu n̄ t̄ò sáhpú nép̄i gb̄õnimí t̄ò

¹ S̄ó yóle, Yesu n̄ t̄ò sáhpú nép̄i gb̄õnimí ye tuke m̄ɔ̀, té t̄áhk̄i àn̄ē t̄énw̄enɔ̀le p̄e k̄ò ne, p̄e sét̄àn pólle n̄ yĩni, p̄e mó yámpúle n̄ de n̄ m̄ɔ̀. ² Képah sɔ̀kɔ̀, té p̄e tekɪ m̄ɔ̀ ne, p̄e kyɪ Liyel t̄órí tyile n̄ yo n̄ k̄ò, p̄e mó yámpúle n̄ de n̄ m̄ɔ̀. ³ Té t̄ò yo pé tyí ne, p̄e káh kwāh yó n̄t̄ē t̄okɔ̀ w̄ēk̄i k̄ò yĩn̄ne. P̄e káh n̄s̄in̄ t̄okɔ̀, p̄e káh pilki t̄okɔ̀, p̄e káh yōke t̄okɔ̀, p̄e káh p̄ó t̄okɔ̀. An̄ē ney káh fw̄òm̄olɔ̀ n̄ínó t̄okɔ̀. Té t̄ò ne: ⁴ «Yāh kyɪ w̄e twah kéte n̄ē sɔ̀kɔ̀, yé t̄ē képah sɔ̀kɔ̀ f̄óó, kè pɔ̀ nɔ̀ yé yal gb́í tyí n̄énpó. ⁵ Té, nónó-à kyɪ yahle ne, yé káh twah pé tyí, yāh n̄ wil kéne kwil sɔ̀kɔ̀, yé yé gbȳêh n̄èngb̄õ kwer n̄ kwe n̄énpó. Képah kɪ pɪ gb̄áhdyāh d̄insāhn̄óle pé tyí.» ⁶ Képah t̄ēne, p̄e m̄e sɔ̀kɔ̀, à kyɪ n̄ k̄ò n̄ k̄ò kwlɔ̀ kwlɔ̀ sɔ̀kɔ̀, à n̄ìv̄ìn̄i w̄ey s̄án̄ne n̄ yo n̄ k̄ò, té m̄e yámpúle n̄ de n̄ m̄ɔ̀ yw̄õ yw̄õ pól sɔ̀kɔ̀.

Yerɔ̀dɪ f̄okɔ̀ f̄ēk̄in̄óle

⁷⁻⁸ Légb̄íne, Kalile kwil tām yòt̄ē n̄gb̄ēne, Yerɔ̀dɪ ye s̄ò. N̄m̄ɔ̀-á Yesu tyípínó n̄ópi pól noh gb́í n̄ēne, t̄úkù n̄t̄ē m̄e n̄ yo ne, Nsyō-á n̄ syɪ min w̄e, à wil lékyí sɔ̀kɔ̀. T̄úkù mó ne,

ngbò Liyel tǝntò syínyo-ò Yeli-á pɔ wil mɔ. Túkù mó tǝ ne, nǝgbò Liyel tǝntò syínyo-ò yó-á yuku wil lékyî sɔkɔ. Pǎh yo sǝ Yerɔdɪ tyí, ñ fɔkɔ fǝkɪ. ⁹ Képah sɔkɔ, à ne, té pǎh se Nsyô yô kǎm.* Nte, nê tǝ ó tyípínó se tǝ pé n nohnɪ yò nɪ? Kǎh pɪ sǝ, à tyah Yesule n yah n kǝ ne, pé à wɛ.

Tówú nǝgbǝ púnóle Yesu tyí

¹⁰ Yesu tǝntòbe-á pé syɪ pɔ ñ tnô, pé pé tyípínó pól yǎh à syah. A me pé tǝ yal pé yahle, à yuku péle kwil yó gbòpɔ, pé n ye Besayidale. ¹¹ Nte, tówú-á pɔ pé sókónó pǐ sǝ, pé pé nyáh sô kyɪ nékwínkíle. Képah sɔkɔ, Yesu pé tǝ palle, me Liyel tǝrí tyíle n yǎh pé tyí, té me yámpúle n de n mɔ, nónó-á sò me lènɔle n yah n kǝ.

¹² Nte, gbí-á pɔ n yi, ñ tò sǎhpú nɔ de ñ tnô, té me yo ñ tyí ne, nǝgbò gbǝnnɪ tyah sɔkɔ-á péle ásô dé! Nkǝ, wǎh náhkɪ tówú fin mɔ, pé kyɪ sǝ-ńtǎn ànê yôke yah kǝ gbòplo kwlo ànê yèpiyey sɔkɔ. ¹³ Képah sɔkɔ, Yesu yo pé tyí: «Yépi yôke yah pé kǝ pé yô yé gblóy kè!» Pé me à syah ne, búrn pló kwlo, ànê yǝnkyɔ pló nínó ó-á me pé tyí dé! Tǐ, à se me ké tyí ne, pépi kyɪ yôke dwe pɔ nékwínkí nópi pu nɪ? ¹⁴ Té díbí sò nɔ népǐ kèyô nínó kyegbǎm kénkǝle nénpó.

Képah sɔkɔ, Yesu me yo ñ tò sǎhpú tyí ne, pé no kǝ pé kǝ tǝ tǝnkínóle népǐ tikiníní pó gbǎm gbǎmne. ¹⁵ Pé kè pɪ, wǎh yo sǝ, à no pól kǝ pé kǝ tǝ. ¹⁶ Képah tǝne, Yesu me búrn pló kwlo, ànê yǝnkyɔ pló nínó nópi tɔkɔ, té ñ yah yô yǐnyô, à Liyel ni sé yô, té sè kwɔkɪ, à ñ tò sǎhpú kǝ ne, pé syi tówú kǝ. ¹⁷ Képah-á pɪ, no pól yô tǝ. Té pé pé yónkwlonɔ tuke mɔ, vyó gbõninó yǐine.

Pyeri kè yo ne, Krista-á Yesule

¹⁸ Só yóle, Yesu sò me ñ gbe kyɪ tǝ nírilé n pɪ, ñ tò sǎhpúle ñ tnô. Képah sɔkɔ, à me pé piki yah ne: «Névyé tǝ tyí, nê me ñmɔle?» ¹⁹ Pé me à syah ne, túkù-á ne, Wèlnwǐlkí-ò Nsyô-á ñne. Túkù me ne, Yeli-á ñne. Túkù mó ne, nǝgbò gbí Liyel tǝntò syínyo-ò lékó yǐlkinmɔnɔ-á. ²⁰ Pǎh yo sǝ, à pé syah ne: «Té, yépi tǝ tyí, nê me ñmɔle?» Képah tǝne, Pyeri me ne nkǝ: «Krista yé ále, Liyel-á ne, pǎh kɪ nê tekɪ mɔ.» ²¹ Wǎh yo sǝ, Yesu pé kah sni ne, pé káh kè yo ney syah, ²² té tǝ yô sɔkɔ yo pé tyí: «Névi Pi yǐne à yèvyǎhrɪ pɪ náhnáh. Yèwǎhnì, ànê sárká wǐlkɪpu yòtǎm nǝgbnɔ, ànê Liyel nǝgbò wǝkì kwópú kɪ

* 9:9 9.9 - Yah n te Markɪ sébéy 6.14-29 sɔkɔ.

à yahle n pi. A kɪ ko mɔ, té ké sèpìn tǒ-ò sóle, à kɪ n sɪtɪ min we.»

Yesu sò tē dukùle

²³ Képah náh, à yo no pól tyí: «Névi nê-à me ké tyí ne, pé n̄mɔ sò tē, tē n̄ gblǒy dɔy yíi tyi ye, s̄omesó à mó ne me n̄ sɪtɪ sɪtɪ dahnɪ twah, n̄ sò tē.† ²⁴ Yah, névi nê-à ne níké, páh n to n pwah kũ yah, tē náh min we n pi. Nte, nê-à kũ fē sɪtɪ n̄mɔ yinne, tē wɔ min kɪ pwah. ²⁵⁻²⁶ Névi nê-á n̄mɔ, ànê n̄ wey fēnsyino yah sen ku, n̄mɔ Névi Pi to kɪ sen ku ne, mé náh tē pī, máh só n̄ne po n̄ yòtǒrí sɔkɔ, ànê n̄ sú tyí, ànê yinyō tēntōnè tyí sɔkɔ. Kǎh pɪ sē, yō se me ké tyí, névi-à kèkōyó tahrɪ pól we, té n tekɪ n pi n̄ min sɔkɔ, kɪ n̄ gblǒy tyí yɪkɪ? ²⁷ Gbɪ yō, mé kéle n yo yé tyí ne: nénye nónó-á me ásò, pé tókù kɪ Liyel tǒrí we yīne, té kɪ me min sɔkɔ.»

Yesu dukù v̄inmɔnɔle

²⁸ Kéne welo yóntenɔ náh, sèpìn kwártōnɔ kénkō-á sɔkɔ, Yesu Pyerɪ, ànê Nsyō, ànê Nsyakɪ tē sɔkɔ yōlɪ yó yō ne, pé kyɪ nírí pɪ. ²⁹ Wǎh me nírí sɔkɔ gbí n̄ne, n̄ yèpɔ dukù vi mɔ, té n̄ flo piki préyy. ³⁰ Nénpó swɔ, díbí n̄p̄i ními núkú wil, me yáhkìle n yǎh ànê Yesule. ³¹ Moyisi ànê Yeli ye sò po wil mɔ yinyō tǒrí sɔkɔ, té me n yǎh Yesule, wǎh kɪ n̄ tò pɪ n tũ n pi s̄o, n̄ kúnó sɔkɔ Yerusalemɪ. ³² Té légbíne, dɔy sò me Pyerɪ ànê pé no tyí fē. Pǎh dɔ yuku, pè Yesu tǒrí dukù we ànê díbí n̄p̄i ními nópìle yinnóle n̄ne. ³³ Képah náh, n̄p̄i ními nópi-á n yal Yesu tnô gbí n̄ne, Pyerɪ me yo n̄ tyí ne, pé yòtē, pé tēnó-á kɪ ple ásò dé! Páh kɪ yèpyeno tōnó pɪ. Nkē n̄mɔ tyí-á núkúle, Moyisi tyí me núkúle, Yeli tyí me núkúle. Té, à náh sò pī, tir nê-á à me n yo.

³⁴ Wǎh me wékínó sɔkɔ sē, n̄yírki yó núkú wil fob mɔ pé yō. Légbíne, tíkí de Yesu tò sáhpú sɔkɔ. ³⁵ Képah sɔkɔ, ȳinp̄o yó wil Liyel tyí n̄yírki mē sɔkɔ, me n yo ne níké: «N̄mɔ nê-á yò, n̄mɔ ye n̄ píđine, máh nê yah wilki. Yé ne n nohnɪ n̄ tyí!» ³⁶ Pǎh wey mē noh n̄yǎh sɔkɔ, ney náh tō we n̄npó, né Yesu ó náh. Kǎh pɪ sē, n̄ tò sáhpú pé vyēy vike tē syísyí. Té légbíne, pǎh tyi nónó we, pè náh me sé sɔkɔ yó n̄tēne n yǎh ney tyí.

Yesu sétō yīni wilki wēnpir yó sɔkɔ

† 9:23 9.23 - Dahnɪ twáhnó n wēkɪ ne, á á vi sah á min kō kō tēne Yesu tyí kōle.

³⁷ Dendalle, päh tiki yõh yõ, tówû ñgbě yó pɔ Yesu yohni. ³⁸ Té kéne tówû sɔkɔ, dí yó sò me, à tyah n de n syi ne, kwò-ò dí, páh ñne n ni, à yah dah mɔ pé pídí tyí sɔkɔ, ñmo núkúni-á pé tyí, ³⁹ té sétõ yó-á me n yuku n pɔ ñ yõ. Kàh yuku ñ yõ, à n de n syi nénpó swɔ, ànê kě à kah n yike pélpèl, té gbèfòkòpíkíni n ne n wil ñ vyãh. Anê kè náh ñne n fin n mɔ súú. Kàh pópó ñne n fin mɔ, kě à fõh n kah n mɔ. ⁴⁰ Képah-á, pé pɔ ñ tò sáhpú ni ne, pè sétõ mè yĩni, té pè náh tẽ we. ⁴¹ Wãh yo sě, Yesu me yo pé tyí ne, népèl, ànê Liyel yõ sě-ńkě névyè nópi! Pé se yĩne, pé pé ni tẽ, pé tẽ péle, pé pɔ syi gbí nê tyí ni? Nkě, à pɔ ñ píđine ásò. ⁴² Piri-á núkú n nɔ n de Yesu tnô, sétõ à kwel min sétáh, té à yike kègbule. Nte, Yesu me díri kò sétõ yõ, té piri de mɔ, té ñne ñ sú gbò dahbi. ⁴³ Képah tẽne, no pól gbãh du Liyel tẽnpnèno tyíle.

Yesu me ñ kúnó tyíle n tō n yo

Nte, no pól-à sò me gbëndùni sɔkɔ sě ñ tyípínó nópi pól yĩnne, à me yo ñ tò sáhpú tyí: ⁴⁴ «Nê-á mé n tyah yónóle yé tyí, yé kè noh palle: Névi Pi kɪ n dahbi n pi névyè gbò.» ⁴⁵ Nte, pè náh sò me wey mè tyí yah we. Kè sò wekɪ wénpille pé tyí ne, pè káh ké yõ pĩ. Té ké dùkù pikinyahnɔ tíkí sò me pè tẽ Yesu tyí.

Nê tẽ kal?

⁴⁶ Képah sɔkɔ, tò sáhpú tyah yékãble n pi ne, pé pĩ nê tẽ-á kal pépi sɔkɔ. ⁴⁷ Té Yesu-á pé fókósõno pĩ sě, à piri yó tẽ sah ñ tnô, ⁴⁸ té yo pé tyí: «Nê-á tyĩ kal yépi pól sɔkɔ, ñmo kal télóle. Képah ye, névi nê-à piri mè kénkõ tẽnó ple ñmo yĩnne, ñmo ye tẽ tẽ ple. Anê névi nê tɔ-à ñmo tẽnó ple, ní tékínmɔ-ò ye tẽ tẽ ple.»

Névi nê-à me ále n fwó-ńkěne, tẽ me ále

⁴⁹ Képah sɔkɔ, Nsyõ me Yesu syah ne, pé yõtẽ, pépi-á ñni we, à me sétanne n yĩni ñ yĩn yõ, té à náh se sò me ñ sò tẽ pépile wẽ tyí. Képah-á, pé ne, pé ñne n yĩni n mɔ ké pínóle. ⁵⁰ Wãh yo sě, Yesu me yo ñ tyí: «Névi nê-à me yéle n fwó-ńkěne, tẽ me yéle. Képah ye, yé káh à yĩni n mɔ ké pínóle.»

Yesu yáhlenɔle Samari kwil yó tãn tyí

⁵¹ Képah náh, Yesu yõndɔkɔnsɔkɔ gbí-á pɔ nɔ yĩnyõ, à ké yah tɔkɔ yĩn núkú yõ ne ńkě, páh kɪ kyɪ Yerusalemu. ⁵² Kãh

pi sɛ̃, à tɛ̃ntò névye tekɪ mɔ̀ n̄ yahle. Pépi me wɛ̀kì tɛ̃, à kyɪ de Samari kwil yó sɔ̀kɔ̀ ne, pé kyɪ twáh-ńsah yah sah à kɔ̃.

⁵³ Nte, wáh sɔ̀npíle n̄ yah mɔ̀ n̄ yuku Yerusalemi fɪ́nne, káh pi sɛ̃, nénpó tǎn me yahle ne, à káh twah pé tyí. ⁵⁴ Yesu tò sáhpú sɔ̀kɔ̀ Nsyaki, ànê Nsyɔ̃-á képah noh sɛ̃, pé ne, Tɛ̃ ñgbɛ̃, à se me ké tyí ne, pé yĩnyɔ̃ nyàh ye mɔ̀ no nópi yɔ̃, kè tiki n̄ pɔ̀ pé suke n̄ mukuli ni? ⁵⁵ Páh yo sɛ̃, Yesu n̄ yah vi pé fɪ́nne, à díri kɔ̀ pé yɔ̃. ⁵⁶ Képah náh, pé me wɛ̀kì tɛ̃, à sɔ̀kɔ̀ kwil yó sɔ̀kɔ̀.

A tyi pól we ye, té Yesu sò tɛ̃

⁵⁷ Képah sɔ̀kɔ̀, páh me wɛ̀kì yɔ̃ gbí nêne, dí yó Yesu syah ne níkɛ̃, páh kɪ n̄ sò tɛ̃ n̄ kɔ̀ n̄ kɔ̀ ñne, n̄ kó-ńtǎn pól sɔ̀kɔ̀. ⁵⁸ Wáh yo sɛ̃, Yesu me yo n̄ tyí: «Gbɛ̃npáhlɔ tyí, p̄ me. Kèpye tyí, syè me. Nte Névi Pi tɛ̃ tyí, wénsɛ̃nmì-ńsah ńtɛ̃ náh me.»

⁵⁹ Té me pyè yo ñn̄i tyí: «N̄ sò tɛ̃.» Kéne dí me à syah ne, à ye, páh pɔ̀ pé sú lékó ñgbò yĩ te. ⁶⁰ Wáh yo sɛ̃, Yesu me à syah ne: «Ye lékyí kɔ̃, pé pé lékyíle n̄ yĩ, té áwɔ̀ mó kyɪ Liyel tɔ̃rí tyíle n̄ yo n̄ kɔ̃.»

⁶¹ Képah sɔ̀kɔ̀, ñn̄i yó mó yo Yesu tyí ne, pé Tɛ̃ ñgbɛ̃, páh kɪ n̄ sò tɛ̃. Té à ye pé kɔ̃, pé kyɪ ké wɛ̀kì ni pé gbô tǎn tyí. ⁶² Wáh yo sɛ̃, Yesu me yo n̄ tyí ne: «Névi nê-à nyeh wekɪ tɛ̃ swáhle n̄ wɔ̀, té n̄ yah náhle, tɛ̃ náh fɛ̃ Liyel tɔ̃rí tò pi n̄ pi.»

10

Tò sáhpú népí tikitɔ̀ní pó gbām pó nínó tɛ̃ntò pínóle

Yesu dúbinóle

¹ Képah náh, Tɛ̃ ñgbɛ̃ Yesu me tò sáhpú népí tikitɔ̀ní pó gbām pó nínó yísyó yah wah, té pé tekɪ mɔ̀ ními nímine n̄ yah fɪ́nne, kwlo ànê wley wley pól sɔ̀kɔ̀, ñmɔ̀-á sò me ké tyí ne, pé kyɪ pé gblɔ̀y nónó sɔ̀kɔ̀, ² té yo pé tyí ne: «Sèmuکو tɔ̀kɔ̀ tɔ̀kɔ̀ tɛ̃ me dò, té ké tɔ̀npɪ́bɪle kwéyy. Yé sètɛ̃ ni, à tɔ̀npɪ́bɪ náhnáh tekɪ mɔ̀, n̄ sèmuکو tɔ̀kɔ̀ yĩnne. ³ Yé ne n̄ yuku! Té, yé me á kɪ ne, kópópi sɔ̃, mé n̄ tekɪ n̄ mɔ̀ gbɛ̃npáhlɔ niyó. ⁴ Nte, yé káh pó, ànê pilki, ànê lékyèh tɔ̀kɔ̀. Yé káh yĩn wekɪ ney tyí wɛ̀kì yah. ⁵ Anê, yáh kyɪ n̄ de kéte nê sɔ̀kɔ̀, yé wey gbenne, yé yo ne níkɛ̃: <Yèvinɪ ne n̄ me kéte mɛ̀ sɔ̀kɔ̀.> ⁶ Káh pɔ̀ yĩne ney me yèvinɪne n̄ yah n̄ kɔ̀ kéne kéte sɔ̀kɔ̀, yé yèvinɪ yénmɔ̀nɔ̀ mɛ̀ kɪ pi tɛ̃ wɔ̀ tyíle, yé mó tɛ̃ nénpó. Képah-à mó pí-ńkɛ̃ne, yé yèvinɪ yénmɔ̀nɔ̀ kɪ ké syɪ pɔ̀ yé tyí. ⁷ Tɔ̀npɪ ye yĩne n̄ tò pínó yòre wénóle. Képah ye, yáh

twah kéte nê sɔkɔ, pàh yé kɔ̃ yōke nêne, yé kè yō, ànê pàh yé kɔ̃ wɔ wɔ kwàh nêne, yé kè wɔ. Té, yé káh ne n vi n mɔ n twah n kɔ̃ gbéngbèn sɔkɔ. ⁸ Yâh kyɪ de kwil nê sɔkɔ, té pè yé tɛ̃nɔ̃ plɛ, pàh kwàh nêne yé kɔ̃, yé kè yō. ⁹ Yé mó yámpúle n de n mɔ, nónó-á me nɛnpó. Yé mó ne n yo kéne kwil tãn tyí ne níkɛ̃, Liyel tɔ̃rí-á yīni tɛ̃ te pé tyí. ¹⁰ Nte, yâh kyɪ de kwil nê sɔkɔ, té pè ne, yé káh twah pé tyí, yé wil kyɪ pé tówú tükè-ntàn sɔkɔ, yé mó yo ne, ¹¹ pé kwil nèngbɔ̃ nê ntɛ̃-á tahl̩ yé gbyêh tyí, yáh kɪ sè kwer kwe pé kɔ̃. Nte, pè pī ne, Liyel tɔ̃rí-á yīni tɛ̃ te.

¹² Mé kéle n yo yé tyí ne: Liyel tukey tuke sóle, Sodomu* kwil fóhnó ntɛ̃ kɪ fàhfàh kal kène kwil tyíle.»

Kwlo nónó-á yahle sɛ̃nóle Liyel yō

¹³ Yesu tɔ̃ yō sɔkɔ yo kwlo nɔ̃pi tyí sɔkɔ ne: «Yèvyâhrɪ me yé yō, Korasini ànê Betisayida tãn! Gb̩l tyi nónó-á pɪ yé tyí, sɛ̃nkɔ̃-à sò me pɪ Tiri ànê Sidō tãn tyí, pé Liyel wɛ̃kì tɛ̃nɔ̃ di náhkɪ me mo. Pè náhkɪ me yèkwɔ̃rɪ flo mɔ, té náhkɪ me pé piki syíle pé tyípêl nàhn̩pī gbónó sɔkɔ. ¹⁴ Nte, tukey tuke sóle, Tiri ànê Sidō fóhnó kɪ pɪ fàhfàh kal yépi tyíle. ¹⁵ Té, áwɔ-á, Kapernayumi, á se we ne, wáh kɪ yō dɔkɔ yīnyō? Pólle! A kɪ tiki yuku fɔ́ó lékókwil nyàh tɛ̃-nsah.» ¹⁶ Té tɔ̃ yo n tò sáhpú tyí ne: «Névi nê-à n nohnɪ yé tyí, nímo tyí ye tɛ̃ n nohnɪ, té nê-à yé yahle, nímo ye tɛ̃ yahle ànê ní tekɪ mó-ò tolɛ.»

¹⁷ Képah náh, tò sáhpú népī tikitōní pó gbām pó nínó nɔ̃pi pé syɪ pɔ de nìvìnì sɔkɔ, me n yo Yesu tyí ne, pé Yòtɛ̃, ñmo yīn yō, sétàn ntɛ̃-á me n sah pépi yóré yō! ¹⁸ Képah tɛ̃ne, à me yo pé tyí: «Mé sò sétàn yòtɛ̃ we, à wil yīnyō, à tiki ke núkú, à pɔ syɪkɪ pũ sɔ̃ yikiri yǎl. ¹⁹ Nte, yé yah, mé tɛ̃nwenɔ̃le yé kɔ̃: Yé kɪ n kɔ̃ vyeh, ànê mĩntyī yō. Anê yé kɪ fɛ̃ sépe tǎhkìle n yɪkɪ, té tir yó ntɛ̃ náh yé nɔ̃ n pi. ²⁰ Té yé káh ye yé nɪ vɪ sétàn sàhnó ó tyíle yé yóré yō. Nte, yé yé nɪ vɪ ne, yé yni-á me wárkínsàhnóle yīnyō.»

Yesu nɪ vínóle

²¹ Légbí-ó sɔkɔ, Yesu nɪ kah vɪ Liyel Mírki gbò yō. Képah sɔkɔ, à me ne: «Bɔ̃, áwɔ nê-á yīnyō, ànê sétáh nétɛ̃ne, mé ále n gbilki, áwɔ nê-á tyi nɔ̃pi wɔ̃bɪ yī pípú, ànê lékám̩pu yah, té séle wɛ̃np̩i wɔ̃ wɛ̃kɪ. Awe, bɔ̃, áwɔ dyɔ̃ yī tɛ̃ ye ne

* **10:12** 10.12 - Sodomu nê tyí-á yo, ké sɔkɔ névyɛ tyípêl pínó sò kah tɔ̃, fɔ́ó Liyel pɔ pé pól suke nyàhle. Kè yah n te Tyàhnó sɛ́béy 19 sɔkɔ.

kè pi sě. ²² N sú ye sé pólle ní gbò dahbi. Nte, ònî yó òtē náh Liyel pile n pne, né sú ó náh. Sě ó ye, ney to náh súle n pne, né píđí ó náh, ànê wăh me ké tyí ne, pé pé súle nê wěki.»

²³ Képah náh, Yesu ò yah vi ò tò sáhpú òinne, té yo pépi ó tyí: «Yèvini me yé tyí, yépi nóno-á tyí nópi we. ²⁴ Mé kéle n yo yé tyí ne: Liyel tēntōnè náhnáh, ànê yòtām náhnáh sò me ké tyí ne, pé sè we, té pè náh sè we. Té me ké tyí ne, yáh nóno noh, pé sè noh, té pè náh sé to we noh.»

Samarı kwil négbı yó sèmirkile

²⁵ Légbine, Liyel ògbò wěki kwó-ò yó sò ne, pé Yesu mo yah, té yuku yīn, à yo ò tyí ne nkě, kwó-ò dí, pé se ki pi sò, té ki tyé-nké min we ni? ²⁶ Yesu me yo ò tyí ne, tir nê se wárkínsàhnóle Liyel tyi sàhnó sébey soko ni? Tir nê se à me n kar ké soko ni? ²⁷ Dí me yo ò tyí ne, kăh me wárkínsàhnóle ne nkě, á Tě ògbě Liyel tyí-á yīne kè no á tyí á ni pólle, ànê á min pólle, ànê á tăhkì pólle, ànê á sōno pólle. Á ní-ò to tyí mó no á tyí á gblōy tyí kōle.† ²⁸ Wăh yo sě, Yesu me yo ò tyí: «Á yo ple. Képahle n pi, á ki tyé-nké min we.»

²⁹ Nte, dí mè sò me ké tyí ne, pé gbı we. Kăh pi sě, à Yesu syah ne, nê se péwo ní-òle ni? ³⁰ Yesu me à syah ne: «Dí yó ye lésò wil Yerusalemı, à me n tiki n yuku Yeriko soko, té kyı wil mo yípú yō. Pè me à tē ò gbăn yī pól tē syi, té à ko markı sah, té soko. ³¹ Té, kè po yīne, sárká wilkipu yòtē yó mó me n tiki n pi kéne wěkile. Wăh po dí mè we, à gbo soko fíı. ³² Képah náh, Levi yíkì ney yó to tō po yīni tē nénpó.‡ Nmō to-á à we sě, à gbo soko fíı. ³³ Nte, Samarı ney yó sò me n yuku kóló soko, té kyı dí yō doko. Nmō wo-á à we sě, ò yām à tē. ³⁴ Á me no de ò tnô, té òivē ànê niri mo ò níy yah, té sè pukubi. Té me à doko mo ò yēngbē níkwēndyíkì yō, à yuku òne népân twáh-ńsah yó soko, à kyı yah dah mo ò tyí soko. ³⁵ Ké dendalle, à me pó pló nínó§ wilki népân twáh-ńsah yòtē dí kō, té ne, à ne n yah n dah n mo dí mè tyí soko. Nkě, wăh ki sō gbò wilki à kah mo képah yō, pâh pé syı po gbı nêne, páh ki à dyah kéle.»

³⁶ Képah yóntenó náh, Yesu dí piki yah ne, òmo tē sōno soko, yípú-á dí nê pi yo, òmo ní-ò se nê tēne népî tōmí nópi soko ni? ³⁷ Liyel ògbò wěki kwó-ò me à syah ne, nê-á ò yām

† 10:27 10.27 - Yah n te Tōnyono sébey 6.5 ànê Levibi sébey 18.5 soko. ‡ 10:32

10.32 - Levi nole, pépi Liyel wòkò soko tōnpibule ye sò pi. § 10:35 10.35 - Ké

légbı pó pló nínó sò no gbıyíkì núkú tò pínó danne.

yah, ñmɔ-á. Képah tēne, Yesu me yo ñ tyí: «Á to kyí sēnkōle n pi.»

Yesu tēnó pèpeyne Marti ànê Mari tyí

³⁸ Té Yesu ànê ñ tò sáhpú-á sò me wěkì yō sě, à kyí de kwilpír yó soko. Té kéné kwil sê yó sò me, pè n ye Martile. Nmɔ me Yesu tē ple ñ gbô. ³⁹ Té gbě sê yó sò me ñ tyí, pè n ye Marile. Nmɔ sò me pɔ tē Tē ñgbě Yesu tnô, à ñ welole n nohni. ⁴⁰ Légbíne, Marti yah me n vyāh Yesu fèn pínó soko. A me pɔ yo Yesu tyí ne, pé Yòtě, pé gbě sê-á tò pól sah péwo ó kō, té pɔ tē ñ tnô, kè kó me tirlé ñ yah ni? A kó n yo ñ tyí, à péle n yohni n mɔ ni? ⁴¹ Nte, à me yo ñ tyí ne: «Marti, áwɔ me á gblōyne n kwlo, me á fɔkole n sô tyi náhnáh tyíle. ⁴² Nte, tir núkú ó tyí ye yōrele. Mari ye ké pèpey yah tɔkɔ, nê-á kè náh n tē n syi n yah n pi ñ tyí.»

11

Yesu-á kwónó nê kō niri pi dukù yō

¹ Só yóle, Yesu sò me Liyelle n ni fí yó soko. Wāh ni te, ñ tò sáhpú soko yó à syah ne, pé Yòtě, à pépi kwɔ Liyel ni dukùle, sō-á Wèlnwìlkì-ò Nsyō sò kéle ñ tò sáhpú kwɔ. ² Képah soko, à yo pé tyí: «Yāh Liyelle n ni, yé ne n yo ne níkě:

<Sú Liyel,

no pól kō pè ñ pī Liyelle.

Á tōrí kō kè pɔ.

³ Á sōmesó gbìyìkì yōkele ále n kō, nê-á kɔ n yīne n pi ále.

⁴ Nónó-á n pi n de ápi tyí, á ye me séle n yō n mɔ pé tyí.

Képah ye, ápi to tyípél yō mɔ á kō.

Anê, káh n ye à sétō tōnmɔnɔ fě n syi.»

⁵⁻⁶ Képah náh, Yesu tō yō soko yo pé tyí ne: «Yépi soko yó tyí kódí-à me, té à pɔ wil ñ tyí lénule ne níkě, pé kódí yó-á me wil kóló soko, à pɔ pé tyí, té yō yō kwāh náh me pé tyí kɔ à kō. Nkě, à deki pé kō búrn pló tónóle. ⁷ Nte, ní-ò mē-à nítyíno tē wòkò soko táh, té yo mɔ ñ tyí ne, à káh péle n kwlo, wòkò yah-á vike te núkúnúkú, péwo ànê pé wēnpì-á sě, pé náh fě yuku búrnne à kō n pi. ⁸ Mé kéle n yo yé tyí ne: dí mē-à sō yuku séle à kō-ńkēne pé kódírí yīnne, à kɔ yuku ñ yétô yī pólle à kō ñ nínó gblóvyáhrí tē wɔ yīnne.

⁹ Nte, nímo tē wɔ kéle n yo yé tyí ne: yé ne n ni Liyel tyí, à kɔ yéle n kō. Yé yáhnkōnole n pi, yé kɔ n wɛ. Yé wòkò yah mɔ, kè kɔ yíkɔ mɔ yé kō. ¹⁰ Sě ó ye, nê-à ni Liyel tyí, tē n wɛ n syi. Nê-à yah kō, tē n wɛ. Anê nê-à wòkò yah mɔ, kè

n ykɪ n mɔ tɛ̃ kɔ̃. ¹¹ Sú nê tɛ̃ me yépi sɔkɔ, n pi-à yɛ̃nkô ni n tyí, à kɪ wahyɛ à kɔ̃? ¹² Képah náh pɪ, wàh séngbí ni n tyí, à kɪ mɪ̀nkɔ̃nɛ à kɔ̃? ¹³ Nte, yépi nónó-á nɛ̀pɛ̀lle, yáh yé wɛ̃npɪ kɔ̃nó yah we yípeplɔle, sú Liyel nê-á yínyɔ̃, ñmɔ náh n pɪ ple n kal, à n Mírkíle ké yáhnkɔ̃pu kɔ̃ n pi di?»

Túkù nɛ, Yesu tɛ̃nwenɔ-á wil sétàn yòtɛ̃ Belsebuli tyí

¹⁴ Só yóle, Yesu sò me sétò yóle n yini n wilki dí yó sɔkɔ, nê-á à kɔ̃ à wɛkɪ kwɔ. Sétò-á fyò wil dí mè sɔkɔ, dí tyah n wɛkɪ, kè pɪ gbɛ̀ndùnɛnɛ tówù tyí. ¹⁵ Té túkù mó sò me n yo nɛ níkɛ̃, sétàn yòtɛ̃ Belsebuli gbò yò-á à n yini sétànne. ¹⁶ Túkù mó n mónyah yinne, me n yo n tyí nɛ, à gbɪl yó pɪ pé yah, nê-á n wil yínyɔ̃.

¹⁷ Nte, Yesu-á pé fókósɔnɔ pɪ sɛ̃, à yo pé tyí: «Kwil nê névye-à gbekɪ tyah wɛ̃nɛ n fwo, kéné kwil kɪ pɔ ykɪ, ké vɪ kɪ syɪkɪ dohnɪ wɛ̃ yò. ¹⁸ Nte, yáh nɛ níkɛ̃, sétàn yòtɛ̃ gbò yò-á ñmɔ sétànne n yini-à; sétò-à tyah n gblɔ̃yɛ n fwo, n yòtɔ̃rí se kɪ n wù n pi? ¹⁹ Nte, ñmɔ-à me séle n yini Belsebuli gbò yò, té yépi pye wɔ-á dò, nê gbò yò me pépi n yini séle wé? Pépi ntɛ̃ ye kɪ lékàhle yé kɔ̃. ²⁰ Nte, Liyel gbò yò-à mé n yini sétànne, képah n wɛkɪ nɛ níkɛ̃, Liyel tɔ̃rí-á yini tɛ̃ yé tyí.

²¹ Tàhkì-á me dí nê sɔkɔ, ànê méfwóyɪle n tyí, wàh n kétele n syɪkɪ, tir yó ntɛ̃ náh fɛ̃ n gbà̃n yɪ nɔ n pi. ²² Nte, nê tãhkì-á kal n tyíle, ñmɔ-à pɔ, té tɛ̃ we n tyí, à kɪ n méfwó yɪ tɛ̃ syi, wãh sò me n gbò sah nónó yò, té kɪ n wòkò yɪ kwel dibi. ²³ Képah ye, névi nê náh me ní pèpey nɛyɛ, ní pèlney ye tɛ̃nɛ. Névi nê náh ñnɛ n yohnɪ n mɔ tükènmɔnɔ sɔkɔ, tɛ̃ me kárkínóle n pɪ.»

Sétò-à wil névi sɔkɔ, à n fɛ̃ n syi n pɔ

²⁴ «Sétò-à wil névi sɔkɔ, à n kyɪ gbɛ̀nnɪ kɔ n kɔ, n m̀-̀nsah yah n kɔ̃. Wàh wé-̀ríkɛ̃nɛ, à n yo n gblɔ̃ tyí nɛ, páh sò wil ñyáh sɔkɔ, páh kɪ pé syɪ yuku nɛ̀npó. ²⁵ Wàh n syi, à n kyɪ n tɛ̃-̀nsah dyàh we yàlntɔ̃nsàhnóle, pléntnɔ. ²⁶ Képah tɛ̃nɛ, sétò mè n kyɪ sé no sétànno kwãrnɛnɔ syah, nónó-á peke kal ñmɔle. Sè n kyɪ n de n tɛ̃ tɛ̃ sɔkɔ. Kàh pɪ sɛ̃, tɛ̃ mè dùkù ké syɪ n peke n kal n gben tɛ̃nɛ.»

Yevini kègbɪle

²⁷ Képah tɛ̃nɛ, Yesu-á me képah yónó sɔkɔ, pi yó tɛ̃ tówù niyó sɔkɔ, té yo mɔ n tyí yínpɔ̃ ñgbɛ̃nɛ nɛ, sè nê fɔkɔ sɔkɔ-á

à wil, té n̄ yínó yĩ, yèvinu-á me n̄ tyí. ²⁸ Nte, Yesu me yo pi tyí: «Yèvinu ye pyè me névyé tyí, nónó-á Liyel weyne n nohni, té ké tyile n pi ké wèkì yõ.»

No gbìl yó yah kō Yesu tyí

²⁹ Képah sòkò, névyé-á pò n tuke n mọ Yesu tnô, à tyah n yo ne: «Kwey gbì névyéle, népèl ye péle, pè me gbìl yóle n yah n kō. Nte, kèyàh òtè náh n pi pè wèkì n pi, à wil Liyel tēntò syínyo-ò Yonasí tyí sòkò. ³⁰ Sǒ-á Yonasí lésò pi kwní yónmònlè Ninivi tǎn tyí, sǐ ó ye, Névi Pi tó kɪ pi kwní yónmònlè kwey gbì névyé tyí.

³¹ Pi nê-á lésò yòtēne Saba sétáh yõ, à lésò wil fíí sétáh yin tyí, à pò yòtē dí Salomo lékám welo noh. Nte gbɪ yõ, ney me ásô, nê-á kal Salomole. Kǎh pi sǐ, Liyel fó tukey tuke sóle, kéne yòtē pi kɪ yuku kwey gbì névyé tyí, kɪ lékǎhle pè kō.*
³² Anê tǒ, Ninivi kwil tǎn lésò fē syi Liyel wèkì tē, Yonasí-á Liyel tēntò yo pé tyí. Nte, ney me ásô, nê-á kal Yonasile. Kǎh pi sǐ, Liyel fó tukey tuke sóle, Ninivi kwil tǎn kɪ yuku kwey gbì névyé tyí, kɪ lékǎhle pè kō.»†

Liyel yõ sēnó kyòole

³³ «Névi se kɪ fòtnò soh wòbɪ, képah náh pi, kɪ dú kwĩnki mọ ké yah? A náh kè sah n pi fòtnò sahki sòkò, kyòò we yinne wòkò sòkò dépú tyí di? ³⁴ Sǐ ó ye, á yí ye á wil kyòole. Á yí-à me ple, à wil tó pól n ne me kyòò sòkò. Té, á yí-à me plé-ńkēne, á wil pól n ne me fēntú sòkò. ³⁵ Á gblǒy kyòmɪ yíi, kyòò nê-á á sòkò, kè káh ne me fēntúne. ³⁶ Té á wil pól-à me kyòole, fēntú tyah kēne ké sòkò, á kɪ me kyòole, sǒ-á fòtnòle kyòò á tyí.»

Yesu náh kè yo nekɪ Farisiyēnò ànê Liyel ñgbò wèkì kwópú sòkò

³⁷ Yesu-á wèkɪ te, Farisiyē dí yó à ye yòke yõ yinne n gbò. Képah tēne, pè de à tē yòke yah. ³⁸ Farisiyē mē-á Yesu we, à tyah n yõ té à náh n gbǎn wu Nsyifunò wu dùkùle, kè n gbǎn du.

³⁹ Képah tē sòkò, Yesu me yo n̄ tyí: «Sǐ ó ye, yépi Farisiyēnlè, yè wóhló ànê yēyónvyò náhló wu n tǒ n sah, té yé fòkò táhló n ne n me yúkúnóle pèkè, ànê yĩbe dékè tyile. ⁴⁰ Lékám kē névyé nópi, nê-á mọ vyó náhlóle, à náh

* **11:31** 11.31 - Yah n te Yòtām sébéy ghen 10 sòkò. † **11:32** 11.29-32 - Yonasí tyíle, yah n te Yonasí sébéy 3 sòkò.

sé sɔkɔ táhló tɔ mɔ di? ⁴¹ Yé sé sɔkɔ táhló yî yî yãm tân kɔ! Képah-à pɪ, sé pól kɪ pɪ pallɛ yé tyí.

⁴² Yépi Farisiyɛnɔlɛ, pèkè mɛ yé yô! Yě yímî ànê swāh sɔkɔ pɛnfɛnè pól gbām-òńóle Liyelle n kɔ. Nte, yě n yahle tɔnsāhnɔnɔlɛ névye tyí, ànê Liyel tyí náh nɔ yé tyí. Képah nê tɔ-á sò yé yĩne yè ne n pɪ gbɔnwòkò kɛne. ⁴³ Yépi Farisiyɛnɔlɛ, pèkè mɛ yé yô! Yě tẽ-ńtàn gbrolɛ n yah n kɔ Liyel ní-ńtàn vî sɔkɔ, ò té ne mɛ ké tyí ne, névye ne n tɔ n sah n wɛkɪ n pɔ yé tyí tówú tẽ-ńtàn sɔkɔ. ⁴⁴ Pèkè mɛ yé yô, yépi nónó-á mɛ á kɪ ne, léyâl nírinó sɔ, névye n ne n kɔ sé yô, pɪ-ńkɛne.»‡

⁴⁵ Yesu-á yo sɛ, Liyel ñgbò wɛkì kwó-ò yó à syah ne, kwó-ò dí, wāh mɛ n wɛkɪ sɔ, pépi tɔ-á à n gbyɔ dé! ⁴⁶ A mɛ yo ñ tyí: «Yépi Liyel ñgbò wɛkì kwópú tolɛ, pèkè mɛ yé yô! Yépi nónó-á ńkɛne nɔ twah n mɔ tókópèlle, té yé náh n fɛ n syi n so n mɔ pé tyí kɛngbɔ núkú fyéle. ⁴⁷ Pèkè mɛ yé yô, yépi nónó-á Liyel tɛntò syínyopu léyâlɛ n tɔ n sah n mɔ, té yépi náh tân ye mó tɔ ko mɔ péle. ⁴⁸ Képah n wɛkɪ ne, yáh yé súbí tyípínó fɛ syi. Pépi-á Liyel tɛntò syínyopu ko mɔ, té yépi sɔnpí pé léyâlɛ n tɔ n sah n mɔ. ⁴⁹ Képah ye sò Liyel yo lékám sɔkɔ ne ńkɛ: <Mé kɪ tɛntò syínyopu tekɪ mɔ pé kɔ, ànê tɛntòbele. Pè kɪ pé tókù ko mɔ, té kɪ tókù fòh.>

⁵⁰ Káh pɪ sɛ, Liyel kɪ kwey gbí névye fòh n pi Liyel tɛntò syínyopu nópi yinne, nónó-á ko mɔ kèkòyó mɔ gbí dukule, ⁵¹ à tɔkò Abeli kònmɔnɔ tyí, à pɔ syi Nsakarɪ kúnó tyí, nê-á ko mɔ sárká wílki-ńsah, ànê Liyel ní-ńsah wòkò ñgbɛ wrò. Gbɪ yô, mé kéle n yo yé tyí ne: kwey gbí névye kɪ n fòh n pi képah yinne. ⁵² Pèkè mɛ yépi Liyel ñgbò wɛkì kwópú yô, yépi nónó-á Liyel wɛkì wɛnpĩnɔ yah kɔ névye tyí. Yépi náh mɛ n kɔ kéle, té nónó-á se ne, pé ne n kɔ kéle, yé pépi yini mɔ.»

⁵³ Képah sɔkɔ, Yesu wílntɛnɔ náh nɛnpó, Liyel ñgbò wɛkì kwópú, ànê Farisiyɛnɔ pé fòkò vyāh ñne kɛgbɪle, té tyah ñne n piki n yah tyi duke duke pól yô. ⁵⁴ Pè sò mɛ ñne n mɔ n yah ne, à pilki ñ vyāh wɛlɔ sɔkɔ pé kɔ pé à wɛ tẽ.

12

Gblɔy kyòmìnóle vyɛnnìnì wékínóle

¹ Képah sɔkɔ, nékwíńkí-á tuke mɔ tnónóle gbí nêne fóó, mɛ wɛ gbyɛhne n suki, Yesu tyah n yo ñ tò sáhpú ñgbò tyí:

‡ 11:44 11.44 - Nsyifunɔ tyí, léyɛkì yô kónsɔkɔnɔlɛ, Liyel dɛl ye.

«Yé yé gblɔy tẽ Farisiyẽno vyẽnnini wékínóle, képah nê-á n tɔ n mo kókónó tyí kɔle mífáhki sɔko. ²⁻³ Tyi nónó pól-á yé n yo fẽntũ sɔko, sè ki po noh gb̃intõle kyòo yah. Anê nónó pól-á yé n plo n yo wẽ níkiló yey, wòkò sɔko táh, sé pól kwni ki po kɔ gb̃entĩn yõ. Képah ye, tyípil yó ntẽ náh me, nê-á ki n wũ n pi wilkĩnmɔ-ńkẽne. Sètĩn sò tir yó ntẽ náh me, nê-á ki n wũ n pi pí-ńkẽne.»

Nê tiki-á yĩne pínóle

⁴ «Mé kéle n yo yé tyí ne, yépi nónó-á ní kódíbile: yé káh névyé yah tikiile n pi, nónó-á wil kò óle n ko n mo n pne, té pé náh tɔ tir yóle n pi n kah n mo n pne képah yõ. ⁵ Nê yah tiki-á yĩne pínóle, mé ki ñne yé wẽki: Liyel nê-á ki fẽ névi wil kò kònmontenɔ náh, ki ñ min dah mo tyé-ńkẽ nyàh sɔko, yé ñmo tikiile n pi. Mé kéle n yo yé tyí ne ńkẽ: yé tẽ wo tikiile n pi. ⁶ Ntẽnpinó kwlo náh n yã pópiki pló nínóle di? Nte, Liyel dyo náh n fwɔ sépi nukú yó ntẽ tyíle. ⁷ A wil képah sɔko, yé yòyén ntẽ pól dan me pínóle Liyel tyí. Káh pi sɛ, yé káh tiki pi. Yépi tyí náh tah kal ntẽnpĩ kwĩnkile di?»

A Yesu fẽ syi, képah náh pi, à à yahle

⁸ Képah náh, Yesu tɔ yo pé tyí: «Mé kéle n yo yé tyí ne: nê-à kè yo dal mo névyé yí yah ne ńkẽ, páh me ñmo tyí yõ, Névi Pi tɔ ki kè yo Liyel yinyõ tẽntõnè yí yah ne ńkẽ, wãh me pé tyí yõ. ⁹ Nte, nê-à ní yahle névyé yí yah, Névi Pi tɔ ki à yahle Liyel yinyõ tẽntõnè yí yah. ¹⁰ Névi nê-à Névi Pi yĩpo yo, kè ki yõ mo tẽ kɔ. Té nê tẽ wo-à Liyel Mírki gbyo, kè náh n yõ n mo n pi ñ tyí.

¹¹⁻¹² Pàh yé tẽ kyi tükè-nsah Liyel ní-ńtàn vì sɔko, képah náh pi, yah tãm tyí, képah náh pi, yòtãm tyí, Liyel Mírki ki yé kwɔ nénpó swɔ, yáh ne nê yo n pi. Képah ye, yé káh ye yé yáh-nsah tyɛ, yáh ne n yo n wil n pi sɔ.»

Lékãm kɛ tãh dí sèmĩrkile

¹³ Tówũ niyó sɔko, ñnĩ Yesu syah ne, pé kwó-ò dí, à yo pé nénkyí dí tyí ne, à ye pé pé sú gb̃ɛki dibi. ¹⁴ Képah tẽne, Yesu me yo ñ tyí: «Ñ dí, nê sah ñne ne, mé yéle n tuke, tĩ ne, mé yé gb̃àn yĩle n dibi?» ¹⁵ Képah sɔko, té yo pé tyí: «Yé yé kyomɩ tahrɩ dékè kápékèle! Tahrɩ-à sɔ me sɔ névi tyí, képah náh fẽ minne à kɔ n pi.»

¹⁶ Képah sɔko, à tɔ sèmĩrkĩ yó yãh pé tyí ne: «Tãh dí yó lésɔ me, ñ swãh pekɩ yíi ñ tyí. ¹⁷ Képah tẽne, à tyah n sɔ ñ

fɔkɔ sɔkɔ nɛ, n̄tɛ, sɛmukɔ mɔ́-ńsah náh se me fwɔ́o pé tyí, sɔ́ se pé kɪ pɪ nɪ? ¹⁸ Dǒ, à nɛ, páh kɪ nê pɪ n pi, képah á yò: Páh kɪ pé díké sɔkɪ, té kɪ sè tǒ mɔ gblò gblò, kɪ pé gbàn yí pól mɔ sé sɔkɔ, ¹⁹ té kɪ yo pé gblǒy tyí nɛ, páh yò, yòke dò-á me pé tyí pé gbò sò ye náhnáh yinne. Núkúnúkú, páh kɪ n mɪ, té kɪ n yò, té kɪ n wɔ, té kɪ nìvìle n pɪ pé dyɔle. ²⁰ Nte, Liyel me yo n̄ tyí: «Lékám kě névi! Kwey lékâh n̄tɛ sɔkɔ á min kɪ n syi n pi á tyí. Té yí nónó-á á tuke mɔ sah, sè kɪ pɪ nê tyíle?» ²¹ Képah sɔkɔ, Yesu nɛ: «Névi nê-à tahrile n yah n koh n sah n̄ gblǒy tyíle, té Liyel fɔ́ tyí yáhnó yahle, sɛntɛ ye n nɔ tɛne!»

Sɔnɔ sàhnóle Liyel ó yò

²²⁻²³ Képah náh, Yesu yo n̄ tǒ sáhpú tyí: «Névi min tyí náh tah kal yòkele, wil tyí me tah kal flɔle di? Képah ye, mé kéle n yo yé tyí nɛ: yé káh yé fɔkɔle n sò, yáh nɛ wɛ n yò n pi sɔ́, ànê yáh nɛ yé wil flo wɛ n mɔ n pi sɔ́. ²⁴ Yé yah ñgbòlɔle kè: Sè náh sɛmukɔle n duku, sè náh sɛmukɔle n tɔkɔ. Díké ànê sɛmukɔ kóhnsàh-ntàn tɔ náh me sé tyí, té Liyel séle n pu. Nte, yépi tyí náh tah kal kèpyele di? ²⁵ Yépi sɔkɔ, nê tɛ kɪ fɛ kwéyy n̄tɛ fyé dohnɪ n̄ min wénó yò n̄ fókósɔnɔ gbò yò? ²⁶ Tɛnwɛnɔ-à mé-ńkɛne yé tyí, à fɛ sɛntɛ tir tyíí n̄tɛ fyé pɪ n pi, sɔ́ pɪ, té yé yé fɔkɔle n sò yí téló tyí sɔkɔ?

²⁷ Yé filfi pɪ dükùle n yah kè: Sè náh tǒle n pɪ, sè náh flɔle n tǐ. Nte, mé kéle n yo yé tyí nɛ: yòtɛ Salomo n̄tɛne n̄ tahrɪ pól sɔkɔ, à náh flo pèplo wɛ mɔ yah filfi nópi sɔkɔ yó n̄tɛ kètòle. ²⁸ Filkǐ nê wɔ-á gbɛnnɪ sɔkɔ kweyne, té kɪ pɔ n suke n pi ńsòne, Liyel-á képah fi pɪ palle sɛ, à náh n yah n dah n mɔ n pi yépi flo tyí sɔkɔ à kal sɛpile di, Liyel yò sɛnyí-ńkɛpú nópi? ²⁹ Káh pɪ sɛ, yé káh yé gblǒyne n kwlo yé yòke, ànê yé wɔ wɔ yí yáhnkɔnɔ tyí sɔkɔ. ³⁰ Kèkòyó mè sɔkɔ, Liyel pǐ-ńkɛ névyé ye ńkɛne nɛ n yah n kǒ sépi pólle tyé-ńkɛne. Nte, yépi tɛ wɔle, yé sú Liyel pǐ nɛ, sé yétò-á me yé tɛ. ³¹ Káh pɪ sɛ, yé Liyel tǒrí ñgbò yah n kǒ! Képah sɔkɔ, à kɪ yí téló dohnɪ yé kǒ. ³² Kè ye nɔ yé sú tyí, à n̄ tǒríle yé kǒ. Képah ye, yé káh tíkí pɪ, tǔnpir yípêy!

³³ Yé yé gbàn yí yām, yé mó sé yí yām tǎn kǒ. Yé tahrile n yah n sah Liyel fɔ́, képah nê-á kè náh n ykɪ, kè náh se n tyɛ. Yípu náh fɛ n kyɪ nɛnpó, sóhrí tɔ náh fɛ sè yò. ³⁴ Sɛ ó ye, á tahrɪ-à me nyāh, á sɔnɔ tɔ n nɛ n me nɛnpó.»

Gblǒy v̄insàhnó tyí sɛmirkìle

35 «Yé ne me yé vi sah tǝ pi pi tǝne, yé mó yé kno fǝ mǝ, yé fǝtnǝnǝ mó ne me kǝntǝnǝle. 36 Yé ne me á ki ne tǝnpi bi sǝ, nǝnǝ-á nkǝne me pé yǝtǝ syíkintǝnǝ sǝko ne, wǝh ki wil fúr pí-nsah, à pǝ n de, té ki fyǝ wǝkǝ yah mǝ, pé núkú kǝ yiki mǝ à kǝ. 37 Yǝvini me pé yǝ, tǝnpi bi nǝnǝ yǝtǝ-à n syi pǝ pǝ we, pǝ me yǝhnǝ sǝko. Kǝgbi yǝ, mé kéle n yo yé tyí ne: yǝtǝ mè ki n tǝ pi pi flo mǝ, té ki yǝkele pǝ kǝ pǝ ki yǝ. 38 Té wǝh se me n syi pǝ lǝnile, kǝpah náh pi, tyah dal gbǝne, té pǝ me n syíkínǝ sǝko, yǝvini me pé yǝ! 39 Yépi ntǝ pí ne, gbǝntǝ dí-à pí gbǝ nǝ-á yǝnwǝ ki n pǝ n pi n tyí, à náh n ye à kǝ à n we n de n pi n gbǝ. 40 Névi Pi ki n pǝ n pi gbǝ nǝ-á yé náh me n pǝnǝ tyile n sǝ. Kǝpah ye, yépi tǝ yé gblǝy vi sah.»

Tǝnpi sǝré ney ànǝ yǝpiki neyne

41 Kǝpah sǝko, Pyeri Yesu syah ne, pé Yǝtǝ, pépi ó yǝn se à n yǝh sǝmǝrkǝ mǝne, tǝ no pǝl yǝn se ni? 42 Á me yo n tyí: «Gbǝ tǝhrǝ kyǝmǝ-ǝ négbǝ lékǝm névile, nǝ me? Nmǝ pi névile, nǝ-á n yǝtǝ dí ki à pi n kéte kyǝmǝ-ǝle. Té à ki tǝnpi bi télǝ yǝkele péle n kǝ ké kǝ gbǝne. 43 Yǝvini me n tǝnpi mè tyí, yǝtǝ dí-à n syi pǝ à we à me kéne tǝle n pi. 44 Kǝgbi yǝ, mé kéle n yo yé tyí ne: wǝh ki à pi n gbǝn yǝ pǝl kyǝmǝ-ǝle.

45 Nte, tǝnpi mè-à tyah n sǝ n fǝko sǝko ne nkǝ, pé yǝtǝ dí-á ki mo pǝ-nsah, té tyah pé no tǝnpi bile n ko, pé syǝ, pé díbi, té me n yǝ, me wǝ wǝ yǝle n wǝ, à sǝtǝnǝne n pi, 46 yǝtǝ dí ki pǝ n yǝ dǝko sǝ yǝle, à náh me nǝ sǝ sah, ànǝ gbǝ yǝ sǝko, à náh nǝne n pne. Á ki pǝ à fǝh kǝpékǝyǝ, té ki à dyah Liyel tyí yǝhlepu dyah dǝkǝle. 47 Nmǝ nǝ-á n yǝtǝ dyǝ yǝne n pne, té à náh n gblǝy vi à kǝpahle n pi, à ki ko náhnáh we. 48 Nte, névi nǝ-á sǝ me kǝ pi n pǝ-á nkǝ sǝko, té yǝne ko syínǝle, nmǝ ki ko kwéyy we. Pǝh névi nǝ kǝ náhnáh, náhnáh ki yah kǝ tǝ tyí. Anǝ náhnáh-à névi nǝ gbǝ dahbi, náhnáh tyí ki piki yah kal tǝ tyí.»

Gbékínǝ nǝ-á ki pi Yesu yǝnne

49 Kǝpah náh, Yesu tǝ ne: «Nyǝh ye mé pǝ sǝtáh yǝ. Té mé sǝ me ké tyí ne, kǝ ne me kǝ te! 50 Nmǝ yǝne mè n de n wil yǝvyǝhrǝ yǝ sǝko, té kǝ náh se me n pi!

51 Yé se me n sǝ ne, yǝvini-á mé pǝ mó-nsah sǝtáh yǝ? Jǝ dé! Mé kéle n yo yé tyí ne: gbékínǝ wǝ-á pyǝ. 52 Kǝpah ye,

à tɔkɔ núkúnúkú tyí, népí kwâl-à me kéte núkú sɔkɔ, pè kɪ gbekɪ: Tǒmí kɪ tyah nímíne n fwo, nímí kɪ tyah tǒmíne n fwo. ⁵³ Sú yó kɪ tyah n pídíne n fwo, pídí yó kɪ tyah n sùle n fwo. Yú yó kɪ tyah n písèle n fwo, písê yó kɪ tyah n yúne n fwo. Yú yó kɪ tyah n pídí kyile n fwo, pídí kyí yó kɪ tyah n pɛ yúne n fwo.»

Tyi yáhnpiñɔle, té kɪ á pi òkù pĩ

⁵⁴ Yesu tǒ sò me n yo tówú tyí: «Yĩnyõ yah yó me, yâh nýírkí we ké nénpóle, yé n yo nénpó swɔ ne, pũ-á kɪ pi. Té, kè n mó n pɔ n pi sɛ. ⁵⁵ Anê yah yó me, yâh fyò yáhkí we kè kǒ wil nénpóle, yé n ne, tyah vyáhnó kèpèkè-á kɪ tyah. Té, kè n mó n pɔ n pi sɛ. ⁵⁶ Yínvĩ névyè nópí! Yé fɛ sétáh ànê yĩnyõ òkù wɔle n pne. Té sǒ pi, tyi nónó-á n pi kwey gbíne, yé nâh fɛ sépi pĩ?»

A tukey dyàh tɛ yé wró tǒ sah á ní-òle

⁵⁷ «Kwâh nê pi, té yé nâh pi òkù pèpeyne n sǒ n tɛ n pne yé gblǒy? ⁵⁸ Sǒ-á, tir-à me yé wró ànê á ní-òle, té à n tɛ n yuku tùkè-nsah tukey tùkè-ò tyí, gbah n tɛ tir mè yah wah wɛkí yah. Kèpah-à pí-ńkɛne, té à kyí ále tukey tùkè-ò gbò dahbi, tukey tùkè-ò me kyí ále sràsyíbi tyí, té pépi me n dah mɔ wòkònpèkè sɔkɔ. ⁵⁹ Mé kɪ kè yo dal mɔ á tyí ne, á nâh n wil n pi nénpó, né á nâh kǒh mè pól dyah te pnépné.»

13

Liyel wɛkí tɛ, kèpah nâh pi, á tyí kɪ yíkɪ

¹ Légbí mè-ó sɔkɔ, nòsyó pɔ yo Yesu tyí ne, yòtɛ Pilatí-á lésó Kalile tãn yísyó ko mɔ, té pè sah sárká wilkínó sɔkɔ, pé tó kwe fɛkɪ sárká tó sɔkɔ. ² Kèpah sɔkɔ, à me pè syah ne: «Yé se me n sǒ ne ńkɛ, Kalile tãn nópí-á tyípèl pi kal pé kwil tãn pólle, té yí mè pè nɔ? ³ Jǒ dé! Mé kéle n yo yé tyí ne: yâh Liyel wɛkí tɛ-ńkɛne, yé pól tyí kɪ n yíkɪ n pi sɛ.

⁴ Anê, Silowe wòkò kèyy-á syíkɪ tũ népí gbõnkwardòmú nónó yò, à pè ko, yé se me n sǒ ne ńkɛ, pépi pèkè pínó-á kal Yerusalemú kwil tãn pól tyíle? ⁵ Jǒ dé! Mé kéle n yo yé tyí ne: yâh Liyel wɛkí tɛ-ńkɛne, yé pól tyí kɪ n yíkɪ n pi sɛ.»

Syi-ńkɛ sènsóké sésowò sèmirkìle

⁶ Kèpah nâh, Yesu tǒ sèmirkí yó yâh ne: «Dí yó tyí sènsóké sésowò sò me n òwɛ sésân swâh sɔkɔ. Wâh pɔ ké pye yáhnkò-ńsah, à nâh kwâh yó we ké sɔkɔ. ⁷ A me yo n swâh tǒ-ò dí tyí ne, à yah, ké ye tǒ-ò-á yò, pé me pyele n yah n kǒ n pɔ

sènsóké mè sɔkɔ, té pé náh me kwâh yó nítěne n we ké sɔkɔ. Nkě, à kè kō fě! Yō se tō me ké tyí kè tē sétáhle n wal nɪ? ⁸ Wǎh yo sě, dí mè à syah ne, pé yõtě dí, à ye ké yō nítō, kè kwetyí pɪ. Páh kɪ swɔ gbɔ kè kore vi, té kɪ tũ mɔ ké sò. ⁹ Kàh pɪ sě, gbòkénpɪ gbí yóle, kǎh kɪ syi. Képah-à pí-nkěne, à kè fě.»

Yesu sê nédô yó de mɔ mi mi yòh sóle

¹⁰ Mɪ mi yòh só yóle, Yesu sò me névyele n kwɔ Liyel ní-nsah wòkò sɔkɔ. ¹¹ Té, pi yó sò me nénpó sétòle n sɔkɔ, me à pɪ nédòle fóó, ye gbõnkwardtõnɔ. A sò me kòntěnóle, té à náh fě n tɔrɪ n te n pi. ¹² Yesu-á pi mè we sě, à à ye té yo n tyí: «Pi, á ye dénmonɔ we á dónó yam sɔkɔ.» ¹³ Té me n gbǎn sah n yō. Nénpó swɔ, à núkú n tɔrɪ tómm té tyah Liyelle n gbilki.

¹⁴ Képah sɔkɔ, pi mè-á dénmonɔ we sě mi mi yòh sóle, kè Liyel ní-nsah wòkò yõtě fɔkɔ vyǎh. A me yo tówú tyí ne, sèpìn kénúkò-á tò pɪ pɪ sèpìnne. Pǎh sò yĩne pè pɔ à kō à pè de mɔ kéne sèpìn ó sɔkɔ. Nkě, pè náh yĩne pè pɔ mi mi yòh só tɔle. ¹⁵ Wǎh yo sě, Tě ñgbě yo n tyí: «Yĩnvĩ névyé nòpi! Mɪ mi yòh sóle, yé nénúkú núkú pól náh nkěne yé nyeh, képah náh pɪ, yé ñkwěndyínì de sé yòke krótónè tnô, n kyɪ sè kō sě ni wɔ di? ¹⁶ Té pi mène, nê-á Abrahamɪ náh neyne, sétõ pukubi sah pópó, ye gbõnkwardtõnɔ, ñmɔ náh sò yĩne dénmonɔle kéne púkúbínó sɔkɔ mi mi yòh sóle kè!» ¹⁷ Képah těne, Yesu wey mè senne n fwópú pól tē, té tówú pól sò me nìvì sɔkɔ Yesu tyísnó nòpi pól pínó yĩne.

Liyel tǔrí me kwâh nê tɔ?

¹⁸ Képah náh, Yesu tō ne: «Liyel tǔríle, kè me kwâh nê tɔ? Mé kɪ kè tɔkɔ sǎh kwâh nêne? ¹⁹ Kè me tyíĩ, á kɪ ne séswò yó pi sò, nê-á pè n ye mútárdìle: Dí yó tɔkɔ, à duku n swǎh. Kè fi pɪ séswòle, té kèpye pɔ sé syè pɪ ké yĩngbǎn tyí.»

²⁰ Té, tō ne: «Mé kɪ Liyel tǔrí tɔkɔ sǎh kwâh nêne? ²¹ Kè me á kɪ ne kókónó sò, sê yó tɔkɔ mɔ fǎh dú yí tǔnó mi sɔkɔ kè pól kō kè dɔkɔ.»

Dé-nsah fĩle

²² Képah náh, Yesu me yō sɔkɔ n yuku Yerusalemɪ, té névyele n kwɔ n yuku, wǎh n kah kwlo ñgbnɔ ànê kwlo pɪ nónó sɔkɔ. ²³ Képah sɔkɔ, ñnî yó me à piki yah ne, pé Yõtě, névyé kwéy ó se kɪ de Liyel tǔrí sɔkɔ nɪ? A me pè

syah ne: ²⁴ «Mé kéle n yo yé tyí ne: névye náhnáh kɪ syõ-nsah yah kɔ̃ ne, pé we n de Liyel tɔ́rí tyah sɔkɔ̃ nê dé-nsah-á me fĩ, té pè náh fẽ n tẽ. Képah ye, yé gbah n tẽ n we n de ké sɔkɔ! ²⁵ Gbontẽ dí-à pópó pɔ yuku wòkò yah tẽ mɔ, té yé me kégbó, yé kɪ tyah wòkò yahle n mi, té kɪ me yo tũ ne, yé Yòtẽ, à yikɪ mɔ yé kɔ̃. Nte, à kɪ yo yé tyí ne, pé náh yéle n pne. ²⁶ Képah sɔkɔ, yé kɪ tyah n yo ñ tyí ne nkẽ, yáh yòke yõ, té ni wɔ wẽ tyí ñne, ànê yépi tówú tükè-ntàn sɔkɔ-á à kwónó pi. ²⁷ Képah sɔkɔ, à kɪ yo yé tyí ne, pé náh yéle n pne. Nkẽ, yé gbe mɔ péle, yépi nónó pól-á tyípèlle n pi. ²⁸ Képah tẽ sɔkɔ, yáh pópó Abrahmɪ, ànê Yisakɪ, ànê tɔ́ Liyel tẽntò syínyopu pól we, pè me Liyel tɔ́rí sɔkɔ, té yépi me yĩni mɔ dénóle, légbíne, gbní ànê yní táhnó ye kɪ pi yé tyíle. ²⁹ Té névye kɪ wil kèkòyó ywõ ywõ pól sɔkɔ, kɪ pɔ yòke ñgbẽ yõ Liyel tɔ́rí sɔkɔ. ³⁰ Káh pi sẽ, nétéló túkù kɪ pi négbrole, té négbro túkù kɪ pi nétélóle.»

Yesu ne, páh kɪ ku Yerusalemɪ

³¹ Légbíne, Farisiyẽno yísyó nɔ de, té yo Yesu tyí ne, yòtẽ Yerodɪ-á me n yah n kɔ̃ ñ kònmo-nsahle. Képah-á, à yal n to ásô. ³² Képah sɔkɔ, à me yo pé tyí: «Yé kyɪ yo kéne áswõ pléy mè tyí ne, máh kɪ sétàn yĩni, té kɪ dénmɔno pi kweyne, ànê nsône, té nsô náhle, káh kɪ tyé. ³³ Nte, Liyel tẽntò syínyo-ò náh yĩne kúnóle tyah yó, né Yerusalemɪ sɔkɔ náh. Képah ye, mé yĩne mè n yõ n sɔkɔ í wèkì kólóle, kwey, ànê nsô, ànê tɔ́ nsô náhle.

³⁴ Yerusalemɪ tãn, Yerusalemɪ tãn, yépi nónó-á Liyel tẽntò syínyopule n ko n mɔ, té Liyel-á nónó tekɪ mɔ yé kɔ̃, yé pépile n minki n ko dyèhle. Gbáhyí sɔ́ pól me mé kè yah kɔ̃ ne, mé yé tuke mɔ, sɔ́-á sɔ́n n tuke n mɔ ñ pyele ñ kâm sò sɔkɔ, té yé náh fẽ syi. ³⁵ Káh pi sẽ, Liyel kɪ ñ náh vi yé kwil kɔ̃. Té mé kéle n yo yé tyí: yé náh tɔ́ ñmɔ we n yah n pi fókò, kɪ pɔ syɪ gbí nê-á yé kɪ n yo ne nkẽ: «Nê-á n pi Tẽ ñgbẽ Liyel yĩn yõ, sãm me ñ sɔkɔ.»»

14

Wilsɛ̀nì yónwó yó dénmɔnɔle mi mi yòh sóle

¹ Mɪ mi yòh só yóle, Yesu kyɪ yòke yó-nsah Farisiyẽno yòtẽ dí yó gbô. Té nónó-á sò me nénpó, pè me Yesule n kyomɪ. ² Té kè pɔ yĩne, wilsɛ̀nì yónwó yó sò me ñ tnô. ³ Képah sɔkɔ, Yesu me pikinyahno pi Liyel ñgbò wèkì kwópú ànê

Farisiyēno tyí: «À yónwó de mo mi mi yòh sóle, ké wěkì se me kǒnóle, tĩ kè se me yáhlenóle?» ⁴ Nte, pè náh vi mo òn tyí. Képah soko, Yesu me yónwó mè tē, à à de mo, té à kǒ à soko, ⁵ té me yo pé tyí: «Yépi soko, nê tē pi, képah náh pi, òn nahy ki soko de kwlèy soko mi mi yòh sóle, té à náh à wilki n pi súú?» ⁶ Nte, pè náh tē we tir yo ké tyí soko.

Nê-à òn gblǒy doko sah, tē ki tiki mo

⁷ Képah yóntenò náh, Yesu-á néyénò kyomí we, pè me tē-ntàn òngbnóle n yah n kǒ, à vīnmònóle pè kǒ ne: ⁸ «Pàh òn ye fúr yòke yó-nsah, káh n kyí n tē tē-nsah òngbē soko. Wáh képah pi, té pè me òn ye, nê-á kal áwóle, ⁹ yé yé-ò káh pò òn syah ne ríkē, á yuku, á mó tē-nsahle tē kǒ. Légbíne, á ki yuku sen soko, ki kyí tē tē-nsah tyí soko. ¹⁰ Nte, pàh òn ye, kyí n tē tē-nsah tyí soko. Á yé-ò-à pò òn we sē, à ki yo á tyí ne, pé kódí, á nò pò tē-nsah òngbē soko. Képah soko, kè ki pi gbilkínóle á tyí yòke yópú pól yí yah. ¹¹ Nkē, névi nê-à òn gblǒy doko sah, tē ki tiki mo, té nê-à òn gblǒy tiki mo, tē ki doko mo.»

¹² Té òn syí yo òn yé-ò dí tyí: «Wáh névyele n ye yòkele gbìntóle, képah náh pi, lékâhne, káh á kódíbi ye, káh á yúnpyé ye, káh á tyí névyé ye, káh á tnô tēpu tahbi ye. Pépi to ki fē pò òn ye yòke òngbē yónóle, kè kǒ kè ki pi á yénò mè lédyáhníne. ¹³ Nte, wáh névyele n ye yòkele, yām tãn, ànê nédónè, ànê gbáhkì núkú névyé, ànê yítūbi ye. ¹⁴ Pépi náh tē we òn dyah n pi ké sǒne. Kàh pi sē, á ki yèviní we Liyel tyí, tyípeplo pípu lékyî-à yilki n mo só nêne.»

Névyé yénò sèmirkìle yòke òngbē yó-nsah

¹⁵ Képah soko, kéne yòke yópú soko nénúkù yó-á kéne welò noh sē, à me Yesu syah ne, névi nê-á ki yòke yò n pi Liyel tǒrí soko, yèviní-á kéle tē tyí dé! ¹⁶ Yesu mó yo òn tyí: «Dí yó lésò yòke òngbē pi, té névyé náhnáh ye. ¹⁷ Yòke yò gbí-á pò nò, à òn tǒnpi dí tēki mo ne, à kyí yo néyénò tyí, pè pò, páh tyé núkúnúkú. ¹⁸ Nte, pé pól tyah gblǒy ye n yah n kǒ dukù núkúle. Négben à syah ne, páh swáh yó dwe núkúnúkú, ríkē páh yíne pé kyí kè yah. Páh òne n ni, à òn gblǒy ye pé tyí. ¹⁹ Nnì me ne, páh sètònyehno gbãm dwe núkúnúkú, té páh n yuku sé pínyah-nsah. Páh òne n ni, à òn gblǒy ye pé tyí. ²⁰ Nnì me ne, páh sē tǒko núkúnúkú, képah-á pé kǒ pé náh n we n pò n pi.

21 Tõnpɪ-á n̄ syɪ pɔ, à pɔ tyi nópi pól yāh n̄ yòtẽ dí syah. Képah sɔkɔ, kétéťẽ dí fɔkɔ vyāh, à me yo n̄ tõnpɪ tyí n̄, à kyɪ súú kwil tówú tùkè-ntān ànê wāl̄ yey sɔkɔ. A kyɪ yām tān, ànê nédónè, ànê yítūbi, ànê gbáhkì núkú névyè tẽ pɔ ásò. 22 Képah náh, tõnpɪ n̄ syɪ pɔ yo n̄ tyí n̄, pé yòtẽ, wāh nê yo, páh kè pɪ, té tẽ-ntān túkù-á tǔ me. 23 Kāh pɪ s̄, yòtẽ dí me yo n̄ tyí n̄, à kyɪ wẽ-ngbnɔ yey, ànê névyè fwórínkǔ-ntān sɔkɔ, à kyɪ névyè kāhlɪ tẽ pɔ, pé wòkò kǔ kè yuku. 24 Páh kéle n̄ yo pé tyí n̄: nónó-á sò yénóle, pé sɔkɔ yó n̄tẽ náh pé yòke dɔ n̄ yah n̄ pi.»

A tyi pól wɛ ye, té Yesu sò tẽ

25 Képah náh, Yesu-á n̄ sɔkɔ, tówú ngbẽ sò me n̄ sò tẽ. A me n̄ yah vi, té yo pé tyí: 26 «Nê-à pɔ n̄mɔ tyí, té n̄ tyí náh nɔ kal n̄ tyí n̄ súle, ànê n̄ yúne, ànê n̄ kyile, ànê n̄ wẽnpile ànê n̄ yúnpyele, à tahlɪ n̄ gblǔy tɔ tyí, tẽ náh fẽ n̄ pɪ n̄ pi n̄mɔ tǔ sáh-òle. 27 Névi nê náh n̄ syɪ syɪ dahni twah, à n̄mɔ sò tẽ, tẽ náh fẽ n̄ pɪ n̄ pi n̄mɔ tǔ sáh-òle. *

28 Nte, yépi sɔkɔ nê tẽ kɪ n̄ yah n̄ kǔ wòkò ngbẽ mó-nsahle, né à náh tẽ, à ké gbò wilki kǔ yah, té kè yah n̄ pi, n̄ pɔ-à kɪ n̄ yĩne n̄ pi ké mónsyinóle? 29 Né tẽ náh képah pɪ, té wòkò sètyah wilki, té tẽ kwɔ ké mónsyinó tyí, no-à kè wɛ, pé kɪ tyah kóle n̄ne n̄ ko, 30 té kɪ n̄ yo n̄, pé yah dí yóle, à wòkò mɔ tyah mɔ, té à náh tẽ wɛ kè syi.

31 S̄ ó ye tǔ, yòtẽ nê tẽ kɪ n̄ yuku mékì fwó-nsah n̄ ní-ò yòtẽne, né à náh tẽ n̄ fɔkɔ mɔ n̄ yah n̄ pi, wāh kɪ fẽ kyɪ méfwóbé népɪ kèyǔ kwɔlǔle n̄ fwó-ò swah n̄ pi, nê-á me n̄ne n̄ yohnu méfwóbé kèyǔ gbāmne? 32 Wāh p̄ n̄, pé náh fẽ n̄ tẽ n̄ pi, à kɪ n̄ ní-ò sah fíí, té kɪ nírí pí-ò tekɪ mɔ kɪ mékì yálnmɔnɔ yah kǔ n̄ tyí.

33 S̄ ó ye, nê-à n̄ gbān̄ yí pól wényè-ñkēne, tẽ náh fẽ n̄ pɪ n̄ pi n̄mɔ tǔ sáh-òle.»

Káh n̄ pɪ yõre kēne

34 «Pnene, kwāh pèpɛy ye kéle. Nte, ké dëndèn-à wal, s̄ me kè kɪ tǔ fẽ pɪ dëndèn? 35 Kāh pɪ s̄, kè náh fẽ sétáh tyí pekɪ, ké náh se tǔ fẽ n̄ pɪ pile. Képah ye, kè n̄ milki kégbó. Níkí-à me nê tyí noh noh tẽne, tẽ n̄ níkí sah noh.»

* 14:27 14.27 - Dahni twáhnó n̄ wēkɪ n̄, á á vi sah á min kǔ kǔ tẽne Yesu tyí kǔle.

15

Képo mónpunweno sèmirkile

¹ Móri syípu ànê Liyel wěkì kó-ńkěpú pól sò n pɔ n pɔ Yesu tnô ñ wey noh yinne. ² Képah tēne, Farisiyēno, ànê Liyel ñgbò wěkì kwópú Yesu tyíle n plɔ n yāh ne, dí mè-á me tyípél pípúle n tē ple, té me n yō péle ńtēne.

³ Képah soko, Yesu me sèmirkì yó yāh pé tyí: ⁴ «Képyéni lèkwě-à me yépi soko yó tyí, té núkú mɔ pu sé soko, tē náh sé tíkiyéh pó gbām pó kwāryāh nópi sah n pi gbān soko, té kyi mónpunɔ mè soh kō, à syi kyi à we n pi di? ⁵ Té, wāh à we, nìvì tē tyí, ǎ à twah ñ gběnkàl yō ñ syi. ⁶ Wāh ñ syi pɔ gbô, ǎ ñ kódíbí, ànê ñ tnô tēpu ye n tuke, ñ té n yo pé tyí ne ńkě, pé képo ñê-á sò mɔ pu, páh à we tē. Képah-á, pè pɔ pé nìvì pi.»

⁷ Képah yóntenɔ náh, Yesu tō pè syah ne: «Mé kéle n yo yé tyí: sě ó ye, tyípél pí-ò nénúkú fyé-à Liyel wěkì tē, nìvì kɪ pi Liyel fók kɪ kal népì tíkiyéh pó gbām pó kwāryāh nópi tyíle, pépi nónó-á ne ńkě, páh me néglólé Liyel yah, Liyel wěkì tēno yétò náh tō me pé tyí.»

Pó mónpunweno sèmirkile

⁸ Yesu tō yo pé tyí: «Pó pló gbām-à me sê yó tyí, té sé soko núkú mɔ pu, à náh fòtnò soh, té wòkò yal, à kè gbah soh kō, à syi kyi kè we n pi di? ⁹ Té wāh kè we, ǎ ñ kósýó, ànê ñ tnô tēpu ye n tuke, ñ té n yo pé tyí ne ńkě, pé pó ñê-á sò mɔ pu, páh kè we. Képah-á, pè pɔ pé nìvì pi.»

¹⁰ Képah yóntenɔ náh, Yesu tō pè syah ne: «Mé kéle n yo yé tyí: sě ó ye, tyípél pí-ò nénúkú fyé-à Liyel wěkì tē, yinyò tēntōnè kɪ nìvìle n pi.»

Pídí mónpunweno sèmirkile

¹¹ Képah náh, Yesu tō yo pé tyí: «Dĩnpì népì ními lésò me dí yó tyí. ¹² Só yóle, gbě tē yo ñ sú tyí ne, pé bǒ, ñ gběkɪ soko, ñê-á pé we we tēne, à kéle pé kō. Wāh yo sě, ñ sú me ñ tahrɪ dibi pè kō. ¹³ Sèpìn yísýó sókóntenɔ náh, gbě tē ñ tyí yām, té ñ pó tɔkɔ soko kwil fíy yó soko. A kyi sè pi karkɪ tyíwān yō. ¹⁴ Wāh ñ pó pól pi karkɪ te gbí ñēne, kwénpékè yó de kéne kwil. Képah soko, yām à tē. ¹⁵ Kǎh pi sě, à kyi tō yah kō kéne kwil ney yó tyí. Tē mè à tekɪ mɔ ñ swāh, ñ sel syikɪ yinne. ¹⁶ A sel yòkele n yah yèwanne, ñte ney náh ñne n kō kéle.»

17 Képah sɔkɔ, n̄ yí-á pɔ yɪkɪ, à tyah n̄ sɔ n̄e, pé bǔ tyí yōke-á me dò, n̄ tɔnpɪbɪ pól me n̄ yō n̄ kwɔ n̄ sah. Nte, péwɔ-á ásô kwekɪ n̄ ko. 18 Nkě, páh kɪ sɔkɔ pé bǔ tyí, té kɪ yo n̄ tyí n̄e, pé bǔ, páh pɪ de Liyel tyí, té pɪ de n̄ tɔ tyí. 19 Pé náh tǔ yīne yénóle n̄ pile. Nkě, à péle n̄ tē n̄ tɔnpɪ sǔ. 20 Képah tēne, à sɔkɔ n̄ sú tyí. Wáh me fíi n̄ sú gbôle, n̄ sú à we. Wáh à we sě, n̄ yām à kah tē, à me to kyɪ à yohnɪ pɔrɪ tē. 21 N̄ pídí me yo n̄ tyí n̄e nkě, pé bǔ, páh pɪ de Liyel tyí, té pɪ de n̄ tɔ tyí, pé náh tǔ yīne yénóle n̄ pile. 22 Nte, n̄ sú me yo n̄ tɔnpɪbɪ tyí: «Fwòmò-̀ngbē nê-á ple kal, yé kyɪ ké tɔkɔ súú, yé pɔ mɔ à kǔ. Yé gbôngbo táhní dyɪ à kǔ, yé mó lékyēh dyɪ à kǔ. 23-24 N̄ pídí nê-á yò, kè pɪ n̄e, à sǔ sǔ ku, té tǔ n̄ syɪ min we. A lésǔ mɔ pu, té à ye we. Képah ye, nɪrɪ-á me náhpíkɪ nê sɔkɔ, yé ñmɔ tē n̄ pɔ n̄ ko á n̄e n̄ yō, á mó n̄e n̄ syah n̄ivile.» Képah tē sɔkɔ, pé tyah syáh syáhnóle n̄ivì sɔkɔ.

25 Légbíne, n̄ pídí lékǔnì sǔ me swáh sɔkɔ. Wáh n̄ syɪ n̄ pi, té nɔ de gbôle, à yímónì, ànê yínó yínpǔ noh. 26 A tɔnpɪ yó ye piki yah, tir nê-á n̄ pɪ. 27 Nmɔ me yo n̄ tyí n̄e, n̄ gbëndí-á pɔ de n̄ lènole, képah-á nɪrɪ-á me náhpíkɪ nê sɔkɔ, n̄ sú me à tē ko. 28 Képah tēne, nénkyí mè fɔkɔ vyāh, à yahle dénóle gbô. N̄ sú me wil n̄e, pé à n̄i à de. 29 Képah sɔkɔ, à yo n̄ sú tyí n̄e, à yah, ké ye náhnáh-á yò, té pé me n̄ tǔle n̄ pɪ. Pé náh n̄ yóré yahle yah. Nte, à náh pùkèpir ñtē fyé tē pé kǔ yah, pé syɪ ko syáh syah pé kódíbíle. 30 Té n̄ pídí mè wɔ-á pɔ, ñmɔ nê-á n̄ tahrɪ pɪ karkɪ syó fǔfɪnì yō, à náhpíkɪ ko ñmɔ kǔ. 31 Képah sɔkɔ, n̄ sú yo n̄ tyí: «N̄ pídí, áwɔ me kúmm ñ tñô, ñ gbǎn yī pólle, áwɔ tyí ye. 32 A gbëndí nê-á yò, kè pɪ n̄e à sǔ sǔ ku, té tǔ n̄ syɪ min we. A lésǔ mɔ pu, té à ye we. Képah ye, mé yīne mè syáh syah, mé n̄ivì pɪ.»

16

Liyelle ànê pólle

1 Képah náh, Yesu yo n̄ tǔ sáhpú tyí: «Tàh dí yó ye lésǔ, à ñn̄i tɔkɔ sah n̄ tahrɪ yō, té pé pɔ yo n̄ tyí n̄e, tē-á me séle n̄ pɪ n̄ karkɪ. 2 N̄ yòtē dí me à ye, té yo n̄ tyí n̄e, pé náh me tyípéplɔle n̄ nohnɪ n̄ tyí sɔkɔ. Káh pɪ sě, à náh tǔ fē n̄ tē n̄ pi pé tahrɪ yō. Képah-á, à n̄ tǔ pɪ dukù yah yo pé syah. 3 Képah sɔkɔ, tahrɪ yō tē-ò dí mè me yo n̄ gblǔy tyí n̄e, pé yòtē dí-á kɪ pé yal n̄ pi n̄ tahrɪ yō. Sǔ se pé kɪ pɪ nɪ? Swáh tǔ tǔ táhkì náh se me pé sɔkɔ. Té, n̄insyɪnɔ tēne, ké sen-á me

pé sɔkɔ. ⁴ Nte, páh pĩ, páh ne nê pɪ n pi, té névye kɪ pé tẽnó ple pé gbên sɔkɔ, pàh pɔ pé fin mɔ pé tòn. ⁵ Képah tẽnɛ, à n yòtẽ dí kmɔ nétãñne n ye núkú núkúle, té négben piki yah ne, dan nê se pé yòtẽ dí kòlɛlɛ n̄ yõ nɪ? ⁶ A me ne, nɪrɪ pní yí lèkwě-á. Tahrɪ yõ tẽ-ò dí me à syah ne, n̄ kòlɪ sébéy-á yò, à kɔ n tẽ súú, à wārki mɔ ké sɔkɔ ne ríkẽ, nɪrɪ pní tikiníní pɔ gbãm-á. ⁷ Képah náh, à yo kèyáh tyí ne, té ñmɔ-á dò, dan nê se à yĩne à kɔ nɪ? Nmɔ me à syah ne, sèmuko gbòtónì yí lèkwě-á. A me yo ñmɔ tyí ne, n̄ sébéy-á yò, à wārki mɔ ké sɔkɔ ne ríkẽ, sèmuko gbòtónì yí tikiyéh-á. ⁸ Képah tẽ sɔkɔ, n̄ yòtẽ dí à sò ké yah wénpɪnɔ yĩñne. Kègbɪ yõ, kèkòyó névye tyi yahle n we n pɪ pé wẽ wró lékámkãmne, à kal kyòò sɔkɔ névyele.»

⁹ Képah náh, Yesu tã yo pé tyí: «Ñmɔ wɔ kéle n yo yé tyí ne: pòle, gbëntẽnáh kwáh tẽ wɔ ye kéle. Nte, yé kéle kódíbí yah kɔ. Kàh pópó pɔ n knɛ, yé kɪ tẽ ple tyé-ríkẽ tyah sɔkɔ.

¹⁰ Nkẽ, névi nê-à pɪ négbíle tir tyí sɔkɔ, à kɪ pɪ négbíle tir gblò tɔ sɔkɔ. Té nê-à yínvì pɪ tir tyí sɔkɔ, à kɪ yínvì pɪ tir gblò tɔ sɔkɔ. ¹¹ Képah ye, pó nê-á gbëntẽnáh kwáhle, yáh pí-ríkẽne négblóle képah tyí sɔkɔ, nê kɪ dahbɪ yé gbò yĩnyõ tahrɪ kègbule? ¹² Té, yáh pí-ríkẽne négblóle nékáhbí gbàn yí tyí sɔkɔ, nê kɪ yé yèngbẽ tyínole yé kɔ?

¹³ Tõnpɪ yó n̄tẽ náh fẽ tòn kwɔ n pɪ yòtãm népì ními tyí. A kɪ núkú dyɔ yɔ, té kɪ nɔ n̄ ní-òle, képah náh pɪ, à kɪ mɔ núkúle, té kɪ n̄ ní-ò we mɔ. Sẽ ó ye, yé náh fẽ tòn kwɔ n mɔ n pɪ n pi, Liyel ànê pó tyí.»

Nìvìnì wey sán ànê Moyisi tyi kònsàhnóle

¹⁴ Képah sɔkɔ, pó tyí-á nɔ Farisiyẽnɔ tyí sɛ, pépi-á welo nópi pól noh, pé tyah kóle Yesule n ko. ¹⁵ Képah tẽnɛ, à me yo pé tyí: «Yépile, yé yé gblõyne n wẽkɪ négblóle névye yah sɔkɔ. Nte, Liyel yé nnole n pne. Ngbõ névye-á tir nêne n gbilki, Liyel dèl ye képahle dé.

¹⁶ Moyisi tyi kònsàhnó ànê Liyel tẽntò syínyopu sébéynó sò me n mɔ n kò n yíí fóó, à pɔ syɪ Wèlnwìlkì-ò Nsyõ me gbí tyí. Té à tɔkɔ légbí tyí, nìvìnì wey sán me n yo Liyel tǎrí tyí sɔkɔ, té táhnsàhnó ó sɔkɔ ye no pól kɪ n de n pi ké sɔkɔ. ¹⁷ Nte, yĩnyõ ànê sétáh kɪ yal sé slɔ sɔkɔ sérɔɔ kal tir kyĩrí wìlkinóle Liyel tyi kònsàhnó sɔkɔ. ¹⁸ Sõ-á kè yo ne, dí nê-à n kyɪ wilki, té n̄ syɪ kèyáh tɔkɔ, fòfɪnpɪ-á ñne. Anê, sé nê pe-à à wilki, té névi nê à tɔkɔ, fòfɪnpɪ-á tẽnɛ.»

Tàh dí ànê Lasarı tyípínìne

19 «Tàh dí yó lésõ me, à fwõtǎhnì dénkókónìne n mɔ, té kwánkwan yéle n yõ sòmésó, me nìvìle n pi. 20 Té yãm ney yó tɔ sò me, pè n ye Lasarile. A sò me sěntěnlé tàh dí mè gbô yah. N wil pól sò me níyne. 21 A sò nkěne ne me ké tyí ne, pé yěnmîrnne n tǔ n yõ, tàh dí-á nónóne n yõ n kwe. Nte, pǎhlo ye sò n dɔ n níyne.

22 Só yóle, yãm ney mè ku, yĩnyõ těntǔnè me yuku ñne Abrahami tnô. Tàh dí tɔ me ku, pè kǔ pè yĩ. 23 Nte, wǎh kyí lékókwíl sɔkɔ, à kyí fóhnóle n we. Wǎh ñ yah yõ yah, à Abrahami we fíi sɔkɔ, Lasarile ñ gbòpɔ. 24 Képah sɔkɔ, à ye yah fléyy ne, pé sú Abrahami, nkě pǎh me n kwlo kérékéyô nyàh mè sɔkɔ. Képah-á, à pé yãm yah, à mó Lasarı tekɔ mɔ, à pɔ ñ kèngbɔ vyǎh dahbi wilki ni sɔkɔ, à sah pé nénpóri yõ kè kǔ kè vi. 25 Nte, Abrahami me yo ñ tyí: «Nmo pi, á dyɔ to n kǔ ne, wáh yèvinu we sɔkɔ, wáh sò me min sɔkɔ gbí nêne, té Lasarı wɔ me yèvyǎhri we. Nte núkúnúkú, ñmɔ me yèvinu sɔkɔ, té áwɔ me yèvyǎhri sɔkɔ. 26 A wil képah sɔkɔ, pwǎh ñgbě me yépi ànê ápi wró. Képah yĩnne, ásô névyé nónó-á me ké tyí ne, pé kyí yé tyí, pè káh tě we, ànê nénpó névyé nónó-á me ké tyí ne, pé pɔ ápi tyí, pé tɔ káh fě tě.»

27-28 Képah sɔkɔ, tàh dí me à syah ne, pé sú Abrahami, kàh pi sě, yúnpyé népi kwál-á me pé tyí, pǎh ñne n ni, à Lasarı tekɔ mɔ pé sú kéte sɔkɔ, à kyí kè yo sah pé tyí, pé tɔ káh pɔ de yèvyǎhri tě-ñsah mè sɔkɔ. 29 Abrahami mó yo ñ tyí: «Moyisi tyi sǎhnó, ànê Liyel těntǔ syínyopu welo me pé tyí. Pè sépi tyiyónóle n pi!» 30 Wǎh yo sě, dí mè tǔ à syah ne, képah nǎh n yĩne n pi, pé sú Abrahami. Nte, névi-à kɔ wil lékyî sɔkɔ, à kyí yo pé tyí, pǎh kɔ Liyel wěkì tě. 31 Képah těne, Abrahami me tǔ yo ñ tyí: «Pǎh kɔ yahle Moyisi ànê Liyel těntǔ syínyopu welo nóhnóle, névi-à sǔ wil lékókwíl à pɔ kèkǔyó, à kyí yo pé tyí, pè nǎh n sě n pi ké yõ tǔ ñtǔ.»

17

Tyípekèle ànê ké yǎnmɔnɔle

1 Képah nǎh, Yesu yo ñ tǔ sǎhpú tyí: «Tyi nónó-á névile n mɔ tyípekè pínó sɔkɔ, sépi nǎh fě n ye wénóle. Nte, névi nê tyí-á ké yõ wil, yèvyǎhri me tě yõ. 2 Kè kɔ sò fónfó kal, pǎh yínónan toh tě yègbi, té à min dah mɔ pne yo sɔkɔ à kǔ à

káh pɔ n̄mɔ yõ sɛ-ò tyĩ yó ntě dah mɔ tyípékè sɔkɔ. ³ Yé yé gblõy tẽ dé!

A yũnpi-à pɪ de á tyí, wɛkɪ n̄ yõ! Wàh ké nàhnpi gbo, kè yõ mɔ à kõ. ⁴ Anê wàh pɪ de á tyí gbáhyí kwǎrninɔ gbìyìkì nùkú sɔkɔ, té n̄ne n syɪ n yo n pɔ á tyí fɔ́ gbáhyí kwǎrninɔ ne, páh me ké nàhnpi ne n gbo, séle n yõ n mɔ n̄ tyí.»

Liyel yõ sɛnóle

⁵ Képah sɔkɔ, Yesu tɛntõbe à syah ne, pé Yõtɛ, à wǎn mɔ pépi Liyel yõ sɛnó yõ. ⁶ Tẽ ñgbɛ me yo pé tyí: «Gbɪ tẽ yõ, yé Liyel yõ sɛnó-à sò me tyĩ ñsò, mútárdì pi fyé sò, yé nàhki sò fɛ yo sɛnsóké mè tyí ne ñkɛ, kè ké gblõy viki kyɪ sò pne yo sɔkɔ, té kè nàhki kè pɪ yé yóré yõ.»

Tõnpi tò-á nêne

⁷ Képah náh, Yesu yo pé tyí: «Tõnpi yó-à me á tyí, me á swáhle n wɔ, képah náh pɪ, á yípɛyne n fɛ... wàh wil swáh, à pɔ n de á wɛ, á se kɪ yo n̄ tyí ne, à sal n pɔ yõke yõ? ⁸ Á náh pyɛ tɔ n yo n pi n̄ tyí ne, à áwɔ yõke ñgbò pɪ, képah náh, à mó flo yísyó mɔ pɔ, á ñne n tó á yõke yõ gbíne, té képah náh, à mó pyɛ pɔ yõ, à mó wɔ di? ⁹ Té tõnpi m-á n̄ tò pɪ ké wɛkì yõ, á se kɪ n̄ yíngbí yo? N pɪ pɪ tò ó náh à pɪ di? ¹⁰ Képah nùkú ó ye yépi tɔ tyí: Tyi nónó-á yah kõ yé tyí, yáh sè pɪ te, yé yo ne, tõnpi ó-á yéle. Yáh sò yĩne yé nê pɪ, képah ó-á yé pɪ.»

Yesu tótām nɛpî gbām de mɔ

¹¹ Yesu-á sò me n yuku Yerusalemɪ, à syõ sɔkɔ Samari ànê Kalile gbàh yõ. ¹² Wáh kyɪ n de kwilpír yó sɔkɔ, dibí tótām nɛpî gbām yísyó pɔ à yohnɪ. Pè sò me yĩn fíí, ¹³ té tyah n yo n mɔ n̄ tyí yĩnpɔ ñgbɛne ne ñkɛ, pé yõtɛ Yesu, à pé yām yah. ¹⁴ Wáh pè wɛ sɛ, à yo pé tyí ne, pè kyɪ pé gblõyne sárká wìlkɪpu yõtām wɛkɪ. Páh képah noh sɛ, té wɛkì tẽ n yuku, pè de. ¹⁵ Pé sɔkɔ nénúkú yó-á kè wɛ à de sɛ, à ñ syɪ Liyel yĩn gbilki pɔ Yesu tnô yĩnpɔ ñgbɛne. ¹⁶ A pɔ kɔ kwĩnki n̄ yah di sétáh Yesu yah, à wɛkɪ n̄ tyí. Té kéne díne, Samari ney ye sò ñne. ¹⁷ Yesu-á à wɛ sɛ, à ne: «Nɛpî gbām nópi pól náh de di? Nte, kwǎryáh nópi téló-á dò, pépi nýáh? ¹⁸ Ney náh wɛ pépi sɔkɔ à ñ syɪ pɔ wɛkɪ Liyel tyí, à wil nékâh mè tyí sɔkɔ kè?» ¹⁹ Té me n̄ syɪ yo kéne dí tyí: «Yuku n ne n yuku! Á Liyel yõ sɛnó n̄ pwah mɔ.»

Liyel tɔrí pónó tyíle

²⁰ Képah náh, Farisiyēno Yesu piki yah ne, gbí nê se Liyel tǒrí kɪ n pɔ n pi nɪ? A me yo pé tyí: «Liyel tǒrí náh n pɔ n pi kwáh yó sǒ nê-á n we yíne. ²¹ Anê tǒ, ney náh n yo n pi ne, kè we yò, képah náh pɪ, kè we yàhàh. Nte, yé pǐ ne níkě, Liyel tǒrí-á me yé wró.»

²² Képah náh, Yesu tǒ yo ò tò sáhpú tyí: «Sǒ yó me n pi, Névi Pi we dékè kɪ me yé tǔ, té yé náh à we n pi. ²³ Pè kɪ yé syah ne, wǎh yò, képah náh pɪ, wǎh yàhàh. Nte, yé káh n kyɪ, yé káh ne n sal. ²⁴ Sǒ-á pǔ n yíkiri yǎl, à tɔkɔ yínyo yah yó tyí, à kyɪ syɪ ké yah yó tyí, sǔntě ye Névi Pi pónó kɪ pɪ. ²⁵ Nte, Névi Pi ñgbò yíne à yèvyáhrɪ pɪ náhnáh, ànê kwey gbí névye mó à yahle.

²⁶ Kǎh pɪ sǒ ñgbòle Nowe gbí sɔkɔ, sě to ye kɪ pɪ Névi Pi syínpɔ gbíne. ²⁷ Névye lésò me n yó, té me n wɔ, té me syóle n tɔkɔ, té me n de pɛbɪ tyí fóó, à pɔ syɪ sǒ nê-á Nowe de krótó-ñgbě sɔkɔ. Képah tǔ sɔkɔ, púnphákɪ pɪ, ni pé pól yó.* ²⁸ Anê, kè kɪ pɪ, kǎh pɪ sǒ ñgbòle Lotɪ gbí to sɔkɔ: Névye lésò me n yó, té me n wɔ, té me yídwénène n dwe, té me yiyámne n yám, té me swáhle n tǒ, té me vìle n mɔ. ²⁹ Nte, Lotɪ-á wil sǒ nêne Sodomɪ sɔkɔ, Liyel nyàh lépǔ ànê nyàh lépúkú tiki mɔ pé yó pǔ sǒ n pɪ, à pé suke ko. ³⁰ Sǔntě ó ye kè kɪ pɪ n sɔkɔ n pi Névi Pi syínpɔ sóle.

³¹ Ké lésò-à pɔ, névi nê we gběntɪn yó, té vyó me tǔ tyí wòkò sɔkɔ, à káh ne, páh n tiki n yuku sé tókó-ńsah. Té nê tɔ-à me swáh sɔkɔ, tǔ káh ne, páh péle n syɪ n yuku gbò. ³² Yé yé dyɔ to kǔ Lotɪ kyɪ tyíle kè!† ³³ Sě ye, nê-à ne, páh pé minne n koh n sah, tǔ kɪ tɛkɪ ké sɔkɔ, ñte nê-à tɛkɪ ñ min sɔkɔ, tǔ wɔ min kɪ pwah.

³⁴ Mé kéle n yo yé tyí ne: kéne lékáhne, népɪ ními kɪ me sě sě kwáh núkú yó, núkú kɪ tǔ sɔkɔ, té ñ ní-ò kɪ wǔ. ³⁵ Syó népɪ ními kɪ me yíle n nɔ wě tyí, núkú kɪ tǔ sɔkɔ, té ñ ní-ò kɪ wǔ. [³⁶ Dìbí népɪ ními kɪ me swáh núkú sɔkɔ, núkú kɪ tǔ sɔkɔ, té ñ ní-ò kɪ wǔ.]»

³⁷ Képah sɔkɔ, Yesu tò sáhpú à piki yah ne, pé Yòtǔ, níyàh sɔkɔ se képah kɪ n pɪ n pi nɪ? A me yo pé tyí: «Kókè-à me níyàh, nénpó sɔkɔ náh ñkyònkýòni wě tuke n mɔ di?»

* **17:27** 17.26-27 Yah n te Tyáhnó sébéy 6.9 - 7.24 sɔkɔ. † **17:32** 17.32 - Liyel-á Sodomɪ ànê Gbomɔrile n suke gbí nêne, à Lotɪpi wilki ké sɔkɔ, té ne, pè ne n to, pé káh vi yah. Té Lotɪ kyɪ-á vi yah, à pɪ pne kènpinne. Yah n te Tyáhnó 19.26 sɔkɔ.

18

Níri sɔkɔ gbáhtɛ̀nɔle

¹ Képah náh, Yesu sèmìrkì yó yāh n̄ t̄ò sáhpu tyí, à pè wěku ne, pāh yīne pè níri le n pì kúmm wílkúnì kěne ké sɔkɔ. ² A ne: «Tukey tükè-ò dí yó lésò me kwil yó sɔkɔ, à náh Liyel yah tíkile n pì, à náh yòyénne n sah névye yó. ³ Té pékúse yó tɔ sò me kéné kwil sɔkɔ. Nmɔ sò me n yo n pɔ n̄ tyí gbímegbí ne, nê-á me péwɔ ànê pé fwó-ò wró, à kè t̄ɔ sah pé k̄ɔ. ⁴ Nte, kè pì di mónóle, té dí náh sò me f̄ɛ syi. Képah náh, à pɔ yo n gbl̄y tyí ne, gbì t̄ɛ wɔ-á, pé náh Liyel yah tíkile n pì, pé náh yòyénne n sah névye yó. ⁵ Nte, pékúse m̄-á me pé gbl̄le n vyāh n pɔ, páh k̄ì n̄ tir m̄e yah wah à k̄ɔ, pé yah mó v̄.»

⁶ T̄ɛ ñgb̄ɛ Yesu-á képah yāh t̄ɛ, à t̄ɔ yo pé tyí: «Yé tukey tükè-ò dí m̄e wey noh k̄è, ñmɔ nê-á fin yó-òle. ⁷ Nte Liyel wɔ-á nónó yah tɔkɔ, té pè me ñne n ye n gbo lékâh ké gb̄int̄ɔ, à náh pé tyi yah wah pè k̄ɔ n pì di? A se k̄ì mo pé yòhn̄n̄mɔ-nsah? ⁸ Mé kéle n yo yé tyí ne: wāh k̄ì pé tyi yah wah pè k̄ɔ súú. Nte, Névi Pi-à s̄ó n̄ne pɔ s̄étáh yó, à se k̄ì pɔ Liyel yó s̄ɛnó wɛ?»

Sèmìrkì nê-á yāh Farisiȳ ànê mórí syí-ò tyí sɔkɔ

⁹ Névye nónó-á sò me pé gbl̄y ne n yah ne ník̄ɛ, páh me négb̄le Liyel yah, té me tél̄le n yilo, Yesu sèmìrkì yó yāh pépi tyí sɔkɔ ne: ¹⁰ «Díbì n̄p̄ì ními yísyó sò kyì Liyel wòkò ñgb̄ɛ k̄éntáhk̄ì sɔkɔ, à kyì Liyel ni. Nénúkùle, Farisiȳ ye sò ñne, té ní-òle, mórí syí-òle.

¹¹ Képah sɔkɔ, Farisiȳ m̄e me yuku yīn, à Liyelle n ni n̄ fɔkɔ táh, me n yo ne, èè Liyel, páh n w̄ek̄ì n̄ tyí, wāh s̄ɔnp̄í péwɔ pì pé gbl̄y. Pé náh me no téló tyí k̄ɔle, nónó-á ȳíp̄ule, ànê tyítúkúnì p̄íp̄ule, ànê f̄ɔf̄ík̄ì p̄íp̄ule. Páh n w̄ek̄ì n̄ tyí, pé náh s̄ɔnp̄íle me mórí syí-ò m̄e s̄ɔ. ¹² Péwɔ-á ník̄ile n t̄ɛ s̄èp̄in̄ níni yòh n̄kú wró. Páh pé gb̄an̄ ȳi wénó gb̄m-ònóle ñne n k̄ɔ. ¹³ Nte mórí syí-ò wɔ mó sò me yīn t̄ɛ f̄íí, à náh f̄ɛ syi n̄ yah n̄t̄ɛ yó ȳinyó. Té me n̄ gb̄òle n sah n̄ n̄ivɔ sɔkɔ me n yo ne: «Liyel, n̄ yāh yah, n̄mɔ nê-á tyíp̄ek̄è p̄i-òle.»

¹⁴ Képah t̄ɛne, Yesu me ne: «Mé kéle n yo yé tyí ne: dí m̄e pì négb̄le Liyel yah, wāh n̄ syi n̄ yuku n̄ t̄inne gb̄ì n̄ne. Té Farisiȳ wɔ náh s̄ɛnk̄ɔ wɛ. Gbì yó, névi nê-à n̄ gbl̄y ne n gb̄ilki, à k̄ì tiki m̄ɔ. Té nê-à n̄ gbl̄y ne n tiki n m̄ɔ, t̄ɛ wɔ k̄ì mó d̄ɔkɔ m̄ɔ.»

Yesu sām mɔ wɛnpì yrɔ̄ sɔkɔ

¹⁵ Névyɛ sò me n pɔ n pɔ wɛnpì yrɔ̄ tɔlɛ Yesu tyí nɛ, à tũ pé tyí. N tò sáhpú-á kɛpah wɛ, pè tyah dírílɛ n kò pé yò. ¹⁶ Nte, Yesu mɛ wɛnpì kɔ̄ pè nɔ de n tnô, té nɛ: «Nónó dùkù-á mɛ wɛnpì nópi sɔ̄, Liyel tɔ̄rílɛ, pépi tyí ye. Kɛpah ye, yé yɛ wɛnpì kɔ̄ pè nɛ n pɔ n pɔ nímɔ tyí. Yé káh pé yahle n kò. ¹⁷ Gbɪ yò, mé kéle n yo n dal n mɔ yé tyí nɛ: névi nê-à Liyel tɔ̄rí fɛnsyi-nkêne wɛnpir tyí kòlɛ, à náh n wɛ n de n pi ké sɔkɔ póllɛ.»

Kèkôyó tahrɪ yahle, n té n wɛ n de yînyô tɔ̄rí sɔkɔ

¹⁸ Kɛpah náh, Nsyifunɔ yòtɛ̄ yó Yesu piki yah nɛ, kwó-ò pèpɛy, pé se yîne pé pi sɔ̄, pé mó tyé-ńkê min wɛ ni? ¹⁹ Yesu mɛ yo n tyí: «Kwâh nê pi, té á ńne n ye <pèpɛyne>? Pèpɛy yó n̄tɛ̄ náh mɛ, né Liyel ó náh. ²⁰ Á Liyel tyi kònsàhnó p̄ kè, nê-á n yo nɛ ńkê: <Káh fòfikì pi, káh nékókè mɔ, káh yîbe yî, káh mìnì sah á ní-ò yò, á sú ànê á yúne n tɛ̄ plɛ.>» ²¹ Wáh yo sɛ̄, dí me à syah nɛ, páh mɛ sépinó póllɛ n pi fóó, pé wɛnpir gbí dùkùlɛ. ²² Yesu-á kɛpah noh sɛ̄, à yo n tyí: «Tyínúkú ó tɔ̄ yah kwlo á tyí: Gbàn yî nónó pól-á mɛ á tyí, kyɪ sè yām, n té sé pò dibi yām tãn kɔ̄, n té n pɔ nímɔ sò tɛ̄. Kɛpah sɔkɔ, á kɪ Liyel fɔ̄ tahrɪ wɛ.» ²³ Tɛ̄ dí tahrɪ-á sò kah tnɔ sɛ̄, kɛpah ye, wáh wɛy mè noh, n yah kwɔ yɪkɪ.

²⁴ Kɛpah sɔkɔ, Yesu-á n yah wɛ kè kwɔ sɛ̄, à nɛ, tahbɪ dénó-á mɛ tah Liyel tɔ̄rí sɔkɔ dé! ²⁵ Nkê, yàhmíkì dénwílñólɛ sèndi pwáh sɔkɔ, kɛpah n̄tɛ̄-á kɪ fàhfáh kal tàh dénólɛ Liyel tɔ̄rí sɔkɔ. ²⁶ Kɛpah sɔkɔ, nónó-á sò me n wɛyne n nohnɪ, pè nɛ, nte, nê wɔ se kɪ mó fɛ pwah ni? ²⁷ A mɛ yo pé tyí: «Névi náh fɛ̄ tir nê pi n pi, Liyel kɪ fɛ̄ kɛpah pi.»

²⁸ Kɛpah sɔkɔ, Pyerɪ mɛ nɛ, pépi tɛ̄ wɔlɛ, páh pé yɛngbɛ̄ yî sah, té nímɔ sò tɛ̄. ²⁹ Yesu mɛ yo pé tyí: «Gbɪ yò, mé kéle n yo n dal mɔ yé tyí nɛ: névi nê-à Liyel tɔ̄rí yinne n kéte sah, kɛpah náh pi, n kyɪlɛ, kɛpah náh pi, n yúnpyélɛ, kɛpah náh pi, n tyí névyelɛ, kɛpah náh pi, n wɛnpìlɛ, ³⁰ tɛ̄ kɪ pé lékan wɛ kèkôyó mè sɔkɔ, té kɪ tyé-ńkê min wɛ Liyel fɔ̄ sɔkɔ n̄sòne.»

Yesu tɔ̄ n kúnó ànê n min syínwɛnɔ tyí yo kɛ tɔ̄-òlɛ

³¹ Kɛpah náh, Yesu n tò sáhpú nɛp̄i gbõnimí ye pé yahle, té yo pé tyí: «Á wɛ n yuku Yerusalemɪ sɔkɔ yò. Tɛ̄ Liyel tɛ̄ntò syínyopu-á lésò tyi nónó pól wårkɪ sah Névi Pi tyí sɔkɔ, sè kɪ n pi n tũ n pi. ³² Pè kɪ à dahbɪ Liyel p̄-ńkêpú gbò. Pè kɪ

kóle ònne n ko, kú ònne gbyò, té kú n sìn n mɔ̀ n yò. ³³ Pè kú à ko yèfòhle, té kú à ko mɔ̀. Nte, ké sèpìn tǒ-ò sóle, à kú n syi min sǎn we.» ³⁴ Nte, Yesu wey mè sò me wénpille pé tyí. Képah ye pè náh ké syíkí-ńsah pĩ.

Yesu yítú yó yí yíkí mɔ̀

³⁵ Képah sòko, Yesu-á de n te Yeriko kwille yúkey, yítú yó sò me kǒntěńóle wěgbalı sòko, me n ni n syi. ³⁶ Wǎh tówú sókónó yí noh, à piki yah ne, tir nê se ni? ³⁷ Pè me à syah ne, Nasareti Yesu-á pɔ̀ n sòko. ³⁸ Képah těne, à tyah n yo n mɔ̀ léyy ne, Yesu, Davidi Pídí, à pé yǎm yah. ³⁹ Té nónó-á me n kɔ̀ yah tinnne, pépi sò me diríle n kǒ n yò ne, à n vyǎh vike. Nte, òmɔ̀ tě sò me n tǒ n gbah n yo n mɔ̀ ne ńkě, Davidi Pídí, à pé yǎm yah. ⁴⁰ Képah sòko, Yesu me yin, té ne, pè pɔ̀ ònne. Wǎh nɔ̀ de, Yesu me à piki yah: ⁴¹ «Tir nê me á me ké tyí ne, mé pi á tyí?» Dí me à syah ne, pé Yòtě, à kè pi, pé fě ne n yah ńtǒ. ⁴² Yesu me yo n tyí: «Á yí ye yíkí mɔ̀! Á Liyel yò sěńó ye n de mɔ̀.» ⁴³ Nénpó swɔ̀, n yí núkú yíkí mɔ̀, té à me Yesu sò tě, à Liyelle n gbilki. No pól-á képah we sě, pé to tyah Liyelle n gbilki.

19

Yesu ànê Nsasyile

¹ Yesu-á de Yeriko kwil, à sò me n kah ké sòko, ² té dí yó sò me kéne kwil, pè n ye Nsasyile. Móri syípú yòtǎm sòko yó ye sò ònne, té à pi tǎhle. ³ A sò me n yah n kǒ ne, pé Yesu we, nédúkú nê-á ònne. Té òmɔ̀-á pi nétúkúrí neyne, tówú tnónkǎhnó tě tyí, à náh sò fě à we n pi. ⁴ Kǎh pi sě, à to yuku yah tinnne, à kyi doko séswô yó sòko Yesu we yinne. Té à kú sò pɔ̀ n sòko n pi nénpó. ⁵ Yesu-á yini tě nénpó, à n yah yò té yo Nsasyi tyí ne ńkě, à tiki súú Nsasyi, pǎh yine pé twah n kéte sòko kweyne. ⁶ Képah těne, Nsasyi núkú tiki súú, à kyi Yesu tǒ sah tě n tinnne nìvì sòko. ⁷ Névyé-á képah we sě, pé pól tyah n tyíle n plo n yǎh ne, tyípél pí-ò tyí-á à kyi twah yò dé! ⁸ Nte, Nsasyi me nɔ̀ de Tě ńgbě Yesule, té yo n tyí ne, à noh pé tyí, pé yòtě. Páh kú pé gbǎn yí tóní núkú yí yǎm tǎn kǒ. Anê, páh me syki nê yò, páh kú sěnknono rýǎhle tě dyah. ⁹ Képah sòko, Yesu me yo n tyí: «Áwɔ̀ tɔ̀-á pi Abrahami náh neyne, képah ye, pwáhnmono de kéte mè sòko kweyne. ¹⁰ Yah, nónó-á sò me mónpunole, pépi yáhnkǒ-ńsah ye Névi Pi pɔ̀ kú pè pwah mɔ̀.»

Yõtë nê-á pò dahbí tònpi bí gbò

11 Képah tẽnɛ, Yesu-á de n tɛ Yerusalemí sɔkɔ, ñ wɛlo nóhpú sò mɛ n sò nɛ, Liyel tórí-á kɪ n pɔ n pi nénpó swɔ. Képah sɔkɔ, Yesu mɛ sémirkí yó yāh pé tyí nɛ: 12 «Yõtë yó pídí ye lésò. Só yóɛ, à yuku sɔkɔ kwil fíí yó sɔkɔ nɛ, pé kyɪ yõtórí yah n kɔ, képah náh, pé mó pé syɪ pɔ. 13 Wāh n sɔkɔ, à ñ tònpi bí nɛpí gbām ye pɔ, pò dan núkúɛ pé nénúkú núkú pól kɔ, té yo pé tyí nɛ, pè gbòɛ n yí sɛpile fóó, kè pɔ syɪ pé syínpɔnɔ tyí. 14 Té, ñ kwil névye sò mɛ ñ dyɔɛ n yɔ. Pè mɛ tɛntò tɛkɪ mɔ ñ náh, à kyɪ yo nɛ níkɛ, pépi náh mɛ ké tyí nɛ, dí mè tɛ pɔ pi pépi yõtɛnɛ. 15 Ntɛ, à mó tɔ yõtórí mè wɛ, té ñ syɪ pɔ. Wāh pɔ, à ñ tònpi bí nópi ye, wāh sò pò dibi nóno kɔ. Páh gbò yí, té pò dòhnò nê wɛ, à sò mɛ ké tyí nɛ, pé kè pí. 16 Képah sɔkɔ, négben pɔ yo ñ tyí nɛ níkɛ, pé yõtë, wāh pò dan nêne pé kɔ, páh ké kénknɔnɔ gbām yah dohnɪ. 17 Yõtë dí mɛ yo ñ tyí nɛ, káh plɛ, tònpi pèpɛy-á ñnɛ. Wāh fyò pi négbíɛ tir tyíí sɔkɔ, wāh kɪ pi kwlonɔ gbām yah tɛ-òɛ. 18 Ní-ò mɛ pɔ yo ñ tyí nɛ níkɛ, pé yõtë, wāh pò dan nêne pé kɔ, páh ké kénknɔnɔ kwlo yah dohnɪ. 19 Yõtë dí mɛ képah núkú ó yo ñ tɔ tyí nɛ, ñmɔ pi kwlonɔ kwlo yah tɛ-òɛ. 20 Kèyāh mɛ pɔ yo ñ tyí nɛ níkɛ, pé yõtë, ñ pò-á yò. Páh sò mɛ kè dah mɔ sah fwɔ yó sɔkɔ ké tyíɛ. 21 Nkɛ, ñ tò-á kah tah. Képah-á, ñ tiki mɛ pé tɛ. Ñmɔ náh sah kwāh nêne, à kè tɔkɔ. A náh sémukɔ nê duku mɔ, à képah tɔkɔ. 22 Képah tẽnɛ, yõtë dí mɛ à syah nɛ, tònpi túkú, ñ vyāh wɛy mè sɔkɔ-á pé kɪ tuke ñnɛ. Ñmɔ-á sò pí nɛ níkɛ, pé tò-á tah, pé náh kwāh nê sah, pè kè tɔkɔ, ànê pé náh sémukɔ nê duku, pè kɪ tɔkɔ. 23 Ntɛ, kwāh nê se pi, té à náh pé pò dah mɔ sah pò dáhnmɔ-ńsah wòkò sɔkɔ nɪ? Páh pé syɪ pɔ, páh náhkɪ sè wɛ wilki dòhnínóɛ sé yò. 24 Képah sɔkɔ, nóno-á sò mɛ nénpó, à ñ syɪ yo pé tyí nɛ, pè pò mè syɪ ñ tyí, pè kéɛ ké kénknɔnɔ gbām nɛtɛ kɔ. 25 Pè mɛ yo ñ tyí nɛ, pé yõtë, sé gbām-á mɛ tɛ ñmɔ tyí dò! 26 Ntɛ, à mɛ pè syah nɛ: «Mé kéɛ n yo yé tyí nɛ: névi nê tyí kwāh-á mɛ, pè kɪ tɔ ñmɔ kɔ. Té névi nê tyí kwāh náh mɛ, kwéyy nê nítɛ-á mɛ ñ gbò, ké tɔ kɪ tɛ syɪ ñ tyí. 27 Ntɛ, ní sɛpé bí tɛ wɔɛ, pépi nóno náh sò mɛ ké tyí nɛ, mé pi pé yõtɛnɛ, yé pɔ péɛ á só, yé pɔ pé yèsò kɔ ní yí yah.»

Yesu dénóɛ Yerusalemí sɔkɔ

28 Képah yónteno náh, Yesu yīn pé yah, pè n doko n yuku Yerusalemi. 29 Té wǎh yīni tē n te gbí nēne Betefasyi ànê Betanile yōli yó tnô, pè n ye Wólívi yèh yōhle, à n tò sáhpú népí ními tō ne: 30 «Kwil nê-á yé yahle, yé kyi ké soko. Yáh ki n de, yé ki níkwěndyípi kǐ yó we tóhnmōnole nê-á ney náh doko yah n yō pólle. Yé à de n po ásô. 31 Té nê-à yé piki yah ne níkě, sǒ se, té yé nne n de ni, yé yo tē tyí ne, n yétô-á me Tě ngbē tyí, képah-á. 32 Wǎh yo sē, tēntò névyé nópi soko. Pè ntyínō kyi tyi tyi nópi we, sǒ-á sò à yo kéle pé tyí. 33 Pǎh me n déno soko gbí nēne, n nétām pè piki yah ne, sǒ se, té pè níkwěndyípi kǐ mēne n de ni? 34 Pè me yo pé tyí ne níkě, n yétô-á me Tě ngbē tyí, képah-á. 35 Té me yuku nne Yesu tyí. Pè pé flo mo n yō, à Yesu kō à doko. 36 Képah tēne, wǎh me n yuku sǒ, névyé me pé flole n mo n yuku sē wěkì yō. 37 Pǎh n tyah Wólívi yèh yōli tíkinteno, nivì de n tò sáhpú kwínki pól soko. Pǎh gbíl tyi nóno pól we, sépi yīnne, pè tyah Liyel yīnne n gbilki yīnpǒ ngbēne, 38 me yo tū ne níkě: «Yõtē nê-á n pi Liyel yīn yō, Liyel sām mo n soko!

Yèvini ne me yīnyō,
gbílkínó mó ne n sah Liyel yō,
nmo nê-á yīnyō fléyy tē-nsah.»*

39 Képah soko, tówú nyó soko Farisiyēno yísyó Yesu syah ne, pé kwó-ò dí, à n tò sáhpú vyēy tū kè! 40 Képah tēne, Yesu pè syah ne: «Mé kéle n yo yé tyí ne: pǎh ki sǒ pé vyēy vike ò, dyèh ye ki n gbo n mo pé swo.»

Yesu yah kwō Yerusalemi tyíle

41 Yesu-á de n te Yerusalemi, té kè we gbí nēne, à n gbo ké yīnne ne: 42 «É, Yerusalemi, wáh náhki sò me fē syi yèvini we dùkù pī kwey mēne! Nte wéèè, kè ye wǒbì á yah! 43 Yah, sèpìn yísyó me n pi, á sèpébi ki wǒbì-ntàn pi á kēki kore vi, té ki n fyǎh sah yey yey pólle. 44 Liyel-á po á yòhni nmo-nsah gbí nēne, á náh fē syi kè pī. Képah ye, pè ki á soko névyé pól ko mo, té ki n mukuli. Á dáhkì yó nte náh n wū n pi ké ní-ò yō.»

Yesu gbòyibi yīni wilki Liyel wòkò ngbē kéntáhkì soko

45 Yesu-á kyi de Liyel wòkò ngbē kéntáhkì, té yiyǎm yǎmpu we ké soko, à tyah péle n yīni n wilki. 46 Té me

* 19:38 19.38 - Yah n te Gbálnó sébéy 118.26 soko.

n yo pé tyí: «Kè me wárkínsàhnóle Liyel wey sòkò ne nkè: «N wòkò kɩ pi níri pí-nsah wòkòle». Té yépile, yé kè tòkò pi névyé yò syíkípu tẽ-nsahle.» ⁴⁷ Té à sò me névyele n kwò sòmésó Liyel wòkò ñgbě kéntáhkì sòkò. Képah sòkò, sárká wìlkìpu yòtám, ànê Liyel ñgbò wěkì kwópú sò me n kònmo-nsahle n yah n kō, kwil yah tām tole péle. ⁴⁸ Té no pól-á sò me pé ní kwò n tō n sah n nohnɩ n yíi n tyí sě, képah ye, pé náh pĩ páh kɩ n pi n pi sò.

20

¹ Yesu-á sò me névyele n kwò Liyel wòkò ñgbě kéntáhkì sòkò, me nìvìnì wey sánne n yo sě, só yóle, sárká wìlkìpu yòtám, ànê Liyel ñgbò wěkì kwópú, ànê yèwàhnì pò wil n tyí, ² té à syah ne, à yo pé syah, nê gbò yò sòkò se, à n pi tyi nópìle, nê se à kō tẽnwenò mènè nɩ? ³ A me yo pé tyí: «Nmo tɔ kɩ píkinyahnò núkú pi yé tyí: Yé yo ní syah, ⁴ nê-á tō Nsyõne, à pò nole n wel n wilki? Liyel se, tĩ névyé se?» ⁵ Pè me yo wě tyí ne, páh kɩ ne nkè, Liyel-á tō ñne, wáh kɩ pé syah ne, té kwáh nê se pi, té pé náh sě n yò nɩ? ⁶ Nte, névyé sěnyĩnò-á me te ké yò ne, Liyel tẽntò syinyo-ò-á Nsyõne, páh kɩ mó tō ne nkè, névyé-á tō ñne, no pól-á kɩ dyèhle pé minki ko. ⁷ Káh pi sě, pé à syah ne, pé náh pĩ nê-á tō ñne. ⁸ Páh yo sě, Yesu tɔ mó pè syah ne, káh pi sě, tẽnwenò nê-á pé kō pé tyi nópìle n pi, pé náh mó kè yo pè syah n pi.

Divě sésân swāh tópú népêl sèmirkìle

⁹ Képah náh, Yesu tyah sèmirkì yóle n yāh névyé tyí ne: «Dĩ yó ye lésò divě sésân swāh kō, té kéle tẽntòbe gbò dahbi, té sòkò kóló sòkò à kyɩ mo. ¹⁰ Sé pye gbe gbí-á pò nò, à tònpi yó tekɩ mo divě sésân swah tẽntòbe nópì tyí ne, pé pé tyí divě sésân pyele à kō. Nte, tẽntòbe nópì me tònpi mè ko, té pé syɩ à tekɩ mo n gbò kókóle. ¹¹ Képah sòkò, sètě dí tō n syɩ tònpi yó tekɩ mo. Pè tō ñmo tɔ ko, té à gbyò, té pé syɩ à tekɩ mo n gbò kókóle. ¹² A tō n syɩ tònpi tō-ò tekɩ mo. Pè tō ñmo tɔ pi yo, té à yini. ¹³ Káh pi sě, sètě dí ne, sò se pé kɩ pi nɩ? Páh kɩ pé nìdè pídí wò tekɩ mo. Nmo wòle, gbòkénpi, páh kɩ yòyén sah n yò. ¹⁴ Nte, divě sésân swāh tẽntòbe nópì-á fyò n pídí we, pé núkú yo wě tyí ne nkè, n gběyò-á yò. Pé ye à ko mo, gbèkɩ mó pi pépi tyíle. ¹⁵ Képah tẽne, pé à yorɩ wilki mo divě sésân swāh kahnɩne, té à ko mo. Núkúnúkú tẽne, sò me sètě dí kɩ pò pi péle wé? ¹⁶ A náh pò divě sésân

swāh tēntōbe nópi ko mɔ, té kɪ kè dahbɪ n pi yísyó gbò di?»
No-á kéne wɛlɔ noh sɛ, pè nɛ, póllɛ, képah wɔ náh n pi n
pi!

17 Nte, Yesu me pè yah, té yo pé tyí: «Liyel wey-á nê yo nɛ
ńkɛ:

«Wòkò mópú-á dáhki nê milki,
képah ye pɔ pi wòkò kyí yò dáhgbíle»,
képah yò nêne yépi tɛ tyí?

18 Névi nê-à wil syɪki kéne dáhki yò, tɛ kɪ kwɔki. Té, kàh se
mó tɔ syɪki nê yò, kè kɪ tɛ pyāhrɪ.»

19 Képah sɔkɔ, Liyel ñgbò wɛkɪ kwópú, ànê sárká wìlkɪpu
yòtām ñgbɔ sò pɪ yíi tɛ nɛ, pépi yò-á Yesu mɪ sèmírki mènɛ.
Képah ye, pè sò me ñ tɛ-ńsahle n yah n kɔ nénpó swɔ, té
névyɛ tíki pè tɛ.

Nê-á yíne Sesarɪ kɔ́nóle, ànê nê-á yíne Liyel kɔ́nóle

20 Képah sɔkɔ, pè tyah Yesu kyòmìnóle. Pè yínvínpuɪ
yísyó tekɪ mɔ ñ tyí. Pè pɔ pé gblɔy pi négbólóle. Pè sò me ké
tyí nɛ, à pilki ñ vyāh wey sɔkɔ, pé kɔ pé à wɛ tɛ kyɪ dahbɪ
kwil yah tɛ-ò gbò, tɔ́rí ànê tɛnwɛnɔ-á me nê tyí. 21 Képah
tɛnɛ, pè píkinyahɔ yó pi Yesu tyí nɛ, kwó-ò dí, páh pɪ nɛ,
wāh tyi nónónɛ n yo, té kwónó nónónɛ n pi, gbɔ kókó-á
séle. Á náh névyɛle n wah, ànê wāh Liyel wɛkɪle névyɛle
n kwɔ ké gbɪ yò. 22 Nte, à yo pé syah, ńkɛ, ké wɛkɪ se me
kɔ́nóle nɛ, pé mórɪle n mɔ Wromɛnɔ yòtɛ ñgbɛ Sesarɪ tyí,
tɪ ké wɛkɪ náh me kɔ́nóle? 23 Té Yesu-á pé yínvɪ pɪ sɛ, à yo
pé tyí: 24 «Yé pɔ pɔ pɔ núkúle, mé yah ātrɛ. Nê yah mírki,
ànê ñ yín me wárkínmɔnɔle ké yò yò?» Pè me yo ñ tyí nɛ,
Sesarɪ tyí-á. 25 Yesu me yo pé tyí: «Kàh pi sɛ, yé Sesarɪ tyíle
Sesarɪle n kɔ, yé mó Liyel tyíle Liyel kɔ.» 26 Kàh pi sɛ, pè
náh pílki-ńsah wɛ ñ wey sɔkɔ, à à tɛ névyɛ yí yah. Té ñ tyi
yah yónó pyɛ me pé gbān du, pè me tɛ syísyí.

Sadusɛnɔ Yesu piki yah lékyi yílkinmɔnɔ tyí sɔkɔ

27 Sadusɛnɔle, nósyó ye, nónó-á nɛ, lékyi náh min sán wɛ
n pi. Pé nɔ de Yesule, té à piki yah nɛ, 28 pé kwó-ò dí, Moyisi-
á kɪ wārki sah pé kɔ nɛ ńkɛ, sétɛ nê-à ku pi wé-ńkɛnɛ, té
gbɛ me tɛ tyí, gbɛ mɛ-á yíne à pékúsè mè tɔkɔ, à mó wɛnpɪ
dubi à kɔ ñ nénkyí náhne. 29 Nte, kèkùrkɪ núkú dɪnpɪ nɛpɪ
kwārnɪnɔ yísyó-á lésɔ me. Nénkyí tɛ me sê tɔkɔ, té ku, té à
sah píkánne. 30 Ñ sò syɪ me pi mè tɔkɔ. 31 Képah náh, tɔ-ò
me à tɔkɔ. Kè n pi n yuku sɛ fóó, pé nɛpɪ kwārnímí pól à
tɔkɔ. Té, pé pól pɔ ku, té à sah píkánne. 32 Képah náh, pi

mè tɔ pɔ ku. ³³ Nte, pi mè-á de yah sɛ népɪ kwǎrními nɔpi tyí-à, lékyí min sán pónwe sóle, à kɪ n pɪ n pi pé sɔkɔ ney nê tyíle?

³⁴ Pǎh yo sɛ, Yesu yo pé tyí: «Kèkɔyó mè tɛ wɔ sɔkɔ, sétókókì me, ànê, pédekè me. ³⁵ Nte, Liyel-á nónó kyɔmɪ we ne, pǎh yíne dénóle kèkɔyó sán sɔkɔ, té kɪ min sánne pè kɔ n pi lékyí min sán pónwe sóle, pépi náh syó tɔkɔ n pi, pè náh n de n pi pɛbɪ tyí pólle. ³⁶ A kɪ pè wilki kú sɔkɔ, kɪ min sánne pè kɔ. Pè kɪ pɪ yínyó tɛntônè tyí kɔle: Pè náh tɔ n ku n yah n pi. Pè ye pɪ Liyel pyele. ³⁷ Moyisi tɔ ye kè yo wah yíi ne níkɛ, lékyí-á kɪ pɔ pé syɪ min sán we. N sébéy fí nê-á dukuni tyíle n yo nê-á sò nyàh lépɔle ké sɔkɔ, képah sɔkɔ ye à Tɛ̀ ñgbɛ̀ Liyel ye <Abrahmɪ Liyelle, ànê Yisakɪ Liyelle, ànê tɔ Yakobɪ Liyelle>. ³⁸ Liyel tyí, no pól me vyele. Képah ye, lékyí Liyel náh ñne, vye Liyel ye.»* ³⁹⁻⁴⁰ Wǎh yo sɛ, nìsǎh náh tɔ sò me pé tyí, kɪ à piki yah. Képah ye, Liyel ñgbò wɛ̀kì kwópú yísyó yo ñ tyí ne, kwó-ò dí, wǎh wɛkɪ plɛ.

Kristale, Davidi yòtɛ ye

⁴¹ Képah sɔkɔ, à me yo pé tyí: «Á kɪ yo sɔ ne, Davidi náh ney ó-á Kristale nê-á Liyel ne, páh kɪ tekɪ mɔ? ⁴² Tɛ̀ ñmo Davidi rítɛ̀ mó tɔ kè yo ñ yìgbìnì sébéy sɔkɔ ne níkɛ: <Tɛ̀ ñgbɛ̀ Liyel ye kè yo ñmo Tɛ̀ ñgbɛ̀ tyí ne níkɛ:

«Pɔ n kɔ n tɛ̀ ní gbòyò sóle,

⁴³ fóó kè pɔ no gbí nê-á mé kɪ á sépébi pɪ á gbáhsúkíle.»>

⁴⁴ Nte, Davidi rítɛ̀ we à ye ñ Tɛ̀ NGBÈNE à kɪ tɔ pɪ sɔ, té kɪ pɔ n pɪ ñ náh ney óle?»

Yesu ne, pé tò sǎhpú pé gblɔyne n kyɔmɪ Liyel ñgbò wɛ̀kì kwópúle

⁴⁵ Képah náh, à yo ñ tò sǎhpú tyí ñ wey nóhpú pól yí yah ne: ⁴⁶ «Liyel ñgbò wɛ̀kì kwópúle, fwòmòngbno mónkɔnkɔnɔ tyí no pé tyí. Pè n ne n me ké tyí ne, no ne n tɔ n sah n wɛkɪ pé tyí tówú tükè-ntàn sɔkɔ. Tɛ̀-ntàn gbroyé tyí no pé tyí Liyel ní-ntàn vù sɔkɔ, ànê yé yó-ntàn sɔkɔ. Yé yé gblɔyne n kyɔmɪ péle! ⁴⁷ Tɛ̀ pépi ó ye tɔ n vi n tɛ̀ pékúsyɔle, à pé gbàn yíle n syi, ñ té nírilɛ̀ n pɪ yòsɛ̀kíle, ñ névye yahle n pil ne, páh me tómm. Nte, pé tukey kɪ n pɪ n pi képékéyò, à kal no téló tyíle.»

* **20:38** 20.38 - Nónó-á ku sɔkɔ di mónóle, káh yo ne, Liyel-á pɪ pépi Liyelle, képah n wɛ̀kì ne, páh me min sɔkɔ.

21

Yínkõno nê-á pékúsè pi

¹ Só yóle, Yesu sò me Liyel wòkò òngbê kéntáhkì sòkò, té wǎh ò yah yõ, à tahbì we, pè me pé yínkõ kò póle n dah n mɔ n pɔ pò dáhnmɔ-ńsah kwáh sòkò. ² A pékúsè yām ney yó to we, à pɔ pópì pló nínó dah mɔ. ³⁻⁴ Képah sòkò, à ne: «No pólle, pò nónó yétò náh me pè tẽ, sépi ye pè tókò pɔ dah mɔ. Nte, pékúsè yām ney mène, òmɔ ye ò yām fõh, té ò yõ yõ pò pól tókò pɔ dah mɔ. Képah ye, mé kéle n yo n dal n mɔ yé tyí kègbì yõ ne: òmɔ-á dah mɔ kal no pólle.»

Yesu me Liyel wòkò òngbê sónó tyíle n yo n sah

⁵ Képah náh, névye tókù sò me n yo ne, Liyel wòkò òngbê-á me ple: Nkẽ, ké mɔ mɔ dyêh, ànê ké vyó nónó-á névye yí Liyel kò, sǎh me kè syi yí. Nte, Yesu me yo pé tyí: ⁶ «Nê-á yé n yah yò kè, sèpìn yísyó me n pi, dáhkì yó ńtẽ náh n wú n pi ké ní-ò yõ. Sé pól kì pirki.»

Yèvyǎhrì tyi nónó-á kì n pi n pi, kèkõyó-à pópó n tyè

⁷ Képah sòkò, pè me Yesu piki yah ne ńkẽ, kwó-ò dí, gbí nê se képah kì pi nì? Anê, kwní yónmɔno nê se kì wèkì kéle ne, kǎh kì n pi n pi nì? ⁸ A me yo pé tyí: «Névye náhnáh kì pɔ òmɔ yìn tókò n pi pé yah yíne, té kì n yo ne ńkẽ, pépi-á Nmòle. Nkẽ, ké gbí-á nɔ te! Nte, yé kǎh pé sò tẽ! Yé yé gblõyne n kyomì, yé kǎh ye ney pɔ yé pilki. ⁹ Yáh pɔ mál, ànê névye yúkúnyahlenɔ tyí yónóle n nohnì, yé kǎh ye tíkì yé tẽ! Képah òngbò ye yíne kè pi. Nte, képah náh núkú n pi n pi kèkõyó mè tyénóle.»

¹⁰ Képah náh, à tǔ ò syì yo pé tyí: «Kwil yó kì yuku kwil yóle n fwo. Tǔrí yó kì yuku tǔrí yóle n fwo. ¹¹ Sétáh syahrì òngbno kì me n pi, té tǎntàn náhnáh sòkò, ńyàn pèl ànê kwèkì kì me de. Tíkítíkì tyi, ànê kwní yónmɔno òngbno kì n we yínyõ. ¹² Nte, kéne tyi-à pópó n pi, pè kì yé tẽ fõh, té kì yé gbàh de mɔ pè kò pè kì tuke Liyel ní-ńtàn vù sòkò. Pè kì yé dah mɔ wòkònpèkè sòkò. Pé kì yé tẽ kyì yòtām ànê kwlo yah tǔpú tyí òmɔ yinne. ¹³ Képah gbò yõ yé kì òmɔ tyí we yo pé tyí. ¹⁴⁻¹⁵ Nte, yé ye, yé dyo ne me n kwne ne, òmɔ-á kì wey wèkì dùkù ànê lékámne yé kò, nê-á kì yé fõhpú kò, pè náh fẽ n wèkì yéle, ànê pè náh fẽ yé kòli. Képah ye, yépi tyí náh yé gblõy vìnóle, yé vyèy syi yinne. ¹⁶ Nte, nónó ńtẽ-á kì yé mɔ kù kò n pi, yé dúbípú ye, ànê yé yúnpyele, ànê yé tyí

névyele, à tahl yé kódíbí tyí. Képah soko, yé náhnáh kɪ ko mɔ. ¹⁷ No pól kɪ yé dyɔle n yɔ nɪmɔ yinne. ¹⁸ Nte, yé yòyén soko yó n̄tē náh n yah n kwlo n pi. ¹⁹ Gbáhtēnɔ soko ye yé kɪ tyé-nkē min we.»

Yesu Yerusalemi yíkinó tyí yo sah

²⁰ «Yáh mégbân we sè Yerusalemi mɔ gbɪ gbí n̄ne, yé p̄i ne, ké sɔ gbí-á nɔ. ²¹⁻²² Kéne sèp̄in kɪ pɪ pèkè wɔ dénòle, Liyel sébéy soko tyi wárkínsàhnó pól kō sè kɪ pɪ tū. Képah ye, nónó-à me Yude kwil soko, pépi to de ymɔ soko. Nónó-à me Yerusalemi kwil táh soko, pépi wil. Nónó-à me gbno soko, pépi káh de kwil táh. ²³⁻²⁴ Kè kɪ pɪ kéne sèp̄in soko yèvyáhrɪ n̄gbēne kwil soko. Té Liyel kɪ yuku kwil mē névyé yō f̄kòvyáhn̄ne. Pè kɪ ko mɔ kèk̄irne, kɪ tē yuku yōb̄ile kèk̄oyó kwlo pól soko. Té Liyel p̄í-nkē névyé kɪ Yerusalemi yikɪ pól tēne f̄óó, kɪ pɔ syɪ pé gbí tyénó tyí. Képah ye, kéne sèp̄in soko, kè kɪ pɪ ȳi yèvyáhr̄ile syó kurn nētān, ànē yōkɪ nētān tyí.

Névi Pi syínɔnɔle

²⁵ Képah soko, kwní yónmɔnɔ kɪ we gbí soko, ànē n̄wɔ soko, ànē n̄wɔ kèpye soko. Té kèk̄oyó névyé pól yáh-nsah kɪ me tye kèpékèyō. Pne yɔ gbní kèpékè ànē ké f̄úndokɔnɔ tiki kɪ me pè kah tē. ²⁶ Yinyō tǎhkìnó kɪ yike. Képah ye, tyi nónó-á kɪ pɔ n pɪ n pi kèk̄oyó, sépi tyí sōnɔ tiki kɪ névyé ko. ²⁷ Képah soko, pè kɪ Névi Pi we à kɪ me n pi n̄yirk̄i soko n̄ tǎhk̄i pólle, ànē n̄ gblò soko. ²⁸ Kéne tyi-à pópó tyah n pɪ gbí n̄ne, yé pwáhn̄mɔnɔ me nɔ n te. Káh pɪ sē, yé yuku ȳin, yé mó sóré mɔ yé gbl̄y soko.»

Kwónó nē-á pɪ sènsóké séswô tyí yō

²⁹ Képah náh, Yesu tō sèmirk̄i yó yáh pé tyí ne: «Yé yah sènsóké séswô, ànē sésân téló pólle kè: ³⁰ Yáh sè we sè tyah n tye m̄snɔle, yé n p̄i ne, kɪ de gbí-á me yúkey. ³¹ Sē ó ye, yáh pópó kéne tyi we sè tyah n pɪ gbí n̄ne: Yé p̄i ne nkē, Liyel t̄órí-á me yúkey. ³² Kègbɪ yō, mé kéle n yo n dal n mɔ yé tyí ne: kwey gbí névyé pól náh n ku n te n pi, té kéne tyi pól kɪ ȳini tē. ³³ Yinyō ànē sétáh kɪ pɔ tye, nte, n̄mɔ welo náh n tye n yah n pi pólle.»

Yé káh yé dyɔ mɔ n f̄wɔ Yesu syínɔnɔ tyíle

³⁴ Yesu tō yo pé tyí: «Yé yé gbl̄y kyɔmɪ syáh syáhn̄ole, ànē sètēn̄i p̄ínòle, ànē kèk̄oyó mē tyi sōnɔle. Sé káh n pɔ

yé lékám pi tĩtĩ. Képah-à pi, kèkõyó tyé só kɪ yé kwɔkɪ tẽ.
³⁵ Sẽ to ye, ké lésõ kɪ kwɔkɪ tẽ sétáh yõ névyé pólle, sã-á
 yẽnkɔ tẽ tẽ mɔ n tẽ yẽnkɔle. ³⁶ Nte, yé káh yé dyɔ mɔ n
 fwɔ, yé nírile n pi gbímegbí. Képah sɔkɔ, tyi nónó pól-á n
 pi yò, yé kɪ tẽnwenɔ we sé yò, té kɪ fẽ pɔ yuku yĩn Névi Pi
 yah tukey sɔkɔ.»

Yesu sèp̃in téló pínóle Liyel wòkò ñgbě kéntáhkì sɔkɔ

³⁷ Ké légbĩne, tyah kyòo yah sɔkɔ, Yesu ñkẽne n kyɪ kwónó
 pi Liyel wòkò ñgbě kéntáhkì sɔkɔ, ñ té n kyɪ lékáh pi yõle yó
 yõ nê-á pè n ye Wólívi yèh yõlile. ³⁸ Té à tɔkɔ séngbõ púsó
 tyí, no pól n pɔ nóhnó pi ñ tyí Liyel wòkò ñgbě kéntáhkì
 sɔkɔ.

22

Nsyifunɔ yõtãm Yesu tyí yo syi

¹ Búrn sɛ-ñkɛ syáh nê-á pè n ye Pakɪle, képah dénteno
 sɔkɔ, ² sárká wĩkĩpu yõtãm ñgbnɔ, ànê Liyel ñgbò wèkì
 kwópú sò me syõ-ñsahle n yah n kɔ, páh kɪ pi sɔ, té Yesu ko
 mɔ n pi. Té névyé yah tíkí sò me pè tẽ.

Yudası ṽinóle Yesu náh

³ Té légbĩne, sétàn yõtẽ de Yudası sɔkɔ nê-á pè n ye
 Yisikariyɔtɪle. Yesu tò sáhpú népí gbõnimí sɔkɔ ney yó ye
 sò ñne. ⁴ A me sɔkɔ, à kyɪ yo sárká wĩkĩpu yõtãm ñgbnɔ,
 ànê Liyel wòkò ñgbě kyòmìpu yõtãm tyí, wáh ne Yesu tẽ pè
 kɔ n pi dùkù nêne. ⁵ Képah sɔkɔ, kè nɔ pé tyí. Pè me yo sah
 núkú yõ ne ñkɛ, páh kɪ póle à kɔ. ⁶ Yudası me fẽ syi, té tyah
 ké wénpi-ñsahle n yah n kɔ, wáh pi sɔ, té Yesu dahbi n pi
 pé gbò, névyé pí-ñkɛ sɔkɔ.

Yesu pè kɔ pè Pakı yòke tẽ-ñsah yah

⁷ Búrn sɛ-ñkɛ syáh sɔ-á pɔ nɔ, nê sɔkɔ-á sò Pakı képyénì
 kɪ n ko n pi, ⁸ Yesu me Pyerı ànê Nsyõ tekɪ mɔ ne, pè kyɪ
 Pakı syáh yòke tẽ-ñsah yah sah yõ yõ tẽnne. ⁹ Pè me à piki
 yah ne, ñyáh sɔkɔ se à me ké tyí ne, pé kyɪ kè pi nı? ¹⁰ A
 me yo pé tyí: «Yé yah, yáh kɪ n de kwil sɔkɔ gbí nêne, yé kɪ
 dí yó yohnı, à kɪ me ni pín twah. Yé ñ sò tẽ. Wáh kɪ kyɪ de
 kéte nê sɔkɔ, yé de nénpó. ¹¹ Yé mó yo kété tẽ tyí ne, kwó-ò-á
 yo ne ñkɛ, wòkò nê sɔkɔ se pé kɪ pɔ yòke yõ n pi ànê pé tò
 sáhpúle nı? ¹² Képah sɔkɔ, à kɪ yĩnyõ wòkò sɔkɔ táh ñgbě
 yóle yé wèkɪ, gbò vi vyó pólle kɪ sɔkɔ. Nénpó sɔkɔ ye, yé
 kɪ pi Pakı syáh yòkele.» ¹³ Képah tẽnne, pè me sɔkɔ. Yesu-á

kè yo sǝ pé tyí, pè mó ntyínɔ kyí ké pól wɛ sɛ̃. Pè mɛ Pakɪ syáh yǝke pɪ nɛnpó.

Yesu yǝke yónó téyne

¹⁴ Yǝke yǝ gbí-á pɔ nɔ, Yesu ànê n tɛntǝbe-á pɔ tɛ yǝke yah sɔkɔ gbí nɛnɛ, ¹⁵ à mɛ yo pé tyí: «Mé sǝ mɛ ké tyí náhnáh nɛ, mé Pakɪ yǝke mɛ yǝ yéle, mé mó pyɛ de yèvyǎhrɪ sɔkɔ. ¹⁶ Nkɛ̃, mé kéle n yo yé tyí nɛ: mé náh tǝ Pakɪ yǝke mɛ yǝ n yah n pi fǝó, kɪ kyí syí ké tyí pɪntúnɔ tyí Liyel yǝtǝrí sɔkɔ.» ¹⁷⁻¹⁸ Képah sɔkɔ, à mɛ ðivɛ wɔ wɔ kwáh tɔkɔ ðivɛnɛ ké sɔkɔ, à wɛkɪ Liyel tyí, té yo pé tyí: «Mé kéle n yo yé tyí nɛ: à tɔkɔ núkúnúkú tyí, mé náh tǝ ðivɛ wɔ n yah n pi fǝó, kɪ pɔ syí Liyel tǝrí pónó tyí. Képah ye, yé syí kéle, yé wɔ dibi wɛ tyí.» ¹⁹ Képah náh, à mɛ búrn tɔkɔ, té wɛkɪ Liyel tyí, té kè kwɔkɪ dibi pè kǝ, té yo pé tyí: «Nýɔle, nímɔ wil ye, nê-á kɪ kǝ yépi yinne. Yé sɛntɛnɛ n pɪ, sǝ-á mé n pɪ kéle. Képah sɔkɔ, yé dyɔ kɪ n kwɛnɛ nímɔ tyíle.» ²⁰ Yǝke yǝntɛnɔ náh, à tǝ ðivɛ tɔkɔ, à pè kǝ sɛntɛ óle, té yo pé tyí: «Nýɔle, nímɔ tǝ ye, nê-á kɪ kwɛ yépi yinne, kɪ pɪ yégbékè kwrónmɔnɔ késánne Liyel ànê névyɛ wró. ²¹ Nte, yé yah, névi nê-á kɪ n vi n pi nímɔ náh, nímɔ tɔ mɛ n yǝ nne fí núkú. ²² Névi Pi kɪ ku, sǝ-á Liyel yah tɔkɔ kéle. Nte, névi nê-á kɪ n vi n pi n náh, pèkè kɪ pɪ nímɔ tyíle.» ²³ Képah tɛ sɔkɔ, pè tyah wɛnɛ n piki n yah nɛ, pépi tɛ sɔkɔ nê se kɪ n pɪ n pi képahle nɪ?

Nê tɛ kal?

²⁴ Képah náh, pè mɛ tyah, à yékâble n pɪ. Pè sǝ mɛ ké tyí nɛ, pé pǝ nê tɛ-á kal pépi sɔkɔ. ²⁵ Képah sɔkɔ, Yesu mɛ yo pé tyí: «Kèkǝyó kwlo yǝtǝm níkɛnɛ pé tǝríle n sah sé yǝ, ànê tǝrí-á mɛ nónó gbǝ, pépi n nɛ mɛ ké tyí nɛ, no pé yíngbúle n yo. ²⁶ Nte, yépi tɛ tyí náh yíne kè pɪ sɛ̃. Nê-á yah tɛnɛ yépi sɔkɔ, nímɔ pyɛ yíne à pɪ yé pól gbɛ sǝ. Yǝtǝrí-á mɛ nê gbǝ, nímɔ pɪ yé pól tǝnpɪ sǝ. ²⁷ Yépi tɛ tyí, névi nê-á tɛ yǝke yah, ànê nê-á n tɔkɔ n kǝ kéle, nê tɛ kal pépi sɔkɔ? Nê-á tɛ yǝke yah, nímɔ náh di? Nte, képah fyé yǝ, nímɔ mɛ yépi wró sɔkɔ tǝnpɪ sǝ. ²⁸ Yépi tɛ wɔle, yépi ye sǝ mɛ nímɔle ní yèvyǎhrɪ pí-nítǎn sɔkɔ. ²⁹ Képah ye, nímɔ sú-á tǝríle ní kǝ sǝ, nímɔ tɔ kɪ kéle yé kǝ sɛ̃. ³⁰ Képah sɔkɔ, yé kɪ pɔ n yǝ, té kɪ n wɔ nímɔle fí núkú ní yǝtǝrí sɔkɔ. Anê yé kɪ pɔ kǝ tɛ yǝtǝrí klǝ yǝ, kɪ tukey tuke Yisrayel névyɛ ðinnɔ gbǝninó yǝ.»

Yesu nɛ, Pyeri-á kɪ pɔ n vyǎh kǝli nɛ, pé náh pé pǝ

³¹ Képah náh, Yesu yo Simo Pyeri tyí: «Simo, Simo! Sétàn yõtë ye ké wěkì yah kō ne, pé yé fe, sō-á sè mukòle pé n fe gbéy soko. ³² Té mé me Liyel ni á tyí ne, á Liyel yō sēnó káh tē syi á tyí. Té, wāh á syi pò nmo tyí gbí nēne, sórèle n mo yé no soko.» ³³ Wāh yo sē, Pyeri me yo n tyí ne, péwò tē wòle, káh kɪ sō n pɪ wòkònpèkè soko dénóle, képah náh pɪ, kũne, péwò-á me pé vi sah kɪ de ñne sépi pól soko. ³⁴ Nte, Yesu me yo n tyí: «Pyeri, mé kéle n yo á tyí ne: kwey lékâh soko, sɛnpe náh tōnì me n gbo n pi, té á kɪ me á vyāh kōli te gbáhýí tōnó ne ñkě, á náh nmo pì.»

Méfwókwāh tyíle

³⁵ Képah náh, Yesu me yo pé tyí: «Ñmo-á sò yé tō gbí nēne, té yo yé tyí ne, yé soko pó, ànê pilki, ànê lékyèh kēne, kwāh yó se kyɪ tekɪ yé tyí?» Pè me yo n tyí ne, kwāh yó náh tekɪ. ³⁶⁻³⁷ Képah soko, à me yo pé tyí: «Mé kéle n yo yé tyí ne: wey nê-á wārki nmo tyí soko ne ñkě, pé à mo kō tyípèl pípú wró, képah kɪ n pɪ n tũ n pi. Tyi nónó-á yo sah nmo tyí soko, sé pɪ gbí me no n te. Képah ye núkúnúkú tē wòle, pó-à kɪ me nê tyí, tē kè tɔko. Anê képah núkú-ó ye: Pilki-à kɪ me nê tyí, tē kè tɔko. Té kèkírki-á kɪ n knɛ nê tyí, tē n fwòmò-ngbē yām kèyāh dwe.» ³⁸ Képah soko, tò sáhpú ne, à yah, kèkírno nínó-á yò. A me ne, káh yīne.

Yesu nírí pínóle Wólívì yèh yōli yō

³⁹ Képah náh, Yesu me wil soko Wólívì yèh yōli yō, wāh dar te n kyɪ n pò sō. Té n tò sáhpú me n sò tē. ⁴⁰ Wāh yīni tē nɛnpó gbí nēne, à yo pé tyí ne, pé Liyelle n ni, mónyahno káh pò tē we pé tyí. ⁴¹ Képah náh, à gbɛ mo tē péle fíí kwéy, dáhkì mínno ke núkú yínintē-ńsah kénkòle. Té gbètukunò di, à nírile n pɪ, ⁴² me n yo ne: «Bō, wāh kɪ me ké tyí, yèvyāhrɪ mè wró gbɛ mo nmo. Nte, kè káh pɪ nmo dyo dyo tēne. Áwò dyo dyo tē ó pɪ.» [⁴³ Légbíne, yīnyō tēntò yó wil n yah, à pò táhkile à kō. ⁴⁴ Té Yesu min sò me yèvyāhnpèkè soko. A tō wān mo Liyel nínó yō. N wil myèh pò pɪ tókwil sō, à n kwe sétáh.] ⁴⁵ Wāh nírí pɪ te gbí nēne, à yuku kyɪ n tò sáhpú tnô. A kyɪ ne yah, pé me n do yèkwɔrɪ kwlónó tē tyí. ⁴⁶ A yo pé tyí: «Kwāh nê pɪ, té yé n do sē? Yé yuku Liyelle n ni, mónyahno káh pò tē we yé tyí.»

Yesu tēnóle

⁴⁷ Yesu me wékínó soko sē, té Yudasɪ nê-á n tò sáhpú népì gbōnimí soko yóle, ñmo tówù yó yah tē pò wil mo n yō. Té

no de òne ne, pé à pòri tẽ, pé weki ò tyí. ⁴⁸ Nte, Yesu me yo ò tyí: «Yudasì, pórìntẽnò sòkò se á kú de mò Névi Pi gbàhle?» ⁴⁹ Nónó-á sò me Yesule, pãh pò kè kyòmí à pĩ tir nê-á kú pò n pì n pì, pé yo Yesu tyí ne, pépi Tẽ ògbẽ, pé se kèkìrnne n de no tyí ní? ⁵⁰ Tè sàrká wìkìpu yòtẽ tònpi bí nónó-á sò me, Yesu tò sáhpú sòkò ney yó nùkú ò kèkìrkìle pépi sòkò yó gbòyò sò níki we kò kãm. ⁵¹ Képah sòkò, Yesu me yo pé tyí: «Yé yìn sẽ.» Tè tũ dí mè níki tyí, kè me tye.

⁵² Képah sòkò, sàrká wìkìpu yòtãm, ànê Liyel wòkò ògbẽ kyòmìpu yòtãm, ànê yèwàhni nónó-á sò pò Yesu tẽ-ńsah, à yo pé tyí: «Yé pò òmò tyí kèkìrn ànê léplóle kèlékẽ névi sò òne ní? ⁵³ Nte, swò swò pólle, mé sò òkène n ne n me yéle Liyel wòkò ògbẽ kéntàhkì sòkò, yé nàh ní tẽ. Tè yépi gbì ye se nùkúnùkú, ànê sétò tãhkì pì gbíne fèntũ sòkò.»

Pyeri ò vyãh kòli ne, pé nàh Yesu pĩ

⁵⁴ Képah nàh, pé Yesu tẽ, à sòkò òne sàrká wìkìpu yòtẽ ògbẽ kéte. Pyeri sò me pé sò tẽ n kò péle fíí. ⁵⁵ Pè sò me nyàh mò kéte niyó, me kò tẽ wẽ tyí, té Pyeri tò sò me péle nyàh yah sòkò. ⁵⁶ Képah sòkò, tònpi pi yó à we kòntẽnóle nyàh yah, té à gbah yah díkidíki, té ne, dí mè tò-á sò me Yesule. ⁵⁷ Wãh yo sẽ, Pyeri me ò vyãh kòli pi tyí ne, pé nàh à pĩ dé. ⁵⁸ Dò kwéy, dí yó tã à we, té ne, òmò tole, kéne no sòkò ney yó-á òne. Képah tẽne, Pyeri me yo ò tyí ne òkè, pé sòkò ney nàh péwòle. ⁵⁹ Képah nàh, lérí nùkú kénkò sòkònteno nàh, dí yó tã kè gbah yo ne òkè, yékãb nàh me ké sòkò, dí mè tò-á sò me òne, Kalile ney-á òne dò. ⁶⁰ Képah sòkò, Pyeri me ò syi yo ò tyí ne òkè, péwò nàh me ò wey mè syíkí-ńsah we dé dí. Nénpò swò, Pyeri me képah yónó sòkò sẽ, té sénpe gbo. ⁶¹ Tẽ ògbẽ Yesu me ò yah vi Pyeri yah díkidíki. Képah sòkò, Pyeri dyo nùkú to kò ò wey mène, wãh sò nê yo ò tyí ne, sénpe-à kú pópó n gbo kweyne, wãh kú me ò vyãh kòli te ke tónó ne òkè, pé nàh péwò pĩ. ⁶² Kãh pì sẽ, à me wil kégbó, à kyì nàhnpi gbni kah gbo.

Yesu gbyòndò ànê ò kòndòle

⁶³ Képah sòkò, Yesu-á sò me díbi nónó gbò, pé sò me kóle òne n kò, té me òne n syki gbònkukele. ⁶⁴ Pè sò me ò yah pukubi, té me n yo ò tyí ne, à sãh pĩ, névi nê-á mì òne. ⁶⁵ Tè tã me òne n gbyò wèntùkùni nàhnàhle.

Yesule Nsyifunò tukey tükèpu yah sòkò

⁶⁶ Képah náh, tyah-á dal, Nsyifunɔ yèwàhni, ànê sárká wĩkĩpu yòtãm ñgbnɔ, ànê ñgbò wěkì kwópú wě tuke mɔ. Pè me pɔ Yesule pé tukey tükè-ñsah ñgbě sɔkɔ, ⁶⁷ té yo ñ tyí ne, ñmɔ-à kɪ ne Kristale, Liyel ney tékínmɔnɔle, à kè yo pé syah. A me yo pé tyí: «Máh kɪ kè yo yé syah, yé náh n sɛ n pi ké yò. ⁶⁸ Anê máh kɪ se yéle n piki n yah, yé náh vi mɔ n pi ní tyí. ⁶⁹ Nte, à tɔkɔ núkúnúkú tyí, Névi Pi kɪ kò tɛ tyi pól Tɛ ñgbě Liyel gbòyò sòle.» ⁷⁰ Képah sɔkɔ, pé pól núkú yo ne, ñmɔ tɛ tyí, ñmɔ-á Liyel pile kè? Yesu me yo pé tyí: «Yépi n̄tɛ ye kè yo te ne n̄kɛ, ñmɔ-á dò.» ⁷¹ Képah tɛne, pè ne, tàrfyò nê tɛ se tɔ pé kɪ n yah n kò nɪ? Pépi n̄tɛ-á kɪ noh, à kè yo ñ vyãhle.

23

Pè kyɪ Yesule Pilatɪ tyí

¹ Képah náh, pé pól me yuku, à Yesu tɛ kyɪ Pilatɪ tyí. ² Nénpɔ sɔkɔ, pè tyah lékãhle ñne n kò ne, páh dí mè kyɔmɪ we, à me pé kwil névye yòle n yiki, me péle n yini n mɔ mórí mónóle yòtɛ ñgbě Sesarɪ tyí. Té ñmɔ n̄tɛ-á me n yo ne n̄kɛ, péwɔ-á yòtɛne, nê-á sò Liyel ne, páh kɪ tekɪ mɔ. ³ Képah sɔkɔ, Pilatɪ me à piki yah ne, ñmɔ se Nsyifunɔ yòtɛne nɪ? A me yo ñ tyí: «Áwɔ ye yo kéle.» ⁴ Pilatɪ me yo sárká wĩkĩpu yòtãm ànê no pól tyí ne, péwɔ náh tir yó we dí mè tyí pólle, nê-á yĩne lékãhle ñ kɔnóle. ⁵ Nte, pè tɔ me kè gbah yo tũ ne n̄kɛ, wãh me névyele n kwɔ nòhn̄n̄-ñkɛne, Yude tãntãn pól sɔkɔ. Kalile kwil sɔkɔ-á à tyah kéle fɔ́ó, à pɔ de ásò.

Pè kyɪ Yesule Yerɔdɪ tyí

⁶ Pilatɪ-á képah noh rýãh sɔkɔ, à píkinyahno pɪ ne, Kalile ney se dí mène nɪ? ⁷ Wãh fyò ñ wĩl-ñsah tyí noh, té pĩ ne, Yerɔdɪ-á nénpɔ yòtɛne, à núkú à tekɪ mɔ ñmɔ kɔ. Té kè mó pɔ yĩne Yerɔdɪ sò me Yerusalemɪ kéne sèp̄n̄ sɔkɔ. ⁸ Kè pɪ di mónóle, Yerɔdɪ sò me Yesu tyí yónóle n nohn̄n̄, té me ké tyí ne, pé à we à ne n me gb̄l yóle n pɪ. Képah ye, wãh à we, kè pɪ n̄v̄ ñgběne ñ tyí. ⁹ A me à gbah piki yah náhn̄h̄, té Yesu náh dahbɪ wilki ñ tyí. ¹⁰ Képah sɔkɔ, sárká wĩkĩpu yòtãm ñgbnɔ ànê Liyel ñgbò wěkì kwópú sò me nénpɔ, té me lékãhle ñne n kò fɔ́ó kèpékèyò. ¹¹ Yerɔdɪ ànê ñ srásyíbi-á kóle à ko, té me à yilɔ te gb̄l n̄ne, pè me yòtɔrí fwo yó mɔ à kɔ, té pé syɪ à tekɪ mɔ Pilatɪ kɔ. ¹² Pilatɪ ànê Yerɔdɪ sò me wě sèpéb̄ile ñgbòle, té lésòle, pè kódírí toh.

Pè Yesu gbàh de mo kũ kũ

¹³ Képah soko, Pilatu sárká wĩkĩpu yòtãm ñgbno, ànê kwil yahtãm, ànê névye ye tuke, ¹⁴ té yo pé tyí: «Yé dí mè tẽ po, té ne, wãh me névye yõle n ykĩ. Nte yah, yépi to yĩ yah ye mé piki yah ñne. Mé náh tir yó ntẽ we ñ tyí, yáh nónoné n yo n sah ñ yõ, nê-á yĩne lékàhle ñ kónóle. ¹⁵ Yerodu ntẽ to náh tir yó we ñ soko, wãh sõnpĩ ñ syĩ à tekĩ mo ápi kũ. Kãh pi sã, dí mè náh tir yó ntẽ pi nê-á yĩne kũne. ¹⁶ Képah ye, mé kĩ à ko yèfõhle, té kĩ à fin mo.»

[¹⁷ Té Pakĩ syáhnó pól soko, Pilatu sò yĩne à wòkònpèkè soko névi yó fin mo pé kũ.] ¹⁸ Képah tẽne, pé pól tyah n kwro n gbo n mo ne, à dí mè ko mo, à mó Barabasĩ fin mo. ¹⁹ Té Barabasĩ sò me dáhnmonole wòkònpèkè soko kèlékẽ tir yó yõ, nê-á pi kwil soko, ànê nékókè mónóle. ²⁰ Té Yesu finmo dékè-á sò me Pilatu tẽ, à tõ ñ syĩ kè tõ yo pé tyí. ²¹ Nte, pé tõ gbo mo ne níkẽ: «À syĩ dahni yõ! A syĩ dahni yõ!» ²² Pilatu me tõ wey toko ke tõ-òle, à yo pé tyí ne, tyítúkù nê se à pi ni? Péwo náh tir yó ntẽ we ñ soko, nê-á yĩne kũne. Képah-á, páh kĩ à ko yèfõhle, té kĩ à fin mo. ²³ Nte, pé me yõ soko kéle n kah n yo náhnáh ne níkẽ: «À syĩ dahni yõ.» Képah tẽne, pé kãhngbonmono po tẽ we Pilatu tyí. ²⁴ Képah soko, à me kè yah toko ne, nê-á pé n yah n kũ, képah-á kĩ pi pé tyí. ²⁵ Dí nê-á sò pé dah mo wòkònpèkè soko, kèlékẽ yó ànê nékókè mónó yĩnne, ñmo nê-á sò pé n yah n kũ ñ tyí, à ñmo fin mo, té Yesu pi pépi dyo yĩ tẽne.

Pè Yesu syĩ dahni yõ

²⁶ Képah soko, páh Yesu tẽ n soko syí-ńsah gbí nêne, pé Sireni kwil dí yó yohni, pé n ye Simole. A me wil swãh, me n de Yerusalemi. Pè me ñmo tẽ Yesu dahni, à twah mo ne, à ñ sò tẽ. ²⁷ Té tówù ñgbẽ sò me n yuku ñ náh, à tahlĩ syó tyí nóno-á sò me n gbo pé gbãnne n kòhli pé ni yõ yèkwori tẽ tyí Yesu yĩnne. ²⁸⁻²⁹ Képah soko, Yesu me ñ yah vi pé ñnne, té yo pé tyí: «Sèpĩn yĩsyó me n pi, névye kĩ po tyah n yo ne, yòbènorĩ-á me píkán syó tyí, ànê nóno-á pé náh pi dubi yah, ànê pé náh yãnne piri kũ yah. Képah ye Yerusalemi syó, yé káh ne n gbo ñmo yĩnne. Yé ne n gbo yé gblõy, ànê yé wẽnpĩ yĩnne. ³⁰ Ké légbĩne, névye kĩ po tyah n yo tley tyí ne, sè sykũlĩ pé yõ. Té kĩ yo ymo tyí ne, sè vike tũ pé yah. ³¹ Nte, páh séswónpòle n pi sã, séswónkòkò wo

tyí kɪ pɔ n pɪ n pi sɔ́?» ³² Té pè sò me tyípêl pípú nɛpí ní mí to tɛ kyɪ, nónó-á kɪ kyɪ n ko n mɔ n pi ànê Yesule wɛ tyí.

³³ Păh kyɪ yīni tɛ fí yó, nýāh-á pè n ye «Yōgbèkè tyahle», pè à syɪ dahɪ yō nɛnpó ànê tyípêl pípú nɛpí ní mí nópilɛ pé tyí tyí dahlo yō. Núkú sò me syínóle n gbòyò sò, ní-ò me syínóle n gbɛyìnè sò. ³⁴ Légbíne, Yesu me ne: «Bɔ́, păh nêne n pi, pè nâh kè pī. Képah ye, á gblɔy ye pé tyí.» Képah nâh, sràsyíbi me ndan mɔ, à n flo dibi wɛ wró. ³⁵ Névyɛ sò me yīntɛnóle nɛnpó me n yah. Té Nsyifunɔ yòtām wɔ sò me kóle nne n ko, me yo tū ne, wăh névyɛ tókù pwah mɔ, nte à n gblɔy pwah mɔ mó kè, n̄mɔ-à kɪ nê Kristale, Liyel yáhntɔkɔnɔle. ³⁶ Sràsyíbi to sò me kóle nne n ko, té nɔ de n tnô, à ðivɛ yórénole à kɔ́, té ne, ³⁷ n̄mɔ-à kɪ nê Nsyifunɔ yòtɛne, à n gblɔy pwah mɔ kè! ³⁸ Té kè sò me wárkínsyɪnɔle Yesu yòtah ne: «Nýɔle, Nsyifunɔ yòtɛ ye.»

³⁹ Képah sɔkɔ, tyípêl pípú nónó-á syɪ dahlo yō, pé sɔkɔ núkú sò me Yesule n gbyɔ ne, n̄mɔ kó Kristale nɪ? A n gblɔy pwah mɔ, à mó pépi to pwah mɔ! ⁴⁰ Nte, n ní-ò me wekɪ n yō, té yo n tyí ne, à kó Liyel yah tíkile n pi nɪ, n̄mɔ nê-á me kéne yèvyāhrɪ núkú mɛ sɔkɔ? ⁴¹ Pépi tɛ wɔ tyíle, pé yèvyāhrɪ pínó yah-á. Pé tyípínó kɔlɪ-á n dyah péle. Nte, n̄mɔ tɛ nâh tir yó n̄tɛ pi pèkèle. ⁴² Té tɔ n syɪ yó Yesu tyí: «Yesu, á dyɔ to n kɔ́ n̄mɔ tyíle, wâh pɔ á yòtɔrí sɔkɔ gbí nêne.» ⁴³ Yesu me yo n tyí: «Kègbɪ yō, mé kéle n yo n dal n mɔ á tyí ne: kwey mɛ n̄tɛ sɔkɔ, á kɪ me n̄mɔle Liyel fɔ́ sɔkɔ pal tɛ-n̄sah.»

Yesu kúnóle

⁴⁴ Gb̄intɔ pɔle, gbí yah kwlo, fɛntú mɔ kèkòyó pól sɔkɔ pópó, à pɔ syɪ gbèkām gbí tyí. ⁴⁵ Nɛnpó swɔ, fwògbròkè nê-á Liyel wòkò n̄gbɛ fɔkɔ táh kɔ kah, kè to ké n̄yó. * ⁴⁶ Yesu me kah de syɪ ne n̄kɛ: «Bɔ́, mé ní minne n dahɪ á gbò.» Képah yóntɛnɔ nâh, à ku. ⁴⁷ Sràsyíbi lèkwɛ yòtɛ dí-á képah we nýāh sɔkɔ, à tyah Liyel yīnne n gbilki me n yo ne, kègbɪ yō, négbí-á sò dí mènɛ. ⁴⁸ Té nónó pól-á sò me pɔ yīn tɛ kéle n yah, păh kéne tyípínó we sɛ, pé pól sò me pé gb̄an kòhlɪ pé nɪ yō me n sɔkɔ. ⁴⁹ Anê nónó pól-á sò Yesule n pne, à tahlɪ syó nónó pól-á sò wil Kalile kwil sɔkɔ, à pɔ nne wɛ tyí, pé pól sò me yīn tɛ fíí, té me n yah.

* 23:45 23.45 - Yah n te Yebre sébéy 6.19 ; 9.1-8 ; 10.19-20 sɔkɔ.

Yesu yĩnóle diki sɔkɔ

50-51 Tɛ dí yó sò me, pè n ye Yosefulɛ. A sò n wil Nsyifunɔ kwil yó sɔkɔ, nê yĩn-á Arimatulɛ. Nsyifunɔ tukey tükèpu sɔkɔ ney yó ye sò. Tɛ pèpɔri pí-ò négbí ye sò ònɛ. A náh sò n de pé no téló tyi yáhntɔkɔnɔ, ànê sé pínó sɔkɔ. Anê, à sò me Liyel tɔrí pónóle n syikɔ. ⁵² Nnɔ me kyɪ wil Pilatu tyí, à Yesu lékó ni ò tyí. ⁵³ Tɛ me kyɪ à tiki mɔ dahnɪ yõ, tɛ fwɔle à plo, à kyɪ dah mɔ diki yó sɔkɔ. Kéne diki sò tũ tekɪ sɔkɔ, tɛ lékó yó ntɛ náh tɔnì sò dah mɔ yah ké sɔkɔ. ⁵⁴ Tɛ lésòle, gblɔy vɪnsàhnó yòh ye sò Nsyifunɔ tyí, dendal mɪ mɪ yòh yĩnne. ⁵⁵ Syó nónó-á sò wil Yesulɛ, Kalile kwil sɔkɔ, pè Yosefu sò tɛ kyɪ diki yõ. Pè kyɪ diki yah mɔ, ànê Yesu dáhnɔmɔ dùkùle ké sɔkɔ. ⁵⁶ Képah náh, pè pé syɪ to yuku kwil sɔkɔ, à kyɪ nɪrɪnó, ànê làsèkwèl pèplɔ yah sah lékó yĩnne.

Tɛ me mɪ, pé mɪ mɪ yòh sòle, sɔ-á kéle Liyel tyi kònsàhnó sɔkɔ.

24*Yesu yúkúnwìlnóle diki sɔkɔ*

¹ Nsyifunɔ mɪ mɪ yòh-á sɔkɔ, ké dendal séngbɔ pú púle, syó nópi yuku sɔkɔ diki yõ, pé nɪrɪ pèplɔ nópile, pãh sò nónó pɪ sah. ² Pè kyɪ nɛ n yah diki yah dáhkì me pílntonɔle. ³ Pãh de diki sɔkɔ, pè náh kyɪ Tɛ ògbɛ Yesu lékó wɛ. ⁴ Kãh pɪ sɛ, pé fɔkɔ fil. Pãh me képah sɔkɔ, díbí népí ními yísyó wil pé yah, nónó wil flo-á sò me n tɛ pèrr. ⁵ Tíkí tɛ tyí, syó nópi pé yey sɪnki sétáh. Díbí nópi me yo pé tyí: «Kwãh nê pɪ, tɛ nê-á min sɔkɔ, yé pɔ ònɛ n yah n kɔ diki sɔkɔ? ⁶ A náh me ásò. A ye ò syɪ min wɛ. Wãh lésò me Kalile sɔkɔ, tɛ nê yo sah yé tyí, yé yé dyɔ to kò képahle. ⁷ A náh lésò nɛ ríkɛ, Névi Pí-á yĩne à dahbɪ tyípèl pípú gbò, wãh yĩne à syɪ dahnɪ yõ, tɛ ò kúnó sèpìn tɔ-ò sòle, à mó ò syɪ min sán wɛ di?» ⁸ Légbíne, syó nópi dyɔ núkú to kò Yesu wɛyne. ⁹ Pè me yal diki yõ, à kyɪ tyi nópi pól yãh tò sáhpu népí gbònúkú syah ànê no téló pólle. ¹⁰ Makadala kwil Mari, ànê Nsyɔn, ànê Nsyakɪ yú Mari, ànê syó nónó-á sò me péle, pépi ye yãh tyi nópile Yesu tɛntòbe tyí. ¹¹ Ntɛ, kéne welɔ sò me pɪ tɛ pé tyí sèmirn sò. Pé náh sɛ sé yõ. ¹² Kãh pɪ sɛ, Pyɛrɪ wɔ mó yuku to kyɪ diki yõ. Wãh kɔ yah, à lékó flo ó wɛ. N gbàn du tir mè pínó dùkùle, à me ò syɪ to yuku ò tĩnne.

Yesu ànê tò sáhpú népî nîmîne Yemayusi kwil wěkì yõ

13 Ké lésõ me óle, Yesu tò sáhpú népî nîmí sò me n yuku kwil yó sòkò pè n ye Yemayusile. Kéne kwil ànê Yerusalemí wró sò me lérínó nínó kó-ńsahle. 14 Tyi nónó-á pì, pè sò me sépi yáhnó sòkò wě tyí. 15 Páh me yáhkì ànê wě vînmòno sòkò gbí nêne, Yesu me pò kwro mò pé sòkò, à wěkì pì núkúle péle.

16 Nte, kè sò pì á kú ne pé yah sõ me syï, pè náh sò me tẽ we à yah pĩ yîne. 17 Képah sòkò, à me pè piki yah ne, tir nê se pè n yáh, té n kò ní? Pè me yîn, té me yèkworí sòkò sě. 18 Té pé sòkò ney núkú yó sò me, pè n ye Klewopasile. Nmò me yò Yesu tyí ne, ñmò gblõy ó se me Yerusalemí sòkò, tyi nópi pí-ńkêne, nónó-á pì ké sòkò sèpîn nópi sòkò ní? 19 A me pè piki yah ne, sépi se pì tyi nónóne ní? Pè me yo ñ tyí ne, tir nê-á pì Nasaretí Yesu tyí sòkò kè: Nmò nê-á sò pì Liyel tẽntò syínyo-ò nétáhkìle ñ tyípínì ànê ñ wey sòkò, Liyel yah ànê névye pól yah sòkò. 20 Nte, pé sárká wîlkîpu yõtám, ànê pé kwil yahtám pò à tẽ kõ ne, pè ko mò. Pè me à syi dahni yõ. 21 Té pépi tẽ wò-á sò me n sò ne, ñmò-á kú pò Yisrayel tãn wilki n pì yõrí sòkò. Nte, sépi pól sòkò, kéne tyi pínsòkòno sèpîn tõnì-á kweyne yò. 22 Gbì-á pépi mú sòkò, syó yísyó-á pò pé fòkò fil tẽ wòle. Pépi-á sò yuku sòkò séngbõ pú púle diki yõ, 23 páh kyí lékó yah kwlo sě, pè pé syi pò yo pé tyí ne, yînyõ tẽntònè yísyó ñtê-á wil pépi yah, té yo pé tyí ne, wáh me min sòkò. 24 Pépi sòkò névye túkù me kyí diki yõ sòkò, té ñtyínò kyí tyi nópi pól we, sõ-á sò syó yo séle, té pè náh Yesu wò we.

25 Páh yo sě, Yesu me yo pé tyí: «Lékám kě névye, yépi náh n kwáh n sě Liyel tẽntò syínyopu welo pól yónó yõ! 26 Krista náh sò yîne à yèvyáhrí pì sě, à mó pyě de ñ tõrí sòkò di?» 27 Té ñ syi, à tyi pól dùkù yo wah pè syah, Liyel wey sébéynó-á nónó yo ñ tyí sòkò, à tyah Moyisi tyíyónsahní tyí pópó, à kyí syi Liyel tẽntò syínyopu tyínó tyí. 28 Képah tẽne, páh pò yîni tẽ pé yúkú-ńsah kwille yúkey, Yesu pì á kú ne à sõ yõ n sòkò yahle. 29 Nte, pè me à fal ne, à wũ pépile, ńkě gbì-á me tiki mò, lékâh-á me n tyah mónóle. Páh yo sě, à me de gbô sòkò, à wũ péle. 30 Té wáh pò tẽ, à n tyah yòke yónóle péle gbí nêne, à me búrn tokò, té wèkí Liyel tyí, té kè kwòkí pè kõ. 31 Képah sòkò, pé yah pì kyò, pè à yah pĩ. Nte, pè núkú à yah kwlo pé tnô. 32 Pè me tyah n yo wě

tyí ne, wǎh sò n yǎh péle wěkì yah gbí nêne, à Liyel wey sébéynó soko tyi dukùle n yo n wah péle n syah, pé ni kó sò me kàhnvinole ni?

³³ Nénpó swò, pé núkú yuku, à pé syi soko Yerusalemi, à kyi tò sáhpú népí gbõnúkú ànê pé kò mú we tükènmontênóle. ³⁴ Pépi me yo ními nópi tyí: «Gbí yò, Tè ngbê Yesu yuku wil diki soko. A n gblõyne Simo wěki.»

³⁵ Pǎh yo sê, tyi nónó-á mó pi népí ními nópi to tyí wěkì yah, ànê pǎh Yesu yah pĩ sò, n búrn dibi dukù soko, pé mó se yǎh pé syah.

Yesu n gblõyne n tò sáhpú wěki

³⁶ Képah tènne, pǎh me képah yónó soko sê, Yesu núkú wil mo pé niyó, té yo pé tyí: «Yèvini ne me yéle.» ³⁷ Tíki tẽ tyí, pé lékám vye fěki. Pè sò me n sò ne, némírki yó-á pé we. ³⁸ Képah soko, Yesu me yo pé tyí: «Kwâh nê pi, té yé lékám vye fěki? Kwâh nê pi, té yéle tòtò soko sê? ³⁹ Yé yah ní gbãne ànê ní gbyêhne: Nmò ye gbí yò! Yé tũ yah ní tyí, yé ki wil gběnsê ànê gbèl we ní tyí. Sé kénkõ se me némírki tyí?» ⁴⁰ A me képah yónó soko, té n gbàn ànê n gbyêhne pé wěki. ⁴¹ Nte, nivìni ànê gbëndùni tẽ tyí, pǎh tẽ sê kwlo ké yò sê, à me pé piki yah ne, yò yò kwâh se me pé tyí ásò ni? ⁴² Pè me yěnkò fyénó yen yóle à kò. ⁴³ A me kè syi, té kè kò pé yí yah.

⁴⁴ Képah nǎh, à yo pé tyí: «Képah ye lésò mé yo yé tyí, máh lésò me ànê yéle gbí nêne ne níkě, tyi nónó pól-á wǎrki sah nímo tyí soko Moyisi tyi sàhnó sébéy soko, ànê Liyel tẽntò syínyopu sébéynó soko, ànê yìgbìnì sébéy soko, sé pól-á ki pi tũ.» ⁴⁵ Képah soko, à pé lékám yiki mo Liyel wey sébéynó soko tyi dukù pĩ yinne, ⁴⁶ té yo pé tyí: «Kè pi, sò-á sò kéle wǎrkínsàhnóle ne níkě, Krista-á ki yèvyǎhri pi ku, té ki n syi yuku n kúnó sèpìn tǝ-ò sóle. ⁴⁷ Nmò yin yò, Liyel wey-á ki yo kò, à tyah Yerusalemi fóó, à kyi syi kèkõyó kwlo kwlo pól tyí ne níkě, névyè Liyel wěkì tẽ, pé mó tyípèl yõnmòno we. ⁴⁸ Yépi ye pi kéne tyi tàrfyònóle. ⁴⁹ Tè nímo sú-á n vyǎh kò ne, pǎh ki nêne yé kò, mé ki à tekì mo yé kò. Nte, yépi tẽ wo tẽ kwil mè soko fóó, yé pò tǎhkì we nê-á ki wil yinyõ.»

Yesu yõndakònole yinyõ

⁵⁰ Képah nǎh, só yóle, Yesu pé tẽ, à yuku péle Betani kwil finne. Pǎh yini tẽ nénpó, à n gbàn yò yinyõ, à sǎm mo pé soko. ⁵¹ Tè, wǎh me sǎmne n mo pé soko gbí nêne, à gbe wil

pé sɔkɔ, à yĩ dɔkɔ sɔkɔ yĩnyĩ. ⁵² Tò sáhú tẽ wɔɛ, pépi-á à gbilki tɛ, pè pé syi sɔkɔ Yerusalemi, nìvì nì ògběne pé sɔkɔ. ⁵³ Té gbímegbí, pè náh sò me n yah n kwlo Liyel wòkò ògbě kéntáhkì sɔkɔ, n ne n me Liyel yinne n gbilki.

Nsyõ-á Nìvìnì tir nê wãrkı Yesu tyí soko

Yesu nê-á Liyel Pi núkúnìne, ìmɔ ye weyne nê-á min nètēne

¹ Tyí pól tyah gbíne, nê-á weyne,* à lésõ me. A lésõ me ànê Liyelle. Liyel ye ñne. ² Ñmɔ ye lésõ me ànê Liyelle tyah gbíne. ³ Yíyìn pól mɔ ñmɔ gbò yõ soko. Yí nónó pól-á mɔ, sé kèyãh ntē náh mɔ né ñmɔ náh. ⁴ Ñmɔ soko ye min n we. Kéne min ye kyòole névyé tyí. ⁵ Kè me kō tē kyòo fěntú soko, té fěntú náh tē we ké yah kō.

⁶ Képah soko, Liyel pɔ dí yó tō, nê yīn-á Nsyõne.† ⁷ Ñmɔ ye pɔ kyòo mē tyí yo wah névyé tyí, ne pé pól we sē ké yõ soko ñmɔ gbò yõ. ⁸ Ñmɔ náh sò kyòo mēne, ñte ké tyí yónwàh-ñsah ye sò à pɔ. ⁹ Wey mēne, kyòo kègbı ye sò kéle, nê-á pɔ kèkõyó soko, à pɔ pı kyòole no pól tyí. ¹⁰ Té nê-á wey mēne, à sò me kèkõyó soko. Kèkõyó mɔ ñmɔ gbò yõ soko, ñte képah fyé yõ, kèkõyó névyé náh tē we à yah pı. ¹¹ N yēngbē tyah soko ye à pɔ, té ñ no náh à tē ple. ¹² Nte nónó tē wɔ-á à tē ple té sē ñ yõ, à tēnwenole pépi kō pè pı Liyel wēnpìle. ¹³ Nte tó soko dubi dükù, képah náh pı wil gběnsé dékè, képah náh pı névi dyo yí tē soko náh pè pı Liyel wēnpìle dé! Liyel gbò yõ soko ye pè we.

¹⁴ Wey ye vi mɔ pı névile à pɔ twah tē á wró. Yòbènrı pí-ò ye ñne, ànê à me gbı ó ñ tó. Ñmɔ nê-á Liyel Pi núkúnìne, á ye ñ tórí we, tórí nê-á à we syi ñ Sú tyí. ¹⁵ Ñmɔ tyí ye lésõ Nsyõ yo tū léyy ne ñkē: «Ñmɔ tyí soko ye mé lésõ kè yo ne ñkē: «Ñnı kı n pɔ n pi ñmɔ tyí náh, té à me te té ñmɔ dubi, képah ye à kal ñne.»» ¹⁶ Api me yòbènrıle n tō n we n yuku ñ nìgbèkì tnónkàhnmɔnɔ gbò yõ, ñmɔ nê-á Yesule. ¹⁷ Moyisi gbò yõ ye Liyel ñ tyi kònsàhnóle á kō. Nte Yesu nê-á Liyel ney yáhtokɔnole, ñmɔ wɔ gbò yõ soko ye yòbènrı ànê gbı wɔ we. ¹⁸ Ñnı yó ntē yí náh tē yah Liyel yõ. Nte ñ Pi núkúnı nê tyí-á yo soko, ñmɔ nê-á Liyelle, té me Sú Liyel tnô, ñmɔ ye Liyel dükùle á wēkı.

* **1:1** 1.1 - Wey nê tyí-á n yo ásò soko yò, Liyel Pídı Yesu ye. Légbíne à náh tóni sò me pı névile. Yah n te Nsyõ 1.14. † **1:6** 1.6 - A wil Nsyõ 1.42 ànê Nsyõ 21 tyí soko, Nsyõ sébéy mē pól soko, yáh fyò Nsyõ yīn we wárkínsàhnóle nıyãh soko, wèlnwilkı-ò Nsyõ ye pè n ye.

Wèlnwìlkì-ò Nsyõ-á n̄ gblõy tyí òkù yo wah sõ

19-20 Nsyifunõ yõtãm lésõ Yerusalemì kwil sárká syínwìkìpu, ànê Levi yìkì névye yísyó tõ Nsyõ tyí, pè kyí à piki yah ne, òmò tẽ se ne nê ó-á péwòle ni? Nsyõ náh yahle ké yónóle pé tyí dé! A kè yo dal mò pé tyí pnéyy pé pól yí yah ne, péwò náh Liyel ney yáhntòkònlé. ²¹ Képah sòkò, pè me ne, òntè nê se òmòle ni? Nkê òmò se Yelilè‡ ni? Nsyõ me pè syah ne, òmò náh péwòle. Pè ne, òntè Liyel tẽntõ syíno-ò§ nê-á kù n pò n pi, òmò se òntè ni? A me ne òõ-á. ²² Képah tẽne, pè ne, òntè òmò tẽ se ne nê ó-á péle ni? A kè yo pé syah pé kò pé kyí we yo pé tópu tyí kè. Nkê sõ se à kù yo n̄ gblõy tyí sòkò ni? ²³ Képah sòkò, Nsyõ me ne: «Òmò tyí ye lésõ Liyel tẽntõ syíno-ò Yesayi yo sah n̄ wey sòkò ne,

òntè yínpõ-á me n̄ dòkò gbènnì sòkò ne òkè:

«Yé wèkì tõ sah Tẽ ògbè yinne!»*

²⁴ Nte nóno-á sò pè tõ Nsyõ tyí, Farisi wèkì kópú ye sò péle. ²⁵ Pè tõ à piki yah ne, òmò-à òkène Liyel ney yáhntòkònlé, képah náh pì Yelilè, képah náh pì Liyel tẽntõ syíno-òle, òntè kwáh nê se pì té à névyele n̄ wel n̄ wilki ni sòkò ni? ²⁶ Képah sòkò, à yo pé tyí ne: «Òmò tẽ wò me nolè n̄ wel n̄ wilki ni sòkò, òntè òntè me yépi wró, nê-á yé náh òntè n̄ pne. ²⁷ Òmò kù n pò n pi òmò tyí náh. Té òmò òtẽ fóroo kah n̄ lékyèh m̀no fyé dénmònlé.» ²⁸ Kéne tyí pól sò pì Betani kwil sòkò, Nsyurdé yónkahn̄ne. Nénpó sòkò ye sò Nsyõ n̄ wel n̄ wilki nolè ni sòkò.

Tyípèl tẽnyò-òle

²⁹ Ké òndalle, Nsyõ-á Yesu we à me n̄ pi n̄ tnò, à ne òkè: «Yé yah, Liyel-á kèpópikì† nê tekì mò kèkòyó névye tyípèl tẽ yò yinne, òmò ye yò. ³⁰ Òmò tyí sòkò ye mé lésõ kè yo ne òkè: «Òntè kù n̄ pò n̄ pi òmò tyí náh, té à me te té òmò dubi, képah ye à kal òntè.» ³¹ Òmò òtẽ tó náh lésõ òntè n̄ pne. Nte yáh we mé pò wèlnwìlkìnlé n̄ pì ni sòkò, n̄ òkù ye mé Yisrayel tãnnè n̄ wèkì.»

³²⁻³³ Nsyõ tyíyókè mè yo Yesu tyí sòkò ne òkè: «Liyel nê-á tekì mò òntè ne mé wèlnwìlkìnlé n̄ pì ni sòkò, à lésõ yo ò

‡ **1:21** 1.21 - Yelilè, Liyel tẽntõ syíno-ò ye lésõ òntè, té à pò à yò dòkò sòkò yínyò. Kè me yónóle Malaki 3.23 sòkò ne, wáh kù n̄ syí pò Liyel ney yáhntòkòno pónó tyí tõ sah. Képah ye Nsyifunõ kò pè Nsyõne n̄ piki n̄ yah ne Yeli se òmòle ni? § **1:21** 1.21 - Nsyifunõ gbò sàhnò sò me Tõnyono sèbéy 18.15-22 wey yò

sòkò ne, Liyel-á kù n̄ tẽntõ syíno-ò tekì mò n̄ pi Moyisi tyí kòle. * **1:23** 1.23 - Yah n̄ te Yesayi 40.3. † **1:29** 1.29 - Yah n̄ te Yálnò 12.3.

tyí ne níkě: «Wáh kɪ Liyel Mirki we kè tiki pɔ tẽ nê yõ, ñmo ye kɪ névyele n wel n wilki Liyel Mirki sɔkɔ.» Nmo ntẽ náh lésõ ñne n pne. Nte mé pɔ Liyel Mirki we kè wil yínyõ à n tiki n pi kèpíkííkí tyí kõle, à pɔ tẽ ñ yõ. ³⁴ Mé ye kè we yíne. Képah ye mé kéle n yo n dal mɔ ne, Liyel Pídí-á dí mène.»

Yesu tõ sáhpú négbrole

³⁵ Té dīndalle, Nsyõ tõ sò me nénpó ànê ñ tõ sáhpú sɔkɔ népí ní mí yísyóle. ³⁶ Wáh Yesu we à pɔ n sɔkɔ à ne níkě: «Yé yah kèpópíkile, nê-á Liyel tekɪ mɔ.» ³⁷ Képah tẽne, Nsyõ tõ sáhpú népí ní mí nópi-á ñ wey mè noh sɛ, pè kō Yesu náh. ³⁸ Yesu-á vi yah té pé we pè me ñ sò tẽ, à pè piki yah ne, kwáh nê se pè n yah n kō nɪ? Pè me à ye Wrabile, nê kór-á kwò-ò díne. Té à piki yah ne, ñ twáhntě-ñsah se me nyāh sɔkɔ nɪ? ³⁹ A me yo pé tyí ne, pè pɔ, páh kɪ kyí kè we. Pè me ñ sò tẽ kyí ñ twáhntě-ñsah we lérínó gbām-ò kénkō sɔkɔ.‡ Képah sɔkɔ, pè me wũ ñ tyí, à lésõ gbìyìkí téy pɪ.

⁴⁰ Nsyõ tõ sáhpú népí ní mí nóno-á sò ñ wey noh té Yesu sò tẽ, pé sɔkɔ núkú yó yīn ye Andrele. Simo-Pyerɪ yūnpi ye sò ñne. ⁴¹ Andre-á yal nénpó, kéne Simo-Pyerɪ tyí ye à kyí wil gbenne, ñmɔ nê-á ñ nénkyídíne, té yo ñ tyí ne níkě: «Ápi Krista we.» Krista kór ye Liyel ney yáhntokɔnɔle. ⁴² Képah sɔkɔ, à Simo tẽ yuku Yesu tyí. Yesu-á Simo we, à à yah, té yo ñ tyí ne, Nsyõ§ pídí Simo-á ñne, té páh kɪ yīn yó dyí à kō Sefasle. Wáh noh ne Sefas-á, ké kór ye légbíle. Kéne yīn ye tõ pè n ye Pyerɪle.

⁴³ Ké dīndalle, Yesu kè yah tokɔ ne, páh kɪ yuku Kalile gběnyah sɔkɔ. Wáh Filipi we, à yo ñ tyí ne, à pé sò tẽ. ⁴⁴ Betisayida kwil ney ye sò Filipile. Kéne kwil tãn ye sò Andre ànê Pyerɪ tole. ⁴⁵ Képah náh, Filipi kyí wil Natanayel tyí, té yo ñ tyí ne níkě: «Moyisi tyi kònsàhnó ànê Liyel tẽntõ syínyopu-á nê tyí yo sah, á ye à we. Nsyosefu pídí Yesu ye. A n wil Nasaretɪ kwil.» ⁴⁶ Wáh yo sɛ, Natanayel à syah ne, kwáhgbí se kɪ fẽ wil Nasaretɪ kwil sɔkɔ nɪ? Filipi me yo ñ tyí ne, à pɔ n yah. ⁴⁷ Képah sɔkɔ, Yesu-á Natanayel we à n pi ñ tnô, à ne níkě, Yisrayel ney tótó-á yò, nê-á yínvì náh me ñ sɔkɔ pólle. ⁴⁸ Natanayel me ne, nyāh sɔkɔ se à pī péle

‡ **1:39** 1.39 - Gbí nê tyí-á n yo ásò sɔkɔ yò, Nsyifuno lérí yāh dùkù sɔkɔ, méndwò gbí (16 h) kénkō tyí ye pè n yo. Té Wrome tãn wò lérí yāh dùkù sɔkɔ, pōy tō gbí tyí ye pè n yo. § **1:42** 1.42 - Nsyõ nê tyí-á n yo ásò sɔkɔ yò, túkù ñne n ye Nsyonasle.

nɪ? Yesu me yo n tyí ne, Filipi-á pópó ònne n ye, gbí nê-á sò à me sènsóké sésuwò sò sòkò, páh sò me ònne yah. ⁴⁹ Képah sòkò, Natanayeli me ne: «Kwó-ò dí, Liyel Pídí ye ále. Áwo ye Yisrayel tãn yòtẽne.» ⁵⁰ Wáh yo sê, Yesu me à syah ne, páh yo n tyí ne páh sò me ònne n yah, gbí nê-á à me sènsóké sésuwò sò sòkò, képah kó à kò à sê pé yò nɪ? Nte n yí-á kɪ tõ n tẽ n pi tyí-ngbno yò kɪ kal nópile. ⁵¹ Té tõ n syɪ yo pé tyí ne: «Kègbɪgbɪ tẽ yò, mé kéle n yo yé tyí, yé kɪ yínyò we yíkínmònlɛ, té yínyò tònɪpɪ kɪ me n dɔkò, té kɪ n tiki Névi Pídí* yòtah sòkò.»

2

Fúr syáh nê-á syah Kana kwil sòkò

¹ Képah náh, ké sèpìn tõ-ò sòle, fúr syáh yó sò me n syah Kana kwil, Kalile gběnyah sòkò. Yesu yú sò me ké sòkò. ² Té pè sò me Yesu tɔ ye ké sòkò, ànê n tò sáhpule. ³ Páh me fúr syáh mè sòkò, ònne pɔ tekɪ. Káh pɪ sê, Yesu yú me yo n tyí ne, ònne-á me tekɪ no tyí dé! ⁴ Yesu me yo n tyí ne, kwáh nê se à n yah n kò pé tyí nɪ? Pé gbí náh tònì se. ⁵ Képah sòkò, n yú me yo ònne díbípú tyí ne, wáh kɪ fyò pɔ tyi nóno yo pé tyí, pè sé pól pɪ. ⁶ Té dyèh yàhnɪnɪ kénúkò sò me Nsyifunò gblòy tònsàhnò* yinne à yine pé tyi kònsàhnòle. Sé núkú núkú pól sò me lítirno lèkwèkwè kénkòle. ⁷ Dò Yesu me yo pé tyí ne, pè ni mɔ pni nópi yíyile. Pè me ni mɔ sé yíyile. ⁸ A me ne, núkúnúkú pè tãh kyɪ tyi yah wáh-ò dí kò. Pè me tãh kyɪ à kò. ⁹ Képah sòkò, tyi yah wáh-ò dí-á kè wɔ yah, kè sò me vi mɔ pɪ ònne, té à náh sò me kèné ònne wíl-nsah pĩ. Nte ònne díbípú nóno-á sò di mɔ wɔle, pépi wɔ sò ké wíl-nsah pĩ. Képah sòkò, dí me fúr pí-ò dí ye, ¹⁰ té yo n tyí ne, no pól-á ríkèné ònne pènèkì ngbò dibi. Névyè-à wɔ kè syò pé sòkò gbí nêne, nê-à me nónyí-ríkèné, pè n pyè képah dibi. Nte ònne pyè ònne pènèkì tẽ wɔ koh sah à pɔ no yínkò gbí tyí nɪ?

¹¹ Képah ye pɪ Yesu gbíl tyípíní gbenne, à n tórí wèkɪ. Káh pɪ sê, n tò sáhpu me gbah sê n yò. A gbíl mè pɪ Kana kwil, Kalile gběnyah sòkò. ¹² Képah náh, ònne ànê n yú, ànê n

* **1:51** 1.51 - Yesu-à Névi Pídí tyíle n yo, n gblòy ye à n ye. * **2:6** 2.6 - Dyèh yàhnɪnɪ ànê gblòy tònsàhnò nê tyí-á n yo Liyel yah sòkò yò, Nsyifunò ríkèné ni mɔ n sah kèné yàhnɪnɪ sòkò, té páh wíl kóló sòkò, képah náh pɪ, páh n tyah yòke yónòle, pé pé gblòy kãm n wel sépi nne, n pé gblòy tõ n sah Liyel yah.

yũnpyé, ànê ò tò sáhpú tiki yuku Kapernayumi kwil sɔkɔ. Té sèpìn kwéy ó ye pè pɪ nénpó.

Gbòyĩbi yĩnĩnwĩlkinóle Liyel ní-ńsah gbô sɔkɔ

¹³ Té Nsyifunɔ yõri tyénó syáh-á sò me de n te sě, Yesu me dɔkɔ yuku Yerusalemɪ kwil sɔkɔ. ¹⁴ Wǎh kyɪ Liyel ní-ńsah gbô sɔkɔ, à kyɪ ne n yah gbòyĩbi me gbòle n yĩ ké sɔkɔ. Túkù me nyehle n yãm, túkù me képyénine n yãm, túkù me kèpíkípíkínole n yãm, té túkù tɔ mó me pɔ pé pó duke dukenɔ mɔ sah tàbálnó yõ, me séle n sah n tũ. ¹⁵ Képah tẽne, Yesu mno yísyó pɪ yèfòhle, té gbòyĩbi nópi pól yĩni wilki kéle Liyel ní-ńsah gbô sɔkɔ, à tahlɪ pé képyéni ànê pé nyeh tyí. Té pó sàhntũpu tàbálnó tu wilki mɔ, pé pónó kǔ sè kwe. ¹⁶ Képah sɔkɔ, té yo kèpíkípíkínɔ yãmpu tyí ne, pè sè pól tɔkɔ n yal ásô. Pè káh pé Sú Liyel gbòle n pɪ gbò yĩ-ńsah gbòle. ¹⁷ Wǎh fyò képah yo, ò tò sáhpú dyɔ núkú to kǔ Liyel wey sébéy fí yó tyíle, níyáh sɔkɔ-á kè me wárkínsàhnóle ne nké:

«Liyel, á wòkò tyí nɔ yĩ ní tyí, fóó ké tyí sònɔ n pɪ ní ko ko tẽne.»†

¹⁸ Képah sɔkɔ, Nsyifunɔ yõtã Yesu syah ne, gbĩl tir nê se à kɪ fě pɪ, nê-á n wěkɪ ne, yĩ mè pínó wěkì-á me ò tyí nɪ? ¹⁹ Képah tẽne, Yesu me pè syah ne níké, pè Liyel ní-ńsah gbô mè sɔ, páh kɪ kè tǔ mɔ sèpìn tǔnì sɔkɔ. ²⁰ Wǎh képah yo sě, Nsyifunɔ yõtã à syah ne, è, gbô nêne mɔ ye tikiní pó kénúkò sɔkɔ, òmɔ kɪ pɔ képah tǔ mɔ sèpìn tǔnì ó sɔkɔ nɪ? ²¹ Nte Liyel ní-ńsah gbô nê tyí-á sò Yesu n yo, képah ye kɪ sò n pɪ n pi ò wil gběnsèle. ²² Képah náh, Yesu-á pɔ ku té yilki mɔ gbí nêne, ò tò sáhpú dyɔ to kǔ ne wǎh lésò kè yo sah. Képah sɔkɔ, pè sě Liyel wey sébéy yõ sɔkɔ, té sě Yesu welo yónsàhnó tɔ yõ.

Yesu névye pól fɔkɔ sònole n pne

²³ Té Yesu-á sò me Yerusalemɪ sɔkɔ, Nsyifunɔ yõri tyénó syáh mè syáh-ńsah, à sò me gbĩl tyile n pɪ névye me n yah. Káh pɪ sě, névye náhnáh sě ò yõ. ²⁴ Nte Yesu sò me pé pól fɔkɔ sònole n pne. Képah ye, òmɔ tẽ wɔ náh sò me sě pé yõ. ²⁵ A névi nɪ kèdúkùle n pne. Képah ye, à pɔ névi kèdúkù tẽ yo ò tyí, ké yétò náh sò me ò tyí.

† 2:17 2.17 - Yah n te Gbálnó 69.10.

3

Yesu ànê Nikodemu wê wénóle

¹ Nsyifunõ soko, yéntê yó lésõ me pè n ye Nikodemune. A sò me Farisi wèkì kópú soko. ² Sõ yó lékâhne, à kyi wil Yesu tyí, té yo ò tyí ne kwó-ò dí, gbíl tyi nónó-á òmò n pi yò, ònî yó òtê nâh fê sènknole ne n pi n pi, né Liyel nâh me tène. Képah-á, páh pĩ ne òmò-á kwó-òle, nê-á Liyel tekí mò. ³ Yesu me yo ò tyí ne: «Kègbıgbı tẽ yõ, mé kéle n yo á tyí, ònî yó òtê nâh fê Liyel tórí we n pi, né tẽ nâh tõ dubi késáñne.» ⁴ Képah soko, Nikodemu ne, òte névi wáhnmonenõ nâh, sõ se képah kɪ fẽ pi ni? A se kɪ fẽ ò syi de ò yú foko soko, kɪ tõ dubi ke ní-òle ni? ⁵ Yesu me tõ yo ò tyí ne: «Kègbıgbı tẽ yõ, mé kéle n yo á tyí, ònî yó òtê nâh fê n de n pi Liyel tórí soko, né tẽ nâh tõ dubi ni, ànê Liyel Mirki gbò yõ. ⁶ Névi nê-à dubi névi tyí, névi ye tène. Té névi nê-à dubi Liyel Mirki gbò yõ, Liyel Mirki n ne n me tẽ soko. ⁷ Káh n ye kè á gbãndu, máh sɔnpule yo á tyí ne, yáh yĩne yé tõ n dubi késáñne. ⁸ Nyãh-à yáhkí dyo, nénpó ye kè n ne n pi n yuku. A kɪ ké pínó yĩne n nohnɪ, té á nâh n pĩ n pi nyãh soko-á kè wil, ànê kãh n yuku nyãh. Névi nê-à dubi Liyel Mirki gbò yõ, tẽ tɔ tyí n ne n me sèntène.»

⁹ Wãh yo sê, Nikodemu tõ ne, sõ se képah kɪ fẽ pi ni? ¹⁰ Yesu me yo ò tyí ne: «Áwole tyi kònsàhnó kwó-ò ògbène Yisrayel soko, té á nâh képahle n pne ni? ¹¹ Kègbıgbı tẽ yõ, mé kéle n yo á tyí ne, áyáh nêne n pne, képah tyí-á à n ne n yo. Ayáh nê we, à n pi képah tyí yónwãhpule. Nte yé nâh me séle n fê n syi. ¹² Máh sétáh yõ tyile n yo yé tyí té yé nâh me sê sé yõ, máh pɔ yinyõ tyile n yo yé tyí, yé kɪ pyẽ fẽ sê sépi yõ sõ? ¹³ Nnî yó òtê nâh dokɔ kyi yah yinyõ soko, à wil Névi Pídí tyí soko, òmò nê-á wil yinyõ à tiki pɔ. ¹⁴ Sõ-á lésõ Moyisi wahy kètò pi yésãhrile gbènnɪ soko,* à dokɔ mɔ sah dahni yõ, Névi Pídí tɔ yĩne à dokɔ mɔ sèntène. ¹⁵ Képah soko, névi nê-à sê ò yõ, tẽ kɪ tyé-ńkê min we. ¹⁶ Yah, kèkõyó névyé tyí ye kah nɔ Liyel tyí, képah ye à ò Pi núkúní tekí mɔ, ne névi nê-à sê òmò yõ, tẽ tyí káh yikɪ, òte tẽ tyé-ńkê min we. ¹⁷ Liyel tẽ wɔ nâh ò Pídí tekí mɔ kèkõyó soko ne, à pɔ lékãhle névyé kɔ pé tyípèl yinne dé! A ye à tekí mɔ ne, kèkõyó névyé pwáhnmonɔ we òmò gbò yõ. ¹⁸ Névi nê-à sê òmò yõ, tẽ wɔ nâh tõ n tuke n pi. Nte nê-à yahle sèńóle òmò yõ, tukey syikɪ te tẽ yõ, wãh sɔnpí yahle sèńóle Liyel

* 3:14 3.14 - Yah n te Yáhnó 21.4-9.

Pi nùkúní yõ. ¹⁹ Tukey mè we yò: Kyòo ye pɔ kèkõyó, té névyé tyípinó-á pɪ tyítúkúnine sɛ, fɛntú tyí nɔ kal pé tyí kyòole. ²⁰ Névi nê-à tyítúkúnine n pɪ, kyòo tyí náh n nɔ tɛ tyí gbógbó. Tɛ n pɪ ne páh kɪ pɔ kyòo yah, pé tyítúkúní pinó-á kɪ wil mɔ kwèyy. Képah ye, à náh n pɔ kyòo yah sokɔ. ²¹ Nte névi nê-à gbɪ wɛkìlɛ n kɔ, ñmɔ n pɔ kyòo yah sokɔ. A n ne n me ké tyí ne, nɔ pé tyípinó we pnéyy sépi nónó-á me n pɪ Liyel dyɔ dyɔ tɛne.»

Nsyõ-á nê yo Yesu tyí sokɔ

²² Képah náh, Yesu ànê ñ tò sáhpú pɔ tɛ yah Nsyude gbɛnyah sokɔ. A sò me névyele n wel n wilki ni sokɔ. ²³ Té ni-á sò me dò Yeno kwil sokɔ sɛ, képah ye Nsyõ tɔ mó me wèlwillkínole n pɪ nénpó. Névyé sò me n pɔ n pɔ ñ tyí, à kɔ à péle n wel n wilki ni sokɔ. Nénpó sò me yúkey Salimi kwille. ²⁴ Légbíne, pé náh sò tɔñi Nsyõ dah mɔ wòkònpèkè sokɔ.

²⁵ Képah sokɔ sɔ yóle, yékâb yó de Nsyõ tò sáhpú ànê Nsyifu yó wró, pé gblóy tɔ n sah dùkù tyí yõ, à yíne pé tyi kònsàhnóle. ²⁶ Káh pɪ sɛ, Nsyõ tò sáhpú me Nsyõ nyáh sɔ kyɪ yo ñ tyí ne ñkɛ, pé kwó-ò dí, dí nê-á lésò ñne Nsyurdɛ yónkahnune, té à ñ tyíle n yo pé tyí kè; à yah, ñ tɔ-á me yuku névyele n wel n wilki ni sokɔ. Té no pól-á me pé yah mɔ ñmɔ ñinne. ²⁷ Nte Nsyõ me yo pé tyí ne ñkɛ: «Né Liyel náh yín-ńsah nêne névi kɔ, tɛ se kɪ fɛ kè we? ²⁸ Yépi nɛ ye ñmɔ tãrfyòle ne máh lésò kè yo dal mɔ yé tyí ne ñmɔ náh Liyel ney yáhntòkònlɛ. Ñ tɛntò ó-á mé pɔ pí-ńsah ñ yahle.† ²⁹ Yé yah, nê tyí-á sépille, ñ pe ye. Té pe mè kódí n mó ne n me pe mè tnô. Kódí mè-à pe mè we ñivìni sokɔ, kè n pɪ ñivìni ñgbɛne ñ tyí. Sɛnkɔ ñivìni ye ñmɔ sokɔ. Ñ ni me vi syɪ ké yín tyí. ³⁰ Wãn yíne kè ne n mɔ ñmɔ yín wílnó yõ, kwâh mó ne n wilki ñmɔ tyí sokɔ.

³¹ Névi nê-á n wil yínyõ, ñmɔ ye nɔ pól yõ. Té névi nê-á me sétáh mè yõ, sétáh mè névi ye ñne. Sétáh mè yõ tyi ó ye ñmɔ kɪ fɛ n yãh dò. Nte, nê-á n wil yínyõ, ñmɔ me nɔ pól yõ. ³² Wãh tyi nónó we, té tyi nónó noh, sépi tyí ye à n yo n wah, té ney náh me ñ wey fɛ syi. ³³ Nte nê-à ñ wey fɛ syi, tɛ me kéle n wɛkɪ tótó ne gbɪ-á Liyel weyne. ³⁴ Ñmɔ nê-á Liyel tekɪ mɔ, à ñ Mirkile à kɔ yíi. Liyel wey ye à n ne n yo. ³⁵ Sú Liyelle, ñ Pídí tyí nɔ ñ tyí. Képah ye à tyi pól dahbɪ ñmɔ

† 3:28 3.28 - Yah n te Malaki 3.1.

gbõ. ³⁶ Névi nê-à sê Liyel Pídí yõ, tẽ kɪ tyé-ńkê min wɛ. Té névi nê-à yahle sɛńóle ñ yõ, tẽ náh kéne min wɛ n pi. Liyel pèkè kɪ mɛ tẽ yõ gbímegbí.»

4

Yesu ànê Samari pi yóle

¹⁻³ Képah sɔkɔ, Farisi wêkì kópú sò noh ne Yesu-á mɛ tò sáhpúle n wɛ, mɛ péle n wel n wilki ni sɔkɔ à kal Nsyõne. Té Yesu ntẽ náh sò n wel n wilki névyele ni sɔkɔ ñ gblõy dé, ñ tò sáhpú ye sò n pɪ ké tòle. Képah sɔkɔ, Yesu-á pɔ képah yónó noh gbí nêne, à yal Nsyude gběnyah sɔkɔ ànê ñ tò sáhpúle, à ñ syɪ n yuku Kalile gběnyah sɔkɔ. ⁴ Té képah wɔ sɔkɔ, à sò yĩne à Samari gběnyah kɔ kah. ⁵ Wáh n yuku, à kyɪ yĩni tẽ Samari kwil yó sɔkɔ, pè n ye Sikarle. Kéne kwil mɛ Nsyosefu swáh tnô, nê-á lésõ ñ sú Nsyakɔbɪ à kõ. ⁶ Té Nsyakɔbɪ kwlèy sò mɛ nɛnpó. Yesu-á wil kóló sɔkɔ té kwlɔ, à sò mɛ kyɪ kõ tẽ kéne kwlèy yõ. Té gbí sò mɛ yõtah sɪrr kénkõ sɔkɔ.

⁷ Képah sɔkɔ, Samari pi yó-á pɔ yɔ dí-ńsah, Yesu mɛ à syah ne à nine pé kɔ pé wɔ. ⁸ Té légbíne, Yesu tò sáhpú sò mɛ sɔkɔ yõke yáhndwe-ńsah kwil nɪyó. ⁹ Képah sɔkɔ, Samari pi mɛ à syah ne, kè se pɪ sɔ té ñmɔ nê-á Nsyifule, à kɪ pɔ wɔ wɔ nine n ni péwɔ Samari ney tyí nɪ? Kègbɪ tẽ yõ Nsyifunɔ náh ńtyĩnɔ sò n pɪ n soh wẽ tyí ànê Samari tãne. ¹⁰ Wáh yo sê, Yesu mɛ yo ñ tyí ne: «Liyel-á nêne névile n kõ, wáh sò mɛ kéle n pne, té pĩ nédúkú nê-á n yo n mɔ á tyí yò, áwɔ ye náhkɪ sò ni wɔ wɔ nine ñ tyí, té à náhkɪ nine ñ kõ nê-á minne névile n kõ.» ¹¹ Képah sɔkɔ, pi ne pé yõtẽ, kwlèndìkì náh mɛ ñmɔ tyí, té kwlèy-á mó tõ mɛ súkúlínóle, à se náhkɪ sò wɛ ńyáh kéne nine nɪ? ¹² Nkê pépi náh ney Nsyakɔbɪ nê-á pé kɔ kwlèy mène, té ké ni wɔ sɔkɔ ànê ñ wɛnpìle, à tahlɪ ñ yípèy tyí, ñmɔ se kal Nsyakɔbɪ mène nɪ? ¹³ Yesu mɛ ne: «Névi nê-à kwlèy mɛ ni wɔ, níkì kɪ tõ pɔ tẽ tẽ. ¹⁴ Nte ñmɔ-à nine névi nê kõ, tẽ-à kè wɔ, níkì náh tõ tẽ tẽ n yah n pi pólle. Kè kɪ n pɔ n mɔ lègbèr tyí kòle tẽ sɔkɔ, kɪ tyé-ńkê minne n kõ.»* ¹⁵ Képah sɔkɔ, pi à syah ne pé yõtẽ, à pé kɔ kéne nine, níkì kõ kè káh tõ péle n tẽ, ànê pé káh tõ pɔ ásò yɔ tẽ di yinne.

¹⁶ Wáh yo sê, Yesu mɛ ne, à kyɪ ñ pɛ ye pè pɔ ásò. ¹⁷ Képah sɔkɔ, pi ne pɛ náh mɛ pé tyí. Yesu mɛ ne, gbɪ-á à yo ne pɛ

* 4:14 4.14 - Yah n te Nsyeremi 2.13.

náh me pé tyí. ¹⁸ Pɛbɪ nɛpɪ kwâl tyí-á à tẽ yah sɔkɔ, té nê tyí-á tõ ñne nukúnúkú yò, gbɪ-á à yo, ñ pe náh ñne. ¹⁹ Képah tẽne, pi me yo Yesu tyí ne pé yõtẽ, páh kè kyomɪ we ne, Liyel tẽntò syinyo-ò-á ñne. ²⁰ Nkẽ pépi náh tãn-á Liyelle n gbilki nyãh sɔkɔ, nɛnpó-á me yõlɪ mè yõ yahàh.† Nte pépi Nsyifunɔ wɔle, pépi n ne n yo ne, Liyel-á yĩne à ne n gbilki nyãh sɔkɔ, nɛnpó-á me Yerusalemɪ sɔkɔ. ²¹ Képah sɔkɔ, Yesu me yo pi tyí ne: «Sẽ ní yõ. Sõ yó me n pi, ney náh tõ pɔ Sú Liyel gbilki n pi yõlɪ mè yõ, képah náh pɪ, Yerusalemɪ ntẽ sɔkɔ. ²² Yépi Samari tãnne, yẽ Liyelle n gbilki té yé náh ñne n pne. Nte ápi Nsyifunɔ tyí ye Liyel syõ à pwáhnmonɔle n kõ. Képah ye á ñne n pne, té ñne gbilki. ²³ Nte gbí yó me n pi, nê-á me te nukúnúkú ntẽne yò. Képah sɔkɔ ye Sú Liyel gbilkipú kègblo kɪ ñne n gbilki ñ Mirki gbò yõ sɔkɔ ànê gbɪ wẽkì yõ. Gbilkinó mè dùkù pípú névyɛ ye Sú Liyel n ne n yah n kõ. ²⁴ Liyelle, Mirki ye ñne. Képah ye, nónó-á ñne n gbilki, pè yĩne pè ñne n gbilki ñ Mirki gbò yõ, ànê gbɪ wẽkì yõ.» ²⁵ Képah sɔkɔ, pi à syah ne, páh pĩ ne Liyel ney yáhtɔkɔnɔ-á kɪ n pɔ n pi, nê-á pè n ye Kristale. Nmɔ-à pɔ gbí nêne, wãh kɪ pɔ tyi pól dùkù yo wah pé tyí. ²⁶ Yesu me ne: «Nmɔ ye ñmɔle, nê-á n yo n mɔ á tyí yò.»

²⁷ Wãh me képah yónó sɔkɔ, ñ tõ sáhpú me pé syɪ pɔ de. Té pãh pɔ à we à me n yãh ànê pile sã, kè pé gbãn du.‡ Nte pé sɔkɔ yó ntẽ náh fẽ syi à piki yah ne, kwãh nê se à n yah n kõ pi mè tyí, képah náh pɪ, tir nê se à n yo ñ tyí nɪ? ²⁸ Képah tẽne, pi ñ ni pín sah nɛnpó, té to kyɪ kwil niyó, à kyɪ tyah n yo no tyí ne, ²⁹ pè pɔ ne n yah dí yóle, à péwɔ tyípinì pól yo pé tyí lé! Nmɔ káh kɪ nê Liyel ney yáhtɔkɔnɔle dé? ³⁰ Képah sɔkɔ, névyɛ me wil kwil niyó me n yuku Yesu tnò.

³¹ Té légbĩne, Yesu tõ sáhpú sò me Yesule n ni ne, kwó-ò dí, à yòke yõ kè! ³² Nte Yesu me pè syah ne, yòke yó-á me péwɔ tyí yõ yõ tẽne, nê-à pépi náh kéle n pne. ³³ Képah sɔkɔ, ñ tõ sáhpú sò me wẽne n piki n yah ne, ñnɪ se kɪ me pɔ yòkele à kõ nɪ? ³⁴ A me yo pé tyí ne: «Liyel nê-á tekɪ mɔ ñmɔle, wãh me nê tyí, képah pínó ànê ñ tõ pɪntenɔ ye pɪ ñmɔ yòkele. ³⁵ Yépi náh nkẽne ne n yo ne, ñwóló nyãh-á tõ wũ té sɛmuko tɔkɔ gbí kɪ nɔ di? Nte ñmɔ wɔ kɪ yo yé tyí ne, yé yé yey yõ n yah sɛmukɔle kòntɛnóle swãh sɔkɔ, tɔkɔ tɔkɔ tẽne. ³⁶ Névi

† 4:20 4.20 - Nsyifunɔ-á sò yahle pínsòhnóle Samari tãnne, képah ye Samari tãn kõ pè me kyɪ pé Liyel ní-nsah gbó mɔ sah gbòpɔle yõlɪ yó yõ, nê-á pè n ye Karisimne. ‡ 4:27 4.27 - Nsyifunɔ nónó-á sò pɪ kwópúle, pè náh sɛle n finkɪ wãh me ñ gblɔy; ké dú dɔkɔ kàh pɪ Samari neyne.

nê-à me sè mukòle n tòkò, n tò pínó lédyáhní me te n tyí; sè mukò pórí nê-á à n tuke n mɔ, névyè ye nónó-á kɪ tyé-ńkē min we n pi. Képah sòkò, névi nê-á mɔ séle, ànê névi nê-á sè tòkò, pé pól kɪ nìvìnì pɪ wē tyí. ³⁷ Képah n wēkɪ ne, gbɪ-á sè mĩrkĩ mènne, nê-á n yo ne ńkē: <Nnĩ kɪ sè mukò mɔ, té nnĩ kɪ sè tòkò.> ³⁸ Yépi náh swāh nê tō, ńmɔ yé tekɪ mɔ ne, yé kyɪ képah sè mukò tòkò. Nósýó ye tò pɪ ké sòkò, yépi kō yé pɔ we de pé tò pínó yén sò.»

³⁹ Té pi mè-á sò wey nê yo ne, dí mè-á péwɔ tyípínì pól yo pé tyí, képah yinne Samari tǎn nǎhnáh sò sē Yesu yō kwil mè sòkò. ⁴⁰ Képah ye Samari tǎn nópí-á kyɪ Yesu tyí, pé à ni ne à wũ pé tyí. Yesu me wũ nénpó à sèpìn níni pɪ. ⁴¹ Képah tēne, névyè nǎhnáh tō sē Yesu yō wǎh welo nónó yo pé noh sépi yinne. ⁴² Té me tyah n yo pi mè tyí ne, ñmɔ yóré ó yīn náh tō pépi sē Yesu yō dé! Nkē pépi ńtē tɔ-á n wey we noh níkile, té pĩ ne kègbɪ tē yō, ñmɔ-á ńtyínɔ kèkóyó pwáhnmɔ-òle.

Né-ńgbē yó pídí dénmɔnɔle

⁴³ Yesu-á sèpìn níni nópí pɪ te, à yal nénpó à yuku Kalile gběnyah sòkò. ⁴⁴ Té à mó tō lésò kè yo ne, Liyel tēntò syínyo-ò náh n tē ple n sú kwil sòkò. ⁴⁵ Nte Kalile tǎn tɔ-á lésò kyɪ Nsyifunɔ yōrɪ tyénó syáh sòkò Yerusalemɪ sòkò, té Yesu tyípínó we sē, képah ye wǎh pɔ pɔ pé gběnyah sòkò, pé me à tō sah tē.

⁴⁶ Képah sòkò, Yesu sòkò kéné gběnyah kwil mè sòkò, nê-á pé n ye Kanale. Nénpó sòkò ye lésò à ni vi mɔ pɪ ðivēne. Té né-ńgbē yó lésò me yòtē dí yó tyí Kapernayumi kwil sòkò. N pídí náh lésò me lènɔle. ⁴⁷ Wǎh pɔ noh ne, Yesu-á me wil Nsyude gběnyah sòkò à pɔ Kalile sòkò, à me n nyáh sō kyɪ à ni ne, à tiki pɔ Kapernayumi sòkò, à pɔ pé pídí de mɔ pé kō; wǎh me n tyah kúnóle. ⁴⁸ Yesu me yo n tyí ne, pé se yó kɪ fē sē yah péwɔ yō; né gbɪl ànê gběndùnĩ tyi náh pɪ pé we nɪ? ⁴⁹ Nte dí me tō yo n tyí ne, pé yòtē, à tiki pɔ súú péwɔ tinne pé dípir káh pɔ ku. ⁵⁰ Képah sòkò, Yesu me yo n tyí ne, à n syɪ sòkò n tinne, n pídí-á de. Dí me sē n wey mè yō, té n syɪ. ⁵¹ Wǎh me wēkì yō, n tǔnpɪbɪ pɔ à yohnɪ, té yo n tyí ne, n pídí-á de. ⁵² A me pé piki yah ne, gbí nê se fǎhfǎh de n tyí nɪ? Pé me yo n tyí ne, ńníní gbìntō pō sòkò-á wílvyáhnì à fin mɔ. ⁵³ Képah sòkò, dípir sú kè kyɔmɪ we ne légbí mè-ó sòkò-á Yesu yo pé tyí ne, pé ne n yuku, pé pídí-á de. A tòkò légbí tyí, ñmɔ ànê n gbô tǎn pól sē Yesu yō. ⁵⁴ Té Yesu-á wil

Nsyude gběnyah sɔkɔ, à pɔ Kalile gběnyah sɔkɔ, képah ye à pɪ gbɪl ní-òlɛ.

5

Sèkùkù dí yó dénmɔɔlɛ Yerusalemɪ kwil

¹ Tyi nópi sókóntɛnɔ náh, Nsyifunɔ syáh yó-á pɔ n syah Yerusalemɪ kwil sɔkɔ, Yesu dɔkɔ yuku nénpó. ² Té Yerusalemɪ kwil sɔkɔ, pékì yó sò me tũnsàhnóle ninɛ ké sɔkɔ ké kwil dé-ńsah yó tnô, nê-á pè n ye Képyénì dé-ńsahle. Pè kéne pékùle n ye Betısatale Yebre wey sɔkɔ. Kènkàlnó kwló sò me pínóle ké gbòpɔ sɔkɔ. ³ Yámpú náhnáh sò me sěntěnóle kènkàl nópi sò. Yítùbi sò me, ànê gbáhkì nùkú névyelɛ, à tahlì sèkukubi tyí. [Pè sò nkěne ne me ni dúkúrínmɔɔnɔ syíkɪ n tẽ. ⁴ Yé náh we di, yĩnyõ tònpi yó sò nkěne ne n de n pɔ ni mè sɔkɔ, n kéle n dukuri n mɔ, té yónwó nê ñgbò-à de ni mè sɔkɔ, n yam-à sɔ me dùkù nêne, à n de.] ⁵ Té nénpó sɔkɔ, dí yó lésò me sèkùkùle pópó ye yògbám pó kwártɔnɔ. ⁶ Yesu-á à we sě, té pɪ ne n sěntěnó di-á mo nénpó, à à piki yah ne, à se me ké tyí ne pé de ni? ⁷ Sèkùkù dí me ne, pé yòtẽ, ni-à tyah n dukuri n mɔ gbí nêne, ney náh n we à péle n yohnɪ n mɔ pé n we n de ké sɔkɔ. Péwɔ tẽ-à pópó ne pé we n de, ñnî pé dyàh tẽ n de. ⁸ Wáh yo sě, Yesu me yo n tyí ne, à yuku n sě sě kwáh tɔkɔ ne n kɔ. ⁹ Nénpó swɔ, dí nùkú de. A me yuku n sě sě kwáh tɔkɔ à n kɔ.

Té lésò pɔ yĩne Nsyifunɔ mɪ mɪ yòhle. ¹⁰ Képah sɔkɔ, dí nê-á dénmɔɔnɔ we, Nsyifunɔ yòtám à syah ne nkě, mɪ mɪ yòh-á kweyne. A náh yĩne à n sě sě kwáh tɔkɔ ne n kɔ. ¹¹ Nte dí me pé syah ne, nê-á de mɔ péle, ñmɔ-á yo pé tyí ne, pé pé sě sě kwáh tɔkɔ ne n kɔ. ¹² Pè me à piki yah ne, nê se yo n tyí ne, à n sě sě kwáh tɔkɔ ne n kɔ ni? ¹³ Légbíne, Yesu mó tɔ sò yal tɛ dí mè tnô, à de tówû sɔkɔ nénpó. Té dí nê-á sò Yesu de mɔ, kéne dí náh sò ñne n pne. ¹⁴ Képah náh, Yesu pɔ à we Liyel ní-ńsah gbô sɔkɔ té ne, à yah, wáh dénmɔɔnɔ we yò, à káh tɔ tyípèlle n pɪ, tir yó kɔ kè pɔ à nɔ nê-á kal ńyɔle dé! ¹⁵ Képah tẽne, dí kyɪ ké yah yo Nsyifunɔ yòtám syah ne, Yesu-á sò de mɔ péle. ¹⁶ Képah sɔkɔ, Nsyifunɔ yòtám tyah lékàhle Yesule n kɔ, wáh sònpíle dénmɔɔnɔ pɪ mɪ mɪ yòh sòle.* ¹⁷ Yesu me ne, péwɔ Sú Liyel-á me tò sɔkɔ kúmm,

* **5:16** 5.16 - Yáh we Nsyifunɔ yòtám lékàhle Yesule n kɔ, pépi tẽ sɔnɔ sɔkɔ, wáh névi de mɔ mɪ mɪ yòh sòle, tò ye á pɪ.

péwɔ tó-á me sěntěne n pi. ¹⁸ Yesu-á kėpah yo sě, Nsyifuno yõtām tō lékähle ñne n gbah n kō, à ñ kòmɔ-ńsahle n yah n kō, té ne wǎh me mi mi yòh dèlle n pi. A wil kėpah sɔkɔ, wǎh tō me n yo ne ñkě, pé Sú tótó-á Liyelle, à ñ gblöyne n pi núkúle ñne.

Tyi nónó-á yo Liyel Pídí tyí sɔkɔ

¹⁹ Kėpah sɔkɔ, Yesu me tō yo pé tyí ne ñkě: «Kègbıgbı tě yō, mé kéle n yo yé tyí, Pídí náh fě tir yó ńtě pi n pi ñ yah yíine, né à náh ké pínó we yah Sú Liyel tyí. Sú Liyel-á nēne n pi, sěnkō ye Pídí tɔ n ne n pi. ²⁰ Pídí tyí nɔ Sú Liyel tyí. Kėpah ye, wǎh tyi nónó pólle n pi, ǎ sé pínóle ñne n wěki. Té wǎh tyi nónóne à wěki, à kɪ tō pɔ sé lékan pínóle à wěki n pi, nónó-á kɪ yé gbǎn du. ²¹ Sǎ-á Sú Liyel lékyıle n yilki n mɔ, à minne péle n kō, sěntě ó ye névi nê-à Pídí dyɔ, ǎ minne tě kō. ²²⁻²³ Sú Liyel me ké tyí ne, no pól gbılkinóle n sah Pídí yō, sǎ-á pè kéle n sah ñmɔ yō. Kėpah ye, à náh ñnî yó ńtěne n tuke. A ye no pól tukey tyí dahbı ñ gbǔ. Té névi nê-à gbılkinóle n sǎh-ńkěne ñmɔ yō, ñ tékínmɔ-ò Liyel ye tě yahle gbılkinóle. ²⁴ Kègbıgbı tě yō, mé kéle n yo yé tyí ne, névi nê-à í wey noh, té sě í tékínmɔ-ò yō, tě-á kɪ tyé-ńkě min we. A náh n tuke n pi. Wǎh wil te kũ sɔkɔ, té min we.† ²⁵ Kègbıgbı tě yō, mé kéle n yo yé tyí, gbı yó me n pi, nê-á me te núkúnúkú ńtěne yò. Kėpah sɔkɔ ye névyne nónó-á me kúnóle Liyel tyí ñinne, pè kɪ ñmɔ yínpǔ noh, ñmɔ nê-á Liyel Pídíne. Té nónó-à kè noh, pè kɪ min we. ²⁶ Sǎ-á Sú Liyelle min nėtěne, sě ye ñmɔ nê-á ñ Pídíne, à ñmɔ tɔ kō mé pi min nėtěne. ²⁷ Té máh pi Névi Pídíne sě, à tukey tükèno ténwenole í kō. ²⁸ Nte yé káh n ye tyi nópi yé gbǎn du. Gbı yó me n pi, lékyı pól kɪ í yínpǔ noh, ²⁹ té kɪ yuku. Kėpah sɔkɔ, nónó-á tyípélpɔ pi, pépi kɪ yuku tyé-ńkě min we yinne. Té nónó-á mó tyípél pi, pépi wɔ kɪ yuku fòh yinne. ³⁰ Nmɔ náh fě tir yó ńtě pi n pi í yah yíine. N Sú Liyel-à yo sǔ í tyí, sě ye mè n ne n kǎm weyne tukey sɔkɔ. Mé náh me í gblöy ñivìni tyi pí-ńsahle n yah n kō. Sú Liyel nê-á tekı mɔ ñne, ñmɔ-á me nê tyí, kėpah ye mè n ne n pi. Kėpah ye, ñ wey kǎmnó n pi gbı wěki yō.

³¹ Nmɔ-à kɪ nê n yo í gblöy tyıle, nê kɪ sě í tyíyónó yō? ³² Nte nékǎhkı ye n yo n wah í tyıle, té mé pı ne tyi nónó-á à

† 5:24 5.24 - Wey nê-á Yesu yo ásò sɔkɔ yò ne ñkě: «Wǎh wil te kũ sɔkɔ, té min we.» Kėpah ále n wěki ne, tyípél-á yíkínó nê pi Liyel ànê névyne wró, kũ-á kéle Liyel tyí ñinne. Nte Yesu yò sėnóle, tyé-ńkě min tyàhnó-á kéle Liyel tyí ñinne.

n yo n̄mɔ tyí sɔkɔ, gblo-á séle. ³³ Yáh névye nónó t̄õ Nsyõ tyí n̄mɔ tyí sɔkɔ, té à tyi nónó yo, gblo ye séle. ³⁴ Nte mé se yó me n yah n k̄õ ne, névi t̄ẽ wo ní dùkùle n yo? Yé pwáhnmonɔ we yīn ye mé tyi n̄p̄ile n yo yé tyí. ³⁵ Nsyõ lésõ p̄i kyòole f̄òtn̄ò t̄ũnsàhnó tyí k̄õle. Té kè yé dyɔ, yé n̄v̄n̄n̄i p̄i n̄ kyòò sɔkɔ wró kwéy yó ó sɔkɔ. ³⁶ Nte n̄mɔ wɔle, Sú Liyel-á t̄àn nónó dahb̄i ní gb̄ò ní k̄õ mé n p̄i, sépi n̄t̄ẽ me ní dùkùle n w̄ẽk̄i n wah n kal Nsyõ-á n̄ê yo ní tyí sɔkɔ. Kéne t̄àn n̄opi p̄ínó ye n w̄ẽk̄i ne, Sú Liyel-á tek̄i mɔ n̄ne. ³⁷ Té à wil képah tyí sɔkɔ, Sú Liyel n̄ê-á tek̄i mɔ n̄ne, n̄ tɔ ní tyí yo wah. Nte yé náh n̄ welo noh yah p̄ólle, yé náh se t̄õ à we yah yīne. ³⁸ N̄ wey náh me n t̄ẽ yé n̄nɔ sɔkɔ. Yé náh we w̄áh n̄mɔ tek̄i mɔ, yé yahle s̄énóle ní yõ di? ³⁹ Yè n ne me n s̄õ ne, yáh k̄i tyé-ńk̄ẽ min we Liyel wey sébéy k̄árnó sɔkɔ, n̄ té kéle n kar firfir. Nte képah ye mó t̄õ yo wah tótó n̄mɔ tyíle. ⁴⁰ Té yé náh mó t̄õ me ké tyí ne, yé pɔ n̄mɔ tyí, yé pɔ tyé-ńk̄ẽ min we.

⁴¹ Mé náh me n yah n k̄õ ne névye n̄ne n gbilki. ⁴² Mé yé dùkùle n pne. Liyel tyí náh nɔ yé tyí. ⁴³ N̄ Sú Liyel yīn yõ ye mé pɔ, té yé náh ní t̄ẽ ple. Nte n̄n̄i yó-à n̄úkú pɔ n̄ yah yīne yò, yé k̄i n̄mɔ t̄ẽ ple. ⁴⁴ Yé k̄i f̄ẽ s̄ẽ ní yõ s̄õ, yépi nónó-á me ké tyí ne yé w̄ẽne n gbilki, té yahle gb̄ilkínó yáhnk̄õn̄ole, n̄ê-á n we Liyel n̄úkúní ó tyí? ⁴⁵ Yé káh ne me n s̄õ ne, n̄mɔ-á k̄i kȳi yé k̄õ n pi lékàhle Sú Liyel yah sɔkɔ dé! Yé gb̄ò s̄àhnó-á me Moyisi n̄ê yõ, n̄mɔ ye k̄i kȳi lékàhle yé k̄õ. ⁴⁶ N̄mɔ tyí me Moyisi w̄árk̄i sah n̄ sébéynó sɔkɔ. Gb̄i-à yé s̄õ me s̄ẽ n̄mɔ yõ, yé náhk̄i me s̄ẽ n̄mɔ tɔ yõ. ⁴⁷ Nte yé náh fyò me s̄ẽ n̄mɔ tyi w̄árk̄ínsàhnó yõ, s̄õ me yé k̄i f̄ẽ s̄ẽ n̄mɔ welo yõ wé?»

6

Tówú ñgb̄ẽ p̄únóle

¹ Képah náh, Yesu sɔkɔ Kalile yó-ñgb̄ẽ kahn̄ne. Pè t̄õ s̄õ kéle n ye Tiberiyad̄i yó-ñgb̄ẽne. ² Té Yesu-á gb̄il nónó p̄i sɔkɔ à yámpú nónó de mɔ tówú we, sépi yīnne, tówú ñgb̄ẽ s̄õ me n̄ s̄õ t̄ẽ. ³ Képah sɔkɔ, Yesu me d̄ɔkɔ kȳi k̄õ t̄ẽ ȳól̄i yó yõ àn̄ê n̄ t̄ò s̄áhp̄ule. ⁴ Légb̄ĩne, Nsyifunɔ ȳõr̄i tyénó syáh s̄õ me de n te. ⁵ Té Yesu-á n̄ yah yõ yah, à tówú ñgb̄ẽ we pè me n pi n̄ tn̄ò. Képah t̄ẽne, à Filipi piki yah ne, pé se k̄i we n̄yāh yõke dwe dwe t̄ẽne k̄i tówú mè k̄õ pè k̄i yõ n̄i? ⁶ Nte fyāhnyahnó ye s̄õ Yesu n fyāh n yah Filipi f̄okole. Nk̄ẽ, w̄áh s̄õ n̄ê p̄i n pi, à s̄õ kè p̄i te. ⁷ W̄áh yo s̄ẽ, Filipi me à syah ne, deniye p̄ó

pló* lègbām (200) fyé búrn dwénóle, kàh sǒ yīki tyĩ tyĩ, kè náh n yĩne n pi péle. ⁸ Képah sǒkɔ, Yesu tò sáhpú sǒkɔ nê-á Simo-Pyeri gbëndí Andrele, ñmɔ me yo Yesu tyí ne, ⁹ búrn† pló kwló ànê yěnkɔ pló nínó-á me dínpir yó tyí ásô. Nte sépi se kɪ tir nê peki nékwínki nópi dùkù tyí nɪ? ¹⁰ Légbíne filki sǒ me dò nénpó. Képah sǒkɔ, Yesu me yo pé tyí ne pè no pól kǒ pè kǒ tē sétáh. Dibi népí kèyō nínó kyegbām (5 000) kénkǒ ye sǒ me pé sǒkɔ nénpó. ¹¹ Képah sǒkɔ, Yesu me búrn nópi tǒkɔ, té weki Liyel tyí, té sè dibi névyé tyí, nónó-á sǒ me nénpó. Wáh yěnkɔ tɔ tǒkɔ, sěntě ó ye tǒ à pi, té sè dibi no kǒ, pé pól we pǎh sǒ me ké tyí sǒ. ¹² Pǎh yō tǒ gbí nêne, Yesu me yo ñ tò sáhpú tyí ne, pè sé téló tuke n mɔ, pè káh n ye kèyǎh rítě pɔ n yiki. ¹³ Búrn pló kwló táhnkwlónsǎhnó nê tókù-á sǒ me wũ tē, pè me sè kwel mɔ, tǒkɔn gbōninó yĩine. ¹⁴ Névyé-á Yesu gbíl pínó we sě, pè ne: «Liyel tēntò syíno-ò nê-á sǒ yĩne à pɔ kèkōyó, ñmɔ ye dí mène tótó.» ¹⁵ Képah sǒkɔ, Yesu pĩ ne pǎh kɪ pɔ ne, pǎh péwɔle n tē n kǎhli n pi yòtēne. Kǎh pi sě, à tǒ yal pé tnô à sǒkɔ yǎli yō ñ gblǒy núkúnine.

Yesu kólóle yó-ñgbě yòtah

¹⁶ Té nǎví lísyi-á pɔ nɔ, Yesu tò sáhpú tiki yuku yɔ-ñgbě vyǎh yah, ¹⁷ à kyɪ de krótókè yó sǒkɔ, à tyah n yuku yónkahnne, Kapernayumi kwil ùinne. Lékǎh sǒ me mɔ te, té Yesu náh tǒnì sǒ me pɔ pé tnô. ¹⁸ Nte yáhpékè yó sǒ me kǒ me nine n fũ n dǒkɔ. ¹⁹ Képah sǒkɔ, pǎh krótókè to kyɪ yĩni tē kilónó kwló kénkǒ tyí, pè Yesu we à me n kɔ n pi yo yòtah pé krótókè ùinne. Kǎh pi sě, tíki pè tē. ²⁰ Nte Yesu me yo mɔ pé tyí ne: «Ñmɔ ye, yé káh tíki pi.» ²¹ Képah sǒkɔ, pè sǒ me ké tyí ne pé à twah krótókè sǒkɔ, té kè núkú yĩni tē yóngbalɪ tyí, nýǎh-á sǒ pè n yuku.

Yesu ye yòkele, nê-á minne n kǒ

²² Képah sǒkɔ, dindalle tówú nê-á sǒ wũ pé níní mé-ńsah, pè kè kyɔmɪ we ne krótókè núkú ó-á nínínine me. Nte Yesu tò sáhpú ó-á sǒ de ké sǒkɔ à sǒkɔ, Yesu tɔ náh sǒkɔ péle. ²³ Té krótónè yísyó mó me wil Tiberiyadɪ kwil sǒkɔ, me pɔ n de nýǎh sǒkɔ-á sǒ Tē ñgbě Yesu yòke tǒkɔ té weki Liyel tyí,

* **6:7** 6.7 - Deniyele, pó yó ye sǒ kéle. Képah pó núkú kɪ sǒ fě nɔ nénúkù gbìyìkì núkú tò pínó danne. † **6:9** 6.9 - Sèmuko yó sǒ me dènpéfàhkìle pè n ye wɔrsile, képah mi ye sǒ pè mɪ búrn mène.

té kéle tówû mè kǒ pè yõ. ²⁴ Nte tówû-á pɔ pĩ gbí nêne ne Yesu náh me, ñ tǒ sáhpú tɔ náh me nénpó sɔkɔ, pè núkú de krótónè sɔkɔ, à sɔkɔ Yesu yáhnkǒ-ńsah Kapernayumi kwil sɔkɔ. ²⁵ Képah sɔkɔ, páh kyɪ à we yó-̀ngbē kahɪne, pè à syah ne, kwó-ò dí, gbí nê se à pɔ ásô ní? ²⁶ Nte Yesu me pè syah ne: «Kègbɪgbɪ tē yõ, mé kéle n yo yé tyí ne, yáh gbíl tyi nónó we, sépi-á nêne n wēki, képah yĩn náh yé n yah n kǒ ńne dé! Yõke nê-á yé we yõ tǒ, képah yĩn ye yé n yah n kǒ ńmɔle. ²⁷ Yé káh tǒle n pi yõke yĩnne, nê-á kɪ n yɪkɪ n pi. Yé tǒle n pi yõke yĩnne nê-á kɪ n tē n pi kúmm, té tyé-ńkē minne n kǒ. Névi Pídí ye kɪ yé kǒ n pi kéné yõkele, ñmɔ nê-á Sú Liyel kè wēki ne páh pé tǒríle à kǒ.» ²⁸ Képah tēne, pè à piki yah ne, tyi nónó se pé yĩne pé pi, pé mó Liyel tǒ we pi ní? ²⁹ Yesu me yo pé tyí ne: «Liyel-á nê tekɪ mɔ,† yáh kɪ sē ñmɔ yõ, képah ye Liyel tǒle.»

³⁰ Pè me yo ñ tyí ne, gbíl tir nê se ñmɔ kɪ pi pé wēki, pé kǒ pé sē ñ yõ ní? Tir nê se à kɪ pi ní? ³¹ Pépi náh tǎn-á yõke yõ gbēnnɪ sɔkɔ, nê-á pè n ye mǎnne,§ à yĩne sǒ-á kè wǎrkɪ sah ne:

«À ye yõkele pè kǒ pè yõ nê-á wil yĩnyõ.»*

³² Nte Yesu me ne: «Kègbɪgbɪ tē yõ, mé kéle n yo yé tyí ne, Moyisi náh kǒ yéle yõke mène nê-á wil yĩnyõ dé, í Sú Liyel ye n kǒ yéle yõke gbɪle, nê-á n wil yĩnyõ. ³³ Kéné yõke nê-á Liyel n kǒ nê-á wil yĩnyõ à tiki pɔ, képah ye minne kèkõyó névyele n kǒ.»

³⁴ Képah sɔkɔ, pè ne pé yǒtē, à yõke† mène péle n kǒ gbímegbí kè. ³⁵ Képah tēne, Yesu me yo pé tyí ne: «Ñmɔ ye yõke mène, nê-á minne n kǒ. Névi nê-á pɔ ńmɔ tyí té sē ní yõ, kwekɪ ànê níkɪ náh tǒ tē tē n yah n pi. ³⁶ Té mé ye kè yo te yé tyí ne yáh ní we. Nte yé náh me sē ní yõ. ³⁷⁻³⁸ Ñmɔ náh wil yĩnyõ à tiki pɔ ní dyɔ yĩ tyi pi yĩnne dé! Nê-á tekɪ mɔ ńne, ñmɔ-á me nê tyí, képah pí-ńsah ye mé pɔ. Képah ye, Sú Liyel-á nónó pólle ní kǒ, pé kɪ pɔ ní tyí. Té nê-á pɔ ńmɔ tyí, mé náh à milki n pi pólle. ³⁹ Té nê-á tekɪ mɔ ńne, ñmɔ-á me nê tyí, képah ye yò ne ńkē, páh nónóne ní kǒ mé káh n ye pé sɔkɔ yó n tē tyí yɪkɪ. Nte mé mó n pɔ pé lékyî yilki mɔ

‡ 6:29 6.29 - Yesu-á ne Liyel-á ne páh kɪ nê tekɪ mɔ, ñ gblǒy ye à n ye. § 6:31 6.31 - Mǎnne, yípórí pèpèr yó ye kéle lésò Liyel n tiki n mɔ Yisrayel tǎnne n kǒ pè n pi yõkele, gbí nê-á lésò pè me gbēnnɪ sɔkɔ. Yah n te Yálnó sébéy 16.

* 6:31 6.31 - Yah n te Gbálnó 78.24. † 6:34 6.34 - Yõke nê tyí-á Yesu n yo ásô sɔkɔ yò, min yõke ye. Té nónó-á n piki n yah ñne, pépi sǒ me n sǒ ne kèkùrkɪ yĩ yõke tyí-á à n yo.

gbìyìkì téy sòle.‡ 40 Té yah, ñmɔ Sú-á me nê tyí, kɛpah ye yò nɛ, névi nê-à n yah mɔ ñmɔ ònnɛ, ñmɔ nê-á Pídíne, té sɛ n yò, tɛ tyé-ńkê min wɛ, té ñmɔ mó tɛ lékó yilki mɔ gbìyìkì téy sòle.»

41 Kɛpah sɔkɔ, Nsyifunɔ tyah Yesu sèyòkèlɛ n yo wɛ tyí, wǎh sɔnpilɛ sò yo nɛ péwɔ-á yòkelɛ, nê-á wil yínyò à tiki pɔ. 42 Pè sò me yo tũ nɛ, Nsyosefu pídí Yesu kó ònnɛ nɪ? Ñmɔ nê-á pé n sú ànê yúne n pne, à se pɪ sɔ té pɔ n yo núkúnúkú nɛ, páh wil yínyò à tiki pɔ nɪ? 43 Kɛpah sɔkɔ, Yesu yo pé tyí nɛ: «Yé káh n sèyòkèlɛ n yo yé wɛ wró. 44 Ñnì yó nítɛ náh fɛ n pɔ n pi ñmɔ tyí, né Sú Liyel nê-á tekɪ mɔ ñne, ñmɔ náh tɛ yah tɛ. Té ñmɔ kɪ mó tɛ lékó yilki mɔ gbìyìkì téy sòle. 45 Kè me wárkínsàhnóle Liyel tɛntò syínyopu sébéynó sɔkɔ nɛ: <Liyel kɪ pé pól kwɔ.>§ Nte névi nê-à Sú Liyel wey noh té n kwónó fɛ syi, tɛ n pɔ ñmɔ tyí. 46 Nte ñnì yó nítɛ yí náh tɛ yah Sú Liyel yò, à wil ñmɔ tyí sɔkɔ, ñmɔ nê-á wil n tnò. Ñmɔ ó wɛ ñne. 47 Kègbɪgbɪ tɛ yò, mé kéle n yo yé tyí, névi nê-à sɛ n yò, tɛ kɪ tyé-ńkê min wɛ. 48 Ñmɔ ye yòkelɛ nê-á minne n kɔ. 49 Yé náh tǎn ye yòke yò gbɛnnɪ sɔkɔ, yòke nê-á pè n ye mǎnne.* Nte kɛpah fyé yò, pé pól náh pɔ ku di? 50 Té yòke nê tɛ wɔ-á n wil yínyò à tiki pɔ, névi nê-à kɛpah yò, tɛ náh tɔ ku n yah n pi. 51 Ñmɔ ye yòkelɛ, nê-á wil yínyò à tiki pɔ, té minne n kɔ. Névi nê-à kéné yòke yò, tɛ kɪ tyé-ńkê min wɛ. Yòke nê-á mé kɪ n kɔ n pi, n wil gbɛnsê ye. Mé ye kéle n kɔ nɛ, kèkoyó névyɛ min wɛ.»

52 Kɛpah tɛ sɔkɔ, yékáb ñgbɛ de Nsyifunɔ wró. Pè sò me n yo nɛ, dí mè se kɪ fɛ n wil gbɛnsêlɛ pépi kɔ sɔ yòkelɛ nɪ? 53 Kɛpah sɔkɔ, Yesu yo pé tyí nɛ: «Kègbɪgbɪ tɛ yò, mé kéle n yo yé tyí, yáh kɪ Névi Pídí wil gbɛnsê pí-ńkêne yé yòkelɛ, té n tó pí-ńkêne yé wɔ wɔ kwáhle, yé náh min wɛ n pi dél!† 54-55 Yòke kègbɪ ye ñmɔ wil gbɛnsêlɛ, wɔ wɔ kwáh kègbɪ me n tónɛ. Kɛpah ye névi nê-à ñmɔ wil gbɛnsê pɪ n yòkelɛ, té n tó pɪ n wɔ wɔ kwáhle, tɛ ye tyé-ńkê min wɛ. Té ñmɔ kɪ mó tɛ lékó yilki mɔ gbìyìkì téy sòle. 56 Névi nê-à ñmɔ wil gbɛnsê pɪ n yòkelɛ, té n tó pɪ n wɔ wɔ kwáhle, tɛ kɪ me ñmɔlɛ, té ñmɔ tɔ kɪ me tɛne. 57 Sú Liyel nê-á tekɪ mɔ ñne, ñmɔ ye

‡ 6:39 6.39 - Gbìyìkì téy nê tyí-á n yo ásò sɔkɔ yò, Liyel tukey tuke sò tyí ye kè n yo. § 6:45 6.45 - Yah n te Yesayi 54.13. * 6:49 6.49 - Yah n te Nsyõ 6.31.

† 6:53 6.53 - Névi Pídí wil gbɛnsê ànê n tó nê tyí-á n yo ásò sɔkɔ yò nɛ sáh kɪ pɪ yòke ànê wɔ wɔ kwáhle, sèmirkì ye Yesu mɪ pé tyí kéle, nê-á n wɛkɪ nɛ ñmɔ-á sárká kɛpópikile.

min nétêne. Nmɔ me min sɔkɔ ñmɔ gbò yõ. Sě ye névi nê-à ní wil gběnsê pi ñ yõkele, tẽ kɪ me min sɔkɔ ñmɔ gbò yõ.
 58 Kéne yõke nê-á wil yĩnyõ à tiki pɔ yò, kè náh me núkúle ànê yé náh tǎn-á nê yõ gběnnɪ sɔkɔ, pépi nónó-á ku sɔkɔ. Nte névi nê-à képah yõ, tẽ kɪ tyé-ńkẽ min we.»
 59 Yesu kéne tyi yo gbí nê-á lésõ à me névyele n kwɔ Kapernayumi kwil, Nsyifunɔ Liyel ní-ńsah wòkò sɔkɔ.

60 Té Yesu-á welo nópi yo sě, ñ tò sáhpú náhnáh tyah n yo wě tyi ne ńkẽ, ñ tyi yónó nópi-á me tah dé! Nê se kɪ fě sè fě syi nɪ? 61 Nte Yesu-á pĩ ne pé tò sáhpú-á me pé sèyòkèle n yo wey mè tyí sɔkɔ, à pé syah ne: «Kè se kǎn pi yépi tɔle? 62 Té yáh pyè pɔ Névi Pídí we à yõ dɔkɔ n sɔkɔ wǎh wil ńyǎh sɔkɔ wé? 63 Liyel Mirki ye min nétêne, nòte tir nê me névi kɪ fě pekɪ ñ gblõy? Nmɔ-á welo nónó yo yé tyí, sè n wil Liyel Mirki tyí, té minne n kõ. 64 Nte túkù me yé sɔkɔ, pé náh me sě ní yõ.» Té yah, à tɔkɔ ké tyah gbí dùkù tyí, Yesu sò ñ yõ sě-ńkẽpúle n pne, à tahlɪ nê tɔ-á ne pɔ à dahbɪ n pi gbò sɔkɔ. 65 Képah sɔkɔ, Yesu tǔ ne: «Képah ye ní kõ mé kè yo ne ńkẽ, ñnɪ yó ńtẽ náh fě n pɔ n pi ñmɔ tyí, né Sú Liyel náh ké wěkìle à kõ.»

66 A tɔkɔ légbí tyí, ñ sò tǔpú náhnáh núkú pé syi ñ náh, pé náh tǔ me ñ sòle n tẽ. 67 Képah sɔkɔ, Yesu me yo ñ tò sáhpú népĩ gbõnimí‡ tyí ne ńkẽ, té pépi-á dò, pé tɔ kó pé syi n pi nɪ? 68 Nte Simo-Pyerɪ me ne ńkẽ: «Tyé-ńkẽ min welo nétê ye áwɔle, nê tyí me ápi kɪ tǔ yuku wé, Tẽ ñngbẽ? 69 Api tẽ wɔ sǎnó me á yõ, ànê á pĩ ne áwɔ-á Liyel wilki sah ñ tyí yõ.» 70 Képah tǔne, Yesu tǔ yo pé tyí ne, péwɔ kó yah wilki péle népĩ gbõnimíne nɪ? Nte sétõ-á pé sɔkɔ nénúkù yóle. 71 Té Nsyudasɪ ye sò Yesu n ye, ñmɔ nê-á Simo Yisikariyɔtɪ pídíne. Yesu tò sáhpú népĩ gbõnimí sɔkɔ yó ye sò ñne. Té ñmɔ ye kɪ sò pɔ Yesu dahbɪ n pi gbò sɔkɔ.

7

Yesu yúnpyé náh sě ñ yõ

¹ Képah náh, Yesu sò me yõ sɔkɔ n kɔ n kõ Kalile gběnyah sɔkɔ. Té Nsyifunɔ yòtǎm-á sò me n yah n kõ ñ kònmɔ-ńsahle Nsyude gběnyah sɔkɔ sě, képah ye à náh tǔ sò me ké tyí ne,

‡ 6:67 6.67 - Yah n te Likyi 6.13-16.

pé kɔ kɔ nénpó. ² Té Nsyifunɔ kènkàl sò syáh* sò me de n te. ³ Yesu yúnpyé† me yo n tyí ne níkě, à yal ásô, à mó yuku Nsyude gběnyah sɔkɔ, n sò tǝpú tɔ kɔ pè n tyípínó we. ⁴ Nkě névi nê-à me ké tyí ne no pé dùkù pĩ, tǝ náh n tyile n pi sèfin sò sɔkɔ. Té ñmɔ-á tyi nónóne n pi yò, wǎh yĩne à séle n pi n wilki n mɔ, no kɔ pè à we. ⁵ Nte Yesu yúnpyé níkě náh sò me sê n yò. ⁶ Képah sɔkɔ, Yesu me ne ké gbĩ náh tǝnì se péwɔ tyí. Gbímegbĩ-á se me yínénóle pépi tyí té. ⁷ Kèkõyó névyé náh fǝ pépi dyɔ yɔ n pi. Nte pǎh me péwɔ wɔ dyɔle n yɔ, páh sǝnpíle kéle n yo n wah ne pé tyípínì náh me ple. ⁸ Pépi dɔkɔ n yuku kéne syáh sɔkɔ. Péwɔ tǝ wɔ tyí, ké gbĩ náh tǝnì se. Képah-á, pé náh n kyí n pi. ⁹ Wǎh képah yo te, à wũ Kalile sɔkɔ.

Yesu ménóle Nsyifunɔ kènkàl sò syáh sɔkɔ, Yerusalemu kwil

¹⁰ Té n yúnpyé-á sɔkɔ te syáh mè sɔkɔ, ñmɔ tɔ yuku nénpó nyáh sò. Té à náh sò ye névyé kɔ pè à we. A kè pi wǝbìnsɔkɔnɔle kannɛ. ¹¹ Té Nsyifunɔ yòtǎm mó me ñne n yah n kɔ syáh mè sɔkɔ, té me n piki n yah ne, nýǎh se ñne ni? ¹² Képah sɔkɔ, tówú mè névyé tyah Yesu tyíle n yǎh tǝtǝ. Pé túkù sò me n yo ne négbĩ-á ñne, túkù mó me n yo ne sǝ náh, ñmɔ-á pyè n pilki névyele níkě. ¹³ Nte Nsyifunɔ yòtǎm tíkí sò me pè tǝ. Kǎh pi sǝ, pé sɔkɔ yó nte náh tǝ we n yò wilki mɔ à yo Yesu tyí sɔkɔ.

¹⁴ Syáh mè sò me ké níyó sɔkɔ,‡ té Yesu dɔkɔ pɔ Liyel ní-ńsah gbô sɔkɔ, à pɔ kwónóle n pi. ¹⁵ Té wǎh kwónó nêne n pi, kè Nsyifunɔ yòtǎm gbǎn du. Pè me tyah n yo wǝ tyí ne, dí mè se we nýǎh pnèné mè dùkùle ni? Té à náh se mó tǝ kǎrn ñgbǝ pi. ¹⁶ Képah sɔkɔ, Yesu me yo pé tyí ne níkě: «Máh kwónóle n pi tyi nónó yò yò, ñmɔ náh sò tǝ séle dé, Liyel nê-à tɛkɔ mɔ ñne, ñmɔ ye n wǝkɔ séle. ¹⁷ Névi nê-à kè yah tɔkɔ ne pé Liyel dyɔ dyɔ tǝne n pi, tǝ wɔ ye kɔ fǝ ké gbĩ pĩ, Liyel-à kɔ nê wǝkɔ ñne séle, képah náh pi, ní yah yǝ kwónó-à kɔ ne mé n pi. ¹⁸ Névi nê-à n yah yǝ tyile n yo, n gblǝy yĩn gbilkí-ńsah ye à n yah n kɔ. Nte névi nê-à me ké tyí ne pé tyi pól pi, pé tǝ-ò yĩn mó gbilki, négbĩ ye

* **7:2** 7.2 - Nsyifunɔ kènkàl sò syáh mène, pè sò níkěne kè syah sèpìn kwártǝnɔ, n té ne n sǝ kènkàl sò. Képah sò pé dyɔle n to n kò pé yèvyǎhrɔ pínóle gběnnɔ sɔkɔ, ànê Liyel-á pè yohnɔ mɔ dùkù nêne. Yah n te Levitiki 23.34. † **7:3** 7.3 - Yesu yúnpyé nónó tyí-á n yo ásô sɔkɔ yò, túkù sǝnɔ sɔkɔ, n kèkùrkɔ núkú gbǎm ye à n ye. Té túkù sǝnɔ sɔkɔ mó, n kèkùrkɔ núkú gbǎm náh à n ye. ‡ **7:14** 7.14 - Syáh nê tyí-á n yo ásô sɔkɔ yò, sèpìn kwártǝnɔ ye sò kè n syah.

těne. Pílki-ńsah náh me tě tyí pólle. ¹⁹ Moyisi náh Liyel tyi kǒnsàhnóle yé kǒ di? Nte yé sǒkǒ yó nǐtě náh se me n kǒ ké wěkì yǒ nǐ? Sǒ pǐ té yé n yah n kǒ nǐmǒ kǒnmǒ-ńsahle wé?» ²⁰ Képah těne, tówú à syah ne sétǒ-á me n sǒkǒ, à kǒ à képahle n yo, nòte nê se ne páh nne n ko n mǒ nǐ? ²¹ Yesu me tǒ yo pé tyí ne: «Tyi núkú yó ó* náh mé pǐ, té yé pól gbǎn du yò di? ²² Moyisi náh mǒ yéle kǒkè kǒnó sǒkǒ di? Nte nǐmǒ nǐtě náh tyah ké gbenne dò, n náh tǎn ye tyah kéle. Té yé náh me píyíle n kǒ mǐ mǐ yòh sǒle di?» ²³ Nte yépi-à kǒkèle n kǒ mǐ mǐ yòh sǒle, ne yé káh pǒ Moyisi tyi kǒnsàhnó dèl pǐ, sǒ pǐ té nǐmǒ-á névi yǒtǎhsyi pól de mǒ mǐ mǐ yòh sǒle, yé n dyǒle n yo wé? ²⁴ Yé káh tyile n wah à yǐne yí yáhnóle. Yé séle n wah gbǐ wěkì yǒ.»

Yesu se Liyel ney yáhtǒkǒnǒle?

²⁵ Képah sǒkǒ, Yerusalemǐ tǎn túkù sǒ me n yo ne nǐkě, dǐ nê-á sǒ pè n yah n kǒ ne pé ko mǒ, nǐmǒ kó yò nǐ? ²⁶ Nte pè yah à n wekǐ tówú nǐyó, té pè náh me n vi n mǒ n tyí lé! Yǒtǎm se kǐ pyě me kè fě syi ne, nǐmǒ-á Liyel ney yáhtǒkǒnǒle nǐ? ²⁷ Té Liyel ney yáhtǒkǒnǒ-à sǒ nêne pǒ, névi náh n wǐl-ńsah pǐ n pi, nte pépi-á dǐ mè wǐl-ńsah pǐ dò.

²⁸ Képah ye, Yesu-á me névyele n kwǒ Liyel ní-ńsah gbǒ sǒkǒ, à yo pé tyí yǐnpǒ nǐgběne ne: «Yé nne n pne, té n wǐl-ńsah pǐ yé yo kè? Nte nǐmǒ náh pǒ n gblǒy yǒ sě dé! Liyel nê-á tekǐ mǒ nǐmǒle, à me gbǐ ó n tǒó, nǐmǒ nê-á yé náh nne n pne. ²⁹ Nte nǐmǒ wǒ wǐl n tnô. Mé nne n pne, ànê nǐmǒ ye tekǐ mǒ nne.» ³⁰ Képah tě sǒkǒ, pè tyah Yesu tě-ńsahle n yah n kǒ. Té kǎh pǐ n gbǐ náh tǒnǐ sǒ me se sě, nǐnǐ yó nǐtě náh tě we gbǒ tǔ n tyí. ³¹ Nte tówú mè sǒkǒ névyé náhnáh sǒ me sě n yǒ, té me n yo ne, té Liyel ney yáhtǒkǒnǒ-à sǒ nêne pǒ, à se kǐ pǒ gbǐl tyi pǐ kǐ kal dǐ mè tyíle yò nǐ?

Liyel ní-ńsah gbǒ syíkípú tékǐnmǒnǒle ne pè kyǐ Yesu tě

³² Té tówú-á sǒ me tyi nónóne n yǎh tǒtǒ Yesu tyí sǒkǒ, sè pǒ we de Farisi wěkì kópú níkǐ sǒkǒ. Képah sǒkǒ, pépi ànê sárká syǐnwǐlkǐpu yǒtǎm me Liyel ní-ńsah gbǒ syíkípú

§ 7:19 7.19 - Yáh we Yesu képahle n yo, kè me yónóle Moyisi tyi kǒnsàhnó sǒkǒ ne nǐkě: «Káh nékókè mǒ.» Yah n te Yálnó sébéy 20.13, ànê Nsyõ 5.18.

* 7:21 7.21 - Yah n te Nsyõ 5.1-16. † 7:22 7.22 - Liyel lésǒ yégbéke kwǒ mǒ Abrahmune té yo n tyí ne, pè dǐnpǐ pólle n kǒ pé dúbínó sèpǐn kwǎrtǒ-ò sǒnóle. Képah-á kǐ pǐ yégbéke kwǒnǐmǒnǒ mè pókónmǒnǒle. Képah ye, lésǒ-à sǒ pǒ yǐne mǐ mǐ yòh sǒle, Nsyifunǒ kéle n pi. Yah n te Yenesǐ 17.10-12.

teki mo ne, pe kyi Yesu te. ³³ Pãh po, Yesu me ne: «Ñmo ki me yele ki wró kwéy ó pi rítõ,‡ té ki sokó ní tékínmo-ò tnô. ³⁴ Nmo-á ki n me n pi nyãh sokó, yépi náh fẽ n kyi nénpó. Képah ye, yé ki ní yah kô té yé náh ní we n pi.» ³⁵ Wãh yo sã, Nsyifunó núkú tyah n yo wẽ tyí ne, nyãh se ñmo ki n yuku n pi, té pépi ki à yah kwlo ni? Nkẽ pé no Nsyifunó nónó-á me karkí tẽ tẽ kô nékáhbí wró, pépi tyí se pyẽ à ki yuku, ki kyi nékáhbíle n kwó ni? ³⁶ Nkẽ welo nónó-á à yo yò ne ríkẽ: «Ñmo-á ki n me n pi nyãh sokó, yépi náh fẽ n kyi nénpó, képah ye, yé ki ní yah kô, té yé náh ní we n pi.» Sépi kór se nêne ni?

Ni nê-á minne n kô

³⁷ Syáh gbìyìkì téy sòle, nê-á pi ké gbìyìkì ñgbẽne, Yesu yuku yin tówú sokó, té yo yínpõ ñgbẽne ne: «Níkì-à me nê tẽ, tẽ po ñmo tyí, à po wo. § ³⁸ Névi nê-á sã ñmo yõ, min yrey ki n fwo n wil tẽ sokó, sã-á Liyel wey sébéy yo kéle.» ³⁹ Liyel Mirki nê-á sò Yesu yõ sèpú ki po n we n pi, képah tyí ye sò Yesu n yo. Té légbíne, Yesu náh tònì sò me dokó n tórí yõ, képah ye Liyel náh tònì sò me n Mirkile pè kô.

Yesu tyí-á gbékínó nê dahbi tówú wró

⁴⁰ Tówú-á Yesu wey mèn noh te, túkú tyah n yo ne ríkẽ, Liyel tẽntò syinyo-ò* nê-á pé syiki tẽ, ñmo-á dí mènne tótó. ⁴¹ Túkú mó ne, Liyel-á nê yah tókó, ñmo-á. Té túkú tẽ wo mó ne, Liyel ney yáhtókónó† se ki fẽ wil Kalile gběnyah sokó ni? ⁴² Kè kó me yónóle Liyel wey sébéy sokó ne ríkẽ, wãh ki pi yõtẽ dí Davidi pétóbé sokó yóle, té ki n dubi n pi Betlemu kwil,‡ képah nê sokó-á Davidi dubi di? ⁴³ Képah sokó, névyè sònó pi sé tyí tyíle Yesu tyí sokó. ⁴⁴ Túkú sò me n yah n kô n tẽ-nsahle, ñte ñnî yó ntẽ náh tẽ we gbò tũ n tyí.

⁴⁵ Képah sokó, Liyel ní-nsah gbô syíkípu pé syi sokó sárká syinwìkípu yõtãm ànê Farisi wèkì kópú tnô. Pèpi me pè piki yah ne, sã se pi té pè náh Yesu tẽ po ni? ⁴⁶ Pè me pè syah ne, dí mè wey kénkô náh me pólle. ⁴⁷ Képah tẽne, Farisi wèkì kópú ne, è, pè se pyẽ ye à kô à pé to yõ yiki ni? ⁴⁸ Pè se yõtẽ yó, képah náh pi, Farisi wèkì kó-ò yó we yah à sã Yesu yõ

‡ 7:33 7.33 - Wey mèn yónteno náh, Yesu ñwóló kénúkò kénkô pi, té pè à syi dahni yõ, à à ko mo. § 7:37 7.37 - Syáh mèn sokó, pè sò ríkẽne pé dyole n to n kô ni tyíle, Liyel-á lésò nêne péle n kô gbènni sokó. Képah ye Yesu kô à ne níkì-à nê tẽ, tẽ po wo péwo tyí. * 7:40 7.40 - Yah n te Nsyõ 1.21 ; 6.14. † 7:41 7.41 - Yah n te Krista tyí yah yónó sokó. Kè ki we welo yah yónó sokó. ‡ 7:42 7.42 - Yah n te Mise 5.1.

nɪ? ⁴⁹ Té kàh tówû mè névye tẽ wɔ léysi, pè náh Moyisi tyi kònsàhnóle n pne dò. Pé pól tyí-á yɪkɪ.

⁵⁰ Té Farisi wěkì kópú nópɪ sɔkɔ yó sò me pè n ye Nikodemine, nê-á kyɪ wil yah Yesu tyí sɔ yóle.[§] Nmo me yo pé no tyí ne: ⁵¹ «À yĩne ápi tyi kònsàhnóle, á se yĩne à lékàhle névi kɔ, né á náh ò vyãh wey noh, té pĩ tyi nónó-á à pɪ?» ⁵² Képah sɔkɔ, pé no à syah ne, è, Kalile gběnyah ney se ò tɔle té à n wɛkɪ sě nɪ? Nkě, à Liyel wey sébéy tɔkɔ n sohlɪ n yah, wãh kɪ kè we ne, Liyel tẽntò syinyo-ò yó ntẽ náh n wil Kalile gběnyah sɔkɔ.

⁵³ [Képah náh, pé pól karkɪ sɔkɔ pé fné sɔkɔ.

8

¹ Nte, Yesu wɔ mó sɔkɔ Wolivi yèh yõlɪ yõ.

Fòfɪnɪ pi yó tẽnpɔnɔle Yesu tyí

² Té dɪndal séngbɔ púpúle, Yesu tɔ ò syɪ pɔ Liyel ní-ńsah gbô sɔkɔ, té no pól me pɔ ò tnô. A me kɔ tẽ à tyah péle n kwɔ. ³ Wãh me kwónó sɔkɔ, Liyel tyi kònsàhnó kwópú ànê Farisi wěkì kópú me pɔ sê fòfɪnɪ yóle ò tyí. Pè pɔ pi mè sah tówû nuyó Yesu yah, ⁴ té Yesu syah ne, kwó-ò dí, páh pi mè we tẽ fòfɪkì pínó sɔkɔ tótó. ⁵ Té Moyisi-á kè yo sah ò tyi kònsàhnó sɔkɔ ne, sěnkɔ sê-á yĩne minkònóle dyêhle.* Té òmɔ-á dò, òmɔ se ne sɔ-á nɪ? ⁶ Pè sò me képah tẽne n yo sě, ne wãh kɪ pilki pé lékàh we à kɔ.† Nte Yesu me ò yõ sɪnki, té tyah n wãrkɪ sétáh sɔkɔ ò kèngbɔle. ⁷ Kãh pɪ sě, pé tɔ me yõ sɔkɔ òne n gbah n piki n yah. Képah tẽne, à me ò yõ yõ té yo pé tyí ne: «Yé sɔkɔ ney nê-à kɪ me à náh tyípékè pɪ yah pólle, tẽ wɔ dáhkɪle pi mè min gbenne.» ⁸ Képah yóntenɔ náh, à tɔ ò yõ sɪnki à tyah n wãrkɪ sétáh sɔkɔ. ⁹ Pãh képah tẽ noh sě, pé tyah n sɔkɔ núkú núkúle, à tɔkɔ lékóló ògbò tyí, pópó à pɔ gbàh sah Yesu ànê pi mè ó tyí nénpó. ¹⁰ Képah sɔkɔ, Yesu me ò yõ yõ té yo pi tyí ne, nónó-á pɔ tɔkɔ à kɔ, nýãh se péle nɪ? Pé sɔkɔ yó ntẽ kó à mɔ kũ kɔ nɪ? ¹¹ Pi me ne, pé yòtẽ, ney náh pé mɔ kũ kɔ. Képah sɔkɔ, Yesu me ne: «Nmo tɔ náh ò mɔ kũ kɔ n pi. Ne n yuku; té à tɔkɔ núkúnúkú tyí, káh n tɔ tyípékè pɪ n yah.»]

Yesu ye kèkõyó kyòole

§ 7:50 7.50 - Yah n tɛ Nsyõ 3.1-21. * 8:5 8.5 - Yah n tɛ Tõnyono 22.22. † 8:6 8.6 - Pìlkintẽ-ńsah ye sò pé n yah n kɔ Yesule. Wãh kɪ ne pé à min ko dyêhle, Wrome tãn dèl ye à pɪ. Wãh kɪ mó tɔ yo ne pé à fin mɔ, à Moyisi tyi kònsàhnó dèl pɪ.

12 Képah náh, Yesu tã yo névyé tyí ne: «Ñmɔ ye kèkõyó kyòole. Névi nê-à ñmɔ sò tẽ, tẽ náh tã n kɔ n pi fẽntũ sɔko. A ki kyòo we, nê-á ki minne à kõ.

13 Képah sɔko, Farisi wèkì kópú à syah ne, nê se ki sê ñ tiyónó yõ ni? Ñmɔ ó kó ñ gblõy tàrfyòle yò ni?† 14 Yesu me yo pé tyí ne nkẽ: «Gbì tẽ wɔ ye ñmɔ ye ñ gblõy tàrfyòle ó, ñte ñmɔ ñ wìl-ñsahle n pne, té ñ yúkú-ñsahle n pne. Képah ye, máh tyi nónó yo ñ gblõy dùkù tyí sɔko, gblɔ ye séle. Té yépi náh ñ wìl-ñsah pì, yé náh se mó tã ñ yúkú-ñsah pì. 15 Yépi tẽ wɔ lékàhle névyele n kã à yĩne névi yòtàhsyi sònole. Nte ñmɔ wɔ náh lékàhle ñnì yó ñtẽne n kã. 16 Té kàh se pɔ pi mé yĩne mè lékàhle ñnì kã, mé náh kéle à kã n pi ñ gblõy. Sú Liyel nê-á teki mɔ ñne, á ki kéle à kã wẽ tyí ñmɔle. Képah ye, ñ lékàh kónó ki pi gbì wèkì yõ. 17 Kè náh me wárkínsàhnóle yé tyi kònsàhnó sɔko ne, népì ními-à pi tàrfyòle tir nê sɔko, gbì-á kéle di?§ 18 Ñmɔ me ñ gblõy tyíle n yo, té Sú Liyel nê-á teki mɔ ñne, ñmɔ tɔ me ñ tyíle n yo.» 19 Képah sɔko, pè Yesu syah ne, ñyãh se ñ súle ni? Yesu me ne: «Yé náh ñmɔle n pne, yé náh ñ Sú tɔle n pne. Yáh sò me ñne pne, yé náhki ñ Sú tɔ pì.» 20 Yesu sò me kwónóle n pi Liyel ní-ñsah gbô fí yó sɔko, ñyãh-á ké pó kyésúkùle, té tyi nópi yo. Nte ñ gbì náh tãni sò me se, képah ye ñnì yó ñtẽ náh tẽ we à tẽ.

Gbáhdýâh ðínóle Yesu yõ sê-ñkèpú tyí

21 Képah náh, Yesu tã yo tówú tyí ne: «Ñmɔ ye n sɔko yò. Yé ki ñ yah n kã n pi, ñte yé ki ku yé tyípékè sɔko. Ñmɔ-á n yuku ñyãh, yépi náh fẽ n kyì n pi nénpó.» 22 Képah sɔko, Nsyifunɔ ne, ñte ñ gblõy ko mɔ dékè se ki pyé me à tẽ ni? A kã à n yo ne, pépi náh fẽ n kyì n pi péwɔ yúkú-ñsah sɔko. 23 Yesu me yo pé tyí ne: «Yépìle, sétáh yõ névyé ye yéle, té ñmɔ wɔle, ñmɔ wìl yĩnyõ. Kèkõyó mè névyé ye yépìle, ñte ké névi náh ñmɔ wɔle. 24 Yáh we mé kéle n yo yé tyí ne yáh ki ku yé tyípèl sɔko, yé náh me sê ké yõ ne, Ñmɔ-á,* képah ye ñ kã mé ne yáh ki ku yé tyípèl sɔko.»† 25 Képah sɔko, pè à piki yah ne, nê tẽ ó se ñmɔle ni? Yesu me yo pé tyí ne: «Mé sò kè yo te yé tyí ké tyah gbí dùkùle. 26 Tyi náhnáh me

† 8:13 8.13 - Nsyifunɔ tyi kònsàhnó sɔko, né tàrfyò névyé náh nɔ nímine tir nê tyí, kéne tir náh n mɔ n kã. Yah n te Tõnyonɔ 17.6; Matye 18.16. § 8:17 8.17

- Yah n te Tõnyonɔ 17.6. * 8:24 8.24 - Ñmɔ-á nê tyí-á n yo ásò sɔko yò, Liyel ñgbò ye lésò ñ gblõy ye Ñmɔ ye Ñmɔle. Té Yesu tɔ-á pɔ ñ gblõy ye Ñmɔ yele, képah kéle n wèki ne Liyel-á ñne. Yah n te Yálnó 3.14. † 8:24 8.24 - Kù nê tyí-á Yesu yo ásò sɔko yò, kù gbɔy tyí náh à n yo, Liyel tyí ùn kù tyí ye à n yo.

ń tyí yo yo tẽne yé tyí soko ànê kɪ lékàhle yé kō. Nte máh nê noh ń tékínmò-ò tyí, képah ó ye mé n yo yé tyí. Nmò ye gbɪ nétẽne.» ²⁷ Nte pépi náh sò me pĩ ne, Sú Liyel tyí-á Yesu n yo pé tyí. ²⁸ Képah soko, Yesu yo pé tyí ne: «Yáh pò Névi Pídí yõ doko gbí nêne, yé kɪ pĩ ne Nmò-á. Té kɪ tõ pĩ ne mé náh tir yó ńtẽne n pɪ ń yah yĩne. Sú Liyel-á tyi nónóne ń kwò, sépi ó ye mè n ne n yo. ²⁹ Nê-á tekɪ mò ńmòle, mé me ń dyo yĩ tyile n pɪ gbímegbí, képah ye à me ńne, à náh ń sah n pi ń gblõy.» ³⁰ Yesu-á me képah yónó soko gbí nêne, névye náhnáh sê ń yõ.

Nónó me Abrahamu pétóbéle tótó?

³¹ Képah tẽne, Nsyifunò nónó-á sò sê Yesu yõ, à me yo pé tyí ne: «Yáh kɪ me ńmò tyíyónó wèkìle n kò, ń tò sáhpú kègblo ye yéle. ³² Yé kɪ gbule n pne, té kene gbɪ kɪ yé wilki yõri soko.» ³³ Képah soko, pè me Yesu syah ne, Abrahamu pétóbé-á pépile. Pépi náh pɪ yah ńńi yó ńtẽ yõbule pólle. Nte à se sònpíle n yo ne, pépi-á kɪ wil yõri soko nɪ? ³⁴ Yesu me yo pé tyí ne: «Kègbɪgbɪ tẽ yõ, mé kéle n yo yé tyí, névi nê-à tyípékèle n pɪ, tyípékè yõ ye tẽne. ³⁵ Yõle, ń yõtè dí gbò soko tẽ-ò kúmm náh ńne. Nte yõtè dí pídí tẽ wòle, ń sú gbò soko tẽ-ò kúmm ye ńmòle. ³⁶ Képah ye, Liyel Pídí-à yé wilki yõri soko, yé kɪ me yé gblõy yõ kègbɪ tẽ yõ.

³⁷ Mé pĩ ne Abrahamu pétóbé-á yéle. Nte yáh ńmò welo yahle, képah ye yé kō yé n yah n kō ń kònmò-ńsahle. ³⁸ Nmò-á nê we ń Sú Liyel tyí, képah ye mé n yo. Yépi tɔ-á mó tyi nónó noh yé sú tyí, sépi ye yé n pɪ.» ³⁹ Páh Yesu wey noh sê, pè à syah ne, Abrahamu-á pépi súle. Képah soko, Yesu ne: «Yáh sò me Abrahamu pétóbéle, yé náhkɪ me Abrahamu tyípinène n pɪ. ⁴⁰ Nte núkúnúkú, ńmò nê-á gbɪ noh ń Sú Liyel tyí à yo yé tyí, yé n yah n kō ńmò kònmò-ńsahle. Abrahamu náh sènkō pɪ dò. ⁴¹ Yépile, yé sú tyípinó ye yé n pɪ.» Képah tẽne, pè à syah ne, fòfíkì‡ pínó soko náh pépi dubi dé! Nkê Sú núkú ó-á pépi tyí, nê-á Liyelle. ⁴² Yesu me yo pé tyí ne: «Liyel tyí ye ńmò wil à pò. Nmò náh pò ń gblõy yĩn yõ dé! Nmò ye tekɪ mò ńne. Nte Liyel-à sò me pɪ yé Súle kègbɪ yõ soko, ńmò tyí náhkɪ me nò yé tyí. ⁴³ Yé yahle ń welo nóhnóle, képah ye yé náh ń welo syíkí-ńtân pĩ. ⁴⁴ Yépi súle, sétàn yõtè ye ńne. Nmò dyo yĩ tyi ye yé me ké tyí ne ye ne n pɪ. Nékókè mɔ-ò ye ńne ńgbò dükùle. Wáh pɪ gbɪ náh me ń soko, à náh mó gbɪ wèkìle n kò pólle. Wáh

‡ 8:41 8.41 - Liyel wèkì kó-ńkê pèpeyne, Liyel wey kéle n tòkò n sàh fòfíkì pínóle.

pi mìnì yó-òle, wàh mìnìne n yo, ǎ kéle n yo à yĩne ò gblõy kèdùkùle. Mìnì yónó yõ wil òmò tyí. ⁴⁵ Nte òmò tẽ wòle, òmò gbile n yo, képah ye yé náh me sã ní yõ. ⁴⁶ Yépi sòko nê tẽ kɪ fẽ kè wẽkɪ ne máh tyípékè pi? Nte máh gbile n yo, kwáh nê pi té yé náh sã ní yõ? ⁴⁷ Liyel tyí névi-à névi nêne, òmò Liyel weyne n noh n tẽ n yĩn. Nte Liyel tyí névyè náh yépile, képah ye yé kõ yé yahle sé nóhnóle.»

Yesu me Abrahami yah

⁴⁸ Képah sòko, Nsyifunò Yesu syah ne, gbɪ kó me pé tyí pé yo ne, Samari ney-á òne, ànê sétõ-á me ò sòko ni? ⁴⁹ A me yo pé tyí ne: «Sétõ náh me òmò sòko. N Sú Liyel ye mé n gbilki, té yépi me òmòle n yilo. ⁵⁰ Òmò náh me n yah n kõ ní gblõy gbílkí-ńsahle dé. N gbílkí-ò ò gblõy òmòle. Òmò ye gbɪ syínkõ-òle. ⁵¹ Kègbɪgbɪ tẽ yõ, mé kéle n yo yé tyí, névi nê-à n sah òmò yóré yõ, tẽ náh kũ dɔ n yah n pi pólle.»* ⁵² Képah sòko, Nsyifunò à syah ne, páh pyè kè pĩ yĩ núkúnúkú tẽne ne sétõ-á me ò sòko. Abrahami-á ku, Liyel tẽntò syínyopu tɔ me ku. Nte òmò pɔ n yo ne, névi nê-à n sah péwò yóré yõ, tẽ náh kũ dɔ n yah n pi ni? ⁵³ Pépi sú Abrahami-á ku. Nte òmò se me n sò ne páh kal Abrahami ne ni? Liyel tẽntò syínyopu tɔ me ku. Té òmò tẽ se me ò gblõyne n yah nédúkú nêne ni? ⁵⁴ Képah sòko, Yesu yo pé tyí ne: «Máh náhki sò me ní gblõyne n gbilki, yõ náh me gbílkínó mè tyí. Nte ní Sú Liyel ye n gbilki òne, òmò nê-á yé ne, yé Liyel-á òne, ⁵⁵ té yé náh se mó tõ me òne n pne. Nte òmò wò òne n pne. Máh sò me yo ne, mé náh òne pne, mé náhki pi mìnnyole yé tyí kòle. Nte òmò òne n pne, té me n sah ò yóré yõ. ⁵⁶ Yé sú Abrahami sò me nìvìnì sòko ne, pé òmò pɔ sò gbìyìkì we. A me pɔ kè we, kè pi nìvìnìne ò tyí.» ⁵⁷ Képah sòko, Nsyifunò me à syah ne, òmò náh tõnì ye tikinini pó gbãm we, té ne páh Abrahami we ni? ⁵⁸ A me yo pé tyí ne: «Kègbɪgbɪ tẽ yõ, mé kéle n yo yé tyí, Abrahami-á pópó n dubi, Òmò me.» ⁵⁹ Wáh képah yo sã, pé núkú dyéh kwel ò tyí ne páh òne n minki.† Nte à me wòbɪ à wil Liyel ní-ńsah gbò sòko à sòko.

9

Yítù dí yó yí yíkinmòwòle

¹ Sò yóle, Yesu sò me n kò n sòko té dí yó we, nê-á sò me yítùne ò dubi gbí dükùle. ² Képah sòko, Yesu tò sáhpu à

§ 8:50 8.50 - Gbɪ syínkõ-ò nê tyí-á n yo ásò sòko yò, Liyel ye. * 8:51 8.51 - Kũ nê tyí-á n yo ásò sòko yò, yah n te 8.24. † 8:59 8.59 - Liyel tyi kònsàhnò wẽkɪ sòko, névi nê-à yo de Liyel tyí, pé yĩne pé tẽ min ko dyéhle.

piki yah ne, pé kwó-ò dí, sǒ se pi té dí mè dubi yítũne ni? Nmɔ tyípékè pínó se, fí ò dúbípú tyí se? ³ A me yo pé tyí ne: «Nmɔ, képah náh pi ò dúbípú tyípékè pínó náh à kǒ à dubi yítũne dé! Kè ye pi Liyel tyípinì wěki yinne ò sɔkɔ. ⁴ Nê-á tekɔ mɔ ñmɔle, tyah kyòò sɔkɔ ye á yĩne à tǒle n pi ò tyí. Nkě lékâh me n pi, nê sɔkɔ-á ney náh fě tǒ pi n pi. ⁵ Máh fyò me kèkõyó sɔkɔ, ñmɔ ye kèkõyó kyòole* í me gbí pól sɔkɔ.» ⁶ Wáh képah yo te, à sɪn mɔ sétáh té kè fáh à kele yítũ dí yí yah. ⁷ Té me yo ò tyí ne à kyɪ ò yah wu pékì tũnsàhnó yó ni sɔkɔ, nê-á pè n ye Silowele. Silowe kór ye Těntò névile. Yítũ dí me sɔkɔ à kyɪ ò yah wu nénpó. Wáh ò syɪ n pi gbí nêne, à sǒ me n yah.

⁸ Képah sɔkɔ, ò tñò tẽpu ànê nónó-á níkěne òne n we à n ne me n ni n syi, páh à we pè me yo tũ ne, dí mè kó níkěne n kǒ n tẽ ne n ni n syi yò ni? ⁹ Túkù ne ñmɔ-á, túkù mó ne ñmɔ náh, yǎhnkǒ-á à tɔ. Páh me képah sɔkɔ, dí me yo pé tyí ne péwɔ-á tótó. ¹⁰ Wáh yo sě, pè me à piki yah ne, ò yí se pi sǒ té yiki mɔ ni? ¹¹ A me yo pé tyí ne, dí nê-á pè n ye Yesule, ñmɔ-á fǎhkì pi, té kè kele pé yí yah, té ne pé kyɪ pé yah wu Silowe yo sɔkɔ. Pé me sɔkɔ kyɪ pé yah wu nénpó, pé me fě n yah. ¹² Pè me à syah ne, kéne dí se me nýāh ni? A me ne pé náh pĩ.

Farisi wěkì kópú-á sóhlínyahnɔ nê pi yítũ dí yí yíkínmɔnɔ tyí sɔkɔ

¹³ Képah sɔkɔ, yítũ dí nê yí-á yiki mɔ, pè à tẽ pɔ Farisi wěkì kópú tyí. ¹⁴ Té mɔ mɔ yòh sǒ ye mó tǒ lésǒ Yesu fǎhkì pi à dí yí yiki mɔ. ¹⁵ Képah sɔkɔ, Farisi wěkì kópú dí piki yah ne, sǒ se kè pi té à fě n yah núkúnúkú ni? A me yo pé tyí ne, fǎhkì-á à pi kele pé yí yah, té pé me kyɪ pé yah wu, pé me fě n yah. ¹⁶ Képah tẽne, Farisi wěkì kópú túkù sǒ me n yo ne níkě, dí mè náh fyò me mɔ mɔ yòh tẽ dèlle n tẽ, képah-á n wěki ne à náh wil Liyel tyí.† Nte pé túkù mó me n yo ne, tyípél pí-ò se kɪ fě gbíl nópi dükù pi sǒ ni? Káh pi sě, pé sǒnɔ pi sé tyí tyíle. ¹⁷ Pè me tǒ pé syɪ dí mè syah ne, nê-á yiki mɔ ò yíle, ñmɔ se kɪ yo sǒ tẽ tyí sɔkɔ ni? Dí me ne, Liyel tẽntò syínyo-ò-á òne.

* 9:5 9.5 - Yah n te Nsyõ 8.12. † 9:16 9.16 - Yáh we Farisi wěkì kópú túkù ne Yesu-á me mɔ mɔ yòh dèlle n pi, pépi tẽ sǒnɔ sɔkɔ, wáh névi de mɔ mɔ mɔ yòh sǒle, tǒ ye á pi.

18 Nte Nsyifunɔ yõtãm nãh sò me ké tyí ne pé sě ké yõ ne, yítũ-á sò ñne, té núkúnúkú à me n yah. Kãh pi sě, pé ñ dúbípú ye pɔ, 19 à pɔ pé piki yah ne, pépi pídí se dí mène ni? A se dubi yítũne ni? Nte à se pi sò té fě n yah núkúnúkú ni? 20 N dúbípú me yo pé tyí ne, páh pĩ ne pépi pídí-á ñne; wãh dubi yítũne. 21 Nte tir nê tẽ wɔ-á pi té à fě n yah núkúnúkú, pépi nãh képah wɔ pĩ, pé nãh se mó tõ pĩ nê-á yiki mɔ ñ yíle. Nkě pé à piki yah, wẽnpir nãh tõ ñne; wãh ki fě ké yah yo ñ gblɔy. 22 Nsyifunɔ yõtãm tiki sò me pé tẽ, képah ye pé kɔ pé n weki sě. Nsyifunɔ yõtãm sò me ké yo sah te ne, névi nê-à ki ne Liyel ney yãhntɔkɔnɔ-á Yesule, tẽ-á ki yĩni wilki pépi wěkì sɔkɔ. 23 Képah ye, ñ dúbípú kɔ pé ne, wẽnpir nãh tõ ñne, pé à piki yah.

24 Képah sɔkɔ, Farisi wěkì kópú tõ dí mè ye yah ke ní-òle nê-á lésò yítũne, té yo ñ tyí ne, ké Liyel wěkì tẽ yõ, à gbu yo pé syah. Pépi-á pĩ ne ñ yí yíkinmɔ-ò dí mène, tyípêl pí-ò-á ñne. 25 Dí me ne, pé nãh pĩ tyípêl pí-ò-à ki nê ñne dé! Tyínúkú ó-á péwɔ n pne: Yítũ-á sò péle, ñte núkúnúkú páh me n yah. 26 Pé me à piki yah ne, tir nê se Yesu pi ñ tyí ni? Dúkù nê se à yiki mɔ ñ yíle ni? 27 Dí me ne, páh sò kè yo te pé tyí, té pé nãh pé níki sah kè noh. Nte sò se té pé tõ me ké tyí ne, pé kè yo pé noh ke ní-òle ni? Pépi tó se pyě me n yah n kɔ ne, pé pi ñ tò sãhpúle ni? 28 Képah tẽ sɔkɔ, pé tyah ñne n gbyɔ, té ne níkě, ñmɔ-á kéné dí tò sãh-òle dé! Pépi tẽ wɔle, Moyisi tò sãhpú-á pépile. 29 Páh pĩ ne Liyel-á yo mɔ Moyisi tyí.‡ Nte dí mène, pé se ñ wĩl-ñsah nítẽne n pne ni? 30 Pãh yo sě, dí me yo pé tyí ne, é! Té képah-á pyě pi gbẽndùnñe yò sò. Pépi nãh ñ wĩl-ñsah pĩ pé yo. Nte wãh péwɔ yí yiki mɔ dé!§ 31 Pé pól-á pĩ ne, Liyel nãh tyípêl pí-ò níriile n tẽ. Nte névi nê-à pi négbúle, té Liyel dyɔ yí tyile n pi, à tẽ wɔ níriile n tẽ.* 32 Nte kèkoyó-á me sò, pépi nãh kè noh yah ne, ñnĩ-á yítũ yó yí yiki mɔ, nê-á dubi yítũne dé! 33 Dí mè-à sò me wĩl-ñkẽne Liyel tyí, à nãh nãhki fě tir yó nítẽ pi n pi dò! 34 Képah tẽne, pé à syah ne, ñmɔle dubi ñ tó tyípéké ó sɔkɔ, té ñmɔ ki pɔ ne páh pépile n kwɔ ni? Té

‡ 9:29 9.29 - Liyel yãhkì yãh Moyisile, wãh ñ tyi kònsãhnóle ñne n kɔ gbí nêne.

Yah n te Yálnó 33.11; Yãhnó 12.8. § 9:30 9.30 - No nópi me n yo ásó sɔkɔ ne, pépi nãh Yesu wĩl-ñsahle n pne. Nte kè mó tó me yónóle Yesayi 35.5 ; 42.7 sɔkɔ ne níkě, Liyel ney yãhntɔkɔnɔ-á ki yiki mɔ yítũbi yíle. Nénpó sɔkɔ, pé sò yĩne

pé pi ñ Yesu-á Liyel ney yãhntɔkɔnóle. * 9:31 9.31 - Yah n te Sêmĩrn 15.29.

núkú à yīni wilki kégbó.

Nónó-á yítūbile Liyel tyí ònne

³⁵ Képah sɔkɔ, Yesu-á kè noh ne pǎh dí yīni, à kyi à yohnu té à piki yah ne: «Á se sē Névi Pídí yō?» ³⁶ Dí me ne, pé yòtē, nê se Névi Pídí mènne ni? A ò tyí yo pé syah, pé kō pé we sē ò yō. ³⁷ Képah tēne, Yesu me yo ò tyí ne: «Á ye à we te. Nmɔ ye n yāh ále núkúnúkú yò.» ³⁸ Dí-á képah noh sē, à ne páh sē ké yō, Tē ògbē. Té me gbètukunɔ di Yesu yah, à à gbilki.

³⁹ Képah sɔkɔ, Yesu ne: «Gbɪ wah yīn ye nímo pɔ kèkōyó mè sɔkɔ; ne yítūbi yí yɪki mɔ, té nónó-á me n yah pépi pɪ yítūbile.» ⁴⁰ Képah sɔkɔ, Farisi wēkì kópú nónó-á sò me ànê Yesule, pépi-á welɔ nópɪ noh, pè Yesu piki yah ne, òte yítūbi se pyē pépi tɔle ni? ⁴¹ Yesu me yo pé tyí ne: «Yāh sò me yítūbile, tyípekè nāh nāhki n me n pi yé yō. Nte núkúnúkú yé ne yāh me n yah, képah ye yé tyípekè me yé yō.»

10

Képyénfē pèpeyne

¹ Képah nāh, Yesu tō yo pé tyí ne: «Kègbɪgbɪ tē yō, mé kéle n yo yé tyí, névi nê-à n dé-ńkēne képyénì tū yahle, té n dɔkɔ n de ké sɔkɔ ké gbòpɔ yóle, yēnwó ye tēne, névi yō syíkí-ò tō ònne. ² Nte nê-à n de ké yahle, képyénfē ye tē wɔle. ³ Tū syíkí-ò dí ké yah yɪki n mɔ òmɔ kō. N képyénì ò yīne n pne.* Wàh de, ò tyí-á képyénì nónónne, ǎ sé ye n wil sé ynine kégbó. ⁴ N képyénì-á ò yīne n pne sē, képah ye wàh sé pól wilki mɔ te, à n yīn sé yah, té sē ò sò tē. ⁵ Nte sàh névi nê yīne n pnè-ńkēne, sè nāh tē sòle n tē pólle. Sè n to n gbe n mɔ fíi ònne ńtēne.» ⁶ Yesu kéne sèmirkì yāh tówù tyí, òte pè nāh ké kór pī.

⁷ Képah sɔkɔ, Yesu tō yo pé tyí ne: «Kègbɪgbɪ tē yō, mé kéle n yo yé tyí, nímo ye képyénì tū yahle. ⁸ Nónó pól-á ní dyàh tē pɔ sɔkɔ te, yēnwóbé ànê névyé yō syíkípú ye péle.† Nte, képyénì nāh mó fē syi noh pé tyí. ⁹ Nmɔ ye dénsahle. Névi nê-à de képahle, tē kɪ pwah. Tē kɪ fē n de, té kɪ ònne n syi n wil kɪ ò yòkele n we. ¹⁰ Té yēnwó wɔ-à n pi, yībe, ànê

* **10:3** 10.3 - Nsyifunɔ tyí sò, képyénfēbɪ nāhnāh sò ńkēne pé képyénìne n kwɔ n mɔ n dah n mɔ n pɔ tū núkú sɔkɔ, ò té ònì yó tɔkɔ n sah, ǎ séle n syɪki lékāhne yípú ànê gbēnképèl yīnne. Pé pól ńkēne yni sah pé képyénì kō. Pé képyénì pé yínɔle n pne. Tyah-à fyò dal, pé pé képyénìne n ye n wilki n pɔ sé ynine. † **10:8** 10.8 - Yah n te Nsyeremi 23.1-2; Yesekyeli 34.2-10.

nekókè mónó, ànê yényêh pɪ yĩn ó ye à n pɔ. Nte ñmɔ pɔ ne névye min we, nê-á ple yíí.

¹¹ Képyénfɛ̀ pèpɛy ye ñmɔle. Kàh sɔ̃ n nɔ kũ tyí, képyénfɛ̀ pèpɛy n fɛ̀ n syi ñ min kɔ̃ ñ képyénì yinne. ¹² Nte pó yáhnkò-ò képyénfɛ̀ tɛ̀ wɔle, képyénfɛ̀ kègbɪ náh ñmɔle dé! Nmɔ yɛngbɛ̀ tyí náh képyénì nópilɛ. Képah ye, wàh fyò gbɛ̀npàh we à n pi, à n to ñ tɛ̀ képyénì milki, à kɔ̃ à n pɔ n tɛ̀ sé sɔkɔ, sé téló n mó n to n karkɪ. ¹³ Pó ó kókó ye ñmɔ n yah n kɔ̃ dò. Yíkínó-à sɔ̃ n pɪ képyénì sɔkɔ, kè náh n pɪ tɪrle ñmɔ yah. ¹⁴⁻¹⁵ Képyénfɛ̀ pèpɛy ye ñmɔle. Sɔ̃-á Sú Liyel ñne n pne, té ní to ñne n pne, sɛ̀ ó ye, mé ní képyénìne n pne, sé tɔ mó ñne n pne. Nmɔ kɪ ní min kɔ̃ ní képyénì yinne. ¹⁶ Képyénì tókù me ní tyí, nónó-á sè náh me tũ mè sɔkɔ. Sè kɪ n noh n pi ní tyí. Mé yĩne mè n kyɪ sè yah n fɛ̀ fɛ̀ n pɔ n kwɔ n mɔ sè pɪ tũ núkúle, képyénfɛ̀‡ núkú ó mó séle n fɛ̀. ¹⁷ Nmɔ kɪ ní min kɔ̃ kũ sɔkɔ, té kɪ tɔ̃ pɔ kè syi n pi. Képah ye, ní tyí nɔ Sú Liyel tyí. ¹⁸ Ney náh fɛ̀ ní ko n mɔ n pi dé! Nmɔ ye n kɔ̃ ní minne ní gblɔy. Tɛ̀nwɛnɔ me ní tyí kɪ fɛ̀ kè kɔ̃, tɛ̀nwɛnɔ tɔ̃ me ní tyí kɪ fɛ̀ kè syi ñtɔ̃. Sɛ̀ ye ní Sú Liyel ne mé pɪ.»

¹⁹ Képah tɛ̀ne, Nsyifunɔ-á welɔ nópɪ noh sɛ̀, pé sɔ̃nɔ tɔ̃ kah pɪ sé tyí tyíle. ²⁰ Pé náhnáh tyah n yo ne ñkɛ̀, sétɔ̃ yó-á me ñ sɔkɔ, ñ yògbèkè kɔ̃ kè yuku. Yò se tɔ̃ me ké tyí, pè ñ welɔle n nohnɪ nɪ? ²¹ Nte tókù mó ne ñkɛ̀, yògbèkè yúkú-ò welɔ náh welɔ nópilɛ dé! Yògbèkè yúkú-ò se kɪ fɛ̀ yítũ yí yɪkɪ mɔ nɪ?

Nsyifunɔ tókù-á Yesu yahle òkù nêne

²² Képah sɔkɔ, kwòvɪrɪ gbíne, syáh yó sò me n syah Yerusalemɪ sɔkɔ, nê-á Nsyifunɔ dyɔle n to n kɔ̃ Liyel ní-nsah gbô tɔ̃nsàhnsɔkɔnɔ tyíle. ²³ Képah sɔkɔ, Yesu sò me n kɔ̃ n kɔ̃ Liyel ní-nsah gbô párn yó sò, nê-á pè n ye Salomo párnne. ²⁴ Nsyifunɔ yísyó me pɔ à mɔ gbí té yo ñ tyí ne, à se kɪ pépi mɔ sah tòtò sɔkɔ, pópó kɪ pɔ nɔ gbí nê tyí nɪ? Nmɔ-à kɪ nê Liyel ney yáhnɔkɔnɔle, à kè yo n dal n mɔ pé syah kè! ²⁵ A me yo pé tyí ne: «Mé kè yo tɛ̀ yé tyí, ñte yé náh sɛ̀ ké yò. Tyi nónó-á mé me n pɪ ní Sú Liyel yĩn yò, sépi ye me ní tyíle n yo n wah. ²⁶ Nte yé náh pɪ ñmɔ képyénìne sɛ̀, képah ye yé kɔ̃ yé náh sɛ̀ ké yò. ²⁷ Nmɔ képyénì tɛ̀ wɔ ní weyne n nohnɪ, mé séle n pne, ànê sɛ̀ ní sò tɛ̀. ²⁸ Mé kɪ tyé-ñkɛ̀ minne sè kɔ̃. Sé tyí náh n yɪkɪ n yah n pi, ànê ñnì yó ñtɛ̀ náh fɛ̀ sè tɛ̀ n syi ní gbò. ²⁹ Nmɔ Sú nê-á séle ní gbò

‡ 10:16 10.16 - Képyénfɛ̀ nê tyí-á Yesu n yo áso sɔkɔ yò, ñ gblɔy ye à n ye.

dahbi, ñmɔ kal yiyin pólle. Képah ye, ñnî yó ntě náh fě sè tẽ n syi ñmɔ gbò sɔkɔ. ³⁰ Ñmɔ ànê Sú Liyel me núkúle.»

³¹ Képah tẽne, Nsyifunɔ tɔ dyêh tɔ ne páh Yesule n min n ko. ³² Nte à me yo pé tyí ne, Sú Liyel gbò yõ, páh tyípéplɔ náhnáh pi pè we. Sépi sɔkɔ nê tẽ yin se pè n yah n kɔ pé mínkò-ñsahle ni? ³³ Nsyifunɔ me à syah ne, tyípépěy pínó yin náh pé ne páh ñne n min n ko dé! Nte wáh yo de Liyel tyí képah yin-á. Nmɔ névi gbɔy ki pɔ ñ gblɔyne n pi Liyelle ni? ³⁴ Képah sɔkɔ, à yo pé tyí ne: «Kè náh me wárkínsàhnóle Liyel wey sébéy sɔkɔ ne, Liyel-á ne liyelno-á yéle di?§ ³⁵ Liyel-á yo mɔ névyé nónó tyí, à pè ye liyelnole. Nte yé se pi ne Liyel wey sébéynó-á nê yo, kè náh fě n milki n pi té! ³⁶ Té Sú Liyel-á ñmɔ nê wilki sah ñ tyí yõ, té ní tekɔ mɔ kèkɔyó, yé ne máh yo de Liyel tyí, máh sɔnpíle yo ne Liyel Pídí-á ñne ni? ³⁷ Máh ki me ní Sú Liyel tyípínine n pí-ńkêne, yé káh sě ní yõ. ³⁸ Nte máh ki me séle n pi, yáh ki sɔ me n sě n pi ńkêne ñmɔ yõ, yé sě sépi tẽ wɔ yõ; képah sɔkɔ yé ki pi yíi ne, máh me núkúle Sú Liyelle, ànê Sú Liyel-á me núkúle ñne.» ³⁹ Képah tẽne, pè tɔ ne páh Yesule n tẽ. Nte à pwah pé tyí.

⁴⁰ Képah náh, Yesu tɔ ñ syi yuku Nsyurdě yónkahnine, à kyi tẽ nyãh sɔkɔ-á Nsyõ ñgbò tyah névyé wèlnwilkínóle.*

⁴¹ Névyé náhnáh me kyi ñ tnô, té me yo tũ ne, Nsyõ náh gbíl tir yó ntě pi. Nte wáh tyi nónó pól yo dí mè tyí sɔkɔ, gblɔ-á séle. ⁴² Képah sɔkɔ, névyé náhnáh me sě Yesu yõ nɛnpó.

11

Lasari kúnó ànê ñ yilkinmɔnɔle

¹ Dí yó lésò me nyân syiki, pè n ye Lasari. A sò me Betani kwil sɔkɔ, képah nê sɔkɔ-á sò ñ dósýóle, pè n ye Mari ànê Martule. ² Kéne Mari mè wɔ ye lésò làsèkwèl yó kwe mɔ Yesu gbyêh yõ, té sè kele ñ yòyenne.* Ñmɔ dódí Lasari ye sò n yɔ. ³ Képah sɔkɔ, ñ dósýó me tẽntò mɔ Yesu tyí ne, pé yòtẽ, ñ kódí Lasari náh me lènɔle. ⁴ Yesu-á képah noh, à ne ńkẽ, Lasari nyân mè náh pi ñ ko ko nyânne. Nte káh ki Liyel yòtòrí wèki, té ki tɔ ñ Pídí yòtòrí wèki.

⁵ Té Marti, ànê Mari, ànê pé dódí Lasari tyí sò nɔ yíi Yesu tyí. ⁶ Nte nyãh sɔkɔ-á sò Yesule té pè pɔ Lasari nyân tyí yo ñ tyí, à tɔ wũ nɛnpó à sèpìn nini pi. ⁷ Képah náh, à yo

§ 10:34 10.34 - Yah n te Gbálnó 82.6. * 10:40 10.40 - Yah n te Nsyõ 1.28.

* 11:2 11.2 - Yah n te Nsyõ 12.1-3.

ñ tò sáhpú tyí ne, pé ye pé pé syí n yuku Nsyude gběnyah sɔkɔ. ⁸ Wǎh yo sě, pé me ne, kwó-ò dí, nénpó sɔkɔ kó lésò pé n yah n kǒ ò mǐnkò-ńsahle dyêhle sě yò sě yò, té à tǒ n yah n kǒ ò syínyuku-ńsahle nénpó sɔkɔ ni? ⁹ A me yo pé tyí ne, lérínó gbǒninó kó gbìyìkì sɔkɔ ni? Névi nê-à n kɔ tyah kyòole, kèkǒyó kyòo-á à n ne n yah. Képah-á, tě gbáhkì mǐnó nǎh nɔ. ¹⁰ Nte névi nê-à n kɔ lékáhne kyòo kěne, tě ò gbáhkìle n mi.

¹¹ Welɔ nópi yóntenɔ nǎh, Yesu tǒ yo pé tyí ne, pépi kódí-á me dɔy sɔkɔ, òte páh kɔ kyí à yilki mɔ. ¹² Képah sɔkɔ, ò tò sáhpú mó ne Tě ògbě, dɔy sɔkɔ-à kɔ nê Lasarule, wǎh kɔ de. ¹³ Nte Yesu wey sɔkɔ, Lasarɔ kúnó tyí ye à yo, té ò tò sáhpú wɔ mó we ne dɔy gbɔy tyí-á à yo. ¹⁴ Kǎh pi sě, Yesu kè yo yɔkɔ mɔ pé tyí ne Lasarɔ-á ku. ¹⁵ Nte péwɔ mé-ńkěne sò nénpó, képah-á me nɔ yíí péwɔ tyí pépi yinne. Kǎh pi sě, páh kɔ sě yíí péwɔ yò. Té núkúnúkú, pé ye pé sɔkɔ ò tǒ. ¹⁶ Képah sɔkɔ, Toma nê-á pé n ye Didimine,† òmɔ pé no syah ne, pé ye pépi tɔ kyí ku òne wě tyí.

¹⁷ Yesu-á yini tě nénpó gbí nêne, à kyí ne yah Lasarɔ lékó sò sèpìn òyêh pi te diki sɔkɔ. ¹⁸ Yé yah, Betani ànê Yerusalemɔ wró nǎh sò me kah gbe mɔ. Kè sò me kílónó tǒnó kénkǒle. ¹⁹ Képah ye, Yerusalemɔ tǎn nǎhnǎh sò me pɔ Martɔ ànê Mari yéfi kélé-ńsah pé dódí yáhnkwlonɔ sɔkɔ. ²⁰ Martɔ-á fyò noh ne Yesu-á me n pi, à kyí à yohnɔ. Té Mari wɔ sò me kǒntěnlé gbô sɔkɔ. ²¹ Képah sɔkɔ, Martɔ me yo Yesu tyí ne, pé yòtě, wǎh sò me ásò sɔkɔ, pé dódí nǎh nǎhkɔ n ku n pi. ²² Nte núkúnúkú òtě fyé sɔkɔ, páh pǐ ne wǎh kɔ sǒ tir dukù nê yah kǒ Liyel tyí, wǎh kɔ kè pi ò tyí. ²³ Képah sɔkɔ, Yesu me yo ò tyí ne: «Á dódí lékó kɔ yilki mɔ.» ²⁴ Wǎh yo sě, Martɔ ne, páh pǐ ne lékyî-à kɔ pɔ n yilki n mɔ gbìyìkì téy sòle, ò tɔ lékó-á kɔ yilki mɔ. ²⁵ Képah těne, Yesu yo ò tyí ne: «Ñmɔ ye lékyî yilkinmɔ-ò ànê minne. Névi nê-à sě òmɔ yò, tě-à sǒ ku, à kɔ tyé-ńkě min we; ²⁶ ànê névi nê-à me min sɔkɔ té sě òmɔ yò, tě nǎh tǒ n ku n yah n pi Liyel tyí òinne. Á se sě képah yò, Martɔ?» ²⁷ Martɔ me ne, àwe-á Tě ògbě, páh sě ké yò ne òmɔ-á Liyel ney yáhtokɔnlé, nê-á ò Pídine, òmɔ nê-á sò yíne à pɔ kèkǒyó.

²⁸ Képah yóntenɔ nǎh, à ò syí kyí plɔ yo ò gběnsê Mari tyí ne, kwó-ò dí-á me de n te. Té wǎh me òne n ye. ²⁹ Mari-á fyò

† 11:16 11.16 - Didimi kór ye kènĩne.

képah noh, à núkú yuku à soko Yesu tnô. ³⁰ Yesu náh tñnì sò me de kwil soko. A sò me fí nê soko-á sò Marti po à yohu. ³¹ Té Yerusalemu tãn nónó-á sò me Mari tnô gbô soko, me n yéfine n kele, pépi-á à we à yuku wil súú sê, pè n sò tẽ. Pè sò me n sò ne, pò gbó-nsah-á à n yuku diki yõ. ³² Nte Mari-á kyi yini tẽ Yesu mé-nsah soko, té à we, à gbëtukuno di Yesu yah soko té yo n tyí ne, pé yõtẽ, wãh sò me ásô soko, pé dódí náh náhki n ku n pi. ³³ Képah soko, Yesu-á à we à me n gbo à tãhli n tékínmõpu tyí, kè n ni kah tẽ kápékèyô, n yah kwô. ³⁴ A me ne, nýãh soko se pè yí n lékóle ni? Pè me yo n tyí ne, pé yõtẽ, à po kyi yah. ³⁵ Képah soko, Yesu yéfi kwẽ. ³⁶ Képah tẽne, n tékínmõpu ne, pè yah, n tyí-á sò me no yí n tyí dé! ³⁷ Té tã me n yo ne, nmo nê-á yítú dí yí yiki, à kó sò fẽ kũ yah kõ n pi Lasari tyí ni?

³⁸ Képah soko, kè tã Yesu ni kah tẽ kápékèyô, à me soko diki yõ. Teki diki ye sò kéle, té ké yah me víkénóle dáh-ngbẽ yóle. ³⁹ Yesu me yo no tyí ne, pè dáhkì mè toko tẽ yõ. Lékókè dósé Marti me à syah ne, Tẽ ngbẽ, n yínó sèpìn nyêh-á yò. Wãh ki me n pò dò. ⁴⁰ Képah soko, Yesu yo n tyí ne: «Mé náh kè yo á tyí ne, wáh ki sê ní yõ, á yí-á ki tẽ Liyel yõtõrí yõ dí?» ⁴¹ Képah tẽne, no me dáhkì tẽ yõ. Yesu me n yah yõ yinyõ té ne: «Bõ, mé n weki á tyí wáh sõnpí ní niri tẽ. ⁴² Mé pĩ ne wáh me ní nírile n tẽ gbímegbí. Nte mé kéle n yo tówú mè yinne nê-á ní mo gbĩ sah yò, ne pè sê ké yõ ne, áwô-á teki mo nne.» ⁴³ Képah yóntenõ náh, à kah yo mo ne nkẽ: «Lasari, wil nénpól!» ⁴⁴ Képah soko, Lasari nê-á sò ku, à yuku wil n gbyêh ànê n gbãne púkubínóle fwõ gbróle; té n yèpo me fókónóle fwóle. Yesu me yo pé tyí ne, pè à wah mo, pè mó ye à kõ à ne n yuku.

Nsyifunõ yõtãm me n yah n kõ Yesu kònmõ-nsahle

⁴⁵ Névyè nónó-á sò me po Mari tnô, té po Yesu tyípíní mè we sê, pé náhnáh sê Yesu yõ. ⁴⁶ Nte pé tókù wõ mó kyi n tyípíní mè sèshari yah sah Farisi wèkì kópú tyí. ⁴⁷ Káh mó pi sê, Farisi wèkì kópú ànê sárká syínwìkìpu yõtãm me pé no tukey tükèpu ònkì ye, pè kõ tẽ ké tyí soko. Pè wẽ syah ne, dí mè-á me gbil tyile n kah n pi dé, sõ se pé ki pi ni? ⁴⁸ Páh ki à sah à yõ soko séle n pi sê yò, no pól-á ki sê n yõ. Nte képah-à pi, Wrome tãn-á† ki yuku pépi Liyel ní-nsah gbô so,

† 11:48 11.48 - Wrome tãn nónó tyí-á n yo ásô soko yò, yõtãm ye sò péle Nsyifunõ yõ.

té kɪ pépi yĩkĩ tyí yɪkɪ. ⁴⁹ Nte pé sɔkɔ yó lésõ me, pè n ye Kayifile. Léyile, ñmɔ ye lésõ sárká syínwĩkɪpu yõtẽ ñgbẽne. Nmɔ me pé no syah ne: «Yé náh kwáh yóle n pne dé! ⁵⁰ Yé náh pĩ ne, dí nénúkù-à kɪ ko mɔ ápi yĩkĩ swɔ kè kɔ kè we pwah, képah-á kɪ nekɪ kal ápile ñ tẽnóle min sɔkɔ, té á yĩkĩ pól tyí mó pɔ yɪkɪ di?» ⁵¹ Nte ñmɔ yah yíi náh sò à yo tyi nópile dé! Wáh sò me sárká syínwĩkɪpu yõtẽ ñgbẽne léyile sě, képah ye Liyel me tẽntòle à kɔ à syi yo sah ne, Yesu-á yĩne à ku ñ yĩkĩ névyé yinne. ⁵² Té ñ yĩkĩ névyé ó yĩn náh à kɪ n ku n pi dé, ñ kúnó kɪ Liyel wẽnpĩ pól tɔ tuke mɔ pu núkúle, pépi nónó-á me karkɪ tẽ tẽ kɔ.

⁵³ Kayifi-á fyò képah yo, à tɔkɔ lésõ tyí, pè núkú Yesu kònmonɔ sah gbáhkì yõ. ⁵⁴ Káh pi sě, Yesu náh tɔ me n gblɔyne n wilki n mɔ kwèyy Nsyifunɔ yah. A yal ànê ñ tò sáhpúle, pè kyɪ tẽ kwil yó sɔkɔ, pè n ye Yefrayimine. Képah sò me gběnyah yó sɔkɔ, nê-á me gběnnu tnò.

⁵⁵ Nte Nsyifunɔ yõru tyénó syáh-á sò me de n te sě, névyé náhnáh sò me n wil gbno sɔkɔ, té me n dɔkɔ n yuku Yerusalemɪ kwil sɔkɔ. Pè sò me syáh mè dyàh tẽ, ne pé kyɪ pé gblɔy tɔ n sah, à yĩne pé tyi kònsàhnó wàlle. ⁵⁶ Páh sò me Liyel ní-nsah gbô sɔkɔ gbí nêne, pè sò me Yesule n yah n kɔ, té me wẽne n piki n yah ne nkě, kè se me sɔ nɪ? A se kɪ pyě ye wũ syáh mè sɔkɔ pónóle nɪ? ⁵⁷ Té sárká syínwĩkɪpu yõtã ànê Farisi wěkì kópú lésõ me ké gbah yo sah te névyé tyí ne, nê-à fyò Yesu mé-nsah pĩ, tẽ pɔ kè yo pé syah, pé kɔ pé à we tẽ.

12

Mari làsèkwěl mónóle Yesu gbyěh yõ

¹ Nsyifunɔ yõru tyénó syáh sò me wũ sèpìn kénúkòle, té Yesu me kyɪ Betani kwil sɔkɔ, nýãh sɔkɔ-á sò Lasarule tẽnóle, wáh nê lékó yilki mɔ. ² Pè me yõke yah Yesu kɔ nénpó. Martɪ sò me yòkele n dibi, té yõke mè yópú sɔkɔ yó ye sò Lasarule. ³ Képah sɔkɔ, Mari me làsèkwěl dènkókò yó lítir tóní tɔkɔ, nê-á pè nardɪ kókóle kè pi. Té pɔ kè kwe mɔ Yesu gběnáhló yõ, té kè kele ñ yòyenne.* Làsèkwěl mè pãn me wòkò pól tɔkɔ. ⁴ Képah tẽne, Nsyudastɪ Yisikariyotɪ nê-á Yesu tò sáhpú sɔkɔ yóle, té kɪ sò pɔ n vi n pi Yesu náh, ñmɔ ne, ⁵ kwáh nê

* **12:3** 12.3 - Yesu me gbíne, nénpó tãn sò nkéne pé gbalɪ kěkɪ n tẽ yòkele n yõ.

se pi té làsèkwèl mè nàh yãm deniye pó pló† kyetõnîne, à ké pó dibi yãm tân kõ ni? ⁶ Nte yãm tân yãm nàh sò tè ònne dé, yẽnwó ye sò ònne képah ye à kõ à képahle n yo. Pó dú sò me òmò tyí. Té pàh nónóne n dah n mɔ n pɔ, ǎ séle n yí. ⁷ Képah sɔkɔ, Yesu ne: «Pi yah vínó sah kénòh! A ye képah pi sah òmò lékó yí sò yinne. ⁸ Yãm tân kɪ me ànê yéle sétáh yõ sòmésó. Nte òmò wole, òmò nàh n me n pi yéle sétáh yõ sòmésó.»

⁹ Té tówù òngbè-á pɔ noh ne Yesu-á me Betani kwil sɔkɔ gbí nêne, pè kyɪ nénpó. Nte Yesu ó yin nàh sò pè kyɪ dé, Lasari nê lékó-á Yesu yilki mɔ, òmò tɔ wɛ yin ye sò pè kyɪ. ¹⁰⁻¹¹ Nte Lasari mè yinne, névye náhnáh sò me péle n syɪ sárká syínwìlkìpu yõtám nàh à n vi n mɔ n pi Yesu yõ sèpùle. Képah ye, sárká syínwìlkìpu yõtám me Lasari tyí yo syɪ ne, páh kɪ ò tɔ ko mɔ.

Yesu dénóle Yerusalemi sɔkɔ

¹² Ké dīndalle, tówù òngbè nê-á sò me pɔ Nsyifuno yõru tyénó syáh sɔkɔ, pè kè noh ne Yesu-á me n pi Yerusalemi sɔkɔ. ¹³ Pè me sãm yingbàn kòlɪ tè yin,‡ té wil kwil sɔkɔ à kyɪ à yohnɪ. Pè sò me gbo mɔ tũ ne: «Wosana!§ Nê-á n pi Té òngbè Liyel yin yõ, Liyel sãm mɔ ò sɔkɔ,* òmò nê-á Yisrayel yõtè díne.» ¹⁴ Képah sɔkɔ, Yesu me òkwèndyípikì yó wɛ, té dɔkɔ kò tè ò yõ, à yine sã-á kéle wárkínsàhnóle Liyel wey sébéy sɔkɔ ne òkè:

¹⁵ «Yerusalemi† tân, yé káh tíkí pi.

Yé yah, yé yõtè me n pi.

A me dókóntèñóle òkwèndyípikì yó yõ sɔkɔ.»‡

¹⁶ Té légbíne, Yesu tò sáhpú nàh sò me tyi nópi pínó yõ pĩ. Nte wáh pɔ dɔkɔ ò tórí yõ gbí nêne, pé dyɔ to kò ne, káh lésó wárkɪ sah sò ò tyí sɔkɔ Liyel wey sébéy sɔkɔ, sã-á kè pi ò tyí.

¹⁷ Képah tẽne, Yesu-á lésó Lasari lékó ye yah, à à yilki mɔ wilki diki sɔkɔ nónó yí yah, pépi me tyah kéle n yah n yáh n kò. ¹⁸ Névyè-á kéne gbíl tir pínó noh sã, pè wil pɔ Yesu yohnɪ. ¹⁹ Képah sɔkɔ, Farisi wèkì kópú tyah n yo wè tyí ne,

† 12:5 12.5 - Légbíne, deniye pó nukú kɪ sò fẽ nɔ nénúkù gbìyìkì nukú tò pínó danne. ‡ 12:13 12.13 - Sãm yingbàn kòlɪntènyinnɔ mène ásò sɔkɔ, Yesu ye pè n gbilkì.

§ 12:13 12.13 - Pàh ne Wosana, òngbòle sò, ké kór ye á pwah n mɔ nukúnúkú! Nte ásò sɔkɔ, gbilkínó ye sò pè n gbilkì Yesule. * 12:13 12.13 - Yah n te Gbálnó 118.25-26. † 12:15 12.15 - Yerusalemi yin yó ye sò Siyõne.

‡ 12:15 12.15 - Yah n te Nsakari 9.9.

pé kó kè wε nɪ, pépi náh tǝ fẽ n tẽ n pi dò. No pól-á me ñ sò tẽ.

Yesu me ñ tǝrí ànê ñ kũ tyíle n yo

²⁰ Névyε nónó-á sò me pɔ syáh mè sɔkɔ Yerusalemɪ, ne pé pɔ Liyel yĩn gbilki, Nsyifunɔ náh sò pé túkùle. ²¹ Kéne névyε nónó-á Nsyifunɔ náh péle, pépi me nɔ de Filipi tnò ñmɔ nê-á n wil Betisayida kwil, Kalile gběnyah sɔkɔ. Té kè yah kǝ ñ tyí ne, pé yòtẽ, páh me ké tyí ne pé Yesu wε. ²² Káh pɪ sẽ, Filipi me kè yo Andre tyí. Andre me tahlɪ ñ tyí pè kyɪ kè yo Yesu tyí. ²³ Képah tẽne, Yesu me yo pé tyí ne: «Gbĩ nê sɔkɔ-á Névi Pídí§ kɪ n dɔkɔ n pi ñ tǝrí yǝ, képah ye se núkúnúkú yò. ²⁴ Kègbɪgbɪ tẽ yǝ, mé kéle n yo yé tyí, né sémukɔ pi náh duku mɔ sétáh sɔkɔ kè fi té ké pi ku, kè n tẽ ké gblǝy. Nte káh duku mɔ à fi té ké pi ku, kè n kwel. ²⁵ Névi nê-à ñ gblǝy ó minne n mɔ n kǝ, tẽ min tyí kɪ yɪkɪ. Nte nê-à ñ minne n mónkò-ñkẽne kèkǝyó mè sɔkɔ Liyel tǝrí yĩnne, tẽ wɔ kɪ tyé-ńkẽ min wε. ²⁶ Névi nê-à me ké tyí ne, pé tǝle n pɪ ñmɔ tyí, tẽ ñ sò tẽ. Képah sɔkɔ, máh me nýãh sɔkɔ, nê-á tǝle n pɪ ñ tyí, ñ tɔ kɪ me nénpó. Névi nê-à tǝle n pɪ ñmɔ tyí, ñ Sú Liyel kɪ ñ yǝ yǝ.

²⁷ Té núkúnúkú, ñ fɔkɔ me fẽkɪ. Nte mè yo sǝ? Mé se n yo Sú Liyel tyí ne, à káh n ye yèvyãhrɪ mè ñ wε? Nte ðǝ dé, yèvyãhrɪ mè yĩn ye mé pɔ tótó.» ²⁸ Képah tẽne, à ne: «Bǝ, gbílkinó sah á yĩn yǝ.» Wãh yo sẽ, yĩnpǝ yó wil yĩnyǝ sɔkɔ ne ńkẽ: «Mé ñ yĩn gbilki te, té mé kɪ kè gbilki n pi ńtǝ.»

²⁹ Tówú nê-á sò me nénpó, té yĩnpǝ mè noh, pè ne gběnséntáhkɪ-á gboke. Túkù mó ne, yĩnyǝ tǝnpi yó-á yo mɔ Yesu tyí. ³⁰ Képah sɔkɔ, Yesu me yo pé tyí ne: «Wey nê-á yé noh yò, kè náh yo ñmɔ yĩnne, kè yo yépi yĩnne. ³¹ Liyel kɪ lékàhle kèkǝyó névyε kǝ n pi núkúnúkú sẽ yò. Núkúnúkú, à kɪ kèkǝyó névyε fnè-ò* yĩni yal. ³² Nte máh pɔ dɔkɔ mɔ gbí nêne, mé kɪ névyε pólle pɔ ñ gblǝy tyí.» ³³ Yesu-á sò ne n ku n pi dùkù nêne, képah ye à wẽkɪ ñ wey mè sɔkɔ yò. ³⁴ Képah sɔkɔ, tówú mè névyε me yo ñ tyí ne, pépi-á kè wε Liyel tyi kǝnsàhnó sɔkɔ ne, Liyel ney yáhtokɔnɔ náh n ku n yah n pi. Té ñmɔ se sǝnpíle pɔ n yo ne, Névi Pídí-á yĩne à dɔkɔ mɔ nɪ? Nte nê tẽ ó se mó Névi Pídí mène nɪ? ³⁵ Képah sɔkɔ, Yesu me yo pé tyí ne: «Kyòò mène, kè me sẽ yé wró

§ 12:23 12.23 - Yesu-à Névi Pídí tyíle n yo, ñ gblǝy tyí ye ńkẽne à n ne n yo.

* 12:31 12.31 - Kèkǝyó névyε fnè-ò nê tyí-á n yo ásò sɔkɔ yò, sétàn yòtẽ ye.

ki wró kwéy yó pi n pi. Té névi nê-à n ko fěntú soko, tẽ náh ñ yúkú-ńsahle n pne. Képah ye, kyòo mè-á me yé wró soko yò, yé ne n ko ké soko, fěntú káh pɔ yé kwɔki tẽ. ³⁶ Kyòo mène, káh me yé wró gbí nêne, yé sě képah yõ. Képah soko, yé ki pi kyòole képah tyí kõle.»

Yesu-á képah yo te, à yal pé tnô à kyi wõbı fíí péle.

Névye náhnáh náh sě Yesu yõ

³⁷ Yesu sò gbıl tyi náhnáh pi pé yí yah, ñte képah fyé yõ, pè náh sě ñ yõ. ³⁸ Liyel těntò syíno-ò Yesayi tyíyónó nópi ye wil ásò soko yò. A lésò ne nkẽ:

«Tẽ ñgbě, nê sě ápi tyíyónó yõ?

Á á tēpnènóle nê wěki?»†

³⁹ Té tir nê yĩn-á pè náh sò fě n sě n pi ké yõ, képah yah ye Yesayi tõ yo ne nkẽ:

⁴⁰ «Liyel pé yí wɔ,

té pé lékám yah vike,

ne pé yí káh fě ne n yah,

pè káh tir yó tyí yah we,

pè mó vi mɔ Liyel wěkì yõ,

à kõ à pè we de mɔ.»‡

⁴¹ Yáh we Liyel těntò syíno-ò Yesayi képahle n yo, à lésò kwāh tẽ Yesu tǔrí we, képah ye à kõ à ñ tyíle n yo.§

⁴² Té képah fyé yõ, yõtām náhnáh sò me sě Yesu yõ. Nte Farisi wěkì kópú tíkí sò me pè tẽ ne, pè káh pɔ pé yĩni wilki pé wěkì soko. Képah ye, pè náh kè wilki mɔ ne, páh sě ñ yõ. ⁴³ Yáh we pè képah pi, névye-á me gbílkinó nêne n sah pé yõ, képah tyí sò me pé tyí kal Liyel tyíle.

⁴⁴ Képah soko, Yesu weki yĩnpõ ñgběne ne nkẽ: «Névi nê-à sě ńmɔ yõ, ńmɔ ó yõ náh tẽ sě dé, Liyel nê-á tekı mɔ ńne, ńmɔ tɔ yõ ye tẽ sě. ⁴⁵ Té névi nê-à ńmɔ we, ń tékínmɔ-ò ye tẽ we. ⁴⁶ Nmɔ pɔ kèkõyó à pɔ pi kyòole, ne névi nê-à sě ńmɔ yõ, tẽ káh tẽ fěntú soko. ⁴⁷ Nmɔ náh pɔ kèkõyó soko, ne mé pɔ lékàhle névye kõ. Mé pɔ ne kèkõyó névye pwáhnmɔno we. Képah ye, névi nê-à ń welo noh, té à náh me n ko sé wāl yõ, ńmɔ náh ki n kõ n pi tēne lékàhle dé. ⁴⁸⁻⁴⁹ Wey nê-á mé yo yò, képah ńtẽ ye ki lékàhle tẽ kõ n pi gbìyìkì téy sòle. N gblõy yah yĩ náh mé yo welo nópile dé! Sú Liyel nê-á tekı mɔ ńne, máh yĩne mè nê yo, ànê máh yĩne mè kwónó nê pi,

† **12:38** 12.38 - Yah n te Yesayi 53.1. ‡ **12:40** 12.40 - Yah n te Yesayi 6.9-10.

§ **12:41** 12.41 - Yah n te Yesayi 6.1-5.

ñmɔ ye yo séle ní tyí ne mé pɪ. Képah ye, névi nê-à ní yahle, té à náh me ní weyne n mɔ n kɔ̃, ney me te, nê-á kɪ lékàhle tẽ kɔ̃ n pi. ⁵⁰ Té ñmɔ mó tɔ̃ pĩ ne Liyel-á nê kɔ̃ sah, képah gbò yò sɔkɔ-á névye kɪ fẽ tyé-ńkẽ min we. Sú Liyel-á wey mè yo sɔ̃ ní tyí, sẽ ye mé n yo kéle yé tyí.»

13

Yesu n tò sáhpú gbyêh wu

¹ Nsyifuno yõrɪ tyénó syáh kɪ sò n pɪ n pi dɪndalle. Yesu sò pĩ ne pé yálnó gbĩ-á se kèkõyó, páh kɪ n sɔkɔ n pi Sú Liyel tyí. N sò tẽpú nónó-á sò me kèkõyó, pé tyí sò me nónóle n tyí. Pé tyí nɔ kah mɔ n tyí.

² Yesu ànê n tò sáhpú sò me yõkele n yò. Té sétàn yòtẽ sò me kè dahbɪ te Simo Yisikariyɔtɪ pídí Nsyudasɪ nɪ sɔkɔ ne, à vi Yesu náh. ³ Yesu sò pĩ ne Sú Liyel-á tyi pól dahbɪ péwɔ gbò. Ñmɔ tyí-á pé wil à pɔ, té páh kɪ pé syɪ sɔkɔ ñmɔ tyí. ⁴ Képah sɔkɔ, páh me yõke yónó sɔkɔ sẽ, à yuku yĩn, té n fwòmò-ńgbẽ de sah, té fwɔ yó tokɔ toh n syĩ sɔkɔ. ⁵ Képah náh, à ni du mɔ dú yó sɔkɔ, à tyah n tò sáhpú gbyêhne n wu kéle, té séle n tuke fwɔ mène, nê-á à toh n syĩ sɔkɔ.

⁶ Káh pɔ syɪ Simo-Pyerɪ tyí, à Yesu syah ne ńkẽ, ñmɔ nê-á TÈ NGBÈNE ñmɔ kɪ n yah n kɔ péwɔ gbyêh wú-ńsahle nɪ? ⁷ Yesu me yo n tyí ne, nê-á péwɔ n pɪ yò, ñmɔ náh fẽ ké tyí yah we n pi núkúnúkú ló! Nte náh-á à kɪ pɔ ké tyí yah we n pi. ⁸ Pyerɪ tɔ̃ yuku à syah ne, pólle, à náh pé gbyêh wu n pi. Képah sɔkɔ, Yesu me yo n tyí ne: «Wáh kɪ ye ní kɔ mé á gbyêh wú-ńkẽne, á vyãh kɪ de ñmɔ tyi sɔkɔ.» ⁹ Képah tẽne, Simo-Pyerɪ yo n tyí ne, Tẽ ńgbẽ, káh pɪ sẽ kè káh yĩn pé gbyêh ó tyí, ńkẽ à pé gbãn ànê pé yò tɔ wu. ¹⁰ A me yo n tyí ne: «Névi nê-à ni wel te, tẽ n ne n me yályál. Képah ye, à wil n gbyêh tyí sɔkɔ, yò náh tɔ ńkẽne ne me tẽ wil pól tɔ̃nwunɔ tyí. Yépi me yályál. Nte yé pól tẽ wɔ náh mé n ye dé!» ¹¹ Névi nê-á kɪ sò pɔ n vi n pi Yesu náh, Yesu sò me à pĩ te. Képah ye à kɔ̃ à ne, pé pól tẽ wɔ náh pé ne páh me yályál dé!

¹² Wãh pé gbyêh wu te, à tɔ̃ n fwòmò-ńgbẽ tokɔ mɔ pɔ kɔ tẽ yõke yó-ńsah ńtɔ̃. Té yo pé tyí ne: «Máh nê pɪ yé tyí sẽ yò, yé se ké yò pĩ? ¹³ Yãh pɪ yẽ ńne n ye kwó-ò dɪne, képah náh pɪ, Tẽ-ńgbẽne, yé me n yo ple tẽ wɔle. Ñmɔ ye ńtyĩnɔ ńne. ¹⁴ Nte ñmɔ nê-á Tẽ ńgbẽ ànê kwó-òle, yáh we mé yé

gbyêh wu, yépi tɔ yĩne yè wě gbyêhne n wu. ¹⁵ Képah dùkù ye mé pɪ yé wěki yò, ne máh nê pɪ yé tyí, yé tɔ sɛnknɔle n pɪ. ¹⁶ Kègbɪgbɪ tɛ yõ, mé kéle n yo yé tyí, tɔnpi náh fɛ n kal ñ yòtɛne. Sɛ ó ye tɛntò névi tɔ náh fɛ n kal ñ tó-òle. ¹⁷ Nte núkúnúkú, yé se kéne tyile n pne té! Yáh fɛ syi n kɔ sé wàl yõ, yé kɪ nìvìnì wɛ.

¹⁸ N wey mènè náh me ké yah mɔ yé pól tyí dé! Máh névye nónó yah wilki, mé péle n pne. Nte tir nê-á wárki sah Liyel wey sébéy sɔkɔ, kè yĩne kè wil ó wil. Kè me wárkínsàhnóle ké sɔkɔ ne níkɛ: «Máh lésò ní yòkele n yõ ànê nêne, tɛ me yuku ní yõ.»* ¹⁹ Ké pí-níkɛ sɔkɔ ye mé kéle n yo n sah yé tyí núkúnúkú yò. Képah sɔkɔ kàh pɔ pɪ, yé kɪ sɛ ké yõ ne, Nmɔ-á. ²⁰ Kègbɪgbɪ tɛ yõ, mé kéle n yo yé tyí, névi nê-à ní tɛntò névi tɛ ple, nímɔ ye tɛ tɛ ple. Nê tɔ-à nímɔ tɛ ple, nê-à tó nne, nímɔ ye tɛ tɛ ple.»

Yesu ne Nsyudasí-á kɪ n vi n pi pé náh

²¹ Képah tɛne, kéne welɔ yóntenɔ náh, Yesu fɔkɔ kah fɛki. A me kè yo dal mɔ ne: «Kègbɪgbɪ tɛ yõ, mé kéle n yo yé tyí, yé sɔkɔ ney yó kɪ n vi n pi ní náh.» ²² Wáh képah yo sɛ, ñ tó sáhpú tyah n yõ wɛne n yah núkú núkúle. Pè náh sò me pĩ nê tyí-á à n yo. ²³ Té Yesu tó sáhpú sɔkɔ nê tyí-á nɔ yíí ñ tyí, nímɔ sò me tɛntelnɔle Yesu tyí. ²⁴ Képah sɔkɔ, Simo-Pyerɪ pɪ mɔ nímɔ tyí ne à Yesu piki yah, nê tyí-á à n yo. ²⁵ Nímɔ mó ñ gbalí kɛki Yesu fɛnne, té à piki yah ne, Tɛ ñgbɛ, nê se à n ye ni? ²⁶ A me yo ñ tyí ne, páh kɪ búrn yí dí nê kɔ, tɛ wɔ-á. Té núkú búrn yínó tɔkɔ, té kè di à Simo Yisikariyɔtɪ pídí Nsyudasí kɔ. ²⁷ Nsyudasí-á búrn mènè syi, sétàn yòtɛ me de ñ sɔkɔ. Yesu me yo ñ tyí ne, nê-á ñ tyí pɪ pɪ tɛne, à kè pɪ súú. ²⁸ Nte nónó pól-á sò me nénpó, pé sɔkɔ yó rítɛ náh sò pĩ tir nê yĩn-á Yesu yo wey mènè ñ tyí. ²⁹ Té pó dú-á sò me Nsyudasí tyí sɛ, tókù sò me n sò ne, Yesu-á yo ñ tyí ne à kyɪ syáh yídwénè yah dwe, képah náh pɪ, à pó yí yám tãn kɔ. ³⁰ Nte Nsyudasí-á fyò búrn yínó mènè syi, à núkú yuku wil. Légbíne lékáh sò me mɔ.

Yesu tir kònsàhnó késáanne

³¹ Nsyudasí-á fyò wil te, Yesu ne: «Núkúnúkú tɛne, gbílkinó ye sah Névi Pídí yõ, ànê Sú Liyel yĩn kɪ se tó gbilki nímɔ yĩnne. ³² [Gbílkinó-à kɪ sah Liyel yõ nímɔ yĩnne,] Liyel tɔ kɪ à gbilki ñ gblɔy yĩnne. Dó kwéy nítɛne, à kɪ kè pɪ n pi.

* 13:18 13.18 - Yah n te Gbálnó 41.10.

³³ N wěnpì, mé kɪ tɔ̃ n me n pi yéle kɪ wró kwéy ó pɪ. Yé kɪ ní yah n kɔ̃ n pi. Nte nê-á lésõ mé yo Nsyifunɔ tyí, képah núkú ye tɔ̃ mé kɪ yo yépi tɔ tyí núkúnúkú ne, yé náh fě n kyɪ n pi nímo yúkú-ńsah sɔkɔ. ³⁴ Mé kɪ tir sán yó kɔ̃ sah yé kɔ̃ ne, yé tyí nɔ wě tyí. Yé tyí-á nɔ sɔ̃ nímo tyí, yépi tɔ tyí yĩne kè nɔ sě wě tyí. ³⁵ Yé tyí-à kɪ nɔ wě tyí, képah sɔkɔ ye nɔ pól kɪ pĩ ne nímo tò sáhpú-á yéle.»

Yesu ne Pyeri-á kɪ ñ vyāh kōli ne pé náh péwo pĩ

³⁶ Képah sɔkɔ, Simo-Pyeri à piki yah ne, Tě ñgbě, nyāh se à n yuku nɪ? A me yo ñ tyí ne, nyāh-á pé n yuku, à náh fě n kyɪ n pi péle nénpó sɔkɔ núkúnúkú. Nte náh tĩnne, wāh kɪ pɔ pé sɔ̃ tē n pi. ³⁷ Pyeri me ne, Tě ñgbě, sɔ̃ se pɪ té pé náh fě ñ sò tē n pi núkúnúkú nɪ? Péwo-á kɪ fě syi pé min kɔ̃ n pi ñmo yĩnne dò. ³⁸ A me yo ñ tyí ne: «Á kɪ á min kɔ̃ n pi nímo yĩnne lé? Nte kègbɪgbɪ tē yō, mé kéle n yo á tyí, sɛnpe-à kɪ pópó n gbo, á kɪ me á vyāh kōli te ke tónó, ne á náh nímo pĩ.»

14

Yesu ye wěkìle nê-á n yuku Sú Liyel tyí

¹ Képah náh, Yesu yo ñ tò sáhpú tyí ne: «Yé káh ye yé fɔkɔ fěkɪ. Yé sě Liyel yō, yè mó sě nímo tɔ yō. ² Tě-ñtān náhnáh me ní Sú Liyel tĩnne. Mé kɪ kyɪ tē-ńsah yah sah yé kɔ̃. Kàh sò me gbɪle níkēne, mé náh náhkɪ kè yo n pi yé tyí. ³ Máh kɪ kyɪ tē-ńsah yah sah te yé kɔ̃, mé kɪ ní syɪ pɔ yé tē sɔkɔ ní tñ. Képah sɔkɔ, nímo-á me nyāh sɔkɔ, yépi tɔ kɪ me nénpó. ⁴ Yé se nímo yúkú-ńsah wěkìle n pne té.» ⁵ Wāh yo sě, Toma me ne, Tě ñgbě, pépi náh me ñ yúkú-ńsah pĩ, té pé se kɪ pĩ sɔ̃ ké wěkìle nɪ? ⁶ Yesu me yo ñ tyí ne: «Nímo ye wěkìle, ànê gbɪle, ànê min nétēne. Nnì yó ñtē náh fě n kyɪ Sú Liyel tyí, né tē náh syō nímo tyí. ⁷ Yáh sò me nímo le n pne, yé náhkɪ me ní Sú Liyel tɔle n pne. Nte núkúnúkú, yé ye ñne n pne, té à we.» ⁸ Képah sɔkɔ, Filipi me ne, Tě ñgbě, à Sú Liyelle pépi wěkɪ kè! Képah-á kɪ yĩne pépi tyí. ⁹ Yesu me yo ñ tyí ne: «Filipi, mé me yéle di mónóle, té áwo náh me nímo pĩ nɪ? Névi nê-à nímo we, Sú Liyel ye tē we. Nte á pɪ sɔ̃ té tɔ̃ n yo ne, mé Sú Liyelle ñ wěkɪ? ¹⁰ Á náh sě ké yō ne, nímo ànê Sú Liyel-á me núkúle di? Welɔ nónó-á mé n yo yé tyí yò, nímo yah yĩ welɔ náh séle dé! Sú Liyel nê-á núkúle nímo le, ñmo ye n pɪ ñ tãnne. ¹¹ Yé yĩne yé sě ké yō ne, nímo ànê Sú Liyel-á me núkúle. Yáh kɪ sɔ̃ sě-ńkēne ké yō nímo welɔ yĩnne, yé sě

ké yõ tãn nópi tẽ wɔ yĩnne. ¹² Kègbɔgbɔ tẽ yõ, mé kéle n yo yé tyí, névi nê-à sã nímo yõ, máh me tãn nónoné n pi, tẽ to kɪ sɛnknɔle n pi. Té tẽ kɪ tãn yísyó ntẽ pi n pi nóno-á kal sépile. Mé me n yuku Sú Liyel tyí, képah ye kɪ tẽ kɔ à kɪ fẽ sè pi. ¹³ Képah sokɔ, yáh tyídúkú nê yah kɔ nímo yĩn yõ, mé kɪ kè pi yé tyí, gbílkinó kɔ kè kɪ sah Sú Liyel yõ n Pidí gbò yõ. ¹⁴ Yáh tir nê yah kɔ nímo yĩn yõ, mé kɪ kè pi.»

Yesu n vyãh kɔ Liyel Mirki pónó tyí sokɔ

¹⁵ «Nímo tyí-à me no yé tyí, yé kɪ ní tyi kònsàhnó tẽ yĩn. ¹⁶ Té mé kɪ Sú Liyel ni, à kɪ yòhnìnmo-ò yó tekɪ mo yé kɔ, nê-á kɪ pɔ n tẽ n pi yéle kúmm. ¹⁷ Yòhnìnmo-ò mène, Liyel Mirki ye. Nmo ye gbɪle névyele n wɛkɪ Liyel tyí sokɔ. Kèkòyó névyé náh òne n wɛ, ànê pè náh òne n pne. Képah ye, pè náh fẽ à fẽ n syi. Nte wáh me yépile, té me yé sokɔ sã, képah ye yépi wɔ òne n pne. ¹⁸ Mé náh yé sah n pi nígyele. Mé kɪ ní syi n pɔ n pi yé tnô. ¹⁹ Dõ kwéy òsõ, kèkòyó névyé náh tã nímo wɛ n pi, òte yépi tẽ wɔ kɪ ní wɛ. Té nímo-á fyòni me min sokɔ, képah ye yépi to kɪ me n pi min sokɔ. ²⁰ Lésò-à pɔ no, yé kɪ pĩ ne nímo ànê ní Sú Liyel-á me núkúle, té nímo ànê yépi to mó me núkúle. ²¹ Névi nê-à ní tyi kònsàhnó noh, té sè tẽ yĩn, ní tyí no tẽ wɔ tyí. Té nímo tyí-à no névi nê tyí, tẽ tyí kɪ no ní Sú Liyel tyí. Tẽ tyí kɪ no nímo to tyí, té mé kɪ ní gblɔyne à wɛkɪ.» ²² Képah sokɔ, Nsyude* nê-á n gblɔy Nsyudasɪ Yisikariyɔtɪle, nímo me yo Yesu tyí ne, Tẽ òngbè, sɔ se pi té à kɪ n gblɔyne pépi wɛkɪ, té à náh n gblɔyne kèkòyó névyé wɛkɪ n pi ni? ²³ A me yo n tyí ne: «Nímo tyí-à no nê tyí, tẽ kɪ ní tyíyónóle n pi. Tẽ tyí kɪ no ní Sú Liyel tyí, té nímo ànê ní Sú Liyel kɪ pɔ tẽ tyí, kɪ pɔ twah tẽ n tyí. ²⁴ Nte nímo tyí-à nó-òkène nê tyí, tẽ náh ní tyíyónóle n pi. Té welo nóno-á yé n nohni yò, nímo yah yíi welo náh séle dé! Sè wil Sú Liyel tyí, nê-á tekɪ mo òne. ²⁵ Mé ye kéne tyi yo yé syah, gbí nê-á mé me ànê yéle yò. ²⁶ Nte Liyel Mirki nê-á yòhnìnmo-òle, Sú Liyel kɪ n tekɪ n mo n pi nímo yĩn yõ, à kɪ pɔ tyi pólle yé kwɔ. Té kɪ yé dyɔ to kɔ nímo tyíyónóle, máh nóno yo sokɔ yé tyí.

²⁷ Yèvinɪ ye mé yéle n kɔ yò. Nmo yèvinɪ ye mé yéle n kɔ. Mé náh me kéle n kɔ kèkòyó névyé kɔ dùkúle. Yé káh ye yé fɔkɔ fɛkɪ, yé káh ye tíkí yé tẽ. ²⁸ Mé ye kè yo sokɔ te yé tyí yé noh ne sókónó-á òne, té máh kɪ ní syi n pɔ n pi yé tnô. N tyí-à sò me no yé tyí, yáh kè noh ne máh n yuku

* 14:22 14.22 - Nsyifuno tyí, Nsyude ye dùkú me núkúle Nsyudasɪ ye dùkúle.

Sú Liyel tĩnne, kè sò yĩne kè ne n me nìvìnìne yé tyí, ñmɔ-á sɔnpĩle kal ñmɔle. ²⁹ Mé ye kéne tyi yo sah yé tyí núkúnúkú sé pónpí-ńkê sɔko yò, képah sɔko sàh kɪ pɔ n pɪ, yé kɪ sē í welo yò. ³⁰ Kèkōyó névye fnè-ò me n pi, képah ye mé náh tō n kah n yāh n mo n pi yéle. A náh fē ñmɔ tē wɔ fne. ³¹ Nte Sú Liyel-á tyi nónó yo í tyí, sépi ye mè n ne n pɪ. Képah sɔko, kèkōyó névye kɪ pĩ ne ñ tyí-á nɔ í tyí. Yé yuku! A ye yal ásô.»

15

Yesu ne yeresẽ séswô yèsyìkì-á péle

¹ Képah sɔko, Yesu tō ne: «Ñmɔ ye yeresẽ séswô yèsyìkìle, í Sú me ké nétēne. ² Yĩngbàn nónó pól-á me ñmɔ sɔko té sè náh me n syi, à kɪ sè kòlɪ tē yò. Té nónó pól-á me n syi, à kɪ sépile n tō sè kō sè kɪ n gbah n syi. ³ Wey nê-á mé yo yé tyí yò, képah gbò yò, yé pɪ te yályál. ⁴ Yé ne n me ñmɔle, sɔ-á ñmɔ me yéle. Sɔ-á yĩngbò náh fē n syi n pi ké gblɔy né kè náh me séswô sɔko, sē ó ye yépi tɔ náh fē tir yó pɪ n pi né yé náh me ñmɔle. ⁵ Nmɔ ye yeresẽ séswôle, yépi me ké yĩngbàne. Yé náh fē tir yó n tē pɪ n pi ñmɔ kēne. Képah ye, nê-à me ñmɔle, té mé me tēne, tē kɪ tyípeplo náhnáhle n pɪ Liyel tyí. ⁶ Névi nê-à mé-ńkēne ñmɔle, tē me yĩngbò yó tyí kòle, nê-á pè kām milki kégbó, té kè kɪ n kɔko n pi. Té yĩngbàn kókórìle, sépi kɪ pɔ kwel mɔ n suke n pi nyàh sɔko. ⁷ Nte yāh me ñmɔle, té í welo me n tē yé fɔkɔnɪ sɔko, kwāh nê tyí-à nɔ yé tyí, yé kè ni, yé kɪ kè we. ⁸ Yāh tyípeplo náhnáhle n pɪ Liyel tyí, képah ye kɪ kè wēkɪ ne yāh pɪ ñmɔ tō sáhpúle. Té ñmɔ Sú Liyel yĩn kɪ gbilki.

⁹ Nmɔ tyí-á nɔ Sú Liyel tyí sɔ, yépi tɔ tyí nɔ ñmɔ tyí sē. Yé ye yé tyí ne me nántēnóle í tyí sē. ¹⁰ Yāh í tyi kònsàhnóle n pɪ, yé tyí kɪ me nántēnóle í tyí, sɔ-á ñmɔ í Sú tyi kònsàhnóle n pɪ, té í tyíle nántēnóle ñ tyí. ¹¹ Mé me ké tyí ne nìvìnì nê-á me ñmɔ sɔko, kè ne me yépi tɔ sɔko, té yé nìvìnì mè mó syɪ ké yĩn tyí. Képah ye, mé tyi nópi yo yé tyí.

¹² Máh nê kō sah yé kō, kè we yò: Yé tyí yĩne kè nɔ wē tyí, yé tyí-á nɔ sɔ ñmɔ tyí. ¹³ Névi-à ñ min kō ñ kódíbì yĩnne, tyínɔnɔ ñgbē yó náh tō fē n kah n mɔ n pi képah yò. ¹⁴ Nmɔ-á nê kō sah yé kō, yāh kɪ me kéle n pɪ, í kódíbì ye yéle. ¹⁵ Mé náh tō yé ye n pi tònpiɓile. Ngbò tònpi náh fē ñ yòtē dí tyípinó pĩ dé! Nte máh tyi nónó noh í Sú Liyel tyí, mé ye sé pólle yépi kwɔ. Képah ye, mé yéle n ye í kódíbìle.

16 Yépi náh yah tɔkɔ́ ñmɔle dé, ñmɔ ye yah tɔkɔ́ yéle, té yé tekɩ mɔ ne, yé kyɩ tyípeplɔle n pɩ Liyel tyí, nónó-á sé yõre náh n tyɛ n yah n pi. Képah sɔkɔ́, yâh kwáhdúkú nê ni Sú Liyel tyí ñmɔ yĩn yõ, à kɩ kéle yé kɔ́. 17 Nte nê-á mé n kɔ́ n sah yé tyí, kè we yò: Yé tyí yĩne kè nɔ wẽ tyí.»

Kèkõyó névye me Yesu ànê ñ yõ sɛpú dyɔle n yo

18 Képah sɔkɔ́, Yesu tɔ́ ne: «Kèkõyó névye-à yé dyɔle n yo, yé pĩ ne ñmɔ ñgbò dyɔ-á pè tyah n yo. 19 Yâh sò me kèkõyó névye tyí yõ sɔkɔ́, yâh pɩ pé tyíle sɛ́, yé tyí náhkɩ nɔ pé tyí. Nte kâh pɩ ñmɔ yé yah wilki kèkõyó névye sɔkɔ́, té yé náh tɔ́ me pépi tyí yõ, képah ye pè kɔ́ pè yé dyɔle n yo. 20 Yé yé dyɔ́ sah ne n kwne wey mè tyíle, máh nê yo yé tyí ne: <Tõnpɩ náh fẽ n kal ñ yõtẽne.> Pàh kɩ me ñmɔ fõh, pè kɩ yé tɔ́ fõh. Pàh kɩ me ní wey fẽ syi, pè kɩ yé tɔ́ tyí fẽ syi. 21 Nte pè náh sõnpíle me ñmɔ tó-òle n pne, képah ye pè kɩ tyi nópi pól pɩ yé sɔkɔ́ ñmɔ yĩnne. 22 Mâh sò me pó-ńkẽne pé tyí, ànê mâh sò me tir yó yó-ńkẽne pé tyí, pé tyítúkúni pínó lékâh náh náhkɩ n me n pi pé yõ. Nte núkúnúkú, gbɩ wé-ńsah yó ñtẽ náh n we n pi pé tyí pé tyítúkúni pínó tyí sɔkɔ́. 23 Névi nê-à ñmɔ dyɔle n yo, tẽ me ní Sú tɔ́ dyɔle n yo. 24 Tyi nónó-á ñnî yó ñtẽ náh sɛnkno pɩ yah, mâh sò me sépi pí-ńkẽne pé wró sɔkɔ́, pé tyítúkúni pínó lékâh náh náhkɩ n me n pi pé yõ. Nte núkúnúkú, pè ye ñmɔ tyípínì we. Té képah fyé yõ, pè me ñmɔ ànê ní Sú dyɔle n yo. 25 Nte nê-á wárkínsàhnóle pé tyi kònsàhnó sɔkɔ́ ne: <Pè ní dyɔ́ yo yõ kẽne.> * képah wil yĩn ye pè kɔ́ pè képahle n pɩ.

26 Té yòhnɩnmɔ-ò nê-á ñmɔ kɩ n tekɩ n mɔ n pi kɩ wil Sú Liyel tyí, Liyel Mirki ye. Képah ye gbɩle névyele n wɛkɩ Liyel tyí sɔkɔ́. Képah-à wil Sú Liyel tyí à pɔ́, kè kɩ pɔ́ ñmɔ tyí yo wah yé tyí. 27 Nte yépi-á sò me ànê ñmɔle ñgbò dùkùle sɛ́, képah ye yé tɔ́ kɩ ní tyíle n yo n wah névye tyí.»

16

1 Képah náh, Yesu tɔ́ yo pé tyí ne: «Mé náh me ké tyí ne yé Liyel yõ sɛ́nó yal n mɔ. Képah ye ní kɔ́ mé tyi nópi yo sah yé tyí. 2 Nsyifunɔ kɩ yé yĩni n wilki n pi pé wɛkɩ sɔkɔ́. Té gbɩ yó ñtẽ me n pi, képah sɔkɔ́ nónó-à pɔ́ yéle n ko n mɔ, pè kɩ me n sò ne tɔ́-á pé n pɩ Liyel tyí. 3 Nmɔ ànê ní Sú pí-ńkẽ ye pè kɔ́ pè kɩ sépinó tno pɩ sɛ́ yò. 4 Mé me ké tyí ne tyi nópi

* 15:25 15.25 - Yah n te Gbálnó 35.19 ; 69.4.

gbí-à pópó pɔ se, yé dyɔ ne n me n kwne séle, képah ye mé sè yo sah yé tyí.»

Liyel Mirki pónó yòle

Képah náh, Yesu tɔ yo pé tyí ne: «Máh lésõ me yé wró sɛ, képah ye mé náh kwáh tɛ tyi nópi yo yé tyí. ⁵ Nte núkúnúkú, mé me n yuku ní tó-ò tnô, té yé sɔkɔ yó ntɛ náh se me nne n piki n yah ne, níyáh se mé n yuku ni? ⁶ Tyi nónó-á mé yo yé tyí, sépi yèkwɔri ye yé fɔkɔ fil yò kè. ⁷ Nte mé kɔ gbɔ yo yé tyí. Máh kɔ sɔkɔ, képah kɔ nekɔ kal yéle. Máh kɔ sókó-ńkɛne, nê-á yĩne à pɔ yé yohnɔ n mɔ, à náh n pɔ n pi. Nte máh kɔ kyɔ, mé kɔ à tekɔ mɔ yé kɔ. ⁸ Té ñmɔ-à pɔ gbí nêne, à kɔ tyípêl, ànê gbɔ wɛkɔ, ànê Liyel tukey tyí yo wah kèkɔyó névyé syah, kɔ kéle pè wɛkɔ ne páh me pílkinóle sépi pól sɔkɔ. ⁹ Á kɔ kéle pè wɛkɔ ne nê-á pé tyipékèle, péwɔ yó sɛ-ńkɛ-á. ¹⁰ Té kɔ kéle pè wɛkɔ ne nê-á me gbɔ wɛkɔ tyí sɔkɔ, péwɔ-á n sɔkɔ Sú Liyel tyí, té pè náh tɔ pé we n pi. ¹¹ Té kɔ tɔ kéle pè wɛkɔ ne nê-á me Liyel tukey tyí sɔkɔ, nê-á kèkɔyó mè névyé fnè-òle, lékàh-á me te ñmɔ tyí.* ¹² Tyi náhnáh tɔ me ní tyí yo yo tɛne yé tyí. Nte máh kɔ sè yo yé tyí núkúnúkú, sè kɔ kǎn pɔ yéle. ¹³ Liyel Mirki nê-á gbɔle névyéle n wɛkɔ Liyel tyí sɔkɔ, ñmɔ-à pɔ gbí nêne, à kɔ pɔ yé yah tɛ yé kɔ yé kɔ gbɔ dùkù pól pĩ Liyel tyí sɔkɔ. N yah yĩ welo náh à kɔ pɔ n yo dé! Wáh tyi nónó pól noh, sépi ye à kɔ pɔ yo yé tyí ànê tyi nónó-á me n pi. ¹⁴ Á kɔ tyile n we n syi ñmɔ tyí kɔ n yo yé tyí. Képah ye, ñmɔ gbò yó ñmɔ yĩn kɔ n gbilki. ¹⁵ Kwáh nê-á fyò me Sú Liyel tyí, ñmɔ tɔ tyí ye kéle. Képah ye ní kɔ mé ne Liyel Mirki-á kɔ ñmɔ tyile n we n syi n yo yé tyí.»

Yèkwɔri vɛnmɔnpɛnɔle nìvìnìne

¹⁶ Képah yóntenɔ náh, Yesu tɔ ne: «Dõ kwéy, yé náh tɔ ní we n pi. Té dõ kwéy képah náh, yé kɔ tɔ ní we.» ¹⁷ Képah tɛne, ñ tò sáhpú tókù tyah n yo wɛ tyí ne, wey nê-á à n yo pé tyí yò ne dõ kwéy, pé náh tɔ pé we n pi, té dõ kwéy képah náh, páh kɔ tɔ pé we, képah yò se pɔ tir nêne ni? Anê tir nê se à n yo sɛ yò ne, páh n sɔkɔ Sú Liyel tnô ni? ¹⁸ Dõ kwéy nê tyí-á à n yo yò, tir nê se képah n wɛkɔ ni? Pépi náh me ñ wey mè syíkí-ńsah we dé! ¹⁹ Nte Yesu-á pĩ ne, páh me n yah n kɔ pé píkinyah-ńsahle, à yo pé tyí ne: «Máh yo yé tyí ne dõ kwéy, yé náh tɔ ní we n pi, té dõ kwéy képah náh, yáh kɔ tɔ ní we, képah tyí yò ye yé n piki n yah wɛne yò kè? ²⁰ Kègbɔgbɔ tɛ yò, mé kéle n yo yé tyí, yé kɔ pɔ n

* 16:11 16.11 - Kèkɔyó névyé fnè-ò nê tyí-á n yo ásò sɔkɔ yò, sétàn yòtɛ ye.

gbo kɪ yãm yãm tyile n yo, té kèkõyó névye kɪ me nìvìnì sòkò. Yé kɪ me yèkwɔrɪ sòkò, nte yé yèkwɔrɪ kɪ pɔ vi mɔ pɪ nìvìnìne. ²¹ Sê-à pile n dubi gbí nêne, yèvyährɪ pɪ gbí-á yĩni tẽ ñ tyí sě, kè n ne yèkwɔrɪle ñ tyí. Nte wãh dubi te, névi wéndubinmɔnɔle kèkõyó ñ tyí, kè n pɪ nìvìnì ñgbẽne ñ tyí. Ñ dyɔ n fwo ñ yèvyährɪ pínsòkɔnɔ tyíle. ²² Sě yé yépi tɔle yèkwɔrɪ sòkò núkúnúkú yò. Nte mé kɪ tɔ pɔ n yah n pi yé tyí. Képah sòkò, kè kɪ pɪ nìvìnìne yé tyí kègbɪ tẽne, nìvìnì nê-á ney náh fẽ kè tẽ n syi n pi yé tyí. ²³ Lésõ gbìyìkì-à pɔ nɔ, yé náh tɔ ní piki n yah n pi tir yó ntẽ tyíle. Kègbɪgbɪ tẽ yõ, mé kéle n yo yé tyí, yáh kwáhdúkú nê ni Sú Liyel tyí ñmɔ yĩn yõ, à kɪ kéle yé kò. ²⁴ Té à pɔ syi núkúnúkú tyí, yé náh tɔnì me kwáh yó ntẽ ni ñmɔ yĩn yõ. Yé ne n ni, yé kɪ n we n syi. Képah sòkò, yé nìvìnì kɪ syi ké yĩn tyí.»

Yesu tẽ we kèkõyó tyí

²⁵ Képah náh, Yesu tɔ ne: «Mé ye tyi nópi pól yãh yé tyí sèmìrn sòkò. Té sõ yó me n pi, mé náh tɔ n yãh n pi yé tyí sèmìrn sòkò. Nte mé kɪ Sú Liyel tyí yo wah palle yé tyí. ²⁶ Lésõ gbìyìkì-à pɔ nɔ, yé kɪ ñne n ni ñmɔ yĩn yõ. Té mé náh yo yé tyí ne ñmɔ-á kɪ n ni ñne yé tyí dé. ²⁷ Yé náh we di, yé tyí nɔ Sú Liyel tyí. Ñmɔ tyí-á nɔ yé tyí, té yé sě ké yõ ne máh wil ñmɔ tyí, képah ye yé tyí nɔ ñ tyí. ²⁸ Sú Liyel tyí ye mé wil à pɔ kèkõyó. Nte núkúnúkú, mé kɪ tɔ yal kèkõyó kɪ n yuku n pi ñmɔ tyí.»

²⁹ Yesu-á yo sě, ñ tò sáhpú ne ðhõ, núkúnúkú tẽne, wãh pyẽ me tyile n yo n wah palle sèmìrn mí-ńkẽne. ³⁰ Pépi-á pĩ núkúnúkú ne, wãh tyi pólle n pne. Pãh ne à piki n yah n pi tir nêne, à n ne n me kè pĩ n te. Képah-á pépi sě ké yõ ne, wãh wil Liyel tyí. ³¹ Képah sòkò, Yesu ne: «Yé sě ñmɔ yõ núkúnúkú yé yo kè? ³² Nte gbí yó me n pi, nê-á me te núkúnúkú ntẽne yò, nê sòkò-á yé pól kɪ to karkɪ, kɪ sòkò yé wĩl-ntãn sòkò, té kɪ ñmɔ sah ní gblõy. Nte Sú Liyel kɪ me ñne. Képah ye mé náh kɪ n me n pi ní gblõy. ³³ Ñmɔ me ké tyí ne yé yèvɪnɪ we ñmɔ tyí, képah ye mé tyi nópi yo yé tyí. Yé kɪ yèvyährɪ pɪ n pi kèkõyó sòkò. Nte yé káh tíkí pɪ, ñmɔ ye tẽ we kèkõyó tyí.»

17

Yesu nĩrì pínóle

¹ Yesu-á képah yo te sě, à ñ yah yõ yĩnyõ té ne: «Bõ, ké gbí ye nɔ núkúnúkú. Gbilínó sah ñmɔ yõ, ñmɔ tɔ mó gbilínó

sah á yõ. ² Áwɔ ye tẽnwenɔle ní kō no pól yõ, ne mé tyé-ńkē minne pé pól kō, nónó-á á dahbɪ ní gbò. ³ Áwɔ nê-á Liyel nukúníne kègbɪ yõ, pàh áwɔ pĩ, té nímɔ Yesu Krista pĩ, nímɔ nê-á á tekɪ mɔ, kèpah ye tyé-ńkē minne. ⁴ Wáh tò nê dahbɪ ní gbò pɪ pɪ tẽnɛ, mé ye kè pɪ tɛ. Nímɔ ye gbílkinó sah á yõ sétáh yõ sɔkɔ. ⁵ Nukúnúkú tẽnɛ Bõ, gbílkinó nê-á sò me nímɔ yõ á gbòpɔ kèkõyó mó-ńkē gbí òkùle, kèpahle nímɔ kō á gbòpɔ sɔkɔ nítõ.

⁶ Wáh nónó wilki kèkõyó névyɛ sɔkɔ à nímɔ kō, mé ye á òkùle pè wèkɪ. Áwɔ tyí ye sò péle, té á me péle nímɔ gbò dahbɪ, pè me á wey fẽ syi. ⁷⁻⁸ Wáh welɔ nónó yo ní tyí, mé ye sè yo pé tyí, pè me sè fẽ syi. Pè pĩ yíi ne, máh wil áwɔ tyí, té sè ké yõ ne áwɔ-á tekɪ mɔ nne. Kèpah ye, nukúnúkú tẽnɛ, pè pĩ ne wáh yí nónó pólle nímɔ kō, sah wil áwɔ tyí. ⁹ Pàh pɪ áwɔ tyíle sè, kèpah ye mé ále n ni pépi tyí. Mé náh me ále n ni kèkõyó névyɛ tẽ wɔ tyí dé! Wáh nónónɛ ní gbò dahbɪ, pépi tyí ye mé n ni ále. ¹⁰ Nónó pól-á áwɔ tyíle, nímɔ tɔ tyí ye péle. Nónó pól-á nímɔ tyíle, áwɔ tɔ tyí ye péle. Té pépi gbò yõ, gbílkinó me n sah nímɔ yõ. ¹¹ Nte ò kwéy, nímɔ kɪ n pɔ n pi áwɔ tyí. Mé náh kɪ tõ n me n pi kèkõyó sɔkɔ. Nte pépi wɔ kɪ me kèkõyó. Bõ, áwɔ nê-á pèkè kẽnɛ, pè tẽ n sah á tãhkì gbò yõ, kèpah nê-á á nímɔ kō. Kèpah sɔkɔ, pè kɪ pɪ nukùle sɔ-á áwɔ ànê nímɔle nukùle. ¹² Máh sò me péle gbí nènɛ, mé pè tẽ sah á tãhkì gbò yõ, kèpah nê-á á ní kō. Mé pé yõ syikɪ palle, nni yó nítẽ tyí náh yikɪ pé sɔkɔ, à wil nénúkù mè tyí sɔkɔ, nê tyí-á sò yĩne kè yikɪ, á wey sèbéy sɔkɔ tyi wárkínsàhnó kō sè we n wil. ¹³ Nte nukúnúkú, nímɔ-á n pi áwɔ tyí, kèpah ye mé tyi nópilɛ n yo té ní sah kèkõyó sɔkɔ, nónó-á kɪ pè kō pè kɪ me nìvìnì yèsyìkì sɔkɔ nímɔ tyí kòle. ¹⁴ Mé á wey yo pé tyí. Pè náh tõ pɪ kèkõyó tyíle, sɔ-á nímɔ náh pɪ kèkõyó tyíle. Kèpah ye, kèkõyó névyɛ pé dyɔle n yɔ. ¹⁵ Mé náh me ále n ni ne, á pè tẽ n yal kèkõyó dé! Nte ne n yah pé yõ, pèkè pí-ò káh tẽ we pé tyí. ¹⁶ Sɔ-á kèkõyó tyí náh nímɔle, sè ye kèkõyó tyí náh pépi tɔle. ¹⁷ Pè wilki n sah á tyí yõ á gbɪ gbò yõ. Á weyne, gbɪ ye kéle. ¹⁸ Wáh nímɔ tõ sò kèkõyó sɔkɔ, sè ye mé pé tɔle n tõ kèkõyó sɔkɔ. ¹⁹ Nímɔ ní gblɔyne ále n kō ní tòó pépi yinne, ne pé tɔ ne n me áwɔ tyí yõ gbɪ tẽ yõ.

²⁰ Nte mé náh me ále n ni pépi ó yinne dé! Nónó tɔ-á kɪ pɔ n sè n pi nímɔ yõ pépi tyíyónó gbò yõ, pépi tɔ tyí ye mé

n ni ále. ²¹ Mé ále n ni ne pé pól pi núkúle. Áwɔ nê-á Bõle, áwɔ ànê ñmɔ-á me núkúle sɔ̃, pépi ànê ápi tɔ pi núkúle sɛ̃, kèkõyó névye kɔ̃ pè pi ne áwɔ-á tekɪ mɔ ñne. ²² Wáh gbílkinó sah ñmɔ yõ sɔ̃, ñmɔ tɔ ye gbílkinó sah pé yõ sɛ̃, ne pè pi núkúle sɔ̃-á áwɔ ànê ñmɔle núkúle. ²³ Ñmɔ me péle, áwɔ me ñmɔle. Káh pi sɛ̃, pè ki pi yíi núkúle. Képah sɔko, kèkõyó névye ki pi ne, áwɔ-á tɔ ñmɔle, ànê no nópi tyí-á no á tyí, sɔ̃-á ñmɔ tyí no á tyí. ²⁴ Bõ, wáh nónóné ní gbò dahbi, mé me ké tyí ne pépi tɔ ne n me ñne máh ki n me n pi ñyāh sɔko, pè mó ní tǔrí wɛ. Ñmɔ tyí-á me nónóle á tyí kèkõyó mó-ńkê gbí òkúle sɛ̃, képah ye á tǔrí mène ní kɔ̃. ²⁵ Bõ, áwɔ nê-á me tómm, kèkõyó névye náh ñ pi, ñte ñmɔ wɔ ñ pi. Té no nópi tɛ̃ wɔ pi ne, áwɔ-á tɔ ñne. ²⁶ Mé ye á òkúle pè wɛki, té ki tɔ á òkúle pè wɛki n pi, ne ñmɔ tyí-á no sɔ̃ á tyí, kéne tyínɔnɔ òkúle ne n me pé tɔ sɔko, ànê ñmɔ mó ne n me péle.»

18

Yesu tɛ̃nóle

¹ Welɔ nópi yóntenɔ náh, Yesu ànê ñ tɔ sáhpú wil sɔko à kyɪ de sésân swāh yó sɔko Sedrɔ nítókahnɪne. ² Yesu ànê ñ tɔ sáhpú sò dar té wɛne n tuke n mɔ n pɔ nénpɔ. Képah ye, Nsyudasɪ nê-á sò me vɪnó sɔko Yesu náh, ñ tɔ sò nénpɔ pi. ³ Képah sɔko, sárká syínwɪlkɪpu yòtām ànê Farisi wɛ̃kɪ kópú me sràsýíbí tɪnkɪ ànê Liyel ní-ńsah gbò syíkípú tɔ. Nsyudasɪ me pépi yah tɛ̃ à pɔ de péle swāh mɛ sɔko. Nì sò me pé tyí wóhntɛ̃nyɪnnɔle pé gbǎn sɔko, ànê fòtnònóle, à tahlɪ méfwóyí tyí. ⁴ Nte tir nê-á sò ne n pi n pi, Yesu-á sò me kè pi sɛ̃, à no de pé tɔ té pè piki yah ne, nê se pè n yah n kɔ̃ ni? ⁵ Pè me à syah ne, Nasaretɪ kwil Yesu-á. A me yo pé tyí ne: «Ñmɔ ye.» Té Nsyudasɪ nê-á ki sò à dahbi n pi pé gbò, ñmɔ sò me yɪnttɛ̃nóle gbòpɔle. ⁶ Yesu-á fyò yo pé tyí ne péwɔ-á, pè pé syɪ náhsékúrnne à kyɪ syɪkɪlɪ sɛtáh. ⁷ A me tɔ ñ syɪ pè piki yah ne, nê se pè n yah n kɔ̃ ni? Pè me ne, Nasaretɪ Yesu-á. ⁸ Képah sɔko, à me yo pé tyí ne: «Mé ye kè yo tɛ yé tyí ne ñmɔ-á. Ñmɔ-à ki nê yé n yah n kɔ̃, yé ye no nópi kɔ̃ pè ne n yuku.» ⁹ Képah-á pi sɛ̃, wáh lésɔ wey nê yo sah, kè wil. A lésɔ ne: «Bõ, wáh nónóné ní gbò dahbi, mé náh ye pé sɔko yó nítɛ tyí yɪkɪ.»

¹⁰ Té dí yó tɔ lésɔ me péle pè n ye Malkusile. Sárká syínwɪlkɪpu yòtɛ̃ ñgbɛ̃ tɔnpi ye ñne. Té Simo-Pyerɪ tyí

kèkirkì yó sò me. A me kè yori de à kéne dí gbòyò sò níkí kò kãm. ¹¹ Nte Yesu me yo Pyeri tyí ne: «Á kèkirkì dyi ké gbò sòkò. A se me n sò ne, Sú Liyel-á yèvyàhrì nê yah tókò sah ne mé pò n pi, máh kí kè yahle?»

Tyi nóno-á pi sárká syínwìkìpu yòtè ñgbè An ònne

¹² Képah náh, sràsyíbì tìnkì ànê pé yòtè ñgbè, ànê Nsyifunò Liyel ní-nsah gbò syíkípú me Yesu tẽ, té à pukubi, ¹³ à yuku ñne An ñgbò tyí. Kayifi nê-á sò sárká syínwìkìpú yòtè ñgbène léyile, ñmò déndí ye sò An mène. ¹⁴ Té kéne Kayifi mè wò ye lésò vi mò pé no Nsyifunò yòtàmne ne ríkè: «Dí nénúkù-à kí ku no pól yinne, képah kí nekí kal ále.»

¹⁵ Simo-Pyeri ànê Yesu tò sáh-ò yó sò me Yesu sò tẽ. Képah sòkò, sárká syínwìkìpu yòtè ñgbè-á sò me Yesu tò sáh-ò mène n pne sè, ñmò me de yuku Yesule sárká syínwìkìpu yòtè ñgbè gbò sòkò. ¹⁶ Nte Pyeri wò sò me yin tẽ kégbó, gbò yah sòkò. Té Yesu tò sáh-ò nê-à sò sárká syínwìkìpu yòtè ñgbè nérínine, ñmò me wil pò yo mò tònpi pi tyí nê-á gbò syíkì-òle, té Pyeri kò à de. ¹⁷ Té Pyeri-á n de, kéne tònpi pi mè me à syah ne, ñmò tole Yesu mè tò sáh-ò kó ñne ní? Pyeri me à syah ne, ñ tò sáh-ò náh péwòle dé! ¹⁸ Nte vuri sò me n pi. Káh pi sè, tònpi bí ànê Liyel ní-nsah gbò syíkípú sò me nyàh mò sah n wne, té Pyeri to me nyàhle n wne péle.

¹⁹ Té Yesu wòle, sárká syínwìkìpu yòtè ñgbè me tyah ñmòle n piki n yah ñ tò sáhpú ànê ñ névye kwónó tyí sòkò. ²⁰ Yesu me yo ñ tyí ne: «Mé sò me ní weyne n yo n dal n mò no pól yí yah. Té me kwónòle n pi gbímegbí Liyel ní-ntàn vè sòkò, ànê Liyel ní-nsah gbò sòkò, nýãh sòkò-á Nsyifunò pól wène n tuke n mò. Mé náh tir yó ntè yo sèfin sò sòkò. ²¹ Té kwáh nê pi á ñne n piki n yah sè? Nóno-á ní wey noh, pépi piki yah nê-á mé yo. Máh nê yo, pépi wò kè pì.» ²² Yesu-á fyò képah yo, Liyel ní-nsah gbò syíkípú sòkò nê-á sò me nénpò, ñmò Yesu létáh m̀i té ne, sárká syínwìkìpu yòtè ñgbè tyí se à n wekí sè yò ní? ²³ Yesu me yo ñ tyí ne: «Máh kí me wèntùkù wekí, kéle ní wèkí. Nte máh kí me wekí ple, kwáh nê pi té á ní m̀i?» ²⁴ Képah sòkò, An me Yesu tekí mò sárká syínwìkìpu yòtè ñgbè Kayifi tyí sè púkúbínòle.

²⁵ Légbíne, Simo-Pyeri sò me yin tẽ nyàhle n wne sè. Pé me à piki yah ne, ñmò tole, dí mè tò sáh-ò kó ñne ní? A me ñ vyãh kòli ne, ñ tò sáh-ò náh péwòle dé. ²⁶ Pyeri-á lésò

dí nê níki kã, ñ tyí névi yó lésõ me sárká syínwilkipu yõtë ñgbë tònpule. Kéne tònpu-á Pyeri we, à à syah ne, ñmò-á lésõ pé kyí we ànê Yesule swāh soko. ²⁷ Pyeri tō ñ vyāh kōli. Nénpó swò, sénpe gbo.

Pilati Yesu kònmonò wèkì kō

²⁸ Képah tēne, pè Yesu tē yal Kayifi tinnē, té yuku ñne Wrome gběnyah yah tē-ò tinnē. Séngbõ púpú ye sò pè pi képahle. Pāh yīni tē, Nsyifunò yõtām nāh fē syi de ñ gbò soko. Pè nāh sò me ké tyí ne pé pé gblõy silki, pé vyāh mó de Nsyifunò yõri tyénó syáh yōke yónó soko.* ²⁹ Kāh pi sē, Wrome gběnyah yah tē-ò dí Pilati me wil pò pé tnò kégbò, à pò pè piki yah ne, tyítúkù nê se dí mè pi pè yo nì? ³⁰ Pè me à syah ne, dí mè-à sò me tyítúkù pí-òle níkēne, pépi se nāhki pò ñne ñmò tyí nì? ³¹ Képah tēne, Pilati mó Nsyifunò syah ne, pè ne n yuku ñne, pè kyí à tuke pé gblõy à yīne pé tyi kònsàhnòle. Nte pé tò me à syah ne, névi kònmonò gbàh nāh de mò pépi tyí. ³² Képah soko, Yesu-á lésõ nê yo sah à ñ gblõy ku dùkù tyí yo wah, kè wil.†

³³ Kāh pi sē, Pilati me ñ syi de ñ gbò soko, té Yesu ye pò piki yah ne níkē, ñmò se Nsyifunò yõtēne nì? ³⁴ A me yo ñ tyí ne: «Áwò se sò tē n yo kéle á gblõy, tī ñnī se yo ñ syah kéle?» ³⁵ Pilati me à syah ne, Nsyifu se yó péwò tole nì? N yēngbē yìkì névyē ànê pé sárká syínwilkipu yõtām-á pò ñne péwò tyí. Tir nê se à pi nì? ³⁶ A me yo ñ tyí ne: «Kèkōyó mè soko nāh ní tōrí n wil. Kāh sò me n wil kèkōyó mè soko, ní tònpubí nāhki sò ní fwo syi, mé nāh nāhki n de n pi Nsyifunò yõtām gbò. Nte òó dé, ní tōrí nāh wil ásò.» ³⁷ Képah tēne, Pilati me yo ñ tyí ne, yõtē-á ñne kè? A me ne: «Áwò ntē vyāh soko ye kè wil ne yõtē-á ñne! Nmò pónóle kèkōyó à pò dubi, gbi tyí yo n wah yīn ye. Nónó-á me gblò névyele, pépi kì ní tyiyónóle n noh n tē yīn.» ³⁸ Pilati me à piki yah ne, kwāh nê se gbule nì?

Kéne welo yóntenò nāh, Pilati tō ñ syi wil à kyí yo Nsyifunò tyí ne níkē: «Ñmò nāh pílki-ńsah yó ntē we dí mè tyí. ³⁹ Té à yīne máh dar té kéle n pi sò yé tyí, yimeyí mé níkēne yé soko yó wilki wòkònpèkè soko ñ fin n mò yé yõri

* **18:28** 18.28 - Nsyifunò nónó-á sò pi soh névyele nónó nāh pi Nsyifunòle, Nsyifunò yõri tyénó syáh déntenò soko, pé vyāh n de kéne syáh yōke yónó soko.

† **18:32** 18.32 - Yesu lésõ kè yo sah ne pāh kì pé dokò mò dahni yó. Yah n te Nsyõ 3.14. Sē ye ntyínò kè pò pi. Nsyifunò níkēne tyípèl pípúle n minki n ko, nte Wrome tām wò n mó tyípèl pípúle n syi dahni yó.

tyénó syáh syah gbíne. Kǎh pɪ sě, yé se me ké tyí ne mé yépi Nsyifunɔ yòtě dí fin n mɔ?» ⁴⁰ Képah tǎne, pè gbo mɔ tũ ne níkě, òò, à òmɔ sah, à mó Barabasɪ wɔ fin mɔ. Té kèlékè névi ye mó tǒ sǒ Barabasɪ mène.

19

¹ Képah sɔkɔ, Pilati me pè kǒ pè Yesu tǎ kyɪ ko yèfòhle. ² Sràsyíbí me pǎn yòkǒ pɪ dyɪ à kǒ yòtǒrí yókúríle, té me fwòmònsǎh* ògbě yó mɔ à kǒ. ³ Képah tǎne, pè nɔ de òne té n yo ò tyí ne, Nsyifunɔ yòtě dí, páh n wekɪ ò tyí! Té me ò létáhlólé n kǒli. ⁴ Képah sɔkɔ, Pilati tǒ ò syɪ wil pɔ yo tówú tyí ne, pè yah yò, páh kɪ Yesu wilkɪ pɔ kégbó sɔkɔ, képah sɔkɔ pǎh kɪ pɪ ne pé náh pílki-ńsah yó ńtǎ we ò tyí. ⁵ Yesu me wil pɔ kégbó pǎn yòkǒle ò yǒ sɔkɔ, ànê fwòmònsǎh ògběne mónóle ò tyí. Képah tǎne, Pilati me yo pé tyí ne, pè yah névi mène kè. ⁶ Sárká syínwilkǐpu yòtǎm ànê Liyel ní-ńsah gbô syíkípú-á fyò à we, pè gbo mɔ tũ ne, à à syɪ dahɪ yǒ! À à syɪ dahɪ yǒ! Pilati me yo pé tyí ne, péwɔ tǎ wɔ náh pílki-ńsah yó ńtǎ we ò tyí. Pépi kyɪ à syɪ dahɪ yǒ sɔkɔ pé gblǒy. ⁷ Wǎh yo sě, Nsyifunɔ à syah ne, tir kònsàhnó yó-á me pépi tyí, níkě à yǐne képah sɔkɔ weyne, dí mè-á yǐne kònmòɔle, wǎh sǒnpíle ò gblǒyne n pɪ Liyel Pídíne.

⁸ Pilati-á kéne wey noh sě, tíkí tǒ à gbah tǎ. ⁹ À me ò syɪ de ò gbô sɔkɔ à kyɪ Yesu piki yah ne, ńyǎh se à n wil nɪ? Nte Yesu náh dahbɪ wilkɪ ò tyí. ¹⁰ Képah sɔkɔ, Pilati me à syah ne, péwɔ tyí se à yahle vɪnmòɔle nɪ? À kó pɪ ne, tǎnwɛnɔ-á me péwɔ tyí kɪ fě à fin mɔ, képah náh pɪ kɪ fě à syɪ dahɪ yǒ nɪ? ¹¹ Nte Yesu me yo ò tyí ne: «Tǎnwɛnɔ yó ńtǎ náh n we n pi á tyí ńmɔ yǒ sɔkɔ, né Liyel náh kéle ò kǒ. Képah ye, nê-á dahbɪ ńmɔle á gbò, òmɔ tyípékè kal áwɔ tyíle.»

¹² Wǎh képah yo, Pilati sǒ me ò wénfɪnnmɔ-ńsahle n yah n kǒ. Nte Nsyifunɔ sǒ me kah gbo mɔ tũ ne, wǎh kɪ à fin mɔ, Wrome kwiltǎm yòtǎ Sesar kódí tǎ wɔ náh òne dé! Nkě névi nê-á fyò ò gblǒyne n pɪ yòtǎne, Sesar sépe-á tǎne dò. ¹³ Pilati-á fyò welɔ nópi noh, à pè kǒ pè Yesu tǎ wil kégbó. Té me kǒ tǎ tukey tuke tuke kǒ yǒ fí yó sɔkɔ, ńyǎh-á me mónóle dyèhle. Pè nénpóle n ye Kabatale† Yebre wey sɔkɔ. ¹⁴ Ké dǐndal kɪ sǒ n pɪ n pi Nsyifunɔ yǒrɪ tyénó syáhle. Té gbí-á me yòtah sírr kénkǒ sɔkɔ, Pilati me yo Nsyifunɔ tyí ne, pè yah pé yòtǎne kè. ¹⁵ Nte pè tǒ kah gbo mɔ tũ ne, à à ko

* **19:2** 19.2 - Yòtǒrí fwɔ ye sǒ fwòsǎhle. † **19:13** 19.13 - Kabata kór ye tyah kèyyne.

mɔ! à à ko mɔ! A à syɪ dahnɪ yõ! Pilati me ne, pé yõtẽne pè ne pé syɪ dahnɪ yõ lé? Sárká syínwìkìpu yõtãm me yo n tyí ne, yõtẽ yó ñtẽ náh me pépi tyí, à wil Sesar tyí sɔkɔ. ¹⁶ Képah sɔkɔ, Pilati me n gbàh de mɔ ne à syɪ dahnɪ yõ.

Yesu syínóle dahnɪ yõ

Sràsyíbí me Yesu tẽ sɔkɔ. ¹⁷ Páh n sɔkɔ, pè à kɔ à n syɪ syɪ dahnɪ twah n gblɔy pè wil kwil sɔkɔ, à yuku fí yó sɔkɔ ñyãh-á pè n ye yògbèkè tyahle, té pè kéle n ye Kòlkotalè Yebre wey sɔkɔ. ¹⁸ Nénpó sɔkɔ ye pè syɪ ñne dahnɪ yõ, té me népí ní mí yísyó tɔ syɪ dahlɔ yõ n gbòplɔle, té ñmɔle pé nyó. ¹⁹ Pilati me wey yó wárki à syɪ Yesu syɪ syɪ dahnɪ tyí n yõtah, nê yõ-á kè me wárkínsàhnóle ne ñkẽ: «Nasaretɪ kwil Yesu, Nsyifunɔ yõtẽ.» ²⁰ Páh Yesu syɪ dahnɪ yõ, té wey nê wárki syɪ kéne dahnɪ tyí, n yõtah, kè sò me Yebre wey sɔkɔ, à nê Latẽ wey sɔkɔ, à nê Krekɪ wey sɔkɔ. Té ñyãh sɔkɔ-á sò pè syɪ ñne dahnɪ yõ, nénpó sò me yúkey kwille. Káh pɪ sɛ, Nsyifunɔ náhnáh kè we kar. ²¹ Képah sɔkɔ, Nsyifunɔ sárká syínwìkìpu yõtãm yo Pilati tyí ne, à káh ye wárkínó mè tẽ sɛ ne, Nsyifunɔ yõtẽ-á. Nkẽ à kè wárki mɔ ne, dí mè-á yo ne ñkẽ, Nsyifunɔ yõtẽ-á péwɔle. ²² Nte Pilati me yo pé tyí ne, páh fyò nê wárki te, káh kɪ tẽ sɛ.

²³ Képah tẽne, sràsyíbí-á Yesu syɪ te dahnɪ yõ, pè n flo tɔkɔ à dibi‡ tàntàn ñyêh à pɔ gbàh sah n fwòmò-ñgbẽ tyí. Pé nénúkù núkú pól me tɔkɔ núkú núkúle. Té fwòmò-ñgbẽ mè sò me kóhntel-ńsah kẽne ké tyí. Kè sò me fwɔ núkúle à tɔkɔ ké yõtah tyí, fók à pɔ syɪ ké sètàhkì sò tyí. ²⁴ Pè me yo wẽ tyí ne, pé káh képah wɔ yɔrɪ n tɔkɪ. Pé ye ñdan mɔ n yah, káh kɪ pɪ nê tyíle. Té nê-á lésò wárkínsàhnóle Liyel wey sébéy sɔkɔ ne ñkẽ: «Pè n flo dibi pé wẽ wró, té ñdan mɔ à n fwòmò-ñgbẽ tɔkɔ.»[§] Képah wil yín ye kè kɔ kè pɪ sɛ yò. Sɛ ye sò sràsyíbí pɪ.

²⁵ Té Yesu yú sò me yínntẽnóle Yesu syɪ syɪ dahnɪ tnô, à nê n yú gbẽnsêle, à nê Klopasɪ kyɪ Marile, à tahlɪ Makadala kwil Mari tyí. ²⁶ Yesu tò sáh-ò nê tyí-á nɔ yí n tyí, ñmɔ tɔ sò me yínnóle Yesu yú tnô sɔkɔ. Yesu-á pè we, à yo n yú tyí ne: «Á pídí we yò.» ²⁷ Képah náh, té yo n tò sáh-ò mè tyí ne: «Á

‡ **19:23** 19.23 - Wrome tãn-á sò névile n syɪ dahnɪ yõ, pè tẽ flo de. Páh à syɪ te, nóno-á syɪ ñne, pépi n flo nópi tɔkɔ n dibi. § **19:24** 19.24 - Yah n te Gbálnó 22.19.

nô we yò.» A tɔkɔ légbí tyí, tò sáh-ò mè me Yesu yú tẽ à kyɔ sah n̄ gblõy tyí.

Yesu kúnóle

²⁸ Képah náh, Yesu-á pĩ ne tyi pól-á pɪ dal mɔ sɛ, à ne: «Níkí me n̄ tẽ.» Képah sɔkɔ, nê-á wárkɪ sah Liyel wey sébéy sɔkɔ, kè wil.* ²⁹ Té pín yó sò me nénpó yòyòkè nine ké yíine. Sràsyíbi me sènsúkúrí tɔkɔ à dahbɪ wilki kéné yòyòkè ni sɔkɔ, à dyɪ yisɔpɪ ndan tyí, té kè nɔ à sah Yesu vyāh yah. ³⁰ Wāh kè wɔ, à ne: «Tyi pól ye we pɪ dal mɔ.» Wāh fyò képah yo, à n̄ yò s̄inki té ku.

³¹ Nsyifunɔ mɪ mɪ yòh kɪ sò n tyah n pi lékâh mónó sɔkɔ.† Té mɪ mɪ yòh mè sò kal sé no télóle. Képah ye, Nsyifunɔ yòtām náh sò me ké tyí ne nónó-á me syínsàhnóle dahlo yò, pé lékyî pɔ mɪ mɪ yòh sò nɔ dahlo yò.‡ Kāh pɪ sɛ, pé kè yah kō Pilati tyí ne, à kéné no nópi gbyêh kwɔkɪ pé kō pé ku súú, pé lékyî mó tiki n mɔ n to dahlo yò. ³² Képah sɔkɔ, népî ními nónó-á sò pé syɪ dahlo yò ànê Yesule, sràsyíbi me pɔ négben gbyêh kwɔkɪ té ní-ò tɔ tyí kwɔkɪ. ³³ Té pāh yīni tẽ Yesu tyí, pé kè we ñmɔ me ku tɛ. Kāh pɪ sɛ, pé náh fwõtẽ ñmɔ gbyêh kwɔkɪ. ³⁴ Nte képah fyé yò, sràsyíbi nópi sɔkɔ yó Yesu gbɔpɔ tũ mèmèkìle. Nénpó swɔ, tó ànê ni n fwɔ n wil nóré mè sɔkɔ. ³⁵ Névi nê-á n yo tyi nópilɛ, n̄ tɔ yí yah tótó sɔkɔ ye sè pɪ. Gblɔ ye n̄ tyiyónóle. Nmɔ n̄tẽ tɔ pĩ ne gblɔ-á pé n yo. A tyi nópi yo ne yépi tɔ sɛ Yesu yò. ³⁶ Nte yah, tyi nópi pól ye pɪ Liyel wey sébéy sɔkɔ tir wárkínsàhnó mè kō kè wil. Kè lésò me wárkínsàhnóle ne n̄kɛ: «Ñ gbèkè yó n̄tẽ náh n kwɔ n pi.»§ ³⁷ Té kè tɔ me wárkínsàhnóle Liyel wey sébéy f̄f̄ yó sɔkɔ ne n̄kɛ: «Pāh névi nê tũ, pé yípló pye kɪ tẽ n̄ yò.»*

Yesu lékó yínóle tekɪ diki sɔkɔ

³⁸ Té dí yó lésò me pè n ye Nsyosefulɛ. A sò n wil Arimatɪ kwil sɔkɔ. Yesu tò sáh-ò yó ye sò n̄ tɔlɛ. Té Nsyifunɔ yòtām tiki-á sò me à tẽ sɛ, képah ye à kè wõbɪ péle. Kéné tyi pínsɔkɔntɛnɔ náh, ñmɔ me pɔ Pilati ni ne, à ye pé kō pé Yesu lékó de dahni yò pé kyɪ à yí. A me ké wèkùle à kō. Képah sɔkɔ, à me kyɪ n̄ lékó de. ³⁹ Té Nikodemɪ nê-á lésò kyɪ wil Yesu tyí s̄o yó lékâhne, n̄ tɔ me pɔ pútúr pān pènàl

* **19:28** 19.28 - Yah n tɛ Gbálnó 69.22. † **19:31** 19.31 - Nsyifunɔ gb̄ȳik̄i sò n tyah tyah piri gb̄ine. ‡ **19:31** 19.31 - Yah n tɛ Tõnyonɔ 21.23. § **19:36** 19.36 - Yah n tɛ Gbálnó 34.21. * **19:37** 19.37 - Yah n tɛ Nsakari 12.10.

dukeno ninó fëkinmonole wë soko. Núkú yin ye mirle, ní-ò yin me alowesule. Pútúr mè sò no kilónó yõgbãm kénkõle. ⁴⁰ Pé nímí me ò lékó toko, té à plo fwo gbróle. Pè pân penàl yí nópi mo ò yõ, à yíne Nsyifuno lékó yí òkùle. ⁴¹ Pãh Yesu syi dahní yõ ònyãh soko, swãh yó lesõ me nénpó tnô diki sãn yóle ké soko, diki nê-á ney náh yí yah ké soko pólle. ⁴² Té Nsyifuno mi mi yòh-á kú sò n tyah n pi lékãh mónó soko sè, képah ye pé me Yesu lékó yí diki mè soko, képah nê-á sò me yúkey.

20

Yesu lékó yilkinmonole

¹ Dimansyi sò séngbõle, Makadala kwil Mari kwãh kyi diki yõ tósõ yõ gbíne. A kyi ne n yah diki yah dáhkì náh tõ me ké yah. ² Képah soko, à to soko à kyi wil Simo-Pyeri ànê ò ní-ò Yesu tò sãh-ò yó tyí nê tyí-á no yíi Yesu tyí, té yo pé tyí ne, pãh Të òngbë lékó wilki diki soko. Té pépi náh pĩ pãh à sah ònyãh soko. ³ Képah soko, Pyeri ànê ò ní-ò Yesu tò sãh-ò mè me yuku à diki yõ nyáh sò. ⁴ Pé nímí sò me n to. Té òmò-á sò me n to súú kal Pyerile, òmò kyi yini tè gbenne diki yõ. ⁵ Wãh kò yah diki soko, à fwo gbró we sãhnóle ké soko, té à náh de. ⁶ Nte Simo-Pyeri nê wò-á sò me n pi ò náhle, òmò wò-á pò yini tè, à de diki soko. Té kyi fwo gbró we sãhnóle, ⁷ ànê fwo yóle fikénsãhnóle ké tyíle, pãh sò nê mo ò yõ yõ. Képah náh sò me fwo gbró télóle fí núkú. ⁸ Képah soko, Yesu tò sãh-ò nê-á sò pò de diki yõ gbenne, ò to me de diki soko. Wãh kè we, à sè ké yõ. ⁹ Té à pò no légbí tyí, wey nê-á wãrkú sah Liyel wey soko ne, Yesu lékó-á yíne à pò n yilki mo, ò tò sãhpú náh tònì sò me képah òkù pĩ. ¹⁰ Képah náh, Yesu tò sãhpú népí nímí nópi pé syi to yuku pé òinne.

Yesu ò gblõyne Makadala kwil Mari wëki

¹¹ Légbíne, Mari sò me yínttënóle kégbó soko diki tnô me n gbo. Wãh me gbní soko gbí nêne té kò yah diki soko, ¹² à yinyõ tònpi bí népí nímí we fwòpikino soko diki soko. Pè sò me kònttënóle Yesu lékó snékinmò-nsah soko. Núkú sò me tè ò yõ mó-nsah òinne, té ní-ò me tè ò gbyèh mó-nsah òinne. ¹³ Pè me ne, pi, kwãh nê se pi té à n gbo ni? A me ne pãh pé Të òngbë lékó wilki. Nté pé náh pĩ pãh à sah ònyãh soko, képah-á pé kò pé n gbo. ¹⁴ Wãh me képah yónó soko té ò yah vi, à Yesu we yínnóle nénpó. Nte à náh sò me pĩ ne

ñmɔ-á. ¹⁵ Yesu me à piki yah ne, pi, kwâh nê se pi té à n gbo ni? Nê se à n yah n kɔ ni? Nte Mari wɔ sɔ me n sɔ ne setê dí-á, té yo n tyí ne, pé yòtê, ñmɔ-à kɪ nê wilki ñne, à n sàh-nsahle pé wêkɪ pé kyɪ à tɔkɔ. ¹⁶ Képah tɛne, Yesu me à ye ne, Mari! Mari me n yah vi n ñinne té yo n tyí Yebre wey sɔkɔ ne, Wrabuni, nê kór-á kwò-ò díne. ¹⁷ Nte Yesu me yo n tyí ne: «Mé nâh tɔnì me dɔkɔ yuku Sú Liyel tnô, képah ye, kâh ní tɛ n sah. Té kyɪ n yo ñmɔ yúnpyé tyí ne,* máh kɪ dɔkɔ yuku ní Sú tyí, nê-á yépi tɔ Súle. Nmɔ nê-á ní Liyelle ànê yépi tɔ Liyelle, máh kɪ dɔkɔ yuku n tyí.» ¹⁸ Képah sɔkɔ, Makadala kwil Mari me kyɪ kè yo Yesu tò sâhpú tyí ne, páh Tɛ ñgbê we. Té wâh tyi nónó yo n tyí, à me sè yâh pè tyí.

Yesu n gblɔyne n tò sâhpú wêkɪ

¹⁹ Kéne dimansyi mè ó sɔ ñvîne, Yesu tò sâhpú sɔ me tükènmontɛnóle wòkò yó sɔkɔ. Té Nsyifunɔ yòtâm yah tíkí tɛ tyí, pè sɔ me ké vì yey tɛ n mɔ sah. Nte dɔ, Yesu núkú pɔ n yin pé niyó, té yo pé tyí ne: «Yé ne n me yèvinɪ sɔkɔ.» ²⁰ Képah yóntenɔ nâh, à n gbân táhló ànê n gbòpɔle pè wêkɪ. Pâh Tɛ ñgbê we sɛ, kè pi yí ñivìnine pé tyí. ²¹ A me tɔ yo pé tyí ne: «Yé ne n me yèvinɪ sɔkɔ. Sú Liyel-á ñmɔ tɔ sɔ, sɛ ye ñmɔ tɔ yéle n tɔ.» ²² Kéne welɔ yóntenɔ nâh, à fíbi mɔ pé yó té ne: «Liyel Mirki ye mé yéle n kɔ. ²³ Yâh nónó tyípél yó mɔ pè kɔ, sè kɪ yó mɔ pé tyí. Té yâh nónó tyí yõnmɔ-ñkêne, sè nâh n yó n mɔ n pi pé tyí.»

Yesu ne Toma yal mɔ tòtò pínóle

²⁴ Nte Yesu-á pɔ n tò sâhpú tnô sɔ nêne, Toma nê-á pè yin dyɪ à kɔ kèñinine, ñmɔ wɔ nâh sɔ me. Yesu tò sâhpú népi gbõnimí sɔkɔ yó ye sɔ n tɔle. ²⁵ Kâh pi sɛ, pé no téló me pɔ kè yo n tyí ne, pépi-á Tɛ ñgbê Yesu we. Nte à me pè syah ne ñkê, né péwɔ tɛ nâh kwèkè níy we n gbân táhló sɔkɔ, té pé kèngbɔ dyɪ yah sé sɔkɔ, ànê né pé nâh pé gbò dyɪ yah n gbòpɔ tũ-nsah sɔkɔ, pé nâh n sɛ n yah n pi ké yó pólle.

²⁶ Képah nâh, ké dimansyi kèyâhle ñtɔ, Yesu tò sâhpú sɔ me wê tuke mɔ tɛ wòkò sɔkɔ, té me ké vì yey pól tɛ mɔ. Képah wɔ sɔkɔ, Toma tɔ sɔ me péle. Dɔ, Yesu núkú pɔ n yin pé niyó, té yo pé tyí ne: «Yé ne n me yèvinɪ sɔkɔ.» ²⁷ Képah yóntenɔ nâh, à yo Toma tyí ne: «Á kèngbɔle pɔ ásô sɔkɔ yò, n té n yah ní gbân táhlóle. Á gbò nɔ n dyɪ ní gbòpɔ sɔkɔ.

* 20:17 20.17 - Yesu yúnpyé nónó tyí-á à n yo ásô sɔkɔ yò, n yó sèpú ye à n ye.

Yal n mo tòtò pínóle, ò té n sě ké yõ.»²⁸ Képah tẽne, Toma ne nkẽ, ñmo-á pé Tě ñgbẽ ànê pé Liyel tole.²⁹ Képah soko, Yesu me à syah ne: «Wáh ní we, képah ye á sě ní yõ kè. Nte nónó-à sě ñmo yõ ní wényah-ńkẽne, pé kɪ me ñìvì ñì soko.»

³⁰ A wil képah soko, Yesu tõ gbìl tyi náhnáh pɪ ñ tò sáhpú yí yah, nónó-á sè náh wārki sébéy mè soko.³¹ Nte nónó-á wārki ké soko, sè ye wārki ne sépi gbõ yõ, yé sě ké yõ ne Yesu-á Liyel Píđine, ànê Liyel ney yáhtokónole. Té yáh kɪ sě ñmo yõ, yé mó tyé-ńkẽ min we.

21

Yesu ñ gblõyne ñ tò sáhpú népí kwárnimi wěki

¹ Képah náh, sò yóle, Yesu tõ ñ gblõyne ñ tò sáhpú wěki Tiberiyadı yó-ñgbẽ gbõpo. Káh pɪ ñkù nẽne, kè we yò:
² Simo-Pyeri sò me wě tyí ànê Toma nê-à pé yĩn dyi à kò kènĩnĩne, ànê Natanayeli nê-á n wil Kana kwil soko, Kalile gběnyah, ànê Nsebede ñnpìle, à tahlɪ pé no Yesu tò sáhpú népí ní mí yísyó tyí.
³ Képah tẽne, Simo-Pyeri me yo pé tyí ne péwó-á n soko yěnkɔ tẽ-ńsah. Pé no téló me ne, pépi to-á kɪ soko ñne. Pè me wil soko à kyɪ de krótókè soko, té pé náh kwáh yó we tẽ lésó lékâhne.
⁴ Tyah sykɪ gbĩne, Yesu sò me yínnóle yo vyáh yah, té ñ tò sáhpú náh sò me pĩ ne ñmo-á.
⁵ A me yo mo pé tyí ne, pé kóđibí, pé kó yěnkɔ yísyó we tẽ nɪ? Pè me ne, ññ-á.
⁶ A me ne, pé pé yěnkɔ tẽ tẽ mno min n dah n mo krótókè gbõyò sòle, páh kɪ we tẽ. Pè me sè min dah mo, té yěnkɔ we tẽ tñónóle, fóó pé tẽ sè yorɪ wilki kwlo.
⁷ Képah soko, Yesu tò sáh-ò nê tyí-á no yí ñ tyí, ñmo me yo Pyeri tyí ne, Tě ñgbẽ-á. Té Pyeri sò me ñ fwòmɔnɪ de sah. Wáh noh ne Tě ñgbẽ-á nyáh soko, à kè toko mo té yoko de yo soko.
⁸ Tò sáhpú téló wo mó n pi krótókè soko, té me pé yěnkɔ tẽ tẽ mnole n yorɪ n pi, yěnkɔle sé yíne. Pè náh sò me gbe mo kah yo vyáhle. Kè sò me métérnó lèkwě kénkõle.
⁹ Páh po yini tẽ kèkwáh yò soko, pé nyàhségbno yísyó we yěnkɔle sé yõ, té búrn to me.
¹⁰ Képah soko, Yesu me yo pé tyí ne, yěnkɔ nónó-á pé we tẽ yò, pé po sé yísyóle.
¹¹ Wáh yo sě, Simo-Pyeri me yěnkɔ tẽ tẽ mno nópi yorɪ wilki kèkwáh yõ. Sè sò me yúkúnóle yěnkɔ ñgbàl pló lèkwě tikinini pó gbãm pó tñónóle (153). Nte yěnkɔpèl nópi wéntěno fyé yõ, pé yěnkɔ tẽ tẽ mno náh kõli.
¹² Képah soko, Yesu me yo pé tyí ne, pé po yòke yõ. Té ñ tò sáhpú-á sò pĩ ne Tě ñgbẽ-á sě, képah ye ñ

pikinyahno tah pé tyí ne, nê se ñne ni? ¹³ A me no de péle, té búrn toko à dibi pé tyí, té yẽnkyo to dibi pé tyí sãntẽ óle.

¹⁴ Yesu lékó yilkinmøntenø náh, ké ke tã-ò ye à ñ gblõyne ñ tò sáhpú wẽki yò.

Yesu ànê Pyeri wẽ wénóle

¹⁵ Yõke yõntenø náh, Yesu me Simo-Pyeri piki yah ne ñkẽ: «Nsyõ* pídí Simo, ní tyí-á no no nópi tyí sõ, ní tyí se me no áwø tyí à kal pépile?» A me yo ñ tyí ne, àwe Tẽ ñgbẽ, ñmø ñtẽ-á pĩ ne ñ tyí-á no pé tyí. Yesu me yo ñ tyí ne: «Ñ kópópi tẽnó ple.» ¹⁶ Té tã à piki yah ke ní-òle ne ñkẽ: «Nsyõ pídí Simo, ní tyí se me no á tyí?» A me yo ñ tyí ne, àwe Tẽ ñgbẽ, ñmø ñtẽ-á pĩ ne ñ tyí-á no pé tyí. Yesu me yo ñ tyí ne: «Pi ní kèpyénì fẽ-òle.» ¹⁷ Képah náh, Yesu tã ñ syi à piki yah ke tã-òle ne ñkẽ: «Nsyõ pídí Simo, ní tyí se me no á tyí?» Képah soko, kè Pyeri yah kwø, Yesu-á sõnpíle à piki yah ke tãnó pólle ne, pé tyí se me no ñ tyí ni? Képah tẽne, à me yo Yesu tyí ne, Tẽ ñgbẽ, ñmø-á tyi pólle n pne. Wáh kè pĩ yĩ ne, ñ tyí-á me no pé tyí. Yesu me yo ñ tyí ne: «Ñ kèpyénì tẽnó ple. ¹⁸ Kègbìgbì tẽ yõ, mé kéle n yo á tyí, áwø kètẽnpikì gbíne sò, ñyãh-à á dyø, ñ á kõ toh á fwòmò-ñgbẽ yõ ñ soko nénpó. Nte wáh pø dye, á ki á gbàn yõ ñnì yó kõ à ki á kõ toh ñ kõ, té ki soko ále fí yó soko, ñyãh tyí náh me á tyí.» ¹⁹ Té Pyeri-á ne n ku n pi dùkù nẽne, té kè ki Liyel yĩn gbilki n pi, kèpah tyí ye Yesu n yo sã yò. Képah yõntenø náh, à tò yo Pyeri tyí ne: «Ñ sò tẽ.»

²⁰ Képah soko, Pyeri-á ñ yah vi, Yesu tò sáh-ò nê tyí-á no yĩ Yesu tyí, à à we pé náhle. Ñmø ye lésò ñ gbalì kèki Yesu ñinne, té à piki yah ne, Tẽ ñgbẽ, nê tẽ ó se ki n vi n pi ñ náh ni? ²¹ Pyeri-á à we, à Yesu piki yah ñ tyí soko ne ñkẽ, té ñmø-á dò, Tẽ ñgbẽ, tir nê se ki ñmø no n pi ni? ²² A me yo ñ tyí ne, páh ki me ké tyí ne ñmø tẽ min soko, fóó kè pø n no pé syínpono tyí, ñ vyãh nê se me ké soko ni? Ñmø tẽ wø pé sò tẽ sõ! ²³ Képah tẽne, kè wil wùu Yesu yõ sèpú tyí ne, Yesu tò sáh-ò mè náh n ku n pi. Nte Yesu náh se mó tã sò ñ kú-ñkẽ tyí yo Pyeri tyí. A sò ne ñkẽ, páh ki me ké tyí ne ñmø tẽ min soko, fóó kè pø no pé syínpono tyí, ñ vyãh nê se me ké soko ni?

²⁴ Yesu tò sáh-ò mè ye n yo tyi nópile, té sè wãrkì. Té ápi pĩ ne gblø-á ñ tyiyónle.

* 21:15 21.15 - Nsyõ nê tyí-á n yo ásò soko yò, túkù ñne n ye Nsyonasule.

²⁵ Tyi náhnáh tókù me Yesu pi ntõ. Nte sé pól-à sò me n wãrkí núkú núkúle, nmo sòno soko, sé sébéynó sàh-nsah náh nàhki n we n pi kèkõyó soko.

Tyípínì

N yúnpyé, yépi nónó-á sébéy mè kàrpule, mé wéki yé tyí.

Tyípínì sébéy mènè, Likyi sébéy wárkínó ní-ò ye kéle.

Wâh nê wârki gbenne, té n̄ yinne ké yõ pè n ye Likyi sébéyne, képah Yesu min pɪ òkù tyí óle n yo á tyí, gbí nê-á sò à me sétáh yõ. Nte n̄ sébéy ní-ò mè wole, nê-á pè n ye Tyípínì sébéyne, kè Yesu yínyõ dókónsokóno tyíle n yo á tyí; ànê képah nâh, Liyel Mirki-á pɔ Yesu tò sâhpú tɔkɔ, té Yesu yõ sêpú òkínó tyah òkù nêne.

Yesu yõ sêpú òkí nòpi sò tyah Pyeri ànê Nsyõ gbò yõ Nsyifunɔ wró, Yerusalemɪ kwil ànê Nsyifunɔ kwlo túkù sokɔ. Té òkí nòpi túkù me we Pole gbò yõ kwlo yísyó sokɔ, nónó nâh pɪ Nsyifunɔ kwlole, sã-á Antyɔsyɪ kwil, ànê Korēnti kwil, ànê Filipi kwille. Képah nâh, Likyi me Pole Liyel tò pínkónkóno òkù yo wah ànê yótyí nónó-á à we ké sokɔ. Pole-á tē we yótyí nòpi yah wah òkù nêne, Likyi ké tɔ yah yo wah.

Likyi n̄ sébéy mè sokɔ tyi kèòkù yah yo á tyí, ké 1.8:

- Liyel yõ sêpú òkí tyahnóle Yerusalemɪ kwil sokɔ (1.1 - 8.3),

- Liyel wey yónkónole Yerusalemɪ kwil, ànê Nsyude, ànê Samari gběnyah (8.4 - 12.25),

- ànê kèkõyó tantàn pól sokɔ (13.1 - 28.31).

Wâh Yesu tēntò nénye Liyel wey yo òkùle n yah, n̄ n nùkú fē n pī kwónó nê-á sò pè Yesu yõ sêpúle n kō. Kéne Liyel wey yónó mè ye Nivini tirlé. Képah tō Yesu òkùle ále n wēki, òmɔ nê-á Liyel ney yáhtókónole. Nmɔ ye pɔ tē kèkõyó mè sokɔ, à pwáhnmonole nénye kō, nónó pól-á fē syi sē n̄ yõ.

Liyel yé yah tē ké kárnó sokɔ.

Amina!

Liyel vyâh kónóle n̄ Mirki pónó tyí sokɔ

¹ N̄ dí Tewofil, máh lésõ sébéy gben nê tekɪ mɔ á tyí, képah sokɔ ye mé wârki Yesu tyípínì ànê n̄ nénye kwónóno pólle. Mé sè wârki à tɔkɔ n̄ tò tyahnó tyí,* ² pópó à pɔ nɔ sã nê-á Liyel à yõ òkɔ sokɔ yínyõ. Té Yesu-á pópó n̄ yõ n òkɔ n

* **1:1** 1.1 - Liyel wey sébéy fí nê-á pè n ye Likyile, képah tyí ye Likyi n yo Tewofil tyí ne pé sébéy gben-á.

sokɔ, à tǎn kwâh sah ò tǎntò syínyopu kɔ̄ Liyel Mirki gbò yǒ, pépi nónó-á lésò à yah wilki sah. ³ Yesu-á yèvyǎhrɪ pɪ à ku, képah nǎh tǎntò névyè nópi tyí ye à ò gblǒy wǎkɪ duke duke náhnáhle nɛ, páh mɛ vile. Sèpìn tikininí sokɔ ye sò à ò gblǒyne péle n wǎkɪ, té péle n kwɔ̄ Liyel tǒrí tyí yǒ.

⁴⁻⁵ Képah sokɔ, só yóle pé mɛ yòke yónó sokɔ, té Yesu gbáhdýâh yó di pé tyí nɛ: «Yé káh n gbɛ n mɔ̄ Yerusalemɪ kwille. Ngbòle, Nsyǒ lésò névyè wel wilki ni sokɔ, òtè núkúnúkú, káh pópó n nɔ̄ sèpìn yísyó tyí, Liyel kɪ yé tǒ sah ò Mirkile kɪ yé pɪ yályál. Képah ye, yé káh gbɛ mɔ̄ Yerusalemɪnɛ. Yé Liyel Mirki syɪkɪ n tǎ nénpó, képah nê-á Sú Liyel vyǎh kǒnóle, nê tyí-á mé yo sah yé tyí.»

Yesu yǎndɔkɔnsɔkɔnɔle yǎnyǒ

⁶ Té Yesu tǎntò névyè-á sò mɛ tükènmɔnɔle ò tñò, pé píkinyahno yó pɪ ò tyí nɛ, pé Tǎ ògbǎ, núkúnúkú se à kɪ tǒrí tǒ dahbɪ Yisrayel gbǎnyah tǎn gbò sokɔ nɪ? ⁷ A mɛ yo pé tyí nɛ: «Yépi tyí nǎh ké lésò ànê ké gbí pínóle. Sú Liyel nê ó-á tǒrí nétǎne, òmɔ̄ ye wilki sah légbíne. ⁸ Nte yé kɪ pɔ̄ tǎnwɛnɔ̄ yó wɛ, Liyel Mirki-à pɔ̄ tiki yé yǒ gbí nǎne. Képah sokɔ, yé kɪ pɪ òmɔ̄ tyí yónwàhpu kègblɔle à tɔkɔ Yerusalemɪ kwil, ànê Nsyude gbǎnyah pól sokɔ, à tahlɪ Samari gbǎnyah tyí, fókò à kɪ kyɪ syɪ kèkòyókò pól yǎn tyí.»

⁹ Yesu-á fyò kéne wɛlɔ̄ yo tɛ, à núkú yǒ dɔkɔ n sokɔ yǎnyǒ pé pól yí yah. Té nýírki yó pɔ̄ à fɔkɔ tǔ, pé nǎh tǒ à wɛ. ¹⁰ Té páh mɛ kéne yǎnyǒ yáhnó sokɔ díkidíkí sǎ, pé núkú díbí nǎpí nímí yísyó wɛ pé tñò fwòpikinɔ̄ sokɔ, ¹¹ pé mɛ n yo pé tyí nɛ òkǎ: «Kalile gbǎnyah tǎn, kwâh nê mɛ, té yé yǎn tǎ ásò, à yǎnyǒle n yah sǎ? Sǎ-á yé wɛ Yesu mènɛ, à yǒ dɔkɔ sokɔ yǎnyǒ yò, sǎntǎ ó ye à kɪ tǒ ò syɪ n pɔ̄ n pi.»

Yesu tǎntò névyè syínɔnɔle Yerusalemɪ kwil

¹² Képah nǎh, Yesu tǎntò névyè yal Wolivi yèh yǒlɪ yǒ, à pé syɪ n pi Yerusalemɪ sokɔ. Kéne yǒlɪ nǎh sò mɛ fíí kah Yerusalemɪnɛ, kè mɛ lérí tóní kénkǔ kó-nsahle. ¹³ Páh pɔ̄ de, pé dɔkɔ yuku yǎnyǒ wòkò sokɔ, páh òkǎne wǎne n tuke n mɔ̄ nýǎh sokɔ. Pyɛrɪ sò mɛ, ànê Nsyǔne, ànê Nsyakule, ànê Andrele, à tahlɪ Filipi tyí, ànê Tomale, ànê Bartelemine, ànê Matyele, ànê Alfe pídí Nsyakule, ànê Simole nê-á sò pé n ye sú fókò vyǎh syí-òle, ànê Nsyakɪ pídí Nsyudele. ¹⁴ Pé pól sò mɛ pé sǎnɔ̄ pɪ núkúle, à n tuke n mɔ̄ wǎ tyí gbímegbí, à

nírìle n pí. Syó yísyó tɔ sò me péle, à tahlı Yesu yú Mari tyí, ànê Yesu yúnpyé.†

Matyası sàhnóle Nsyudası swɔ

15 Kéne sèpìn sɔkɔ, sɔ yóle, Yesu yɔ sèpú sò me tuke mɔ nɛpî tikinúkò (120) kénkòle. Té Pyerı me yuku yın pé niyó, té yo pé tyí ne, 16 pé yúnpyé, Liyel wey sɔkɔ Liyel Mirki-á lésò Davidi kɔ, à nê yo sah Nsyudası tyí sɔkɔ, káh sò yıne kè pí ó pí. Kéne Nsyudası-á lésò Yesule n tɛpú wɛkɔ. 17 Té pépi tɛnkɔ sɔkɔ ney yó-á mó tɔ sò nne, tòle dáhbínóle n gbò pépi tyí kòle. 18 Nte wáh pò nê we n tyítúkù pínó yörele, kèpah-á dwe swähle. Té à me pɔ sykɔ n fɔkɔ sɔ, n dyɔ pól wil karkɔ. 19 Kèpah sɔkɔ, Yerusalemı tãn pól me kè noh, pé kɔ pé kéne swähle n ye pé wey sɔkɔ Akeldamale, nê kór-á tó swähle. 20 Kèpah tyí-á sò wárkínsàhnóle Gbálnó sébéy sɔkɔ ne nkɛ:

«N kéte kɔ pí kéntikínine,
à nê ney náh tɔ n tɛ n pí ké sɔkɔ.»‡

Té tɔ yo ké fí yó sɔkɔ ne nkɛ:

«Nnî kɔ n pí pí tò tɔkɔ n pí.»§

21 Kèpah-á, névyé nónó-á sò me péle Yesu me gbí dùkùle, 22 à tɔkɔ Nsyɔ-á à wel wilki ni sɔkɔ gbí nêne, fósó à kyı syı n yɔ n dɔkɔ n sɔkɔ sò tyí yınyó. Pépi sɔkɔ nénúkù yó-á yıne à tahlı pé tyí, pé n tyıle n yo n wah ne, wáh ku té yilki mɔ.

23 Wáh yo sɛ, pé me nɛpî ními wɛkɔ. Núkú yın ye Nsyosefulé, nê-á pé n ye Barsabasıle, té tɔ nne n ye Nsyusitusile. Ní-ò yın me Matyasıle. 24 Kèpah sɔkɔ, pé me Liyel ni ne, Tɛ ngbɛ Liyel, nno nê-á no pól fókósònole n pne, wáh nê yah wilki nɛpî ními nópi sɔkɔ, à tɛne pé wɛkɔ. 25 Tɛ wo-á kɔ Nsyudası swɔ tɔkɔ Yesu tɛntò névyé tò mè sɔkɔ, wáh nê milki té yuku fí yó, nýäh-á yıne nne.* 26 Kèpah tɛne, pé sáhntɔkɔno pí, kéne sáhntɔkɔno me pɔ yıne Matyasıle. Nno núkú kwɔ mɔ Yesu tɛntò névyé nɛpî gbònúkú sɔkɔ.

2

Liyel Mirki pónóle

† **1:14** 1.14 - Yesu yúnpyé nónó tyí-á n yo ásò sɔkɔ yò, túkù sòno sɔkɔ, n kèkùrkı núkú gbám ye à n ye. Té túkù sòno sɔkɔ mó, n kèkùrkı núkú gbám náh à n ye.

‡ **1:20** 1.20 - Yah n te Gbálnó 69.26. § **1:20** 1.20 - Yah n te Gbálnó 109.8.

* **1:25** 1.25 - Fí nê tyí-á n yo ásò yò, yèvyähri tɛ-nsah ye nénpóle, nê-á pí nyäh mé-nsahle. Nsyudası ye ku sɔkɔ nénpó.

¹ Syáh sǒ-á pɔ nɔ, nê-á pè n ye Pãntekɔti syáhle, Yesu yǒ sǎpú pól sǒ me tükènmɔnɔle fí núkú sɔkɔ. ² Dǒ, yínpǒ yó núkú n wil liyel sɔkɔ á kɪ ne yáhpékè yó sǒ kǒ, à pé mé-ńsah wòkò pól yuku. ³ Té kwáh yó núkú wil mɔ á kɪ ne nyàh lépǒ sǒ, té kǒlì tǎ tǎ kǒ pé nénúkù núkú pól yǒ. ⁴ Liyel Mirki me pé pól tɔkɔ. Pè tyah wénsnóle n wekɪ Liyel Mirki-á nónó dahbɪ pé vyěy.

⁵ Té légbíne, Nsyifunɔ nónó-á pé Liyel wěkì tǎnó ple, pé sǒ me wil kèkǒyó kwlo kwlo pól sɔkɔ, à pɔ twah Yerusalemu kwil. ⁶ Yínpǒ mè-á wil sǎ, pé pól tuke mɔ tówùle. Té pé pól yáh-ńsah sǒ me tye, pé nénúkù núkú pól-á sǒnpíle pé kwlo welo wékínóle n nohnɪ Yesu yǒ sǎpú tyí. ⁷ Kǎh pɪ sǎ, pé gbǎn du, pé lékám fǎkɪ, pé me tyah n yo wě tyí ne: «Nónó pól-á n wekɪ yò, pé pólle Kalile gběnyah tǎn nǎh di? ⁸ Nte kè pɪ sǒ té ápi nénúkù núkú pól á kwlo welo wékínóle n nohnɪ pé tyí, ⁹ ápi nónó-á n wil gběnyah nópɪ sɔkɔ, nónó-á pɪ: Partesele, ànê Medile, ànê Yelamne, ànê Mesopotami tɔle, ànê Nsyudele, ànê Kapadɔsɪle, ànê Pǒtele, ànê Asile, ¹⁰ ànê Frisyile, ànê Pǎnfilile, ànê Yesyiptile, à tahlɪ Sirenu kwil tǎn tyí, Libi sɔkɔ, ànê Wrome kwil tǎn nónó-á me tǎnóle ásò, ¹¹ ànê Kretɪ tǎnne, ànê Arabunine. Ápi túkù sǒ dubi Nsyifunɔ Liyel nínó wěkì sɔkɔ, té túkù mó vi mɔ de ále ké sɔkɔ. Té á pól me Liyel tyí-ńgbnɔ pínó tyí yónóle n nohnɪ pé tyí á kwlo welo sɔkɔ.» ¹² Képah sǒ me pé pól yáh-ńsah tye, té gběndùñ tǎ tyí, pé me tyah n yo wě tyí ne, tir nê se képah n wěkɪ nɪ? ¹³ Té pé túkù mó sǒ me kóle Yesu yǒ sǎpúle n ko ne, ðivě pènèkì-á tǎ péle.

Pyeri Liyel wey yónóle tówù tyí

¹⁴ Képah sɔkɔ, Pyeri yuku yín pé no tǎntò névyè népì gbǒnúkú téló niyó, té tyah n yo yínpǒ ńgběne tówù tyí ne: «Ápi Nsyifunɔ pólle ànê nónó pól-á me tǎnóle Yerusalemu kwil, yé yé ní kwɔ noh palle ní tyí, yè mó ní wey syíkí-ńsah pĩ. ¹⁵ Mé pĩ ne yáh me n sǒ ne, sètǎnì sɔkɔ-á no nópɪle, té sǎ nǎh dé! Pǒy tǒ gbí ó sɔkɔ nǎh ále yò di?» ¹⁶ Nte Liyel tǎntò syínyo-ò Nsyowelɪ-á nê yo sah, képah ye pɪ yò.† ¹⁷ Á lésǒ ne, Liyel-á ne níkě:

«Kèkǒyó-à pópó n tye,

mé kɪ ní Mirki tiki mɔ no pól yǒ.

Yé ðínpi ànê yé syónpi kɪ ní tǎntǒnène n syi n yo.

* **2:15** 2.15 - Yáh we Pyeri pǒy tǒ gbí tyíle n yo, Nsyifunɔ nǎh sǒ tǒle n wɔ, pǒy tǒ gbí níri sókó-ńkě sɔkɔ. † **2:16** 2.17-21 - Yah n te Nsyowelɪ 2.28-30.

Mé kɪ wěkínóle yé kètēnpìle n wěkɪ,
té yé yèwàhnì kɪ dléyne n do.

18 Gbɪ yō, kéné sèpìn sòkò,
mé kɪ ní Mirki tiki mɔ ní tōnpɪbɪ díbí ànê syó yō.
Té pè kɪ ní tēntōnène n syi n yo.

19 Mé kɪ gbìl tyi pɪ yīnyō,
té kɪ gbìl tyi pɪ sètáh yō,
nê-á kɪ pɪ tó, ànê nyàh, ànê gbìsyikile,

20 gbì kɪ vi mɔ pɪ fētũne, té n̄wɔ kɪ syāh tó sɔ,
té Tě ñgbě tukey tükèno yòh ñgbě kɪ pyě pɔ, kéné tǒrí yòh
ñgběne.

21 Képah sòkò, nónó pól-à Tě ñgbě ye gbo, pépi wɔ kɪ
pwah.»»

22 Pyeri-á Nsyoweli welo nópi yo te, à tǒ n syi yo pé tyí ne
ńkě: «Yisrayel tǎn, yé noh ní tyí, máh kɪ nê yo n pi: Nasareti
Yesule, ñmɔ ye pɪ névi yóle, nê-á Liyel syō n tyí, à n gblǒy
tǒríle yé wěkɪ n gbìl ànê n gběndùnì tyi pínó sòkò yé wró.
Yépi nítě ye kè pĩ ó! 23 Liyel-á n tyi yah tǔkò sah sɔ, sè pɪ sě.
A kéné dí gbàh de mɔ yé kǔ, yé me ñne Liyel dél pípú kǔ pè
à syi dahnɪ yō, à à ko mɔ. 24 Nte kũ náh sǔ fě à tē n sah n pi.
Képah ye, Liyel me tǔ n lékó yilki mɔ, à à wilki kũ yèvyāhri
sòkò. 25 Ñmɔ tyí ye lésó yòtē dí Davidi yo ne ńkě:‡
«Péwɔ Tě ñgbě Liyel náh me ké tyí ne pé tē n kwlo.

Képah-á, à me péle gbímegbí pé yohnɪ mɔ yīnne.

26 Páh tǔ me nìvìnì sòkò, ànê nìvìnì welo ó-á pè n ne n wekɪ.
Pé gbò sàhnó-á me ké yō ne, páh pɔ ku, pé min-á kɪ me tē
yèvinɪ sòkò.

27 A náh pé lékó sah kũ kǔ n pi,
ànê à náh n ye pé lékó kǔ kè n pyāh n pi,
péwɔ nê-á n tōnpɪ pèpeyne.

28 Wǎh min wǎlle pé wěkɪ. Té kɪ pé kǔ,
pé kɪ me nìvìnì sòkò kúmm n yah.»»

29 Képah yóntenɔ náh, Pyeri tǔ yo pé tyí ne: «Á no, yé ye
mè á náh ney Davidi tyi yo n wah yé syah. A lésó ku pè yĩ.
Té kwey mè sòkò, n diki nítě me ápi kwil. 30 Nte Liyel tēntō
syínyo-ò ye sǔ ñne. N gbò sàhnó sǔ me Liyel vyāh kǔnó mè
yō, Liyel-á n wo nê sòkò ne, n pétóbé sòkò yó-á kɪ pɔ pɪ
yòtēne n swɔ. 31 Tě wɔ ye pɔ pɪ Kristale, nê kór-á Liyel ney
yáhntókɔnole. Té wǎh ne n yilki n mɔ n pi n kúntenɔ náh,
képah ye Davidi kwǎh tē we, à kǔ à ne ńkě: «A náh n wũ n

pi lékókwl̄l, ànê ò lékó náh n pyãh n pi.»³² Núkúnúkú Yesu mènne, á pól ye kè we yíne ne wãh ku, té Liyel me ò lékó yilki mo. ³³ A yõ dokò sokò yínyõ, me kyɪ tẽ Liyel gbõyõ sòle. Té Sú Liyel-á ò vyãh kõ ò Mirki nê tyí sokò, à me kéle Yesu kõ à tiki mo á yõ. Képah ye á n yah, té n nohn̄i yò.

³⁴ Nte Davidi náh dokò yuku yínyõ, té wãh kè yo ne níkẽ: <Tẽ ògbẽ Liyel kè yo òmò yõtẽ dí tyí ne, pò n kõ n tẽ ní gbõyõ sòle,

³⁵ fók kè pò nò gbí nê-á mé kɪ á sèpébi pɪ á gbáhkì súnsàh-
n̄sahle.»[§]

³⁶ Képah yóntenò náh, Pyerɪ tõ pè syah ne: «Yisrayel tãn pól yíne yè kè pĩ gbɪ yõ ne, Yesu nê-á yépi tẽ syɪ dahn̄i yõ, òmò-á Liyel pɪ TÈ NGBÈNE té tõ à pɪ Kristale, nê kór-á Liyel ney yáhntòkònl̄e.»

Népī kèyõ núkú kyegbãm (3 000) dòhn̄inól̄e Yesu yõ sèpú yõ

³⁷ Pyerɪ-á wey mè yo pò tyè sè, kè névyè nɪ kah tẽ, pè me Pyerɪ ànê Yesu tẽntò névyè téló piki yah ne, pé no, sõ se pé yíne pé pɪ nɪ? ³⁸ Képah sokò, Pyerɪ me yo pé tyí ne: «Yé yé nno vi mo, yé nénúkù núkú pól mó wèlnwìlkìnó we ni sokò Yesu Krista yín yõ, yé tyípèl yõnmòno yinne. Képah sokò, Liyel Mirki kɪ yé kõ. ³⁹ Liyel-á ò vyãh kõ ò Mirki tyí sokò nónó yinne, yépi ye, ànê yé wènpìle, à tahlɪ nónó pól-á me kwlo fífí sokò, ànê nónó pól-á Tẽ ògbẽ Liyel kɪ n ye n pi.» ⁴⁰ Té Pyerɪ tõ sò me welò náhnáhle n gbah n yo pé tyí, à sórèle n mo pé sokò. A sò me n yo pé tyí ne: «Yé Liyel pwáhn̄mòno fẽ syi, yé mó wil kwey gbí névyè népèl wró.»

⁴¹ Képah sokò, nónó-á Pyerɪ welò fẽ syi, pè wèlnwìlkìnó we ni sokò. Ké lésòle, népī kèyõ núkú kyegbãm (3 000) kénkò dohn̄i Yesu yõ sèpú yõ.

Yesu yõ sèpú négbro tẽnól̄e wẽ tyí

⁴² Képah tẽne, Yesu tẽntò névyè-á kwónól̄e nónóne n kõ, pé pól sò me pé gblóy kõ, me n nohn̄i pé tyí, té me kwro mo pé sokò, à pɪ péle núkúle. Pè sò me yòkele n yõ péle wẽ tyí, té me níril̄e n pɪ péle. ⁴³ Liyel sò me n syõ Yesu tẽntò névyè tyí, à gbìl tyi náhnáhle n pɪ. Kãh pɪ sè, kè tíkile no pól tẽ. ⁴⁴ Nónó pól-á sò vi mo pɪ Yesu yõ sèpúle, pè sò me kwro mo tẽ wẽ tyí, té me pé gbãh yí pólle n sah wẽ yõ. ⁴⁵ Pè sò me pé swèy ànê pé gbãh yíle n yãm. Té me sé yãmnó pónól̄e n

dibi wě wró, à yĩne pé nénúkù núkú pól fyàhnónole. ⁴⁶ Té pè sò me pé sōno pɪ núkúle, à wěne n tuke n mo sōmesó Liyel ní-ńsah gbô soko. Pè sò pé foko dal wěne, à yōkenole n yō wě yō nìvìnìne, pé gbéngbèn soko. ⁴⁷ Pè sò me Liyelle n gbilki, té no pól me péle n sō. Té Tě ñgbě sò me névyele n pwah n mo n dohnɪ pé yō sōmesó.

3

Gbáhkì núkú dí yó dénmɔnole

¹ Képah soko, sō yóle Pyerɪ ànê Nsyō sò me n yuku gbèkām gbí Liyel ní-ńsah, Liyel ní-ńsah gbô soko. ² Té dí yó sò me gbáhkì núkúle ñ dubi gbí òkùle. Sōmesó, pè sò ñkěne à twah n pɔ n sah Liyel ní-ńsah gbô dé-ńsah yah soko, nê-á pè n ye dé-ńsah Kètärle, à kō ã póle n ni n syi ké soko dépú tyí. ³ Wäh Pyerɪ ànê Nsyō we pè n tyah dénole ké soko, à pó ni pé tyí. ⁴ Képah soko, pè à gbah yah, té Pyerɪ me yo ñ tyí ne, à pé yah yí. ⁵ Wäh yo sě, dí sò we ne, páh kɪ kwâh yó we n syi n pi pé tyí, té tyah péle n gbah n yah. ⁶ Képah tēne, Pyerɪ me yo ñ tyí ne, pó ànê sán nâh me pé tyí, ñte kwâh nê-á me pé tyí, páh kɪ kéle à kō. Té ne: «Nasaretɪ Yesu Krista yĩn yō, yuku ne n ko!» ⁷ Té me ñ gbòyò soko tē, à à yilki sah. Nénpó swɔ, sèkùkù dí gbyèh ànê ñ létóhnì sū. ⁸ A núkú yoko syikɪ ñ gbyèh yō, à tyah n ko, té de péle Liyel ní-ńsah gbô soko, me n ko, té n yoko n syikɪ, à Liyelle n gbilki. ⁹ No pól à we à me n ko, me Liyelle n gbilki. ¹⁰ Pè me à yah pĩ ne, ñmɔ-á ñkěne n tē ñ ne n ni n syi Liyel ní-ńsah gbô dé-ńsah soko, nê-á pè n ye dé-ńsah Kètärle. Té tir nê-á pɪ ñ tyí, képah sò me kah pɪ yáh-ńsah tyénó ànê gbèndùnìne no pól tyí.

Pyerɪ Liyel wey yónóle tówú tyí

¹¹ Képah soko, sèkùkù dí nâh tō sò me ñ syɪ Pyerɪ ànê Nsyō nâh. Té gbèndùnì kàhnmɔnɔ tē tyí, névye to pɔ pè mo gbí Liyel ní-ńsah gbô párn yó sò, nê-á pè n ye Salomo párnne. ¹² Pyerɪ-á képah we sě, à yo tówú tyí ne: «Yisrayel tãn, kwâh nê pɪ, té tir mè pínó yé gbàn du wé? Kwâh nê pɪ té yé ále n gbah n yah sě? Yé kâh we ne ápi yěngbě tēnweno, képah nâh pɪ, á Liyel wèkì ténó pèpèy-á pɪ dí mène à kō à ko dé? ¹³ A nâh tãn nóno-á pɪ Abrahamɪ, ànê Yisakɪ, ànê Nsyakɔbɪ, ànê pé no télóle, pépi Liyel ye gbílkinó sah ñ tònpi Yesu yō, ñmɔ nê-á yé dahbɪ yótãh gbò, té à yahle gběnyah yah tē-ò

dí Pilati yí yah. Té Pilati mó tǒ sò kè yah toko ne, pé à fin mo. ¹⁴ Nte òmò nê-á me Liyel tyí yǒ, té me négbíle Liyel yah, yé òmò yahle, té pyé nékókè mó-ò wò finmòno yah kǒ. ¹⁵ Té min nétē Yesu nê-á yé ko mo, yépi rítē ye kè we yíne, Liyel me n lékó yilki mo. ¹⁶ Dí nê-á yé n yah yò, yé òne n pne. Yesu yin yǒ sǎnó gbò yǒ sokò ye n gbyèh me sū. Yé pól yí yah ye Yesu yǒ sǎnó dí mè de mo pnépné yò dé!

¹⁷ Nte núkúnúkú, á no, mé pǐ ne òpǐ-ònkē sokò-á yépi ànê yé yòtām ko mo Yesule. ¹⁸ Té Liyel-á lésò n tǎntò syínyopu pól kǒ, pè nê yo sah di mónóle ne, Krista-á kí yèvyāhrì pí, képah ye à pí yò. ¹⁹ Kǎh pí sē, yé yé nno vi mo, yé mó Liyel wǎkì tē, à kǒ à yé tyípèl yǒ mo yé kǒ. ²⁰ Képah sokò, Tē ògbē Liyel kí yèvinu gbíne yé kǒ, té kí Yesu Krista tekí mo yé kǒ, wǎh sò nê yah wilki sah yépi yinne.

²¹ Nte núkúnúkú, à yíne à tē yínyǒ, fók kè kyí syí tyí pól tǒnsàhnó tyí, sépi nónó-á Liyel n tǎntò syínyopu kǒ pè se yo sah ògbò dùkùle, pépi nónó-á me n tyí yǒ. ²² Moyisi kè yo sah ògbòle ne ríkē: «Yé Tē ògbē Liyel kí yé sokò ney yó wilki mo yé kǒ n pí, à kí pò pí Liyel tǎntò syínyo-òle nímo tyí kǒle. Yé ne n nohnú n tyí n welo pól sokò. ²³ Té nê-á yahle sàhnóle n tyí yǒ, tē tyí kí yíkí, à kí ku to Liyel wǎnpǐ wró.»* ²⁴ Nte gbí nê-á yé n wne yò,† képah tyí ye Liyel tǎntò syínyo-ò Samuyelì yo sah n me gbí dùkùle, à tahlì Liyel tǎntò syínyopu téló tyí, nónó pól-á pò òmò tyí nǎh. ²⁵ Yé yah, Liyel-á tyí nónó pól yo n tǎntò syínyopu tyí, yépi yin ye à yo séle, à tahlì wǎh lésò yégbékè kwrónmòno nê pí yé nǎh tǎn tyí, nê-á à yo Abrahamì tyí ne ríkē: «Áwò pétóbé gbò yǒ, kèkòyó névyé pól kí ní pèpòrì we.»‡ Kéne yégbékè kwrónmòno nê-á à pí yé nǎh tǎnne yò, yépi to vyāh me ké sokò dò! ²⁶ Yépi ògbò tyí ye Liyel tekí mo n tǒnpì Yesule pèpòrì pí yinne yé tyí ne, à yé pól nénúkú núkú yohnú n mo yé kǒ yé tyítúkúni pínó yal n mo.»

4

Yòtām-á Pyerì ànê Nsyǒ tuke sǒ

¹ Képah tēne, Pyerì ànê Nsyǒ-á sò me wékínó sokò tówú tyí sē, nósýó pò wil mo pé yǒ. Sárká syínwilkìpu yísyó ye sò, ànê Liyel ní-nsah gbò syíkípú yòtēne, à tahlì Sadásē névyé yísyó

* **3:23** 3.22-23 - Yah n te Tǒnyonò 18.15,18. † **3:24** 3.24 - Gbí nê wnénó tyí-á n yo yò, Yesu me gbí tyí ye kè n yo. ‡ **3:25** 3.25 - Yah n te Yenest 22.18.

tyí. ² Té kéne no fòkò sò me kah vyãh Pyeri ànê Nsyõne, pãh sõnpíle névyele n kwò ne, Yesu-á ku té yilki mọ, ànê lékyí tọ-á kú pọ n yilki n mọ n pí. ³ Képah sọkọ, pè pè tẽ. Té lékãh-á sò me mọ n te sã, képah ye pè pè dah mọ wòkònpèkè sọkọ, pópó à pọ syi dīndal tyí. ⁴ Nte nónó-á Yesu tẽntò névyele kwónó noh, pé náhnáh Liyel wèkì tẽ. Kãh pí sã, Yesu yõ sẹpú nọ nẹpí keyõ nínó kyegbãm (5 000) kénkõle.

⁵ Képah sọkọ, ké dīndalle, Nsyifunọ yõtãm, ànê kwil yèwàhnì, ànê Liyel tyi kònsàhnó kwópú wẽ tuke Yerusalemı sọkọ. ⁶ Sárká syínwìlkıpu yõtẽ ñgbẽ An sò me ànê ñ gbò tãn pólle. Pépi túkù ye sò pí Kayifile, ànê Nsyõne, ànê Alekisãdrele. ⁷ Képah tẽne, pè Pyeri ànê Nsyõ tẽ pọ pé niyó, à pọ pè piki yah ne, tẽnweno nê gbò yõ se, képah náh pí, nê yīn yõ se pè pí dénmonọ mène ni? ⁸ Képah sọkọ, Liyel Mirki gbò yõ, Pyeri pè syah ne: ⁹ «Kwil yõtãm ànê yèwàhnì, áyáh pèpọri pí sèkùkù dí yó tyí, képah yõ sọkọ náh yé n piki n yah ále kweyne ne, sõ se á pí, té à de mọ di? ¹⁰ Yépi pól ànê Yisrayel tãn pól yīne yè kè pĩ ne, Nasareti Yesu Krısta yīn yõ-á dí mène yīntẽnóle yé yah sọkọ lènole yò. Yépi ye syi Yesule dahnı yõ, té Liyel me ñ lékó yilki mọ. ¹¹ Nmo Yesu tyí ye yónóle Liyel wey sọkọ ne nkẽ: «Wòkò mópú-á yahle dáhki nê mónkònóle, képah ye pọ pí wòkò dáhgбіle.»* ¹² Képah náh, Pyeri tõ ne: «Yesu ó yīn kú fẽ névyé pwah mọ. Né ñmọ ó yīn náh, yīn yó nítẽ náh ñnı yó nítẽ kò kèkoyó, nê-á kú fẽ névyé min pwah mọ.»

¹³ Tukey tükèpu sò pĩ ne Pyeri ànê Nsyõ náh Nsyifunọ kãrn ñgbẽ pí, ànê pè náh me n mọ n kò nénpó tĩne. Té pãh n wekı nısãh ànê lékãmne sã, képah me pé gbãn du. Nte pè mó tõ sò pĩ ne, pépi-á lésõ Yesu kómũne. ¹⁴ Té pé yí-á mó tõ sò me dí mè yõ nê-á dénmonọ we, tyiyóné náh tõ we pé tyí. ¹⁵ Kãh pí sã, pè Pyeripi kò pè wil tukey tükèpu tĩnkı wró, té pépi me wẽ we pé yahle ¹⁶ té ne, sõ se pé kú pí no nópıle ni? Nkẽ, kòlı kòlı tẽ náh se mó tõ kéle té. Yerusalemı tãn pól-á pĩ ne, Pyeripi-á pí gbıl mène. ¹⁷ Kãh pí sã, pé ye kè yahle pé tyí díri sọkọ ne, pè káh tõ Yesu yīnne n yo ñnı yó nítẽ tyí. Képah-à pí, yī mè náh n tõ n mọ n yuku n pí yahle.

¹⁸ Képah tẽne, pè tõ pè ye, té kè yahle pé tyí gbógbó ne, pé káh tõ Yesu yīn noh n yah pé vyey yah, ànê pè káh tõ kwónó pí ñ yīn yõ. ¹⁹ Nte Pyeripi pè syah ne: «Yépi nítẽ kè

* 4:11 4.11 - Yah n te Gbálnó 118.22.

sõ n yah kè: Kè se me yínénóle Liyel tyí, áyâh ñmɔ tyí ye, té yépi yóré fẽ syi? ²⁰ Api tẽ wɔle, áyáh nê we, té nê noh, á náh fẽ n ye n pi sé yáhnóle.» ²¹ Képah tẽne, tukey tükèpu tǒ díri gbah wɔ pé tyí, té pè fin mɔ. Pè náh sò me vi-nsah we pé we fõh fõh tẽne, no pól-á sǒnpíle Liyel yinne n gbilki Pyeripi tyípi kì mè yinne. ²² Té dí nê dénmonɔ-á sò pɪ gbille, à kah ye tikininíne.

Yesu yõ sěpú níríle

²³ Páh fyò Pyerì ànê Nsyõ fin mɔ, sárká syínwìlkìpu yòtām ànê yèwàhni-á nê yo pé tyí, pè kyɪ sè pól yāh pé kómú tyí. ²⁴ Pé wɛlɔ nòhntenɔ náh, pé pól pé sǒnɔ pɪ núkúle, à Liyelle n ni ne nkè: «Tẽ ñgbẽ, áwɔ ye mɔ yínyòle, ànê sétáhle, ànê pne yɔle, à tahlɪ sé sɔko yíyìn pól tyí. ²⁵ Api náh ney Davidi nê-á á tǒnpule, áwɔ ye à kǒ à kè yo á Mirki gbò yõ ne nkè: «Kwâh nê yúkúnyahlenɔ me kwlo kwlo tyí? Kwâh nê tyíkwê sǒnɔ me névyé sɔko!

²⁶ Kèkõyó yòtām wẽ tyí mɔ, té yah tām tɔ tuke mɔ, à pɪ núkúle, pè Tẽ ñgbẽ Liyelle n fwo ànê ñ ney yáhnɔkɔnɔle.»†

²⁷ Gbɪ yõ, kwil mè rítè sɔko, yòtè dí Yerɔdɪ ànê gběnyah yah tẽ-ò dí Põse Pilati ye wẽ tyí mɔ, à tahlɪ Yisrayel tǎn ànê kwlo kwlo téló tyí, pè á tǒnpɪ Yesule n fwo, ñmɔ nê-á á ney yáhnɔkɔnɔle. ²⁸ Yah, wáh lésò á tẽnwenɔ sɔko tyi nónó yah tɔkɔ sah á dyɔ dyɔ tẽne, sépi ye pè pɪ. ²⁹ Nte núkúnúkú, yah pè ápile n kyí n kǒ kè! Nìsāh ñgběne á kǒ, à á weyne n yah n yo, ápi nónó-á á tǒnpɪbule. ³⁰ Tẽnwenɔle á kǒ, à yámpúle n de n mɔ, à mó gbɪl tyile n pɪ, á tǒnpɪ Yesu yīn yõ.» ³¹ Té fí nê sɔko-á sò péle tükènmɔnɔle, nírì-á fyò n tye, nénpó núkú yike. Képah tẽne, Liyel Mirki pé pól tɔkɔ, pè tyah Liyel weyne n yah n yo n kǒ nìsāhle.

Yesu yõ sěpú négbro me dùkúle wẽ tyí

³² Yesu yõ sěpú pól sò me n sǒ dùkú núkúle, té me ké tyí ne pé ne n pɪ dùkú núkúle. Pé sɔko yó rítè náh sò me n yo ne, pé gbǎn yíle, pé gblǒy núkúní tyí-á séle. Té pé wẽ wró, pé pól gbǎn yí sò pɪ tówú tyíle. ³³ Té tẽnwenɔ ñgbẽ sɔko ye sò Tẽ ñgbẽ Yesu tẽntò névyé pɪ ñ tyí yónwàhpu kègbɔle, à ñ tyíle n yo n kǒ ne, wǎh ku té yilki mɔ. Té Liyel pèpɔrɪ ñgbẽ sò me pé pól yõ. ³⁴⁻³⁵ Swěy, képah náh pɪ, gbèn-à sò me nónó tyí, pè séle n yām, ñ té sé póle Yesu tẽntò névyéle

† 4:26 4.25-26 - Yah n te Gbálnó 2.1-2.

n kō. Pépi n mó séle n dibi, à yĩne pé nénúkù núkú pól fyàhnónole. Képah ye, yām pí-ò náh sò me pé soko.

³⁶ Té légbíne, Nsyosefu yó sò me, nê-á dubi Syipri gběnyah. Levi yìkì ney ye sò òne. Té Yesu tēntò névyé me yīn dyi à kō Barnabasile, nê kór-á sóré mó-òle. ³⁷ Nmo me n swāh yām, té me pò ké pòle Yesu tēntò névyé gbò dahbi.

5

Ananiyasi ànê n̄ kyi Safirale

¹ Nte dí yó lésò me pè n ye Ananiasile. Nmo ànê n̄ kyi Safira me pé sétáh yó yām, té yo sah núkú yō, ² à ké pò túkù kām sah. Képah náh, Ananiyasi me kyi ké pò téyne Yesu tēntò névyé kō. ³ Képah soko, Pyeri me yo n̄ tyí ne, Ananiyasi, sétàn yòtē se pi sō té we de yīi n̄ ni soko sē, fóó à pò mìnì yo Liyel Mirki tyí, té sétáh yāmnó pò túkù kām sah ni? ⁴ Sétáh mè yām-nkē gbíne, n̄ yēngbē tyí kó sò kéle ni? Wāh tō pò kè yām, ké pò kó pi n̄mo tyíle ni? Nte yī mè dùkù pínó sōnō se pi sō, té de n̄ ni soko ni? Nkē, névyé ó tyí náh à yo mìnìne dé, Liyel tō tyí-á. ⁵ Ananiyasi-á fyò kéne welo noh, à núkú syiki ku. Kāh pi sē, nónó pól-á yī mè noh, tíkí pè kah tē. ⁶ Wāh ku sē, kètēnpī me pò n̄ lékó foko, té à toko kyi yī.

⁷ Képah náh, lérínó tōnó kénkō sókónteno náh, n̄ kyi pò de nénpó, té tir nê-á pi soko, à náh sò me kè pī. ⁸ Pyeri me à syah ne, à yo pé syah, dan mè se rityíno pè yām pé sétáh mēne ni? A me ne, àwe, kéne dan-á. ⁹ Képah soko, Pyeri me yo n̄ tyí ne, pè se pi sō, té yo sah núkú yō n̄ pele, à pò Tē ngbē Mirki vyāh sòle n noh ni? A yah, nónó-á kyi yī n̄ pe lékóle, pāh me pò n de yò. Té pāh k̄ n̄ tō lékó toko n soko n pi. ¹⁰ Pyeri-á yo sē, nénpó swō, pi núkú syiki n̄ yah t̄inne, à ku. Kètēnpī-á de kyi, pè kyi à we kúnóle. Pè me à toko kyi yī n̄ pe tnô. ¹¹ Képah soko, tíkí Yesu yō sēpú t̄inkì pól kah tē, à tahl̄ tyi nóp̄i nóhpú pól tyí.

Yesu tēntò névyé gb̄il tyi náhnáh pínóle

¹² Liyel sò me n syō Yesu tēntò névyé tyí, à gb̄il tyi náhnáhle n pi névyé niyó. Pè sò me pé sōnō pi núkúle ànê Yesu yō sēpú téló pólle, té wēne n tuke n mō Liyel ní-ísah gbò párn yó sò, nê-á pè n ye Salomo párnne. ¹³ Nte no téló soko ney yó r̄tē náh sò me n̄ nule n syāh n kwro n mō pé soko. Té no pól mó tō me péle n kah n sō. ¹⁴ Képah soko,

díbi ànê syó náhnáh sò με n sē Tě ñgbě Yesu yõ, dòhnìnó kō kè n pɪ n yuku ñ yõ sěpú yõ. ¹⁵ Kǎh pɪ sě, névyé tyah n wil pé yámpúle, à péle n sah n pɔ pàl yõ, képah náh pɪ, sě sě yí yõ wǎl yey sòkɔ, ne Pyerɪ-à pɔ n sòkɔ, té ñ mírkí we mɔ pé sòkɔ ney nê yõ, tě we de. ¹⁶ Yerusalemɪ gbòplo kwlo névyé náhnáh ñtě tɔ sò με pé yámpúle n tē n pɔ n pɔ, à tahlɪ névyé tyí, sétǎn-á sò με nónóne n kwlo. Té pé pól sò με dénmonole n we.

Yesu tēntò névyé fǒhnóle

¹⁷ Képah tēne, sárká syínwilkɪpu yõtě ñgbě ànê ñ náh névyé pólle nónó-á Sadusē névyele, pé tyah dyóyókile n pɪ Yesu tēntò névyele, ¹⁸ té pé tē kyɪ dah mɔ wòkònpèkè sòkɔ. ¹⁹ Nte lékǎh-á pɔ mɔ, Tě ñgbě yínyõ tǎnpɪ yó pɔ wòkònpèkè mè yah yɪkɪ mɔ ànê ké sòkɔ táh vì yeyne, à Yesu tēntò névyé wilki, té yo pé tyí ne: ²⁰ «Yé kyɪ Liyel ní-ńsah gbô sòkɔ, yé kyɪ min sǎn tyi nópi pól yo névyé tyí.» ²¹ Wey mè-á yo pé noh sě, séngbǒ púpúle, pé με yuku kyɪ Liyel ní-ńsah gbô sòkɔ, à kyɪ tyah kwónóle n pɪ.

Légbíne, sárká syínwilkɪpu yõtě ñgbě ànê ñ náh névyé με kyɪ tukey tükèpu finkɪ ye ànê Yisrayel gběnyah yèwàhni pólle. Té με sràsyíbí tō ne, pé kyɪ Yesu tēntò névyé wilki n pɔ wòkònpèkè sòkɔ. ²² Nte pǎh kyɪ yīni tē, pé náh pé we wòkònpèkè sòkɔ. Pé με pé syɪ pɔ ké yah yo pé yõtām tyí ne níkě, ²³ pǎh kyɪ wòkònpèkè yah we tēnmonole palle ànê ké sòkɔ táh vì yey tole, sé syíkípúle tēnóle pé tē-ñtǎn sòkɔ. Nte pǎh se mó tǒ sè yɪkɪ mɔ de, pé náh ney we sé sòkɔ. ²⁴ Pǎh yo sě, yī mè nóhnó Liyel ní-ńsah gbô syíkípú yõtě dí ànê sárká syínwilkɪpu yõtām fòkɔ fil. Pé με wēne n piki n yah Yesu tēntò névyé tyí-á pɪ dùkù nēne. ²⁵ Pǎh με képah sòkɔ, ññi yó pɔ yo pé tyí ne, névyé nónó-á pé dah mɔ wòkònpèkè sòkɔ, pǎh με névyele n kwɔ Liyel ní-ńsah gbô sòkɔ.

²⁶ Képah tēne, Liyel ní-ńsah gbô syíkípú yõtě dí ñ no tē, à pé nyáh sò. Pǎh kyɪ, tíkí pé tē ne pǎh kɪ ne pé pé tē gbùgbù, névyé káh pɔ pé minki ko dyèhle. Kǎh pɪ sě, pé pé ye yárr, à sòkɔ. ²⁷ Pǎh kyɪ yīni tē péle tukey tükèpu finkɪ tyí, sárká syínwilkɪpu yõtě ñgbě με pé syah ne, ²⁸ pé kó lésò kè tū pé tyí ne, pé káh tǒ kwónó pɪ n yah dí mè yīn yõ nɪ? Té pé yah, pǎh pé kwónó tǒ mɔ Yerusalemɪ kwil pól sòkɔ, té tǒ με ñ kǔ plòle n twah pépi yõ kè! ²⁹ Nte Pyerɪ ànê Yesu tēntò névyé téló με yo pé tyí ne: «Á kɪ Liyel dyo yǐ tē ye sǒ, té kɪ névyé

tyíle n pi? ³⁰ Yesu nê-á yé ko mo dahnũ yõ, á náh tãñ Liyel ye ñ lékó yilki mo, ³¹ té à yõ dɔkɔ sɔkɔ, à kyɪ à sah ñ gbõyò sòlɛ. Té à pi yòtɛnɛ, ànê pwáhnmo-òlɛ nɛ ñkɛ, ñmo gbõ yõ Yisrayel tãñ fẽ pé nno vi mo, pè mó pé tyípêl yõnmɔno wɛ. ³² Kéne tyi nónó-á Liyel pi, ápi ànê Liyel Mirki ye sé yónwàhpu kègbɔlɛ, wáh kèpah nêne névyɛ kɔ, nónó-á sah ñ tyí yõ.»

³³ Kèpah tɛnɛ, tukey tükèpu ònkì-á wɛlɔ nópi noh sɛ, pé fɔkɔ kah vyãh, fókó pè sò mɛ ké tyí nɛ, pé Yesu tɛntò névyɛ ko mo. ³⁴ Nte Farisiyɛ ney yó sò mɛ pé sɔkɔ pè n ye Kamalyelɛ. Liyel tyi kònsàhnó kwó-ò yó ye sò ñnɛ, nê-á névyɛ pól mɛ yòyénne n sah ñ yõ. Ñmo mɛ yuku yĩn tukey tükèpu ònkì niyókó té nɛ, pè Yesu tɛntò névyɛ wilki mo kègbó kwéy átre. ³⁵ Páh wil, à ñ syɪ yo pé no tyí nɛ: «Á no Yisrayel tãñ, yé yé gblõy kyomɪ yíi yé tyípínó sɔkɔ, à yuku díbí nópi ònnɛ dé! ³⁶ Ké náh tɔñi pi di mónóle kah, gbí nê-á Tedasɪ mɛ yuku ñ gblõy pi nɛ, né-ñgbɛ-á péwɔlɛ, té díbí népí kyeyéh (400) sɔno vi mo pè kɔ pè ñ sò tɛ. Nte wáh pɔ ko mo, ñ sò tɛpú pól náh karkɪ di? Ney se tɔ wũ? ³⁷ Ñmo tyí sókóntɛno náh, Kalile gbɛnyah dí Nsyudasɪ mɛ tɔ yuku kéne gbɛnyah névyɛ yãh gbíne, à pé náhnáh yõ yikɪ pè kɔ pè ñ sò tɛ. Nte ñ tɔ náh pɔ ko mo, té ñ sò tɛpú mɛ karkɪ di? ³⁸ Kèpah ye núkúnúkú tɛnɛ, mé kéle n yo yé tyí, yé yé vyɛy de no nópi tyí sɔkɔ, yé mó pè fin mo pè nɛ n yuku. Pé tir yáhtokɔno, kèpah náh pi, pé tyípíní mɛ-à kɪ mɛ wil névyɛ tɛ tyí, kè kɪ tyɛ ké gblõy. ³⁹ Nte káh kɪ mɛ wil Liyel tɛ wɔ tyí tótó, yépi náh fẽ kè yikɪ n pi. Yé kyòmínó pi, yé káh pɔ tyah Liyel wɔlɛ n fwo dé!»

Kamalyel-á yo sɛ, pé no sah ñ tyí yõ. ⁴⁰ Pè mɛ tɔ Yesu tɛntò névyɛ ye de, à pɔ pè ko yéfòhle. Té kè yahle pé tyí nɛ, pè káh tɔ Yesu tyíle n yãh, té pè fin mo. ⁴¹ Nte Yesu tɛntò névyɛ sò mɛ ñivìni sɔkɔ kègbɔlɛ, páh n yal tukey tükèpu ònkì wró gbí nêne, páh sònpíle kè kyomɪ wɛ nɛ, páh yĩne fòhnóle Yesu yĩnne. ⁴² Kèpah sɔkɔ, sòmésó pè n nɛ n mɛ Liyel ní-ńsah gbô ànê kétlo sɔkɔ, ñ névyɛle n kwɔ, ñ té Ñivìni tirlɛ n yo pé tyí Yesu Krista tyí yõ.

6

Yòke tɔnsàhndibipu yáhnwìlkinóle

¹ Légbíne, wãh sò mɛ n mo Yesu tò sáhpú nédán yõ. Kèpah sɔkɔ, Krekɪ wey wékípú tyah n wɛkɪ nɛ, sòmésó pé no Yebre

wey wékípú-á me n sykɪ pépi pékúsyɔ yõ yõke dibi gbíne. ² Káh pi sɛ, Yesu tɛntò névyɛ népí gbõnimí me Yesu tò sáhpú tówú pól ye tuke, té yo pé tyí ne, kè náh yíne pépi Liyel wey yónó yal n mɔ, pé mó de tɛ yõke díbínó sɔkɔ. ³ Képah-á, pé yúnpyé, pè díbí népí kwãrnimi yah n wilki pé sɔkɔ, nónó yíngbí-á me n yo, té Liyel Mirki me pè tɔkɔ, ànê lékám me pé sɔkɔ. Páh kɪ tò mè dahbɪ pépi gbõ. ⁴ Káh kɪ pi sɛ, pépi-á kɪ mó yõ sɔkɔ níri pínó ànê Liyel wey yónó tǒle. ⁵ Képah sɔkɔ, páh nê yo, tówú pól kè fɛ syi. Pè me Yetyɛnɪ yah wilki, ñmɔ nê Liyel yõ sɛnó-á sò me gblò, té Liyel Mirki me à tɔkɔ. A tahlɪ Filipi tyí, ànê Prokɔrɪle, ànê Nikanɔrɪle, ànê Timole, ànê Parmenasɪle, ànê Antyɔsyɪ kwil Nikolasɪle, ñmɔ nê-á lésò vi mɔ de Nsyifunɔ Liyel nínó wɛkì sɔkɔ. ⁶ Té me pépile Yesu tɛntò névyɛ wɛkɪ. Pépi me pé gbãn sah pé yõ níri pínó sɔkɔ, à sãm mɔ pé sɔkɔ.

⁷ Képah tɛne, Liyel wey sò me n tǒ n mɔ n yuku, té wãn me n mɔ n yuku náhnáh Yesu tò sáhpú nédán yõ Yerusalemɪ kwil. Sárká syínwìkɪpu tɔ náhnáh sò me fɛ syi sɛ Yesu yõ.

Yetyɛnɪ tɛnóle

⁸ Yetyɛnɪ sò Liyel pèpɔrɪ náhnáh we ànê ñ tɛnwɛnɔle. A sò me à tɔkɔ à gbɪl tyile n pi névyɛ nyó. ⁹ Képah tɛne, Nsyifunɔ tyah yékãble n pi Yetyɛnɪne. Pé tókùle, Liyel ní-ńsah wòkò nê-á pè n ye yõrɪ sɔkɔ wìlpu wòkòle, képah névyɛ ye. Pè n wil Sirenɪ kwil ànê Alékisãdri kwil. Pé tókù me n wil Šilisi gbɛnyah ànê Asi gbɛnyah sɔkɔ. ¹⁰ Té Liyel Mirki gbõ yõ, Yetyɛnɪ sò me n wɛkɪ lékámne. Képah ye, no nópi náh me tɛ we ñ wɛlɔle n kǒlɪ. ¹¹ Képah tɛne, pè kyɪ nósyó tɔkɔ póle ne pè pɔ yo ne, páh à we à me Moyisi ànê Liyel tyíle n yo n yɪkɪ. ¹² Pè képah pi, à tówú, ànê yèwàhnì, ànê Liyel tyi kònsàhnó kwópú mɔ Yetyɛnɪ yõ, pè kǒ pè à fyãh tɛ yuku ñne tukey tükèpu tǐnkì tyí. ¹³ Té tǒ tǎrfyò m̀nyobe yísyó yah, à yuku péle ne pè kyɪ yo ne, dí mè náh me n yal n mɔ Liyel ní-ńsah gbô ànê Moyisi tyi kònsàhnó tyí yónyɪkɪnɔle. ¹⁴ Páh kè noh ñ vyãh yah à me n yo níɛne ne, kéne Nasaretɪ Yesu mè-á kɪ pɔ Liyel ní-ńsah gbô sɔ n pi, té Moyisi-á pé kwɔ wàl nónónɛ, wãh kɪ sé tɔ vi mɔ. ¹⁵ Képah sɔkɔ, tukey tükèpu tǐnkì pól tyah Yetyɛnɪne n yah díkídíkí, té ñ yah we kè me yínyõ tǒnpi tyí kǒle.

7

Yetyěnu Liyel tyi yah yónóle

¹ Képah sɔkɔ, sárká syínwìlkìpu yòtě ògbě me Yetyěnu piki yah ne, no-á nêne n yo ò tyí sɔkɔ, gbí se kéle ni? ² Yetyěnu me yo ò tyí ne: «N súbì ànê ní yúnpyé, yé noh ní tyí. Gbí nê-á lésò á náh ney Abrahmí náh tǒnì me yal yuku Yarã kwil sɔkɔ, tǒrí nétě Liyel ye lésò wil ò yah Mesopotami gběnyah, ³ té me yo ò tyí ne: «Yal á gběnyah ànê á kéte tǎn wró, ò yuku gběnyah yó sɔkɔ, nê-á mé kí ò wěkí n pi.»* ⁴ Képah sɔkɔ, Abrahmí yal Kalde tǎn gběnyah sɔkɔ, à kyí tě Yarã kwil.† Képah náh, ò sú-á pɔ ku te, Liyel me à kǒ à yal Yarã kwil, à pɔ tě gběnyah mē sɔkɔ, nê sɔkɔ-á yépile núkúnúkú yò. ⁵ Té Liyel náh sò sétáh yó rítěne à kǒ ò tyíle ásò. Gbáhsúkí kénkǒ fyé tyahle, à náh kéle à kǒ. Nte à ò vyáhle à kǒ ne, páh kí pɔ gběnyah mē pólle à kǒ. Té kǎh kí tǒ pí ò pétóbé tǒ tyíle, òmɔ ké náh rítě sɔkɔ. Té légbíne, pí rítě náh sò me Abrahmí tyí. ⁶ Liyel me tǒ yo ò tyí ne: «Á pétóbé kí pɔ wil kí kyí n tē n pí gběnyah kǎhkí sɔkɔ. Nénpó sɔkɔ pé kí n pí n pí yòbìle, té kí fóhnó we, pópó ye kyeyéh (400). ⁷ Nte gběnyah kǎhkí nê sɔkɔ-á péle yǒrì sɔkɔ, òmɔ Liyel tukey kí n syíkí n pí kéne gběnyah tǎn yò. Té képah náh, pé kí wil yǒrì sɔkɔ nénpó, kí pé syí pɔ òmɔ yín gbilki ásò.» ⁸ Képah yóntenɔ náh, Liyel me yégbékè kwɔ mɔ Abrahmíne, képah nê-á kí sò ò wěkí n pí kǒkè kǒnó sɔkɔ. Képah ye, Abrahmí-á pɔ Yisakí dubi, à me à kǒ ò dúbínó sèpìn kwártǒ-ò sòle. Yisakí tǒ me pɔ ò pídí Nsyakɔbí kǒ. Nsyakɔbí tǒ me pɔ ò dínpi nēpí gbōnimí kǒ, pépi nónó-á ápi yìkìni gbōninó náh tǎnne.

⁹ Képah náh, á náh tǎn pɔ tyah pé gběndí Nsyosefu dyòle n yo. Té à tě yám yòle, pé kǒ pé sɔkɔ òne Yesyipti gběnyah. Nte Liyel sò me Nsyosefule. ¹⁰ A ò yò wilki yènyáhnpèl nópì sɔkɔ, té lékámne à kǒ yí, té Yesyipti yòtě dí Farawó yí kǒ kè yuku òne. Képah sɔkɔ, à me à pí ò gběnyah ànê ò tǒrí kéte pól yah tē-òle. ¹¹ Té kwénpékè yó pɔ de Yesyipti gběnyah ànê Kanah gběnyah pól sɔkɔ, à pí yèvyáhrì ògběne pé tyí. Ké pékénkàhnmɔnɔ tě tyí, á náh tǎn náh tǒ sò me kwáh yó rítěne n we n yò.‡ ¹² Té Nsyakɔbí-á pɔ kè we noh ne, yòke-á me Yesyipti sɔkɔ, ké gbenne, à á náh tǎn tekí mɔ

* 7:3 7.3 - Yah n te Yenest 12.1. † 7:4 7.4 - Abrahmí lésò me Kalde gběnyah sɔkɔ, Mesopotami sétáh yò. ‡ 7:11 7.11 - Kanah gběnyah me ye pé n ye Yisrayel gběnyahle núkúnúkú.

nénpó, pè kyí yòke yah pò, pépi nónó-á n wěnpìlè. § 13 Páh tǒ pò pé syi yuku ke ní-òlè, Nsyosefu me n gblǒy tyí yo wah n nénkyíbí tyí. Káh pì sě, Farawǒ me Nsyosefu duku wìl-nsah pǐ. 14 Képah sòkò, Nsyosefu tǐntǒ mɔ ne, pè kyí pé sú Nsyakòbì ànê n no pól tǐ n pò. Pè sò me nǐpǐ tikitǒnǐ pò gbām pò kwlóle. 15 Sě ye Nsyakòbì me yuku pò tǐ Yesyipti gběnyah sòkò. A syi pò ku nénpó ànê á náh tǎn tò pólle. 16 Pé lékyí me twah kyí yǐ Sisyemí kwil diki yó sòkò, nê-á lésò Abrahmí dwe Yemòrì wěnpǐ tyí.

17 Liyel-á lésò n vyǎhle Abrahmí kǒ nê yinne, ké pì gbí-á pò n nò, ápi no kwel náhnáh Yesyipti sòkò. 18 Té yǒtǐ késán yó-á pò dǎkò Yesyipti yǒ, òmò náh sò Nsyosefule n pne. 19 A me vi syíkí á no yǒ. N nǐpǐkè kàhnmòno tǐ tyí, à á náh tǎn kyí mɔ, pè kǒ pè pé wěnpǐ yrǒ milki sah kégbó pé ku yinne. 20 Légbí mè ó sòkò ye Moyisi dubi. A kah ple yǐ, ànê n tyí nò Liyel tyí. Pè à pu nǔwǒlǒ tǒnó n sú gbò. 21 Képah náh, pè à tǎkò kyí milki.* Farawǒ písè me à we tǎkò. A pò à pu n yěngbě pídí sǒ. 22 Káh pì sě, lékám tyi nónó pól-á sò me Yesyipti sòkò, Moyisi kwónó we sé pól yǒ. Képah ye, à pì wěntǎhnì wékí-òlè ànê tyítǎhnì pì-òlè.

23 Té wǎh pò nò ye tikininíne gbí nêne, à kè sǒ we ne, páh kí kyí yah pé yǐnpyé Yisrayel tǎn tyí. 24 Wǎh kyí, à kyí yǐne n tyí névi yóle, Yesyipti ney yó me n fǒh. Moyisi tyí névi fǒhnó yrǒ tǐ tyí, à n vyǎh syi, à Yesyipti ney mè ko mɔ. 25 Moyisi sò me n sǒ ne, pé no Yisrayel tǎn-á kí n pǐ n pi ne, Liyel-á kí péwò tǎkò, kí pè wilki n pi pé yǒrì sòkò. Nte pè náh tǐ we kè pǐ n tyí. 26 Ké dǐndalle, à tǒ kyí Yisrayel tǎn nǐpǐ ními yísyó we, pè me n fwo. A ne pé pè syi mɔ, té yo pé tyí ne, pé no, pépi ó-á pé yahle. Té kwáh nê se pè wěne n fǒh nì? 27 Nte nê-á sò n fǒh n ní-òlè, òmò Moyisi syah ne níkě, nê se sah òne pépi yǒtǐne ànê pé tǔkè-òlè nì? 28 Péwò kònmò-nsah káh kí nê, á n yah n kǒ, wǎh nníníne Yesyipti ney mè ko mɔ sǒ dé? 29 Wǎh fyò képah yo, Moyisi to, té kyí tǐ Madyá gběnyah sòkò, à syi pò dǐnpi nǐpǐ ními we nénpó.†

30 A tǐ nénpó, pópó à ye tikininí pì. Képah náh, sǒ yóle, à sò me gběnnì sòkò, Syinayi yǒlì gbòpò, té yǐnyǒ tǒnpi yó wil n yah nyàh lǐpǒ sòkò, nê-á sò me n kǒ dukuni yó sòkò. 31 Yǐ

§ 7:12 7.12 - Yáh we pè ne kwekí-á de Yesyipti gběnyah sòkò, té tǒ ne Nsyakòbì-á yòke tyí noh nénpó, Liyel lésò lékámne Nsyosefu kǒ à yòkele n koh n sah, yòke pekí gbíne. Képah ye yòke kǒ kè pò we nénpó. * 7:21 7.21 Yah n te Yálnó 1.22 - 2.10. † 7:29 7.27 - 29 - Yah n te Yálnó 2.11 - 15.21 - 22.

mè wénó pɪ gbëndùnìne Moyisi tyí. Té wǎh me n nɔ n de ne, pé kè we yah yíí, à Tě ñgbě yónmɔnɔ noh ne níké: ³² <Á náh tǎn Liyel ye ñmɔle, Abrahmɪ, ànê Yisakɪ, ànê Nsyakɔbɪpi Liyelle.> Képah tǎne, tíkí Moyisi tǎ, fóó ñ wil n syah. A náh tǎ ñ nɪ syǎh ñ yah yǎ yah. ³³ Képah sɔkɔ, Tě ñgbě me yo ñ tyí ne: <Tyah nê sɔkɔ-á ále yò, nénpó me ñmɔ tyí yǎ. Képah ye, á lékyêh de. ³⁴ Mé ní no kwɔlɔ òkù we yíne Yesyipti gběnyah sɔkɔ, té pé gbínó yínpǎ noh. Mé pɔ pé wílkí-ñsah pé yǎri sɔkɔ. Képah ye, sɔkɔ! Mé ále n tekɪ mɔ ké tyí sɔkɔ núkúnúkú Yesyipti sɔkɔ.>‡

³⁵ Té kéné Moyisi nê-á lésǎ Yisrayel tǎn yahle, té à syah ne níké, nê se sah ñne pépi yǎtǎne ànê pépi tükè-òle nɪ? Nmɔ ó ye tǎ Liyel tekɪ mɔ yǎtǎne ànê pwáhnɔ-òle yínyǎ tǎnpɪ gbǎ yǎ, nê-á lésǎ wil ñ yah dukuni sɔkɔ. ³⁶ Moyisi ye wilki Yisrayel tǎnne Yesyipti gběnyah sɔkɔ, té pne yónsyâh kah péle, té tǎ péle gběnnɪ sɔkɔ pópó ye tikinini. Liyel gbǎ yǎ ye à pɪ sépi pólle gbíl sɔkɔ. ³⁷ Té ñmɔ ye tǎ yo Yisrayel tǎn tyí ne: <Liyel kɪ yé sɔkɔ ney yó tekɪ n mɔ n pi. A kɪ pɔ pɪ Liyel tǎntǎ syínyo-òle ñmɔ tyí kǎle.>§ ³⁸ Gbí nê-á sǎ Yisrayel tǎn me tükènmɔnɔle gběnnɪ sɔkɔ, ñmɔ ye tǎ sǎ we syi yínyǎ tǎnpɪ tǎntǎle Syinayi yǎli yǎ, à pɔ yo á náh tǎn tyí. Sǎ ye à we syi min welɔle Liyel tyí, à yo á tyí.* ³⁹ Nte á náh tǎn náh fǎ syi sah ñ tyí yǎ. Pè à yahle, té sǎ me n sǎ ne, pé pé syi yuku Yesyipti sɔkɔ, ⁴⁰ té me yo Arǎ† tyí ne: <Moyisi nê-á tǎ wil ápile Yesyipti sɔkɔ, á náh tǎ me pǎ, kéné Moyisi tyí-á me pɪ sǎ dé! Képah ye, yí yísyó pɪ á kǎ líyelnlóle, sè á yahle n tǎ.>‡ ⁴¹ Kéné sèpǎn sɔkɔ, pé me tǎ yó mɔ náhpír kètòle, té sárká wilki ké yǎ, à ñivìnì syáh syah, à pé gběnpɪnɪ gbílki.§ ⁴² Képah tǎ sɔkɔ, Liyel ñ náh vi pé kǎ, té pé fin mɔ sah ñwǎ kèpye gbílkinó sɔkɔ, sǎ-á Liyel ñ tǎntǎ syínyopu kǎ pé kè wǎrkɪ sah pé sébéy sɔkɔ ne níké:

<Yisrayel tǎn, yah yípêy nónó ko sárkále

pópó ye tikinini gběnnɪ sɔkɔ,

yé se me n sǎ ne, ñmɔ tyí-á yé ko séle?

⁴³ Óǎ dé! Yé tǎ nê yǎn-á Molokule, képah yèpir ye yé twah, à tahlɪ yé ñwǎ kèpil tǎ tyí tyí, nê-á yé n ye Wrefanne.*

‡ 7:34 7.30-34 - Yah n te Yálnó 3.1-10. § 7:37 7.37 - Yah n te Tǎnyonɔ 18.15,18.

* 7:38 7.38 - Yah n te Tǎnyonɔ 5.1-33, ànê Yálnó 19.1 - 20.17. † 7:40 7.40 - Arǎ mène, Moyisi nénkyí dí ye sǎ ñne. ‡ 7:40 7.40 - Yah n te Yálnó 32.1. § 7:41 7.41 - Yah n te Yálnó 32.2-6. * 7:43 7.43 - Molokɪ ànê Wrefanne, Nsyifunɔ tnǎ tǎnpɪ tǎn yísyó ye sǎ séle.

Kéne tãn ye yé pɪ sah yé gblɔ̃y tyí, té séle n gbilki.
Képah ye, mé kɪ yé tẽ sɔkɔ, fɔ́ó Babilonɪ kwil náhle.»†

44 Képah yóntenɔ náh, Yetyẽni tɔ̃ yɔ̃ sɔkɔ yo pé tyí ne: «Á náh tãn-á sò me gbẽnnɪ sɔkɔ gbí nêne, yèpir yó sò me pé tyí, nê-á n wẽkɪ ne, Liyel-á me péle. Liyel sò kè yah kɔ̃ Moyisi tyí ne, à yèpir mè pɪ sɔ̃-á pé à wẽkɪ ké pínóle gbrámgbám. 45 Képah náh, á náh tãn pɔ yèpir mène pé wẽnpɪ kɔ̃. Nsyosye ye sò pɪ pé yah tẽ-òle, pè yuku kéne yèpirle à kyɪ nékáhbí gbẽnyahnó syi, Liyel-á nónó yini yal. Képah sɔkɔ, yèpir mè me tẽ nénpó, pópó à pɔ syɪ yòtẽ dí Davidi gbí tyí. 46 Té Davidi tyí sò kah nɔ Liyel tyí. Képah sɔkɔ, n tɔ mó Liyel ni ne, à ye pé wòkò yó mɔ à kɔ̃, ñmɔ nê-á Nsyakɔbɪ Liyelle. 47 Té n pídí Salomo ye pɔ pɪ kéne wòkò mó-òle Liyel tyí. 48 Nte Yòtah Liyel náh mó tɔ̃ n tẽ névi gbò wòkònmɔni sɔkɔ, sɔ̃-á Liyel tẽntò syínyo-ò yo kéle ne,

49 Tẽ ñgbẽ-á ne ñkẽ: <Yínyo ye pɪ ní tɔ̃rí kòle, sétáh me pɪ kòpírlé, ní gbáhkì súnsàh-ñsahlé. Té wòkò nê dùkù me yé kɪ fẽ mɔ ñmɔ kɔ̃ wé?

Nmɔ se kɪ fẽ tẽ yépi wòkònmɔni sɔkɔ?

50 Nmɔ gbẽnpɪnɔ náh yíyìn pólle di?»‡

51 Képah náh, Yetyẽni tɔ̃ yo tukey tükèpu tyí ne: «Nikisekókó névyé nópɪ, yé yé nno ànê yé ní tah tũ, à yahle Liyel wey nóhnóle, té me Liyel Mirki yahle pɔ kwey nɔ. Yé me yé náh tãn tyí kòle. 52 Liyel tẽntò syínyo-ò yó ñtẽ se me, nê-á yé náh tãn náh à fòh yah? Négbí nê-á Liyel tyí, nónó-á n pónó tyí yo sah kèkòyó, pè náh pépi tɔ ko mɔ di? Nte núkúnúkú, kéne négbí náh yépi vi ñ náh, té à ko mɔ di? 53 Yínyo tònɔpɪ ye Liyel tɔ̃, pè pɔ Liyel tyi kònsàhnó yo yé tyí. Té yé yahle kólóle sé wàl yò.»

Yetyẽni kònmɔnɔle, ànê kãh yĩne Sole tyí sɔ̃

54 Yetyẽni-á welo nópɪ yo sɛ̃, kè tukey tükèpu kah yo kah mɔ, fɔ́ó pè pé yníne n tah yɔ̃ tẽ tyí. 55 Nte Liyel Mirki tẽ-á me Yetyẽni tɔkɔ sɛ̃, à tyah yínyòle n yah díkídíkí, té Liyel tɔ̃rí we ànê Yesule yúkúnyĩntténóle Liyel gbòyò sòle. 56 Képah tẽ sɔkɔ, à ne: «Yé yah, mé me yínyòle n yah yíkínmɔnɔle, té Névi Pídí me yúkúnyĩnnóle Liyel gbòyò sòle.» 57 Névyé-á képah noh sɛ̃, pè gbo mɔ wòhòh, té pé ní sni tũ, té to tuke pé pólle ñ yò. 58 Té à yɔ̃rɪ wil kwil náhle. Képah sɔkɔ, nónó-á sò pè ye pɔ pɪ tàrfyòle, pépi me pé fwòmò-ñgbnɔ de sah

† 7:43 7.42-43 - Yah n te Amɔst 5.25-27. ‡ 7:50 7.49-50 - Yah n te Yesayi 66.1-2.

kètěnpìkì yó tyí, nê-á pè n ye Solele. Té pè tyah Yetyěnnε n minkì dyêhle, ò ku ku tě yõ. ⁵⁹ Nte pãh me Yetyěnnì mínkínò sòkò dyêhle sě, à sò me nírìle n pì ne ríkě: «Tě ñgbě Yesu, ní min yohnù n syi.» ⁶⁰ Té me ò gbètukunò di, à yo yínpò ñgběne ne: «Tě ñgbě, káh pé tyípekè mè mò n kò.» Képah yóntenò ñsò, à ku.

8

¹ Té pãh à ko mò sě, képah nò Sole tyí.

Sole-á Yesu yõ sěpú fõh òkù nêne

Képah sòkò, Yesu yõ sěpú ònkì kàhnfõhnò núkú tyah Yerusalemì sòkò lésòle. Káh pì sě, à wil Yesu těntò névyε tyí sòkò, Yesu yõ sěpú télò pól to karkì de kwlo sòkò, nónó-á me Nsyude gběnyah ànê Samari gběnyah sòkò. ² Nte névyε nónó-á sò me Liyel wěkì těno plε, pé yísyó me Yetyěnnì lékò tokò yí, té ò kù pò kah gbo. ³ Nte Sole tě wò sò me n yah n kò Yesu yõ sěpú ònkì duku tó-ńsahle pnépné. A sò me n de n kò gbèn sòkò, à Yesu yõ sěpú díbí ànê syóle n tē n yorì n wilki n dah n mò n pò wòkònpèkè sòkò.

Filipi Liyel wey yónóle Samari gběnyah sòkò

⁴ Képah sòkò, Yesu yõ sěpú nónó-á sò karkì kò, pépi mó me Nìvìnì tirlε n yo n kò tãntãn pól sòkò. ⁵ Té pé sòkò ney nê-á pè n ye Filipile, ñmò me kyì kwil yó, Samari gběnyah sòkò, à kyì tyah Krista tyíle n yo nénpó. ⁶⁻⁷ Képah tēne, sétàn kwìnkì nónó-á sò me déntěnole névyε sòkò me péle n kwlo, sè sò me n kah n de n syi, té n wil pé sòkò, té wil kúnó névyε ànê gbáhkì núkú névyε náhnáh to sò me dénmònole n wε. Képah sòkò, tówù-á Filipi gbìl pínó tyí yónó noh, té kyì sè wε sě, pé pól pé sòno pì núkúle, à ò welole n tō n sah n nohnù. ⁸ Káh pì sě, nìvìnì ñgbě wε kéne kwil.

⁹ Té légbíne, dí yó lésò me pè n ye Simole. A sò me těnole kéne kwil mè ó sòkò di mónóle. Ñmò sò me snèy tyile n pì, nónó-á me Samari gběnyah tãn gbàn du kègbule, té me ò gblòy pì né-ñgběne. ¹⁰ No pól sò me mò ñne, à tokò wěnpì tyí, à kyì sah yèwàhnì tyí. Té me yo tū ne ríkě, Liyel tēnweno nê-á pè n ye Ngběne, képah-á dí mène. ¹¹ Té dí mè sò me gběndùnìne n pì pé tyí ò snèy sòkò di mónóle, képah ye pè kò pè mò ñne. ¹² Nte Filipi-á pò Liyel tōrí Nìvìnì tir ànê Yesu Krista tyí yo pé tyí sě, pé sě ké yõ. Té díbí ànê syó me à kò à pè wel wilki ní sòkò. ¹³ Képah sòkò, Simo rítě to sě Yesu

yõ, té Filipi kǒ à à wel wilki ni sòkò. A náh tǒ sǒ me ké tyí ne pé yal Filipi tnô. Té gbíl tyi ñgbnò nónó-á sǒ me n pì à n yah, sè sǒ me pì gbě̀ndùnìne n tyí.

¹⁴ Képah tǔne, Yesu tǔntǔ névye-á tǔ Yerusalemí kwil, té noh ne Samari gbě̀nyah tǎn-á Liyel wey fě syi sě, pè Pyerí ànê Nsyǒ tekí mǒ pè kǒ. ¹⁵⁻¹⁶ Pǎh kyí de Samari sòkò, té Yesu yǒ sǔpú nónó we nénpó, Liyel Mirki náh tǔnì sǒ me tiki pé sòkò yó ntě yõ. Pè sǒ me wèlnwìlkinó we ni sòkò Tě ñgbě Yesu wǒ yīn yõ. Kǎh pì sě, Pyerí ànê Nsyǒ me tyah nírìle n pì pé tyí, ne pè Liyel Mirki we. ¹⁷ Pè sǒ me pé gbǎn sah no nǒpí yǒ à nírìle n pì pé tyí. Képah sòkò, pè me Liyel Mirki wě.

¹⁸ Képah tǔne, Simo-á kè we Yesu tǔntǔ névye pé gbǎne n sah pé yõ, pè kǒ pè Liyel Mirkile n we sě, à pǒ pólè Pyerí tyí, ¹⁹ té ne, pè péwǒ tǒ kǒ kéne tǎhkìle. Képah sòkò, pǎh fyò pé gbǎn sah nê yõ, tǔ Liyel Mirki we. ²⁰ Wǎh yo sě, Pyerí me à syah ne, n tyí yíkí n to ànê n pó tǒle, wǎh sǒnpìle n sǒ ne, páh kí fě Liyel yínkǒnǒ kwáh dwe pólè. ²¹ N nì-á me kètúkùyǒ Liyel yah. Képah-á, we we tǔ náh me n tyí yī mè sòkò. A náh yīne kéle pólle. ²²⁻²³ Páh kè we ne, dyóyókì kèpèkè-á yuku sah n nìle, ànê wǎh me tyípèkè yǒrú sòkò. Képah-á, à n nì vi mǒ, à mó Tě ñgbě Liyel ni à kǒ à n fókósǒnǒ pèkè mè yǒ mǒ à kǒ, kǎh kí fě n pì n pì. ²⁴ Képah sòkò, Simo me yo Pyerí ànê Nsyǒ tyí ne, pépi Tě ñgbě Liyel ni pé tyí pé gblǒy. Kǎh kí pì sě, tyi nónó-á pè yo pé tyí, sé sòkò yó ntě náh pé nǒ n pì.

²⁵ Képah náh, Pyerí ànê Nsyǒ-á tyi nónó pī Yesu tyí sòkò, pǎh sè yǎh te névye tyí, té Tě ñgbě wey yo te pé tyí gbí nêne, pè pé syi n yuku Yerusalemí kwil, té me Nìvìnì tìrle n yo n yuku kwìlpì náhnáh sòkò wěkì yah, nónó-á me Samari gbě̀nyah.

Filipi Liyel wey yah yónóle Yetyopi gbě̀nyah né-ñgbě yó tyí

²⁶ Sǒ yólè, Tě ñgbě yīnyǒ tǒnpì yó pǒ yo Filipi tyí ne nǔkě, à n gblǒy vi, à mó n yah mǒ gbǐngboke gbǒyǒ sǒle, à wěkì tǔ, nê-á wil Yerusalemí, à n tiki n yuku Kasa kwil. Kéne wěkì mè yǒ kópú náh me fwó. ²⁷ Képah sòkò, Filipi núkú yuku kéne wěkì tǔ. Wǎh n yuku, dǒ, à Yetyopi gbě̀nyah né-ñgbě yó we.* N mǒ ye sǒ Yetyopi yǒtǔ pi Kǎndasí tǒkò sah n tǎhrú yǒtǔne. A sǒ kyí Liyel ni Yerusalemí sòkò. ²⁸ Té wǎh n syi

* **8:27** 8.27 - Dìbì nónó pól-á sǒ tǒle n pì yǒtǎm fné sòkò, pè pè wǒ, ne pè kǎh pǒ pé yí wil syó tyí. Képah ye, Yetyopi gbě̀nyah né-ñgbě mè tǒ sǒ me wónóle.

n yuku n ònnè, à sò me kǒntǎnóle n wòtoro sòkò, me Liyel tǎntò syíno-ò Yesayi sébéyne n kar. ²⁹ Képah sòkò, Liyel Mirki me yo Filipi tyí ne, à kò n tel wòtoro mè tyí. ³⁰ Filipi me to tel ké tyí, té dí kàrnó noh. A sò me fí yóle n kar Liyel tǎntò syíno-ò Yesayi sébéy sòkò. Filipi me à piki yah ne, fí nê-á à n kar yò, à se me ké kórle n pne ni? ³¹ Dí me yo n tyí ne, sǒ se pé kɪ pĩ ké kórle, né ney náh ké yah yo pé syah ni? Té me ké yah kǒ Filipi tyí ne, à pò n dǒkò n kǒ n tǎ pé tnô wòtoro sòkò. ³² Té fí nê-á sò dí me n kar, kè me yónóle nénpó sòkò ne níkǎ:

«À sò pɪ kǎpó sǒ, nê-á pè tǎ n yuku kò-nsah;
képah náh pɪ, nê yè-á pè n kǒ,
té à náh n vyǎh fyò.

³³ Pè à yilo, té lékàhle à kǒ,
té à ko mǒ, n duku to kèkǒyó.
Nê kɪ tǒ n yǎh n no tyíle?»†

³⁴ Dí-á kar te, à me yo Filipi tyí ne, à kékwe, à yo pé syah, nê tyí se Liyel tǎntò syíno-ò Yesayi n yo sǎ yò ni? N gblǒy tyí se à n yo, tǐ nnî tyí se à n yo? ³⁵ Képah sòkò, Filipi syǒ kéne Liyel wey mè tyí, à Nìvìnì tir yo à syah Yesu tyí sòkò. ³⁶ Pǎh me wǎkɪ yǒ, pè kyɪ syɪ yo yó tyí. Dí me yo Filipi tyí ne níkǎ, yo-á yò, tir yó tǎ-à kɪ mé-nkǎne, páh me ké tyí ne, à pé wel wilki ni sòkò. [³⁷ A me yo n tyí ne, wǎh kɪ me sǎ Yesu yǒ n ni pólle, páh kɪ fǎ à wel wilki ni sòkò. Dí me yo n tyí ne, páh sǎ ké yǒ ne, Liyel Pídí-á Yesu Kristale.] ³⁸ Té me ne, pè wòtoro yǐn mǒ. Kǎh yǐn, à tiki ànê Filipile à kyɪ de yo, té Filipi me à wel wilki ni sòkò. ³⁹ Pǎh fyò wil yo sòkò, Tǎ ngbǎ Liyel Mirki núkú Filipi tǒkò sòkò. Yetyopi gbǎnyah né-ngbǎ mè náh tǒ à we. Nte à yǒ sòkò n kólóle nìvìnì sòkò. ⁴⁰ Té Filipi tǎ wǒ mó kyɪ n gblǒy we Asotɪ kwil. A me yǒ sòkò, à Nìvìnì tirlè n yo n yuku kwlo kwlo pól sòkò, wǎh n kah nónó sòkò, pópó à kyɪ de Sesarɪ kwil.

9

Yesu yónmǎnǎle Sole tyí

¹ Té légbíne, Sole mó sò me yǒ sòkò diríle n pɪ Tǎ ngbǎ Yesu tò sáhpúle, me n yah n kǒ pé kònmǎ-risahle. Képah sòkò, à kyɪ wil sárká syínwǐlkɪpu yǒtǎ ngbǎ tyí. ² Té yo n tyí ne, à sébéynóle pé kǒ, pé kyɪ Damasɪ kwil Nsyifunǒ Liyel ní-rítǎn vɪ yǒtǎm kǒ. Képah sòkò, páh kɪ kyɪ díbí ànê syǒ

† 8:33 8.32-33 - Yah n te Yesayi 53.7-8.

nónó wε nénpó, té pè me Tě ñgbě Yesu wěkìle n kò, pé pè tě n pukubi n pò Yerusalemı kwil.

³ Wăh sè wε syi, à wěkì tě n yuku Daması kwil. Wăh me yúkey kéle, kyòò yó núkú wil yínyò à kwe ñ yò pèrr, à à mǒ gbí. ⁴ Képah sòkò, à yó syíkì sétáh, té yínpǒ yó noh, nê-á me n yo ñ tyí ne: «Sole, Sole, kwáh nê pı té á ñne n fõh?» ⁵ Sole me piki yah ne, nê se ñmòle ni, pé Tě ñgbě? Kéne yínpǒ tǒ yo ñ tyí ne: «Yesu ye ñmòle, nê-á á n fõh. ⁶ Nte yuku n de kwil sòkò, té wáh yíne ñ nê pı, pé kı kè yo ñ syah.» ⁷ Té Sole-á sǒ me wěkì yò ànê nónóne, pé to sǒ me yínpǒ mène n nohni, té pè náh me ney wε. Káh pı sě, pé gbǎn du, pé yín tě syísí, pé náh me fě tirlé n yo. ⁸ Képah sòkò, Sole-á yuku yín, à ñ yí yíkì mǒ, té à náh tǒ me fě n yah. Pè me ñ gbò sòkò tě, à de ñne Daması kwil. ⁹ A sèpìn tǒnì pı nénpó yítũri sòkò, yòke yó-ńkène ànê ni wó-ńkène.

¹⁰ Té légbíne, Yesu tǒ sáh-ò yó sǒ me nénpó pè n ye Ananiasile. Tě ñgbě Yesu wil ñ yah, té ne: «Ananiasi!» Ananiasi me syi, té ne páh yò, Tě ñgbě! ¹¹ Tě ñgbě me yo ñ tyí ne: «Yuku ñ wěkì tě, wěkì nê-á pè n ye wěkì Tómmne. Wáh kı kyı Nsyudası gbò sòkò, ñ dí yó tyí piki n yah. Kéne dí n wil Tarsı kwil, pé ñne n ye Solele. A me Liyel nínó sòkò núkúnúkú. ¹² Té ñ nírí pínó sòkò, à dí yó wε pè n ye Ananiasile.* A me de pò ñ gbǎn sah ñ yò ne, à fě ne n yah ńtǒ.»

¹³ Képah sòkò, Ananiasi ne, ú, Tě ñgbě, névyé náhnáh-á dí mè tyí yáh pé noh, ànê wăh me Yesu yó sěpúle n fõh sǒ Yerusalemı kwil, páh ké to noh. ¹⁴ Té wăh tǒ sébéy wε syi sárká syínwilkıpu yǒtám tyí, à pò ásò sòkò ne, pé pò ñmǒ yéngbopu pól tě pukubi n sòkò. ¹⁵ Nte Tě ñgbě me tǒ yo Ananiasi tyí ne: «Ñmǒ ye yah tǒkò pı dí mène ní tǒnpıle ne, à ní tyíle n yo n kǒ névyé tyí, nónó náh pı Nsyifunòle, à tahlı pé yǒtám tyí, ànê Yisrayel tǎn to tyí. Képah ye, kyı ñ tyí! ¹⁶ Wăh kı kwlónó nê pı n pi ñmǒ yinne, mé kı kéle à wěkì ní gblóy.» ¹⁷ Képah sòkò, Ananiasi yuku sòkò. Wăh kyı de Nsyudası gbò sòkò, à ñ gbǎn sah Sole yó, té yo ñ tyí ne ńkě, pé yúnpi Sole, Tě ñgbě Yesu nê-á wil ñ yah wěkì yó wăh n pi gbí nêne, ñmǒ-á tǒ péle ñ tyí ne, á fě ne n yah ńtǒ, ànê Liyel Mirki mó à tǒkò. ¹⁸ Nénpó swǒ, yí yísyó núkú wil Sole yí sòkò à pò kwe yěnkò gbró sǒ, té ñ yí me yíkì. A me

* 9:12 9.12 - Ananiasi sǒ pı ne dí nê tyí-á Liyel n yo pé tyí yò, péwǒ-á.

yuku, té pè me à wel wilki ni sòkò. ¹⁹ Képah náh, à yòke yõ, té n̄ syi tãhkì wε.

Sole Liyel wey yónóle Damasi kwil

Képah sòkò, Yesu tò sáhpú nónó-á sò me Damasi kwil, Sole tẽ à sèp̄in yísyó p̄i pépile. ²⁰ Té núkú tyah Yesu tyíle n yo n k̄õ Nsyifunò Liyel ní-ńt̄an v̄i sòkò ne, Liyel Pídí-á n̄ne. ²¹ Képah t̄ene, nónó pól-á sò me n̄ welole n nohni, kè pé gb̄an du. Pè tyah n yo ne, té ñmò kó lésõ n kah n fõh Yesu ȳin yéngbopule Yerusalem̄i sòkò ni? Té pé t̄enpukubinsòkò-ńsah ńt̄é-á à p̄o ásô sòkò, ne pé kyi péle sárká syínwilk̄ipu yõt̄am tyí dé! ²² Nte wãn sò me n t̄õ n m̄o n yuku Sole tãhkì yõ. A sò me kéle n yo n wah ne, Yesu-á Liyel yah t̄okò p̄i pwáhn̄m̄o-òle. Kãh p̄i s̄ẽ, Damasi kwil Nsyifunò yáh-ńsah tyε, tyíyóné náh t̄õ wε pé tyí.

²³ Képah sòkò, sèp̄in náhnáh sókónt̄enò náh, Nsyifunò p̄o yo sah núkú yõ ne, páh ki Sole ko m̄o. ²⁴ Té Sole me p̄o pé ȳínv̄i mè wε noh. Pè sò me kwil dé-ńt̄anne n syiki, ké lékãh ké gb̄int̄õ, ne pé à wε n ko n m̄o. ²⁵ Nte s̄õ yó lékãhne, n̄ tò sáhpú sò me ké tyí ne pé à pwah m̄o. Képah sòkò, pè à dah m̄o t̄òkò-ńgb̄ẽ yó sòkò à tiki m̄o k̄enkahn̄ne, nê-á kwil kore vi.

Sole syínyukunòle Yerusalem̄i kwil

²⁶ Képah sòkò, Sole sòkò Yerusalem̄i kwil. Wãh kyi ȳini tẽ n̄n̄p̄ó, à sò me ké tyí ne, pé kwr̄o m̄o Yesu tò sáhpú sòkò. Nte pépi náh sò me f̄ẽ s̄ẽ ké yõ ne, wãh p̄i Yesu tò sáh-òle kègb̄is̄i t̄ẽ yõ; képah ye tiki pè t̄ẽ. ²⁷ Nte Barnabas̄i w̄o me à t̄ẽ yuku Yesu t̄ent̄ò névye tyí. Té Sole-á sò T̄ẽ ńgb̄ẽ wε òkù n̄ene Damasi kwil w̄ek̄i yah, àn̄ê T̄ẽ ńgb̄ẽ-á yo m̄o n̄ tyí s̄õ, Barnabas̄i ké yah yo pé tyí. Té t̄õ kè yo pé tyí, wãh Yesu tyí yo n̄sãhle òkù n̄ene Damasi sòkò. ²⁸ A t̄okò légb̄í tyí, Sole kwr̄o m̄o pé sòkò, à Liyel weyne n yah n yo n k̄õ n̄sãhle T̄ẽ ńgb̄ẽ ȳin yõ Yerusalem̄i sòkò. ²⁹ A sò me n yãh àn̄ê Nsyifunò t̄ole, nónó-á Kr̄ek̄i weyne n w̄ek̄i, me yékãble n p̄i péle. Nte pépi w̄o sò me n̄ kòn̄m̄o-ńsahle n yah n k̄õ. ³⁰ Yesu yõ s̄ẽp̄ú-á p̄o kè noh, pè à t̄ẽ sòkò Sesar̄i kwil, à kyi à tek̄i m̄o Tars̄i kwil.

³¹ Légb̄íne, Yesu yõ s̄ẽp̄ú t̄ink̄i nónó-á sò Nsyude, àn̄ê Kalile, àn̄ê Samari gb̄enyah pól sòkò, pé pól sò me yèv̄uni sòkò. Pè sò me tãhkìle n wε, té me n k̄o T̄ẽ ńgb̄ẽ yah tiki

pínó sòkò, té Liyel Mirki gbò yò, wǎn me n mɔ n yuku pé nédán yò.

Yene de mɔ dùkùle

³² Té légbíne, Pyerì sò me tàntàn pólle n kɔ n kɔ. Képah sòkò, sò yóle, à tiki yuku Lida kwil Yesu yò sěpú tɔ tyí. ³³ Té kyɪ dí yó we nénpó pè n ye Yenele. Nyân sò me n wil ko; képah ye à sò me sě tě n sě sě kwâh yò pópó ye kwártɔnɔ. ³⁴ Képah sòkò, Pyerì me yo n tyí ne: «Yene, Yesu Krista ye ále n de n mɔ yò. Yuku, n té á sě sě kwâh yò tɔ n sah á gblɔy.» Wǎh yo sě, dí núkú yuku yīn. ³⁵ Képah sòkò, Lida kwil ànê Sarò gběnyah tǎn-á képah we sě, pé pól vi mɔ Tě ñgbě Yesu tyí yò.

Tabita kúnó ànê n yilkínmɔnɔle

³⁶ Pi yó lésò me Nsyope kwil sòkò Yesu tò sáh-òle. N yīn ye sò Tabitale, pè n ye Dorkasile Krekɪ wey sòkò. A sò pèpɔrile n pɪ gbímegbí, me yām tǎnne n yohnɪ n mɔ. ³⁷ Té kéne sèpìn sòkò, yam pɔ à fě mɔ, à ku. Pè me n lékó wel, té à tɔkò kyɪ sah yīnyò wòkò yó sòkò. ³⁸ Té kǎh pɪ Lida kwil ànê Nsyope kwil sò me yúkey wěne sě, Yesu tò sáhpú nónó-á sò me Nsyope sòkò, pè sò noh ne, Pyerì-á me Lida kwil. Képah sòkò, pè me dibí népɪ ními tɔ n tyí ne, pè kyɪ yo n tyí ne nkě, à n gblɔy ye, à mó pɔ pépi tǐnne súú. ³⁹ Pǎh kyɪ kè yo sě, à núkú yuku pè sòkò wě tyí. Wǎh kyɪ yīni tě, pè à tě dɔkò yuku yīnyò wòkò sòkò, té pékúsyɔ pól sò me nɔ de n tɔn me n gbo, té me fwòmò-ñgbnɔ ànê fwòmònpìle ñne n wěki, nónó-á Tabita tɪ gbí nê-á sò à me vile. ⁴⁰ Képah sòkò, Pyerì névyè pól kɔ pè wil kégbó, té n gbètukunɔ di à Liyel ni. Té me n yah vi pi lékó tǐnne té ne: «Tabita, yuku.» Pi núkú n yí yikɪ mɔ. Té wǎh Pyerì we, à yuku kɔ tě. ⁴¹ Pyerì me n gbò sòkò tě, à à yilki sah. Képah nǎh, à Yesu yò sěpú ànê pékúsyɔ ye pɔ ñne pè wěki vile. ⁴² Kǎh pɪ sě, yī mè tɔ mɔ Nsyope kwil ywɔ ywɔ pól sòkò, ànê pé nǎhnǎh pɪ Tě ñgbě Yesu yò sěpúle. ⁴³ Képah nǎh, Pyerì tě mo kwéy Nsyope sòkò sènpɪ dí yó tyí, nê yīn-á Simole.

10

Névyè ye dùkùle Liyel tyí, nónó nǎh pɪ Nsyifunɔle

¹ Dí yó lésò me Sesarɪ kwil pè n ye Kɔrneyle. Sràsýíbí yòtě yó ye sò ñne, Wrome tǎn sràsýíbí tǐnkɪ sòkò, nê-á pè n ye Yitalɪ gběnyah sràsýíbí tǐnkìle. ² A sò me Liyel wěki těnú

ple, me ò yah tíkíle n pɪ, té òmò ànê ò gbô tãn pól me òne n ni. A sò me Nsyifunò yãm tãnne n yohnɪ n mɔ náhnáh, té me Liyelle n ni gbímeḡbí. ³ Képah sɔkɔ, sò yó gbèkãm gbí kénkõ sɔkɔ, à wěkínó yó we. A Liyel yínyõ tònpi yó we pnéyy à de pɔ ò tinnè, à pɔ à ye ò yinne ne: «Kòrney!» ⁴ Nte Kòrney sò me yínyõ tònpile n yah díkídíkí tíkítíkí sɔkɔ, té à piki yah ne, kwâh nê se ni, pé yòtě? Yínyõ tònpi me yo ò tyí ne: «Wáh nírí nónóne n pɪ, ànê wáh yòhnìnmonɔ nónóne n pɪ yãm tãn tyí, Liyel yí me sé yõ. N dyɔ me n kwne á tyíle. ⁵ Núkúnúkú tẽne, nósýó wilki n tekɪ n mɔ Nsyope kwil, pè kyɪ Simo yó tẽ n pɔ, nê-á pè n ye Pyerile. ⁶ A me twáhntẽnóle sénpi dí yó tyí, nê tɔ yĩn-á Simole. N gbô me pne yo gbòpɔ.» ⁷ Képah sɔkɔ, yínyõ tònpi-á welɔ nópi yo te Kòrney tyí, té yal ò tnô, Kòrney núkú ò tònpiɔ díbí népí ní mí ye ànê sràsyí yóle, nê-á sò me tẽnóle ò tnô di mónóle, té me Liyel wěkì tẽnó ple. ⁸ Té me tyi nópi pól yãh pé tyí, té pè tekɪ mɔ Nsyope kwil.

⁹ Ké dindalle, pè sò me wěkì yõ sě, té pãh pópó n de Nsyope kwil sɔkɔ gbí nêne, gbí sò me yòtah sírr kénkõ sɔkɔ, té Pyerɪ me dɔkɔ gběntin yõ, me níríle n pɪ. ¹⁰ Képah sɔkɔ, kwekɪ pɔ à tẽ; à sò me ké tyí ne, pé yòke yõ. Té pãh me yòkele n pɪ ò tyí gbí nêne, Liyel wěkínó yóle à wěkɪ. ¹¹ A yínyõ we yíkínmonole, té kwâh yó me wil ké sɔkɔ, fwòpìn-ḡgbě yó sò, ké vyěyno rýáhle tẽnóle, té me n tiki n pi sétáh. ¹² Té gbyěh nyěh yí duke pól sò me ké sɔkɔ, ànê yí nónó-à n til, à tahlɪ kèpye duke pól tyí. ¹³ Képah sɔkɔ, Pyerɪ yínpõ yó noh kè me n yo ò tyí ne: «Pyerɪ, yuku n ko sé sɔkɔ ò kɔ.» ¹⁴ Nte Pyerɪ me Tě ḡgbě syah ne, pãh pɪ sò pile, pé náh dèl kwâh yó ítě yõ yah, képah náh pɪ, kwâh yó ítẽne, nê-á névile n silki Liyel yah. Képah-á, pé náh kè pɪ n pi pólle. ¹⁵ Képah tẽne, yínpõ mè tõ ké syɪ yo à noh ke ní-òle ne nkě: «Liyel-á kwâh nê wěkɪ kwáhpépěyne, áwɔ tyí náh ké wěkínóle ne, kãh me névile n silki Liyel yah.»* ¹⁶ Képah tẽ pɪ sě ke tónó, té Liyel núkú kéne kwâh yõ dɔkɔ sɔkɔ yínyõ.

¹⁷ Kãh pɪ sě, Pyerɪ lékám sò me fěkɪ, à me ò gblõyne n piki n yah wěkínó nê-á à we, ké yõ-á kɪ fě n pɪ n pi tĩr nêne. A me képah sɔkɔ, té Kòrney tẽntõ névyè mó me sénpi dí Simo gbô tyí piki yah kõ pɔ we, me yĩn tẽ ké yah, ¹⁸ té me n piki n

* **10:15** 10.15 - Liyel lésò gběnkɔ yísyó tyí yo Nsyifunò tyí ne, pè káh séle n kɔ. Yah n te Levitiki 11.

yah ne, Simo nê-á pè n ye Pyerile, à se me twáhntěnlóle ásô soko ni? ¹⁹ Nte Pyeri-á sô me yô soko n fokolé n sô wěkinó mè tyí soko sě, Liyel Mirki me yo n tyí ne à yah, dibí nępî tômí-á me ñne n yah n kô. ²⁰ Péwô-á tekî mō péle n tyí. Képah-á, à yuku n tiki n soko péle, à káh tòtò pi. ²¹ Képah soko, Pyeri tiki kyî no nópi tnô, té yo pé tyí ne, nê-á pè n yah n kô, ñmô-á péwole. Nkě, pè keyáh kô. ²² Pè me yo n tyí ne, srasyibi yôtě dí Korney-á tō péle n tyí. Négbí-á ñne, wăh Liyel yah tikiîle n pi, ànê Nsyifunô pól-á n yingbîle n yo. Yinyô tónpi yó-á kéle à wěki ne, wăh yîne à pō n tē n kyî n gbô soko, tyi nónó-á me á tyí yo yo tēne, á sè yo à syah. ²³ Képah soko, Pyeri me pé kô pè de gbô soko, à twah n tyí à lékâh pi.

Té ké dīndalle, à me pé sô tē soko. Té Yesu yô sěpú yisyô to sô soko péle, nónó-á n wil Nsyope kwil. ²⁴ Pé soko sô dīndalle, pè kyî de Sesarî kwil; té kyî ne yah Korney me n gbô tăn ànê n kódibi kęgblo ye tuke, me pō pè syki tē. ²⁵ Pyeri-á pō n de gbí nēne, Korney kyî à yohni, té kō kwînkî n yah, à à gbilki. ²⁶ Nte Pyeri me yo n tyí ne à yuku, té à yilki sah, té ne névi ó-á péwô tōle dō. ²⁷ Pè me képah yónó soko wě tyí, té de yuku gbô à kyî no nópi we tükentěnlóle pípi. ²⁸ Pyeri me pé syah ne, păh pî ne, dêl-á kéle Nsyifunô tyí, pè nâh n pi n soh wě tyí kwłókâhkî névyele, ànê pè nâh n de pé gbên soko kè. Nte Liyel-á kéle péwô tē wěki ne, pé nâh yîne pé ñnî yó n̄tēne n yah ne, wăh me sîlkinóle Liyel yah, képah nâh pi, ne à nâh yîne pínsòhnóle névye tyí. ²⁹ Képah-á, pé kô păh pé ye pé pō yékâb pí-rikēne. Nkě, pè se ki fě pé yénó yô yo pé syah ni? ³⁰ Képah soko, Korney me yo n tyí ne, ké sèpîn ñyêh-á yò, gbèkâm gbí mè ó kénkô soko, pâh lésô me nîrîle n pi pé wòkò soko. Té dō, pé núkú dí yó we yíntěnlóle pé yah tîne, wil flole përr n tyí, ³¹ té me pé ye pé yîne ne, Korney, Liyel-á pé nîrî tē; n dyô-á me n kwne pé pèporî pínó tyîle. ³² Képah-á, pé névye wilki n tekî n mō Nsyope kwil, pè kyî Simo ye n pō ásô, nê-á pè n ye Pyerile. Wâh me twáhntěnlóle sęnpi dí Simo gbô soko, pne yo gbòpō. ³³ Kâh pi sě, pé núkú névye tekî mō n tyí ne, pè kyî à ye n pō. N̄ to mó tō pi ple té fě syi pō. Núkúnúkú, pé pól-á ásô Liyel yah soko, n welo noh yîne, nónó pól-á Tē ngbē dahbi n gbô, ne à yo pé syah.

³⁴ Képah sòkò, Pyerì me wey tókò té ne: «Núkúnúkú, mé pĩ kègbì yò ne, Liyel náh n̄n̄i yó rítēne n wah. ³⁵ Névi nê-à fyò ò yah tíkile n pì, té me n kò gbì wěkì yò, tē-à sò me yìkì nê neyne, ò tyí n nò Liyel tyí. ³⁶ N̄mò Liyel ye ò wey tekì mò Yisrayel t̄n̄ tyí, à N̄v̄n̄n̄ tir yo pé tyí ne, yèvin̄-á n we Liyel tyí Yesu Krista gbò yò, n̄mò nê-á no pól Tē ògbēne. ³⁷ Nsyò-á kwní kò te ni sòkò wèlnwìk̄n̄ó tyí sòkò, képah náh, nê-á pì Kalile gbēnyah ògbò sòkò àn̄ê Nsyude gbēnyah pól sòkò, yé se mó kè pĩ té! ³⁸ Té Liyel sò me Nasaretì kwil Yesule. A ò Mirki àn̄ê tēnwenole à kò. Képah ye, à me n kò n kò t̄nt̄n̄ pól sòkò, à pèp̄orule n pì, té nónó pól-á sò me sēt̄n̄ yòtē yōrì sòkò, à sò me péle n wilki ké sòkò. ³⁹ Té w̄h̄ tyi nónó pól pì Yerusalemì kwil àn̄ê Nsyifunò kwlo t̄l̄ó sòkò, á pól ye sè we ȳine. Nte pé me à tē syi dah̄n̄i yò, à à ko mò. ⁴⁰ Té ké sèp̄in̄ t̄ò-ò s̄ole, Liyel me ò lékó yilki mò, té à kò à ò gbl̄oyne no wěkì, ⁴¹ n̄te à náh ò gbl̄oyne no pól wěkì. A ò gbl̄oyne ápi ó wěkì, ápi nónó-á lésò Liyel yah tókò pì Yesu lékó yilkin̄m̄onò wépú àn̄ê sé yáhp̄ule. Ápi lésò yòke yò, té wò wò kwāh̄ wò òne wē tyí, ò lékó yilkin̄m̄ontenò náh. ⁴² Képah sòkò, à me á tō ne: «Yé kyì Liyel weyne n yo n kò no tyí. Yé kéle pé wěkì ne, n̄mò-á Liyel sah vye àn̄ê lékyì t̄ukè-òle.» ⁴³ N̄mò Yesu tyí ye t̄ò Liyel t̄ēnt̄ò syinyopu pól yo ne, névi nê-à sē n̄mò yò, tē tyip̄el-á kù yò mò à kò n̄mò ȳin̄ yò.»

Liyel Mirki n̄osyó tókò, nónó náh pì Nsyifunole

⁴⁴ Képah sòkò, Pyerì sò me wékin̄ó sòkò sē, té Liyel Mirki tiki ò wey n̄ohn̄ipu pól yò. ⁴⁵⁻⁴⁶ Liyel-á Mirki nê kò, k̄h̄ t̄ò mò névye yò nónó náh pì Nsyifunole, pé kò pé wénk̄h̄k̄n̄óle n wèkì nónó-á pé náh sè s̄ah̄, té Liyelle n gbilki sē, képah pì gbēnd̄un̄ine Yesu yò sēp̄ú Nsyifunò tyí, pépi nónó-á sò pò àn̄ê Pyerile. ⁴⁷ Képah sòkò, Pyerì ne: «Névyè nónóne Liyel Mirki we te ápi tyí k̄ole, á kù fē yahle sò ne, pé k̄h̄ n wel n wilki ni sòkò?» ⁴⁸ Té me pé kò pé K̄orn̄eypi wel wilki ni sòkò Yesu Krista ȳin̄ yò. Képah sòkò, pépi mó Pyerì ni ne, à w̄ sèp̄in̄ ȳis̄yó pì péle.

11

Pyerì-á nê yo Yerusalemì kwil Yesu yò sēp̄ú tyí

¹ Té Yesu t̄ēnt̄ò névye àn̄ê Yesu yò sēp̄ú t̄l̄ó nónó-á sò me Nsyude gbēnyah sòkò, pé kè noh ne, n̄osyó t̄ò-á me Liyel wey fē syi, nónó náh pì Nsyifunole. ² Képah tēne, Pyerì-á pò ò syi kyì Yerusalemì sòkò gbí n̄ēne, Yesu yò sēp̄ú Nsyifunò

kyi tyah lékàhle ònne n kō, ³ té ne, à se sōnpí kyi de, à yōke tole n yō névye ònne, nónó nàh pi Nsyifunole ni?

⁴ Képah soko, tir mè-á pi sō, Pyeri ké yah yo wah po dal mo pé tyí wárwár ne, ⁵ páh sò me Nsyope kwil me níriile n pi, té Liyel wēkínó yóle pé wēki. Páh kwâh yó we kè me wil yínyō fwòpìn-ngbē yó sō, ké vyēyno nýáhle tēnóle, té me n tiki n pi à po yīni tē pé tnō. ⁶ Páh me ké yáhnó soko dikídiki, pé yípēy we ké soko, ànê gbēnkyole, ànê yī nónó-á n til, à tahlì kèpye tyí. ⁷ Képah tē soko, pé yínpō yó noh kè me n yo pé tyí ne: «Pyeri, yuku n ko sé soko ò kō.» ⁸ Nte pé me yo yínpō mè tyí ne pé Tē ngbē, pé nàh képah pi n pi, níkē páh pi sō pile, dèl kwâh yó ntē nàh de yah pé vyâh ànê kwâh yó ntēne, nê-á névile n silki Liyel yah. ⁹ Képah tēne, yínpō mè tō wil yínyō, me n yo ne níkē: «Liyel-á kwâh nê wēki kwáhépépēyne, áwō tyí nàh ké wēkínóle ne, kâh me névile n silki Liyel yah.» ¹⁰ Képah tē-á pi sē ke tōnó, té Liyel me tō kéné kwâh tōko doko yínyō.

¹¹ Té légbí mè ó soko, dibí népí tōmí mó me po yīn tē péwō mé-nsah gbō yah soko. Nnî-á tō péle Sesarì kwil, pé po péwō tyí. ¹² Té Liyel Mirki me yo péwō tyí ne, pé soko péle, pé kâh tòtò pi. Pé yúnpyé népí kénúkò nónó-á yò, pépi me pé sò tē à yuku Sesarì kwil. Pé pól kyi de Korney gbō soko. ¹³ Képah soko, Korney tō mó yo pé tyí ne, páh sò me pé gbō soko, té yínyō tōnpi yó wil mo pé yah, té yo pé tyí ne níkē, pé ney tēki n mo Nsyope kwil. Tē kyi Simo tē n po, nê-á pé n ye Pyerile. ¹⁴ Wâh ki po welo yísyó yo pé tyí, nónó-á ki pé pwah mo ànê pé gbō tãn pólle. ¹⁵ Korney-á képah yo te sē péwō Pyeri tyí, té pé fyò tyah à tyile n yo pé tyí, Liyel Mirki tiki Korneypi to yò, sō-á lésò kè tiki pépi yò ké tyah gbíne. ¹⁶ Kâh pi sē, péwō dyo to kō Tē ngbē Yesu wey mè tyíle, wâh nê yo ne níkē: «Nsyō névye wel wilki ni soko, nte yépi tē wole, Liyel ki yé tō sah ò Mirkile ki yé pi yályál.» ¹⁷ Nte pépi-á sē Tē ngbē Yesu Krista yò, té Liyel me ò Mirki nêne pépi kō, wâh fyò kéle no nópi to kō te pépi tyí kōle, nê se péwole ki fē Liyel tir yah kō ni? ¹⁸ Képah soko, névye-á welo nópi noh sē, pé pól vi, té Liyel yinne n gbilki me n yo ne, Liyel-á ntyíno ké wēkile névye to kō nónó nàh pi Nsyifunole, pé ki fē pé nno vi mo, ki tyé-níkē min we dé!

Antyosyi kwil Yesu yò sēpú tñkile

¹⁹ Yetyēni ko mo gbíne, pé sò me Yesu yò sēpúle n fōh. Képah ye, pé to karkì. Pé tókù soko Fenisi gbēnyah, tókù

sokɔ Syipri gběnyah, tókù me sokɔ Antyɔsyɩ kwil. Té pè náh sò me Yesu tyíle n yo ònî yó ntě tyí, né Nsyifunɔ ó tyí náh. ²⁰ Nte tókù sò me pé sokɔ, nónó-á n wil Syipri gběnyah sokɔ ànê Sireni kwil. Pépi-á pɔ Antyɔsyɩ sokɔ, pè sò me Nivini tirlé n yo no téló* tɔ tyí Tě ñgbě Yesu tyí sokɔ. ²¹ Té Tě ñgbě sò me ténwɛnɔle péle n kɔ. Káh pi sě, névye náhnáh vi mɔ Tě ñgbě Yesu wěkì yò, à pi ñ yò sěpúle. ²² Képah tēne, Yerusalemɩ Yesu yò sěpú tĩnkì-á képah noh sě, pè Barnabasɩ tekɩ mɔ Antyɔsyɩ sokɔ. ²³⁻²⁴ Barnabasɩle, népépěy ye lésò ñne. Liyel Mirki sò me à tɔkɔ, ànê Liyel yò sěno me ñ sokɔ kègbule. Képah ye, wáh kyɩ yini tē, té Liyel pèpɔri pínó we nénpó Yesu yò sěpú tyí sě, ñ ni vi. A me sóri mɔ pé pól sokɔ ne, pè gbah tē pé wró tel tē Tě ñgběne pé nno pólle. Képah tēne, tówù ñgbě fě syi sě Tě ñgbě Yesu yò. ²⁵ Képah náh, Barnabasɩ sokɔ Tarsɩ kwil, Sole yáhnkɔ-nsah. ²⁶ Wáh kyɩ à we, à à tē pɔ Antyɔsyɩ sokɔ. Pé ními tē à yi vi pól pi nénpó Yesu yò sěpú tĩnkile, à névye náhnáh tɔ we kwɔ Yesu wěkile. Nénpó ñgbò sokɔ ye pè Yesu tò sáhpú ye Kretyěbule. ²⁷ Té kéné sèpìn sokɔ, Liyel tēntò syinyopu yísyó wil Yerusalemɩ kwil, à pɔ Antyɔsyɩ sokɔ. ²⁸ Pé sokɔ núkú yó sò me pè n ye Akabusile. Té Liyel Mirki gbò yò, ñmɔ yuku kè yo ne ñkě, dǒ kwéy, kwénpékè-á kɩ n de n pi kékoyó pól sokɔ. Képah pínó pɔ Klode we, Wrome kwiltám yòtēne. ²⁹ Képah sokɔ, Yesu tò sáhpú kè yah tɔkɔ, à yīne pé nénúkú núkú pól gbàn yī wénónɔle ne, páh kɩ pé gbàn yī yísyó tuke mɔ, kɩ tekɩ mɔ Yesu yò sěpú kɔ Nsyude gběnyah sokɔ. ³⁰ Páh kè yah tɔkɔ sǒ, pè kè pi sě, té me yī nópilɛ Barnabasɩ ànê Sole gbò dahbi, pépi me kyɩ séle Yesu yò sěpú yah tām kɔ.

12

Nsyakɩ kònmɔnɔ ànê Pyeri dáhnmɔnɔle wòkònpèkè sokɔ

¹ Ké légbí mè sokɔ, yòtē dí Yerɔdɩ tyah Yesu yò sěpú tĩnkì névye tókù fóhnóle Yerusalemɩ kwil. ² A Nsyò nénkyí dí Nsyakɩ ko mɔ kèkirkile. ³ Té wáh kè we yī mè no Nsyifunɔ tyí sě, à tǒ Pyeri tɔ tē. Légbí pɔ yīne Nsyifunɔ búrn sě-ñkě syáh syáhnóle. ⁴ Wáh Pyeri tē sě, à me à dah mɔ wòkònpèkè sokɔ, té sràsyibí népí ñyêh tĩnkínó rýáh névye kɔ pè wēne n sah, à ñne n syikɩ. A sò me ké tyí ne, búrn sě-ñkě syáh-à kɩ sokɔ te, pé à tuke no pól yí yah. ⁵ Pyeri yah sò me víkénóle

* 11:20 11.20 Yah n te Welɔ yah yónó sokɔ, rýáh-á Krekɩ tyíle n yo.

wòkònpèkè sòkò, nte Yesu yò sěpú tĩnkĩ mó me Liyelle n gbah n ni ò tyí.

Liyel-á gbĩl nê pi, à Pyeri wilki wòkònpèkè sòkò

⁶ Té sò nê dĩndal-á Yeròdĩ kĩ Pyeri tuke n pi, ké lékâhne, Pyeri sò me púkúbinsàhnóle kěló pló nínóle, té me n do sràsýbí nēpĩ nímí wró. Té wòkònpèkè mè syíkípú sò me ké yah, me kéle n syíkĩ. ⁷ Nte nénpó swò, Tě ñgbě yĩnyò tònpi yó núkú wil mọ wòkònpèkè mè sòkò, ké sòkò pól piki pěrr. Yĩnyò tònpi mè me Pyeri mi mi ñ gbòpọ tyí à à yilki mọ, té yo ñ tyí ne ñkě, à yuku súú. Képah sòkò, kěló nópi núkú kòlĩ to Pyeri gbàn tyí, à kwe sétáh. ⁸ Képah tēne, yĩnyò tònpi tő yo ñ tyí ne, à ñ kō dyĩ ànê ñ lékyêhle. A me kè pi sě. Yĩnyò tònpi mè tő yo ñ tyí ne, à ñ fwòmò-ñgbě mọ, à mó pé sò tē. ⁹ Pyeri me ñ sò tē, à wil. Té yĩnyò tònpi-á tyi nónóne n pi, Pyeri náh sò me sě sé yò ne gblọ-á séle. A sò we ne dékí-á pé n do. ¹⁰ Pè wòkònpèkè syíkí-ńsah gben kal sòkò, té ké ní-ò to kal sòkò, té kyĩ syĩ vyọri wùkah gbĩnĩ tyí. Képah yah sò me mónóle kwil nuyó tĩnne. Ké to núkú yikĩ mọ ké gblọy. Pè me wil à wěkì tē n yuku. Dō, Pyeri núkú yĩnyò tònpi mè yah kwł. ¹¹ Képah sòkò, Pyeri yah pyě pi kyòo yĩ mène. A me ne núkúnúkú, páh pyě kè pĩ yĩĩ ne, Tě ñgbě-á tő ñ yĩnyò tònpile à pọ pé pwah mọ wilki Yeròdĩ gbò ànê Nsyifunọ-á sò me pèl nónóne n syíkĩ ne, sè péwọ nọ. ¹² Té Nsyò nê-á pè n ye Markile, Pyeri-á ñ fòkọ sò yah, à sòkò ñmọ yú Mari gbô. Nírĩ pípú náhnáh sò me tuke mọ tē nénpó, me Liyelle n ni. ¹³ Té Pyeri-á pọ gbô yah mi, tònpi pípír yó me pè n ye Wrodele, ñmọ me nọ de kéle, té píkinyahnọ pi ne, nê se ni? ¹⁴ Képah sòkò, Pyeri-á yo mọ, à ñ yĩ pĩ. Ké ñivìnì tē tyí, à pyě gbô yah sah yíkínmọ-ńkēne té ñ syĩ to kyĩ kè yo no téló tyí ne ñkě, Pyeri-á me yĩnttēnóle gbô yah. ¹⁵ Nte pè pyě ne, pípír yògbèkè-á yuku. Té wáh me kéle n gbah n yo ne gbì-á pé n yo, pè tő ne ñkě, Pyeri mírki-á kĩ nê à we. ¹⁶ Nte Pyeri wọ mó me wùkahle n tő n mi sě. Képah sòkò, páh pópó pọ wùkah yikĩ mọ, pè kè we kè pi ñmọle ntyĩnọ. Kè pi pé tyí gbēndùnne. ¹⁷ Pyeri me ñ gbò pi mọ pé tyí ne, pè pé vyěy vike. Té Liyel-á à yohni mọ dukù nēne à kō à wil wòkònpèkè sòkò, à de ké sòkò à kè yāh pé tyí. Té yo pé tyí ne ñkě, pè kyĩ kè yāh Nsyakĩ ànê pé yũnpyé Yesu yò sěpú téló tyí. Képah náh, à pyě wil sòkò fĩ yó.

18 Nte tyah-á pɔ dal, sràsyíbí fɔkɔ fil Pyerɪ tyíle. Képah sɔkɔ, pè wěne n piki n yah ne, ò tyí se pɪ sɔ nɪ? 19 Képah tēne, Yerɔdɪ pè kɔ pè mɪ de Pyerɪ sóhnkɔnɔ sɔkɔ. Nte pè náh à we. Káh pɪ sɛ, à me wòkɔnpèkè syíkípú ye pɔ piki yah, té ne, pè pè ko mɔ. Képah náh, Yerɔdɪ wil Nsyude gběnyah sɔkɔ à kyɪ sèpìn yísyó pɪ Sesarɪ kwil.

Yòtē dí Yerɔdɪ kúnóle

20 Tiri kwil ànê Sidō kwil tǎn-á sò me gběnyah nê sɔkɔ, ké yòke lésò me n wil yòtē dí Yerɔdɪ gběnyah sɔkɔ. Té yékâb-á pɔ we pé wró ànê Yerɔdɪle, Yerɔdɪ fɔkɔ kah vyǎh péle. Káh pɪ sɛ, pépi me yo sah núkú yò ne, páh kɪ kyɪ wil Yerɔdɪ tyí. Képah yinne, pè kyɪ pé sɔnɔ pɪ núkúle ànê Yerɔdɪ sɛ-ńsah wòkò yòtēne, nê-á pè n ye Blasitusile, ne pé kyɪ yégbéke kwrónmɔnɔ yah kɔ Yerɔdɪ tyí. 21 Páh gbìyìkì nê yah tɔkɔ, ké lésò-á nɔ, Yerɔdɪ ò yòtǔrí flo mɔ pɔ kɔ tē ò yòtǔrí kò yò, à tyah wey yóle n yo tówú tyí. 22 Képah tēne, névyé tyah n gbo mɔ ne, névi tē wɔ náh n wekɪ yò dé, Liyel-á! 23 Képah sɔkɔ, Yerɔdɪ-á sǔnpí gbilkínó mè fɛ syi, nê-á sò yīne sàhnóle Liyel yò, Tē ñgbě yīnyò tǔnpɪ yó núkú à mɪ, kèfyò me gbo ò sɔkɔ, à à yò ko.

24 Nte Liyel wey sò me n gbah n tǔ mɔ n yuku óle. 25 Té Barnabasɪ ànê Sole wɔ-á pé tò pɪ te Yerusalemɪ kwil,* pè Nsyò-Markɪ tē pé syɪ sɔkɔ Antyɔsyɪ kwil.

13

Barnabasɪ ànê Sole tékínmɔnɔle Liyel tò sɔkɔ

1 Liyel tǔntò syínyopu ànê névyé kwópú sò me Antyɔsyɪ kwil Yesu yò sǔpú tǔnkì sɔkɔ: Barnabasɪ sò me, ànê Solele, ànê Simeyòle, nê-á pè n ye Dísyíkèyne, ànê Sirenu kwil Lusiyusile, à tahlɪ Manayē tyí, ñmɔ nê-á sò kǔrɪ pɪ wě tyí Kalile gběnyah yòtē dí Yerɔdɪle. 2 Sò yóle, páh me níkì tē, té me Tē ñgbě Liyelle n ni gbí nēne, ò Mirki yo pé tyí ne: «Yé Barnabasɪ ànê Sole wilki pé tyíle. Pè kɪ tò pɪ, nê yīn-á mé n ye péle.» 3 Képah sɔkɔ, pè níkì tē,* à nírí pɪ pé tyí à pé gbǎn sah pé yò, té pyé pè fin mɔ pè sɔkɔ.

Barnabasɪ ànê Sole Liyel wey yónóle Syipri sɔkɔ

* 12:25 12.25 - Yah n te 11.27-30. * 13:3 13.3 - Níkì ténó duke me dò. Té Nsyifunɔ tē wɔ tyí, páh níkì tē, ké kanne, pé nine n wɔ, té pé náh yòkele n yò.

⁴ Liyel Mirki-á Barnabası ànê Sole tekı mo tò soko sê, pè me tiki yuku à kyı de Selesi kwil. Té de krótókè ngbê yó soko nénpó, ne páh n yuku gběnyah yó soko pè n ye Syiprile, pne yo niyó. ⁵ Páh yini tẽ ké kwil yó soko pè n ye Salaminine, pè tyah Liyel weyne n yo Nsyifuno Liyel ní-ńtân vı soko. Té Nsyô-Markı to sò me péle, pé yohnı n mo yinne.

⁶ Pè me Syipri mèn kan ko kah, à kyı de ké kwil yó soko pè n ye Pafosıle. Pè kyı Nsyifuno sènpı dí yó yohnı, nê-á pè n ye Bar-Yesule. Nmò sò me n gblóyne n pı Liyel tẽntò syinyo-òle. ⁷ Té à sò me wẽ tyı ànê Syipri yah tẽ-ò dí Serısyusi Polusile, nmò nê-á lésò lékám névile. Té Liyel wey noh déké sò me Serısyusi Polusi tẽ. Képah ye, à pè kó pè kyı Barnabası ànê Sole ye. ⁸ Nte sènpı dí Bar-Yesule, pè tó sò nne n ye Yelimasıle Krekı wey soko. Nmò sò me Barnabası ànê Solele n fwo. A sò me n yah n kó Syipri yah tẽ-ò dí yíninmò-ńsahle, ne à káh sê Yesu yó. ⁹ Képah soko, Sole nê-á tó pè n ye Polele,† Liyel Mirki à toko, à me sènpı dí yah díkidiki, ¹⁰ té yo n tyı ne: «Áwò nê-á lékámkãm ànê yínvı ó á tóó, sétàn yòtẽ névi mèn; gblò wál pól sépele áwòle, Tẽ ngbê wál tomtóm fèkinò yal mo dé! ¹¹ Núkúnúkú tẽne, Liyel gbò kı sah á wil. Á kı pı yítũne wró yó soko, á náh tó gbı kyòo we n pi.» Képah yóntenò ñsò, n yı núkú wò, à n gblóy we fẽntũ soko, té tyah n ko n kore n vi n kó, à neyne n yah n kó n gbò soko tẽ tẽ tẽne. ¹² Képah soko, Syipri yah tẽ-ò dí-á Liyel tyı-ngbno pínó we, té kwónó nê noh, sè n ni tẽ. Káh pı sê, à sê Tẽ ngbê Yesu yó.

Pole ànê Barnabası-á kwónó nê pı Antyosyı kwil, Pisidi gběnyah soko

¹³ Képah náh, Pole ànê n kómú de krótókè ngbê soko, à yal Pafosı kwil, té yuku Persyı kwil, Pãnfilı gběnyah soko. Páh me nénpó, Nsyô n gbè wil pé soko, à n syı yuku Yerusalemı kwil. ¹⁴ Nte Polepi tẽ wò mó yal Persyı kwil, à yó soko pé kólóle, pópó à kyı de Antyosyı kwil, Pisidi gběnyah soko.‡ Té Nsyifuno mı mı yòh sò-á pò nò, pè kyı de kó tẽ péle pé Liyel ní-ńsah wòkò soko. ¹⁵ Képah tẽne, ñnı yó me tyı kònsàhnò ànê Liyel tẽntò syinyopu sébéynó tãntãnnó yısyó kar. Wáh kar te, Liyel ní-ńsah wòkò yah tãm me pè kó pè yo Polepi tyı

† **13:9** 13.9 - Solele, Nsyifuno ye n ye nne sê, té Wrome tãn me nne n ye Polele.

‡ **13:14** 11.19 - Antyosyınò sò me nínó. Núkú sò me Pisidi gběnyah soko, ní-ò me Siri gběnyah soko. Nte Siri gběnyah Antyosyı soko ye sò pé kóló mèn tyah. Yah n te Tyípinì 13.1-4.

ne, pé no, welo yísyó-à kɪ me pé tyí sóré mɔ mɔ tɛne tówú soko, ké wɛ̀kì-á me pé tyí. ¹⁶ Képah soko, Pole me yuku yĩn, té ò gbò pɪ mɔ no tyí ne, pé noh pé tyí yò. Té yo pé tyí ne: «Yisrayel tãn, à tahlɪ nónó-á Nsyifunɔ náh péle, té me Liyel yah tíkile n pɪ, yé nónó pɪ n tyí. ¹⁷ Api Yisrayel tãn Liyelle, à ápi náh tãn yah wilki. A tɔ Yisrayel tãn pɪ dò, gbí nê-á sò pé me Yesyipti gbɛnyah soko; té tɔ ò tɛnwɛnɔle pé wilki ké soko. ¹⁸ Té à pé pu^š gbɛnnɪ soko pópó ye tikinini kénkɔle. ¹⁹ Képah náh, à yikɛnínó kwárninɔ névyɛ ko mɔ, à pé duku to Kanah gbɛnyah soko, té pé sétáhlɛ Yisrayel tãn kɔ gbɛkɪle. ²⁰ Tyi nópi pól-á pópó n pɪ n tɛ, kè nɔ ye kyeyéh tikinini pó gbãm (450) kénkɔle. Képah náh, á náh tãn soko ye Liyel n wilki á vyãh syípúle, pópó à pɔ nɔ Liyel tɛntò syinyo-ò Samuyelɪ gbí tyí. ²¹ Té sò yóle, pé me kè yah kɔ Liyel tyí ne, páh me yòtɛ yó tyí. Képah soko, Liyel me Kisi pídí Sawuli pɪ pé yòtɛne, pópó ye tikinini. Té Sawulile, Bɛnsyame yikɪ ney ye sò òne. ²² Nte Liyel-á pɔ òmɔ milki gbí nêne, à me Davidi pɪ pé yòtɛne. Davidi tyí soko ye lésò Liyel yo ne níké: «Mé wil mɔ n dyo yíi ney yò, òmɔ nê-á Nsyese pídí Davidile. A kɪ n dyo yíi tyi pól pɪ dal mɔ palle.» ²³ Liyel ye lésò ò vyãhlɛ Davidi kɔ ne, Yisrayel pwáhnɔ-ò-á kɪ dubi òmɔ pétóbé soko. Kéne pwáhnɔ-ò ye pɔ pɪ Yesule. ²⁴ Té Yesu-á pópó n pi, wèlnwìkì-ò Nsyɔ ye yo Yisrayel tãn pól tyí ne, pé pé nɔ vi mɔ, pé mó wèlnwìkínó wɛ. ²⁵ Nte Nsyɔ tò-á pópó pɔ n tye, à me n yo névyɛ tyí ne níké: «Yépi tɛ sònɔ soko, nê me òmɔle? Yé káh wɛ ne, pwáhnɔ-ò nê pónó-á yé syikɪ tɛ, òmɔ-á òmɔle dé! Nte yé yah, à me n kne pó-nsah. Té òmɔ ntɛ fórcɔ kah ò lékyéh fyé dénóle ò gbyéh soko.»»

²⁶ Képah náh, Pole tɔ ne: «Á no, yépi nónó-á Abrahamɪ pétóbéle, à tahlɪ Liyel yah tiki pípu pól tyí, pwáhnɔnɔ wey mɛ ye tekɪ mɔ ápi pól yinne. ²⁷ Nte Yerusalemɪ tãn ànê pé yòtãm náh lésò pɪ ne, Yesu-á pwáhnɔ-òle. Té Liyel tɛntò syinyopu welo nónó-á n kar pé tyí Nsyifunɔ mɪ mɪ yòh sònó pólle, pé náh sé yò pɪ. Kéne welo tyi yónó ye lésò pé pɪ dal mɔ, páh lékahlɛ Yesu kɔ. ²⁸ Pé náh Yesu tyípínì yó ntɛ wɛ, nê-á yĩne ò kònmɔnɔle. Nte pé kè yah kɔ Pilati tyí ne, à à ko mɔ. ²⁹ Té Liyel wey-á tyi nónó pól yo Yesu tyí soko, páh pɔ sè pɪ dal mɔ tɛ gbí nêne, pé ò lékó tiki mɔ to dahni

§ 13:18 13.18 - Púnó nê tyí-á n yo ásò soko yò, yòke ó náh sò Liyel péle n kɔ. A sò me pé nle n gbe, à n tɔ n sah n pɪ pé tyí.

yõ, té kyí à yĩ diki yó sòko. ³⁰ Nte Liyel me ò lékó yilki mɔ. ³¹ Képah náh, névye nónó-á lésõ ò sò tẽ yal Kalile gběnyah, à doko yuku ònne Yerusalemi kwil, à ò gblõyne pépi wěki sèpìn náhnáh sòko. Kéne névye nópi ye me ò tyi yónwàhpu kègblòle Yisrayel tãn yah nukúnúkú yò.

³² Nte ápile, Nìvìnì tir ye ápi tɔ n yo yé tyí yò ne òkè: Liyel-á ò vyãhle á náh tãn kò ònne tyí yò, ³³ képah-á à pi dal mɔ ápi tyí, ápi nónó-á pi pé wěnpilè. Wãh Yesule á kò, à yĩne kãh wãrkì sah sò Gbálnó sèbéy yìkì ní-ò sòko ne òkè: <Nmɔ Pídí ye ále;

à tɔko kwey tyí, òmɔ ye á Súle.>*

³⁴ Liyel ye lésõ kwãh tẽ kè yo sah ne òkè, Yesu-à pɔ ku, à náh n pyãh n pi. Páh kì ò lékó yilki mɔ. A tã lésõ kè yo dal mɔ ne òkè:

<Máh lésõ ò vyãhle Davidi kò ònne tyí sòko, mé kì kè pi yé tyí, kì sãm mɔ yé sòko, tir yó náh ké òkò ku n pi.>†

³⁵ Képah ye Davidi yo fí yó sòko ne òkè: <Á náh n ye á tònpi pèpey lékó kò kè n pyãh n pi.>‡

³⁶ Nte Davidi tẽ wɔ gbí sòko, à Liyel tò pi ké wěkì yò. Képah náh, à me ku pè kò pè yĩ ò náh tãn lékyí tñò, ò tó lékó me pyãh. ³⁷ Nte Liyel ye Yesu lékó yilki mɔ. Nmɔ lékó tẽ wɔ náh pyãh dé! ³⁸ Á no, yé pĩ ne, òmɔ Yesu gbò yõ-á tyípèl yõnmɔno tyí we yo yé tyí dé! Moyisi tyi kònsàhnó náh tẽ we yé yõ wilki tyípèl nónó sòko, ³⁹ névi ònne-á sè Yesu yõ, tẽ yò kì wil sé pól sòko, à kì fẽ no de Liyelle.

⁴⁰ Képah ye, yé kyòmìnó pi, yè káh pɔ Liyel wey mè yahle. Képah-à pí-òkène, Liyel tẽntò syínyopu-á tir ònne yo sah, kè kì pɔ yé yĩni tẽ. Pè lésõ ne òkè:

⁴¹ <Yé yah, wènyìkì wékípú nópi, yé ne me gběndùnì sòko, yè mó ku tẽ yõ! Máh kì pɔ ònne pi n pi yé sòko, té kì yé sah min sòko; névi-à sò sò pɔ kéle n yãh yé tyí, yé náh n sè n pi ké yõ.>§

⁴² Sépi yónteno náh, Pole ànne Barnabasì-á n wil Liyel ní-nsah wòkò sòko gbí ònne, no tyah péle n ni ne, mi mi yòh kèyãhle, pè tò pɔ pé syi pé wey mè ó yò. ⁴³ Képah náh, tówù-á pɔ karkì gbí ònne, névye náhnáh Pole ànne Barnabasì sò tẽ.

* **13:33** 13.33 - Yah n te Gbálnó 2.7. † **13:34** 13.34 - Yah n te Yesayi 55.3.

‡ **13:35** 13.35 - Yah n te Gbálnó 16.10. § **13:41** 13.41 - Yah n te Yabakuki 1.5.

Nsyifunɔ ye sò, à tahlì névye tyí, nónó-á vi mɔ de Nsyifunɔ Liyel nínó wěkì sɔkɔ. Té Pole ànê Barnabasì sò me n yāh péle, à pé sônɔle n vi n mɔ ne, Liyel-á pèpɔri nê pi pé tyí, pè ké ténó ple.

Pole ànê Barnabasì Liyel wey yónóle névye tyí, nónó náh pi Nsyifunɔle

⁴⁴ Képah sɔkɔ, Nsyifunɔ mi mi yòh kèyāh-á vi pɔ, kwil névye kan pɔ tuke mɔ Liyel wey noh yinne. ⁴⁵ Nsyifunɔ-á kéné tówú we sě, dyóyókì de pé sɔkɔ kèpékèyò. Pè tyah Pole weyne n kòli, à ké tyíle n yo n yiki. ⁴⁶ Képah sɔkɔ, Pole ànê Barnabasì kè yo nìsāhle pé tyí ne: «Yépi ñgbò tyí ye Liyel wey sò yīne kè yo. Nte yāh fyò kè yahle, té kè wěki ne yé náh yīne tyé-ńkē min wénóle, kǎh pi sě, ápi kɪ á yah mɔ névye ñinne núkúnúkú, nónó náh pi Nsyifunɔle. ⁴⁷ Tě ñgbě Liyel-á nê yo, képah ye á n pi dò. Á kè yo ne ńkē:

«Mé ye ñ sah ne á pi kyòole névye tyí, nónó náh pi Nsyifunɔle,

á mó kyɪ pwáhnɔnɔ wey yo

kèkōyó pól sɔkɔ.»*

⁴⁸ Képah sɔkɔ, nónó náh pi Nsyifunɔle, pǎh welɔ nópi noh sě, pé ni vi, pè tyah Tě ñgbě Liyel weyne n gbilki. Té névye nónó pól-á sò yīne tyé-ńkē min wénóle, pé pól sě Tě ñgbě yò.

⁴⁹ Liyel wey núkú tǔ mɔ kéné gběnyah tàntàn pól sɔkɔ. ⁵⁰ Té syó né-ñgbnɔ yísyó sò me, nónó-á me Nsyifunɔ Liyel wěkile n kɔ. Kǎh pi sě, Nsyifunɔ me pépi ànê kwil né-ñgbnɔ yísyó kurki mɔ Pole ànê Barnabasì yò. Pè me tyah Polepile n fòh, té pè yīni yal pé sétáh yò. ⁵¹ Pǎh mó n wil kéné kwil, pè pé gbyêh nèngbɔ kwèr kwè ké sɔkɔ, té sɔkɔ Yikonyumi kwil. ⁵² Nte Antyɔsyɪ kwil Yesu tò sáhpú tē wɔ sò me nìv̀nì ñgbě sɔkɔ, té Liyel Mirki me pè tɔkɔ.

14

Pole ànê Barnabasì Liyel wey yónóle Yikonyumi kwil

¹ Képah sɔkɔ, Pole ànê Barnabasì-á yīni tē Yikonyumi kwil, pè tǔ de yuku Nsyifunɔ Liyel ní-ńsah wòkò sɔkɔ. Té tyah Liyel weyne n yo, fóó Nsyifunɔ ànê nónó náh pi Nsyifunɔle, pé náhnáh vi mɔ pi Yesu yò sěpúle. ² Nte Nsyifunɔ sɔkɔ nónó-á sò yahle sěńóle Yesu wey yò, pépi nékáhbí kurki mɔ Yesu yò sěpú yò. ³ Nte képah fyé yò, Pole

* 13:47 13.47 - Yah n te Yesayi 49.6.

ànê Barnabası tǒ tǔ à mo Yikonyumi sòkò. Pé gbò sàhnyĩno sò me Tě ñgbě yǒ pè kǒ pè n wẹkɪ nìsǎhle. Té à sò me pé yah tǔ pè kǒ pè gbɪl tyile n pɪ, gbɪl nónó-á n wẹkɪ ne, pǎh welo nónóne n yo Liyel pèpɔrɪ pínó tyí sòkò, gblo-á séle. ⁴ Nte kwil névyे gbekɪ. Pé tókù sò me mo Nsyifunole, tókù mó me mo Yesu tǔntò névyele. ⁵ Képah sòkò, Nsyifunò ànê nónó náh pɪ Nsyifunole, à tahlɪ pé yǔtǎmnó tyí, pè wě tyí mo ne, pé Pole ànê Barnabası fǒh, pé mó pè minki ko dyêhle. ⁶ Nte Pole ànê Barnabası-á pɔ pɪ ké sòkò, pè to sòkò Lisitir kwil, ànê Derɪbɪ kwil, ànê sé gbòplo kwlo sòkò, Likawoni gběnyah. ⁷ Té yǒ sòkò, à Nìvìnì tirlɛ n yo n kǒ nénpǒ.

Sèkùkù dí yó dénmɔnole Lisitir kwil

⁸ Té dí yó lésò me Lisitir kwil, gbyêhne kúnóle. A sò dubi sèkùkùle, à náh tǔ we ko yah. ⁹ Té sǒ yóle, Pole-á n wẹkɪ, kéne dí sò me n weyne n nohnɪ. Képah tǔne, Pole tyah díne n yah díkídíkí. Té wǎh kè we ne Liyel yǒ sǔnó-á me dí mè tyí kɪ fě dénmɔno we Liyel tyí, ¹⁰ à yo n tyí yǐnpǒ ñgběne ne: «Yuku n yǐn tómm á gbyêh yǒ!» Képah sòkò, dí núkú yòkò sykɪ n gbyêh yǒ, à tyah n kò.

¹¹ Tówù-á képah tǔ pínó we sě Pole tyí, pè tyah n yo wòhòh Likawoni tǎn wey sòkò ne ñkě, tǎn-á sé viri pɪ névyele à tiki pɔ pé wró dé! ¹² Képah sòkò, pè tǔ nê-á pè n ye Nsewusile, pè képah yǐn dyɪ Barnabası kǒ. Té wey-á sò me Pole wò gbò sòkò sě, pè kèyǎh yǐn dyɪ ñmò kǒ, nê-á pè n ye Yeremesile. ¹³ Té tǔ nê-á pè n ye Nsewusile, ké wòkò sò me kwil dé-ńsah yah sòkò. Ké lékwén nété dí me nyéhpýèni tǔ pɔ kéne tǔ wòkò yah ànê yí finɛ.* Té ñmò ànê tówù sò me ké tyí ne, pé gbètòh mo Barnabası ànê Pole yǒ. ¹⁴ Nte Barnabası ànê Pole-á képah tǔ noh sě, pépi nónó-á Yesu tǔntò névyele, pè pé fwòmolo yɔrɪ tɔkɪ yèkwɔrɪ tǔ tyí, té to de tówù niyó me yo tǔ yǐnpǒ ñgběne ne: ¹⁵ «Á no, sǒ me té yé képahle n pɪ? Névyे ye ápi tǔle, yépi tyí kǔle dò! Nìvìnì tir ye á pɔ yó-ńsah yé tyí ne, yé yǒ kě fal fal tǎn nópɪ milki, yé mó vi mo Liyel wẹkɪ tǔ, ñmò nê-á min néténe. Ñmò ye mo yǐnyòle, ànê sétáhle, ànê pne yole, à tahlɪ sé sòkò yíyǐn pól tyí. ¹⁶ Ngbòle, Liyel mè ye sò ye kwlo kwlo névyे pól kǒ pè n kò pé dyɔ dyɔ wǎl yǒ. ¹⁷ Nte à me n gblǔy dükùle n wẹkɪ sě gbímegbí n pèpɔrɪ pínó sòkò. A me pǔne n pɪ n mo yéle n kǒ à n wil

* **14:13** 14.13 - Névyे nǎhnáh tǔ sǔno sòkò, nyéhpýèni nópɪ sò me kóhnmɔnole yí fi nópɪle.

yínyõ, té yé sèmuƙo kã sè n pekí, té yõke náhnáhle yéle n kã ànê nìvìnìne.» ¹⁸ Nte welo nópi fyé yónó yõ, Yesu tẽntõ névyé yah vyãh tówû yíninmɔ-ńsah ne, pè káh gbètòh mɔ pé yõ.

¹⁹ Ké légbí sɔko, Nsyifunɔ yísyó wil Antyɔsyi kwil, Pisidi gběnyah, ànê Yikonyumi kwil, à pɔ nénpó. Pépi pɔ tówû vi tẽ mɔ Polepi yõ, pè kã pè yuku Polele n minki dyêhle ne páh ñne n min n ko. Képah náh, pè à yɔrɔ wilki sah kwil náh ùnne, té me n sò ne wãh ku. ²⁰ Nte Yesu tõ sáhpú-á pɔ tuke mɔ ñ tnô, à à mɔ gbí gbí nêne, à me yuku té de kwil sɔko. Té ké dindalle, à sɔko ànê Barnabasile Derɔbi kwil.

Pole ànê Barnabasí syínyukunɔle Siri gběnyah sɔko

²¹ Képah tẽne, páh kyí yíni tẽ Derɔbi kwil, pè Nìvìnì tir yo nénpó tãn tyí. Pé náhnáh me sã Yesu yõ, à pɔ ñ tõ sáhpúle. Képah náh, Polepi pé syi syõ Lisitir kwille, ànê Yikonyumi kwille, à kyí de Antyɔsyi kwil, Pisidi gběnyah sɔko. ²² Té nìsãh ànê sòré ye sò pè n mɔ n kã Yesu tõ sáhpú sɔko ne, pè gbah n tẽ pé sɔnɔ sah yíi Yesu yõ gbímegbí. Pè sò me n yo pé tyí ne nkẽ, yèvyãhrɔ náhnáh dénwílnó sɔko-á pé kɔ de Liyel tǒrí mé-ńsah sɔko. ²³ Té Yesu yõ sěpú ùnkínó nónó-á sò me kwlo nópi pól sɔko, Polepi sò yah tãm yísyó yah wilki sé sɔko, à sah sé yõ. Té níkì tẽ à nírí pɔ pé tyí, à pè dahbi Tẽ ñgbě Yesu gbò, páh sã ñmɔ nê yõ.

²⁴ Képah náh, pè Pisidi gběnyah kɔ kah, à kyí de Pãnfilì gběnyah sɔko. ²⁵ Nénpó sɔko, pè Liyel wey yo Persyi kwil tãn tyí, té pyẽ yuku Atali kwil. ²⁶ Páh n yal nénpó, pè de krótókè ñgbě sɔko, à yuku Antyɔsyi kwil, Siri gběnyah sɔko. Kéne kwil sɔko ye sò pè pè dahbi Liyel gbò sɔko, tõ mè pɔ yínne, nê-á pè pɔ te yò. ²⁷ Páh yíni tẽ Antyɔsyi sɔko, pè Yesu yõ sěpú ùnkì ye tuke. Té Liyel-á pé yah tẽ, à ñ tõ pɔ ùkù nêne, pè kè yãh pé tyí; à tahlɔ wãh ñ yõ sěno wěkì yúkì mɔ névyé tɔ kã sɔ, nónó náh pɔ Nsyifunɔle. ²⁸ Képah náh, Polepi tẽ péle Antyɔsyi sɔko, à mo.

15

Yékáb dénóle

¹ Képah tẽne, díbí yísyó wil Nsyude gběnyah, à pɔ Antyɔsyi kwil sɔko. Té pɔ tyah Yesu yõ sěpúle n kwɔ ne nkẽ, né pè náh kòkè kã sɔ-á Moyisi tyi kònsáhnó kè yo sah, pè náh fẽ pwáhnmɔnɔ we n pi. ² Nte Pole ànê Barnabasí náh fẽ syi. Káh pɔ sã, yékáb ñgbě de pépi ànê díbí nópi wró. Képah

sokɔ, kè yah tɔkɔ ne Pole, ànê Barnabasí, ànê pépi túkù-á kɔ dɔkɔ yuku Yerusalemí kwil. Páh kɔ kyɪ wil Yesu tǝntǝ névyɛ ànê Yesu yǝ sǝpú yah tǝm tyí, pè yí mè yah wah. ³ Té me yǝhnɪnmɔnɔ pɪ Polepi tyí kéné kóló mè yǐnne. Polepi-á n sokɔ, pè syǝ sokɔ Fenisi gbǝnyah ànê Samari gbǝnyah sokɔ, me névyɛ tyíle n yǎh pé tyí, nónó-á vi mɔ Liyel wǝkì tǝ, té Nsyifunɔ náh péle. Kè pɪ nìvìnì ñgbǝne Yesu yǝ sǝpú pól tyí. ⁴ Páh kyɪ yǐni tǝ Yerusalemí kwil, Yesu yǝ sǝpú, ànê pé yah tǝm, ànê Yesu tǝntǝ névyɛ me pè tǝ palle. Képah sokɔ, Liyel-á Polepi yah tǝ pè ñ tǝ pɪ dukù nǝne, Polepi kè yǎh pé tyí.

⁵ Nte Farisiyǝ névyɛ nónó-á vi mɔ pɪ Yesu yǝ sǝpúle, pépi túkù yuku tyah n yo ne ñkǝ, nónó-á sǝ Yesu yǝ, té Nsyifunɔ náh péle, páh yǐne pè kǝkǝ kǝ; ànê páh yǐne kyǐnmɔnɔle pè Moyisi tyi kǝnsàhnóle ne n pɪ. ⁶ Képah tǝ sokɔ, Yesu tǝntǝ névyɛ ànê Yesu yǝ sǝpú yah tǝm wǝ we yí mè tyí sokɔ, à kè yah wǝ tyí.

⁷ Kè sǝ pɪ yǐí yékáb ñgbǝne pé wró, fóó Pyerɪ pɔ yuku yǐn, té yo pé tyí ne ñkǝ: «Ñ yúnpyé, yépi ñtǝ se kè pǐ ne Liyel-á ñmɔ yah wilki yé sokɔ di mónóle té! A ne mé Nìvìnì tir yo névyɛ tyí, nónó náh pɪ Nsyifunɔle, pè kǝ pè kè we noh, pè mó sǝ Yesu yǝ. ⁸ Nte Liyel nê-á névyɛ fɔkɔ sǝnɔle n pne, ñmɔ ye ñ Mirkile pè kǝ, sǝ-á lésǝ à kéle ápi tɔ kǝ, à kè wǝkɪ ne páh pépi tɔ fǝ syi. ⁹ A náh wǎhkì pɪ ápi ànê pépi wró. Páh sǝ ñ yǝ, képah ye à pé nno tǝ sah. ¹⁰ Té nukúnúkú, sǝ pɪ té yé Liyel vyǎh sǝle n noh, à tókópelle n sah Yesu yǝ sǝpú yǝ, nónó-á ápi náh tǎn ànê ápi ñtǝ náh tǝ we sè twah yah? ¹¹ Nte ápi sǝ ké yǝ ne áyáh pwáhnɔnɔ we Tǝ ñgbǝ Yesu pèpɔrɪ gbǝ yǝ, no nópi tyí kǝle.»

¹² Káh pɪ sǝ, no pól tǝ syísyí, té pé ní kwɔ Pole ànê Barnabasí tyí. Képah sokɔ, Liyel-á syǝ Polepi tyí, à gbíl tyi nónó pɪ névyɛ tyí, nónó náh pɪ Nsyifunɔle, Polepi sè yǎh pé tyí. ¹³ Páh sè yǎh te gbí nǝne, Nsyakɪ wey tɔkɔ, té ne ñkǝ: «Ñ yúnpyé Nsyifunɔ, * yé noh ní tyí yǝ. ¹⁴ A pól yí yah ye Simo-Pyerɪ kè yo ne ñkǝ, ñgbò dukù-á Liyel kè yah tɔkɔ, à nósýɔ yah wilki névyɛ sokɔ, nónó náh pɪ Nsyifunɔle, à pɪ ñ nolé. ¹⁵ Té wey mè mó tǝ me yǐnénóle Liyel tǝntǝ syínyopu wǝlɔle. Yé yah, kè me wǎrkínsàhnóle ne,

¹⁶ Tǝ ñgbǝ Liyel-á ne ñkǝ:

<Képah náh, mé kɪ ní syɪ pɔ Davidi kéte sónó tǝ mɔ.

* **15:13** 15.13 - Yúnpyé Nsyifunɔ nónó tyí-á n yo ásǝ sokɔ yǝ, pépi pɪ Nsyifunɔle nónó-á sǝ Yesu yǝ.

Mé kɪ ò kɛntíkìnì tǒ mɔ kɪ kè yilki palle.

17 Képah sɔkɔ, kèkòyó névyé téló pól kɪ yuku ònɛ n yah n kǒ.

Gbɪ yò, kwlo kwlo névyé pól ye kɪ n yah n kǒ n pi ònɛ, máh pépi nónó ye nɛ pè pɪ ní tyíle.»

Sɛ ye Tɛ ògbɛ Liel yo, òmɔ nê-á tyi nópi wɛkɪ

18 di mónóle.†

19 Képah yinne, òmɔ Nsyakɪ tɛ sǒnɔ sɔkɔ, névyé nónó-á vi mɔ Liel tyí yò, té Nsyifunɔ náh péle, á náh yinne à tyile n tɛ n tah pé tyí. 20 Nte á ye sébéy wǎrkɪ n tekɪ n mɔ pé tyí nɛ, pè pé gblǒyne n tɛ sǎh fálnó yíle, ànê fòfíkile, ànê tó kwé-ńkɛ kwáhkókè kòle, ànê tónɛ, sè kǒ sè káh pɔ pè silki. 21 Yé yah kè, à tɔkɔ ògbò òkù tyí, kéné tyi ye ńkɛne Moyisi tyi kònsàhnó sɔkɔ, pè névyéle n kwɔ mɪ mɪ yòh sǒnó pólle kwlo kwlo pól Nsyifunɔ Liel ní-ńtàn vì sɔkɔ.»

Sébéy tónóle Yesu yò sɛpú tyí, nónó náh pɪ Nsyifunɔle

22 Képah sɔkɔ, Yesu tɛntò névyé, ànê Yesu yò sɛpú yah tǎm, ànê Yesu yò sɛpú tǐnkɪ pól yo sah núkú yò nɛ, páh kɪ nósyó yah wilki pé wró, té kɪ pépi tekɪ mɔ Pole ànê Barnabasile Antyɔsyi kwil. Képah tɛnɛ, Nsyudasɪ, nê-á pè n ye Barsabasile, pè mɛ òmɔ ànê Silasɪ yah wilki. Pé ními pólle, névyé sò mɛ yòyénne n sah pé yò. 23 Pè mɛ tɛntò sébéy yó wǎrkɪ à dahbɪ pé gbò, nê sɔkɔ-á kè mɛ yónóle nɛ ńkɛ: «Á yúnpyé yépi nónó-á Nsyifunɔ náh yéle, té mɛ Antyɔsyi, Siri gbɛnyah sɔkɔ, à tahlɪ Siri gbɛnyah kwlo téló tyí, ànê Silisi gbɛnyahle; ápi Yesu tɛntò névyé ànê yé yúnpyé Yesu yò sɛpú yah tǎm ye n wɛkɪ yé tyí. 24 Á kè noh nɛ, nósyó-á wil ápi sɔkɔ, à kyɪ pé welɔle yé lékám vye fɛkɪ, à yé mɔ sah fókósónɔ sɔkɔ. Té ápi náh se mó tǒ tó péle. 25 Képah ye, á kè yah tɔkɔ wɛ tyí nɛ, áyáh kɪ névyé wilki tekɪ mɔ yé tyí. Pè kɪ n pɔ n pi wɛ tyí ànê á ògbèkɪ névyé Barnabasɪ ànê Polele, 26 pépi nónó-á pé min mɔ kǔ kǒ Tɛ ògbɛ Yesu Krista tǒ yinne. 27 Nsyudasɪ ànê Silasɪ ye á n tekɪ n mɔ yé tyí. Tyi nónó-á á wǎrkɪ tekɪ mɔ yé tyí, pè kɪ pɔ sè tǒ yo yé tyí vyǎhle. 28 Liel Mirki ànê ápi ye yah tɔkɔ kéle nɛ, á káh tǒ tyi yísyó kǒ sah yé kǒ, à wil tyi nópi tyí sɔkɔ yò, sépi nónó-á yinne pínóle káhkáh: 29 Yé yé gblǒyne n tɛ sǎh fálnó kòle, ànê tónɛ, ànê tó kwé-ńkɛ kwáhkókè kòle, ànê fòfíkɪ pínóle. Yáh yé gblǒyne n tɛ n yǐ sépi pól pínóle, yé mɛ n pɪ ple. Yé tɛnɔ!»

† 15:18 15.16-18 - Yah n te Amost 9.11-12.

³⁰ Képah náh, pè wě̀kìlè tě̀ntò névye kǒ pè sǒkǒ à kyí de Antyosyí kwil. Pè kyí Yesu yǒ sě̀pú tówù tuke mǒ, té tě̀ntò sébéy mènè pè kǒ. ³¹ Páh kè kar, ké sǒkǒ tyíyónó sóré mǒ pé sǒkǒ, kè pì nìvìnìne pé tyí. ³² Képah sǒkǒ, Nsyudasí ànê Silasípi tǒ-á sǒ pì Liyel tě̀ntò syínyopule sě̀, pépi tyah nǒle n vi n mǒ, me tyi náhnáhle n yo pé tyí, à sóréle n mǒ pé sǒkǒ. ³³ Páh sèpìn yísyó pì nénpó, képah náh, no pè fin mǒ, té wẹ̀kí pé tyí ne, pè de lènǒle pé tǒpú tìnne. [³⁴ Té Silasí wǒ me ne, péwǒ-á kí wǔ nénpó.] ³⁵ Nte Pole ànê Barnabasí tě̀ wǒ sǒ me tě̀ Antyosyí sǒkǒ. Pépi ànê névye náhnáh yísyó sǒ me nǒle n kwǒ, té me Tě̀ ñgbě̀ Nìvìnì tirlè n yo.

Pole ànê Barnabasí gbékínóle

³⁶ Sèpìn yísyó-á sǒkǒ sě̀, Pole yo Barnabasí tyí ne, páh Tě̀ ñgbě̀ wey yo kǒ kwlo nónó pól sǒkǒ, à ye pé pé syí kyí yah pé yúnpyé Yesu yǒ sě̀pú tyí kéné kwlo sǒkǒ, pé tyí-à kí me òkù nènè. ³⁷ Képah sǒkǒ, Nsyǒ nê-á pè n ye Markìle, Barnabasí sǒ me ké tyí ne, pé ò tǒ tě̀ pé sǒkǒ. ³⁸ Nte Pole wǒ náh sǒ me ké tyí ne pé sǒkǒ ñne; ñmǒ nê-á lésǒ ñ gbè wil pé sǒkǒ Pǎnfili gbě̀nyah òkù sǒkǒ, té à náh tǒ sǒ me n kyí n pǒ péle pé tǒ sǒkǒ. ³⁹ Kǎh pì sě̀, yékáb ñgbě̀ de Pole ànê Barnabasí wrǒ, pè me gbekí. Barnabasí me Nsyǒ-Markí tě̀ tahlí ñ gblǒy tyí, pè de krótókè ñgbě̀ yó sǒkǒ à sǒkǒ Syipri gbě̀nyah. ⁴⁰ Nte Pole wǒ mó Silasí yah wilki. Té Yesu yǒ sě̀pú-á nírí pì pé tyí, à pè dahbí te Tě̀ ñgbě̀ gbǒ sǒkǒ gbí nènè, pè me sǒkǒ wě̀ tyí. ⁴¹ Pè Siri gbě̀nyah ànê Silisí gbě̀nyah pól kǒ kǒ, à Liyel yǒ sě̀nó sóréle n mǒ n yuku Yesu yǒ sě̀pú tǐnkínó sǒkǒ.

16

Timote tǎhlínóle Pole ànê Silasí tyí pé kóló sǒkǒ

¹ Képah náh, Polepi-á wil Siri ànê Silisí gbě̀nyah sǒkǒ, pè yǒ sǒkǒ Deríbí kwil. Páh wil nénpó, pè yuku Lisitir kwil. Pè kyí Yesu tǒ sáh-ò yó we nénpó pè n ye Timotele. N yúne, Nsyifu ney ye sǒ ñne, nê-á me Yesu wě̀kìlè n kǒ, té ñ sú me Krekí neyne. ² Té Yesu yǒ sě̀pú nónó-á sǒ me Lisitir sǒkǒ ànê Yikonyumi kwil, pè sǒ me Timote yǐngbíle n yo. ³ Képah sǒkǒ, Pole sǒ me ké tyí ne pé à tě̀ sǒkǒ pé kóló sǒkǒ. Té Nsyifunǒ nónó-á sǒ me kéné kwlo sǒkǒ, pè sǒ pǐ ne, Krekí ney-á Timote súle.* Pépi yǐnne, Pole me Timote kǒ. ⁴ Képah

* **16:3** 16.3 - Krekí névye náh sǒ kòkèlè n kǒ. Képah ye, Timote sú kǒ à náh sǒ à kǒ. Nte kòkè kǒ-ñkè névye tyí náh sǒ nǒ Nsyifunǒ tyí.

sòkò, Polepi-à fyò n sòkò kwlo nónó sòkò, Yesu tēntò névye ànê Yerusalemı kwil Yesu yõ sēpú yah tām-á tyi nónó yah tókò, pē séle n yāh kéne kwlo Yesu yõ sēpú tyí ne, pē ne n kò sé wāi yõ. ⁵ Kāh pı sē, Yesu yõ sēpú tūnkínò sò me n gbah n sē Liyel yõ, té wān tō me n mɔ pé nédán tɔ yõ sōmesó.

Pole wēkínó yó we Turası kwil

⁶ Képah náh, Polepi sò me ké tyí ne pé kyı Liyel wey yo Asi gbēnyah sòkò, nte Liyel Mirki kè yahle pé tyí. Kāh pı sē, pē me kah syõ Frisyi gbēnyah ànê Kalasi gbēnyahle. ⁷ Pāh kyı yīni tē n te Misi gbēnyahle, pē tō kè yah tókò ne, pāh kyı yuku Bitini gbēnyah. Nte Yesu Mirki† kè yahle pé tyí. ⁸ Kāh pı sē, pē Misi kò kah, à tiki yuku Turası kwil. ⁹ Té lékâhne, Pole wēkínó yó we. Wēkínó mè sòkò, à Masedonı gbēnyah dí yó we yīntēnóle, té tē me ñne n ni ne nkē, à pɔ Masedonı sòkò, à pɔ pépi yohnı n mɔ. ¹⁰ Pole-á fyò wēkínó mè we sē, á me kè pī yīi ne, Liyel-á ye ále ne, á kyı pé Nivini tir yo Masedonı tān tyí. Kāh pı sē, á núkú á vi ne áyáh kyı sòkò nénpó.

Lidi-á pı Yesu yõ sē-òle dùkù nēne Filipi kwil

¹¹ Képah sòkò, á de krótókè ñgbē yó sòkò Turası kwil, à yõ sòkò gbēnyah yó sòkò, nê-á me pne yo niyó pē n ye Samotrasule, á náh kwò dah fí yó ntē sòkò. Té ké dīndalle, á yuku Neyapolisi kwil. ¹² Áyáh yal nénpó, á yuku kwil-ñgbē yó sòkò pē n ye Filipile, Masedonı gbēnyah sòkò. Kéne kwil yòtōrí sò me Wrome tān gbò. Á me tē nénpó, à sèpìn yísyó pı. ¹³ Nsyifunɔ mı mı yòh sō-á pɔ nɔ, á kè sò ne, pé Liyel ní-risah-á kyı we yóngbalı sòkò. Kāh pı sē, á wil kwil niyó, à nénpó nyáh sō. Á kyı syó yísyó we tükènmontēnóle nénpó. Á me kō tē pé tnô, à yáhkı yāh péle Liyel wey tyí yõ. ¹⁴ Té pi yó sò me syó nópi sòkò pē n ye Lidile. Fwòsāhlo dénkókóni gbò yí-ò ye sò ñne. Á n wil Tyatiri kwil, té à sò me Nsyifunɔ Liyel wēkile n kò. Té Tē ñgbē me wekyı pi mè nı sòkò à kō à ñ níki kwò, à Pole welo noh palle. ¹⁵ Kāh pı sē, ñmɔ ànê ñ kéte tān pól me wènwilkínó we ni sòkò. Képah sòkò, pi me kè yah kō ápi tyí ne, áyáh kyı me sē ké yõ ne péwò-á pı Tē ñgbē Yesu yõ sē-òle, á pɔ n kyı n twah pé tyí pé gbò. Té á gbah tē pópó, á pɔ sah ñ tyí yõ.

Pole ànê Silası dáhnmonle wòkònpèkè sòkò Filipi kwil

† **16:7** 16.7 - Yesu Mirki nê tyí-á yo ásô sòkò yò, Liyel Mirki ye kéle, nê tyí-á yónóle 16.6.

16 Képah sɔkɔ, sɔ yóle á me n yuku nírí pí-ńsah, té tɔ̀npɪ pípír yó pɔ́ á yohnɪ. Sétɔ̀ sɔ̀ me kéne pípír gbil à kɔ́ à tyísnóle n we n yo. A sɔ̀ me pɔ́ náhnáhle n we n yòtámne n kɔ́ kéne tyísnó wényonɔ́ sɔkɔ. 17 Kéne pípír me yuku, à ápi ànê Pole sɔ̀ tẽ, té me yo tú léyy no tyí ne níkẽ, díbí nópile, yòtah Liyel tɔ̀npɪbɪ-á péle. Pwáhnmonɔ́ wèkì tyí-á pè pɔ́ n yo pé tyí. 18 A sɔ̀ me képah tẽne n pɪ sɛ́, sèpìn náhnáh sɔkɔ. Káh pɔ́ Pole gblóle n vyāh, à n yah vi yo sétɔ̀ mè tyí ne níkẽ, Yesu Krista yīn yō, à pípír mè fin mɔ́. Wāh yo sɛ́, nénpó swɔ́ sétɔ̀ núkú pípír fin mɔ́. 19 Képah sɔkɔ, pípír yòtām-á kè we ne, pé sɔ̀nɔ́-á sɔ̀ me pɔ́ nê wénó yō ñmɔ́ gbò yō káh kɪ yīn mɔ́, pè Pole ànê Silasɪ tẽ, té yuku péle yòtām tyí, tówú tükè-ńsah sɔkɔ. 20 Képah náh, pè me kyɪ péle Wrome tǎn yísyó tyí nónó-á pé yòtámne, té kyɪ tyah n yo ne níkẽ, díbí nópi-á me fèkínóle n pɪ pépi kwil. Nsyifunɔ́-á péle, 21 té pǎh me pɔ́ wǎl yísyóle névyele n kwɔ́ nónó-á sé wǎl náh me pépi Wrome tǎn n̄tẽ tyí kɪ sè fè syi, képah náh pɪ, kɪ sè pɪ n pi. 22 Képah tẽne, tówú tɔ́ núkú yuku Polepi yō. Yòtām nópi me pè kɔ́ pè Polepi flo de, té ne pè pè ko yèfòhle. 23 Képah sɔkɔ, pǎh yèfòh yí náhnáhle pè ko te, pè pè dah mɔ́ wòkònpèkè sɔkɔ, té yo ké syíkí-ò dí tyí ne, à péle n kyɔmɪ palle. 24 Dí-á fyò képah noh sɛ́, à mó pè tẽ dah mɔ́ wòkònpèkè n̄yó wòkò sɔkɔ, té sésár kárn mɔ́ pé gbyèh tyí.

25 Nte lénu mónó wró sɔkɔ, Pole ànê Silasɪ sɔ̀ me níríle n pɪ, té me yùle n gbi à Liyel yīnne n gbilki, té wòkònpèkè sɔkɔ névyé tɛ́lɔ́ mó me n nohnɪ pé tyí. 26 Képah tẽne, sétáh syahrɪ ñgbẽ núkú pɪ nénpó swɔ́, à wòkònpèkè sètyah yike. Ké vɪ yey pól núkú yikɪ mɔ́, ké sɔkɔ névyé pól gbyèh sɔkɔ kárnnó pól kòli kwe. 27 Wòkònpèkè syíkí-ò dí-á pópó do yuku, té ké vɪ yey we yíkínmonɔ́le sɛ́, à we ne ké sɔkɔ névyé-á to wil. Képah tẽne, à núkú n kèkirkɪ yɔrɪ de ne, pé pé gblɔ́y ko mɔ́. 28 Nte Pole me yo mɔ́ n tyí yínpɔ́ ñgbẽne ne, à káh dlo yó n̄tẽne n gblɔ́y nɔ́, pé pól-á me ásò. 29 Képah sɔkɔ, wòkònpèkè syíkí-ò dí pè kɔ́ pè pɔ́ fòtnòle à kɔ́, à de yuku súú wòkònpèkè n̄yó wòkò sɔkɔ, té n gbètukunɔ́ di Pole ànê Silasɪ yah wílsyahrɪ sɔkɔ. 30 Té me pè tẽ wil kégbó, té pè piki yah ne, pé nénkyíbí, sɔ́ se pé yīne pé pɪ pé mó pwáhnmonɔ́ we nɪ? 31 Pè me yo n tyí ne: «Sɛ́ Tẽ ñgbẽ Yesu yō, á kɪ pwáhnmonɔ́ we, áwɔ́ ànê á nole.» 32 Képah sɔkɔ, Polepi Tẽ ñgbẽ Yesu wey yo ñmɔ́ ànê n gbò tǎn pól tyí. 33 Dí me Polepi

tě légbí mē ó sɔkɔ lékâhne, à kyɪ pé níy wu; té nénpó swɔ, ñmɔ ànê ñ gbô tãn pól me wèlnwìlkinó we ni sɔkɔ. ³⁴ Képah náh, à Pole ànê Silasɪ tē yuku ñ gbô sɔkɔ, à kyɪ yòkele pé kɔ pé yō. Té ñmɔ ànê ñ no pól ni sò me vi yĩĩ pé wénsēnɔ yinne Liyel yō sɔkɔ.

³⁵ Képah sɔkɔ, tyah-á pɔ dal, yòtãm nópi tēntò névyé tekɪ mɔ ne, pé kyɪ yo wòkònpèkè syíkí-ò dí tyí ne, à díbí nópi fin mɔ. ³⁶ Dí me kyɪ kè yo Pole tyí ne nkě, yòtãm-á tēntò mɔ pé tyí ne, pé pé fin mɔ. Káh pi sě, núkúnúkú páh ki fě wil ki n yuku yèvinɪ sɔkɔ. ³⁷ Nte Pole me pé syah ne, pépi nónó-á gbò mɔ yō Wrome tãn tyí, pépi kó pé tē ko tówú yí yah pé tükè-ñkēne; té pé dah mɔ wòkònpèkè sɔkɔ ni? Té núkúnúkú, pé tō me n yah n kɔ pé wìlkinfinmɔ-ńsahle sèfin sò sɔkɔ ni? Képah náh fě n pi n pi dé! Nkě, fóó pé dáhnmɔpu-á ki pɔ pé fin mɔ pé gblóy. ³⁸ Képah tēne, tēntò névyé nópi me pé syɪ kyɪ welɔ nópi yo yòtãm nópi tyí. Pépi-á képah tē noh sě ne, Pole ànê Silasɪle, Wrome tãn gbònmònyòbe-á péle, tíki pé tē. ³⁹ Pé pɔ gblóy ye yah kɔ Polepi tyí, té pé fin mɔ, té me pé ni ne pé wil kwil sɔkɔ. ⁴⁰ Polepi-á wil wòkònpèkè sɔkɔ, pé yuku Lidi ñinne. Páh kyɪ Yesu yō sěpú we, pé sóré mɔ pé sɔkɔ té sɔkɔ.

17

Pole ànê Silasɪ Liyel wey yónóle Tesaloniki kwil

¹ Képah náh, Polepi syō Anfipolisi kwil ànê Apɔlɔnɪ kwil, à kyɪ de Tesaloniki kwil sɔkɔ. Nsyifunɔ Liyel ní-ńsah wòkò yó sò me nénpó. ² Képah sɔkɔ, Pole-á sò nkēne kéle n pi sò, à tō kyɪ yáhkì yãh Nsyifunɔle Liyel wey sébéy sɔkɔ tyi yō pé Liyel ní-ńsah wòkò sɔkɔ. A képah tē pi syɪ sě wě tyí ke tónó, pé mɪ mɪ yòh sònóle. ³ A sò me ké yahle n yo pé tyí, à péle n wěki ne nkě: «Pwáhnmɔ-ò sò yĩne à pɔ yèvyáhrɪ pi ku sě, Liyel mó à yilki mɔ. Yesu nê tyí-á mé n yo yé tyí yò, ñmɔ ye kéne pwáhnmɔ-òle.» ⁴ Képah sɔkɔ, Nsyifunɔ tükù sah ñ tyí yō, ànê Krekɪ névyé nékwínkíle, nónó-á sò me Nsyifunɔ Liyel wěkíle n kɔ, à tahlɪ syó né-ñgbnɔ náhnáh tyí. Pé pól me mɔ Pole ànê Silasɪle.

⁵ Nte Nsyifunɔ yísyó sò me Polepi dyɔle n yo, té sɔkɔ à kyɪ nétúkúnì ñkònkòni yísyó tē wàl yey sɔkɔ, à pɔ tówúle n kurki n mɔ, té fěkinóle n pi kwil sɔkɔ. Képah sɔkɔ, pé kyɪ kwɔ de Nsyasō gbô, à Pole ànê Silasɪle n yah n kɔ ne, pé pé tē pɔ tówú tyí. ⁶ Páh kyɪ pé yah kwɔ sě, pé Nsyasō ànê Yesu

yõ sěpú yísyó tẽ à yuku péle pé kwil yõtãm tyí. Té kyí tyah n yo wòhòh nẹ, nónó-á fěki kèkõyó pólle, pépi-á pò de ásò tò sòkò yò. ⁷ Té Nsyasò me fě syi pè kò pè twah ò tyí. Nte Wrome kwiltãm yõtẽ Sesar-á nẹ tyi nónó káh nẹ n pi, sépi-á no nópi pól me n pi. Pãh me n yo ítẽnẹ nẹ, yõtẽ ñgbě yó-á tǒ me, nê-á pè n ye Yesule. ⁸ Képah sòkò, welo nópi nóhnò tówú ànê kwil yõtãm fòkò fil. ⁹ Káh pi sě, kwil yõtãm me Nsyasòpi kò pè pò ñgbě yó kò, té pyè pè fin mọ.

Pole ànê Silasí Liyel wey yónóle Bere kwil

¹⁰ Képah sòkò, lékãh-á fyò mọ, Yesu yõ sěpú me Pole ànê Silasí kò pè sòkò Bere kwil. Pãh yíni tẽ nénpó, pè kyí Nsyifunò Liyel ní-ńsah wòkò sòkò. ¹¹ Nénpó tãn sò néglólẹ kal Tesaloniki kwil tãnnẹ. Nìvìnì tir nê-á sò Pole n yo Yesu tyí sòkò, pè me kè fě syi palle dékè sòkò. Té me Liyel weyne n kar, à ké sòkò tyile n sohlí n yah sòmésó nẹ, pé pĩ gblọ-à kú nê Polepi welọle. ¹² Káh pi sě, Nsyifunò náhnáh, ànê Kreki syó né-ñgbnọ yísyó, ànê díbí nékwínkí pi Yesu yõ sěpúle.

¹³ Nte Tesaloniki kwil Nsyifunọ-á fyò noh nẹ, Pole-á me Liyel weyne n yo Bere kwil tò sòkò, pè tǒ pò nénpó tò sòkò, à pò tówú kurki mọ, pè kò pè fěkínó pi. ¹⁴ Képah sòkò, Yesu yõ sěpú núkú Pole tekí mọ pne yo tinnẹ. Té Silasí ànê Timote wọ me wũ nénpó. ¹⁵ Nónó-á kyí tekí mọ Polele, pè kyí de ñnẹ, fósó Atení kwil. Té pãh pé syi n pi, Pole me pè tǒ nẹ, pàh kú kyí, pè kyí yo Silasí ànê Timote tyí, pè pò péwo tñ sùú.

Pole Liyel wey yónóle Atení kwil

¹⁶ Té Pole-á sò me Silasí ànê Timote syíkíntěnnó sòkò sě Atení kwil, à fal fal tãn kyomí we dò kéne kwil sòkò. Káh pi sě, ñ yah kah kwọ. ¹⁷ Képah sòkò, à kyí yáhkì yãh Nsyifunọle, pé Liyel ní-ńsah wòkò sòkò, à tahlí nónó tó-á sò me Nsyifunọ Liyel wěkùle n kọ. Té sòmésó, wàh kyí tówú tükè-ńsah, té névyẹ nónó we nénpó, ă yáhkì yãh pé tọle. ¹⁸ Té lékãm ñgbnọ névyẹ yísyó tò sò me. Pè tókù sò me Yepikur wěkì kwópùle, té tókù mó me Setoyiki wěkì kwópùle. Pépi me yékãb mọ Polele. Pé tókù sò me yo tũ nẹ, wènkwínkí ney mè tò se nẹ sǒ-á nı? Tókù mó nẹ, káh pi tẽ nẹ fal fal tãn káhkí yísyó tyí sǒ à n yo, nónó-á pépi náh séle n pne. Té Nìvìnì tir ye sò Pole n yo pé tyí Yesu tyí yõ, ànê lékyí yílkinmọnọ tyíle. ¹⁹ Képah tẽnẹ, pè à tẽ sòkò pé

kwil fí yó sòkò pè n ye Arewopastle.* Pǎh kyí de, pè me à piki yah ne, wǎh pò kwónó késán nêne névyele n kwò, à se kí fě ké yah yo pé syah ní? ²⁰ Nkě, gbëndùni tyi ó-á à n yo pé n nohnú yò. Képah-á, à sé yah yo n wah pé syah. ²¹ Nte gbi yò, Atení kwil tǎn pól ànê népân nónó-á sò me twáhntěnlé ké sòkò, pé pól nkěne pé wró kan tòkò n pí tyisnó yǎhnóle, képah nǎh pí, sé nóhnóle.

²² Képah sòkò, Pole me yuku yīn pé niyó, té yo pé tyí ne: «Atení tǎn, mé pǐ ne nkě, Liyel yáhnkõpu yèsyìkìnì-á yéle. ²³ Máh yé kwil kò kò, mé kè kyomú wé, liyelno náhnáh me ké sòkò. Té mé tyah yó ntě wé, kè me wǎrkínmònlé ké yò ne: <Dùkù pǐ-nkě liyel tyí ye.> Té òmò nê-á yé n gbilki ò dùkù pǐ-nkěne, òmò tyí ye mé pò yónwàh-nsah yé tyí. ²⁴ Nmò Liyel ye mò kèkõyóle, ànê ké sòkò yiyin pólle. Nmò ye tó yinyò ànê sétáh nétěne. A nǎh n tē névi gbò wòkònmòni sòkò. ²⁵ Nmò ye mò minne névi sòkò, ànê mìnìne à kò à n mí, à tahlí yiyin pól tyí. Képah ye, à nǎh me névi gbēnpini yó ntěne n yah n kò, ò gblõy yohnú n mò yinne. ²⁶ Yah, nénúkù ó sòkò ye kèkõyó yìkìnì pól wil Liyel-á nónó mò, té pè kò pè tē tē kò kèkõyó tǎntǎn pól sòkò. Té kí ànê kòkì gbíne pè kò, té tó gbàhnì gboke pé tē-ntǎn tyí. ²⁷ Liyel sépi pól pí ne, nénúkù núkú pól fě pé yah n kò. Gbòkénpi, pǎh kí wne yah kò pò pé wé. Nte gbi yò, à nǎh mó tó me fíí á sòkò yó ntěne.

²⁸ Nmò gbò yò sòkò ye ápile min sòkò, té me n werke. Képah ye tó yé yì gbípú yísyó yo ne nkě, Liyel wēnpì-á ápile.

²⁹ Nte Liyel wēnpì-á ápile sě, á se tó yīne à ne n sò ne, Liyel-á me á kí ne tǎn nópi sò; sépi nónó-á névyé sè mò sǎnne, képah nǎh pí wǎrn vyòrile, képah nǎh pí dyēhle, à yīne pé yēngbē lékámne? ³⁰ Té yé yah, névyé-á tyi nónó pí sòkò òpì-nkě sòkò ògbòle, Liyel nǎh tó me sépile n mò n kò. Nte núkúnúkú, à me kéle n yo no pól tyí tǎntǎn pól sòkò ne, pè pé nnò vi mò. ³¹ Wáh wé à képahle n yo, à me gbìyìkì yó yah wilki sah, sò nê-á tukey kí n tuke n pí kèkõyó névyé pól yò, à yīne gbi wēkìle. A me dí yó yah wilki sah, nê-á kí pò tukey mè tuke n pí, té pǎh pò tē ko mò, à ò lékó yilki mò, à kéle á wēkì ne, wǎh kí fě tē.»

* **17:19** 17.19 - Arewopastle, kènpin yó ye sò kéle, nê yò-á sò né-ògbno wēne n we n pò, ò tyi yahle n wah.

³² Képah tēne, pãh fyò lékó yílkinmōno tyí noh, pé túkù tyah kóle Polele n ko. Túkù mó me n yo ò tyí ne nkē, sō yóle, à tō pō ò syi ò wey mè yō pé tyí. ³³ Kãh pì sē, Pole me yal pé tnō. ³⁴ Nte ò wey nōhpú túkù kyi kwro mo òne, à pì Yesu yō sēpúle. Né-ngbno nónó-á nkēne wēne n tuke n mo, ò tyi yahle n wah, pépi ney yó to sō me péle pé n ye Denisile, ànê sê yó tole pé n ye Damarisile, à tahlì nósó tyí.

18

Pole Liyel wey yónóle Korēnti kwil

¹ Képah nãh, Pole yal Atenì kwil, à yuku Korēnti kwil. ² Légbí pō yīne Wrome kwiltãm yõtē dí Klode me Nsyifuno pól yal Wrome kwil. Kãh pì sē, Nsyifu dí yó lésō me nénpó pé n ye Akilasile. A dubi Pōte kwil. Nmo ànê ò kyi Prisili me yal Wrome kwil, Yitalì sétáh yō, à soko Korēnti kwil. Pole me kyi yīne pé póntwahno késãnne nénpó, té kwro mo pé soko. ³ Té pé pól sō me tò núkúle n pì, nê-á pì yèpye flo kóhnóle. Kãh pì sē, Pole me tē pé tyí pé tōle n pì wē tyí. ⁴ Té mì mì yòh sōnó pólle, Pole sō me yáhkìle n yãh n pō Nsyifunole pé Liyel ní-nsah wòkò soko, me n yah n kō ne pé pépi ànê Kreki névye sōno vi mo.

⁵ Képah soko, Silasì ànê Timote wil Masedonì gbēnyah à pō. Pãh fyò pō de, Pole nãh tō me tò yó ntēne n pì né Liyel wey yónkōno ó nãh. A sō me ké yahle n yo Nsyifuno tyí ne, Yesu-á Liyel yah tōko pì pwáhnmo-òle. ⁶ Nte Nsyifuno me kè yahle ò tyí, té òne n gbyo. Kãh pì sē, à ò wil flo kwer, té yo pé tyí ne, pé mónpuno kémû-á kì pì pé yēngbē tyíle, péwo vyãh nãh me ké soko. A tōko núkúnúkú tyí, páh kì pé yah mo névye òne, nónó nãh pì Nsyifunole. ⁷ Képah soko, té yal nénpó à soko dí yó òne, nê-á pé n ye Tityusi-Nsyusitusile. Nsyifuno Liyel yō sē-ò ye sō òne. N gbô sō me Nsyifuno Liyel ní-nsah wòkò gbòpo soko. ⁸ Nte Liyel ní-nsah wòkò yõtē dí Krisipusi ànê ò no pól sē Tē ngbē Yesu yō. Korēnti kwil tãn nónó to-á sō me Pole weyne n nohni, pé nãhnãh sē Tē ngbē yō, té wèlnwìlkínó we ni soko.

⁹⁻¹⁰ Képah tēne, sō yó lékãhne, Pole wēkínó yó we, nê soko-á Tē ngbē yo ò tyí ne: «Névye nãhnãh kì n pì n pì nmo tyíle kwil mè soko. Képah ye, káh á vyãh vike n sah, yō n soko ne n wèkì, káh tíkì pì. Nmo me ále, ney nãh fē ò tē n tir n pì pólle.» ¹¹ Képah tēne, Pole tē, à yì nukú ànê níwóló kénúkò pì Korēnti kwil, à nole n kwò Liyel weyne.

¹² Képah sɔkɔ, Nsyifunɔ pɔ yuku wě tyí mɔ, à tyah Polele n fwo. Té légbíne, Kalyõ ye lesõ Akayi gběnyah yah tẽ-òle. Pè me Pole tẽ kyɪ n tyí tukey tükè-nsah sɔkɔ, ¹³ té ne dí mè-á me nénye yòle n ykɪ, à péle n mɔ Liyel nínó gběntěnáh yó sɔkɔ, nê náh me núkúle pépi tyi kònsàhnóle. ¹⁴ Képah sɔkɔ, Pole-á me ne pé wey tɔkɔ, Kalyõ me yo Nsyifunɔ tyí ne, kàh sò me pi tyíkěkì, képah náh pi, tyípékè ñgbě yòle dí mè pi, páh náhkɪ tẽ noh pé tyí palle. ¹⁵ Nte pàh se me yékâble n pi welɔ, ànê yni, ànê pé yěngbě tyi kònsàhnó yó té; képah-á me pépile n yah kè. Péwɔ náh fě sěnkõ tukey tuke n pi ló! ¹⁶ Té me pé yal tukey tükè-nsah sɔkɔ. ¹⁷ Képah sɔkɔ, Sositenɪ nê-á sò Nsyifunɔ Liyel ní-ńsah wòkò yah yètěne, pé pól tuke ñmɔ yó, à ñne n ko tukey tükè-nsah sɔkɔ. Nte Kalyõ náh dahbi wilki pé tyí ké sɔkɔ.

Pole syínyukunɔle Antyɔsyɪ kwil, Siri gběnyah sɔkɔ

¹⁸ Képah sɔkɔ, Pole tõ wũ à sèpìn náhnáh pi Korěnti kwil. Képah náh, à wěkì ni Yesu yó sèpú tyí nénpó ne, páh kɪ pé syɪ yuku Siri gběnyah sɔkɔ ànê Prisili, ànê Akilasile. Té à lesõ me n vyãh tɔkɔ Liyel tyí. Kàh pi sě, wãh pópó n sɔkɔ, à kyɪ Sãnkɪ kwil, à kyɪ n yó kye vyãh tókónó mè yinne.* ¹⁹ Képah náh, ñmɔ, ànê Prisili, ànê Akilasɪ kyɪ de krótókè ñgbě yó sɔkɔ, à yal nénpó à kyɪ de Yefesɪ kwil. Pole me n kómũ sah nénpó, té me sɔkɔ Nsyifunɔ Liyel ní-ńsah wòkò sɔkɔ, à kyɪ yáhkì yã péle. ²⁰ Képah sɔkɔ, pé kè yah kó n tyí ne nkě, à tõ sèpìn yísyó pi pépile nénpó. Nte Pole náh fě syi. ²¹ Té me wěkì ni pé tyí, té ne nkě, Liyel-à kɪ fě syi, sò yòle, páh kɪ tõ pé syɪ pɔ yah pé tyí. Té de krótókè ñgbě sɔkɔ Yefesɪ kwil, à sɔkɔ.

²² Wãh kyɪ tiki Sesarɪ kwil, à dɔkɔ yuku Yerusalemɪ kwil, à kyɪ wekɪ Yesu yó sèpú tĩnkì tyí. Wãh wil nénpó, à n syɪ tiki yuku Antyɔsyɪ kwil, ²³ à kyɪ tẽ yah nénpó. Képah náh, à tõ yal à kyɪ Kalasi gběnyah kwlo ko kó ànê Frisyɪ gběnyah kwlole, à nìsãh mɔ kó Yesu tò sãhpú sɔkɔ.

Apolɔsile Yefesɪ ànê Korěnti kwil

²⁴ Légbíne, Nsyifu dí yó pɔ Yefesɪ kwil. N yin ye sò Apolɔsile, à dubi Alekisãdri kwil. A sò wey tyí yah we yíí, té à mó tõ Liyel wey sébéynó tyi pĩ yíí. ²⁵ A lesõ kwónó we Tě ñgbě Yesu wěkì tyí yó, té me Yesu tyíle n yo, à kwónóle

* **18:18** 18.18 - Nsyifu ney-à sò n vyãh tɔkɔ Liyel tyí, à náh tõ n yòle n kye, fɔ́o n pɔ no ké tyénó tyí. Yah n te Yáhnó 6.1-21.

n pɪ ké wěkì yõ, dékè sɔkɔ n nɪ pólle. Nte Nsyõ ni sɔkɔ wèlnwìlkìnó ó ye sò à n pne. ²⁶ Té sò yóle, wăh tyah n wekɪ nìsâhle Nsyifunɔ Liyel ní-ńsah wòkò sɔkɔ sě, Prisili ànê Akilasɪ me n wey noh pɔ tyɛ. Képah tẽne, té à ye yah kyɪ Yesu wěkì tyi yo wah yíí à syah, wăh sò me nónó yítũri sɔkɔ. ²⁷ Képah nâh, Akayi gběnyah sókónó sônɔ de Apɔlɔsɪ sɔkɔ. Yesu yõ sěpú nónó-á sò me nénpó, pépi me ké sórɛ gbah mɔ n sɔkɔ, té sébéy wârku tɛku mɔ Yesu yõ sěpú tyí Akayi gběnyah sɔkɔ ne, Apɔlɔsɪ-à kɪ yīni tẽ pé tyí, pè à tẽ ple. Wăh kyɪ yīni tẽ, Liyel gbò yõ, n kyínó sò pɪ yíí yõre ñgběne Yesu yõ sěpú tyí Akayi gběnyah sɔkɔ. ²⁸ A sò me Liyel weyne n kar, à kéle n wěkɪ ne, Yesu-á Liyel yah tɔkɔ pɪ pwáhnmɔ-òle. Tówù pól yí yah, n wey sò me gbule kal Nsyifunɔ tyíle.

19

Pole yínintẽnɔle Yefesɪ kwil

¹ Gbí nê-á sò Apɔlɔsɪ me Korēnti kwil, Pole sò me Asi gběnyah tley tãntãn kɔ kah, à kyɪ de Yefesɪ kwil sɔkɔ. A kyɪ Yesu tò sáhpu yísyó we nénpó, ² té pè piki yah ne nkě, păh sě Tě ñgbě Yesu yõ gbí nêne, pè se Liyel Mirki we nɪ? Pè me yo n tyí ne, pé nâh Liyel Mirki yó nítě tyí yónó noh yah pólle. ³ Képah sɔkɔ, Pole me pè piki yah ne, ñte ni sɔkɔ wèlnwìlkìnó dùkù nê se pè we nɪ? Pè me à syah ne, Nsyõ tyí-á. ⁴ Képah sɔkɔ, Pole tã n syɪ yo pé tyí ne, névyɛ nónó-á fě syi pé nno vi mɔ, pépi-á sò Nsyõ n wel n wilki ni sɔkɔ. Nte wăh sò me n yo névyɛ tyí ne, nê-á kɪ n pɔ n pi péwɔ nâhle, pè sě ñmɔ yõ; ñmɔ nê-á Yesule. ⁵ No-á welɔ nópi noh sě, pè me wèlnwìlkìnó we ni sɔkɔ Tě ñgbě Yesu yīn yõ. ⁶ Pole me n gbàn sah pé yõ té níri pɪ pé tyí, Liyel Mirki me tiki pé yõ. Képah tẽne, pè tyah wénkáhkínóle n wekɪ nónó-á pè nâh sè sâh,* té me Liyel tẽntònène n we n syi n yo névyɛ tyí. ⁷ Pé pól sò me népí gbõnimi kénkõle.

⁸ Képah sɔkɔ, Pole sò me n de n pɔ Nsyifunɔ Liyel ní-ńsah wòkò sɔkɔ. A sò me n yãh n pɔ névyɛle nìsâh sɔkɔ Liyel tǒrí tyí yõ, pópó ñwǒlǒ tǒnó. A sò me n tah sah ne, pé pé wey nóhpú sônɔ vi mɔ. ⁹ Nte tókù sò me pɔ nikisekókóle n pɪ, à yahle sɛnóle ké yõ, té me Tě ñgbě wěkì tyíle n yo n ko tówù yí yah. Kăh pɪ sě, Pole me pè sah, té Yesu tò sáhpu

* 19:6 19.6 - Yah n te 2.4.

tě sɔkɔ pé yahle, à kyɪ yáhkìle n yāh péle sōmesó kārñ pí-
 nsah wòkò sɔkɔ, nê-á Tiranusi tyíle. ¹⁰ A kápah tě pɪ sē ye
 nínó, fóó Nsyifunɔ ànê nónó náh pɪ Nsyifunɔle, té me Asi
 gběnyah sɔkɔ, pé pól Tě ñgbě wey we noh.

Seva dínpi tyípinine

¹¹ Liyel sò me Pole tɔkɔ à gbìl tyísnòle n pɪ, ¹² fóó névye
 pɔ tyah Pole flo ànê ñ myèhtùkènéne n tɔkɔ n tú n pɔ pé
 yámpú tyí, pè kō pè n de; ànê sétàn-à me nónó sɔkɔ, sè n
 wil pé sɔkɔ.

¹³ Té Nsyifunɔ yísyó sò me nónó tò-á sò sétàn
 yíninwìlkìnkōnɔle névye sɔkɔ. Pépi tɔ me kè yah tɔkɔ ne,
 pé Tě ñgbě Yesu yīn tɔkɔ kéle n pɪ. Pè sò me n yo sétàn
 tyí ne, Yesu nê tyí-á Pole n ne n yo, ñmɔ yīn yō, ñkě sè
 wil. ¹⁴ Nsyifunɔ sɔkɔ, sárká syínwìlkìpu yōtē nê-á pè n ye
 Sevale, ñmɔ dínpi népì kwárnimi ye sò n pɪ kápahle. ¹⁵ Nte
 páh kápah yo sē, sétō pè syah ne, páh Yesule n pne, té tō
 pī névi dùkù nê-á Polele. Nte pépi-á dò, nónó se pépile nɪ?
¹⁶ Kápah těne, sétō-á sò dí nê sɔkɔ, à yuku mɪ pé sɔkɔ, té
 tě we pé tyí kápékèyō. A pè pɪ yo, fóó pè to wil wòkò mè
 sɔkɔ à sɔkɔ wil títile. ¹⁷ Kápah sɔkɔ, Nsyifunɔ nónó pól-á sò
 me Yefesɪ kwil, à tahlɪ nónó náh pɪ Nsyifunɔle, páh yī mè
 noh, kè pɪ tíkìle pé pól tyí. Pè me tyah Tě ñgbě Yesu yīnne
 n gbilki. ¹⁸ Té nónó-á sò pɪ Yesu yō sēpúle, pé náhnáh pé
 tyítúkùni pínòle n yo n dal n mɔ n pɔ tówù yí yah. ¹⁹ Kápah
 sɔkɔ, nónó-á sò me snèyne n pɪ, pé náhnáh me pé snèy pɪ
 pɪ sébéynɔ tɔkɔ pɔ tuke mɔ, à suke no pól yí yah. Páh sébéy
 nópi dro kō yah, sè pɪ pól pló kèyō túkúrí pól kwólóle.† ²⁰ Sē
 ye sò Liyel wey me táhkìle n we, à n tō n mɔ n yuku yahle
 Tě ñgbě gbò yō.

Fěkìnó ñgbě nê-á pɪ Yefesɪ kwil

²¹ Tyi nópi pínsokɔntenɔ náh, Pole kè yah tɔkɔ ne, páh kɪ
 kyɪ Masedonɪ gběnyah ànê Akayi gběnyah sɔkɔ, té kɪ pyé
 yuku Yerusalemɪ kwil. A sò me kéle n yo tɔle ne ñkě, páh kɪ
 yīni tě nénpó, páh yīne pé kyɪ Wrome kwil tɔ sɔkɔ. ²² Káh
 pɪ sē, à me Timote ànê Yerasɪtɪ tekɪ mɔ Masedonɪ gběnyah
 sɔkɔ, pépi nónó-á sò ñ yòhnìnmɔpule. Té ñmɔ wɔ wũ à
 sèpìn yísyó pɪ Asi gběnyah sɔkɔ.

† **19:19** 19.19 - Légbíne, pól pló kèyō túkúrí pól kwóló (50 000) kɪ sò fě népì
 gbònkenúkò kénkò tò pínó pól dyah ye gbām sɔkɔ.

²³ Légbíne, fě̀kìnó òngbē yó pɪ Yefesɪ kwil, Tě òngbē wě̀kì tyí sɔkɔ. ²⁴ Sán ywó-ò kètòndí yó lésò me pè n ye Demetriyusile. Kéne dí òkēne tǎn vî yáryár yísyóle ne n ywɔ wárn vyɔɔrɪ pérépérle. Yefesɪ tǎn tò yǔkì nê-á pè n ye Artemisile, képah wòkò kètònó ye òkēne à n ne n ywɔ. Tě ò tònɔɔɔ sò me póle n we yíi ò tyí, tò mè pínó sɔkɔ. ²⁵ Sò yóle, à ò tònɔɔɔ pól ye tuke, à tahlì ò tò dùkù pípú pól tyí. Képah tēne, té yo pé tyí ne òkē, pé kódíbí, pé pól-á kè pī yíi ne páh me yōrele n we n yíi pé tò mè pínó sɔkɔ. ²⁶ Nte dí nê-á pè n ye Polele, wǎh me pɔ tir nēne n pɪ, pǎh se me kéle n nohnɪ, té me kéle n yah té. Kéne Pole-á me névyele n kwɔ ne òkē, fal fal tǎnne, névye gbēnɔɔ yî-á séle, yō náh me sé tyí. Kéne wey mè òtē-á me névye náhnáh yō yɪkɪ Yefesɪ kwil. Tě kè náh se tǔ me yīn képah ó tyí, òkē kǎh me Asi gbēnyah kwlo kan pól névye yóle n yɪkɪ. ²⁷ Kàh yǔ sɔkɔ sě, yī mè-á kɪ n syah pépi pɪ pɪ tòle n yɪkɪ dé! Kè náh se tǔ n yīn n pɪ képah ó tyí, pé fal fal tò yǔkì Artemisi wòkò náh tǔ n mɔ n kō n pɪ pólle. Gbílkinó nê-á sò me n sah tò mè yō, kǎh kɪ yīn mɔ. Tě képah-á mó tǔ Asi gbēnyah névye pól ànê kèkōyó névye pól me n gbilki.

²⁸ Demetriyusi-á fyò kéne welo yo névye noh sě, pé foko kah vyǎh. Pè me tyah yo tǔ wòhòh ne òkē, pépi Yefesɪ tǎn Artemisi tē wɔ kénkò náh me. ²⁹ Píntúnɔ mè yínpǔ kwil pól tǔ. Tě Masedonɪ gbēnyah tǎn népí nímí yísyó tɔ sò yuku Polele ò kóló sɔkɔ Yefesɪ kwil. Pé sɔkɔ núkú yīn ye Kayusile, ní-ò yīn me Arisitarkile. Képah tēne, no núkú wě̀ tyí mɔ, à to tuke népí nímí nópí yō, à pè tē yɔɔrɪ sɔkɔ pé tówú tükè-nsah sɔkɔ. ³⁰ Képah sɔkɔ, Pole sò me ké tyí ne, pé kyɪ pé yō wilki mɔ tówú tyí. Nte Yesu tò sǎhpú me kè yahle ò tyí. ³¹ Asi gbēnyah né-òngbɔ yísyó tɔ sò me, nónó-á sò Pole kódíbile. Pépi tɔ me tēntò mɔ ò tyí, à à vi mɔ ne, à káh n kyɪ tówú tükè-nsah mè sɔkɔ.

³² Tě légbíne, tówú mè névye pól sò me wekɪ fě̀kì tǔ wòhòh, té pé pól tyíyónónɔ mó tǔ me sé tyí tyíle. Kǎh pɪ sě, kè pɪ fě̀kìnlé. Névye kan òtē náh sò me pé pónó yō pī. ³³ Nsyifu dí yó tɔ sò me pè n ye Alekisādrele. Pé no Nsyifunɔ me òmɔ kurki mɔ kyɪ sah tówú yah tǎnne ne, à yo ké sɔkɔ. Képah sɔkɔ, Alekisādre me ò gbò pɪ mɔ tówú tyí. A sò me ké tyí ne, pé pé no Nsyifunɔ vyǎh syi. ³⁴ Nte tówú-á fyò pɔ n pī ké sɔkɔ ne Nsyifu ney-á òne, pé pól núkú tǔ tyah yo

mɔ tũ wě yõ wòhòh ne ñkě, pépi Yefesɩ tãn Artemisi tẽ wɔ kénkõ náh me! Pè képah tẽ yo tũ sě, pópó kè syi pɔ n no lérínó nínó kénkõ tyí.

³⁵ Nte ké tyé-ńsah, kwil sébéy wárkí-ò dí[‡] pɔ tẽ we pè yĩn mɔ. Képah sɔkɔ, té me ne ñkě, Yefesɩ tãn, névyè pól-á pĩ ne, Yefesɩ kwil-á n syíkɩ pépi fal fal tò ñgbě Artemisi wòkòle, ànê ké tàhsè nê-á wil yĩnyõ à pɔ syíkɩ. ³⁶ Ké kǒlì-ò náh me pólle. Képah-á, pè pé nno vi. Pè káh tir yó ñtẽ pɩ sònyah-ńkěne. ³⁷ Díbí nónó-á pè tẽ pɔ ásô, pè náh tir yó pɩ de pépi tò wòkò tyí, pè náh se mó tã yo de pé fal fal tò yũkɩ mè tyí. ³⁸ Nte káh kɩ me pɩ ñnî me pɩ de Demetriyusi ànê ñ tò pímũ tyí, tukey tükèńó yòhni-á me, tukey tükèpu mó tã me. Pè kyɩ n tɔkɔ tẽ kǒ pépi tyí kè. ³⁹ Té tyi yísyó tɔ-à kɩ se tã me pé tyí wah wah tẽne, pǎh kɩ fě pɔ sé yah yo kwil névyè tuke mɔ sòle. ⁴⁰ Páh yékâb nê sɔkɔ kweyne yò, tir yó ñtẽ se me pé tyí, pé kɩ fě we yo yékâb mè yòle nɩ? Képah-á, páh kɩ n to n kǒ yò, pǎh kɩ pɔ n syah n tɔkɔ péle n kǒ dé!§ ⁴¹ Welɔ nópɩ yóntenɔ náh, à névyè kǒ pè karkɩ.

20

Pole yúkúnóle Masedonɩ ànê Kresɩ gběnyah sɔkɔ

¹ Té fěkínó mè-á pɔ yĩn mɔ gbí nêne, Pole me Yesu tò sǎhpú ye tuke, à sǒré mɔ pé sɔkɔ, té wěkì ni pé tyí, à sɔkɔ Masedonɩ gběnyah sɔkɔ. ² A kéné gběnyah pól kɔ kǒ, à sǒré yah mɔ kǒ náhnáh Yesu yõ sěpú sɔkɔ. Wǎh yal nénpó, à sɔkɔ Kresɩ gběnyah,* ³ à kyɩ ñwǒlò tǒnó pɩ nénpó. Képah náh, wǎh pɔ ñ vi ne, pé de krótókè ñgbě sɔkɔ, pé yal n yuku Siri gběnyah sɔkɔ, à kè we noh ne, Nsyifunɔ-á me ñne n plɔ pèkè yóle. Káh pɩ sě, à kè yah tɔkɔ ne páh kɩ pé syɩ syõ Masedonɩ gběnyahle. ⁴ Té nónó-á sǒ Pole wěkì kómũne, pépi we yò: Sopaterɩ nê-á n wil Bere kwil, té ñ sú yĩn me Pirusile, ñmɔ sǒ me, à tahlɩ Arisitarkɩ, ànê Sekūdusi tyí, pépi nónó-á n wil Tesaloniki kwil, ànê Kayusile, nê-á n wil Derɩbɩ kwil, ànê Tisyikile, ànê Torofimine, pépi nónó-á n wil Asi gběnyah sɔkɔ, à tahlɩ Timote tyí. ⁵ Pépi me sɔkɔ ápi yahle, à kyɩ ále n syíkɩ Turasɩ kwil. ⁶ Búrn sě-ńkě syáh syáhnsɔkɔntenɔ náh, ápi wɔ mó kyɩ de krótókè ñgbě yó sɔkɔ Filipi kwil, à pé nyáh

‡ 19:35 19.35 - Kwil sébéy wárkí-ò dí nê tyí-á n yo ásô sɔkɔ yò, né-ñgbě ye sǒ ñne kwil mè sɔkɔ. § 19:40 19.40 - Yòtām nónó-á Wrome tãne, pépi tyí ye pè n yo ásô sɔkɔ ne, páh kɩ n to n kǒ, pǎh kɩ pɔ n syah n tɔkɔ péle n kǒ. * 20:2 20.2 - Kresɩ nê tyí-á n yo yò, ké yĩn ye tã Akayile. Yah n te 19.21.

sõ. Á sèpìn kwâl pɪ té pyě de á no tnô Turası kwil. Képah tẽne, á tẽ nénpó à sèpìn kwárninɔ pɪ.

Pole-á Yetiki lékó yilki mɔ sã Liyel gbò yõ, Turası kwil

⁷ Yòh wró gbìyìkì gben sòle,[†] á lésõ me tuke mɔ Tẽ ñgbẽ yõke yõ yinne, té Pole me yáhkìle n yãh tówùle. A kɪ sò n yal n pi dindalle Turası kwil. Kãh pɪ sã, à Liyel wey yo mo pé tyí, pópó à pɔ nɔ tyah tónó tyí. ⁸ Té á pól sò me tükènmɔnɔle gbẽntin yõ wòkò tǔ-ò sɔkɔ, té fòtnónó me tũnsàhnóle pípí ké sɔkɔ. ⁹ Kètẽnpìkì yó tɔ sò me ále pé n ye Yetikile. Nmɔ sò me kã tẽ fnètír vyãh yõ. Dõ, dɔy pɔ mɪ ñ sɔkɔ. Nte Pole Liyel wey yõ-á sò me ko sã, à pɔ dɔ, té tẽ syi yinyõ wòkò tǔ-ò sɔkɔ, fós à pɔ sykɪ sétáh. Pãh pópó pɔ ne pé à yilki sah, pé à we kúnóle. ¹⁰ Képah tẽne, Pole tɔ tiki pɔ, té kɔ à yõ ñ gbãh sɔkɔ, té yo pé tyí ne: «Yé káh n ye yé yáh-rísah tyé; à me min sɔkɔ.» ¹¹ Képah náh, à ñ syi dɔkɔ yuku nítõ, pé kyɪ Tẽ ñgbẽ yõke yõ wẽ tyí, té tõ yõ sɔkɔ Liyel wey yónóle, pópó à pɔ nɔ tyah dal gbí tyí, té à pyě sɔkɔ. ¹² Képah sɔkɔ, no me Yetiki tẽ sɔkɔ ñ vile krémkrém ñ gbô. Yí mè pɪ yí nɪ déno ñgbẽne no pól tyí.

Pole wĩlnóle Turası kwil, à yuku Miletì kwil sɔkɔ

¹³ Pole sò kè yah tɔkɔ, à sɔkɔ Asɔsɪ kwil sɔkɔ, gbáhkì yõ. A sò ne ápi pé yah yohnɪ nénpó, á pé twah. Kãh pɪ sã, ápi me de krótókè ñgbẽ sɔkɔ, à mɔ ñ yahle à kyɪ ñne n sykɪ nénpó, ñ twah yinne. ¹⁴ Wãh pɔ de, á pól de krótókè sɔkɔ, à yõ sɔkɔ à kyɪ yĩn Mitilenu kwil. ¹⁵ Képah náh, á tõ yõ sɔkɔ. Ké sèpìn ní-ò sòle, á kyɪ yĩni tẽ gběnyah yó yèsreyne pé n ye Kyole, pne yo nuyó. Ké sèpìn tǔ-ò sòle, á kyɪ sɔkɔ gběnyah yó gbòpɔ pé n ye Samosele, pne yo nuyó. Ké sèpìn nýáh-ò sòle, á pyě yĩni tẽ Miletì kwil. ¹⁶ Té Pole sò me sálnó sɔkɔ ne káh kɪ fẽ n pɪ n pi, pé ne me Yerusalemu kwil Pãntekotɪ syáh syah sòle. Képah ye à kã à yõ sɔkɔ, à náh syõ Yefesɪ kwille. A sò pĩ ne páh kɪ de nénpó, pé náh we n wil n pi súú Asi gběnyah sɔkɔ.

Pole-á vɪnmɔnɔ nêne Yesu yõ sèpú yah tãm kã Yefesɪ kwil

¹⁷ Képah sɔkɔ, Pole tẽ Miletì kwil, té tẽntõ mɔ Yefesɪ kwil Yesu yõ sèpú yah tãm tyí ne pé pɔ. ¹⁸ Pãh pɔ yĩni tẽ ñ tnô, à yo pé tyí ne: «À tɔkɔ nímɔ pɔ sã tyí Asi gběnyah sɔkɔ, máh

[†] 20:7 20.7 - Yòh wró gbìyìkì gben nê tyí-á yo ásò sɔkɔ yò, tükù me n sò ne samidi-á, tükù mó me n sò ne dimansyi-á.

me n pi sɔ gbímeḡbí yé wró, yé se kéle n pne té. ¹⁹ Mé tò pi Tě ñgbě tyí gblɔy tíkínmɔnɔ kèḡbi sɔkɔ, à yéfi kwe. Té Nsyifunɔ tɔ me vi ní náh gbáhyí nahnáh sɔkɔ, à yèvyāhri nahnáhle ní yīni tē. ²⁰ Nte yé se pī ne, mé náh tir yó ntē wōbi yéle nê-á kɪ fē yé tyí peki n pi té. Mé sò me sé pólle n yo yé tyí, té me yéle n kwɔ tówû tükè-ntān sɔkɔ ànê yé gbèn tɔ sɔkɔ. ²¹ Mé kè yo kɔ Nsyifunɔ ànê Kreki névye tɔ tyí ne, pè pé nno vi mɔ, pè mó sē àpi Tě ñgbě Yesu yō.

²² Nte núkúnúkú, Liyel Mirki we ní kyí mɔ mé n sɔkɔ Yerusalemi kwil yò. Mé náh pī tir nê tē wɔ-á kɪ kyí ní yīni n tē n pi nɛnpó. ²³ Máh nê tē wɔle n pne, mäh de kwil nê sɔkɔ, Liyel Mirki nkēne kéle n wēki ne, wòkònpèkè sɔkɔ dénó ànê yèvyāhri-á me ní syiki tē. ²⁴ Nte sépinó pól sɔkɔ, ní gblɔy min tē tyí náh me tah ní tyí pólle. Mé náh me kéle n mɔ n kō kwáhtähle. Tir nê tyí-á me tah ní tyí, kèpah ye pi ní tò pɪntenɔle; tò nê-á Tě ñgbě dahbi ní gbò sɔkɔ ne mé Nìvìnì tɪrle n yo n kɔ Liyel pèpɔri tyí sɔkɔ.

²⁵ Nte núkúnúkú, mé pī ne mäh syó yépi nónó pól tyí à Liyel tɔrí tyí yo kɔ, yé náh tō ní we n yah n pi. ²⁶⁻²⁷ Nte mé náh yé wōbi Liyel dyo yīi tir yó ntēne, mé ye sé pól yo sɔkɔ yé tyí. Kèpah ye, mé kéle n yo n dal n mɔ yé tyí kweyne ne, yé sɔkɔ ney nê-à kɪ se tō mɔ pu, ké kémû náh n pi n pi nimo tyíle.

²⁸ Yé yé gblɔy tēnó ple, yé mó Liyel yípêy tēnó ple, Liyel Mirki-á yé sah sépi nónó yō ne, yé séle n tē ple. Sépi ye Yesu yō sèpú tɪnkile, Liyel-á nónó pi ñ tyíle ñ pidí tó kwénó gbò yō.

²⁹ Mé pī ne, nimo sókónteno náh, névye yísyó-á kɪ pɔ de yé wró gbēnképèl tyí kōle, kɪ yényèh pi yípêy sɔkɔ. ³⁰ Té yépi ntē sɔkɔ, névye túkù kɪ pɔ yuku tyah mìnì welɔle n yo, kɪ Yesu tò sáhpú yō yiki, pè kɔ pè kɪ pé sò tē. ³¹ Käh pi sē, yé yé gblɔyne n kyomɪ, yé mó yé dyo sah ne n kwne ne, mäh lésò yé kwɔ ye tōnó, ké lékäh ké gbìntò, à vɪnmɔnɔle yé nénúkú núkú pól kɔ. Té kèyähle ní yéfi ntē n kwe ké tyí sɔkɔ.

³² Té núkúnúkú, mé yéle n dahbi Liyel ànê ñ pèpɔri wey gbò sɔkɔ. Tähkì me nmo sɔkɔ kɪ fē yé kɔ yé kɪ yuku yahle nmo yō sēnó sɔkɔ, té wäh ñ vyähle yé kɔ ñ pèpɔri nê tyí sɔkɔ, yé kɪ kè we wē tyí ànê nónó pól-á me Liyel tyí yō ñ yō sēnó yīnne.

‡ **20:28** 20.28 - Liyel yípêy nónó tyí-á n yo ásò sɔkɔ yò, Yesu yō sèpú ye pè n ye.

³³ Mé náh pò, ànê sán, ànê flo yah kǒ ònî yó òtē tyí. ³⁴ Yé pól pĩ ne, máh tò pi ní gbǎnne à yĩn ní gblǒy yínnóle, ànê ní kómû to yínnóle kè.

³⁵ Mé kéle yé wěki tyi pól soko ne, sě-á névi yĩne à tòle n pi, à kwáhle n we à yám tǎnne n yohni n mo, à mó ò dyo sah ne n kwne Tě ògbě Yesu wey mē tyíle wǎh nê yo ne òkě, sām-á me kǒnó soko, à kal wénsyinole.»

³⁶ Pole-á welo nópi yo pò tye, à kuku yĩn péle wě tyí, pé pól Liyel ni. ³⁷⁻³⁸ Tě Pole sò yo pé tyí ne, pé náh tǒ pé yèpò we n yah n pi pólle. Képah soko, pé pól tyah òne n pòri n tē n pò à n weki ò tyí, té n gbo yèkwòri tē tyí. Képah náh, pé kyi à tekì mo, fókò krótókè tókò-ńsah soko.

21

Pole dókónyukunole Yerusalemi kwil

¹ Képah soko, áyáh pò we yal pé tyí, á de krótókè ògbě yó soko, à yǒ soko gběnyah yó soko pé n ye Kosele, pne yo niyó. Á náh kwò dah fí yó òtē soko. Ké dǐndalle, á yǒ soko gběnyah yó soko pé n ye Wrodəsule, pne yo niyó. Áyáh wil nénpó, á yuku Patara kwil soko. ² Á kyi yĩne krótókè ògbě yóle, kè me n yuku Fenisi gběnyah soko. Á me de ké soko, à soko. ³ Á kyi syǒ yúkey gběnyah yóle pé n ye Syiprile, pne yo niyó, fókò á ké yǒ òtēne n yah. Nte á me kè mo á gběyĩne sòle, té á yah mo Siri gběnyahle, à kyi tiki ké kwil yó soko pé n ye Tirile. Krótókè mē vyó ki sò n tiki n mo n pi nénpó. ⁴ Képah soko, áyáh kyi Yesu tò sáhpú nónó we nénpó, á tē péle à sèpìn kwǎrnino pi. Tě kéne sèpìn soko, Yesu tò sáhpú kè yo Pole tyí Liyel Mirki gbò yò ne, à káh doko yuku Yerusalemi kwil.* ⁵ Nte sèpìn kwǎrnino nópi-á fyò soko, á tǒ kyi yǒ soko á kólóle. Áyáh n soko, díbí, ànê syó, ànê wěnpĩ pól kyi á gbáhkì wilki mo kwil náh fìnne, yóngbalì soko. Á pól me á gbètukunò di nénpó, à Liyel ni péle wě tyí. ⁶ Képah náh, á weki wě tyí, té wě fin mo. Á tékínmòpu nópi me pé syi soko pé fìnne. Ápi me tǒ de krótókè mē soko ⁷ à yal Tiri kwil soko, pópó à kyi de kwil yó soko pé n ye Pitolemayisile. Nénpó soko ye á krótókè soko kóló yĩn mo. Á me wil krótókè soko, à kyi yah weki kǒ Yesu yǒ sèpú tyí kwil niyó, té gbìyìkì núkú pi péle.

* 21:4 21.4 - Yah n te 20.22-24.

⁸ Ké dīndalle, á pɔ yõ sɔkɔ á kólólɛ, à sɔkɔ Sesarì kwil. Áyáh yīni tē nénpó, á kyɪ twah Filipi tyí, nê-á Nìvìnì tir yó-òlɛ. Népi kwárnimi† nónó-á lésõ pè yah wilki Yerusalemì sɔkɔ, à pɪ Yesu tēntò névyɛ yòhnìnɔpule, pépi sɔkɔ ney yó ye sò ònɛ. ⁹ Té syónpi népi ònyêh sò mɛ ò tyí, pè náh díbí tyí pī. Kéne syónpi sò Liyel tēntònɛnɛ n syi n yo. ¹⁰ Képah sɔkɔ, á mɛ sèpìn yísyó pɪ nénpó. Á mɛ nénpó, té Liyel tēntò syíno-ò yó tɔ wil Nsyude gběnyah, à pɔ á wɛ. Pè ònɛ n ye Akabusile. ¹¹ Wáh pɔ á wɛ, à Pole kō tɔkɔ, à ò gblɔy gbyêh ànê ò gbàn pukubi kéle, té nɛ, Liyel Mirki-á yo nɛ òkê, sɔ-á pé pukubi pé gblɔynɛ, sēntē-á Nsyifunɔ kɪ n pukubi n pi kō mē nētēne Yerusalemì kwil, té kɪ ò gbàh dɛ mɔ névyɛ kō, nónó náh pɪ Nsyifunɔlɛ. ¹² Képah tēnɛ, áyáh welɔ nópi noh sē, à tahlɪ Yesu yõ sēpú nónó-á sò mɛ Sesarì kwil, ápi pól Polelɛ n ni nɛ, à káh dɔkɔ yuku Yerusalemì sɔkɔ. ¹³ Ntɛ Pole mɛ yo á tyí nɛ, sɔ se pɪ, té á n gbo, à n yah n kō yèkwɔrɪ mósahle pé sɔkɔ nɪ? Nkê, káh kɪ sɔ yín-òkēne pé púkúbinó ó tyí, té pé ku òtēne Yesu yinne Yerusalemì sɔkɔ, páh kè fē syi. ¹⁴ Té áyáh ò sòno vi mɔ kwɔlɔ sē, á yal mɔ ò gbáhntēnɔlɛ, té nɛ, Liyel dyɔ dyɔ tē ó pɪ!

¹⁵ Áyáh sèpìn nópi pɪ pɔ n dal mɔ, á á vi, té wèkì tē, à dɔkɔ yuku Yerusalemì sɔkɔ. ¹⁶ Té Sesarì kwil Yesu tò sáhpú yísyó mɛ á sò tē. Pépi mɛ á tē yuku dí yó ònɛnɛ pè n ye Mnasōnɛ. Á sò n wil gběnyah yó sɔkɔ pè n ye Syiprilɛ, pne yo nuyó. Á sò yīnɛ à twah òmɔ tyí. Kéne díne, Yesu tò sáh-ò ye sò ònɛ di mónólɛ.

Pole kyínyahnɔlɛ Nsyakɪ tyí

¹⁷ Képah sɔkɔ, áyáh kyɪ yīni tē Yerusalemì kwil, Yesu yõ sēpú mɛ á tō sah tē nìvìnì sɔkɔ. ¹⁸ Ké dīndalle, Pole sɔkɔ ále Nsyakɪ ònɛnɛ, òyāh sɔkɔ-á sò Yesu yõ sēpú ònkì yah tām tɔ mɛ tükènmɔnɔlɛ pé tōó. ¹⁹ Wáh kyɪ dɛ, à wɛkɪ pé tyí, té Liyel-á à tɔkɔ à tyí nónó pɪ névyɛ wró, nónó náh pɪ Nsyifunɔlɛ, à mɛ sé pól yo wah pé tyí pnépné. ²⁰ Páh képah noh sē, pè Liyel gbilki, té mɛ yo Pole tyí nɛ, pé yúnpi Pole, à kó mɛ n yah Nsyifunɔ nékwínkí sē Yesu yõ nɪ? Nkê, páh mɛ Moyisi tyi kònsàhnó wèkìlɛ n kɔ n yī pé pólle dé! ²¹ Ntɛ à yah, no-á mɛ nēnɛ n yo ò tyí sɔkɔ; páh mɛ n yo nɛ, Nsyifunɔ nónó pól-á mɛ karkɪ tē tē kō nékáhbí wró, wáh mɛ péle n kwɔ nɛ òkê, pè pé syɪ Moyisi tyi kònsàhnó náh. Wáh mɛ n yo pé tyí nɛ, pè káh tō pé wēnpìlɛ n kō, ànê pè káh tō

† 21:8 21.8 - Yah n tɛ 6.5 ; 8.5.

Nsyifunɔ wǎlle n kɔ. ²² Té pǎh kɪ se mó tǔ ò pónó noh n pi. Núkúnúkú, sǒ se pé kɪ pɪ nɪ? ²³ Nkě, páh kɪ nê yo n pi ò tyí, à kápah pɪ. Díbí nɛpí òyêh-á me ásô, nónó-á pé vyǎhle Liyel kǔ, té kɪ ké tyi pɪ n pi. ²⁴ Nkě, à pé tɛ sɔkɔ, òmɔ ànê pépi kyí ké tyi pɪ pé gblǔy tǔ sah Liyel yah, òmɔ mó yín pé ywǔ kyénó sárká gbǔnwílkíle. Kápah sɔkɔ, no pól-á kɪ pǐ ne, páh tyi nónónɛ n nohnɪ ò tyí sɔkɔ, gbɔ náh séle, òmɔ òtɛ tɔ-á me n kɔ Moyisi tyi kǔnsǎhnó wěkì yǔ. ²⁵ Nte nónó tɛ wo náh pɪ Nsyifunɔle, té vi mɔ pɪ Yesu yǔ sɛpúle, páh nê yah tɔkɔ, páh kè wǎrkɪ tekɪ mɔ tɛ pé tyí ne: Pé pé gblǔyne n tɛ sǎh fálnó yíle, ànê fǔfíkíle, ànê tǔ kwé-ńkě kwǎhkókè kòle, ànê tónɛ. ²⁶ Kápah sɔkɔ, dǐndalle Pole díbí nǔpɪ tɛ pé sɔkɔ wě tyí, à kyí pé gblǔy tǔ sah. Kápah náh, à de Liyel ní-ńsah gbô sɔkɔ. Té sǔ nê-á pé gblǔy tǔnsǎhnó sèpìn kɪ tǔ, té pé kɪ sárká wilkɪ n pi pé nénúkú núkú pól yín yǔ, à me ké gbǔyíkì yo nénpó.

Pole tǔnóle Liyel ní-ńsah gbô sɔkɔ

²⁷ Té sèpìn kwǎrninɔ nǔpɪ tyénó sɔkɔ, Nsyifunɔ nónó-á n wil Asi gběnyah sɔkɔ, pé Pole we Liyel ní-ńsah gbô sɔkɔ. Pé me tówú pól kurkɪ mɔ ò yǔ, té à tɛ. ²⁸ Pé sǔ me gbo mɔ tǔ ne ńkě, Yisrayel tǎn, pé pé yohnɪ n mɔ oo! Pé yah dí mènɛ, òmɔ-á n yo n yɪkɪ pépi Nsyifunɔ tyíle ywǔ ywǔ pól sɔkɔ, ànê tyi kǔnsǎhnó tyíle, ànê Liyel ní-ńsah gbô tyíle. A wil kápah sɔkɔ, névyɛ nónó náh pɪ Nsyifunɔle, wǎh pé tɛ de Liyel ní-ńsah gbô sɔkɔ. Liyel tyah mè òtɛ dɛl kó à pɪ yò nɪ? ²⁹ Té Torofimi nê-á n wil Yefesɪ kwil, òmɔ ye lésǔ pé we ànê Polele wě tyí kwil nɪyǔ sɔkɔ. Kápah ye, pé núkú we ne, Pole-á à tɛ de Liyel ní-ńsah gbô sɔkɔ. ³⁰ Kǎh pɪ sɛ, kwil fěkɪ. Névyɛ me to wil ywǔ ywǔ pólle, à pɔ. Pé me Pole tɛ yɔrɪ wil Liyel ní-ńsah gbô náhle, té núkú ké yey vike. ³¹ Gbí nê-á sǔ pé me n yah n kǔ Pole kǔnmɔ-ńsahle, Wrome tǎn sràsýíbí yǔtɛ ògbě kè we noh ne, Yerusalemɪ kwil pól-á me fěkínóle. ³² Nénpó swɔ, à núkú sràsýíbí ye tuke ànê sràsýíbí yǔtǎmne, té to sɔkɔ péle tówú mè mé-ńsah sɔkɔ. Té tówú mè-á fyò sràsýíbí yǔtɛ ògbě mè we à n pi ànê sràsýíbíle, pé núkú yal mɔ Pole kónóle. ³³ Kápah sɔkɔ, sràsýíbí yǔtɛ ògbě me no de Polele, à à tɛ, té ne, pé à pukubi kéló pló nínóle. Té piki yah ne, nédúkú nê se òne, ànê tir nê se à pɪ nɪ? ³⁴ Nte tówú mè névyɛ pól yuku yo mɔ tǔ wě yǔ pé tyíyónónɔle sé tyí tyíle. Kǎh pɪ sɛ, sràsýíbí yǔtɛ ògbě mè náh fě tɛ ké yǔ pǐ.

Képah sɔkɔ, à ne sràsýíbí Pole tẽ kyɪ dah mɔ pé wòkò ñgbě sɔkɔ. ³⁵⁻³⁶ Pãh kyɪ yĩni tẽ wòkò ñgbě mè yah, té Pole tyah n dɔkɔ ké súndɔkɔ-ńtân yõ, no pól ñ sõ tẽ me gbo mɔ tũ ne, pé à ko mɔ oo, pé à ko mɔ! No-á Polele n kah n yĩki n kõ sě, sràsýíbí kwɔ pé à yõ sɔkɔ.

Pole-á ñ vyãh kôli sõ

³⁷ Té gbí nê-á pé n tyah dénóle wòkò mè sɔkɔ, Pole me yõtẽ ñgbě mè syah ne, pé se ki fẽ tir yó yo ñ tyí ni? Yõtẽ dí ne, è, té wãh Kreki weyne n nohnú kè! ³⁸ Nkě, Yesyipti kwil dí nê-á fẽkinó pi sě yò sě yò, à tyínyêh pípú népí kèyõ nínó (4 000) tẽ sɔkɔ gběnni sɔkɔ, tẽ náh ñmòle kè. ³⁹ Képah sɔkɔ, Pole à syah ne, Nsyifu ney-á péwòle, pé dúbí-ńsah tótó-á Tarsu kwille, Silisi gběnyah sɔkɔ. Pé dúbí-ńsah kwil mè yĩn-á me wĩlnóle. Nkě, à ñ gblõy ye, à mó ye pé kõ pé yo mɔ no tyí. ⁴⁰ Sràsýíbí yõtẽ ñgbě me ké wěkìle à kõ. Képah tẽne, Pole yuku yĩn súndɔkɔ-ńtân yõ, té ñ gbõ pi mɔ no tyí, pé me yĩn súmm. A me tyah n weki pé tyí Yebre wey† sɔkɔ ne ñkě:

22

¹ «Ñ súbí ànê ní yũnpyé, yé yé gblõy ye, yè mó noh ní tyí, nê-á mé ki yo ki ní vyãh kôli n pi yé tyí.» ² Képah sɔkɔ, pãh Pole we à n weki pé tyí Yebre wey sɔkɔ sě, tyah tõ gbah pi súmm. ³ A me yo pé tyí ne: «Nsyifu ney ye ñmòle. Mé dubi Tarsu kwil, Silisi gběnyah sɔkɔ. Nte Yerusalemú kwil mè sɔkɔ ye mé kyãh yò. Té Kamalyelú ye sò kwò ñne. A ní kwò yĩ á náh tãn tyi kònsàhnó wãlle. Mé sò me gbah tẽ yĩ Líyel yò sénó sɔkɔ, sã-á yéle ké sɔkɔ kweyne yò. ⁴ Mé Yesu yõ sěpú fõh, fóó à pé tókù ko mɔ. Mé pé díbí ànê pé syó tókùle n tẽ n pukubi n dah n mɔ n pò wòkònpèkè sɔkɔ. ⁵ Sárká syínwĩkĩpu yõtẽ ñgbě ànê Nsyifunɔ yèwàhnì pól ki fẽ pi ní tãrfyòle ké sɔkɔ. Pépi ñtẽ tyí ye lésò mé we syi sébéynóle ne mé kyí á no Nsyifunɔ kõ Damasú kwil, mé mó Yesu yõ sěpú we n tẽ n pukubi nóno-á me nénpó, mé pò péle Yerusalemú sɔkɔ, mé pò pé fõh.

⁶ Képah sɔkɔ, máh me wěkì yõ, té me de n te Damasú kwille, kyòo yó núkú wil yĩnyõ sɔkɔ gbìntòle, à pò kwe ní yò pèrr à ní mɔ gbĩ. ⁷ Kãh pi sě, mé yõ syki sétáh, té yĩnpõ yó noh nê-á me n yo ní tyí ne: «Sole, Sole, kwãh nê pi té á ñne n fõh sě?» ⁸ Mé me piki yah ne, nê se ñmòle ni, Tẽ ñgbě? Kéne yĩnpõ tõ ké syi yo ní tyí ne: «Nasaretú kwil Yesu ye ñmòle,

† 21:40 21.40 - Nsyifunɔ wey ye sò Yebre weyne.

nê-á á n fõh.> ⁹ Képah sɔkɔ, máh sò me wěkì yõ ànê nónóne, pépi tɔ sò kyòo mè we; té nê-á n yo n mɔ ní tyí, pè náh tẽ wɔ wey noh. ¹⁰ Mé me piki yah ne, tir nê se mé yĩne mé pi ni, Tẽ ñgbě? A me yo ní tyí ne: <Yuku n de Damasi kwil. Té wáh yĩne n̄ tyi nónó pól pi, pè kɪ sè yo n̄ syah.> ¹¹ Nte kyòo mè píkínó sò me ní yí wɔ. Kǎh pi sě, áyáh me wěkì yõ ànê nónóne, pépi me ní gbò sɔkɔ tẽ, à de Damasi kwil.

¹² Té dí yó lésò me nénpó pè n ye Ananiyasile. Kéne dí sò me Liyel wěkì ténó ple, me n̄ tyi kònsàhnóle n pi sé wǎl yõ. Nsyifunɔ nónó pól-á sò me nénpó, pé pól sò me n̄ yíngbíle n yo. ¹³ Nmɔ me pɔ n̄mɔ tnô, té yo ní tyí ne: <N̄ yúnpi Sole, fẽ ne n yah ítõ.> Wǎh yo sě, nénpó swɔ ní yí yíkɪ, mé me à we. ¹⁴ Képah sɔkɔ, à me yo ní tyí ne: <Liyel nê-á á náh tǎn n gbilki, ñmɔ ye n̄ yah tɔkɔ ne á pé dyɔ yĩne n pne, ànê á pé tònpi négbí* we yĩne, á mó n̄ vyǎh wey noh. ¹⁵ Képah ye, wáh tyi nónó we, té tyi nónó noh Liyel tònpi négbí tyí sɔkɔ, á kɪ n pi n pi sé yónwáh-òle no pól yí yah. ¹⁶ Kǎh pi sě, núkúnúkú káh n tǔ n tẽ n mo. Yuku, á yĩne wèlnwìlkínóle ni sɔkɔ, á tyípèl mó yõ mɔ n̄ kò, Tẽ ñgbě Yesu yĩn yéngbono sɔkɔ.>

¹⁷ Képah náh, mé ní syi sɔkɔ Yerusalemi kwil. Té sò yóle, máh me níri le n pi Liyel ní-ńsah gbô sɔkɔ, Liyel wěkínó yóle ní wěkɪ. ¹⁸ Mé Tẽ ñgbě we à me n yo ní tyí ne ní kě, Yerusalemi kwil tǎn náh ní tyíyónó fẽ n syi n pi péwɔ tyí sɔkɔ. Képah-á, mé sal n wil súú Yerusalemi kwil sɔkɔ. ¹⁹ Nte mé me yo n̄ tyí ne, á no Nsyifunɔ-á kè pĩ yĩ ne, máh lésò me n kyɪ n pɔ á Liyel ní-ńtǎn v̄i sɔkɔ, à ñmɔ yõ sěpúle n tẽ n dah n mɔ n pɔ wòkònpèkè sɔkɔ, té péle n ko yèfòhle; ²⁰ à tahlɪ pǎh n̄ tyí yónwáh-ò Yetyẽni ko mɔ gbí nêne, ñmɔ tɔ-á sò me dò. Máh sò me mɔ n̄ kònmɔpule, té pi pé fwòmò-ñgbnɔ syíkí-òle dò. ²¹ Képah sɔkɔ, Tẽ ñgbě me yo ní tyí ne: <Fíí sɔkɔ ye mé n tɛkɪ n mɔ ále kwlókáhkí névyè tyí. Ne n yuku!>>

²² Tówù sò me Pole welole n tǔ n sah n nohn̄, n̄te wǎh fyò pɔ welo nópɪ yo ne, kwlókáhkí névyè tyí-á Tẽ ñgbě n tɛkɪ n mɔ péle, pè núkú gbo mɔ wòhòh ne, ñsòntẽ névi-á yĩne kònmòntonole sètáh yõ. A náh yĩne à tẽ min sɔkɔ. ²³ Pè sò me kah gbo mɔ tũ, me pé flòle n de n milki, té me nèngbõne n yilki n mɔ. ²⁴ Kǎh pi sě, sràsýíbí yòtẽ ñgbě ne, sràsýíbí Pole tẽ de pé wòkò ñgbě sɔkɔ, pè mó à ko yèfòhle. Képah sɔkɔ, tir nê yĩn-á tówù n gbo n mɔ n̄ yõ sɔkɔ, páh kɪ ké

* 22:14 22.14 - Liyel tònpi négbí nê tyí-á pè n yo yò, Yesu ye.

yõ pĩ. ²⁵ Nte pãh Pole pukubi mnɔle ne páh ñne n ko gbí nêne, sràsyíbí yõtẽ dí nê-á sò me nénpó, à yo ñmɔ tyí ne: «Ké wěkì se me yépi tyí kɪ fě Wrome tãn gbò mɔ yõ ko ñ tükè-ñkě nítẽne?» ²⁶ Dí-á képah noh sě, à kyɪ kè yo sràsyíbí yõtẽ ñgbě tyí ne, tyítúkù nê se à n tyah pínóle sě ni? Ngbò Wrome tãn gbò mɔ yõ-á dí mènne dé! ²⁷ Képah sɔkɔ, sràsyíbí yõtẽ ñgbě pɔ Pole piki yah ne, à yo pé syah, Wrome tãn gbò mɔ yõ se ntyínɔ ñne ni? Pole me ne àwe-á. ²⁸ Pole-á yo sě, dí à syah ne, té pó ñgbě-á péwɔ tẽ wɔ wilki, té pɪ Wrome tãn gbò mɔ yõle dé! Pole me ne, ñte péwɔ tẽ wɔ-á dubi kéle. ²⁹ Képah tẽne, nónó-á kɪ sò yĩne pè Pole ko n pi ne à wekɪ, pè gbe mɔ ñne. Té sràsyíbí yõtẽ ñgbě-á kè we pĩ ne, Wrome tãn gbò mɔ yõ-á Polele, té pé me pè kɔ pè à pukubi, ké tiki de ñ sɔkɔ.

Pole tẽnkyinɔle Nsyifunɔ tukey tükèpu tĩnkĩ tyí

³⁰ Képah sɔkɔ, ké dɪndalle sràsyíbí yõtẽ ñgbě sò me ké tyí ne pé pĩ tótó, tir nê yõ-á Nsyifunɔ tɔkɔ Pole kɔ. Képah tẽne, à pè kɔ pè kyɪ Pole wah mɔ, té me tukey tükèpu tĩnkĩ névye pól ye tuke, pépi nónó sɔkɔ-á sárká syínwilkĩpu yõtãmne, té pè kɔ pè Pole tẽ pɔ pé ntyó.

23

¹ Képah sɔkɔ, Pole tyah tukey tükèpu tĩnkĩle n yah díkidíki, té yo pé tyí ne: «N yúnpyé, mé me ní fɔkɔ dal mɔ n kɔ Liyel wěkì yõ, pópó à pɔ nɔ kwey tyí.» ² Pole-á yo sě, nónó-á sò me ñ tnò, sárká syínwilkĩpu yõtẽ ñgbě Ananiyasi yo pé tyí ne, pè ñ vyãh mɪ. ³ Képah sɔkɔ, Pole me yo ñ tyí ne, sékú sò wahy nê-á ñne, Liyel-á kɪ mɪ ñmɔle. Wãh me kɔ tẽ ásò, à péwɔle n tuke à yĩne tyi kònsàhnóle à yo, té mó tɔ me sé dèlle n pɪ ne pè pé mɪ kè. ⁴ Képah tẽne, nónó-á sò me nénpó, pè à syah ne, Liyel sárká syínwilkĩpu yõtẽ ñgběne à n gbyɔ lé? ⁵ A me pè syah ne, pé nãh sò me pĩ ne sárká syínwilkĩpu yõtẽ ñgbě-á ñne ló, pé yúnpyé. Nkě, kãh me wárkínsàhnóle ne: «Káh á kwil névye yõtẽne n gbyɔ.»

⁶ Képah sɔkɔ, Pole-á sò me kè pĩ sah ne, tukey tükèpu tĩnkĩ tóní núkúle Sadásě névye-á, té pé tóní mè me Farisiyě névyele sě, à tyah n kah n wekɪ pé ntyó ne: «N yúnpyé, Farisiyě névye ye ní dúbípúle, ñmɔ tɔ me Farisiyě neyne. Té ñmɔ sònɔ-á me ké yõ ne, lékyî-á kɪ n yilki n mɔ n pi, képah

yìn ye ñne tukey sɔkɔ ásô yò.» ⁷ Pole-á fyò képah yo n te ñsɔ, yékâb ñgbě núkú de Farisiyě névye ànê Sadusě névye wró, à pé tówú gbekì. ⁸ Sadusě névye wɔ sò me ne, lékó yílkínmɔnɔ náh me, yínyò tònpi yó ñtě náh me, mírkí yó ñtě náh me. Nte Farisiyě névye wɔ mó ne, sé pól-á me. ⁹ Káh pi sě, wán tɔ mɔ névye gbónmɔnɔ yò. Képah tēne, Liyel tyi kònsàhnó kwópú nónó-á sò n wil Farisiyě névye ònkì sɔkɔ, pépi yísyó yuku yahle képékèyò ne, pépi náh me tyítúkù yó ñtě pínó we dí mè tyí pólle. Ténkàh mírkí yó, képah náh pi, Liyel yínyò tònpi yó-á kɪ nê yo mɔ n tyí té? ¹⁰ Té yékâb-á pɔ kah pi sòhsòh sě, tiki me sràsyíbi yòtě ñgbě tē ne, pàh kɪ pɔ Pole yɔri n kòli n pi. Képah sɔkɔ, à me yo sràsyíbi tyí ne, pè tiki kyɪ Pole tē n yal pé wró, pè yuku ñne pé wòkò ñgbě sɔkɔ.

¹¹ Ké lékâh-á pɔ mɔ, Tē ñgbě wil Pole yah, té yo n tyí ne: «Sóré mɔ á gblòy sɔkɔ. Ngbò, wáh ní tyí yo sɔ Yerusalemi kwil, á yíne n tɔ ní tyí yo sě Wrome kwil tɔ sɔkɔ dé!»

Nsyifunɔ-á yínvì nê dahbi Pole gbáhkì sò

¹² Képah sɔkɔ, tyah-á pɔ dal Nsyifunɔ yísyó yuku Pole tyí yo syi wě tyí, té pé wo Liyelle ne, pé náh tɔ̀nì yò yò kwáh yó ñtě yò n pi, ànê pé náh wɔ wɔ kwáh yó ñtě wɔ n pi, Pole kònmo-ńkě sɔkɔ. ¹³ Té nónó-á sò pi yínvì mènne, pè kah népì tikininíne. ¹⁴ Képah tē sɔkɔ, pè kyɪ wil sárká syínwílkípu yòtām ànê yèwàhnì tyí, té yo pé tyí ne, pépi-á pé wo Liyelle képékèyò ne, pé náh tɔ̀nì kwáh yó ñtě dah n mɔ n pi pé vyěy sɔkɔ, Pole kònmo-ńkě sɔkɔ. ¹⁵ Képah-á, ńkě pépi tɔ pé vyěy pi núkúle ànê tukey tükèpu ònkìle, pè mó kyɪ kè yah kò sràsyíbi yòtě ñgbě tyí ne, à Pole tekɪ mɔ pé kò. Nkě, pè kè pi á kɪ ne, pè sò me ké tyí ne, pé n tyi sohlì n yah palle. Nte pépi tē wɔ-á kɪ pé vi, kɪ kyɪ à syikɪ tē wěkì yah sɔkɔ, kɪ à we ko mɔ, n yínintě-ńkě sɔkɔ.

¹⁶ Nte Pole lèpi me yínvì mè tyí we noh, té Pole nyáh sò sràsyíbi wòkò ñgbě sɔkɔ, à kyɪ kè yo à syah. ¹⁷ Képah sɔkɔ, Pole me sràsyíbi yòtě yó ye, té yo n tyí ne, tir yó-á me dípir mè tyí yo yo tēne sràsyíbi yòtě ñgbě tyí. Nkě, à kyɪ ñne n tyí. ¹⁸ Wáh yo sě, dí me kyɪ dípirle, té yo pé yòtě tyí ne, Pole nê yah-á víkénóle wòkò ñgbě sɔkɔ, ñmɔ-á ye yah péle, té kè yah kò pé tyí ne, pé pɔ dípir mènne n tyí. Wáh me ké tyí ne, pé tir yó yo à syah. ¹⁹ Képah sɔkɔ, yòtě ñgbě me dípir gbò sɔkɔ tē pè kèkɪ gbòpòle, té à piki yah ne, tir nê se n tyí yo yo tēne ni? ²⁰ A me yo n tyí ne, Nsyifunɔ yísyó-á me yo

sah núkú yõ ne, páh kɪ pɔ à ni, à Pole tekɪ mɔ pé kɔ́ nsõne tukey tükèpu ònkɪ tyí, á kɪ ne pè sɔ́ me ké tyí ne, pé n tyi sohl n yah palle. ²¹ Té à yah, népí tikinini dòhnò-á me pé vi sah, me Polele n plo pèkè yóle. Páh kè yah tɔkɔ, à pé wo ne, pé náh tɔ̀nì yõ yõ kwáh yó òtẽ yõ n pi, ànê pé náh wɔ wɔ kwáh yó òtẽ wɔ n pi, n kònmɔ-òkẽ sɔkɔ. Páh kè sah te gbáhkì núkú yõ, té me òmɔ ó fẽnsyinɔ syɪkɪ tẽ. Nte à káh n ye pè à pilki. ²² Képah sɔkɔ, sràsyíbì yòtẽ ògbẽ me dípir fin mɔ, té kè gbah yo n tyí ne, à káh kè yãh ònì yó òtẽ tyí ne, páh tyi nópi gbél kye péwɔ tyí dé!

Pole tékinmɔnɔle Sesarɪ kwil

²³ Képah sɔkɔ, sràsyíbì yòtẽ ògbẽ me sràsyíbì yòtãm népí ními ye pɔ yo pé tyí ne, pè sràsyíbì népí lègbãm (200) wilki n sah, ànê sèsèn nátãm népí tikitɔ̀nì pɔ gbãmne, ànê màràl nátãm népí lègbãmne (200). Pè mó pé vi sah Sesarɪ kwil sɔkɔ sɔkɔ tẽne yẽpnì sò. ²⁴ Pè mó tɔ̀ sèsèn yísyó wilki n sah, sépi pɔ Pole twah yuku gběnyah yah tẽ-ò dí Felikisi òinne, dlo yó òtẽ káh à we nɔ. ²⁵ Képah tẽne, té sébéy wãrkɪ pè kɔ́ ne, pè kyɪ Felikisi kɔ́, nê sɔkɔ-á à yo ne òkẽ: ²⁶ «Ñmɔ Klode Lisyasɪ ye n tɔ̀ sébéy mènne á tyí, gběnyah yah tẽ-ò dí pèpèy Felikisi. N wey me á tyí. ²⁷ Dí nê-á mé n tekɪ mɔ á tyí yò, Nsyifunɔ sò me à tẽ, me n yah n kɔ́ n kònmɔ-ònsahle. Nte máh noh ne Wrome tãn gbò mɔ yõ-á òne, òmɔ ànê ní sràsyíbì me kyɪ à tẽ syi pé tyí. ²⁸ Nte mé sò me ké tyí ne, mé pĩ tir nê yĩn-á pè tɔkɔ à kɔ́. Képah ye, mé à tẽ kyɪ pé tukey tükèpu ònkɪ tyí. ²⁹ Képah sɔkɔ ye mé pĩ ne, páh me yékãble n pɪ Polele pé tyi kònsàhnó tyí yõ, té képah tyí yõ-á pè tɔkɔ à kɔ́. Té sépi pól sɔkɔ, à náh tir yó òtẽ pɪ nê-á yĩne n kònmɔnɔle, képah náh pɪ, n dàhnmɔnɔle wòkònpèkè sɔkɔ. ³⁰ Képah náh, mé pɔ noh ne, páh me yĩnvì yóle n dahbɪ n gbáhkì sò. Képah ye, mé núkú òne n tekɪ n mɔ á tyí yò. Té nóno-á sò me tɔkɔ à kɔ́, mé me yo pé tyí ne, pè kyɪ ké yah yo áwɔ tyí.»

³¹ Képah sɔkɔ, káh yo sɔ́ sràsyíbì tyí, pè me kè pɪ sɛ. Pè kyɪ Pole tẽ à sɔkɔ òne lékãhne, fók à kyɪ de Antipatrìsi kwil. ³² Dìndalle, pè sèsèn nátãm kɔ́ pè yõ sɔkɔ òne, té pé téló me pé syɪ sɔkɔ pé sràsyíbì wòkò ògbẽ sɔkɔ. ³³ Sèsèn nátãm nópi-á fyò kyɪ de Polele Sesarɪ kwil, pè sébéy mènne gběnyah yah tẽ-ò dí kɔ́, té Polele n gbò dahbɪ. ³⁴ Gběnyah yah tẽ-ò dí me sébéy mènne kar, té Pole piki yah ne, gběnyah nê ney se

̀̀ne ni? Wǎh noh ne Silisi gběnyah ney-á ̀̀ne, ³⁵ à yo ̀̀ tyí ne, nónó-á tɔkɔ à kɔ̃, pàh kɪ pɔ gbí nêne, páh kɪ pyě nónhó pɪ ̀̀ tyí. Té me yo pé tyí ne, pé à tẽ ̀̀ yah vike n sah Yerɔɔ tɔrí kéte sɔkɔ.

24

Nsyifunɔ me n yah n kɔ̃ Pole tükè-̀̀sahle

1 Té sèp̀̀n kwâl sɔkóntɛnɔ náh, sárká syínwílkipu yòtẽ ñgbě Ananiyasi tiki pɔ Sesarɪ kwil, ànê yèwàhni yísyóle, à tahlɪ wey pí-ò ñgbě yó tyí, nê-á pé n ye Tertulusile. Pé sò me pɔ Pole ye, gběnyah yah tẽ-ò dí Felikisi tyí. ² Képah sɔkɔ, pé me Pole ye yah, té Tertulusi me de wey sɔkɔ, à n tɔkɔ Polele n kɔ̃ ne nkě, gběnyah yah tẽ-ò pèpɛy, yèvinɪ ñgbě nê sɔkɔ-á péle kweyne yò, ñmɔ gbò yò sɔkɔ-á kè we. Wǎh ̀̀ gběnyah yah tẽ palle sɔ̃, képah-á ṽnmɔnɔ nahnáh dahbɪ ké sɔkɔ. ³ Wǎh n tɔ̃ n sah n pɪ pépi tyí sɔ̃ gbíme gbí tantàn pól sɔkɔ, páh n gbah n wekɪ ̀̀ tyí képah yinne. ⁴ Té à ̀̀ kékwe, à mó ̀̀ níki kwɔ̃ noh pé tyí kwéy. Pé náh pé wey yò ko n pi, kè kɔ̃ kè n pɪ n pi ̀̀ tyí gblóvyáhríle. ⁵ Nkě, dí nê-á yò, páh kè kyomɪ we ne, wǎh me pɪ tẽ soh soh níyân tyí kɔ̃le. Wǎh me Nsyifunɔ yòle n ykɪ kèkòyó pól sɔkɔ. Nmɔ-á n tẽ névyé yahle, nónó-á n ko Nasaretɪ kwil Yesu wěkì yò, nê-á gbɪ náh kéle. ⁶ Wǎh sò me n yah n kɔ̃ Liyel ní-̀̀sah gbò dél ní tẽ pí-̀̀sahle, képah-á pé kɔ̃ pé à tẽ. [Páh sò ne pé à tuke à yĩne pépi Nsyifunɔ tyi kɔ̃nsàhnó tyi yónóle. ⁷ Nte sràsýíbí yòtẽ ñgbě Lisyasɪ-á pɔ̃ à tẽ syi pé tyí gbùgbù, ⁸ té ne: «Nónó-á ne Pole tyípínó náh me ple, pé kyɪ tɔkɔ à kɔ̃ Felikisi tyí.»] Képah náh, Tertulusi tɔ̃ ne, núkúnú kú ñmɔ ní tẽ Pole piki yah ̀̀ gblɔ̃y, képah sɔkɔ, wǎh kɪ pĩ ne, tyi nónó yĩn-á pépi pɔ tɔkɔ à kɔ̃, gblɔ-á séle. ⁹ Képah tẽne, Nsyifunɔ me dí wey sò so mɔ ne, sě-á kè we.

Pole-á ̀̀ vyǎh kɔ̃lɪ sɔ̃ tukey sɔkɔ

¹⁰ Képah náh, gběnyah yah tẽ-ò dí me ̀̀ gbò pɪ mɔ Pole tyí, à weyne à kɔ̃. Képah sɔkɔ, Pole me ne: «Mé pĩ ne áwɔ-á ápi no tukey tükè-̀̀le ké ye nahnáh-á yò. Képah ye, ní ni me yinnóle kɪ ní vyǎh kɔ̃lɪ á yah sɔkɔ. ¹¹ Nmɔ dókónpɔnɔle Yerusalemɪ sɔkɔ, ne mé pɔ Liyel gbilki, kè náh tɔ̃nì kah sèp̀̀n gbõninóle. Áwɔ ní tẽ kɪ fě ké níy tẽ, kɪ ké gbɪ pĩ. ¹² Pé náh ní we mé me yékâble n pɪ ñnî yó ní tẽne Liyel ní-̀̀sah gbò sɔkɔ, képah náh pɪ Liyel ní-̀̀nân vì sɔkɔ, képah náh pɪ

kwil fí yó n̄tē soko. Mé náh se mó t̄s̄ tówû kurki mo tir yó n̄tē soko. ¹³ Té p̄h̄ p̄o t̄oko n̄ne n k̄o yò, tir n̄e me p̄e k̄i f̄e yo n̄e-á n w̄k̄i ne gbl̄o-á pé tyíyónó nóp̄ile? ¹⁴ Nte n̄e t̄e-á mé k̄i n yo n pi, k̄epah ye yò, mé me t̄ole n pi n̄i náh t̄an Liyel tyí w̄k̄i m̄e yò, w̄k̄i n̄e-á pépi ne gb̄i náh kéle. Nte tyi nónó pól-á w̄ark̄i tyi k̄onsàhnó àn̄e Liyel t̄ent̄o syínyopu sébéynó soko, n̄mo s̄enó me sé pól yò. ¹⁵ Nmo s̄on̄o-á me Liyel yò n̄e tyí soko, pépi t̄o s̄on̄o me k̄epah ó yò ne, n̄ép̄ep̄lo àn̄e n̄étúk̄un̄i pól lékyî-á k̄i yilki mo. ¹⁶ K̄epah ye, mé me gbah t̄e n̄i f̄oko dal mo n k̄o Liyel yah àn̄e névye yah soko gb̄imegb̄i, w̄enyo-ńsah k̄ene. ¹⁷ N̄ pónó n̄e tyí-á mé yo yò, ye n̄áhnáh sók̄onten̄o náh ye mé p̄o Yerusalem̄i soko, à p̄o n̄i kwil névye yohn̄i mo p̄ole, té sárkánó wilki Liyel tyí. ¹⁸ K̄epah soko ye s̄o p̄e p̄o we n̄ne Liyel ní-ńsah gb̄o soko, m̄ah n̄i gbl̄oy t̄o sah gb̄i n̄ene. Tówû náh s̄o me n̄ne, àn̄e gbr̄ogbr̄o yó n̄tē náh s̄o me n pi. ¹⁹ Té Asi gb̄enyah Nsyifun̄o yísyó wo s̄o me. M̄ah s̄o me tir yó pu pi p̄e we, pépi ye n̄áhk̄i p̄o ás̄o, à p̄o t̄oko n̄i k̄o áwo tyí d̄o. ²⁰ K̄epah náh pi, Nsyifun̄o nónó-á ás̄o yò, p̄h̄ lés̄o n̄i t̄e kyi pé tukey t̄uk̄epu t̄ink̄i tyí, lék̄ah-à k̄i me we n̄i tyí, p̄e k̄e yo k̄e! ²¹ Tyínúk̄ú yó ó ye lés̄o mé yo gb̄ap pé tyí tukey t̄uk̄epu yah soko ne n̄k̄e, m̄ah s̄e ké yò ne lékyî-á k̄i n yilki n mo n pi, k̄epah ȳin-á n̄ne tukey soko kweyne yò dé!»

²² Té kwil yah t̄e-ò dí Felikisi s̄o me T̄e n̄gb̄e Yesu w̄k̄i d̄uk̄u p̄i ȳi. K̄ah pi s̄e, à tukey m̄e kur mo sah náh t̄in yò, té ne sr̄asyíbi yòt̄e n̄gb̄e Lisyasi-à k̄i p̄o gb̄i n̄ene, p̄ah k̄i pé tir m̄e yah wah. ²³ Té me ne, sr̄asyíbi yòt̄e dí n̄i syi n kyi Pole dah mo w̄k̄on̄p̄ek̄e soko. A mó ye à k̄o à ne n me n̄i gbl̄oy yò kwéy. A k̄ah n̄i tyí névye ȳini mo n̄i pónyòhn̄in̄m̄on̄ole.

Pole Liyel wey yónóle Felikisi àn̄e Drusili tyí

²⁴ S̄ep̄in̄ yísyó sók̄onten̄o náh, Felikisi p̄o de àn̄e n̄i kyi Drusilile. Té Drusilile, Nsyifu ney ye s̄o n̄ne. K̄epah soko, Felikisi p̄e k̄o p̄e Pole ye yah, à p̄o Yesu Krista yò s̄e d̄uk̄u tyíle n ȳah n̄i tyí. ²⁵ Nte Pole-á p̄o tyah n ȳah gb̄i w̄k̄i k̄o d̄uk̄u p̄ep̄ey tyí yò gb̄i n̄ene, àn̄e gbl̄oy t̄enó tyí yò, àn̄e Liyel névye p̄o n tuke d̄uk̄u tyí yò, k̄epah soko, tík̄i Felikisi t̄e, à me yo Pole tyí ne, núk̄únúk̄ú t̄ene, w̄ah k̄i f̄e n yuku, té p̄ah p̄o wr̄o we, p̄ah k̄i t̄o yo mo n̄i tyí. ²⁶ Té n̄i s̄on̄o s̄o me ké yò tole ne, Pole-á k̄i pé k̄o n pi p̄ole; k̄epah ye, à s̄o me n̄ne n t̄o n ye f̄arf̄ar p̄e ȳáhk̄ile n ȳah n p̄o n̄ne.

27 Pè ye nínó pɪ képah tẽ sɔkɔ sɛ̃. Képah náh, yòtẽ késán yó pɔ Felikisi swɔ tɔkɔ pè n ye Porsiyusi Fesitusile. Té Felikisi-á sò me ké tyí ne pé Nsyifunɔ dyɔ yíi pɪ sɛ̃, képah ye à Pole sah wòkònpèkè sɔkɔ.

25

Pole n̄ gblɔy tyí dahbɪ Wrome kwiltām yòtẽ Sesar gbò

1 Képah náh, gběnyah yah tẽ-ò Fesitusi* pónó sèpìn tɔ-ò sòle Sesarɪ kwil sɔkɔ, à dɔkɔ yuku Yerusalemɪ kwil. 2 Képah sɔkɔ, sárká syínwìlkɪpu yòtām ànê Nsyifunɔ né-ngbnɔ kyɪ n̄ tyí ne níkẽ, Pole-á tyítúkúni pɪ. 3 Té tyah ñne n gbah n ni ne, à n̄ gblɔy ye pé tyí, à mó Pole kɔ à pɔ Yerusalemɪ kwil, pé n̄ tyi sohlɪ n yah palle. Nte kègbɪ tẽ yò, yínvɪ ye sò pè n pɪ ne, pé à we ko mɔ wèkɪ yah. 4 Nte Fesitusi me pè syah ne, Pole-á me dahnmonɔle wòkònpèkè sɔkɔ Sesarɪ kwil. Té péwɔ ñtẽ tɔ náh tɔ n mo n pi pé syínsɔkɔ-ńsah nénpó. 5 Nkẽ, pé yah tām nónó-à kɪ fẽ n tẽ n pi, pè péwɔ sò tẽ pé tiki yuku Sesarɪ kwil. Pole-à kɪ se me tyítúkú yó pɪ pè we, páh kɪ kyɪ nénpó, pè kɪ n tɔkɔ à kɔ.

6 Képah sɔkɔ, Fesitusi náh tɔ tẽ mo nénpó à kah sèpìn kwártɔnɔ, képah náh pɪ, gbām yò sɔkɔ, té n̄ syɪ sɔkɔ Sesarɪ kwil. Ké dindalle, à me kɔ tẽ tukey tükè-ńsah sɔkɔ, té tẽntò mɔ ne pè pɔ Polele. 7 Pole-á pɔ gbí n̄ne, Nsyifunɔ nónó-á sò wil Yerusalemɪ kwil, pè pɔ à mɔ gbí, té tyah lékähle ñne n kɔ kèpékèyò tyi nahnáh sɔkɔ. Té tir yó ñtẽ náh me pé tyiyónó nòpi sɔkɔ, nê-á wèkɪ ne gblɔ-á séle. 8 Képah sɔkɔ, Pole me tyah n̄ gblɔy vyähle n kòlɪ ne, pé náh tyítúkú yó ñtẽ pɪ à de Nsyifunɔ tyi kònsahnó tyí, képah náh pɪ Liyel ní-ńsah gbò tyí, képah náh pɪ Wrome kwiltām yòtẽ Sesar tyí. 9 Nte Fesitusi wɔ sò me ké tyí ne, Nsyifunɔ pé yíngbùle n yo. Káh pɪ sɛ̃, à Pole syah ne, à se kɪ fẽ syi kyɪ Yerusalemɪ sɔkɔ, n̄ tukey kyɪ n̄ tuke péwɔ yí yah nɪ? 10 Wäh yo sɛ̃, Pole me yo n̄ tyí ne, Sesar tukey tükè-ńsah yó sɔkɔ-á péle yò, ñmɔ tyí-á pé tukey yíne kè tuke. Nsyifunɔ-á yò, pé náh tyítúkú yó ñtẽ pɪ pé tyí. Yòtẽ dí, ñmɔ ñtẽ tɔ púnýinɔ-á me ké sɔkɔ ó. 11 Nkẽ, pé tyí-à kɪ me kah, ànê pé me tir yó pɪ nê-á yíne kũne, pé náh me yahle pé kúnó yò dò. Nte páh tɔkɔ péwɔle n kɔ tyi nónó sɔkɔ, gblɔ-à níkēne séle, ñn̄i yó ñtẽ náh fẽ pé gbàh de mɔ pè kɔ n pi. Páh me ké tyí ne, pé tyí tukey kyɪ

* 25:1 25.1 - Fesitusile, Wrome ney ye ñne. Nmɔ ye sò Wrome kwiltām yòtẽ Sesar sah Nsyude gběnyah yah tẽ-òle.

n tukey Sesar tyí. ¹² Képah sɔkɔ, Fesitusi ànê n tukey tükèpu fĩkĩ me wě we. Páh tyɛ, à me yo Pole tyí ne, wǎh fyò Sesar yĩn yo tɛ, wǎh kɪ kyɪ ñmɔ tyí Wrome kwil sɔkɔ.

Akripa me Polele n piki n yah

¹³ Sèpìn yísyó sókónteno náh, yòtě dí Akripa ànê n dósê Berenisi pɔ yah gběnyah yah tě-ò dí Fesitusi tyí, Sesarɪ kwil. ¹⁴ Pè kɪ sò sèpìn yísyó pɪ n pi nénpó. Kǎh pɪ sě, Fesitusi mó núkú Pole tyí we kò mɔ yǎh Akripa tyí ne ñkě, Felikisi-á dí yó dah mɔ sah wòkònpèkè sɔkɔ ásò. ¹⁵ Té páh pɔ yuku Yerusalemɪ kwil, sárká syínwìlkìpu yòtǎm ànê Nsyifunɔ yèwǎhni-á me pɔ n tɔkɔ ñne n kò pé tyí, té me kéle n yah n kò pé tyí ne, pé à mɔ kũ kũ. ¹⁶ Nte páh kè yo pé tyí ne, kè náh n pɪ sě pépi Wrome tǎn wěkì sɔkɔ. Pé náh wòkònpèkè sɔkɔ neyne n mɔ kũne n kò, né pé náh wěkìle à kò, à n yo yo tě yo névyɛ yĩ yah, nónó-á tɔkɔ à kò. ¹⁷ Képah sɔkɔ, kéne no me pɔ ànê péwɔle ásò sɔkɔ. Péwɔ náh sò me ké tyí ne pé tir mè sah mo. Képah-á, ké dǐndal rítěne pé núkú yuku tukey tükè-nsah sɔkɔ, té ne pè pɔ kéne dǐne. ¹⁸ Péwɔ tě-á sò me n sò ne, névyɛ nónó-á tɔkɔ à kò, páh kɪ pɔ tyítúkúni ñgbnɔ duke duke kwǎh n pi ne, sépi-á à pɪ. Nte páh pɔ, kè náh pɪ sě. ¹⁹ Páh me pɔ yékâb yísyó óle n pɪ ñne pé yěngbě Liyel wěkì tyí sɔkɔ ànê Yesu yó tyí sɔkɔ nê-á lésò ku, té Pole tǔ me n yo ne, wǎh me min sɔkɔ. ²⁰ Kǎh pɪ sě, péwɔ náh sò pĩ, páh ne yĩ mè dukù wah n pi sò. Képah sɔkɔ, pé me Pole piki yah ne, à se kɪ kyɪ Yerusalemɪ kwil, n tukey kyɪ tukey nénpó nɪ? ²¹ Nte Pole me ne, páh me ké tyí ne pé tě ásò, pé tyi yah mó pɔ kyɪ wah Wrome kwiltǎm yòtě Sesar tyí. Kǎh pɪ sě, pé me ne pè à dah mɔ sah wòkònpèkè sɔkɔ, fóó kè pɔ nɔ n tékínmɔnɔ tyí Sesar tyí. ²² Képah sɔkɔ, Akripa me yo Fesitusi tyí ne, péwɔ tɔ-á me ké tyí ne dí mè pɔ n tyi yǎh pé noh. Képah těne, Fesitusi me ne ñkě, ñsò rítě ó sɔkɔ, wǎh kɪ pɔ n tyi yǎh à kɪ noh.

²³ Dǐndalle, Akripa ànê Berenisi pé mɔ wil yòtǔrí flo sɔkɔ, té sràsyíbi yòtǎm ñgbnɔ ànê kwil né-ñgbnɔ me pé sò tě, pè yuku tukey tükè-nsah wòkò sɔkɔ. Képah sɔkɔ, Fesitusi pè kò pè pɔ Polele. ²⁴ Wǎh pɔ, Fesitusi me de wey sɔkɔ té ne, yòtě dí Akripa, ñmɔ ànê nónó pól-á me péle ásò sɔkɔ yò, pé pól-á me dí mène n yah kè. Nsyifunɔ tówú pól-á pɔ wil pé tyí n tyí sɔkɔ Yerusalemɪ, ànê fóó ásò tɔ sɔkɔ. Páh me gbo mɔ tũ ne, à náh yĩne sàhnóle min sɔkɔ pólle. ²⁵ Nte péwɔ tě

wɔ náh tir yó we ò tyípinì sɔkɔ, nê-á yĩne ò kònmonɔle. Té wǎh fyò ò gblɔy tyí dahbi Wrome kwiltám yòtẽ Sesar gbò, képah-á pé ne, páh kɪ à tekɪ mɔ à kɔ. ²⁶ Té tir nê tẽ tótó-á pé kɪ wǎrkɪ, kɪ à tekɪ mɔ n pi Wrome kwiltám yòtẽ Sesar tyí, pé náh me képah pĩ. Képah-á pé pɔ òne pé tyí ànê òmɔ rítẽ tɔ tyí ò wahle yòtẽ dí Akripa. Páh ne, pǎh kɪ à piki yah te, pé tẽ we tir yó we n wǎrkɪ ò tyí sɔkɔ, pé à tekɪ n mɔ Sesar tyí. ²⁷ Péwɔ tẽ tyí ké yah náh, à wòkònpèkè sɔkɔ ney tekɪ mɔ Wrome kwiltám yòtẽ tyí, té à náh mó tɔ tẽ tyi yah we yo tekɪ mɔ ò tyí, nónó yĩn-á pé tɔkɔ à kɔ.

26

Pole-á ò tyípinì yǎh sɔ yòtẽ dí Akripa tyí

¹ Képah sɔkɔ, yòtẽ dí Akripa yo Pole tyí ne, wey-á me ò tyí, wǎh kɪ fẽ ò vyǎh kɔli. Wǎh yo sɛ, Pole me ò gbò yɔ, té tyah ò vyǎh kòlìnóle pé tyí ne òkɛ, ²⁻³ yòtẽ dí Akripa, òmɔ-á pépi Nsyifunɔ tyídí pólle n pne ànê tyi nónó yò-á pé yékâble n pi. Képah-á, òvìvì ògbê-á kéle péwɔ tyí kweyne, kɪ pé vyǎh kɔli tyi nópi pól sɔkɔ, Nsyifunɔ-á n tɔkɔ péle n kɔ tyi nónó sɔkɔ. Páh òne n ni, à ò gblɔy ye, à mó noh pé tyí.

⁴ A tɔkɔ pé kètɛnpìkì gbí òkù tyí, páh sɔ me pé minne n pi òkù nêne pé kwil tǎn wró ànê Yerusalemɪ sɔkɔ, Nsyifunɔ pól-á képahle n pne. ⁵ Páh péle n pne di mónóle. Páh kɪ me ké tyí, pǎh kɪ fẽ pé kèòkù yo rítɛne ne, Farisiyẽ névyè ònkì sɔkɔ ney-á péle, ònkì nê Liyel wèkì tyí-á kah tah. ⁶ Nte Liyel-á ò vyǎh tɔkɔ pé náh tǎn tyí nê tyí sɔkɔ, péwɔ gbò sàhnó-á me ké yò, képah yĩn-á péle tukey sɔkɔ nùkúnúkú yò. ⁷ Té pépi yìkì ògbòninó gbò sàhnó-á me ké yò ne, kǎh kɪ n pi n dal n mɔ n pi, té me gbah tẽ à Liyelle n gbilki ké lékâh, ké gbìntò. Képah yò gbò sàhnó yĩn-á Nsyifunɔ tɔkɔ péwɔ kɔ yò, yòtẽ dí Akripa. ⁸ Nte kwâh nê se pi, té ké fɛnsyinɔ tɔ kah tah pé no Nsyifunɔ tyí ne, Liyel-á lékyìle n yilki n mɔ ni?

⁹ Péwɔ rítẽ tɔ-á sɔ me n sɔ ne, páh yĩne pé tyi pól pi, pé Nasaretɪ kwil Yesu yĩn yò sɛnó yah kɔ. ¹⁰ Sárká syínwìlkìpu yòtám-á ké wèkìle pé kɔ te gbí nêne, páh Yesu yò sɛpú nàhnáh tẽ dah mɔ wòkònpèkè sɔkɔ. Té páh sɔ sɔ péle n ko n mɔ fyéle, péwɔ kè fẽ n syi. Képah-á pé pi Yerusalemɪ kwil. ¹¹ Páh sɔ me n de n kɔ pépi Nsyifunɔ Liyel ní-rítǎn vè sɔkɔ, à Yesu yò sɛpúle n tẽ n fòh, té me ké tyí ne pé pé kyĩ mɔ, pé Yesu yò sɛnó yal mɔ. Té pé fɔkɔ vyǎh nkàhnmonɔ tẽ

tyí péle, páh níkěne pé nyáh sō ò kyi péle n fōh kwlókáhkínò tò sòkò.

¹² Sě-á sō yóle, sárká syínwilkípu yõtām me tēnweno ànê wēkile pé kō, pé yuku à n yuku Damasi kwil. ¹³ Nkě, yõtē dí Akripa, páh sō me wēkì yō gbìntō pōle, té me kyòò yó we kè wil yínyō, nê-á piki kal gbīne, à pò kwe péwò ànê pé wēkì kómú yō pèrr, à pé mọ gbī. ¹⁴ Képah tēne, pé pól syikilì sètáh té péwò me yínpō yó noh kè me n yo pé tyí Yebre wey sòkò ne níkě: «Sole, Sole, kwâh nê pì té á òne n fōh sě? Ngbò gbò nê-à yahle náh vínóle, képah ye n kwò dé!» ¹⁵ Káh pì sě, pé me piki yah ne, nê se òmọle nì, Tě ògbě? A me yo pé tyí ne: «Yesu ye òmọle, nê-á á n fōh. ¹⁶ Nte yuku n yīn á gbyêh yō. Máh ní gblōyne ò wēkì tir nê yīnne, képah we yò: Mé ne á pì ní tōnpule. Sě-á á we òne yò, á kì kéle n yah n yo n kō, à tahlì tyi nónó tó-á mé kì pò ò wēkì n pì náhle. ¹⁷ Mé kì ò pwah mọ wilki Nsyifunò ànê kwlókáhkínò névye gbò, pépi nónó tyí-á mé n tēkì n mọ ále. ¹⁸ Mé ále n tēkì n mọ pé tyí ne, á kyi pé yí ykì, pè kō pè wil fētũ sòkò pè pò kyòò yah. Pè mó wil sètàn yõtē yōrì sòkò pè pò Liyel tyí, pé tyípél kō sè yō mọ pè kō, pè mó kyi tē-nsah we Liyel wēnpì wró, nónó-á me Liyel tyí yō òmọ yō sēnó yīnne.»

¹⁹ Pole-á Tě ògbě Yesu welò nòpi yo te, à ò syì yo Akripa tyí ne níkě, yõtē dí, páh tyi nónó noh, té tyi nónó we wēkínò mè sòkò nê-á n wil Liyel tyí, pé náh yahle sé pínóle. ²⁰ Té Damasi tăn ògbò tyí-á pé yo séle. Képah náh, pé me sè yo Yerusalemì tăn tyí, ànê Nsyude gběnyah tăn pólle, à tahlì kwlo kwlo téló tyí. Páh kè yo pé pól tyí ne, pè pé nno vi mọ, pè mó Liyel wēkì tē. Nkě, pè tyípeplòle n pì, nónó-á n wēkì ne gbì yō, pé nno-á vi mọ. ²¹ Té képah yō sòkò-á Nsyifunò tē péle, gbí nê-á sò pé me Liyel ní-nsah gbò sòkò. Páh sò me n yah n kō pé kònmọ-nsahle. ²² Nte Liyel yòhnìnmonò gbò yō, páh me min sòkò à pò syì kwey tyí. Té páh tō ásò sòkò yò, gblo yo yīnne tahlì ànê yām tăn tyí. Liyel tēntò syínyopu ànê Moyisi-á tyi nónó tyí yo ne, sah kì pò n pì n pì, pé náh tir yó nítē yo kah mọ sépi yō, sépi nónó-á yo ne níkě: ²³ Liyel ney yáhntòkòkò-á kì yèvyāhrì pì kì ku. Té òmọ-á kì n pì n pì négbenne, kì yilki mọ lékyì sòkò. Wáh kì pò pwáhnmonò tyí yo wah kyòò pépi Nsyifunò tyí ànê névye téló tyí.

²⁴ Té Pole-á me ò tyi yah yónó sòkò sě me ò vyāhle n kòlì, Fesitusi wekì páhpáh ò yō ne níkě, ò yògbèkè náh me, ò kárn pínó kèpèkè-á ò yògbèkè yuku. ²⁵ Nte Pole me yo ò tyí ne

ńkě, yòtě pèpèy, pé yògbèkè náh yuku dé! Gblo ànê yèsrey welo ó kókó-á pé n wèkí. ²⁶ Nkě, tyi nópi sòkò yó òtě náh pì sètìn sò sòkò, pé sěńó-á me ké yò ne, yòtě dí Akripa òtě pínó-á me sé sòkò dò. Képah-á, pé kò pé kéle n yo n dal n mọ̀ n yah sòkò nìsàhle. ²⁷ Nte yòtě dí Akripa, à kó sě Liyel tětò syinyopu welo yò nì? Péwò tě-á pì ne wáh sě sé yò. ²⁸ Képah sòkò, Akripa me yo Pole tyí ne, káh náh kì ne pé mo kwéy, wáh nàhkì nùkú péwò vi mọ̀ pì Yesu yò sě-òle.* ²⁹ Pole me yo n tyí ne, káh kì se pì nùkúnúkú ò, káh kì se mo ò, péwò tě-á me Liyelle n ni ne, kè káh yìn nmo òtě ó tyí, ńkě nónó pól t-á me pé welole n nohnì kweyne yò, pé pól pì péwò tyí kòle, Yesu yò sěpùle, té kárn wò káh mọ̀ pépì tyí.

³⁰ Képah náh, yòtě dí Akripa yuku, ànê gběnyah yah tě-ò dí Fesitusile, ànê Berenisile, à tahlì nónó pól-á sò me kòntěńóle péle. ³¹ Nte páh wil, pè tyah n yo wě tyí ne, dí mè náh tir yó òtě pì, nê-á yìne n kònmòńle, képah náh pì, n dahnmòńle wòkònpèkè sòkò. ³² Képah sòkò, Akripa me yo Fesitusi tyí ne, dí mè à sò me n tukey tyí dáhbí-ńkěne Wrome kwiltám yòtě Sesar gbò sòkò, wáh yìne fínmòńle.

27

Fesitusi ne pè sòkò Polele Wrome kwil

¹ Képah sòkò, káh pò sah nùkú yò ne, áyáh kì yuku n pì Wrome kwiltám yòtě ògbě Sesar tyí Yitalì gběnyah sòkò, pè me Pole ànê wòkònpèkè sòkò névyè yísýó dahbì sràsyíbì yòtě yó gbò, ne à sòkò ále. Dí mè yìn ye sò Nsyulyusile. Nmo ye sò Wrome tǎn sràsyíbì ùnkì yó yòtěne nê-á pè n ye Wokustile. ² Képah těne, á de Adramiti kwil krótókè ògbě yó sòkò, à sòkò. Krótókè mè kì sò n syò n pì Asi gběnyah krótónè yìn-ńtǎn sòkò. Arisitarkì sò me ále, nê-á n wil Masedonì gběnyah kwil yó sòkò pè n ye Tesalonikile. ³ Ké dindalle, á kyì de Sidò kwil. Nte Nsyulyusi sò me Pole těńó ple. Káh pì sě, à wěkile Pole kò ne, à kyì yah n kódíbì tyí, pè kò pè à we n yohnì n mọ̀. ⁴ Képah náh, áyáh yal nénpó, yáhkì sò me ále n fwo. Káh pì sě, á syò gběnyah yó gbòpò pè n ye Syiprile, pne yò nuyó. Képah sò me yáhkì yah kò sah á tyí kwéy. ⁵ Té yò sòkò pne yò sòkò, à syò Silisi gběnyah ànê Pánfilì gběnyah gbòpò, à kyì tiki Mira kwil, Lisi

* **26:28** 26.28 - Wró mè sòkò, névyè sòńo me sé tyí tyile. Túkù sòńo sòkò, kó ye Akripa Polele n ko. Túkù sòńo sòkò mó, Pole wey n nu tě.

gběnyah sɔkɔ. ⁶ Áyáh me nénpó, Wrome tãn sràsýíbí yòtë me Alekisãdri kwil krótókè ñgbě yó we, nê-á kɪ sò n yuku n pi Yitali* gběnyah sɔkɔ. A me á dah mɔ képah sɔkɔ. ⁷ Á sèpìn náhnáh pɪ, té á náh sò me fẽ n to súú. Á yèvyãhrɪ kah pɪ, té pyë yīni tẽ Knidi kwil dé-ńsahle yúkey. Nte yáhkí-á sò me ále n fwo nénpó òn yúkúnóle sě, gběnyah nê-á pè n ye Kretle pne yɔ niyó, á syõ képah dónmɔ-ńsah yó gbòpɔ pè n ye Salmonene. Nénpó sò me yáhkí yah kō sah á tyí kwéy. ⁸ Á yèvyãhrɪ pɪ nénpó sókó-ńsah sɔkɔ, à kyɪ yīni tẽ Kretɪ fɪ yó sɔkɔ pè n ye Krótónè yín-ńsah pèpɛyne. Lasti kwil me nénpó tnô.

⁹ Légbíne, wró náhnáh sò me sɔkɔ te. Té Nsyifunɔ filsàhkì sò níkì tẽ gbí-á sò me sɔkɔ te sě, yáhkí sò me kō. Kãh pɪ sě, krótókè tónó sò me pɪ dlolè. Képah ye, Pole me ké gbáhdyãh di pé tyí ne, ¹⁰ pé kódíbí, péwɔ-á kè we te ne, krótókè tónó náh tō fẽ n yō n sɔkɔ n pi, né dlo náh we ké sɔkɔ. Té kè náh n yīn n pi krótókè ànê ké sɔkɔ vyó yíkínó kèpèkè ó tyí dé, pépi to min-á kɪ n syah n wū ké sɔkɔ. ¹¹ Nte sràsýíbí yòtë dí sò me sě krótókè tó-ò dí ànê ké yòtë wey yō sɔkɔ, à kal Pole tyíle. ¹² Té Kretɪ gběnyah krótónè yín-ńsah mè náh sò me ple kwòvɪrɪ gbíne. Képah ye, névyè kan sò me ké tyí ne, kãh kɪ fẽ n pɪ n pi, pé yīni tẽ ké krótónè yín-ńsah yó sɔkɔ pè n ye Fenikisile, pé kyɪ kwòvɪrɪ gbí pɪ nénpó. Nénpó sò me Kretɪ gbìyiki ònne.

Yáhpékè yó kòńóle pne yɔ sɔkɔ

¹³ Képah sɔkɔ, yáhkí yó tyah n kō n wil fálfál yɔ niyó ònne. Képah tẽne, pè sò me n sō ne páh nê yah tɔkɔ, kãh kɪ fẽ pɪ, té me krótókè yīn mɔ mɔ vyóngbillkì dɔkɔ mɔ, krótókè kō kè tyah n sɔkɔ, à kyɪ tɔrɪ sɔkɔ Kretɪ gběnyah gbòpɔle. ¹⁴ Dō kwéy, yáhpékè yó kō wil ymɔ yō à tiki pɔ mɪ á sɔkɔ. Yáhkí mè yīn ye sò Yerakilõne. ¹⁵ Kè pɔ á krótókè tɔkɔ n yuku gběntěnáhle, á náh tẽ we ké yah kō. Á me á gblõy fin mɔ kè kō. ¹⁶ Kè kyɪ sɔkɔ ále gběnyahpír yó tnô pè n ye Kodale, pne yɔ niyó. Kéne gběnyah sò me yáhkí yah kō sah á tyí kwéy. Kãh pɪ sě, krótópír nê-á sò me tóhnmònsàhnóle krótókè ñgbě tyí, á gbah tẽ, à képah we yɔrɪ dah mɔ ké sɔkɔ yèvyãhrɪle. ¹⁷ Ké dáhnmòntenɔ náh, á mɔle krótókè ñgbě pukubi kore vi ne kè káh kwɔkɪ. Té tíkí-á sò me á tẽ

* 27:6 27.6 - Yitali gběnyah sɔkɔ ye Wrome kwille.

ne á káh kyɪ n nir Libi gběnyah sèmyáhrí sɔkɔ sě, képah ye á krótókè yõtah flɔ kũ, sépi nónó gbò yō-á nkēne yáhkí kéle n tu n mɔ súú, té me á gblɔy fin mɔ yáhkí kɔ kè n yuku ále. ¹⁸ Dĩndalle, yáhkí sò me yɔ sɔkɔ ále n kah fwo sě, káh pi sě, pè krótókè tókóbí wilki min dah mɔ pne yo sɔkɔ. ¹⁹ Sèpìn tɔ-ò sòle, krótókè tópu tɔ me ké tònpiyó túkù wilki ké sɔkɔ, à min dah mɔ pne yo sɔkɔ pé gblɔy. ²⁰ Kè sò me pi sèpìn náhnáhle, té á náh gbí we yah yĩne, képah náh pi, níwɔ kèpyele. Yáhkí sò me peke tẽ sě, fɔ́ó á náh tɔ me pɔ n sò ne, áyáh kɪ pwah.

²¹ Káh pi sě, á sò me sèpìn náhnáh pi yòke yó-ńkēne. Képah sɔkɔ, Pole me yuku yĩn no pól niyó, té ne nkě, pé kódíbí, páh sò yĩne pè sah péwɔ yóré yō, pé mó wũ Kretu gběnyah. Képah-à sò me pi, páh dlo nónó gbal, ànê yíkínó nónó-á pi pé tyí yò, sè náh náhkɪ pé yĩni n tẽ n pi dò! ²² Nte núkúnúkú, páh kéle n yah n kɔ pé tyí ne, pè pé ni syáh, nkě ñnî yó níte yō náh yĩ n pi à wil krótókè tyí sɔkɔ. ²³ Nkě, Liyel nê tyí yō-á péwɔle pé tòle n pi ñ tyí, ñmɔ yĩnyō tònpi yó-á wil pé yah lékâh mè sɔkɔ, ²⁴ té yo pé tyí ne: «Káh tíkí pi, Pole! Á kɪ n yĩn n pi Wrome kwiltám yõtẽ Sesar yah sɔkɔ, kɪ á yótyí yo ñ tyí. Té névyne nónó pól-á me n yuku ále krótókè sɔkɔ, áwɔ gbò yō, pé sɔkɔ yó níte yō náh n yĩ n pi.» ²⁵ Képah-á, péwɔ Pole sěńó-á me Liyel yō ne, káh kɪ n pi n pi sɔ-á ñ yĩnyō tònpi yo kéle pé tyí. Képah-á, pè pé ni syáh pé kódíbí. ²⁶ Nte krótókè tẽ wɔ-á kɪ kyɪ n yɪkɪ n pi pé tyí yo niyó kwil yó sɔkɔ dé!

²⁷ Légbĩne, yáhkí sò me yō sɔkɔ ále n fwo n yuku sě pne yo yō, nê-á pè n ye Mediteranune, fɔ́ó à pɔ syɪ ké sèpìn gbɔnyáh-ò sò lékâh tyí. Té léni mónó wró sɔkɔ, krótókè tópu sò kè sò ne, áyáh me de n te kènkwâh yòle, ²⁸ té yóntí sâh sâh kwâh min dah mɔ yo sɔkɔ, té kè we ké súkúlinó me métérnó yógbâm pó kwárninɔle. Áyáh yuku yahle kwéy, pè tɔ kè min dah mɔ, té kè we ké súkúlinó me métérnó túkúrí pó kwártɔnɔle. ²⁹ Pè sò me tíkile n pi ne, krótókè káh pɔ kyɪ syɪ dyéh yísyó tyí, kè yɪkɪ. Képah ye, pè krótókè yĩn mɔ mɔ vyóngbíl ñyéh dah mɔ krótókè náh tĩnne, té me tyah dálnó óle n deki. ³⁰ Nte krótókè tópu sò me n yah n kɔ tó-ńsahle. Káh pi sě, pè krótópír tiki mɔ yo yō, té ne páh ne pé krótókè yĩn mɔ mɔ vyóngbíl dah mɔ krótókè yah tĩnne. ³¹ Képah sɔkɔ, Pole me yo sràsyíbí ànê pé yõtẽ dí tyí ne nkě, díbí

nópi-à kɪ wú-ńkĕne krótókè sɔkɔ, pépi náh tẽ we n pwah n pi dé! ³² Képah sɔkɔ, mɔ nónó-á sò tẽ sah krótópirle, sràsýíbì núkú sépi kòlì mɔ kè kò kè sɔkɔ.

³³ Képah náh, tyah-á pópó n dal, Pole kè yah kò no pól tyí ne ńkĕ, pè yòke yò. A ne ńkĕ, ké sèpìn gbõnyáh-ò-á kweyne yò, pé yáh-ńsah me tye tẽ pópó, pè náh me fẽ yòkele n yò. ³⁴ Nte yòke vyāh-á mó t̃ me pé min pwáhnó tyí sɔkɔ. Képah-á, páh kéle n yah n kò pé tyí ne, pè yòke yò. Nkĕ, pé sɔkɔ ney yó ńtẽ yòyén pó núkú fyé náh n mɔ n pu n pi. ³⁵ Képah yóntenɔ náh, Pole búrn tɔkɔ, té wekɪ Liyel tyí no pól yí yah, té kè kwɔ à tyah n tah. ³⁶ Képah sɔkɔ, no pól ni sū, pé tɔ me yòke yò. ³⁷ Névyé nónó-á sò me krótókè mè sɔkɔ, á pól sò me népî légbām tikitōní pó gbām pó kénúkòle (276). ³⁸ Á pól-á yò t̃ te gbí nĕne, á sèmukɔ wilki min dah mɔ yɔ sɔkɔ krótókè kò kè pɪ fáhfáh.

Krótókè tyí yíkinóle pne yɔ sɔkɔ

³⁹ Képah tĕne, tyah-á pɔ dal krótókè tópu náh sò me kènkwhāh yò yah pī. Pāh pɔ yɔ kéngbārkì yó kyomɪ we, nénpó me wényín-ńsahle, pè ne páh kɪ yuku yah nénpó krótókèle, kàh kɪ fẽ n pɪ n pi. ⁴⁰ Képah sɔkɔ, pè krótókè yīn mɔ mɔ vyóngbīl de mɔ sè kò sè wū pne yɔ sɔkɔ. Té núkú yò sɔkɔ krótókè yah tẽ tẽ yí tɔ wah mɔ, ké yah tẽ yīnne. Té me fwɔ toh yīnyò, krótókè yah tīnne, yáhkí kò kè kéle n tu n mɔ, té pé yah mɔ à yɔ kéngbārkì mēne n yīkɪ. ⁴¹ Nte pè kyɪ yīni tẽ yóntáh sēmīyáhrí fī yó tyí, à nir ké sɔkɔ. Krótókè yah tīn sò me kyɪ di sēmīyáhrí sɔkɔ, fóó kè náh me fẽ n yike, té níkwīl me ké náh tīnne n mɪ n kwɔkɪ n pɔ. ⁴² Képah sɔkɔ, sràsýíbì sò me n yah n kò wòkònpèkè sɔkɔ névyé kònmɔ-ńsahle. Tíkí sò me pè tẽ ne, pè káh pɔ n yò n wil n to n pwah. ⁴³ Nte sràsýíbì yòt̃ dí-á sò me ké tyí ne, pé Pole pwah mɔ s̃, à pè yīni mɔ képah pínóle. Té ne, yɔ yònpnèpu ñgbò yɔkɔ de yɔ sɔkɔ, pè kènkwhāh yòle n yīkɪ. ⁴⁴ Té me ne, no téló sésárnɔ tɔkɔ, képah náh pɪ, krótókè kwókínóle, pè dɔkɔ sépi yò, pè ne n yò n yuku. S̃ ye kè pɪ, té no pól yīni tẽ kènkwhāh yò sɔkɔ krómkróm pé vyele.

¹ Képah sòkò, áyáh pwah sě, á kè noh ne pne yò nyó gběnyah mè yīn-á Maltule. ² Kéne kwil tǎn me á tǒ sah tē yī palle. Té pū-á sò me n pi, té vuri me n pi sě, pè me nyàh mǒ tīi á pól kǒ á me tuke mǒ tē n wne. ³ Képah sòkò, Pole-á kyi lésópì kwel ne pé pò mǒ nyàh sòkò, nyàh swò-á kyi sé tyí, wáhnpo yó wil sé sòkò à Pole kǒ, fóó à toh mǒ n gbò tyí. ⁴ Kwil mè tǎn-á wahy we tóhnmǎnǎle n gbò tyí sě, pè tyah n yo wē tyí ne, tòtò nǎh me ké sòkò pólle, dí mè-á nékókè mǒ yah. Wǎh sénsǒ pwah pne yò gbò sòkò ó, nte pépi sétò nê-á gbule n wah, képah tē wǒ nǎh à sah n pi min sòkò dé! ⁵ Képah sòkò, Pole wahy mè mir dah mǒ nyàh sòkò. Té syéhéh kwéy nte nǎh kyi Pole wil tyí. ⁶ Té kwil tǎn sò me syíkintěnlé n pi ne, dó páh ki à we à ki me tyah n sě, képah nǎh pi, ki syiki n ku n pi nénpó swǒ. Nte pǎh képah syiki tē wrétété, pè pò pī ne, pèkè yó nte nǎh à nǒ n pi. Kǎh pi sě, pè pé vyēy vi à tyah n yo ne, tò yó-á nne.

⁷ Té nyǎh sòkò-á sò ále, fí yó sò me nénpó tnô, nê-á pne yò nyó gběnyah mè yòtē dí tyíle. Kéne dí yīn ye sò Publiyusile. Nmǒ me á tǒ sah tē palle n kódíbí sǒ, té á kǒ á twah n tyí à sèpìn tǒnì pi. ⁸ Té kéne dí sú sò me yam pèkì yǒ. N wil sò me vyǎh, té n fòkò tǒ me kye. Képah tēne, Pole me kyi yah n tyí, té n gbǎn sah n yǒ à Liyel ni n tyí, à à de mǒ. ⁹ Képah nǎh, kéne kwil yámpú téló tǒ me pò Pole tyí, té pò dénmonǒ we. ¹⁰ Kǎh pi sě, á yǒ yǒ nénpó sòkò kègbule. Té áyáh pǒ n tyah sókónóle, yi nónó yétô-á sò me á tē, pè sé pólle á kǒ.

Pole yīnintěnlé Wrome kwil

¹¹ Képah nǎh, níwǒlǒ tǒnǒ sókónteno sòkò, á me de sòkò Alekisádrì kwil krótókè ngbē yó sòkò, nê yīn-á kèninine. Képah sò me kwòvuri gbí tyénó syiki tē Maltì gběnyah sòkò. ¹² Áyáh kyi yīni tē Sirakusi kwil, á tē nénpó à sèpìn tǒnì pi. ¹³ Áyáh yal nénpó, à tyah n tǒri n yuku krótókèle yò vyǎh tyí, pópó à kyi de Wregbyo kwil. Ké dindalle, yǎhkí kǒ wil á nǎh tǐnne à pǒ. Kǎh pi sě, sèpìn níni wró, á yīni tē Pusolì kwil, té wil krótókè sòkò. ¹⁴ Áyáh kyi nénpó, á kyi Yesu yǒ sǎpú yísyó we. Pépi me á ni, á kǒ á wū à sèpìn kwǎrnino pi pé tyí. Képah nǎh, á sòkò Wrome kwil. ¹⁵ Té Wrome kwil Yesu yǒ sǎpú-á fyò á pínó noh, pé túkù pǒ á yohni, fóó Apyusi yòhntàhkì sòkò; pé túkù mó pǒ á yohni fí yó sòkò pè n ye Népan twáh-ńtǎn tǒnìne. Pole-á fyò pè we sě, à weki Liyel tyí, ànê n ni sū.

¹⁶ Képah tĕne, áyáh yĭni tĕ Wrome kwil, pè ké wĕkìle Pole kō à kyı tĕ ñ tyí wòkò sòkò, tĕ sràsyı yó kō à ñne n kyomı.

Pole Liyel wey yónóle Wrome kwil

¹⁷ Képah sòkò, sèpìn tǒnì-á sòkò, Pole Nsyifunò yah tām ye ñ fìnne. Pǎh pò tuke mò, à yo pé tyí ne, pé no, pé náh sénsò tir yó ñtĕ pı de pé no Nsyifunò tyí, pé náh pé náh tǎn wǎl dĕl pı, ñte pè pé tĕ Yerusalemı sòkò, tĕ pé dahbı Wrome tǎn gbò sòkò. ¹⁸ Nte Wrome tǎn-á pé piki yah te gbí nĕne, pè náh pé tyípínı yó ñtĕ we, nĕ yĭn-á pé yĭne pé ko mò. Kǎh pı sĕ, pè me ne páh péle n fin n mò. ¹⁹ Tĕ Nsyifunò me képah yahle. Képah-á, pé gbò yĭí náh, pé me pé gblöy tyí dahbı Wrome kwiltām yòtĕ Sesar gbò. Nkĕ, tókónkōno tĕ wò náh pé ne pé tokò pé no Nsyifunò kō dé! ²⁰ Képah yĭn-á pé kō pé kè yah kō ne, pé pè we, pé mó yǎhkì yǎh péle. Yisrayel tǎn gbò sǎhnó-á me pwáhnmo-ò nĕ yó, ñmò yĭn-á kǎrn nópıle mónóle péwò gbǎn sòkò yò. ²¹ Képah sòkò, pè me yo Pole tyí ne, sébéy yó ñtĕ náh wil Nsyude gbĕnyah, à pò pépi tyí ñmò Pole tyí sòkò. Pé no Nsyifunò sòkò yó ñtĕ náh mó tǒ wil nénpó, à pò tir yó yo pé tyí ñ tyí sòkò, képah náh pı, à ñ yĭpo yo pépi tyí. ²² Nte pépi-á pĭ ne, wĕkì nĕ sòkò-á ñne, pǎh me kéle n fwo ywò ywò pól sòkò. Képah-á, ñmò sōno-á nĕne, páh me ké tyí ne pé kè noh ñ vyǎh sòkò. ²³ Képah tĕne, pè me wĕ wénó yòh mò wĕ tyí Polele.

Lésò-á pò nò, wǎn tǒ mò pé wĭlnó yó, à pò Pole tyí ñ twáhntĕ-ñsah sòkò. A me tyah à Liyel tǒrí tyíle n yo n wah pé tyí, à tokò séngbǒ tyí, pópó à pò nò ñví tyí. A sò me de Moyisi tyi kǒnsǎhnó ànĕ Liyel tĕntò syínyopu welò sòkò, à Yesu tyíle n yo pé tyí ne, pè kè fĕ syi. ²⁴ Képah sòkò, túkù ñ tyi yónó fĕ syi, ñte túkù mó sè yahle. ²⁵ Nte pǎh tĕ wekı sah kwlò núkú yó, tĕ n karkı gbí nĕne, Pole tǒ tyínúkú yó yo pé tyí ne, gbı-á Liyel Mirki wey mĕne, nĕ-á lésò Liyel tĕntò syínyo-ò Yesayi yo pé náh tǎn tyí ne ñkĕ:

²⁶⁻²⁷ «Kùkùtǎhkì me de no nópi nno sòkò.

Pè me pé níkiló tah tũ,

té pé yĭ vike sah;

ne ñkĕ pé yĭ káh kwǎh yó ñtĕ we,

pé níkiló káh tir yó ñtĕ noh,

pé nno kō sè pò n ye kùkùtǎhkì pínóle,

pé mó vi mò ñmò Liyel wĕkì tĕ,

ń kō mé pè we pwah mò.

Képah ye, kyı n yo pé tyí ne,

pǎh kɪ n nohnɪ tẽ wɔle, té pè náh ké tyí yah we n pi.

Pǎh kɪ n yah dyěh sě yò, té pè náh kwâh yó ntě we n pi.»*

²⁸ Képah yóntɛnɔ náh, Pole tǒ yǒ sɔkɔ yo pé tyí nɛ: «Yé pĩ nɛ, Liyel-á pwáhnɔnɔ wɛy tɛkɪ mɔ névyɛ tɔ tyí, nónó náh pɪ Nsyifunɔlɛ. Pépi tẽ wɔ kɪ kè noh n pi.» [²⁹ Wǎh képah yo sě, Nsyifunɔ yuku sɔkɔ, té mɛ yékâblɛ n pɪ n yuku kékékèyô pé wě wró.]

³⁰ Képah náh, Pole ye nínó tũ ò wòkò sɔkɔ, wǎh sò nê tɔkɔ de tẽ. Nónó pól-á sò n wil n pɔ ò tyí, à sò mɛ pé pólɛ n tẽ pallɛ. ³¹ A sò mɛ Liyel tǒrí tyíɛ n yo névyɛ tyí, té mɛ Tẽ òngbě Yesu Krista tyíɛ nolɛ n kwɔ nìsǎh sɔkɔ. Nnì yó ntě náh sò mɛ ò yahɛ n kǒ ké pínóɛ.

* **28:26-27** 28.26-27 - Yah n tɛ Yesayi 6.9-10.

Pole sébéy tékínmɔnɔle Wrome tãn tyí

Tyàh-nsah weyne

Liyel ye Pole yah wilki ne à pi Yesu tẽntò névile nê-á kɩ Nìvìnì tirlɛ n yo névye tyí nónó náh pi Nsyifunɔle. Yah n te Wrome tãn 1.5; Kalatɩ tãn 2.9. Nmo Pole ye wãrkɩ tekɩ mɔ sébéy mène Yesu yõ sɛpú tyí, nónó-á me Wrome kwil sɔkɔ. Nósyó ye we yo pé tyí Nìvìnì tirlɛ Yesu tyí sɔkɔ, té pè me kè fẽ syi. Képah sɔkɔ, Pole me sébéy wãrkɩ tekɩ mɔ pé tyí ne, páh me ké tyí ne pé pɔ pé ònne, pé pɔ sóré mɔ pé sɔkɔ pé mó yõ sɔkɔ pé kólólɛ.

Kwónó nê-á à me n pi, képah yah ye à yo pé tyí ò sébéy mè sɔkɔ.

A ne nkẽ Nsyifunɔ ò, ànê nónó náh pi Nsyifunɔle ò, pé pól-á tyípɛl pi, pè kɔ pè náh we de Liyel tɔrí sɔkɔ. Nte pé pól tyí-á nɔ Liyel tyí. Wãh me ké tyí ne pè pé nno vi mɔ. Pè yal n mɔ tyípɛl pínólɛ, pè mó sɛ Yesu Krista yõ. Nmo-á ku pé tyípɛl yinne. Pàh kɩ sɛ òmɔ yõ, òmɔ gbò yõ pãh kɩ pi négbólólɛ Liyel yah sɔkɔ. Yòbènɔrɩ-á Liyel pi pé tyí kéle. Névi nê-á sɛ Yesu yõ, tẽ wɔ náh tɔ me n pi tyípekè ànê kú mno sɔkɔ. Tẽ-á kɩ n kɔ Tẽ ògbẽ Yesule kúmm, té Liyel Mirki kɩ òne n yohnɩ n mɔ. Yah n te Wrome tãn 1-8.

Pole tɔ Nsyifunɔ Yesu yáhlenɔ tyí yo ò sébéy sɔkɔ. Liyel-á yòbènɔrɩ nène n pi, kè n tẽ n pne tyi pól tyí. Képah ye, à ne pé Liyel yáhlenɔ náh n yõ n sɔkɔ n pi. Yah n te Wrome tãn 9-11.

A tɔ kè yo ne, núkúnúkú Liyel-á me sãmne n mɔ névye pól sɔkɔ nónó náh pi Nsyifunɔle. Pãh yĩne pè pé minne n pi yályál Liyel yah, nê tyí-á nɔ Liyel tyí. Yah n te Wrome tãn 12-15.

Sébéy tyé-nsah sɔkɔ, Pole ne páh me ké tyí ne pé yuku Wrome kwil sɔkɔ, nénpó tãn kɔ pè pé we yohnɩ mɔ pé kɔ pé yõ sɔkɔ Yesɩpayĩ yamana sɔkɔ. A ne páh n wekɩ Yesu yõ sɛpú pól tyí Wrome kwil sɔkɔ, nónó-á pé nɛpínólɛ.

¹ Nmo Pole nê-á Yesu Krista tɔnpɩle, òmɔ ye n wãrkɩ n tekɩ n mɔ sébéy mène yé tyí. Liyel ye òmɔ ye pi Yesu tẽntò névile. A ní wilki sah ne mé pé Nìvìnì tirlɛ n yo. ² Liyel-á ò vyãh kɔ sah kéne Nìvìnì tir nê tyí sɔkɔ, à lésò syõ ò tẽntò syínyopu tyí à ké tyí yo sah ò wey sébéy sɔkɔ ògbò dùkùle.

³ N Pídí tyí ye kè n yo, nê-á ápi Tě ñgbě Yesu Kristale, ñmo nê-á pı yõtě dí Davidi pétó náhkìle ñ pónDubinɔ sɔko névile. ⁴ Té wáh pɔ ku, té ñ lékó-á yilki mɔ, kápah sɔko Liyel Mirki me kè wěki ne Liyel Pídí-á ñne, tēnweno-á me ñ tyí. ⁵ Nmo gbò yò ye ñmɔ yòbènrɔ we à pı ñ tēntò névile, kɪ yìkìni pól yohnɪ mɔ pè kɪ pı ñmɔ yò sěpúle kɪ n sah ñ tyí yò, ñ yīn kō kè kɪ n gbilki. ⁶ Kéne yìkìni sɔko névye ye yépi tɔle, Yesu Krista-á yépi nónó ye pı ñ tyíle. ⁷ Yépi nónó pól tyí-á nɔ Liyel tyí Wrome kwil sɔko, té à me yé ye ne yé yé minne n pı péwɔ tyí yò, yépi tyí ye mé n tekɪ n mɔ sébéy mène. Mé kéle n yah n kō ápi Sú Liyel ànê Tě ñgbě Yesu Krista tyí ne, pè yòbènrɔ ànê yèvinɪne yé kō.

Kyɪ n yah dékè me Pole tē Wrome kwil Yesu yò sěpú tyí

⁸ Yesu Krista gbò yò, mé n wɛkɪ ní Sú Liyel ñgbò tyí yépi pól tyí sɔko, yé Liyel yò sɛnó tyí-á sɔnrɪle me n yo kèkòyó pól sɔko. ⁹ Mé me tòle n pı Liyel tyí ní nɪ pólle ñ Pídí Nìvìnì tir yónó sɔko. Nmo nítě ye ní tārɸyòle ne gbímeɸbí, máh nírile n pı, máh níkēne ne n me yé tyíle n yo pé tyí. ¹⁰ Máh níkēne ne me kéle n yah n kō pé tyí gbímeɸbí ne, péwɔ dyɔ yīi tē-à kɪ nê, pé wěkì ykɪ mɔ ní kō sě mé n kyɪ n yah yé tyí. ¹¹ Yé náh we di, pɔ n yah dékè me ní kah tē yé tyí. Kápah sɔko, Liyel Mirki-á ñne ní kō, mé kɪ pɔ kéle yé kō, nê-á kɪ tǎhkìle yé kō. ¹² Kápah ye kɪ á kō á kɪ sóré we mɔ wě sɔko à yuku ápi Liyel yò sɛnó tyí ñne. ¹³ N yúnpyé, mé me ké tyí ne yé kè pı ne máh kè yah kō gbáhyí náhnáhle ne mé pɔ yé ñne, mé pɔ tò we n pı yòre-á me nê tyí, sɔ-á mé pı kéle yìkìni tɛlɔ ñne. Nte ké wěkì náh me tē we we, fóó à pɔ syɪ núkúnúkú tyí yò. ¹⁴ Mé yīne mè Nìvìnì tirlɛ n yo yī pípú ànê yī pı-ńkēpú tyí, ànê kǎrn pípú ànê kǎrn pı-ńkēpú tyí. ¹⁵ Kápah ye, ké dékè me yīi ní sɔko ne mé pɔ Nìvìnì tir yo yépi tɔ tyí, yépi nónó-á me Wrome kwil sɔko.

Tǎhkì nê-á me Nìvìnì tir sɔko

¹⁶ Nìvìnì tir yónó sen náh me ñmɔ tē. Liyel tǎhkì ye kéle nê-á névye pólle n pwah n mɔ nónó-à sě ké yò. Kè tyah Nsyifunɔ ñgbò tyí, té pyě yīni tē névye tyí nónó náh pı Nsyifunɔle. ¹⁷ Yé náh we di, kápah ye n wěki kéle ne Liyel-á me névyele n pı néglóle ñ yah sɔko ñ yò sɛnó gbò yò. N yò sɛnó ó gbò yò ye kè n pı, sɔ-á kéle wǎrkínsàhnóle Liyel wey

sébéy sɔkɔ nɛ: «Névi nê-à pɪ négbíle Liyel yõ sě́nɔ gbò yõ, tẽ kɪ min yèsyìkì wɛ kɛpah gbò yõ.»*

Névyé pól me tyípékè mɔɔ sɔkɔ

¹⁸ Yé yah, névyé Liyel yah tíkí pí-ńkě ànê pé tyítúkúńĩ pínó pól yinne, Liyel tẽ yínyõ té ñ fókòvnyàhnì pè wěki, pãh sònpíle pé tyítúkúńĩ tɔkɔ à gbɪ yah vike. ¹⁹ Yé náh wɛ di, névi-á fě nê pĩ n pi Liyel tyí sɔkɔ, ké sèndĩ náh pépile dò. Liyel ye kéle pè wěki. ²⁰ Liyel tyi nónó-á sè náh n wɛ yíne, sépi nónó-á pɪ ñ tɛ̀npnè̀nóle nê-á me tyé-ńkěne, ànê wãh me òkù nêne tótó; sépi me fě n pne ñ tyípínó gbò yõ à tɔkɔ kèkòyó mɔ gbí òkù tyí. Kãh pɪ sě, lénò náh fě n wɛ n pi névyé tyí pólle. ²¹ Pè ye Liyel pĩ, té pè náh fě syi gbilkínó sah ñ yõ nê-á yíne ñne. Pèpɔɪ pínó wɛy nê-á yíne ñ kónóle, pè náh kéle à kɔ. Nte pè pyě sòɔ wãne pé gblõy pilki, à pɪ lékám kě névyéle à de fěntú sɔkɔ. ²² Pé gblõy tẽ pínó sɔkɔ lékám névyéle, pè pyě pɪ nêwãne yò sɔ. ²³ Gbilkínó nê-á yíne sàhnóle kú-ńkě Liyel yõ, pè kɛpah vi mɔ n sah névyé, ànê kèpye, ànê gbyèhnyèh yí, ànê til til yí kètò pínsàhnónɔ yõ. Té névyé ànê kéne gběnkɔ nópi pól kɪ mó tɔ pɔ n ku n pi.

²⁴ Kɛpah ye Liyel ye pè kɔ pè pé pòpòle n pɪ, kɛpah nê dékè-á me pé sɔkɔ, fókò à pɔ senne n pɪ pé gblõy tyí. ²⁵ Gbɪ nê-á yo Liyel tyí sɔkɔ, pè kɛpah vi mɔ pɪ mìnne. Pè mɔ mɔ Liyel sah té ñ yí mónó wɔle n gbilki, té tòle n pɪ sépi tyí. Nte ñmɔ ye mó tɔ yíne gbilkínóle tyé-ńkěne. Amiina! ²⁶ Kɛpah ye, Liyel me ye pè kɔ pè sen tyi óle n pɪ nónó dékè-á me pé sɔkɔ. Pé syó me pèkì yah tyí vi mɔ ké gběntěnáh yõ, me n sě wěne. ²⁷ Sě ó ye, díbí tɔ me pèkì yah tyí vi mɔ ké gběntěnáh yõ. Pè náh tɔ me n sě syóle. Sě́nóle wěne, kɛpah lédórí ó ye me n ko péle. Sen pí-ńkě tir ye pè me n pɪ wě tyí, té mó pé mónpuno lédyáhnì wɛ nê-á yíne péle. ²⁸ Pãh yahle Liyel pínóle sě, à me ye pè kɔ pè pé sòɔ túkúńĩ sò tẽ à pí-ńkě tyile n pɪ. ²⁹ Tyíkně̀nì duke pól ye pè me n pɪ, ànê tyítúkúńĩne, ànê yísesúkúle, ànê népékèle. Dyóyókè ó ye pé tòle, à tahlɪ nékókè mónó tyí, ànê mɛwéyne, ànê yínvì pínóle, ànê nétúkúńĩ tyi pínóle, ànê mìnì sàhnóle névyé yõ, ³⁰ ànê névyé tyí yónkònóle. Pè pɪ Liyel sépébilé, ànê vyáh̄senóhkípúle, ànê gblõy gbilkípúle, ànê wèngbil wékípúle, ànê pèkè yah wénɪpúle, ànê dúbípú

* 1:17 1.17 Yah n te Yabakuki 2.4.

tyí yáhlepule. ³¹ Pè pɪ lékám kě névyele. Pàh nê yo, pè náh kéle n pɪ. Kùkùtáhki névye ànê núpíkɔbɪ ye péle. ³² Té pè mó tō pī ne Liyel-á me kè yo sah ne, sēnkno tyi pípú-á yīne kònmɔnɔle. Nte képah fyé yō, pè me yō sɔko tyi nópi pólle n pɪ. Té pè náh me yīn sépi ó tyí dé, pè me mɔ sēnkno tyi pípú tole.

2

Liyel-á kɪ tukey nê tuke n pi

¹ Áwɔ nê-á lékàhle no télólé n kō, wáh kɪ sō me nédúkú nêne, lénò wé-ńsah náh me á tyí. Á náh we di, wáh lékàhle no télólé n kō, lékàh ye á á gblɔyne n kō, áwɔ tɔ-á sōnpíle me n pɪ pé tyí kōle, áwɔ nê-á lékàhle péle n kō. ² Api pī ne nkē nónó-á kéne tyi dùkùle n pɪ, Liyel-á kɪ pè tuke n pi à yīne gbɪ wēkìle. ³ Áwɔ nê-á lékàhle kéne tyi pípúle n kō, té mó tō me sēnknole n pɪ, á se me n sō ne wáh kɪ n pwah n pi Liyel tukey sɔko? ⁴ Képah náh pɪ, Liyel pèpɔɪ ñgbē, ànê ñ fòkòpènɔɪ, ànê ñ sómnó se á yahle mónkònóle? Á náh pī ne Liyel pèpɔɪ mè-á kɪ ñ kō á kɪ á nɪ vi mɔ kɪ tyípél pínó yal mɔ dí? ⁵ Nte á níkisekókó ànê á nɪ táhntūno yīnne, á me Liyel plɔle n gbah n yɔɪ n mɔ á gblɔy yō, nê-á kɪ n pɔ n pi ñ fòkònyàhnì sōle, sō nê-á à kɪ névye tuke n pi à yīne gbɪ wēkìle. ⁶ A kɪ nénúkù núkú pól dyah à yīne pé tyípínine. ⁷ Nónó-á me gbah tē tyípeplɔle n pɪ, ne pé kyɪ yō yōnó we, gbílkinó mó ne n sah pé yō, ànê pé mó tyé-ńkē min we, à kɪ tyé-ńkē minne pépi kō. ⁸ Té névye nónó-á yahle sàhnóle ñ tyí yō, té gbɪ wēkì kóló yahle té pèkè pínó sō tē, à kɪ ñ fòkònyàhnì pépi wēkɪ, té kɪ fóhnó sah pé yō. ⁹ Yèvyàhrɪ ànê tíkí kèpèkè kɪ pɪ tyítúkúñi pípú pól tyíle. Kè kɪ tyah Nsyifunɔ ñgbò tyí, té kɪ pɔ yīni tē névye tyí nónó náh pɪ Nsyifunɔle. ¹⁰ Nte gbilkínó, ànê yō yōnó, ànê yèvinɪ kɪ pɪ tyípeplɔ pípú nénúkù núkú pól tyíle. Kè kɪ tyah Nsyifunɔ ñgbò tyí, té kɪ pɔ yīni tē névye tyí nónó náh pɪ Nsyifunɔle. ¹¹ Yé náh we di, Liyel náh névyele n wah.

¹² Névye nónó pól-á pè náh Moyisi tyi kònsàhnóle n pne té tyípél pɪ, kéne tyi kònsàhnó vyàh náh n we n pi pépi tyí yíkínó sɔko. Nte nónó pól-á tyípél pɪ té me Moyisi tyi kònsàhnóle n pne, pépi kɪ n tuke n pi à yīne képahle. ¹³ Moyisi tyi kònsàhnó tyíyónó nóhpú náh Liyel n yah néglólé dé. Ké tyíyónó pípú ye. ¹⁴ Névye nónó-á pè náh pɪ Nsyifunɔle, pépi náh Moyisi tyi kònsàhnóle n pne, té pé kɔ dùkù mó tō pɔ yīne Moyisi tyi kònsàhnó yóréle. Káh pɪ

sě, kápah n wěki ne pãh pèpeyne n pne pé gblöy, Moyisi tyi kònsàhnó kēne pé tyí. ¹⁵ Pè me kéle n wěki kápah soko ne, Moyisi tyi kònsàhnó-á nê yo ne kè ne n pi, kãh me pé nno soko. Pé sònɔ soko, kèyãhle pè n ne n me lékãhle pé gblöyne n kō, kèyãhle ñ te n ne n me gbile pé gblöyne n kō. ¹⁶ Nìvìnì tir nê-á ñmɔ n yo, à yīne kápahle, Liyel kɪ syō Yesu Krista tyí kɪ névyé tuke n pi pé sètìn sō tyi pól tyí soko. Lésöle, tyi nópi kɪ wilki mɔ kwèy.

Nsyifunɔ nãh me Moyisi tyi kònsàhnó wãlle n kɔ

¹⁷ Yépi nónó-á ne Nsyifunɔ-á yéle, yé me yé gbò sah Moyisi tyi kònsàhnó yō, té yé gblöyne n yō n sah ne Liyel-á me yépilé. ¹⁸ Té Liyel dyɔ yī-á nēne, yé kéle n pne kyó! Yáh kwónó nê we Moyisi tyi kònsàhnó soko, kápah gbò yō, yé pèpeyne n pne dò. ¹⁹⁻²⁰ Kéne kwónó gbò yō, yé ne yé pnènó-á syi ké yīn tyí, ànê yáh gbi pī dal mɔ, té núkú yuku yītūbi yahle n tē, té me kyòole n mɔ fěntū soko névyé tyí yé yo kè? Yé me vīnmɔnɔle lékám kē névyéle n kō, té me wēnpī yrōle n kwɔ yé yo kè? ²¹ Yé me no télóle n kwɔ, té yé nãh yé gblöy wɔle n kwɔ kè? Yé me névyéle n kwɔ ne pè káh yībele n yī, té yépi wɔ n yī kè? ²² Yé ne fòfíkì káh ne n pi, té yépi wɔ kéle n pi kè? Yé ne fal fal tân tyí nãh nɔ yé tyí pólle, té mó tō tân vī yīle n yī n tɔkɔlì kè? ²³ Yé me yé gblöyne n yō n sah ne yáh Moyisi tyi kònsàhnóle n pne, té mó tō me sé délle n pi. Liyel nãh yé n yilɔ yò di? ²⁴ Yé nãh we di, kè me wárkínsàhnóle Liyel wey sébéy soko ne: «Yépi Nsyifunɔ ye yikini téló kō pè Liyel yīnne n yikɪ.»*

²⁵ Gbi tē wɔ ye, yōre me kòkè tyí yáh me fē n kɔ Moyisi tyi kònsàhnó wãl yō. Nte yáh me sé délle n pi, yé kònó pi nònóle. ²⁶ Kò-ñkē névi nê tē-à fyò n kɔ Moyisi tyi kònsàhnó wãl yō, Liyel kɪ tē mɔ kō kènkōbe soko. ²⁷ Yépi Nsyifunɔle, Moyisi tyi kònsàhnó wárkínsàhnó me yé tyí, ànê yé se mó tō kòkè tɔ kō. Té kápah fyé yō, yé me Moyisi tyi kònsàhnó délle n pi. Kãh pi sě, kò-ñkē névyé nónó-á me Moyisi tyi kònsàhnó wãlle n kɔ, pépi ye kɪ pɔ lékãhle yé kō n pi. ²⁸ Yé nãh we di, névi kònó nãh n pi tēne Nsyifule. Kòkè kònó nótólì tɔ nãh n pi névile Nsyifule. ²⁹ Liyel-à névi nê nɪ vi mɔ, tē wɔ ye n pi Nsyifu yèsyìkìle. Kòkè yèsyìkì tɔle, Liyel

* 2:24 2.24 Yah n te Nsyeremi 52.5.

Mirki ye n pı kële nı soko, Moyisi tyi kònsàhnó náh. Nsyifu yèsyikile, Liyel ye n sǒ òne, névi náh.

3

Névye pól me pílkinó soko

¹ Wáh pı Nsyifule té kòkè kǒ, yǒre se me ké tyí? ² Ké yǒre me gblo yey yey pólle. Pépi ògbò gbò soko ye Liyel dahbu ò weyne. ³ Nte à, pépi soko tókù-á yahle kólóle ké wèkì yǒ, képah se kı pǒ Liyel tǒ kǒ à kı yahle kólóle ò tyi yónó sǒ? ⁴ ǓǓ dé! Névye pól sénsǒ me mìnnyobele, ònte kè yǐne kè ne me píkínóle ne Liyel wǒ-á n kǒ ò tyíyónó sǒ, sǒ-á kële wárkínsàhnóle ò wey sébéy soko ne:

«Á tyíyónó yǐne kè kè wèkì ne gbı yó-ò-á ále.

Pàh ále n tuke, gbı yǐne kè we á tyí.»*

⁵ Nte ápi kèkínó-à kı pǒ kè kǒ kè we pı ne Liyel-á me tómm à, á kı tǒ yo sǒ wé? Képah se n wèkì ne Liyel náh me n kǒ gbı wèkì yǒ, wáh ò fòkònyàhnì soko fóhnóle n sah á yǒ? — Névi yòtàhsyi sǒ òkù ye mé yah té kële n yo. — ⁶ ǓǓ dé! Kàh me sǐ, té Liyel kı tuke sǒ kèkǒyó névyele wé? ⁷ Nte òmǒ mìnì yónó-à kı me kè wilki mǒ ne Liyelle, gbı Liyel-á òne ò yǐn kǒ kè kı n gbilki à, sǒ pı té lékàh kı tǒ òmǒle n kǒ á kı ne tyípékè pí-ò sǒ òne? ⁸ Té névye yǐn yíkípú yísyó ne, ápi-á me n yo ne pèkè-á yǐne kè ne n pı, nê-á kı n pǒ n pi pèpǒrile. Lékhà ye yǐne kéne névye òkù kǒhnóle.

⁹ Á yǐne à yo sǒ yò wé? Ápi Nsyifunǒ se fónfó névye téló yǒ? Pólle! Yé náh we di, mé ye kè yo wah te ne Nsyifunǒ ànê nónó náh pı Nsyifunǒle, pé pól-á me tyípékè mǒ soko, ¹⁰ sǒ-á kële wárkínsàhnóle Liyel wey sébéy soko ne:

«Négbí náh me pólle.

Nénúkù òtǐ fyé náh me.

¹¹ Lékhám névi náh me pólle.

Nnì yó òtǐ náh me Liyelle n yah n kǒ.

¹² Pé pól ye wèkì pèpèy fin mǒ, té me mǒ pu wǐ tyí.

Ney náh me nê-á me tyípépèyne n pı.

Nénúkù òtǐ fyé náh me.†

¹³ Pé yǐngbàhlǒ me léyâl yey yíkínmǒnsàhnó sǒ.

Pè névyele n vi n tǐ pé nǐnpǒrile.‡

Pé vyèy welǒ me wahy sohri sǒ.§

¹⁴ Plo yénmǒnǒ welǒ ànê wènpèl ó n ne n wil pé vyèy soko.*

* **3:4** 3.4 - Yah n te Gbálnó 51.6. † **3:12** 3.10-12 - Yah n te Gbálnó 14.1-3 ;

53.2-4. ‡ **3:13** 3.13 - Yah n te Gbálnó 5.10. § **3:13** 3.13 - Yah n te Gbálnó

140.4. * **3:14** 3.14 - Yah n te Gbálnó 10.7.

15 Kàh pɪ nékókè mó-ńsah yúkúnó wɔle, pé gbáhkì n ne n sal képah sò.

16 Pépi syò-ntàn pól sɔkɔ, pè yíkínó ànê pèkè ó kókóle n pɪ.

17 Yèvɪnɪ wěkì tēne, pè náh képahle n pne.†

18 Pè náh Liyel yah tíkile n pɪ pólle.»‡

19 Nte á mó tɔ pɪ ne, Moyisi tyi kònsàhnó-á tyi nónó pólle n yo, sàh me sé yey mɔ sé wàl kópú tɪnne pé vyēy tū yinne, ànê lékàh we yinne kèkòyó névyé pól tyí Liyel yah sɔkɔ.

20 Képah ye, n̄n̄ yó ntē náh n pɪ n pi négbíle Liyel yah sɔkɔ Moyisi tyi kònsàhnó gbò yò.§ Yé náh we di, Moyisi tyi kònsàhnó yōre-á nēne, tyípékè ye kè névyele n wěkɪ.

Névyé-á n pɪ négbíle dùkù nēne Liyel yah sɔkɔ

21 Nte núkúnúkú, Liyel ye kè wěkɪ ne páh me névyele n pi négbíle pé yah sɔkɔ. Moyisi tyi kònsàhnó vyāh náh me ké sɔkɔ. Kéne tyi kònsàhnó ànê Liyel tēntò syínyopu sébéynó ntē kè yo ó. 22 Yesu Krista yò sēnó gbò yò ye Liyel névyele n pɪ négbíle n yah sɔkɔ. Nê tē-à fyò sē Yesu Krista yò, Liyel tē pɪ négbíle n yah sɔkɔ. Yé náh we di, wáhkì náh me ké sɔkɔ dò. 23 No pól ye tyípél pɪ, pè kɔ pè tekɪ Liyel tǔrí sɔkɔ.

24 Nte Liyel yòbènrɪ pɪ pé tyí, à pè pɪ négbíle n yah sɔkɔ nònóle Yesu Krista gbò yò, n̄mɔ nê-á pwah mɔ péle tyípékè sɔkɔ. 25 Yesu Krista ye Liyel tokɔ kɔ sárkále, ne n̄ tó kwénó gbò yò, nónó-á sē n̄ yò, pé tyípél yò n mɔ pè kɔ. Képah ále n wěkɪ ne Liyel-á me tómm. Ngbòle, à náh lésò me névyé tyípèlle n mɔ n kɔ,

26 à lésò me sóm̄nóle n pɪ. Nte núkúnúkú, à me séle n mɔ n kɔ, té mó tɔ me névyele n pɪ négbíle n yah sɔkɔ, nónó-á sē Yesu Krista yò. Képah n wěkɪ ne wāh me tómm té me névyele n pɪ négbíle n yah sɔkɔ. 27 Gblɔy gbílkí-ńsah se tɔ me névi tyí? Ǐǔ dé. Nte kwāh nê pɪ wé? Kè náh tɔ me á kɪ ne pé tyípínì s̄s̄ me n mɔ n kɔ, Yesu Krista yò sēnó ye me n mɔ n kɔ képah ye. 28 Yé náh we di, ápi kɪ fē kè yo ne névi Liyel yò sēnó ó gbò yò-á tē n pɪ négbíle Liyel yah. Kè náh me á kɪ ne Moyisi tyi kònsàhnó wàl kóló gbò yò s̄s̄.

29 Tòd̄i Liyelle, Nsyifunɔ ó Liyel se n̄ne? No téló tɔ Liyel náh n̄ne di? Awe, no téló tɔ Liyel ye n̄ne, 30 n̄mɔ ó-á s̄n̄píle pɪ Liyelle. N̄mɔ ye kɪ Nsyifunɔ pɪ négbíle n yah sɔkɔ n̄ yò sēnó gbò yò, té kɪ tɔ no téló tɔ pɪ négbíle n yah sɔkɔ n̄ yò sēnó gbò yò. 31 Nte káh pɪ sē, Liyel yò sēnó se me pɔ á kɔ á

† 3:17 3.15-17 - Yah n te Yesayi 59.7-8. ‡ 3:18 3.18 - Yah n te Gbálnó 36.2.

§ 3:20 3.20 - Yah n te Gbálnó 143.2.

me Moyisi tyi kònsàhnóle n pi yõre kě kwâhle? Jú dé, yõre ye pyé á kéle n kō yò nkě.

4

Liyel yõ sě́nó gbò yõ ye Abrahamu pi négbíle

¹ Sõ me ápi ki yo Abrahamu tyí soko, ñmò nê-á á náh neyne? Kwâh nê me à fě we ñ yěngbě táhkìle? ² Abrahamu tyípínì yīn-à sò ne Liyel à pi négbíle ñ yah soko, à náhkì sò fě ñ gblõyne n yõ n sah kè. Nte à náh fě kèpah pi Liyel yah soko dé. ³ Kè me wárkínsàhnóle Liyel wey sébéy soko ne nkě: «Abrahamu sě́ Liyel yõ, Liyel mó à pi négbíle.»* ⁴ Nte kàh me tò pínó wěkì yõ, tònpi ye n we ñ tò pínó lédyáhníne. Nònó náh à we kéle dé. Á yīne ké wénóle. ⁵ Nte sě́ náh kéle Liyel tẽ wò tyí dé. Névi nê-à sò tòle n pí-ńkēne té fyò me sě́ ñ yõ, ñmò nê-á tyípèl pípúle n pi néglóle, kèpah gbò yõ á tẽ pi négbíle.

⁶ Liyel-á névyé nónóne n pi néglóle ñ yah soko pé tyípínì mónkò-ńkēne, yòtẽ dí Davidi pé nìvìnì wénó tyí yo ne nkě: ⁷ «Névyé nónó pílki-ńtán-á yõ mò pé kō, té pé tyípèl me niri pé tyí, pépi tyí nò.

⁸ Tẽ ñgbě-à névyé nónó tyípèl mónkò-ńkēne, pépi tyí nò.»†

⁹ Kéne nìvìnì mēne, Nsyifunò ó tyí náh kéle dé, nónó náh pi Nsyifunòle pépi tò tyí ye. Á kè yo sě́ yò ne, Abrahamu Liyel yõ sě́nó-á à pi négbíle Liyel yah. ¹⁰ Nte gbí nê me Liyel pi ñne négbíle? N kò-ńkē gbí soko se, tî ñ kòntenò náh soko se? Jú, ñ kòntenò náh soko náh dé, ñ kò-ńkē soko ye. ¹¹ Kèpah náh soko ye Liyel à kō à kòkè kō. Kéne kòkè kéle n wěki ne wáh à pi négbíle ñ yah soko ñ yõ sě́nó gbò yõ ñ kò-ńkē gbí soko. Káh pi sě́, kò-ńkē névyé nónó-á sě́ Liyel yõ, té pi néglóle Liyel yah, Abrahamu pi pépi súde Liyel yah. ¹² Té pi kènkòbe tò súde, nónó-á pé náh me n yah pé kònó ó tyí, pé me sě́ Liyel yõ Abrahamu tyí kòle gbí nê-á à náh tònì sò me kō.

Abrahamu Liyel yõ sě́nó gbò yõ ye Liyel ñ vyáhle ñmò ànê ñ náh tãn kō

¹³ Yé yah, Liyel-á ñ vyáhle Abrahamu ànê ñ náh tãn kō ne páh ki kèkõyóle pé kō, kè náh pi á ki ne Abrahamu-á n kō

* 4:3 4.3 - Yah n te Yenesi 15.6. † 4:8 4.7-8 - Yah n te Gbálnó 32.1-2.

tyi kònsàhnó wǎl yõ képah yīn sǎ dé, ò pínó yīn ye négbíle Liyel yõ sǎnó gbò yõ. ¹⁴ Liyel-á ò vyāh kǒ nê tyí sǎkǒ, kàh sǒ me pɪ ne tyi kònsàhnó wǎl kónó gbò yõ sǎ képah n we, yõ se náhkɪ tǒ me ò yõ sǎnó ànê ò vyāh kǒnó mè tyí? ¹⁵ Yé náh we di, tyi kònsàhnó ye n yilki n mǒ Liyel fòkòvyāhnine. Tyi kònsàhnó-à n kne rýāh sǎkǒ, ké dèl náh fě n pɪ nénpó. ¹⁶ Liyel-á ò vyāh kǒ nê tyí sǎkǒ, ò yõ sǎnó gbò yõ ye képah n we. Képah kɪ pɪ yòbènɔɾɪle Abrahmɪ náh tǎn pól tyí. Té kè náh pɪ ne tyi kònsàhnó wǎl kópú ó tyí sǎ à pɪ kéle dé. Nónó pól tǒ-á sē ò yõ Abrahmɪ tyí kǒle, pépi pól tyí ye à pɪ kéle. Yé náh we di, Abrahmɪ ye á pól súle, ¹⁷ sǎ-á kéle wǎrkínsàhnóle Liyel wey sébéy sǎkǒ ne: «Áwǒ ye mé pɪ kwlo kwlo náhnáh.»‡ Nmǒ ye ápi súle Liyel yah sǎkǒ, wǎh sē nê yõ. Nmǒ Liyel ye n yilki n mǒ lékyíle, té yíle n mǒ ò vyāh weyne nónó náh sǒ me. ¹⁸ Tir nê-á kè náh sǒ me gbò sah sah tǎne ké yõ, Abrahmɪ ò gbò sah képah yõ. A sē Liyel yõ, képah yīnne Liyel me à pɪ kwlo kwlo náhnáh névyé súle, sǎ-á lésǒ à yo kéle ò tyí ne, ò náh tǎn-á kɪ pɪ dò.§ ¹⁹ Té légbíne, Abrahmɪ sǒ kè we ne páh wah mǒ náhnáh. A sǒ me ye lèkwě vyāh yah sǎkǒ. N kɪ Sara tǒ pìkì sǒ sǎkǒ te. Nte képah fyé yõ, wǐlkínó náh pɪ ò Liyel yõ sǎnó sǎkǒ. ²⁰ A náh tǒtǒ pɪ sǎnóle Liyel vyāh kǒnó mè yõ. Nte à tǎhkì we Liyel yõ sǎnó gbò yõ, à Liyelle n gbilki. ²¹ N sǎnyīnǒ sǒ me ké yõ ne, Liyel-á ò vyāh kǒ tir nê tyí sǎkǒ, tǎnwenǒ-á me ò tyí kɪ fě kè pɪ. ²² Képah ye, Liyel me à mǒ kǒ négbíle ò yah sǎkǒ. ²³ Té kǎh wǎrkɪ sah Liyel wey sébéy sǎkǒ ne: «Liyel à mǒ kǒ négbíle.» Kè náh pɪ ne Abrahmɪ ó yīn sǎ dé; ²⁴ ápi tǒ yīn ye, ápi nónó Liyel yõ sǎnó-á kɪ n mǒ n kǒ n pi, áyáh sǎnpíle sē Liyel yõ nê-á Tě ògbě Yesu lékó yilki mǒ. ²⁵ A lésǒ ko mǒ ápi tyípél yīnne, té Liyel me ò lékó yilki mǒ ápi pɪ yīnne négbíle Liyel yah sǎkǒ.

5

Névyé wró kwrónmǎnǒle Liyelle ò yõ sǎnó gbò yõ

¹ Ápi-á pɪ négbíle Liyel yah ò yõ sǎnó sǎkǒ sē, yèvɪnɪ we á wró ònne á Tě ògbě Yesu Krista gbò yõ. ² Yòbènɔɾɪ nê wěkì-á yɪkɪ mǒ á tyí té ále ké sǎkǒ yò, òmǒ ye dah mǒ ále ké sǎkǒ Liyel yõ sǎnó gbò yõ. Té á gbò sǎhnó-á me ké yõ ne áyáh kɪ Liyel tǒrɪ we n pi, kè me yǒnóle á tyí. ³ Té à wil képah sǎkǒ, yèvyāhrɪ rítě tǒ pínó me yõ yǒnóle ápi tyí. Yé

‡ 4:17 4.17 - Yah n te Yenesɪ 17.5. § 4:18 4.18 - Yah n te Yenesɪ 15.5.

náh we di, á pĩ ne nkẽ yèvyãhrı pínó-á névile n pi gbáhtẽ-òle, ⁴ gbáhtẽno mó névile n pi tẽnwe-òle mónyahno gbíne. Névi-à pi tẽnwe-òle mónyahno soko, ñmo gbò sàhnó n ne n me Liyel yõ. ⁵ Nte ápi ñìgbèkì-á me Liyel soko òkù nêne, à kéle á wẽki ñ Mirki gbò yõ wãh képah nêne á kõ. Képah ye névi nê-à ñ gbò sah ñ yõ, sen náh tẽ tẽ n pi.

⁶ Yé náh we di, Liyel-á gbí nê yah toko sah, kãh po no, Krista ku tyípêl pípú pwah n mo yinne. Té légbíne, ápi lésò me tãhkì kêne á soko. ⁷ Névi nê-á ki fẽ syi n ku n pi négbí yinne, tẽ wénó ki tah. Gbòkénpi ñnî ki fẽ fẽ syi ku pèpòri pí-ò wo yinne. ⁸ Nte Liyel-á kéle á wẽki òkù nêne ne á tyí-á no pé tyí, kè we yò: Ápi lésò me á tyípêl soko sã té Krista ku á pwah n mo yinne. ⁹ Té núkúnúkú, áyáh fyò pi té néglólé Liyel yah soko Krista kúnó gbò yõ, Liyel fòkòvyãhnì wo yah se pyè à ki n ye n pi kònóle á tyí? ¹⁰ Áyáh lésò me Liyel sépébíle, à á wró tõ sah ñne ñ Pídí kúnó gbò yõ. Té ñ Pídí tẽ-á fyò me min soko, à se ki pyè n ye n pi á pwáhnmonole? ¹¹ Té kè náh yin képah ó tyí dé, kè tõ me yõ yónóle á tyí Liyel yah soko Tẽ ñgbẽ Yesu Krista yinne, ñmo nê-á á wró tõ sah Liyelle.

Tyi nónó-á we Adama tyí sòwãh ànê nónó-á we Yesu tyí sòwãh

¹² Yé yah, nénúkù yó yin ye tyípékè de kèkõyó. Kéne tyípékè ye yori mo kũne. Té névye pól me kũ mno soko, pé pól-á sònpíle tyípékè pi... ¹³ Moyisi tyi kònsàhnó po tyípékè we kèkõyó. Ké pó-ńkẽ gbíne, tyípékè mè náh sò me n mo n kò. ¹⁴ Té sépinó pól soko, à toko Adama gbí tyí, pópó à po no Moyisi gbí tyí, névye pól sò me kũ mno soko. Pè náh sènsò tyípékè pi Adama tyí kòle ñmo nê-á Liyel dèl pi, ñte kũ sò me péle n tẽ. Névi nê-á sò yĩne à po, Adama pi ñmo kètòle.

¹⁵ Nte tyípékè nê-á pi, kè náh me sãh yah yah tẽne yòbènrıle Liyel-á nêne n pi. Gbi ye, nénúkù tẽ wo tyípékè yin ye névye náhnáh ku ó; ñte Liyel-á yòbènrı nê pi á tyí, ànê wãh syõ Yesu Krista to gblõy núkúní tyí à pèpòri nê pi nékwínkí tyí, sépi ye kal. ¹⁶ Liyel-á pèpòri nê pi, ké swo náh me núkúle nénúkù tyípékè mè tyíle. Yé náh we di, nénúkù tyípékè yin ye lékãh we. Nte névye tyípêl náhnáh pınteno náh ye Liyel yòbènrı pi pé tyí à pè pi néglólé ñ yah soko. ¹⁷ Gbi tẽ wo ye nénúkù tyípékè ye mo névyele kũ mno soko ó, ñte Liyel-á yòbènrı ñgbẽ pi nónó tyí à pè pi néglólé ñ

yah soko, pépi ki me min soko Yesu Krista gblöy núkúni gbò yò, ki tǒrúle n pi. ¹⁸ Sǒ-á nénúkù tyípékè pínó lékàhle no pól yīni tē, sē ó ye, nénúkù tyípépěy pínó yīn ye no pól ki fē pi néglóle, nê-á ki pè kǒ pè ki tyé-ńkē min we. ¹⁹ Sǒ-á nénúkù Liyel yóré yáhleno pǒ kéne névyé náhnáh kǒ pè pi tyípél pípúle, sē ó ye, nénúkù Liyel yóré fěnsyino yīn ye névyé náhnáh ki pi néglóle Liyel yah soko. ²⁰ Tyi kǒnsàhnó tē wǒle, képah ye pǒ tyípél kǒ sè kwel. Té tyípél-à kwel nýāh soko, Liyel n mó yǒbènrɔ pi nénpó soko nê-á kal sépile. ²¹ Kǎh pi sē, sǒ-á tyípékè névyé pól dahbi kǔ mmo soko, sē ó ye, yǒbènrɔ nê-á Liyel n pi névyé tyí à péle n pi néglóle, képah tǒ ki tyé-ńkē minne pé pól kǒ ápi Tē ñgbē Yesu Krista gbò yò.

6

Nê-à kwrɔ mo Yesu Kristale, tē ki min pi dukù ki vi mo pi sǎnne

¹ Sǒ me ápi ki yo yò wé? Á se yīne à yò n soko tyípél pínó soko, Liyel kǒ à yǒbènrɔle n gbah n pi á tyí? ² Jǒ dé! Ápi á náh vi tyípél pínó kǒ á ki ne á sǒ ku. Té á ki pi sǒ té ki tǒ pǒ á minne n pi tyípél pínó soko? ³ Yé náh pī ne, ápi nóno pól-á wel wilki ni soko à kwrɔ mo Yesu Kristale, á wèlnwilkínó mē-á me á ki ne kúnó sǒ ápi tǒ ku ñne wē tyí di? ⁴ Wèlnwilkínó mē soko, ápi tǒ ye ku ñne wē tyí, té yī ñne wē tyí. Té ñ lékó-á yilki mo Sú Liyel tēnweno ñgbē gbò yò sǒ, sē ye ápi tǒ min pi dukù vi mo pi sǎnne. ⁵ Yé náh we di, áyáh fyò kwrɔ mo ñne à kǔ dukù núkú ku, ápi tǒ lékyí ki pǒ n yilki n mo n pi ñmo tyí kǒle. ⁶ Á yīne à pī ne áyáh sǒ me n pi dukù nēne ñgbòle, áyáh képah kwrɔ mo syi Kristale dahni yò à ké tyí yiki, té we wil tyípékè yǒri soko. ⁷ Yé náh we di, névi nê-à ku, tē vyāh n de tyípékè pínó soko. ⁸ Té áyáh fyò ku ànê Kristale wē tyí, á sēno me ké yò ne áyáh ki á min pi ñne wē tyí. ⁹ Ápi pī ne Krista lékó-á yilki mo, à náh tǒ n ku n yah n pi, kǔ náh tǒ tē we n pi ñ tyí. ¹⁰ Wǎh kǔ nê ku yò, tyípél tyí yiki yīn ye kúmm à ku. Nte núkúnúkú wǎh me min soko, à me ñ minne n pi Liyel tyí yò. ¹¹ Sē ó ye, yépi tǒ yīne yè pī ne yáh yé náh vi tyípél pínó kǒ á ki ne yé sǒ ku, té me min soko Liyel tyí yò yé wró kwrónmomo gbò yò Yesu Kristale.

¹² Gbí nê-á ye me min soko kèkōyó mē soko yò, yé káh tǒ ye tyípékè pǒ fyāh yé yò, kè pǒ yéle n mo yé dyo dyo tyi pínó soko dé. ¹³ Yé káh tǒ yé wil gběnsê tǎntǎnne tyípèlle

n pi á kɪ ne tyípékè sɔ̃ n tẽ yé yahle dé. Nte yé yé gblɔ̃yne Liyel kɔ̃. Yé me á kɪ ne yé sɔ̃ ku té yé lékyî me yilki mɔ̃. Yé yé wil gbẽnsê tãntã pól fin mɔ̃ Liyel kɔ̃ sè pi tyígblɔ̃ pi pi tɔ̃npìyîle. ¹⁴ Tyípékè nãh tɔ̃ n dɔ̃kɔ̃ n tẽ n pi yé yɔ̃ pólle. Yé nãh tɔ̃ me Moyisi tyi kònsàhnó gbò sò sɔ̃kɔ̃ dò. Liyel-á yòbènrɔ̃ nêne n pi yé tyí, kèpah gbò sò sɔ̃kɔ̃ ye yéle.

Gbi wèkì kólóle Liyel yah sɔ̃kɔ̃

¹⁵ A yĩne à yo sɔ̃ yò wé? Ayáh fyò me yòbènrɔ̃ gbò sò sɔ̃kɔ̃, té á nãh tɔ̃ me Moyisi tyi kònsàhnó gbò sò sɔ̃kɔ̃, kèpah se yó n wèkɪ ne tyípèl pínó wèkì-á yɪkɪ mɔ̃ á tyí? Jú dé! ¹⁶ Yé nãh pĩ ne níkè yãh tòle n pi ònî yó tyí yòbɪ sɔ̃ yéle, té n sah ò tyí yò, yè n pi tẽ yòle kègbɪ yò di? Sè ó ye, yáh n sah tyípékè tyí yò, yè n pi ké yòbɪle, ànê kè n pɔ̃ kũne. Té yáh n sah Liyel tyí yò, yè n pi ò yòbɪle, ànê kè n pɔ̃ gbɪ wèkì kólóle. ¹⁷ Yé lésò me tyípékè yòrɪ sɔ̃kɔ̃. Nte yáh kwónó nê we, kèpah gbò yò, núkúnúkú yé me n sah Liyel yóré yò yé nno pólle. Kãh pi sè, á ye wèkɪ Liyel tyí. ¹⁸ Yé wil tyípékè pínó sɔ̃kɔ̃, té de gbɪ wèkì kóló sɔ̃kɔ̃. ¹⁹ Yépi tyi yah yãhnkwɔ̃nɔ̃ ye ní kò mé tyi nópile n yo à yĩne névyè pi dùkùle yò. Ngbòle lésò, yáh yé wil gbẽnsê tãntã pólle pòpò ànê tyítúkúnine n pi, à Liyel dèlle n pi sɔ̃; núkúnúkú, yé séle gbɪ wèkìle n kɔ̃, yè n ne n me wìlkìnsàhnóle Liyel tyí yò.

²⁰ Yáh lésò me tyípékè yòrɪ sɔ̃kɔ̃ gbí nêne, ney nãh me yéle n kyí n mɔ̃ ne yé gbɪ wèkìle n kɔ̃. ²¹ Kéne tyi nóno-á lésò yé n pi, kwáh nê me yé we sɔ̃kɔ̃ sé sɔ̃kɔ̃, à wil sen tyí sɔ̃kɔ̃, nê-á me yé yò kwey mè sɔ̃kɔ̃? Sépi tyé-ńsahle kũ ye dò. ²² Nte núkúnúkú, Liyel-á yé wilki tyípékè yòrɪ sɔ̃kɔ̃, yé me tòle n pi òmɔ̃ tyí, nê-á kɪ yé kɔ̃ yé kɪ me wìlkìnsàhnóle ò tyí yò, té kɪ tyé-ńkè min we n pi ké tyé-ńsah. ²³ Yé nãh we di, tyípékè lédyãhnine, kũ ye. Nte Liyel-á kwáh nêne n yĩ névyèle n kɔ̃, tyé-ńkè min ye. A kèpahle névyèle n kɔ̃ pé wró kwónmɔ̃nɔ̃ gbò yò Yesu Kristale, òmɔ̃ nê-á api Tẽ ngbène.

7

Yesu yò sèpú wìlnóle Moyisi tyi kònsàhnó yòrɪ sɔ̃kɔ̃

¹ N yúnpyé, yé tyi kònsàhnóle n pne. Kèpah ye, máh kɪ nê yo n pi yé tyí, ké sèndi nãh yéle. Névi tẽ-à fyò me min sɔ̃kɔ̃, à me tyi kònsàhnó gbò sò sɔ̃kɔ̃. ² Sè ó ye, sè nê-à de pe tyí, ò pe tẽ-à fyò me min sɔ̃kɔ̃, à me òmɔ̃ tyí yò fúr wèkì sɔ̃kɔ̃. Nte tẽ pe-à fyò pɔ̃ yah kwɔ̃, à kɪ me ò gblɔ̃y yò fúr wèkì sɔ̃kɔ̃. ³ Té wàh de dí káhkí tyí té ò pe sah min sɔ̃kɔ̃, à

kı n ye fõfınpule. Té n pe-à fyõ pɔ yah kwlo, à kı me n gblõy yõ fúr wëkì sɔkɔ. Wàh de dí káhkí tyí, fõfíkì náh képahle. ⁴ Képah núkú ó ye n yúnpyé, yépi wró-á kwro mo Kristale, kè me á kı ne yé to sɔ ku nne. Káh pı sě, yé náh tõ me Moyisi tyi kònsàhnó gbò sò sɔkɔ. Nte n lékó-á yilki mo, yé me ñmo tyí yõ núkúnúkú, nê-á kı á kō á kı Liyel dyo dyo tyile n pı. ⁵ Yé náh we di, áyáh lésõ me á dyo dyo tyile n pı gbí nêne, Moyisi tyi kònsàhnó lésõ me tyípekè dékè kō kè á tē, á kō á me tyile n pı nónó-á kı kũne á yĩni n tē n pi. ⁶ Nte núkúnúkú kwáh nê yõrı sɔkɔ-á lésõ ále, áyáh á náh vi kè kō á kı ne á sɔ ku, á ye wil Moyisi tyi kònsàhnó gbò. Té núkúnúkú á kı tõe n pı Liyel tyí pı dukù késáñne n Mirki gbò yõ. Kè náh tõ n pı n pi ñgbò tyí kōle gbí nê-á sò á me Moyisi tyi kònsàhnó wárkínsàhnó gbò sò sɔkɔ.

Moyisi tyi kònsàhnó-á tir nêne n pı

⁷ Sõ me ápi kı yo yò wé? Tyípekè se Moyisi tyi kònsàhnóle? Jú dé! Sépi gbò yõ ye ñmo pĩ tyípekèle. Sépi-à sò me yó-ńkēne ne ńkē: «Káh yíwilkile n pı!» Mé se náhkı pĩ ne tyípekè-á yíwilkì pínóle? ⁸ Káh pı sě, tir kònsàhnó mè ye wëkì yıkı mo tyípekè kō kè we syõ à ñmo mo yíwilkì duke pól pínó sɔkɔ. Yé náh we di, Moyisi tyi kònsàhnó-à sò me n kne, táhkì náh n we n pı tyípekè sɔkɔ. ⁹ Moyisi tyi kònsàhnó pó-ńkē gbíne, ñmo sò me min sɔkɔ. Nte tir kònsàhnó-á fyõ pɔ, tyípekè táhkì we ¹⁰ à pɔ ñmo min syi. Kéne tir kònsàhnó nê-á sò yĩne kè pɔ ñmo kō mè min we, képah ye pyë pɔ kũne ñmo yĩni tē yò sõ. ¹¹ Tyípekè ye syõ tir kònsàhnó tyí à ñmo pilki, té kũne n yĩni tē.

¹² Káh pı sě, Liyel tyi kònsàhnó pól me yályál. Sè me gbu wëkì yõ, té mó tõ me ple. ¹³ Sépi nónó-á me ple, sépi se n mo ñmole kũ sɔkɔ? Jú dé! Tyípekè ye. Sě ye kè wëkì dal mo ké gblõy dukùle kwèy. Kè pil pèpey náh, té n fike ko. Sě ye tyípekè pil pèpey náh té gbah peke tir kònsàhnó gbò yõ.

Névyé me tyípekè mɔ sɔkɔ

¹⁴ Á pól pĩ yĩ ne Moyisi tyi kònsàhnó-á wil Liyel tyí. Nte ñmo gblõy dyo dyo tyi pínó sɔkɔ, mé me yõ sõ ñne pè tē yãm tyípekè tyí. ¹⁵ Kègbı yõ, máh nêne n pı, mé náh ké dukùle n pne. Máh me ké tyí ne mé pèpey nê pı, mé náh képahle n pı. Té n dël-á nê wole, mè n pyë képahle n pı. ¹⁶ Nte mäh n dël tirlé n pı, mé sah ké yõ ne Moyisi tyi kònsàhnó-á me

ple. ¹⁷ Kãh pı sě, nımo nãh n pı kële yò dé, tyípékè nê-á n soko, kėpah ye n pı kële. ¹⁸ Yé nãh we di, tyípépěy yó ntě nãh me nı gblöy dyo dyo tyi soko. Tyípépěy pínó sōno me nı soko, té ké fěnpıno tãhkı nãh n we nı soko. ¹⁹ Mãh me ké tyı ne mé tyípépěy nê pı, mé nãh kële n pı. N té n pyě pèkè wole n pı nê tyı nãh no nı tyı. ²⁰ Nte mãh nı dël tırlı n pı, nımo nãh n pı kële yò dé, tyípékè nê-á n soko, kėpah ye n pı kële. ²¹ Mãh nê kyomu we nı gblöy soko, kè we yò: Mãh me ké tyı ne mé tyípépěy pı, pèkè ó n ne n yın nı yah. ²² Liyel tyi kōnsãhnó tyı no yıı nı tyı nı pólle. ²³ Nte mé kè kyomu we ne, sépi nónó tyı-á no yıı nı tyı, mãh ne mé sé wãlle n ko, kwãh yó n we nı soko nê-á me séle n fwo. Kéne kwãh ye mo sah nıne tyípékè yōrı soko. ²⁴ N yãm pínó dukù tēne n yah yò lé! Nê tē ó kı pō we syi fin mo nıne kéne kwãh tyı, kėpah nê-á n mo nı yō kũne? ²⁵ Liyel ye, ápi Tě ngbě Yesu Krista gbò yō. Gbılkınó ne n sah nı yō kėpah yınne.

Mãh ne mé kè yo yòtukule, Liyel tyi kōnsãhnó wãl kóló tyı me nı tyı nı soko. Nte nı gblöy dyo dyo tyi pínó soko, mé me tyípékè yōrı soko.

8

Névi nê-á ye Liyel Mirki kō kè nı yahle n tē

¹ Núkúnúkú tēne, nónó wró-á me kwrónmonole Yesu Kristale, Liyel tukey nãh tō n syıki n pı pé yō. ² Yé nãh we di, Liyel Mirki nê-á minne névile n kō tē wró kwrónmono gbò yō Yesu Kristale, kėpah ye we wilki nımole tyípékè ànê kũ mno soko. ³ Moyisi tyi kōnsãhnó nãh sò fě kėpah pı n pı dò. Névyé gblöy dyo dyo tyi pínó sò me kãn pı kële kėpah ye. Kãh pı sě, Liyel me nı Pıdı tekı mo à pō dubi névi wil dukùle nı tyı ápi tyípêl pıpú tyı kōlo, té ku ápi tyípêl yınne, sé tyı we n yıki yınne névyé soko. ⁴ Ápi nónó-á á dyo yıı tyi we ye, té Liyel Mirki sò tē. Liyel kè pı ne á fě tyi kōnsãhnó tyıyónóle n pı. Kėpah ye à kō à kėpah pı. ⁵ Yé nãh we di, névi nê-à ye nı dyo yıı tyi yah syi nı tyı, tē sōno n ne n me nı dyo yıı tyi ó yō. Nê-à mó ye Liyel Mirki yah syi nı tyı, tē sōno n ne n me Liyel Mirki dyo yıı tyi ó yō. ⁶ Wãh á dyo yıı tyi sò tē, ké syı-nsah n pı kũne. Té wãh Liyel Mirki dyo yıı sò tē, ké syı-nsah n pı yèvıı ànê tyé-ńkē min wénóle. ⁷ Kègbı yō, névyé nónó dyo yıı tyi-á yah syi pé tyı, Liyel sépébi ye péle pãh sōnpıle yahle sãhnóle Liyel tyi kōnsãhnó yóré yō. Pè nãh fě sé wãl ko nı tēne dò. ⁸ Té névyé-à pé gblöy dyo yıı

tyile n pi, Liyel yí nâh n yuku péle. ⁹ Yépi tẽ wole, yé nâh me yé gblõy dyo yíi tyile n pi. Liyel Mirki dyo yíi tyi ye yé me n pi, képah nê-á me yé soko. Krista Mirki-à n kne névi nê soko, tẽ nâh me n tyí yõ. ¹⁰ Krista-à me yé yahle n tẽ, yé kɩ sɛnsõ pɔ kũ n pi ó, nte Liyel Mirki gbõ yõ, yé pi néglólé Liyel yah soko à tyé-ńkê min we. ¹¹ Liyel nê-á yilki mo Yesu lékólé, n Mirki-à kɩ me yépi to soko, yâh sõ pɔ ku, yé lékyí kɩ yilki mo kɩ tyé-ńkê min we.

¹² Képah ye ní yũnpyé, á yĩne à Liyel Mirki dyo yíi tyile n pi, á nâh tõ yĩne à á gblõy dyo yíi tyile n pi. ¹³ Yâh yé dyo yíi tyile n pi, yé kɩ ku. Nte Liyel Mirki gbõ yõ yâh yé dyo yíi tyi we ye, yé kɩ tyé-ńkê min we. ¹⁴ Yé nâh we di, Liyel Mirki-à nónó yahle n tẽ, Liyel wẽnpì ye péle. ¹⁵ Liyel-á n Mirki nêne yé kõ, kè nâh yéle n mo yõri pínó soko ànê tíkí pínó soko dé. Képah ye pi yéle Liyel wẽnpìle, té yé fẽ n yo yĩnpõ ñgbẽne ne: «Bõ, ápi Sú!» ¹⁶ Liyel Mirki mè ntẽ ye á kõ á sê yíi ké yõ ne Liyel wẽnpì-á ále. ¹⁷ Té áyâh fyò pi n wẽnpìle, á vyâh kɩ we pèpɔri soko, wâh n vyâhle n wẽnpì kõ nê tyí soko. Liyel-á pèpɔri nê pi Krista tyí, ápi to vyâh kɩ we ké soko. Áyâh fyò me yèvyâhrule n pi wẽ tyí Kristale, gbílkinó kɩ n sah n pi á yõ ñne wẽ tyí.

Gbílkinó nê-á kɩ pɔ n we n pi

¹⁸ Mé pĩ ne áyâh me yèvyâhrú nê soko kwey mène, képah nâh me sâh n yah yah tẽne gbílkinó ñgbẽ nê-á kɩ pɔ n sah n pi á yõ nsõne. ¹⁹ Liyel wẽnpì-á kɩ gbílkinó we n pi sõ, képah ye n yí mónóno pól me n deki. ²⁰ Yé nâh we di, Liyel yí mónóno pól me yõre kẽ táhkì yó gbõ sò soko. Pépi dyo dyo tẽ nâh ne kè pi sê dé. Nê-á sah péle ké gbõ sò, ñmo ye pi kéle. Nte gbõ sâh-ñsah tõ me pé tyí. ²¹ Sõ yó me n pi, Liyel yí mónóno pól kɩ pɔ n wilki n pi yõri soko yíkinó pí-ò gbõ. Té kɩ gbílkinó we wẽ tyí Liyel wẽnpìle. ²² Nte à pɔ syi kwey mè tyí, á pĩ ne Liyel yí mónóno pól-á me n gbì kúrntèsè tyí kõle yèvyâhrú tẽ tyí. ²³ Té kè nâh yĩn pépi ó tyí dé, Liyel-á n Mirkile ñgbòle ápi nónó kõ, ápi to me n gbì á foko táhló soko, me gbìyìkile n syikɩ sò nê-á Liyel kɩ kè wèkɩ n pi ne áyâh pi pé wẽnpìle, té kɩ pwáhnmonɔ we dal mo. ²⁴ Yé nâh we di, á ye pwáhnmonɔ we. Té kè me á kɩ ne sõ-á ńkêne névi n gbõ sah kwâh yó pónweno yõ. Nte wâh kè we syi te, à nâh tõ n gbõ sah n pi ké pónweno yõ dò. Wâh kè we syi te, à kɩ tõ n gbõ sah sõ ké pónweno yõ? ²⁵ Nte áyâh tõnì

με kwãh nê wénsyi-ńkêne, ă sómnó pı ñ té á gbò sah ké pónweno yõ.

²⁶ Sě ó ye, Liyel Mirki tɔ me ápile n yohnı n mo á tẽnkwłóno yinne. Yé náh we di, ápi náh pĩ nê-á yĩne nínóle. Nte Liyel Mirki me nírile n pı ápi tyí nê-á ápi náh fẽ ké òkù yah yo. ²⁷ Té Liyel nê-á névye fòko táhlóle n pne, ñ Mirki-á me nêne n yah n kõ, ñmo kéle n pne. Yé náh we di, ñ Mirki nírile n pı Yesu yõ sěpú tyí à yĩne ñmo dyo yĩ tẽne.

²⁸ A mó tɔ pĩ tɔle ne Liyel tyí-á no nónó tyí, ă tyi pólle n pı pépi tyí pekı yinne, pépi nónó-á à ye à yĩne wãh ké yah tɔko sah sõ. ²⁹ Liyel-á nónó yah wilki ñgbò òkùle, à ye kwãh tẽ ké yah tɔko tɔle ne pãh yĩne pè pı pé Pídí tyí kòle, ñmo kõ à pı pé pól nénkyíle. ³⁰ Wãh kwãh tẽ nónó yah tɔko, à ye pè ye tɔle. Wãh nónó ye, à ye pè pı négló tɔle ñ yah soko. Wãh nónó pı néglóle ñ yah soko, à ye yõ yónóle pè kõ.

³¹ Sõ me ápi kı yo yò wé? Liyel-à me ápile, nê kı fẽ á fwo? ³² Nmo nê-á à náh ye ñ yěngbẽ Pídí kónóle, à à mo kũ kõ ápi pól yinne. A kı pı sõ té à náh yĩ téló pólle á kõ à n tahlı n pı ñmo gbò yõ. ³³ Liyel-á névye nónó yah wilki, nê tẽ kı po n tɔko péle n kõ? Liyel ye pı névyele néglóle ñ yah soko. ³⁴ Nê kı tõ fẽ Liyel tukey kõ kè kı syıkı pé yõ? Yesu Krista ye ku, té kè náh yĩ képah ó tyí dé, ñ lékó yilki mo. Yé náh we di, à me tẽnóle Liyel gbòyò sòle, té me nírile n pı ápi tyí. ³⁵ Ápi tyínono nê-á me Krista soko, kwãh yó nte náh fẽ ké yah kõ n pi. Yèvyãhrı ò, tíki kèpèkè ò, fòhnó ò, kwèkı ò, kwãh kè ò, dlo ò, kũ ò, sé soko yó nte náh fẽ ké yah kõ n pi.

³⁶ Kè me wárkínsàhnóle Liyel wey sébéy soko ne ńkê: «Áwo yinne, ápi me kũ dlo soko sòmesó. Pè me ále n pı á kı ne yípèy sõ pè tẽ n yuku kò-nsah soko.»* ³⁷ Nte sépi pól soko, á tyí-á no Liyel nê tyí, ñmo gbò yõ á pı tẽnpnèpu ñgbnole. ³⁸⁻³⁹ Gbı yõ, ápi tyínono nê-á me Liyel soko, té à syõ á Tẽ ñgbẽ Yesu Krista tyí à kéle á wèkı, í sěnyĩno me ké yõ ne, kwáhmónı yó nte náh fẽ ké yah kõ n pi. Kàh kı sõ kũne ò, kàh kı sõ minne ò, kàh kı sõ yĩnyõ tònpiùle ò, kàh kı sõ yòtòrínole ò, kàh kı sõ kwey gbı tyile ò, kàh kı sõ nsô tyile ò, kàh kı sõ tẽnpnènonóle ò, kàh kı sõ yĩnyõ táhkínóle ò, kàh kı sõ sétáh sòwãh táhkínóle ò, sé soko yó nte náh fẽ ápi tyínono yah kõ n pi ñ tyí.

9

Yìkì nê névye-á Liyel yah tɔko

* 8:36 8.36 Yah n te Gbálnó 44.23.

¹ Krista tyí yõ ye ñne. Képah ye, máh kɪ nê yo n pi, gbɪ ye kéle, mìnì náh me ké sɔkɔ. Liyel Mirki ye ké sɔnɔ dahbɪ tɛ ñ sɔkɔ nɛ nê-á mé kɪ n yo n pi, gbɪ-á kéle. ² Yèkwɔrɪ ñgbɛ me ñ sɔkɔ. N nɪ me n suke gbímegbí. ³ Yé náh we di, máh me nê tyí, ñmɔ tyí sɔ náhki ykɪ ànê ñ wró mó gbe Kristale ñ yúnpyé swɔ sɔkɔ, pé pwah n mɔ yinne, pépi nónó-á ñ yìkì névyele. ⁴ Pépi ye Yisrayel nole, Liyel-á nónó pɪ ñ wɛnpìle. A yõ yǎnóle pé kɔ, té yégbékè kwɔ mɔ péle gbáyí nahnáhle, té tyi kɔ sah pé kɔ, té ñ ni dùkùle pé wɛkɪ, té ñ vyähle pé kɔ. ⁵ Abrahamɪ, ànê Yisakɪ, ànê Nsyakɔbɪpi ye pé náh tãnnɛ. Yìkì núkú ye péle Yesule wáh pɔ sɛtáh yõ. Nmɔ ye Liyelle, nê-á me yíyìn pól yõ. N yìn nɛ n gbilki gbímegbí. Amiina!

⁶ Máh nê yo sɔkɔ yõtah, képah náh n wɛkɪ nɛ Liyel náh n kɔ ñ tyíyónó sò. Nte Yisrayel no pól náh pɪ Yisrayel no yèsyìkìnìnɛ Liyel yah sɔkɔ. ⁷ Sɛ ó ye, Abrahamɪ wɛnpì pól tɔ náh pɪ ñ wɛnpì yèsyìkìnìnɛ. N pídí Yisakɪ wɔ wɛnpì ye kɪ n mɔ n kɔ ñ pétóbéle sɔ-á Liyel yo kéle ñ tyí. ⁸ Máh nɛ mé kè yo palle, wɛnpì nónó-á dubi gbɔyne, pépi náh Liyel wɛnpìle. Nónó-á dubi à yñɛ Liyel vyäh kǎnóle, pépi ye ñ wɛnpìle. ⁹ Yé yah, Liyel lésɔ ñ vyähle Abrahamɪ kɔ nɛ ñkɛ: «Gbí yó yǎnkɔ gbíne, mé kɪ ñ syɪ pɔ á ònnɛ, té Sara kɪ me ònpir we dubi.*» ¹⁰ Tòɔ náh dé, yé yah Wrebeka tɔ tyíle kè: Ápi sùtó Yisakɪ mè ye dubi à kɔ ònpì nɛpì nímíne nónó-á kèninìne. ¹¹⁻¹³ Gbí nê-á wɛnpì nópi náh tǎnì dubi, pé náh tyítúkúnì pɪ, pé náh tyípéplɔ tɔ pɪ. Nte Liyel me yo Wrebeka tyí nɛ: «Wɛnpì nópi sɔkɔ, nénkyí tɛ kɪ pɔ pɪ gbɛ tɛ yõle.»† Kè tɔ me wárkínóle Liyel wey sébéy ñtɛ sɔkɔ nɛ ñkɛ: «Nsyakɔbɪ wɔ tyí ye nɔ ñ tyí, Yesayu náh»‡ Yé náh we di, képah n wɛkɪ nɛ névi tyípínó náh Liyel n yah ñ té tɛ yah n wilki. Névi nê-à ñ dyɔ, tɛ wɔ ye à n yah n wilki.

¹⁴ Sɔ me ápi kɪ yo yò wé? Liyel náh me n kɔ gbɪ wɛkì yõ di? A me n kɔ gbɪ wɛkì yõ kè. ¹⁵ Yé náh we di, à yo Moyisi tyí nɛ: «Máh me ké tyí nɛ mé pèpɔrɪ pɪ névi nê tyí, mɛ kè pɪ tɛ tyí. Té máh me ké tyí nɛ mé névi nê yãm yah, mɛ tɛ yãm yah.»§ ¹⁶ Káh pɪ sɛ, képah náh n wil névi dyɔ yí tɛ sɔkɔ, képah náh pɪ ñ gbáhntɛnɔ sɔkɔ dé. Nte kè n wil Liyel ó tyí, nê-á névi yãmne n yah. ¹⁷ Kè me wárkínsàhnóle Liyel wey sébéy sɔkɔ nɛ, Liyel-á yo Yesyipti yòtɛ dí tyí nɛ: «Ñ tɛnwɛnɔ wɛkɪ yìn ànê ñ yìn wil yìn ye kèkõyó pól sɔkɔ, ñ kɔ mé ñ pɪ

* 9:9 9.9 Yah n tɛ Yenesɪ 18.10. † 9:11-13 9.11-13 Yah n tɛ Yesesɪ 21.23.

‡ 9:11-13 9.11-13 Yah n tɛ Malaki 1.3. § 9:15 9.15 - Yah n tɛ Yálnó 33.19.

yòtēne.»* 18 Kǎh pɪ sě, kàh Liyel dyo, ǎ ònî yǎm yah, té kàh ò dyo ǎ ònî pɪ kùkùtǎhkì névile.

19 Gbòkénpɪ túkù kɪ fě ne, kwáh nê se pɪ té Liyel kɪ tō n tɔkɔ névyele n kō nɪ? Nê se kɪ fě ò dyo dyo tyi yah kō nɪ? 20 Nte nê tē ó me áwɔle, té á kɪ pɔ Liyelle n kōlɪ? Pín se kɪ fě ké mó-ò piki yah ne, kwáh nê se pɪ té à pé mɔ sě nɪ? 21 Pnì mó-ò tyí nǎh ò fǎhrule di? A kɪ fě tyígbí pɪ pɪ pín mɔ kéle, té kɪ tō fě nýǎn tyi pɪ pɪ pín mɔ kéné fǎhrɪ óle. 22 Liyel me ké tyí ne pé pé fòkònyǎhni wilki mɔ, pé mó pé tǎhkì wěkɪ. Té wǎh mó tō sò yīne à ò fɔkɔ vyǎh névye nónóne, à sómno pɪ té ò gblɔy ye nǎhnǎh pé tyí. 23 Nte ò tǔrí-á me gblò dùkù nêne, à sò me ké tyí ne pé kéle no téló wěkɪ, wǎh pépi nónó yǎm yah té pè yah wilki sah ò tǔrí sɔkɔ de yīnne. 24 Té kéné névyele, ápi ye. A nǎh á yah wilki Nsyifunɔ ó sɔkɔ dé, òte à túkù yah wilki yìkìni téló sɔkɔ, 25 sǎ-á Liyel kè yo sah Wose sébéy sɔkɔ ne: «Névye nónó nǎh sò me nímɔ nolé, mé kɪ péle n ye ní nolé. Yìkì ne tyí nǎh sò nɔ ní tyí, mé kɪ kéle n ye ní dyo yíi yìkìle.† 26 Té nýǎh sɔkɔ-á lésò kè yo pé tyí ne nímɔ no nǎh péle, nénpó mè ó sɔkɔ ye tō pè kɪ ye péle Min nété Liyel wěnpìle.»‡ 27 Yesayi tɔ mó yo Yisrayel no tyí sɔkɔ ne òkē: «Yisrayel névye-à sò me dò pne yo gbòpɔ sémǐyáhrí sò, kwéy ó ye kɪ n pwah n pi pé sɔkɔ. 28 Yé nǎh we di, Tè NGBÉ Liyel-á tyi nónó yo, à kɪ sè pɪ dal mɔ súú sétáh yò.»§ 29 Té Yesayi tō lésò kè yo sah ne òkē: «Tyi pól tyí tēnwé-ò Tè NGBÉ Liyel-à sò me á túkù sǎh-òkēne min sɔkɔ, á duku nǎhkɪ tɔ Sodòmɪ ànê Gbòmɔrɪ névye tyí kòle.»

30 Sò me ápi kɪ yo yò wé? Névye nónó nǎh pɪ Nsyifunɔle, pè pɪ néglólé Liyel yah ò yò sěno gbò yò, pépi nónó-á pè nǎh sò me kéle n yah n kō. 31 Té Yisrayel no nónó wɔ-á pyè sò me n yah n kō ne pé pɪ néglólé Liyel yah Moyisi tyi kònsàhnò wǎl kóló gbò yò, pè nǎh we pɪ néglólé képah gbò yò. 32 Sò pɪ té pé nǎh we pɪ néglólé wé? Pè nǎh sò me kéle n yah n kō Liyel yò sěno gbò yò, pè sò we ne òkē pé tyípínì-á kɪ fě pé pɪ néglólé Liyel yah képah ye. Pé gbáhkì ye pyè pè mɪ pé wilki n mɔ mɔ dǎhkì tyí yò sò. 33 Kéné dǎhkìle, Yesu Krista ye. Képah tyí ye wǎrkínsàhnòle Liyel wey sébéy sɔkɔ ne òkē: «Yé yah, mé kɪ gbáhkì mɪ mɪ dǎhkì yó sah Siyò kwil sɔkɔ. Névye wilki n mɔ mɔ tédáhkì yó ye

* 9:17 9.17 - yah n te Yálnó 9.16. † 9:25 9.25 - Yah n te Wose 2.25. ‡ 9:26

9.26 - Yah n te Wose 2.1. § 9:28 9.27-28 - Yah n te Yesayi 10.22-23.

kéle. Nte névi nê-à n gbò sah ké yõ, sen nâh tẽ tẽ n pi.»*

10

¹ N yúnpyé, máh me nê tyí ní nı pólle, képah ye ne Nsyifunɔ pwáhnmonɔ we. Mé me Liyelle n ni pé tyí képah tyí sɔkɔ. ² Yé nâh we di, mé kɪ fẽ kè yo ne pãh me gbah tẽ yíi Liyel wèkì kóló sɔkɔ, nte pãh me kéle n pi yítũri sɔkɔ. ³ Liyel-á névile n pi négbíle n yah sɔkɔ dùkù nêne, pè nâh kè pĩ. Té pé yěngbẽ tyíle n pi, té Liyel tyí wɔ yahle. ⁴ Krista ye pɔ Moyisi tyi kònsàhnó tyi pi syi sé yĩn tyí. Névi nê-à sã Krista yõ, tẽ kɪ pi négbíle Liyel yah sɔkɔ.

⁵ Névi-á fẽ n pi n pi négbíle tyi kònsàhnó gbò yõ dùkù nêne, Moyisi-á nê wãrkɪ ké tyí sɔkɔ kè we yò: «Névi nê-à tyi kònsàhnó sɔkɔ tyíyónóle n pi, tẽ kɪ n minne n pi sépi gbò yõ.»* ⁶ Nte névi-á n pi négbíle Krista yõ sãnó gbò yõ dùkù nêne, kè me yónóle képah tyí sɔkɔ ne: «Káh ne n sã á fɔkɔ sɔkɔ ne: «Nê kɪ dɔkɔ kyɪ yĩnyõ?»» Nê kór-á, kɪ kyɪ Krista kɔ à kɪ tiki pɔ. ⁷ Képah nâh pi: «Nê kɪ tiki yuku sétâh sôwãh?» Nê kór-á, kɪ kyɪ Krista kɔ à kɪ wil lékókwil kɪ dɔkɔ pɔ. ⁸ Nte tir nê me tɔ yónóle wé? Kè me yónóle ne: «Liyel wey me á tnô. Kè me á vyãh sɔkɔ ànê á nı sɔkɔ.» Kéne weyne, Yesu Krista yõ sãnó wey ye kéle, áyáh me nêne n yo n kɔ.† ⁹ Wâh kè yo á vyãhle ne Tẽ ñgbɛ-á Yesu Kristale, té sã ké yõ á nı sɔkɔ ne Liyel-á n lékó yilki mɔ, á kɪ pwáhnmonɔ we. ¹⁰ Wâh sã Liyel yõ á nı sɔkɔ, képah ále n pi négbíle; ànê wâh kè yo á vyãhle, képah ále n pwah n mɔ. ¹¹ Á nâh we di, kè me wãrkínsàhnóle Liyel wey sébéy sɔkɔ ne névi nê-à sã Krista yõ, sen nâh tẽ tẽ n pi. ¹² Kãh pi sã, wãhkì nâh me Nsyifunɔ wró ànê nónó nâh pi Nsyifunɔle. Tẽ ñgbẽ núkú ó ye me pé pól tyí, nê-á pèpɔrile n pi no pól tyí nónó-á ñne n ye n gbo. ¹³ Yé nâh we di, kè me wãrkínsàhnóle Liyel wey sébéy sɔkɔ ne ñkẽ: «Névi nê-à Tẽ ñgbẽ ye gbo, tẽ kɪ pwáhnmonɔ we.»

¹⁴ Nte sã me pè kɪ ye gbo ñne, né pè nâh sã n yõ? N tyí wénnoh-ñkẽne, pè kɪ sã sã n yõ? Pè kɪ we noh sã n tyíle né ney nâh n tyí we yo pé tyí? ¹⁵ Té sã me Liyel wey kɪ yo, né névi nâh tekɪ mɔ ké yo yinne? Képah ye kè me wãrkínsàhnóle Liyel wey sébéy sɔkɔ ne ñkẽ: «Kè me ñivìnne wâh Ñivìnì tir yópú we pè pé gbáhkì tɔkɔ n pi.»‡ ¹⁶ Nte no pól se yó Ñivìnì tir fẽ syi? Yé yah, Liyel tẽntò syinyo-ò Yesayi lésò me pikinyahɔle n pi ne ñkẽ: «Tẽ ñgbẽ,

* 9:33 9.33 - Yah n te Yesayi 28.16 ; 8.14. * 10:5 10.5 Yah n te Levitiki 18.5.

† 10:8 10.8 Yah n te Tõnyonɔ 30.12-14. ‡ 10:15 10.15 Yah n te Yesayi 52.7.

ápi-á tir nêne n yo, nê sê ké yõ?»[§] 17 Sê ye Krista yõ sêno n we Nivini tir nóhnó soko. Té Nivini tir mène mó, Yesu Krista tyí yónó ye. 18 Nte à; pè náh ò tyí yónó noh yah di? Pè kè noh kyó! Kè me yónó òtêne Liyel wey sébéy soko ne nkê: «Pé yínpõ me n dokó sétáh yõ pól soko, pé wey me n yini n tẽ kèkõyó tantàn pól tyí.»* 19 Nte à; Yisrayel no náh lésõ Liyel wey mè syíkí-nsah pĩ di? Moyisi mó tã kwãh tẽ kè yo ne Liyel-á ne nkê: «Mé kí kè pí yé kã yé kí yĩkĩ fóroo yó yèwanne n yah. Yíkĩ nê névye-á lékám kẽ névyele, mé kí kè pí yé kã yé kí pé dyole n yo.»† 20 Yesayi ò ní syáh kè yo òtêne ne Liyel-á ne nkê: «Névye nóno náh sò me nímole n yah n kã, pépi ye we íne. Névyé nóno náh sò me kwãh yó òtêne n yah n kã ní tyí, mé ní gblõyne pépi wèki.» 21 Nte Yisrayel no tẽ wó tyí soko, Yesayi ne Liyel-á ne nkê: «Gbĩmegbí mè n ne n me ní gbãh yiki mo pè syiki n tẽ, pépi nóno-á nõhnì-nkê ànê kèlékè névyele.»‡

11

Liyel náh ò náh vi Yisrayel no kã

1 Nte-à, Liyel se ò náh vi ò no Yisrayel tãn kã? Óõ dé! Yé náh we di, nímo tole Yisrayel ney ye dò. Abrahami náh ney yó ye íne, nê-á wil Bènsyame yíkĩ soko. 2 Liyel náh ò náh vi ò no kã wãh kwãh tẽ nóno yah wilki sah dé. Yé se kí ne yé pínó náh me ké soko ne, kãh me wárkínsàhnóle Liyel wey sébéy soko ne Yeli-á sò me n toko Yisrayel nole n kã Liyel tyí 3 ne nkê: «Tẽ òngbẽ, pè ye á tẽntõ syinyopu ko mo, té sárká súkénkõ-òtàn yiki nóno-á me áwo tyí yõ. Nmo ó wũ ní gblõy, té pè tã me n yah n kã ní kònmõ-nsahle.» 4 Nte sã me Liyel yo ò tyí? A ne: «Mé ye díbí nêpĩ kèyõ tónó kyegbãm (7 000) wilki sah ní gblõy tyí, nóno-á pè náh gbètukuno di fal fal tã Baal yah soko à kè gbilki.» 5 Kèpah núkú ó ye kwey mè to soko, névye kwéy yísyó me wũ tẽ Liyel-á yòbèno pí nóno tyí à pè yah wilki. 6 Nte yòbèno-à kí nê Liyel pí pé tyí à pè yah wilki, pé tyípinó gbõ yõ náh mó tã kè. Kãh me sépi gbõ yõle, yòbèno náh mó tã dò. 7 Sã me ápi kí yo yè wé? Yisrayel no-á nêne n yah n kã, pé pól náh kè we. Nte Liyel-á nóno yah wilki pé soko, pépi ó we kéle té téló wó ní me tah tũ 8 sã-á kéle wárkínsàhnóle Liyel wey sébéy soko ne:

§ 10:16 10.16 Yah n te Yesayi 53.1.

* 10:18 10.18 Yah n te Gbálnó 19.5.

† 10:19 10.19 Yah n te Tõnyono 32.21.

‡ 10:21 10.21 Yah n te Yesayi 65.1-2.

«Liyel ye pè pi tǒròò. A pé yí pi sè náh me n yah, té pé ní pi sè náh me n nohní, fǒó à pǒ syi kwey mè tyí.» ⁹ Yǒtǔ dí Davidi tǒ tǒ kè yo ne níkǔ: «Pé yǒke yíne kè pi pé tyí pé tǔ tǔ vyóne, ànê pé tǔ tǔ kǔyne, ànê pé wilki n mǒ mǒ kwáhle, kí pé tyítúkúnine pè dyah. ¹⁰ Pé yí mó ne me syí, pè káh fǔ ne n yah, pè mó ne me kwlónó sokǒ gbímegbí tókóbí sǒ me pé yǒ. ¹¹ Nte-à, Yisrayel no-á pé gbáhkì mǐ syíkǐ sǔ-à, pè se kí wǔ tǔ sǔ kúmm? Sǔ tǔ wǒ náh dé. Nte pépi-á pilki, yíkínǐ tǔlǒ mó pwáhnmonǒ we, pépi Nsyifunǒ kǒ pè pé yèwanne n yah. ¹² Nte pépi-á pílkinó-à kí me pi pèpǒrǐ wénóle kèkǒyǒ névyé tyí, té pé tǔnkwlǒnǒ me pi pèpǒrǐ wénóle yíkínǐ tǔlǒ tyí à, pépi-á pwáhnmonǒ we tǔ, kǔpah náh n pi n pi pèpǒrǐ ñgbǔne kal dí?

Névyé pwáhnmonǒle nónó náh pi Nsyifunǒle

¹³ Yépi nónó náh pi Nsyifunǒle, yépi tyí ye mé n yo wey mǔne núkúnúkú. Yesu tǔntǒ névi ye nímoǒle nê-á me tǔle n pi yépi yinne. Tǔ mǔ me yǒ yǔnóle nímo tyí, ¹⁴ nê-á kí á no Nsyifunǒ kǒ kè kí yíkínǐ tǔlǒ yèwanne n yah, ní kǒ mé kí pé túkù we pwah mǒ. ¹⁵ Yé náh we di, Liyel-á pè gbǔ milki kǔpah-à me kèkǒyǒ névyé wrǒ tǒ sah Liyelle à, wáh tǒ pǒ pé ye kwrǒ ñne, kè kí pi sǔ wé? Kè náh n pi n pi á kí ne lékyí sǔ yilki mǒ dí?

¹⁶ Sǔmukǒ pye nónó-á ko gbrolǔ, sépi-à kí me wilki sah Liyel tyí yǒ, sé tǔlǒ pǒl tǒ me ñ tyí yǒ. Séswǒ sémín-à me sàhnóle ñmǒ tyí yǒ, ké yǔngbǎn tǒ kí me ñ tyí yǒ. ¹⁷ Nsyifunǒ me wólíví séswǒ sǔnó sǒ, té Liyel me ké yǔngbǎn kǒlǐ. Té nónó náh pi Nsyifunǒle, pépi mó me á kí ne kyǔh sokǒ wólíví séswǒ sǒ, nê-á Liyel ké yǔngbǎn kǒlǐ kyí pukubi wólíví yǒhkì sǔnó tyí. Yáh Liyel yǒbǔnǒrǐ nê we, kǔpah n wil Nsyifunǒ tyí sǔ-á wólíví séswǒ sǔnó níkǐ n yohnǐ n mǒ yǔngbǎn púkúbínóle. ¹⁸ Kǔpah ye, yǔngbǎn nónó-á Liyel kǒlǐ kwe, yé káh séle n yilǒ. Yé káh yé gblǔyne n yǒ n sah, yépi tyí náh sémínne, pépi tyí ye séle. ¹⁹ Yé kí fǔ ní syah ne, Liyel-á yǔngbǎn nópi kǒlǐ tǒ té yépi we pukubi. ²⁰ Gbǐ tǔ wǒ ye, pépi Liyel yǒ sǔ-ńkǔ ye Liyel kǒ à pè kǒlǐ tǒ té yépi we pukubi pé swǒ sokǒ yé Liyel yǒ sǔnó gbǔ yǒ. Yé náh yíne yè yé gblǔyne n gbilki. Kè pyé yíne kè ne n me tíkile yé tyí ntǔne níkǔ. ²¹ Yé náh we di, Liyel-à me yè-ńkǔne séswǒ sǔnó yǔngbǎn kǒlǐnóle, yépi wǒ se pyé à kí we ye yáh sǔ-ńkǔne ñ yǒ? ²² Yé yah, Liyel ple, té mó tǒ peke. A peke pílkipú yǒ, té n pi ple yépi tyí. Nte yé yíne yè ne n me ñ pèpǒrǐ

12

Min pínó késáñne Liyel wě̀kì kóló soko

¹ N yúnpyé, Liyel pèpòrì pínó yinne ápi tyí, mé kéle n yah n kō yé tyí ne, yé yé gblǒyne Liyel kō yé sǒ pì sárkále ò tyí. Yè mó yé minne n pì yályál ò yah soko, nê-á kì ò yí yuku. Képah ye Liyel gbilki òkùkù pèpeyne, yáh yíne yè nêne n pì. ² Yé káh kèkǒyó névyele n yah n pì. Nte yé ye Liyel kō à lékám késáñne yé kō sǒnko yé vi mǒ. Képah soko, tyi nónó tyí-á me Liyel tyí, yé kì tē we séle n wah n pne. Sépi ye pì tyi tyíplǒle, ànê nónó tyí-á nǒ ò tyí, ànê nónó-á sǒhkì kēne.

³ Liyel-á yòbènrì nê pì nǒm tyí, képah yinne mé kéle n yo yé nénúkù núkù pól tyí ne, yé káh yé gblǒyne n gbilki n kah n mǒ. Yé ye gblǒy tìkínmǒnǒ sǒnǒ ne n me yé soko, à yíne Liyel-á ò yò sǒnǒle yé nénúkù núkù pól kō sǒ. ⁴ Yé náh we di, wil gběnsê núkù núkù ye á pól tyí, té tǎntǎnne sé tyí ò, nónó-á sé pól pì pì tyi me sé tyí tyíle. ⁵ Sē ó ye, ápi tǒ me ò, òtê á pól pì wil gběnsê núkúle tyí kǒle á wró kwrónmǒnǒ gbò yò Kristale. Á pól kwrǒ mǒ pì núkúle wil gběnsê tǎntǎn tyí kǒle nónó yétô-á me wēne n tē. ⁶ Liyel-á pèpòrì pì á tyí à nónónne á kō, sè me sé tyí tyíle. Nê tyí-à kì me Liyel tǎntǎnne syinyonǒle, tē kéle ne n pì à yíne Liyel yò sǒnǒ wě̀kìle. ⁷ Nê tyí-à kì me sǒnmǒnǒle névyé tyí, tē ne n so n mǒ pé tyí. Nê tyí-à kì me névyé kwónǒle, tē névyele n kwǒ. ⁸ Nê tyí-à kì me névyé vǐnmǒnǒle, tē névyele n vi n mǒ. Nê tyí-à kì me pèpòrì pínǒle névyé tyí, tē kéle ne n pì fòkòpènrì soko. Nê tyí-à kì me névyé yah tēnǒle, tē gbah tē ké soko. Nê tyí-à kì me névyé yām yáhnǒle, tē kéle n pì nìvìnì soko.

⁹ Yé yíne yé tyí nǒ wē tyí fòkòkwǐnkì kēne ké soko. Yé pèkè pínó yal n mǒ pnépné, yè mó pèpòrìle n pì. ¹⁰ Yé ye yé tyí nǒ wē tyí yúnpíkì núkù tyí kǒle. Yé gbah tē yè yòyénne n sah wē yò. ¹¹ Yé kléykléyne n pì, yé káh pì gbāndal névyele. Yé tǒle n pì Tē ògbē tyí yé nǒ pólle. ¹² Yé gbò sǎhnǒ-á me nê yò, yé ne n me nìvìnì soko képah yinne. Yé sǒmnǒle n pì yèkwòrì gbíne. Yé gbah n tē nírì pínó soko. ¹³ Yé yé yúnpyéle n yohni n mǒ pé fyàh-ntǎn soko, yé mó népānne n tē ple.

¹⁴ Nónó-á yéle n fōh, yé sǎmne n mǒ pé soko. Yé sǎmmne n mǒ pé soko, yé káh léplǒle n ye n mǒ pé yò. ¹⁵ Nónó-à me nìvìnì soko, yé ne n me nìvìnì soko péle wē tyí. Nónó-à mó me gbnì soko, yé ne n me gbnì soko péle wē tyí. ¹⁶ Yé yé

fókósõno pi nukúle. Yé káh pi gblõy gbilkipúle, yé ye gblõy tíkinmõno tyí no yé tyí. Yé káh yé gblõyne n pi yĩ pípúle.

¹⁷ Yé káh nnî yõ ntê pèkè pínó wó de ñ soko. Yé pèporile n pi no pól tyí. ¹⁸ Káh ki me yépi tẽ ó sõ, yé gbah n tẽ yé minne n pi yèvini soko ànê no pólle káh ki fẽ n pi n pi. ¹⁹ N nénónó, yé káh ne yáh yé gblõy vyähle n syi, yé kè toh Liyel syĩ. Yé náh we di, kè me wárkínsàhnóle Liyel wey sébéy soko ne, Tẽ ñgbẽ-á ne ñkẽ: «Ñmõ tyí ye vyäh syínóle, ñmõ ye n de wóle.»* ²⁰ Té tõ yo ké fí yó soko ne: «Á sépe-à me kweki soko, yĩ à kõ à yõ; wáh me níki soko, yĩ à kõ à wõ. Wáh képah pi, kè me á ki ne nìségbno sõ á kwe mo ñ yõnu yõ.»† ²¹ Káh n ye pèkè kõ kè fyäh á yõ soko, ñte áwõ fyäh ké yõ soko á pèpey pínó gbõ yõ.

13

No pól yĩne pè ne n sah kwil yõtãm yóré yõ

¹ Tẽnwenõ yó se me né kè náh wil Liyel tyí? Névyé nónó-á me tõrí yõ, Liyel sahki soko ye péle dõ. Képah ye, no pól yĩne pè ne n sah kwil yõtãm yóré yõ. ² Káh pi sã, névi nê-à yõtãmne n fwo, Liyel yóré ye tẽ n yahle. Té nê-à se mó tõ Liyel yóréle n yahle, pèkè ye tẽ n yõri n mo ñ gblõy yõ. ³ Tyípeplo pí-ò náh yĩne tukey tükèpu yah tíki pínóle. Tyítúkùnì pí-ò wõ ye yĩne pé yah tíki pínóle. Wáh ki me ké tyí ne á káh yõtãm tíkile n pi, tyípeplole ne n pi, képah soko pè ki ále n sõ. ⁴ Á náh we di, Liyel tõ soko ye yõtãmne á tyí pikì yĩnne. Nte wáh tyítúkùnìne n pi, pé tíki yĩne kè ñ tẽ. Dípíyì náh pè kõ nònóle dé, tẽnwenõ me pé tyí Liyel tõ mè soko ki fẽ fóhnó sah pèkè pí-ò yõ, ki Liyel yro wilki tẽ soko. ⁵ Képah ye á yĩne ñ ne n sah pé tyí yõ. Liyel fòkòvyähni yah tì to yin ó náh dé, á ni to me kéle ále n wèki ne képah-á ple. ⁶ Képah to yin ye yè mórile n mo. Té nónó-á mó n syi séle, Liyel tõ soko ye péle ké tõ n sah n pi yĩnne. ⁷ Kwáh nê-à yĩne névi nê kõnóle, kéle tẽ kõ. Mórile mórí syí-òle n kõ, ñ té làpole làpo syí-òle n kõ. Wáh yĩne ñ névi nê yah tíki pi, tẽ yah tíki pi. Wáh yĩne ñ yõyén sah névi nê yõ, kè sah tẽ yõ.

Yé tyí-á yĩne kè no wẽ tyí sõ

⁸ Nnî yó ntê kõli káh we yé yõ soko. Yé ye wẽ tyínõno ó kõli ne n me yé yõ. Á ní-ò tyí-à me no á tyí, Moyisi

* 12:19 12.19 - Yah n te Tõnyono 32.35. † 12:20 12.20 - Yah n te Sèmìrn 25.21-22.

tyi kònsàhnó wàl pól ye á kò dal mɔ. ⁹ Kãh yo Moyisi tyi kònsàhnó sɔkɔ ne, ney káh fòfíkì pì, ney káh nékókè mɔ, ney káh yĩbe yĩ, ney káh ò yĩ wil ò ní-ò kwâh tyí, à tahl tyi nónó téló tɔ tyí-á yónóle ké sɔkɔ, sépi pól ye tir kònsàhnó núkú mè tuke mɔ yo ke núkúle ne òkè: «Á ní-ò tyí yĩne kè nɔ á tyí á gblɔy tyí kòle.»* ¹⁰ Tyínɔnɔ névi náh n pì n dah n mɔ névi tyí. Tyínɔnɔ-à me névi nê sɔkɔ, tẽ me Moyisi tyi kònsàhnó wàl pólle n kò n dal n mɔ.

¹¹ Gbĩ nê sɔkɔ-á ále, yé kè pĩ ó. Pwáhnɔnɔ me yúkey ále núkúnúkú à kal gbí nê-á lésò á sê Krista yò. Képah ye, dɔ n yuku gbí nɔ. ¹² Tyah kah tɛ, tyah dal gbí me yúkey. Á ye fěntú tyi wɛ n ye. Liyel-á nêne á kò kyòo yah tò pì yĩnne, ¹³ à mó képahle kyòo yah tyípínó óle n pì. Á ye káh n pì yèwònpìbule, á ye káh mó tɔ sètɛnène n pì. Á ye káh n pì fòfìnpìbule, á ye káh n pì prònpìbule. Á ye káh málle n kòlɔ, á ye káh yíwilkìle n pì. ¹⁴ Yé ye yé tyípínó pól ne me Tẽ ògbɛ Yesu Krista tyí kòle. Yé káh n ye yé dyo dyo tyi pínó fyãh yé yò, kè pɔ yé mɔ tyítúkúni pínó sɔkɔ.

14

Káh á yĩnpile n tuke

¹ Névi nê Liyel yò sɛnó-à me yúkú-òkène yahle, yé tẽ tɛnó ple. Yé káh tẽ sònole n kòlɔ. ² Sɔ kénkò-á ònì Liyel yò sɛnó-à yuku yahle tẽ kò à me fě yiyìn pólle n yò, té nê Liyel yò sɛnó náh mó yuku yahle, kè me tẽ kò à me kò yahle; ³ yiyìn pól yó-ò káh kò kò-òkè névile n yilo, kò kò-òkè névi tɔ káh mó yiyìn pól yó-òle n tuke. Yé náh wɛ di, Liyel me tẽ tẽ ple dò. ⁴ Nte nê me áwɔle, té á kɔ pɔ ònì yó tònpile n tuke? Wàh kɔ sɔ me n pì ple ò, à náh me n pì ple ò, képah me ò yòtɛ ðine n yah kè. Nte à kɔ pì ple n pì. Yé náh wɛ di, tãhkì me Tẽ ògbɛ tyí kɔ fě à kò à kɔ n pì ple. ⁵ Túkú tyí sèpìn me sé tyí tyíle, túkú tyí sè me núkúle. Nte nê-à sɔ me nêne n sò, tẽ sɛnyĩnɔ ne n me ké yò. ⁶ Névi nê-á me sèpìnne n mɔ n kò, Tẽ ògbɛ tyí ye tẽ n pì kéle. Nê-à me yiyìn pólle n yò, Tẽ ògbɛ tyí ye tẽ n pì kéle. Yé náh wɛ di, Liyel yĩn ye tẽ n gbilki. Nê-à se yiyìn pólle n yó-òkène, Tẽ ògbɛ tyí ye tẽ n pì kéle. Liyel yĩn ye tẽ tɔ n gbilki. ⁷ Yé náh wɛ di, ápi sɔkɔ yó òtɛ náh me min sɔkɔ ò gblɔy yĩnne, ànê ònì yó òtɛ náh n ku n pì ò gblɔy yĩnne. ⁸ Áyãh me min sɔkɔ, Tẽ ògbɛ tyí yò ye ále min sɔkɔ. Áyãh se ku, òmɔ tyí yò ye á ku. Képah

* 13:9 13.9 Yah n tɛ Levitiki 19.18.

ye, á me min sɔkɔ ò, á ku ò, Tě ñgbě tyí yõ ye ále. ⁹ Krista ye ku té ñ lékó me yilki mɔ, nê-á à kã à pɪ lékyî ànê vye Tě ñgběne. ¹⁰ Nte áwɔ-á dò, kwâh nê pɪ té á á yúnpile n tuke? Té áwɔ tɔ-á dò, kwâh nê pɪ té á á yúnpile n yilo? Liyel kɪ pɔ á pól tuke n pi dò. ¹¹ Yé nâh we di, kè me wárkínsàhnóle Liyel wey sébéy sɔkɔ ne ñkě: «Ñmɔ nê-á TĚ NGBĚNE mé me min sɔkɔ. No pól kɪ gbètukunɔ di ñmɔ yah sɔkɔ, ànê no pól kɪ ñmɔle n gbilki.»* ¹² Kãh pɪ sě, á nénúkù núkú pól kɪ á tyípínó yah yo n pi Liyel tyí á gblöy.

¹³ Képah ye, á ye yal mɔ wě tükénóle, yè mó kè yah tɔkɔ ne ññí yó ñtě káh tir yó pɪ nê-á kɪ yé yúnpi yó yõ yɪkɪ, képah nâh pɪ tě syɪkɪ mɔ Liyel yõ sěno sɔkɔ. ¹⁴ A wró kwrónmɔnɔ gbõ yõ Tě ñgbě Yesule, ñmɔ kè pĩ, ànê ñ sěnyĩnɔ me ké yõ sɔkɔ ne ñkě, kwâh yó ñtě nâh me sɪlkĩnóle Liyel yah sɔkɔ ké gblöy sě. Nte névi nê-à n sō ne kwâh nê-á me sɪlkĩnóle, kè n pɪ sɪlkĩnóle tě tyí Liyel yah sɔkɔ. ¹⁵ Káh n pɔ á yõke yĩnne á yúnpi mɔ yèkwɔrɪ sɔkɔ, á nâh tõ me n kɔ tyínɔnɔ wěkì yõ dò. Káh n pɔ á yõke yĩnne névi min kã kè mɔ pu, Krista-á ku ñmɔ nê yĩnne. ¹⁶ Kwâh nê-á kwâh pèpeyne áwɔ tyí, képah káh pɔ pɪ yínyíkìle dé. ¹⁷ Yé nâh we di, Liyel tǒríle, yõke ànê wɔ wɔ yí nâh. Gbɪ wěkì, ànê yèvinɪ, ànê nìvìnì ye kéle Liyel Mirki gbõ yõ. ¹⁸ Névi nê-à tòle n pɪ Krista tyí sěntěne, Liyel yí n yuku těne, ànê névyè ñ yĩngbúle n yo. ¹⁹ Képah ye, áyáh ne yèvinɪ ànê wě yah yúkúnó we n pi sō, á ye képahle n yĩkɪ. ²⁰ A nâh yĩne ñ pɔ Liyel tòle ne n yɪkɪ yõke yĩnne. Gbɪ ye, yíyìn pól tě wɔ me yályál Liyel yah ó; ñte wâh kwâh yóle n yõ nê yónó-á kɪ fě pɔ á yúnpi yó syɪkɪ mɔ Liyel yõ sěno sɔkɔ, képah nâh ple. ²¹ Nê-á ké pèpeyne, tir nê-á kɪ fě á yúnpi syɪkɪ mɔ Liyel yõ sěno sɔkɔ, kè se kò kònóle ò, kè se tõ wónóle ò, kè se tyi dùkù nēne, káh kéle n pɪ. ²² Áwɔ sěno-á me nê yõ à yuku nénpó ùnne, ye képah tě áwɔ ànê Liyel wró. Nê-à tyile n pɪ wãh me nónóne n yah ne sãh me ple, té à nâh me lékàhle ñ gblöyne n kã, tě tyí nɔ. ²³ Nte névi nê-à kwâh yóle n yõ té me ké tyile n sō tòtò, lékàh me tě tyí Liyel yah sɔkɔ, wãh sǒnpúle kéle n pɪ té kè nâh me pɔ yĩne Liyel yõ sěno wěkìle. Tyi nónó pól-á n pɪ nónó nâh me Liyel yõ sěno wěkì yõ, tyípèl ye séle.

15

Wě tēnplɛnɔle

* 14:11 14.11 - Yah n te Yesayi 45.23.

¹ Api nónó Liyel yõ sěńó-á yuku yahle, á ye á no téló yótyile n twah pé tyí. Á ye káh á dyo yíi tyi ó yah wũ. ² Nê mè nê mè, à ñ ní-ò tyí pekí pekí tyile ne n pi à kō à ne n yuku yahle Yesu yõ sěńó soko. ³ Krista ntě fyé náh ñ dyo yíi tyi pí-ńsah yah kō. Kè me wárkínsàhnóle Liyel wey sėbéy soko ñ tyí soko ne nkě: «Liyel, á gbyòpu-á ñ gbyo gbyo nónóne, sè vi kwĩnki nmo yõ.»* ⁴ Tyi nónó pól-á wárkínsàhnóle Liyel wey sėbéy soko ñgbò dukùle, sè wárki ne sè pi kwónóle ápi tyí. Sépi gbò yõ, á kɪ gbah tē ànê sóre kɪ we á soko, á yáh-ńsah kō kè náh n tye n pi. ⁵ Liyel nê-á névile n pi gbáhntě-òle ànê sóre névile, mé kéle n yah n kō ñ tyí ne à yé sōno pi núkùle, yé mó Krista pi dukùle n yah n pi. ⁶ Képah soko, yé pól kɪ yé vyāh pi núkùle kɪ Liyelle n gbilki, ñmo nê-á á Tě ñgbě Yesu Krista Súle. ⁷ Képah ye, yé wě tē ple sō-á Krista yé tē ple à gbilkinóle n sah Liyel yõ.

⁸ Máh nēne n yo yé tyí, kè we yò: Liyel n ko ñ tyíyónó sò. Wāh ñ vyāhle Nsyifunó náh tân kō tir nê tyí soko, Krista po pi pé tōnpule à képah pi pé tyí. ⁹ A wil képah tyí soko, yikini téló to yin ye à po, pé kō pé kɪ Liyelle n gbilki ñ fòkòpèndòri yinne, sō-á kéle wárkínsàhnóle Liyel wey soko ne nkě: «Képah ye mé kɪ ále n gbilki yikini téló névye nyó, té kɪ ále n gbi.»† ¹⁰ Kè tō me yónóle ké fí yó soko ne nkě: «Yikini téló névye, yé nìvìnne n pi wě tyí Liyel nolé.»‡ ¹¹ Té tō me yónóle ne nkě: «Yikini téló névye, yé pól Tě ñgbēne n gbilki. No pól mó ñ gbilki gbilki yile n gbi.»§ ¹² Yesayi to kè yo ne nkě: «Nsyese pétó náhkì kɪ po yuku kɪ yikini pól névye yah tē, té pé kɪ pé gbò sah ñ yõ.»* ¹³ Liyel nê-á névi gbò sàh-ńsahle, mé kéle n yah n kō ñ tyí ne à nìvìnì ñgbě mo yé soko, à mó yèvinne yé kō yáh sōnpule sē ñ yõ. Képah soko, yé kɪ yé gbò sah yíi ñ yõ ñ Mirki táhkì gbò yõ.

Pole sėbéy wárkinó yõle

¹⁴ N yúnpyé, nmo sē yíi ké yõ ne pèpòri pípu-á yéle, yáh tyi pólle n pne, ànê yáh kɪ fě vñmōnole wēne n kō. ¹⁵ Nte yé dyo to n kō yin ye ní kō mé tyi túkù wárki nìsāhle tantàn yísó soko. Liyel gbò yõ ye mé pi képahle, ñmo nê-á pèpòri pi nmo tyí, ¹⁶ à ní pi Yesu Krista tōnpule névye wró, nónó náh pi Nsyifunole. Liyel tō kètār ye mé n pi ñ Nìvìnì tir yónóle.

* **15:3** 15.3 - Yah n te Gbálnó 69.10. † **15:9** 15.9 - Yah n te Gbálnó 18.50 ; 2 Samuyel 22.50. ‡ **15:10** 15.10 Yah n te Tōnyono 32.43. § **15:11** 15.11 Yah n te Gbálnó 117.1. * **15:12** 15.12 Yah n te Yesayi 11.10.

Képah sɔkɔ, nónó náh pɪ Nsyifunɔle, pè kɪ pé gblɔyne Liyel kɔ kɪ pɪ yályál ñ yah ñ Mirki gbò yò, pè kɔ pè kɪ pɪ Liyel dyɔ yĩne. ¹⁷ N wró kwrónmɔnɔ gbò yò Kristale, máh tò nêne n pɪ Liyel tyí, kè me yò yónóle ní tyí. ¹⁸ Kéne tò ye Krista nímɔ tɔkɔ à pɪ névye wró nónó náh pɪ Nsyifunɔle. Mé se kɪ tɔ kèyãh yo kah mɔ képah yò? Nímɔ ye pè kɔ pè n sah Liyel tyí yò, nímɔ vyãh wey ànê ní tyípinì gbò yò, ¹⁹ ànê gbìl tyi ñgbnɔ náhnáh sɔkɔ Liyel Mirki táhkì gbò yò. A tɔkɔ Yerusalemɪ kwil tyí ànê ké gbòplo kwlole, fɔ́ɔ à kyɪ sɔkɔ Yiliri mara pól sɔkɔ, mé Nìvìnì tir yo yĩ Krista tyí sɔkɔ. ²⁰ Té mé kè yah tɔkɔ à Nìvìnì tɪrle n yo tàntàn nónó sɔkɔ-á Krista yĩn náh yo yah. Nìvìnì tir-á yo sɔkɔ te tàntàn nónó sɔkɔ, mé náh sò me ké tyí ne mé kè yo nénpó nítò, á kɪ ne ñnì wòkò sètyah yò sɔ mé n mɔ n dohnɪ. ²¹ Té máh tò nê pɪ yò, kè me yínénóle Liyel weyne nê-á wárkínsàhnóle ne níké: «N tyí náh yo sah nónó tyí, pépi ye kɪ we ñne. Nónó-á pè náh ñ tyí noh yah, pépi ye kɪ ké dùkù pĩ.»†

Pole me Wrome kwil yúkúnó tyíle n sò

²² Kéne tò ye kò ní yahle gbáhyí náhnáhle ní kɔ mé náh me tẽ we kyɪ yé òinne. ²³ Nte núkúnúkú, ní tò ye tye mara mè sɔkɔ. Té ké ye náhnáh ye yò, yé òin kyɪ dékè me ní kah tẽ. ²⁴ Máh kɪ pɔ n yuku Yesɪpayĩ yamana sɔkɔ, mé kɪ yĩn yah yé tyí kɪ yé dékè ku yah kwéy, yé mó yòhnìnɔnɔ pɪ ní tyí ní kɔ mè fẽ n yò n sɔkɔ ní kólóle kéne yamana sɔkɔ. ²⁵ Nte núkúnúkú, sókónó ye ñne Yerusalemɪ kwil sɔkɔ kɪ kyɪ Yesu yò sɛpú yohnɪ mɔ nénpó. ²⁶ Yesu yò sɛpú nónó-á me Masedoni ànê Akayi sɔkɔ, pépi ye kè yah tɔkɔ à pé gbàn yĩ yísyó tuke mɔ wẽ yò, Yesu yò sɛpú yãm tãn yohnɪ n mɔ yĩnne Yerusalemɪ sɔkɔ. ²⁷ Pè kè yah tɔkɔ pé gblɔy. Nte gbɪ yò, ké kòlɪ nítẽ sò me pé yò. Yah kè; Nsyifunɔ gbò yò ye névye nónó náh pɪ Nsyifunɔle pé tɔ vyãh we Liyel tyi sɔkɔ. Pépi tɔ mó yĩne pè Nsyifunɔle n yohnɪ n mɔ pé gbàn yíle kè. ²⁸ Mâh pɔ kéne tyi nópi yah wah te à gbàn yĩ tükènmɔnɔ nópile pè kɔ te, té n sɔkɔ Yesɪpayĩ yamana sɔkɔ, mé kɪ syò yé tyí. ²⁹ N sɛnyĩnɔ me ké yò ne mâh pɔ yé òinne, Krista-á kɪ sãm mɔ yĩ á sɔkɔ.

³⁰ N yúnpyé, ápi Tẽ ñgbẽ Yesu Krista yĩn yò, ànê Liyel Mirki-á tyínɔnɔ nê dahbɪ yé sɔkɔ, sépi yĩnne, mé kéle n yah n kɔ yé tyí ne, yé so mɔ ní tyí náhnáh Liyel nínó sɔkɔ. ³¹ Yé

† 15:21 15.21 Yah n te Yesayi 52.15.

Liyelle n ni ñmɔ tyí n kɔ̀ mè we n pwah Nsyude mara Yesu yɔ̀ sɛ̀-ńkɛ̀pú tyí, ànê yòhnìnmmɔ̀nɔ̀ nê-á mé syi n yuku kɔ̀-ńsah Yerusalımı kwil sɔ̀kɔ̀, Yesu yɔ̀ sɛ̀pú kè fɛ̀ n syi nìvìnì sɔ̀kɔ̀. ³² Képah náh, Liyel-à kɪ fɛ̀ syi, mé kɪ yĩni tɛ̀ yé ùnne nìvìnì sɔ̀kɔ̀ kɪ pɔ̀ mɪ yah kwéy. ³³ Liyel nê-á yèvinì nétɛ̀ne, mé kéle n yah n kɔ̀ n tyí ne à ne n me yé pólle. Amiina.

16

Wékínóle névye tyí

¹ Mé á dósê Febele n dahbɪ yé gbò, ñmɔ nê-á yòhnìnmmɔ̀-òle Sãnkri kwil Yesu yɔ̀ sɛ̀pú ùnkɪ sɔ̀kɔ̀. ² Yé n tɛ̀nó ple Tɛ̀ ñgbɛ̀ yĩn yɔ̀, n yɔ̀ sɛ̀pú-á wɛ̀ne n tɛ̀ sɔ̀. Yè mó ñne n yohni n mɔ̀ tyi tyi pól sɔ̀kɔ̀ yé yétò-à syi n tyí. Yé náh we di, à ye névye náhnáh yohni mɔ̀ sɔ̀kɔ̀, tɛ̀ ñmɔ̀ tɔ̀ yohni mɔ̀.

³ Yé wekɪ Prisili ànê Akilasɪ tyí, pépi nónó-á ñmɔ̀ tò pɪ mûne Yesu Krista tyí. ⁴ Pè ye ku farkɪ ñmɔ̀ min pwáhnmmɔ̀-ńsah. Ñmɔ̀ ó náh n kɔ̀ péle pèpɔ̀rɪ pínó weyne dé, Yesu yɔ̀ sɛ̀pú ùnkɪnó pól nónó-á pè náh pɪ Nsyifunòle, pépi tɔ̀ me pé pèpɔ̀rɪle n pne. ⁵ Yé wekɪ Yesu yɔ̀ sɛ̀pú ùnkɪ tɔ̀ tyí, nónó-á wɛ̀ne n tuke n mɔ̀ pé gbò sɔ̀kɔ̀. Yé wekɪ n nénóní Yepayinetɪ tyí, ñmɔ̀ nê-á pɪ négbenne à sɛ̀ Krista yɔ̀ Asi mara sɔ̀kɔ̀. ⁶ Yé wekɪ Mari tyí, ñmɔ̀ nê-á tò kah pɪ yé tyí. ⁷ Yé wekɪ Andronikusi ànê Nsyunyasi tyí, pépi nónó-á ñmɔ̀ tyí névyele tɛ̀ á wòkònpèkè pɪ wɛ̀ tyí péle. Yòyén me n sah n yú pé yò pé no Yesu tɛ̀ntò névye sɔ̀kɔ̀. Pépi nɛ̀ pɪ Yesu yɔ̀ sɛ̀púle ñmɔ̀ yah sɔ̀kɔ̀. ⁸ Yé wekɪ Anpiliyatusi tyí ñmɔ̀ nê tyí-á tah yú n tyí Tɛ̀ ñgbɛ̀ wɛ̀kɪ kóló sɔ̀kɔ̀. ⁹ Yé wekɪ Yuribɛ̀ tyí, ñmɔ̀ nê-á á tò pɪ mûne Krista tyí. Yè mó wekɪ n nénóní Syitakisi tɔ̀ tyí. ¹⁰ Yé wekɪ Apelesɪ tyí, ñmɔ̀ nê-á n yĩn-ńsah filkɪ viki Krista yɔ̀ sɛ̀nó sɔ̀kɔ̀. Yé wekɪ Arisitobuli gbò tân tyí. ¹¹ Yé wekɪ Yorodyò tyí, ñmɔ̀ nê-á n tyí névile. Yé wekɪ Narsisi gbò tân tyí, nónó-á sɛ̀ Tɛ̀ ñgbɛ̀ yò. ¹² Yé wekɪ Tirifentɪ ànê Tirifosɪ tyí, pépi nónó-á tò pɪ Tɛ̀ ñgbɛ̀ tyí. Yè mó wekɪ n kósê Persidi tyí, ñmɔ̀ nê yi-á tò kah pɪ Tɛ̀ ñgbɛ̀ tyí. ¹³ Yé wekɪ Wrufusi tyí, ñmɔ̀ nê yĩn-á me wìlnóle Tɛ̀ ñgbɛ̀ tò pínó sɔ̀kɔ̀. Yè mó wekɪ n yú tyí, ñmɔ̀ nê tɔ̀-á pɪ ñmɔ̀ yúne. ¹⁴ Yé wekɪ Asɛ̀kriti tyí, ànê Flekòle, ànê Yeremesule, ànê Patrobasele, ànê Yeremasule, à tahlɪ á yúnpyé nónó-á me péle wɛ̀ tyí. ¹⁵ Yé wekɪ Filolokɪ ànê Nsyuli tyí, ànê Nere, ànê n dósêle, à tahlɪ Wolɛ̀pasɪ ànê Yesu yɔ̀ sɛ̀pú pól tyí, nónó-á me péle wɛ̀

tyí. ¹⁶ Yé wekɪ wẽ tyí tyínɔɔ sɔkɔ. Yesu yõ sěpú tĩnkínó pól n wekɪ yé tyí.

Pole me vɪnmɔɔ téyne n kɔ

¹⁷ N yúnpyé, mé kéle n yah n kɔ yé tyí ne kwónó nónó-á yé we sɔkɔ, névyé nónó-á me yuku sėpile n fwo, té gbékínóle n dah n mɔ yé wró, yé yé gblɔyne n tẽ péle. Yé káh péle n tĩnki. ¹⁸ Kéne névyé nópí òkùle kè; yé káh we ne ápi Tě ñgbě Krista tyí-á pè n pɪ tôle dé, pé kèkurn ye pè n yĩki. Vyáhseyírí sɔkɔ, pè ñpĩ-ńkẽ névyé yõ yɪkɪ pé yínvĩ welole. ¹⁹ Yáh me n sah Tě ñgbě tyí yõ òkù nêne, no pól me kéle n pne. Képah ye ní nɪ me vínóle yéle náhnáh. Nte mé me ké tyí ne yé lékám we yé tyípeplole n pɪ. Yé ne n me yályál, yé káh tyítúkúnine n pɪ. ²⁰ Liyel nê-á yèvinu nètêne, ò kwéy, à kɪ sètàn yòtẽ tyí yɪkɪ pɪ yé gbáhkì súnsàh-nsahle. Mé kéle n yah n kɔ ápi Tě ñgbě Yesu tyí ne à yòbènɔrɪ pɪ yé tyí.

²¹ Timote nê-á ní tò pɪ múnɛ, à n wekɪ yé tyí, à tahlɪ Lusiyusi, ànê Nsyasò, ànê Sosipaterɪ tyí, pépi nónó-á ní tyí névyéle. ²² Nmɔ Terityusi nê-á pè ní kɔ mé sėbéy mè wārki, ní tɔ n wekɪ yé tyí Tě ñgbě yīn yõ. ²³ Kayusi nê tyí-á nímole twáhntěnlóle, té Yesu yõ sěpú tĩnkì wēne n tuke n mɔ n pɔ ñ tĩnne, à n wekɪ yé tyí. Kwil pó màr-ò dí Yerasitɪ ànê á yúnpi Kwaritusi n wekɪ yé tyí. ²⁴ [Mé kéle n yah n kɔ ápi Tě ñgbě Yesu tyí ne à yòbènɔrɪ pɪ yé pól tyí. Amiina!]

Gbílkinó sàhnóle Liyel yõ

²⁵ Gbílkinó ne n sah Liyel yõ. Těnwɛnɔ me ñ tyí kɪ fẽ tãhkìle yé kɔ à yīne Nìvìnì tir nêne mé n yo yé tyí Krista tyí sɔkɔ. Sètìn sò tir ye lésò kéle ñgbò òkùle, ²⁶ té pɔ wilki mɔ núkúnúkú kwèyy kyòo yah, Liyel těntò syínyopu tyi wárkínsàhnó gbò yõ. Tyé-ńkẽ Liyel ye lésò pè kɔ pè kè wārki sah sǒnko yĩkìni pól névyé kè we n pĩ. Képah sɔkɔ, pè kɪ sě Liyel yõ té kɪ n sah ñ tyí yõ. ²⁷ Liyel núkúní nê-á lékám ó ñ tǒ, gbílkinó ne n sah ñmɔ yõ gbímegbí Yesu Krista gbò yõ. Amiina!

Pole sébéy tékínmōnole Korēnti tân tyí

Tyàh-nsah weyne

Korēnti kwille, kè me pne yreyno nínó yísyó wró, pè n ye Yesye ànê Yadratíkile. Gbò yĩ yĩ wǎl ògbnō nónó pól-á sò syō kéne kwil, kéne kwil tân ye sò n yah sé yō. Kreaki névye móntē-nsah kedyâh yó ye sò nénpóle. Nte Wrome tân pō kè sō, té tō pé syi kè tō mō. Korēnti kwil tân tyí, lékóló wǎl kó-ntân sò tno kah mō. Kǎh pĩ sē, tyíđi duke pól sò n we nénpó, ànê lékám dukeno pólle, à tahlı tân gbilki gbilki wǎl duke náhnáh tyí. Té gbò yí-nsah kwil ye tō sò kéle.

Pole-á lésō n yuku ò kóló ke ní-ò soko, à kyi nǎwǎl gbōnkwärtōnō pĩ nénpó. Té Nivini tir we yo, névye kō pé we sē Yesu yō nénpó. Nónó-á sē Yesu yō, Nsyifunō ye sò pé tüküle. Té pé kanne, Nsyifunō náh péle. Tahbı ànê yōtām náh sò me fwóó pé soko. Pé kan sò me yām tǎnne. Pè sò pé gblōyne n pĩ lékám ògbnō névyele. Kǎh pĩ sē, pè sò me nivini soko, té me n sō ne pǎh me pé gblōy yō, ànê lékám-á me pé tyí.

Ye yísyó sókónteno náh, Pole-á pópó n soko ò kóló ke tǎ-ò soko, sébéy nê-á yò, à kè wǎrki Yefesi kwil soko, à tekı mō Korēnti tân tyí.

Nte đí yó lésō me pè n ye Apolostile. A n wil Alekisādri kwil. Wǎh pō kyi Yefesi kwil, Prisili ànê ò pē Akilası nê-á Pole kóđine, pépi me à kwō, té sóré mō ò soko à kō à kyi sēpĩn yísyó pĩ Korēnti kwil.

Kè me á ki ne Pole sō sébéynó yísyó wǎrki tekı mō Korēnti tân tyí, nónó-á sé tyí yah náh me we kwey mē soko, à wil 1 Korēnti ànê 2 Korēnti tyí soko.

Tyino nínó yĩn ye sò Pole wǎrki tekı mō 1 Korēntile:

- Pole lésō tyi yísyó we noh Korēnti kwil Yesu yō sēpú tyí soko, nónó-á me yèkworile n mō ò soko.

- Korēnti tân lésō nósýó tekı mō ne, pè pō sébéy yóle Pole kō, nê soko-á pè me kè yah kō ò tyí ne, à pé vi mō tyi náhnáh soko.

A wil képah soko, Pole-á kwónó nónó pĩ, Yesu yō sēpú tükù sò me sè yahle, ànê pè náh me kè fē syi ne Yesu tēntō

névi-á ñne. Kãh pɪ sɛ̃, Pole me de yo kéne tyi sɔko náhnáh ñ sébéy mèn pól sɔko.

1 Korēnti sébéy mènne, kè vɪnmɔɔ náhnáhle n kɔ, nónó-á kɪ fɛ̃ Yesu yõ sɛ̃pú ònkínó yohnɪ mɔ kwey gbĩ mèn sɔko.

Liyel yé yah tɛ̃ ké kàrnó sɔko.

1 Nmɔ Pole nê-á Liyel ye pɪ Yesu Krista tɛ̃ntò névile à yĩne Liyel dyo yĩ tɛ̃ne, ñmɔ ànê á yúnpi Sositenɪ ye n tɛkɪ n mɔ sébéy mènne ² yépi Yesu yõ sɛ̃pú ònkɪ tyí, yépi nónó-á me Korēnti kwil. Yépi nónó-á me wìlkìnsàhnóle Liyel tyí yõ té me kwrónmɔɔle Yesu Kristale, yépi ye Liyel ye à tahlɪ Yesu yõ sɛ̃pú pól tyí tãntãn pól sɔko. Yépi pól me Tɛ̃ ñgbɛ̃ Yesu Krista yĩnne n ye n gbo. Nmɔ ye yépi Tɛ̃ NGBÈNE ànê ápi tɔ Tɛ̃ ñgbɛ̃ne. ³ Á kéle n yah n kɔ Sú Liyel ànê Tɛ̃ ñgbɛ̃ Yesu Krista tyí ne, pè yòbènɔri ànê yèvinne yé kɔ.

⁴ Liyel ye yòbènɔri pɪ yé tyí, yáh sɔnpíle me kwrónmɔɔle Yesu Kristale. Képah ye, mé n wɛkɪ Liyel tyí gbímegbí yépi yĩnne. ⁵⁻⁶ Yesu Krista tyí nê-á yo wah yé tyí, kè ye tɛ̃-ñsah we yé nno sɔko. Képah gbò yõ sɔko ye yé we kwɔ mɔ Kristale, té Liyel me pèpɔri dukenɔ pól pɪ yé tyí, yé kɔ yé wey dùkù pólle n pne, ànê pnèno duke pólle yé tyí. ⁷ Kãh pɪ sɛ̃, Liyel pèpɔri yó ñtɛ̃ náh yah kwɔ yé tyí, yépi nónó-á me á Tɛ̃ ñgbɛ̃ Yesu Krista syínɔɔ syíkɪ tɛ̃. ⁸ Liyel ye kɪ tɔ yé pɪ gbáhntɛ̃pule, fɔ́ kɪ pɔ syɪ Tɛ̃ ñgbɛ̃ Yesu Krista syɪ n pɔ sɔ tyí. Képah sɔko, yé kɪ pɪ wényo-ñsah kéne yé tyí lésòle. ⁹ Liyel n kɔ ñ tyíyónó sò, ñmɔ nê-á yé ye pɔ kwɔ mɔ ñ Pídí Yesu Kristale, nê-á á pól Tɛ̃ ñgbɛ̃ne.

Gbékínó nê-á de Yesu yõ sɛ̃pú wró Korēnti kwil sɔko

¹⁰⁻¹¹ N yúnpyé, mé noh Klowe no yísyó tyí ne yékâb-á me de yé wró. Képah ye, ápi Tɛ̃ ñgbɛ̃ Yesu Krista yĩn yõ, mé kéle n yah n kɔ yé tyí ne, yé yé vyãh pɪ núkúle. Yé káh n ye gbékínó ne me yé wró. Yé yé sɔno ànê yé tyi yáhntɔkɔɔno pól pɪ núkúle. ¹² Nê-á mé n yo yé tyí gbékínó mèn tyí sɔko, kè we yò: - Túkù ne ñkɛ̃, ñmɔ Pole náh névyé-á pépile. - Túkù me ne Apɔɔsɪ náh névyé-á pépile. - Túkù mó ne Pyɛri náh névyé-á pépile. - Túkù wɔ mó ne Krista náh névyé-á pépile.

¹³ Yépi tɛ̃ se me n sɔ ne Krista-á me tókínóle? Pole se pè syɪ dahɪ yõ yé yĩnne? Pole yĩn yõ se pè wel wilki yéle ni sɔko? ¹⁴ Mé n wɛkɪ Liyel tyí, máh sɔnpíle mé náh ñnɪ yó ñtɛ̃ wel wilki ni sɔko yépi sɔko, à wil Krisipusi ànê Kayusi tyí sɔko. ¹⁵ Kãh pɪ sɛ̃, ñnɪ yó ñtɛ̃ náh fɛ̃ n yo n pi ne, ñmɔ yĩn yõ-á pè pé wel wilki ni sɔko. ¹⁶ Ìṣṣ, ní dyo to kɔ ne máh

Sitefanasi ànê ñ no tɔ wel wilki ni sɔkɔ. Té à wil pépi tẽ tyí sɔkɔ, ñ dyɔ náh tɔ me n kwne ne máh ñnî yó wel wilki ni sɔkɔ. ¹⁷ Krista náh ñmɔ tekɪ mɔ ne mé wèlnwilkínóle n pɪ ni sɔkɔ dò, à ñ tekɪ mɔ Nìvìnì tir yo yinne, nê-á kè náh yĩne kè ne n yo à yĩne névi yòtàhsyi yípî dùkùle, Krista syínó kō kè pɔ pɪ yō kēne dahnɪ yō.

Krista syínó Liyel tēnweno ànê ñ yípîle n wēki

¹⁸ Yah, wáh ne Krista-á ku dahnɪ yō, kè n pɪ n tẽ nēwōré welɔle névye yah, nónó-á me mónpuno wēkì yō Liyel tyí ñinne. Nte ápi nónó-á me pwáhnmonɔ wēkì yō, ápi tẽ wɔ tyí, Liyel tēnweno ye kèle. ¹⁹ Yé náh we di, kè me wárkínsàhnóle Liyel wey sébéy sɔkɔ ne ñkē:

«Mé kɪ yī pípú yípî yɪkɪ,
té kɪ lékám névye lékám niri.»*

²⁰ Nte yī pípú tɔ ñyāh, ànê kárn ñgbnɔ pípúle, à tahlɪ kwey gbì vyáhsensyírípu tyí wé? Liyel kè wēkɪ pnéyy ne yípî nê-á me kèkōyó mè névye sɔkɔ, nēwōré-á kèle dò.

²¹ Kèkōyó névye ànê pé yípî fyé yō, pè náh tẽ we Liyel dùkù pī ñ yípî sɔkɔ. Káh pɪ sē, ñ wey nê-á n yo té kèle nēwân weyne pé yah, nónó-á sē ké yō, Liyel kè yah tɔkɔ à pépi pwah mɔ kápah gbò yō. ²² Nsyifuno tẽ n ne n me ké tyí ne gbíl tyi pɪ pé we, té Krekɪ névye wɔ n mó n ne n me yípîle n yah n kō. ²³ Nte ápi tẽ wɔ me Krista tyíle névyele n kwɔ, nê-á Liyel ney yáhnɔkɔnɔle pè syi dahnɪ yō. Kè me yō yíkinó weyne Nsyifuno tẽ sɔnɔ sɔkɔ. Nēwōré welɔ mó kèle névye tyí nónó náh pɪ Nsyifunɔle. ²⁴ Nte Liyel-á nónó ye pwah mɔ Nsyifuno sɔkɔ, ànê no téló sɔkɔ, pépi tẽ wɔ tyí, Liyel tēnweno ànê ñ yípî ye Kristale. ²⁵ Yé náh we di, Liyel tyípinì nónó-á nēwōré tyile névye sɔnɔ sɔkɔ, sè yípî tyile kal névi yípîle, té ñ tyípinì nónó-á ñ tēnkwlɔnɔle n wēkɪ névye sɔnɔ sɔkɔ, sé tɔ tēnweno le kal névi tēnweno le.

²⁶ N yúnpyé, Liyel-á yépi nónó ye, yé yé gblōy kèdùkù yah kè. Kèkōyó névye-á nónóne n yah yípî névyele, ànê tēnpnèpule, ànê né-ñgbnɔle, sēnkɔ névye náh me fwóó yé sɔkɔ. ²⁷ Nte tyi nónó-á kèkōyó névye me n yah nēwân tyile, sépi ye pyē Liyel yah tɔkɔ à senne yī pípú tẽ. Té tyi nónó-á pè me n yah tēnkwlɔnɔ tyile, sépi ye à yah tɔkɔ à senne tēnwepu tẽ. ²⁸ Tyi nónó-á kèkōyó névye me n yilo, sè náh me kwáh yóle pé yah, pè náh me séle n mɔ n kō, sépi ye

* 1:19 1.19 - Yah n te Yesayi 29.14.

Liyel yah tɔkɔ à sé téló tyí ykɪ, pãh me nónónɛ n mɔ n kō. ²⁹ Képah sɔkɔ, Liyel némóní yó ntě náh tẽ we ñ gblɔy yõ n sah n pi Liyel yah sɔkɔ. ³⁰ Nte Liyel gbõ yõ sɔkɔ ye yéle kwrónmɔnɔle Yesu Kristale. Té Yesu Krista wɔ gbõ yõ sɔkɔ ye ápi me yípî mè we, nê-á wil Liyel tyí. Nmɔ gbõ yõ ye tõ á pi néglóle Liyel tyí, té me wĩkĩnsàhnóle ñmɔ tyí yõ. Té à me á pwah mɔ á tyípêl sɔkɔ. ³¹ Képah ye, «Névi nê-à me ké tyí ne pé pé gblɔy gbilki, Tẽ ñgbẽ-á tyi nónó pi ápi tyí, tẽ ñ gblɔy gbilki sépi yĩnne.»† Sẽ ye kéle wárkĩnsàhnóle Liyel wey sébéy sɔkɔ.

2

¹ N yũnpyé, Liyel tir nê-á sò me wõbĩnsàhnóle, máh kyɪ yé fĩnne à kyɪ ké tyí yo wilki mɔ yé tyí gbí nêne, mé náh sò me kéle n yo yé tyí wèngbĩl sɔkɔ, ànê névi yõtãhsyi yípî sɔkɔ. ² Mé náh sò me tir yó ntě we yo yo tẽne yé tyí yõ-á me nê tyí, à wil Liyel ney yáhtɔkɔnɔ Yesu tyí sɔkɔ, ànê ñ syínó tyíle dahni yõ sɔkɔ. ³ Nmɔ sò me yé wró sɔkɔ tãhkì kěne ní sɔkɔ, té tíkí me ní tẽ, ànê ní wil me n syah. ⁴ Máh sò me kwónó nêne n pi, té Liyel wey nêne n yo, névi yõtãhsyi yípî náh sò mé n pi séle à yé sɔnɔle n vi n mɔ. Liyel Mirki ye sò n wèkì ñ tẽnwenɔle. ⁵ Kãh pi sẽ, kè náh pi ne névyɛ yípî gbõ yõ sõ yé sẽ Yesu yõ dé, Liyel tẽnwenɔ gbõ yõ ye.

Yípî nê-á n wil Liyel tyí

⁶ Nónó Yesu yõ sɛnó-á de yĩn, á me pépile n kwɔ yípîle nê-á ké gblɔy kèkõyó névyɛ ànê pé yõtãm tyíle, pépi nónó min-á kɪ n tye n pi. ⁷ Ápi me yípîle névyɛle n kwɔ nê-á wil Liyel tyí, képah nê-á sò me wõbĩnsàhnóle. Kèkõyó mó-ńkê gbí dùkù sɔkɔ ye lésõ Liyel yah tɔkɔ sah kéle, ápi yõ yõ yĩnne. ⁸ Kèkõyó yõtãm sɔkɔ yó ntě náh kè pĩ. Pãh sò me kè pĩ, pé náh náhkɪ Tẽ ñgbẽ syɪ n pi dahni yõ, ñmɔ nê-á tõrí nétẽne. ⁹ Tyi nópi pi à yĩne sõ-á lésõ kéle wárkĩnsàhnóle Liyel wey sébéy sɔkɔ ne ńkê:

«Névi yí náh tẽ yah nê yõ,
 ñ níkí náh nê noh yah,
 nê sɔnɔ náh de yah ñ sɔkɔ,
 sépi ye Liyel yah sah névyɛ kō, ñ tyí-á nɔ nónó tyí.»*

† 1:31 1.31 - Yah n te Nsyeremi 9.23.

* 2:9 2.9 - Yah n te Yesayi 64.3.

¹⁰ Yé nãh wε di, Liyel tyi nópilε á wēkɪ ñ Mirki gbò yõ. Liyel Mirki kɪ fě tyi pól sohlɪ, kãh sã Liyel fókósõno ñtẽ tolε. ¹¹ Né áwo ó nãh, ñnî yó ñtẽ nãh fě á sõno pĩ n pi. Né Liyel Mirki to ó nãh, ñnî yó ñtẽ nãh fě Liyel sõno pĩ n pi. ¹² Nte Mirki nê tẽ wo-á ápi soko, Liyel Mirki ye; kèkõyó tyí nãh. Liyel-á yòbènoɾɪ pɪ ápi tyí à yĩ nónóne á kõ, ñ Mirki gbò yõ soko ye á fě pĩ yĩ séle. ¹³ Té á nãh me sé tyile n yo à yĩne névi yõtãhsyi yípĩ kwɔ dukùle dé, Liyel wey ye ápi n yo à yĩne Liyel Mirki-á kéle á wēkɪ sõ. Té Liyel Mirki-á me nónó soko, pépi tyí ye à n ne n yo n wah Liyel Mirki tyile. ¹⁴ Névi yõtãhsyi sõno dukù kókó tẽ ó-à me névi nê soko, tẽ nãh Liyel Mirki tyile n fě n syi. Tẽ n tẽ sé dukù pĩ n kwɔ. Kãh pɪ sě, sè n ne n me nẽwõré tyile tẽ yah. Nte Liyel Mirki gbò yõ ó ye, névi sé dukùle n pne. ¹⁵ Nte Liyel Mirki-à me névi nê soko, tẽ wo ye kɪ fě tyi pól dukù kyomɪ pĩ, té ney nãh fě tẽ wo dukù kyomɪ n pĩ n pi. ¹⁶ Kè me wárkínsàhnóle Liyel wey sébéy soko ne ñkẽ:

«Nê tẽ wo me Tẽ ñgbẽ sõnole n pne wé?

Nê tẽ wo kɪ fě vɪnmõnole à kõ?»† Nte yé yah, Krista sõno ye ápi soko.‡

3

Liyel wey yópú tò-á nêne

¹ N yúnpyé, mé nãh lésõ tẽ wε Liyel wey yo yé tyí, sã-á mẽ kéle n yo névye tyí, nónó-á Liyel Mirki me pé yahle n tẽ. Nte mé kè yo yé tyí, sã-á mẽ kéle n yo névye tyí nónó-á nê ó-à tẽ dyo à n pɪ. Kãh pɪ sě, yé lésõ me píyírinole Yesu Krista yõ sãnó soko. ²⁻³ Yáh lésõ me píyírinole sě, yõke tíntí kɪ lésõ kãn pɪ yéle, kápah ye mé lésõ yènikile yé kõ. Nte à pɔ syi kwey mē ñtẽ tyí, nê ó-à yé dyo yè n pɪ. Kápah ye, kè kɪ tõ kãn pɪ yéle. Yé yah kè, sã-á yúnwõrí ànê mál tēne fyò yé wró soko yò, nê ó-á yé dyo kápah ye yé me n pɪ, ànê névi yõtãhsyi pɪ dukù ye yé soko. ⁴ Sã-á yé tókù tyah n yo ne, Pole nãh névye-á pépile, tókù me ne, Apolosi nãh névye-á pépile, névi yõtãhsyi pɪ dukù ye yé n pɪ.

⁵ Nê me Apolosi? Anê nê me ñmo Polele? Tõnpɪbɪ ye ápile, nónó gbò yõ-á yé sě Tẽ ñgbẽ yõ. A nénúkù núkú pól tãn ye á n pɪ, à yĩne Tẽ ñgbẽ-á nónó sah á kõ. ⁶ Ñmo ye sõ mo, Apolosi me kè pu. Nte Liyel ye pɪ kéle kè kyãh. ⁷ Ñmo nê wo-á pɪ kéle kè kyãh, ñmo ó kɪ n mo n kõ. Névi nê-á sõ

† 2:16 2.16 - Yah n te Yesayi 40.13. ‡ 2:16 2.16 - Tẽ ñgbẽ ànê Krista sõno me núkùle.

kéle, ànê nê-á pu kéle, pépi náh n mo n kō n pi. ⁸⁻⁹ Ápi pól pi tǒ pípúle Liyel tyí. Képah ye névi nê-á sǒ mo, ànê nê-á pu kéle, pépi pól me núkúle. Té pé nénúkù núkú pól kɪ pɔ pé tǎn pínó lédyáhní we n pi à yīne pé tǎn pínóle. Yépi ye pi Liyel swǎhle.

Yépi ye tǒ pi ñ wòkòle nê-á à me n mo. ¹⁰ Liyel-á yòbènrɔ nê pi ní tyí, képah gbò yǒ sɔkɔ, mé tǔ we wòkò sètyah wilki wòkò mónpnè-ò pèpey tyí kǒle. Té képah yǒ sɔkɔ ye ñnì me n mo n dohnɪ. Nte nê-à n mo n dohnɪ ké yǒ, tǔ kyòmìnóle n pi ñ mo dùkù sɔkɔ. ¹¹ Sètyah nê-á wilki te yò, ñnì yó náh tǒ fǔ kèyǎh wilki n pi à wil képah tyí sɔkɔ, képah nê-á Yesu Kristale. ¹² Wòkò sètyah nê-á wìlkintenɔle yò, sǒ-á túkù-à me kéle n mo n dɔkɔ mo mo yīle sǒ-á sǎnne, ànê wárrne, ànê dyéh pèplɔle, té túkù me kéle n mo n dɔkɔ mó-ńkê yīle sǒ-á léslóle, ànê ñdrɔle, képah náh pi filkókóríle, ¹³ kèkǒyó tukey tuke sǒ ye, nénúkù núkú pól-á tǎn nónó pi sɔkɔ, sàh kɪ me plɛ, sé gbɪ kɪ pǐ. Lésǒ kɪ me nyàh sǒ, nê-á kɪ no pól tǎn gbɪ yah, kɪ sé dùkù wǔkɪ. ¹⁴ Nê tǒ pínó-à súké-ńkêne, tǔ kɪ ké lédyáhní we. ¹⁵ Nte nê tyí-à suke, tǔ tǔ wɔ kɪ pwah ó, té à náh ké lédyáhní we n pi. A kɪ núkú me á kɪ ne nyàh sɔkɔ sǒ à yǐkɪ to wil ñ gbò kókóle.

¹⁶ Yé se yó pǐ ne yépi Yesu yǒ sǎpú tǐnkí-á Liyel ní-ńsah gbòle, ànê ñ Mirki-á me déntǔnóle yé sɔkɔ té. ¹⁷ Liyel ní-ńsah gbò me sàhnóle Liyel tyí yò, képah nê-á yépíle. Képah ye, névi nê-à Liyel ní-ńsah gbò yɪkɪ, Liyel kɪ tǔ tyí yɪkɪ.

¹⁸ Ñnì yó ńtǔ káh ñ gblǒy tǒ mo. Yé sɔkɔ nê-à me ñ gblǒyne n pi yǐpǐ névile à yīne kèkǒyó névyɛ yǐyáhnóle, tǔ ñ gblǒy vi n mo n pi néwóle à yīne névyɛ yǐyáhnóle, à mó Liyel yǐpǐ we. ¹⁹ Yé náh we di, kèkǒyó névyɛ yǐpǐle, néwǒré ye kéle Liyel yah sɔkɔ dò. Kè me wárkínsàhnóle Liyel wey sébéy sɔkɔ ne ńkê: «À yǐ pípúle n mo n tǔ pé lékámkām sɔkɔ.»* ²⁰ Té tǒ me wárkínsàhnóle ké fǐ yó sɔkɔ ne ńkê: «Tǔ ñgbǔ yǐ pípú sǒnɔle n pne. A pǐ ne sè náh fǔ tir yó ńtǔ pekɪ n pi.»† ²¹⁻²² Káh pi sǔ, ñnì yó ńtǔ káh ñ gblǒyne n yǒ n sah ne páh me yǎh nkǒ náh, képah náh pi yǎh nkǒ wɔ náh. Nmo Pole ò, Apɔlɔsɪ ò, Pyɛrɪ ò, kèkǒyó ò, min képah náh pi kǔ ò, kwey gbǐ tyi ò, ńsǒ tyi ò, sépi ànê ápi pólle, yépi tyí ye. ²³ Nte yépi me Krista tyí yǒ, Krista wɔ mó me Liyel tyí yǒ.

* **3:19** 3.19 - Yah n te Nsyɔbɪ 5.13. † **3:20** 3.20 - Yah n te Gbálnó 94.11.

4

Pole ànê Korēnti tǎn wró tyile

¹ Yé yīne yè pī ne Krista tǒnprɪbɪ-á ápile, ànê tyi nónó-á lésō wǒbìnsàhnóle, Liyel-á séle ápi gbò dahbɪ, á kō á syi n yo. ² Nte tyi-à dahbɪ nê gbò, kè n ne n me yáhnkǒnǒle tē tyí ne à ne n me tómm sé pínó sǒkǒ. ³ Nmǒ tē wǒ tyí, yépi képah náh pɪ tukey tǔkèpu-á kɪ sǒ lékàh, képah náh pɪ lénǒle níne n kō sǒ, képah náh me tir yóle nímo yah. Nmǒ tē wǒ náh me lékàh, képah náh pɪ lénǒle ní gblǒyne n kō. ⁴ Tòtò náh me nímo nɪ sǒkǒ pólle ne máh tyípékè pɪ. Nte képah náh n wēkɪ ne lékàh kē névi-á níne tē wǒle. Tē ñgbē ó ye kɪ fē lékàh, képah náh pɪ lénǒle nímo kō. ⁵ Képah ye, yé káh ñmo dyàh tē lékàhle névyele n kō ké gbí nǒ-ńkē sǒkǒ. Yé ñ pónó sykɪ. Nmǒ kɪ pǒ sètìn sǒ tyi wilki mǒ kwèyy, té kɪ névyele fǒkǒ sǒnǒ wilki mǒ kégbó. Képah sǒkǒ, yǒ yǒnó nê-à yīne nêne, tē kɪ kè we Liyel tyí.

⁶ N yúnpyé, yépi yīn ye mé Apǒlǒsɪ ànê ní gblǒy pɪ dùkù tokǒ à yé wēkɪ, nê-á kɪ yé kō yé kɪ pī ne tyi nónó-á wǎrkɪ, ñnî yó n̄tē náh yīne à ne n pɪ n kah n mǒ sépi yǒ. Képah sǒkǒ, ñnî yó n̄tē náh ñ gblǒy gbílkinó sǒkǒ, ñnî yó tokǒ fónfó pɪ n kal n pɪ ñ ní-òle. ⁷ Kwàh nê kɪ ñ kō á kɪ kal no télóle? Kwàh nê tē me á tyí, né Liyel náh ñ kō kéle? Nte kǒnó à kéle à, sǒ pɪ té á á gblǒyne n gbilki á kɪ ne Liyel kósyi ñ kō kéle? ⁸ Yì nónó pól-á yé n yah n kō, yé ye núkú sè we te yé yo kè? Yé pɪ te tahbɪle yé yo kè? Yǒtǒrí ye núkú yé me n pɪ ápi kēne yé yo kè? Yáh náhkɪ sǒ me we pɪ yǒtǎmne ápi to náh kɪ me yǒtǒrí sǒkǒ yéle. ⁹ Nkē kè me nímo tē tyí, á kɪ ne Liyel sǒ ápi Yesu tēntǒ névyele pɪ no pól náh névyele. Á pɪ névyele sǒ nónó-á kɪ pǒ n ko n mǒ n pi. Kǎh pɪ sē, á pɪ syáh syah yīle kèkǒyó pól tyí, yīnyǒ tǒnprɪbɪ tokǒ dohnú névyele yǒ. ¹⁰ Ápi pɪ nēwǎnne Krista yīnne, té yépi me pɪ yī pípúle Krista sǒkǒ yé yo kè? Ápi pɪ tēnkwlǒpule, té yépi me pɪ tēnwepule yé yo kè? Ápi me yílónóle n we, té yǒyén me n sah yépi yǒ yé yo kè? ¹¹ Yé náh we di, fǒó à pǒ syi núkúnúkú mē n̄tē tyí, kwékɪ ànê níkɪ me ále n kwlǒ. Mǒ mǒ flǒ náh me á tyí. Á me kole n syi, té tē-ñsah náh me á tyí. ¹² Á me tǒle n pɪ kětǎhkɪyǒ á gbǎnne, à á yǒ yǒ tēne n we. Páh ále n gbyǒ, á sǎmne n mǒ pé sǒkǒ. Páh ále n fǒh, á kè fē n syi. ¹³ Páh á tyíle n yo n ko, á wènpèplǒle n wékɪ pé tyí. Á me pɪ tē kèkǒyó yésyì ànê ké yítúkúnìne névyele tyí, pópó à pǒ syi núkúnúkú mē tyí yò.

14 Nte mé nãh me tyi nópilɛ n wãrkɪ n tekɪ n mɔ yé tyí nɛ mé sennɛ yé tẽ dé, gbáhdyãh ye mé n di n sah kéle yé tyí, yépi nónó tyí-á nɔ yíí ní tyí á kɪ nɛ ní wɛnpì sɔ̃. 15 Yé yah, Nìvìnì tir yónó gbò yò sɔkɔ ye yé pɪ ní mɔ wɛnpìlɛ à sɛ Yesu Krista yò. Képah ye, ní mɔ me n mɔ kò á kɪ nɛ yé sú sɔ̃. Nónó-á me yéle n kwɔ Yesu Krista tyilɛ, pàh sɔ̃ me nɔ nɛpì kèyò kwólɛ ò (10 000), yé pì nɛ sú núkú tẽ ó-á yé tyí. 16 Képah ye, mé kéle n yah n kò yé tyí nɛ, yé ní mɔ pɪ òkùlɛ n yah n pɪ. 17 Képah yĩn ye tɔ̃ mé Timotele n tekɪ mɔ yé tyí, nê-á me ní pídí sɔ̃. N tyí nɔ yíí ní tyí. Tẽ ñgbɛ wɛkì kó-ò pèpɛy ye ñnɛ. Nmɔ ye kɪ pɔ yé dyɔlɛ n to n kò máh me Krista wɛkìlɛ n kɔ òkù nêne, sɔ̃-á mé kéle Yesu yò sɛpú òkùlɛ n yah n kwɔ n kò tãntãn pól sɔkɔ.

18 Nte yé tókù me n sɔ̃ nɛ mé nãh ní syɪ n pɔ n pi yé òkùlɛ, té me yuku pé gblɔyɛ n yò n sah. 19-20 Nte kàh kɪ nɔ Tẽ ñgbɛ tyí, mé kɪ n syɪ pɔ yé òkùlɛ núkúnúkú. Wɛngbil wékínó nãh n wɛkɪ nɛ Liyel tɔ̃rí névi-á ále, Liyel tãhkì nê-á á sɔkɔ, képah ye n wɛkɪ kéle. Képah ye, máh pɔ pɔ, kè nãh n yĩn n pi gblɔy gbilkípú wɛngbil nòhnó-ó tyí dé, tɛnwɛnɔ-à kɪ me pé tyí, mé kɪ kè pì. 21 Máh kɪ kɛnpyãhní tɔkɔ pɔ yé tyí, képah nãh pɪ máh kɪ pɔ yárr yé tyí tyínɔnɔ sɔkɔ, nê tẽ me yé n yah n kò?

5

Pí-ńkê tyi nónó-á sò Yesu yò sɛpú tókù me n pi

1 Kè me n nohnɪ ywɔ ywɔ pól sɔkɔ nɛ ńkê, pròprò pínó-á me yé wró sɔkɔ. Pròprò pínó yó ñtê-á me yé wró sɔkɔ, nê-á Yesu yò sɛ-ńkêpú ñtê nãh fɛ syi sɛnkò pɪ n pi. Pè nɛ yé sɔkɔ yó ñtê-á me ñ sú kyɪ tɔkɔ. 2 Té sépinó pól sɔkɔ, yé tɔ̃ me yé gblɔyɛ n yò n sah n kò kè? Kè pyɛ sò yĩnɛ kè pɪ yíí yèkwɔrlɛ yé tyí, yé kò yé kɛnɛ tẽ yĩni n wilki yé wró. 3 Nmɔ tẽ wɔ nãh me yéle fí núkú sɔkɔ. Nte mé me yéle sɔnɔ sɔkɔ. Képah ye, ní mɔ tẽ wɔ lékàhlɛ yĩ mè pí-ò kò tɛ, á kɪ nɛ mé sɔ̃ me yé wró sɔkɔ. 4-5 Yãh pɔ wɛ tɔkɔ mɔ, ní mɔ tɔ kɪ me yéle sɔnɔ sɔkɔ. Sɛnkò névi tɛnɛ, yé Yesu Krista yĩn ànê ñ tɛnwɛnɔlɛ à wilki yé wró, yè ñ gbàh dɛ n mɔ sɛtãn yòtɛ kò. Kàh tɛnɛ n kwɔ, à kɪ pí-ńkê tyi pínó yal mɔ ñ min kò kè kɪ wɛ pwah, Tẽ ñgbɛ Yesu syɪ n pɔ sòlɛ.

⁶ Yé gblɔy gbilkínó mè yah náh. Yé se yó pĩ ne, kókónó kwéy ó-á n dɔkɔ mífáhkì pólle té.* ⁷ Yé kéné tyípèkè wilki n to yé wró, képah nê-á me n tō n mo kókónó tyí kōle. Képah sokɔ, yé kɪ me wásáá kókónó kân búrn tyí kōle. Krista lésõ fẽ syi pè kō pè à ko mo Nsyifunɔ yõri tyénó syáh kópó tyí kōle ápi tyípèl wu n to yinne á tyí. Kãh pɪ sɛ, yé me wásáá kókónó kân búrn tyí kōle. ⁸ Yé ye à tyípèl duke pól wilki n to á min sokɔ, à mó ne n me yályál négblole kókónó kân búrn tyí kōle, nê-á pè n ne n tah Nsyifunɔ yõri tyénó syáh sokɔ.†

⁹ Máh lésõ sébéy nê wãrkɪ tekɪ mo yé tyí, mé lésõ yo ké sokɔ ne yé káh ne n pɪ n soh prɔnɔɔɔɔ. ¹⁰ Nte kèkõyó névyè tyí sokɔ náh lésõ ñne dé. Kèkõyó mè prɔnɔɔɔɔ, képah náh pɪ ké yísesúkú névyè, ànê ké yípú, képah náh pɪ, ké sãh fálpú tyí sokɔ-à sò ñne, yé náh nãhkɪ sò fẽ n wũ n pɪ kèkõyó mè sokɔ dò. ¹¹ Nte sɛ náh dé. Mé ne névi nê-à ñ gblɔyne n ye Yesu yõ sɛ-òle, té me prɔpròle n pɪ, képah náh pɪ, yísesúkúle n pɪ, képah náh pɪ, sãhle n fal, képah náh pɪ, névyè tyíle n yo n ko, képah náh pɪ, sètɛnɛnɛ n pɪ, képah náh pɪ, me yĩbele n yĩ, yé káh ne n pɪ n soh sɛnkõ neyne pólle. Yé káh yõke ñtɛne n yõ wɛ tyí tɛne. ¹²⁻¹³ Té Yesu yõ sɛ-ńkɛpú tükèné tɛ wole, ñmo tò náh képahle. Liyel ye kɪ tuke péle. Nte kè me wãrkínsàhnóle Liyel wey sébéy sokɔ ne ñkɛ: «Yé népèké yĩni n wilki yé wró.»‡ Kãh yo sɛ à, yé náh yé ñnkɪ névyè tuke n pɪ di?

6

Yesu yõ sɛpú píndenɔle wɛ tyí

¹ Kwãh nê pɪ té tir-à de yépi Yesu yõ sɛpú sokɔ yó ànê ñ ní-ò wró, yé yé ñnkɪ névyè sah, ñ té kè tɔkɔ n kyɪ ne n tuke Yesu yõ sɛ-ńkɛpú tyí? ² Yé náh pĩ ne ñkɛ, Yesu yõ sɛpú-á kɪ pɔ kèkõyó névyè tuke n pɪ di? Nte yépi-à me pɔ n tuke n pɪ kèkõyó névyè, tyípí wɔ se yé kɪ tɛ tuke kwɔ? ³ Yé náh pĩ ne ñkɛ, áyáh kɪ yĩnyõ tɔnɔɔɔ ñtɛ tuke n pɪ di? Té kèkõyó mè tyi wole pyè á kɪ pɔ tuke kwɔ nɪ? ⁴ Nte sɛnkõ tir-à we yé wró sokɔ, névi nê-á Yesu yõ sɛpú náh me ñne n mo n kō, yé

* **5:6** 5.6 - Kókónó kwéy mífáhkì pól dókónó nê tyí-á n yo ásò sokɔ yò, képah dùkú ye Wín n ne n yo pé sɛmirkí yó sokɔ ne, yúúkúnkáh núkú-á n pō yo pólle.

† **5:8** 5.8 - Nsyifunɔ yõri tyénó syáh-à sò de n te, Nsyifunɔ pé gbɛn kókónó dyí pól kwe, ñ té n tyah kókónó kãne n yõ. Pè képah tɛne n pɪ sɛ, ñ kè wɛkɪ ne, tyípèl nóno pól-á sò pé pɪ, páh sè milki. ‡ **5:12-13** 5.12-13 - Yah n te Tõnyono 17.7.

n pyě n kyı ñmɔ tɔkɔ n pɔ nɛ, à pɔ kè tuke nı? ⁵ Sen ye kéle yé tyí dé. Yépi tẽ wró sokɔ, lékám névi yó ntẽ náh núkú me, nê-á kɪ fẽ yé wró tyi yah wah lé? ⁶ Tir se yĩne kè we yé sokɔ yó ànê ñ ní-ò wró, kè syi n pɔ n yĩni n tẽ tukey tükè-ñsah sokɔ, fóó Yesu yõ sě-ńkěpú ntẽ tɔ pɔ pɪ ké tükèpule?

⁷ Nte yáh fyò me wě tẽne n ye n tuke n pɔ, kèpah yé tẽnkwlonɔ wěkɪ te dò. Kwáh nê pɪ té pàh tyíkěkɪ pɪ yé tyí, ànê pàh yé gbàn yĩ yĩ tɔkɔ, yè n tẽ yé nno tẽ n kwlo? ⁸ Té yépi ye mó tõ n pɪ kéné tyíkněni ànê yĩbe tyile yé yũnpyé Yesu yõ sěpú tyí. ⁹ Yé náh pĩ ne tyíkněni pípú náh n de n pɪ Liyel tõrí sokɔ di? Yé káh yé gblóy tõ mɔ ló. Prònpɪbɪ, ànê sãh fálpú, ànê fòfnpɪbɪ, ànê dibí wě tókópú, ¹⁰ ànê yěnwóbé, ànê yísesúkú névyé, ànê sètěni pípú, ànê névyé tyí yónkòpu, ànê névyé yõ syíkípúle, pépi sokɔ yó ntẽ náh n de n pɪ Liyel tõrí sokɔ. ¹¹ Té yé yah, sěnkno névyé ye sò yé túkúle ñgbòle. Nte Tẽ ñgbě Yesu Krista ànê Liyel Mirki gbò yõ sokɔ, yé pɪ yályál. Yé me wĩkĩnsàhnóle Liyel tyí yõ. Yé pɪ négbłóle Liyel yah sokɔ.

Yesu yõ sě-ò gběnsê-á pɪ Liyel tyíle òkù nêne

¹² Kè me yónóle ne ńkě: «Tyi pól pínó gbàh me dénmɔnɔle ñmɔ tyí.» Nte yõre náh n we sé tükú sokɔ. «Tyi pól pínó gbàh me dénmɔnɔle ñmɔ tyí.» Nte ñmɔ náh n pɪ n pɪ sé sokɔ yó ntẽ yõle ló. ¹³ Kè tõ me yónóle ne ńkě: «Yòke me kèkùrkɪ yĩnne, kèkùrkɪ tɔ mó me yòke yĩnne.» Nte Liyel kɪ pɔ sé nínó pól tyí yɪkɪ n pɪ. Nte névi wil gběnsê tẽ wɔ náh mɔ pròprò pɪ yĩnne dé, Tẽ ñgbě tyí yõ ye kè mɔ. Tẽ ñgbě tɔ ye mó n yah ké yõ. ¹⁴ Liyel ye yilki mɔ Tẽ ñgbě Yesu lékóle. A kɪ ápi tɔ lékyî yilki n mɔ n pɪ ñ tẽnwenɔ gbò yõ. ¹⁵ Yé se yó pĩ nɛ, yé wil gběnsênóle, Krista wil tãntãnnó-á té. Mé pɪ sò mè n pɔ Krista wil fí yó tɔkɔ n pɔ n kwro n mɔ prònpɪ wille? Pólle, mé náh kèpah pɪ n yah n pɪ. ¹⁶ Yé se yó pĩ nɛ, névi nê-à sě prònpule, pé nímí-á kwro mɔ pɪ wil gběnsê núkúle té. Kè me yónó ntěne Liyel wey sébéy sokɔ ne ńkě, pé nímí-á kwro mɔ pɪ wil gběnsê núkúle.* ¹⁷ Nte névi nê tẽ wɔ-à ñ gblóyne Tẽ ñgbě Yesu kò, tẽ sɔnɔ vi n mɔ n pɪ núkúle Tẽ ñgbě Yesu tyíle. ¹⁸ Yé yé náh vi pròprò pínó kò. Tyípél téló nónó-á névi n nɛ n pɪ, tẽ wil gběnsê vyãh náh n we sé sokɔ. Nte pròprò pínó tẽ wɔle, ñ tẽ me n pɪ n de ñ wil gběnsê tyí. ¹⁹⁻²⁰ Yé se yó pĩ nɛ, yé wil gběnsê-á Liyel Mirki mé-ñsahle té. Liyel ye yé kò ñ Mirkile, nê-á déntěnóle yé sokɔ. Tẽ ñgbě ye yé dwe dántãhle. Káh pɪ sě, yé tyí náh

* 6:16 6.16 - Yah n te Yenest 2.24.

yé gblõyne dò. Képah ye, yé yé wil gběnsê pɪ n̄ gbilki gbilki kwâhle.

7

Fúr tyi òkù yónóle

¹ Yáh tyi nóno piki yah ní tyí yé sébéy sɔkɔ, sépi yah ye mé kɪ yo yé syah núkúnúku yò. Yé ne níkě* káh sò fónfó dí tẽ sê tókó-níkēne. ² Nte pròprò pínó yah kò yinne, kè ye fónfó dí mè dí mè, à sê tɔkɔ, ànê sê mè sê mè, n̄ to mó de pe tyí. ³ Dí-á yĩne nê pínóle n̄ kyɪ tyí tno sɔkɔ, à kéle n̄ pɪ n̄ tyí. Sê to-á yĩne nê pínóle n̄ pe tyí tno sɔkɔ, n̄ to kéle n̄ pɪ n̄ tyí. ⁴ Sê tyí yò náh n̄ wil gběnsêle dé. N̄ pe tyí yò ye kéle. Dí to tyí yò náh n̄ wil gběnsêle dé. N̄ kyɪ tyí yò ye kéle. ⁵ Yé káh pèkì kām wēne, né kè náh pɪ yé ními yáhntɔkɔnole níri yó we n̄ pɪ yinne wró kwéy yó ó sɔkɔ. Nte képah-à sɔkɔ te, yé yé syɪ pèkì kwɔ mɔ. Képah-à pí-níkēne, yé kɪ pɔ n̄ syah n̄ tẽ n̄ kwɔ, sétàn yòtẽ kò à kɪ syõ-nsah we kɪ yé wilki mɔ. ⁶ Nte nímo-á nê yo yé tyí yò, kyĩnmɔno náh dé, syõ-nsah yó wèkì ye mé yé kò. ⁷ Káh nímo tẽ ó sò, mé sò me ké tyí ne no pól ne me lédyónine nímo tyí kòle. Nte Liyel ye no pól mɔ ànê pé tẽnwe-ítanne. A tir yó pínó tẽnwenole n̄n̄ kò, n̄te keyäh pínó tẽnwenole n̄ ní-ò kò.

⁸ Nte nê-á mé kɪ yo lédyóni ànê pékúsyɔ tyí, képah ye yò. Páh tẽ lédyónine nímo tyí kòle, képah kɪ ple. ⁹ Nte páh kɪ pĩ ne pé náh fẽ pé gblõy tẽ n̄ pi, pè fúr pɪ. Fúr pínó ye fónfó kal, n̄ tẽ lédórí kò kè ne n̄ ko.

¹⁰ Té nóno-á fúr pɪ te, máh kɪ nê kò n̄ sah pè kò n̄ pi, nímo náh n̄ kò n̄ sah kéle pé tyí dé. Tẽ ñgbě ye n̄ kò n̄ sah kéle pé tyí ne níkě, sê náh yĩne à yal n̄ pe tyí. ¹¹ Wáh se mó yal n̄ pe tyí, à náh tõ yĩne à de pe káhkí yó tyí, à yĩne à n̄ syɪ yuku n̄ pe tyí, pè kyɪ pé wró tõ n̄ sah. Nte dí to káh mó n̄ kyɪ wilki.

¹² Nte nê-á mé n̄ yo no téló tẽ wɔ tyí yò, Tẽ ñgbě náh n̄ yo képahle dé. Nmo ye n̄ yo kéle ne níkě, Yesu yõ sě-ò dí yó tyí sê-à me nê náh pɪ Yesu yõ sě-òle, té kéne pi me ké tyí ne pé tẽ n̄ tyí, à káh à wilki. ¹³ Yesu yõ sě-ò sê yó to tyí pe-à me nê náh pɪ Yesu yõ sě-òle, té kéne dí me ké tyí ne pé tẽ n̄ne wẽ tyí, à káh yal n̄ tyí. ¹⁴ Yé náh we di, Yesu yõ sě-ò pi mè gbò yõ sɔkɔ ye n̄ pe kɪ me yúkey Liyelle, ànê Yesu yõ sě-ò dí mè to gbò yõ sɔkɔ ye n̄ kyɪ kɪ me yúkey Liyelle. Nkě káh pí-níkēne sě, pé wēnpì kɪ me á kɪ ne pé wró sò do

* 7:1 7.1 - Túkù sɔno sɔkɔ, Pole ye yo wey mène ne níkě, káh sò fónfó dí tẽ sê tókó-níkēne.

Liyelle. Nte kègbɩ tẽ yõ sɔkɔ, pè ye me yúkey Liyelle. ¹⁵ Nte kàh me pɩ Yesu yõ sɛ-ńkê ney tẽ wɔ ne páh pé ní-ò Yesu yõ sɛ-òle n yahle, yé ye à kɔ à kè pɩ. Kàh pɩ sɛ, ò ní-ò Yesu yõ sɛ-ò nê-á pe kèpah nàh pɩ kyile, òmɔ kɩ we wũ ò gblɔy yõ sɔkɔ. Yèvinɩ sɔkɔ tẽ yĩn ye Liyel ye ále dò. ¹⁶ Nkê à, áwɔ nê-á kyile, á se sɛ ké yõ ne wáh kɩ tẽ we á pe min pwah mɔ? Tĩ, áwɔ nê-á pele, á se sɛ ké yõ ne, wáh kɩ tẽ we á kyɩ min pwah mɔ?

Swɔ nê sɔkɔ-á lésò ále té Liyel ò ye pɔ ò gblɔy tyí, tẽ kèpah ó sɔkɔ

¹⁷ Nte sépi pól sɔkɔ, Tẽ ògbẽ Liyel-à nê sah swɔ nê sɔkɔ, kè yĩne kè yĩne tẽ tyí. Nê-à sò me swɔ nê sɔkɔ té Liyel à ye pɔ ò gblɔy tyí, à yĩne à ne n pɩ à yĩne kèpahle. Kéne pɩ òkù ye mé me n yo Yesu yõ sɛpú tĩnkínó pól tyí. ¹⁸ Névi nê-à sò me kòńóle té Liyel à ye, tẽ tẽ kòńóle. Nê tɔ-à sò me kò-ńkêne té Liyel à ye, tẽ tɔ káh ne páh kòkèle n kò. ¹⁹ Á kò ò, á nàh kò ò, yõ nàh me kèpah tyí. Yõ-á me nê tyí, kèpah ye Liyel tyi kònsàhnó wǎl kólóle. ²⁰ Nê-à sò me swɔ nê sɔkɔ té Liyel à ye pɔ ò gblɔy tyí, tẽ yĩne à tẽ kèpah sɔkɔ. ²¹ Wáh sò me yõle té à ò ye, káh n ye kè ále n yɔ. Nte gblɔy yõ wéntɛnó yòbènrɩ-à mó wil mɔ á yõ, káh n ye kè n kal. ²² Yé nàh we di, névi nê-à sò me yõle té Tẽ ògbẽ à ye, ò tyípèl yõrɩ n tyè. Yé nàh we tɔle à, névi nê-à sò me ò gblɔy yõ té Tẽ ògbẽ à ye, à n pɩ Krista yõle. ²³ Tẽ ògbẽ yé dwe wilki yõrɩ sɔkɔ dántàhle. Kèpah ye, yé káh rítɔ n pɩ ònî yó rítẽ yõle gbógbó. ²⁴ Nte ò yúnpyé, yáh lésò me swɔ nê sɔkɔ té Liyel yé ye pɔ ò gblɔy tyí, yé yĩne yè tẽ kèpah ó sɔkɔ.

Fúr-á n pɔ n pɔ tyi nónóne

²⁵ Névyè nónó-á pè nàh tɔnì fúr pɩ, Tẽ ògbẽ nàh tir yó yo ò tyí pé tyí sɔkɔ. Nte Tẽ ògbẽ pèpɔrɩ gbò yõ, mé pɩ névi yóle nê-á yé kɩ fɛ sɛ ò yõ. Kèpah ye, mé kɩ ò yèngbẽ sòno yo yé tyí fúr tyí sɔkɔ. ²⁶ Tyi-á me tẽ tah sɔ kwey gbɩ mè sɔkɔ, òmɔ sòno sɔkɔ, yé nénúkù núkú pól-à tẽ sɔ-á yéle, kèpah kɩ nekɩ kal yéle. ²⁷ Wáh kɩ me sè tɔkɔ tɛ, káh à fin n mɔ. Wáh kɩ se mó tɔnì me sè tókó-ńkêne, sè tókó-ńkê fónfó. ²⁸ Dí-à sè tɔkɔ, kèpah nàh pɩ sènpir-à de pe tyí, tyípékè tẽ wɔ nàh pè pɩ dé. Nte nê tẽ wɔ-á me ké sɔkɔ, ké pípú kɩ kwlónóle n we. Kèpah yah ye mé me ké tyí ne mé n kò yé tyí.

²⁹ Ò yúnpyé, mé kéle n yo yé tyí, tyah me n tyah sókóntenole. Kèpah ye, à tɔkɔ núkúnúkú tyí, sè-à me nê tyí, tẽ ne n me á kɩ ne, sè kósyi me ò tyí. ³⁰ Nê-à me gbni

sokɔ, tẽ ne n me á kɪ ne à kósyĩ me gbní sokɔ. Nê-à me nìvìnì sokɔ, tẽ ne n me á kɪ ne à kósyĩ me nìvìnì sokɔ. Nê-à me yídwénène n dwe, tẽ ne n me á kɪ ne n tyí kósyĩ yídwéné nópilɛ. ³¹ Nê-à me kèkõyó mè nɔlɪle n yõ, tẽ ne n me á kɪ ne à kósyĩ me ké nɔlɪle n yõ. Wáh n yah yò, kèkõyó mè náh tõ n mo n pi ló.

³² Mé me ké tyí ne yé fókósõno káh kwel. Névi nê-à sê tókó-ríkēne, tẽ n fɔkɔle n sō Tẽ ñgbẽ tãn tyí sokɔ. Á n ne n me Tẽ ñgbẽ nìvìnì pí-ńsahle n yah n kō. ³³ Nte sê-à me névi nê tyí, tẽ n fɔkɔle n sō kèkõyó tyi yõ. Á n ne n me n kyɪ nìvìnì pí-ńsahle n yah n kō. ³⁴ Kàh pɪ sɛ, n nɪ n ne n me n yil n kō yey nínine. Té sɛnpir, képah náh pɪ sê nê-à dé-ríkēne pe tyí, Tẽ ñgbẽ tãn yah syi tẽ tyí. Tẽ n gblɔy kō n dal n mo Tẽ ñgbẽ tãn píno sokɔ. Nte sê pètẽ tẽ wɔle, kèkõyó tyi yah syi ñmo tyí. Á n ne n me n pe nìvìnì pí-ńsahle n yah n kō. ³⁵ Mé náh tyi nópi yo yé tyí yé fikéntɛno yinne dé, yé yohnɪ n mo yin ye mé n yo séle yé tyí. Képah ye, nê-á pɛpɛyne, mé me ké tyí ne yé képahle n pɪ, képah nê-á Tẽ ñgbẽ ó tãn yah wúnóle. ³⁶ Kètɛnpikí nê-à pɪ ne pé ségbíní dékè-á me péle n ko,† té páh kɪ n to n kō, páh kɪ n syah n pɪ n de n tyí, té tyi-á yĩne sè kɔ sé wǎl yõ, tẽ à fur n dyo ó. Tyípékè náh kéle. ³⁷ Nte kètɛnpikí nê-à kè yah tɔkɔ n nɪ sokɔ ney fyǎh-ńkēne n yõ, té ne páh kɪ fɛ tẽ pé gblɔy tyí lédórí náh fɛ pé fwo pèkì kō kè n we n pi pé wró pé ségbínine, tẽ pɪ ple. ³⁸ Képah ye, nê-à n ségbíní fur, tẽ pɪ ple. Té nê-à n ségbíní fúr-ríkēne, tẽ wɔ pɪ ple kal.

³⁹ Sê pe-à fyò me min sokɔ, à yĩne à ne n me ñmo ó tyí. Nte n pe-à pɔ yah kwɔ, à kɪ fɛ de pe yó tyí nê tyi-á nɔ n tyí, tẽ-à fyò me Yesu yõ sɛ-òle. ⁴⁰ Nte ñmo tẽ ó sõno sokɔ, wáh wũ dé-ríkēne pe tyí, képah nìvìnì kɪ kal n tyí. Ñmo fókósõno ye mé yo yé tyí yò. Nte ñmo sõno sokɔ, Liyel Mirki me n sokɔ.

8

Sãh fálnó kò tyí yónóle

¹ Á ye á fɔkɔ mo n yah núkúnúkú à yuku sãh fálnó kyɔ tyí ùnne. Gbɪ tẽ wɔ ye yé yo ne á pól-á me tyile n pne ó.

† **7:36** 7.36-38 - Wró mè sokɔ, névye sõno me sé tyí tyíle. Túkù ne Pole-á ne ríkè, nê-à pɪ ne ríkè pé písé pe tyí dé-ríkè yah náh, té à syi pɔ n dye, té wǎh yĩne à de pe tyí, tẽ ñne pe kō à yĩne n dyo dyo tɛne. Tyípékè náh kéle. Nte nê-à kè yah tɔkɔ n nɪ sokɔ ney fyǎh-ńkēne n yõ, ne ríkè páh kɪ fɛ pé písé tẽ sah à náh n de n pi pe tyí, tyi vi sokɔ-á tɛne. Képah-á, nê-à n písèle pe kō, tẽ-á pɪ ple, té nê-à se n písèle pe kō-ríkēne, tẽ-á pɪ ple yíí.

Té kéne tyi pnèno wɔ ye mó tɔ n mo névile gblɔy gbilkínó sɔkɔ. Nte tyínɔnɔ wɔ yah yúkúnóle névile n kɔ. ² Névi nê-à me n sɔ ne páh tyile n pne, tẽ náh tɔ̀nì me kwâh yóle n pne wãh sɔ̀ yĩne à sè pĩ sɔ̀. ³ Nte Liyel tyí-à nɔ névi nê tyí, Liyel tẽne n pne.

⁴ Nte à yuku sãh fálnó kò kònó tẽ tyí ònne, á se yĩne à séle n kɔ? Á pĩ ne fal fal tɔ̀le, kwâh yó náh kéle kèkòyó sɔkɔ, Liyel núkú ó-á me. ⁵ Gbɔ tẽ wɔ ye, yíyìn náhnáh me yĩnyò ànê sétáh yò, nónó-á túkù me séle n tɔkɔ n pi pé liyelnole. Nte liyelno ànê tãm náhnáh-à sɔ̀ me pé tyí, ⁶ ápi tẽ wɔ tyí, Liyel núkú ó ye me, òmɔ nê-á á Súle. Òmɔ ye mo yíyìn pólle, ápi me òmɔ tyí yò. Sẽ ó ye, Tẽ ògbẽ núkú ó tɔ ye me, nê-á Yesu Kristale. Òmɔ gbò yò sɔkɔ ye yíyìn pól me, ànê ápi tɔle min sɔkɔ.

⁷ Nte fal fal tãne, Yesu yò sɛpú túkù náh pĩ ne kwâh yó náh séle. Pé túkù lésò dar kah mo sãh fálnó tyile. Té pépi sɔkɔ nónó tẽ Yesu yò sɛnó-à fyò yúkú-òkɛne yahle, pàh sãh fálnó kòle n kɔ, pè n ne n sɔ n kyɔ n pɔ sãh fálnó tyí sɔkɔ. Kàh pi sɛ, pè n ne n sɔ ne tyípekè-á pé n pi kò mè kònóle. ⁸ Yòke náh ápi nɔ n de n pi Liyelle dò. Ké yó-òkɛ náh kwâh yó wilki n pi á sɔkɔ, ké yónó tɔ náh se mó tɔ kwâh yó dohnɔ n pi á yò. ⁹ Sé kònó gbàh sénsò me dénmonole yé tyí ó, òte yé kyòmìnóle n pi, képah káh pɔ túkùle n sykɔ n mo, nónó Yesu yò sɛnó náh me yuku yahle. ¹⁰ Sɔ̀-á áwɔ nê-á tyile n pne, ònì yó-à òtyínɔ kyɔ ò we tɔ̀ wòkò sɔkɔ á me yòkele n yò, té tẽ Yesu yò sɛnó náh me yuku yahle, sɔ̀ me kè kɔ pi? Kè náh sòré mo n pi tẽ sɔkɔ, à kɔ à sãh fálnó kòle n kɔ n pi di? ¹¹ Kàh pi sɛ à, òmɔ nê-á ò Yesu yò sɛnó náh me yuku yahle, ò min náh n mo n pu n pi áwɔ tyi pnèno gbò yò sɔkɔ di? Té á yúnpi ye mó tɔ òne, òmɔ nê tɔ yĩn-á Yesu Krista ku. ¹² Yáh n pi n de yé yúnpyé tyí sɛntɛne à pé sònole n ykɔ pé tyi yah wé-òkɛ yĩne, Yesu Krista tyí ye yé n pi n de dé. ¹³ Mâh ne yòke yó yò, té képah ò yúnpi yó yò ykɔ n mo n pi tyípekè pínó sɔkɔ, mé kɔ kè we ye gbógbó. Képah sɔkɔ, mé náh tẽ yò ykɔ n mo n pi tyípekè pínó sɔkɔ.

9

Pole pi dùkùle

¹ N yúnpyé, gblɔy yò névi náh òne di? Yesu tɛntò névi náh òne di? Mé náh Yesu we yĩne, òmɔ nê-á á Tẽ ògbɛne di? Òmɔ tɔ̀ pínó gbò yò sɔkɔ náh yé we sɛ Tẽ ògbɛ yò di?

² Yáh fyò me Tě ñgbě Yesu yõ sě́nó sòkò, kẹ́pah kéle n wě̀kù nẹ̀ ñ tě̀ntò névi-á ñne. Kẹ́pah ye, túkù-à sǒ ké pí-ńkěne ní tyí nẹ̀ ñmò tě̀ntò névi-á ñne, yépi tẹ̀ wò yĩne yè kè pĩ. ³ Nónó-á me n tókò ñmòle n kǒ, máh ne nê yo n pi pé tyí, kè we yò: ⁴ Api náh yĩne à á tãn pínó yòke yõ à mó ké ni wò di? ⁵ Ké wě̀kù náh me ápi tyí kù fě́ syó tókò Yesu yõ sě́pú sòkò, té áyáh n sòkò kólól sòkò, á fě́ n sòkò n pi péle, sǒ-á Yesu tě̀ntò névyé télól kéle n pi, pépi nónó sòkò yó-á Pyerile, ànê sǒ-á Tě ñgbě Yesu yúnpyé kéle n pi di? ⁶ Tĩ, ñmò ànê Barnabasù ó kókó se yĩne à tãn káhkínole n pi nítò à á gblǒy vyähle n yah? ⁷ Yé se kè we noh yah ne, ñnĩ yó-á me sràsyiyále n pi, té me yĩn ñ gblǒy yínnóle? Tĩ, séswo sǒ-ò náh yĩne ké pye yónóle di? Tĩ, nê tẹ̀ wò kù yípěyne n fě́, té à náh sé yě̀nikì wò n pi?

⁸ Yé káh n we ne kégbó mè tyi pi dùkù ó-á mé yah té séle n yo dé. Kè tǒ me sě̀ntě́ nítěne tótó Liyel tyi kǒnsàhnó sòkò. ⁹ Kéne tyi kǒnsàhnó nê-á Liyel Moyisi kǒ, kè me wá̀rkínsàhnóle ké sòkò ne ñkě́, nyeh-à me swáh tónó sòkò á tyí gbí nêne, á káh sé vyěy pukubi á sè̀mukò yónóle.* Yé se we ne nyeh yãm-á tẹ̀ Liyelle à kǒ à kẹ́pah yo? ¹⁰ Api yĩn náh à yo kéle di? Awe, ápi yĩn ye à yo kéle. Yé náh we à, ápi yĩn ye tyi nópilẹ́ wá̀rkínsàhnóle nítò ne ñkě́, sètò-à swähle n wò, ñ sòno n ne n me ñ we we tẹ̀ yõ. Táh mí-ò tò-à mó táhle n mi, ñ sòno n ne me ñ we we tẹ̀ yõ. ¹¹ Api-á pò Liyel wey yo yé tyí, ñ tyí kǒ kè we de yé nno sòkò à; áyáh sò me yé gbàn yíle á gblǒyne n pu, kè se yĩne kè yé gbàn du? ¹² Ké yah-à kù nê fyò névyé túkù me sě̀nknole n pi yé tyí à, ápi wò se pyě? Té kẹ́pah fyé yõ, ápi náh kwáh yó nítě́ syi yé tyí. Nte ápi náh sò me ké tyí ne kè fě̀kínó dahbì Nìvìnì tir yónó sòkò Yesu Krista tyí yõ. Kẹ́pah ye, á me tyi pól sro. ¹³ Té yé pĩ tole ne ñkě́, Liyel ní-ńsah gbô tò pípúle, Liyel ní-ńsah gbô-á n yah pé vyähle. Sárká syínwìlkipu tò-á pé we we tě̀ne n we sárká yí sòkò. ¹⁴ Sě́ ó ye, Tě ñgbě kè yo ne ñkě́, Nìvìnì tir yónó sòkò-á Nìvìnì tir yópú kù n yõ.

¹⁵ Nte ñmò yòke yó nítě́ náh wil kẹ́pah sòkò. Mé náh mó tǒ me tyi nópilẹ́ n wá̀rkù n tekù n mọ́ yé tyí ne mé yé kǒ séle dé. Máh kéle n pi nònóle, té me nìvìnì nêne n we ké sòkò, káh nê n tẹ̀ n syi n pi ní tyí, mè n ku nítěne. ¹⁶ Kè nọ ní tyí ò, kè náh nọ ní tyí ò, mé yĩne mè yo óle Nìvìnì tir yo. Kẹ́pah ye, ké yónó náh me yínyáhkì tirlẹ́ ñmò tyí. Té pèkè me ní yõ,

* 9:9 9.9 - Yah n te Tǒnyono 25.4.

mãh yahle ké yónóle. ¹⁷ Nmo-à sò me yah tɔkɔ tò mène, à ní gblɔy mo ké pínó sɔkɔ, mé náhkɪ ké yõre we. Nte kònsàhnó ye Liyel kò sah ní kò kéle mé n pi. Képah ye, ní pi pi tò ó ye mé n pi. ¹⁸ Nte ñmo we we tẽ wo nêne wé? Nìvìnì nê-á me ní sɔkɔ ní kò mé Nìvìnì tirlɛ n yo névyɛ tyí nònóle kwâh yó yáhnkò-ńkêne ké sɔkɔ, képah ye ní we we tẽne.

¹⁹ Nnì yó ntẽ yõ náh ñne dé, mé me ní gblɔy yõ. Nte mé ní gblɔy pi no pól yõle ne mé pé yõ vi n mo pè kò pè pi Yesu yõ sɛpúle. ²⁰ Mãh me Nsyifuno sɔkɔ, mɛ ní minne n pi pé tyí kòle ne mé pé yõ vi n mo pè kò pè pi Yesu yõ sɛpúle. Pépi nónó-á Moyisi tyi kònsàhnó wàl kópúle, mɛ ní minne n pi pé tyí kòle n pé yõ we n vi n mo, té sé wàl kó-ò náh mó tõ ñne dé. ²¹ Mãh sɔ me tyi kònsàhnó wàl kó-ńkêpú sɔkɔ ò, mɛ n ne n pi pé tyí kòle, n pé náhnáh yõ we n vi n mo. Té képah náh n wɛkɪ ne, Liyel tyi kònsàhnó wàl kó-ńkê névi-á ñne dé. Mäh fyò me Krista tyi kònsàhnó wàl tẽne n kɔ, képah n wɛkɪ ne, Liyel tyi kònsàhnó wàl-á mé n kɔ. ²² Névyɛ nónó Yesu yõ sɛnó náh yuku yahle, mãh me pé sɔkɔ, mɛ ní minne n pi pé tyí kòle ne mé pé yõ vi n mo pè kò pè pi Yesu yõ sɛpúle. Mãh sɔ me nédúké nónó sɔkɔ ò, mɛ ní gblɔy pi pi dùkùnó pólle pé yinne, ne mé pé tókù yõ we n vi n mo pè kò pè pi Yesu yõ sɛpúle. ²³ Mé me tyi nòpi pólle n pi Nìvìnì tir yónó yah yuku yinne, ne pèpɔri nê-á me ké sɔkɔ, ní vyãh we ké sɔkɔ.

²⁴ Yé se pĩ ne ñkê wẽ kàlnó tóló tópú pól-á ñkêne ne n me n to kéntáhkɪ sɔkɔ, té pé nénúkù ó-á n we ké yõrele té? Yépi tɔ ne n to tẽ tyí kòle ké yõre we yinne. ²⁵ Wẽ kàlnó tóló tópú kwlónónɔ pól fẽ n syi yõ yónó pɔ n we yinne, nê-á kè náh n mo n pi. Nte ápi kéle n pi yõ yónó pɔ n we yinne, nê-á kɪ me kúmm. ²⁶ Képah ye ñmo tɔ me n to, té mé náh me n to n dah n mo dé. Mé me gbònkukuri syí-ò yó sɔ, nê-á à náh n syi n dah n mo. ²⁷ Nmo nê-á Liyel weyne n yo no téló tyí, mé me ní wil gbɛnsêle n fõh ní gblɔy tɛnó sɔkɔ, ne mé káh n pɔ n teki yõ yónó sɔkɔ.

10

Yisrayel no pi dùkùle gbɛnni sɔkɔ

¹ N yúnpyé, nê-á á sútóbé yĩni tẽ Moyisi gbĩ sɔkɔ, mé me ké tyí ne yé yé dyɔ sah ne n kwne kéle. Pé pól sò me n kɔ ñyírki fob sò, té de kah pne yónsyãh sɔkɔ pé tòó. ² Pé pól de sɔkɔ ñyírki fob sɔkɔ ànê pne yónsyãh sɔkɔ wèlnwìlkinó tyí

kõle, à pi Moyisi sò tēpúle. ³ Pé pól yõke núkú yõ wě tyí, nê-á wil Liyel tyí, ⁴ té me wɔ wɔ ni núkú we wɔ, nê-á wil Liyel tyí. Tédáhkì yó sɔkɔ ni ye sò kéle. Kéne tédáhkìle sò, Krista ye nê-á me n yuku péle. ⁵ Nte pé kan náh sò pi néglóle Liyel yah.* Káh pi sě, pè ku kwe gběnni sɔkɔ. ⁶ Kéne tyi ye pi, à ápi yí yíkí, nê-á kú á kǒ á yí náh tǒ n wil n pi tyítúkúni pínó tyí pépi tyí kǒle. ⁷ Yé káh pi sãh fálpúle pépi tókú tyí kǒle, pépi nónó tyí-á yónóle Liyel wey sébéy sɔkɔ ne ríkě: «Tówú ye kǒ tē à n yõ, té n wɔ, képah náh té yuku à syáhle n syah.»† ⁸ A ye káh á gblǒy pi prǒnpiɓile, sǒ-á lésǒ pé tókú kéle n pi, té népi kèyõ gbõnúkú kyegbãm (23 000) me ku pé sɔkɔ gbìyìkì núkúle.‡ ⁹ A ye káh Tě ñgběne n mɔ n yah, sǒ-á lésǒ pé tókú pi kéle, té vye me pè kwākí ko.§ ¹⁰ Yé káh Liyel sèyòkèle n yo sǒ-á lésǒ pé tókú kéle n pi, té yinyõ tǒnpi nê-á nékókèle n mɔ, ñmɔ me pɔ pé duku to.*

¹¹ Tyi nópi ye pè yini tē, à névyé yí yíkí. Ápi nónó-á me kèkǒyó tyéntenɔ gbí me sɔkɔ yò, ápi yin ye pè tyi nópi wārki, à gbáhdyáh di sah á tyí. ¹² Képah ye, nê-á me n sǒ ne páh me we su yin palle, tē kyòmínóle n pi, à káh pɔ yõ syíkí. ¹³ Tǒnmɔnɔ nónó-á yé yini tē yah, sěnkɔ ye n nɔ névi yõtáhsyile. Nte Liyel n kɔ ñ tyíyónó sò. A náh n ye tǒnmɔnɔ yó rítē kǒ kè kǎn pi n pi yéle. Té tǒnmɔnɔ-à yé we, à kú tēnwenole yé kǒ yé kú kè fwo, té kú yé wěkí syõ-ñsahle, yáh ne we n wil n pi ké sɔkɔ sǒ.

A ye káh ne n pi n soh tãne

¹⁴ N yúnpyé pèplɔ, yé yé náh vi tãn tyi kǒ pnépné. ¹⁵ Nmɔ me yéle n mɔ n kǒ yí pípú sɔkɔ. Képah ye, tyi nónó-á mé n yo yé tyí, yé sǒ n yah sé tyí yõ yé gblǒy. ¹⁶ Liyel yõke yõ gbíne, áyáh ríkěne wɔ wɔ kwáh nê wɔ á wékíntenɔ náh Liyel tyí, képah kéle n wěkí ne áyáh pi núkúle Yesu Kristale ñ tó kwénó gbò yõ. Búrn nê tɔ-á ríkěne à n kwɔkí n dibi n tah wě tyí, ké tɔ ále n pi núkúle Yesu Krista wil gběnséle. ¹⁷ Búrn núkú ó ye me. Té ápi pípí nópi pól me kéne búrn núkú mē óle n tah. Képah ye, kè me á kú ne á pól sǒ pi wil gběnsé núkúle.

¹⁸ Tir nê-á me n pi Yisrayel no nyó, yé yé fɔkɔ mɔ n yah képah tyí yõ kè. Pé sárká súkénkǒ-ñsah me Liyel tyí yõ.

* **10:5** 10.5 - Yah n te Yáhnó 14.22-24 ; 28-38. † **10:7** 10.7 - Syáh nê tyí-á n yo ásò sɔkɔ yò, pé tǒ yah sɔkɔ ye sò pè syah syáh mène. Yah n te Yáhnó 32.1-6.

‡ **10:8** 10.8 - Yah n te Yáhnó 25.1-9. § **10:9** 10.9 - Yah n te Yáhnó 21.4-7.

* **10:10** 10.10 - Yah n te Yáhnó 16 ; 17.

Képah ye, yípêy nónó-á pè n ko ké yõ soko, pé nónó-á sé kyole n ko, pè me núkúle Liyelle. ¹⁹ Képah se n wêkɪ ne máh ne yõre-á me tãn ànê sãh fálnó kyõ tyí? ²⁰ Jõ dé, mé ne sãh fálpú-á sãhlo nónóne n fal, sétãn tyí-á pè n fal séle, Liyel tyí náh. Mé náh me ké tyí ne yé pɪ núkúle sétãne gbógbó. ²¹ Yé náh fẽ Tẽ ñgbẽ wóh soko wɔ wɔ kwáh wɔ n pi, té tã yé yah vi n wɔ n pi sétãn tyí soko. Yé náh fẽ ne n yõ n pi Tẽ ñgbẽ tyí, té tã yé yah vi kyɪ n yõ n pi sétãn tyí. ²² Tĩ, Tẽ ñgbẽ nê-á ne á ne n me péwɔ ó tyí yõ, ñmɔ vyãh sò se á n yah n kã nóh-ńsahle? Apɪ tãhkì se kal ñ tyíle?

Gbílkinóle n sah Liyel yõ, á tyípínì pól soko

²³ Kè me yónóle ne ñkẽ: «Tyi pól pínó gbàh me dénmonole.» Nte yõre náh n we sé tókù soko. «Tyi pól pínó gbàh me dénmonole.» Nte sé tókù pínó náh yah yúkúnóle névile n kã. ²⁴ Nnì yó ñtẽ káh ñ gblõy pékí-ńsah óle n yah n kã dé, yé no téló pékí-ńtãne n yah n kã n kal. ²⁵⁻²⁶ Kè me wárkínsàhnóle Liyel wey sébéy soko ne ñkẽ: «Tẽ ñgbẽ tyí ye sétáh ànê ké soko yíyìn pólle.»† Képah ye, yí nónó pól-á fyò me yãbrɪ soko yòh soko, yé kɪ fẽ sé pólle n yõ. Kè náh yĩne kè ne n me yótókóbíle yé tyí, yé kã yè píkinyahno yó ñtẽ pɪ sé wĩl-ńtãn tyí soko. ²⁷ Yesu yõ sẽ-ńkẽ névi yó-à ñ ye yõke yónóle, té á fẽ syi kyɪ, wáh yé nónó tãko pɔ, séle n yõ fwòó. Kè náh yĩne kè pɪ yótókóbíle á tyí ñ kã ñ pɔ píkinyahno yóle n pɪ sé wĩl-ńtãn tyí soko. ²⁸ Nte ñnì yó-à yo á tyí ne ñkẽ, kò mène, sãh fálnó kò-á kéle, tẽ wɔ yĩne ànê ké tyí sɔno yótókóbí yĩne, káh kè kɔ. ²⁹ Sɔno yótókóbí nê tyí-á mé yo ásò soko yò, áwɔ tyí soko náh ñne dé, nê-á yo ñ syah kéle, tẽ wɔ tyí soko ye ñne. Nte ñnì kɪ fẽ ne kwáh nê se pɪ té ñnì fɔko sɔno yótókóbí yĩne, péwɔ náh fẽ pé dyɔ dyɔ tyi pɪ n pi nɪ? ³⁰ Páh wɛkɪ Liyel tyí yõke nê yĩne, té fyò kéle n yõ, ney se yĩne à pé tyíle n yo kéne yõke yónó yĩne, képah nê yĩn-á pé wɛkɪ Liyel tyí nɪ?

³¹ Nte sẽ náh dé, wáh kwáh nêne n yõ ò, wáh kwáh nêne n wɔ ò, wáh se tir dùkù nêne n pɪ ò, ye Liyel yĩn ne n gbilki ké soko. ³² Kè se Nsyifunó ò, kè se nónó náh pɪ Nsyifunole ò, kè se Yesu yõ sɛpú ò, yépi tyípínó káh pé soko yó ñtẽ yõ yɪkɪ n mɔ tyípékè pínó soko. ³³ Yé ñmole n yah n pɪ. Nmɔ ñkẽne n gbah n tẽ ñ no pól ñìvìnne n pɪ tyi pól soko.

† 10:25-26 10.25-26 - Yah n te Gbálnó 24.1.

Nmɔ nãh mɛ n gblɔy pɛkí-ńsahle n yah n kɔ dé, ñte mé mɛ nékwínkíle n yohu n mɔ pé wɛ n pwah n mɔ yinne.

11

1 Yé nmɔ pi òkùle n yah n pi, sɔ-á mé Krista pi òkùle n yah n pi.

Dí ànê sê gblɔy tɛ òkùle Liyel ni gbíne

2 Mé yéle n sɔ náhnáh, yáh sɔnpíle yé dyɔ sah n kwne nmɔ tyíle gbímegbí, té se tɔ mɛ n kɔ tyi yónó wãl yô, máh kwónó wɛ sépi nónó yô à pɔ yé kwɔ. 3 Nte mé mɛ ké tyí ne yé kè pĩ tɔle ne nkɛ, sê yòtɛ-á díne, díbí pól yòtɛ mó Yesu Kristale, Yesu Krista wɔ yòtɛ mó Liyelle. 4 Képah ye, dí nê-à yókúrí kwíinki sah té níriile n pi, képah nãh pi té mɛ Liyel tɛntòle n syi n yo, ñ yòtɛ ye à n yilo. 5 Nte sê nê-à ñ yô de mɔ sah té níriile n pi, képah nãh pi à Liyel tɛntòle n syi n yo, ñ yòtɛ ye à n yilo. Kè núkú mɛ á kɔ ne ñ yô sɔ à kye mɔ. 6 Sê nê-à ne mɔnsɔr tɛ n pi nkɛne, à ñ yô kye. Nte sen-à ne sê tyí ñ yô kyénóle, képah nãh pi ké kónóle, à káh kè de n mɔ n sah kè.

7 Díne, Liyel kètò ye ñne, ànê à Liyel yô yónóle n wɛki. Képah ye, à nãh yíne yókúrí kwíinkínsàhnóle. Nte sê wɔ dí yô yónóle n wɛki. 8 Kèkòyó mɔ gbíne, dí nãh wil sê sɔkɔ, sê wɔ ye wil dí sɔkɔ. 9 Dí nãh mɔ sê yinne dé, ñte sê mɔ dí yinne.* 10 Képah ye, yínyô tɔnpɔbɔ yinne, kwãh yó yíne kè ne n mɛ sê yô sɔkɔ, nê-á kɔ ñ yín-ńsahle n wɛki.

11 Nte sépino pól sɔkɔ, ápi nónó tɛ-á mɛ Tɛ ñgbɛ wɛkùle n kɔ, á ye pĩ ne nkɛ, dí yétò-á mɛ sê tyí, sê tɔ yétò mó mɛ dí tyí. 12 Yé nãh wɛ di, sê wil dí sɔkɔ, té sê ye mó n dubi díne. Nte Liyel ye pi sépi pólle sɛ.

13 Yépi nítɛ kè sɔ n yah kè; ké yah se sê Liyelle ne n ni ñ yòle dénmonsàhnóle? 14 A yíne kégbó òkùle, yé nãh pĩ ne nkɛ dí-à yòyùkù mɔ, sen-á kéle ñ tyí di? 15 Nte yòyùkù mónóle, yô yónó ye kéle sê tɛ wɔ tyí. Liyel kéle à kɔ, ñ yô yah vike yinne. 16 Névi nê tɛ wɔ-à kɔ tɔ mɛ n yah n kɔ yékãb pí-ńsahle yí mɛ tyí yô, tɛ pĩ ne nkɛ, sɛ-á ápi n pi kéle à tahl Yesu yô sɛpú fínkínó pól tɔ tyí.

Tɛ ñgbɛ yòke-á yíne kè ne n yô òkù nêne

17 Tɛ yah, máh tyi nónó tɔ yo n pi yé tyí núkúnúkú, sɛ wɛ yò: Yé wɛ tükènmɔnɔnɔ mɛ yényêhle n pi n kal yé tyí

* 11:9 11.9 - Yah n tɛ Yenest 2.18-23.

pèpeyne. Képah ye, mé nãh fě yé sō n pi képah soko ló.
¹⁸ Ké gbenne, pè ne yãh wě tuke mo, gbékínó n ne n me yé wró. Té nmo sēnó me ké yō ne gbi-á me pé wey soko. ¹⁹ Nte gbékínó dukù yó tē wo yīne kè we yé wró soko, á kō à Yesu yō sēpú kègbló pī n wah yé soko. ²⁰⁻²¹ Nte gbékínó nê tyí-á mé n yo yé wró soko, yãh wě tuke mo Tē ñgbě yōke yō gbīne, yé nénúkù núkú pól n núkú n yīki n kyi yé yēngbē yōkeno toko n yō. Képah soko, tükù n wũ kwekile, té tükù n ne n me sètēnì soko. Kàh pi sē, Tē ñgbě yōke tē wo nãh tō kéle yé n yō légbīne dé. ²² Gbēn nãh me yé tyí nónó soko-á yé ki fě yōkele n yō, té ki n wo di? Tī, Yesu yō sēpú tīnkì se yé n yilo, té me ké tyí ne yé senne kwãh kēpú tē? Sō me mé ki yo yé tyí yò wé? Mé se yīne mè yé sō? Pólle, mé nãh yé sō n pi képah soko ló.

²³ Yé yah, Tē ñgbě-á nēne nmo kwó té mé me kéle yé kwó, kè we yò: Tē ñgbě Yesu-á ki sò n dahbi n pi gbò soko sō nê lékãhne, lésòle à búrn toko, ²⁴ té weki Liyel tyí, té me kè kwóki dibi pé tyí, té me n yo pé tyí ne: «Ñyole, nmo wil ye, nê-á ki kō yépi yīnne. Yé kéle n pi, yè yé lékãm sah nmo tyíle.» ²⁵ Yōke yónteno nãh, à tō wóh toko sēntē óle ñvēne ké soko, té yo pé tyí ne: «Ñyole, nmo tó ye, nê-á ki kwe yépi yīnne, ki pi yégbékè kwronmomo késãnne Liyel ànê névyé wró. Yé kéle n pi, yè yé lékãm sah nmo tyíle, gbimegbí yãh kéle n wo.» ²⁶ Yé yah, gbimegbí yãh búrn mēne n tah té ñvē mēne n wo gbí nēne, Tē ñgbě kúnó tyí ye yé me n yo, fók ki po syi ñ syinpono tyí.

²⁷ Képah ye, névi nê-à búrn mēne n tah té ñvē mēne n wo, té tē pi dukù nãh me ple, tē me pèkèle n pi Tē ñgbě wil ànê ñ tó tyí píndenó soko. ²⁸ Nénúkù núkú pól yīne pé pé gblóy dukù kyomi yah palle, pè mó pyè búrn mè tah, pè mó ñvē mè wo. ²⁹ Yé nãh we à, névi nê-à búrn mè tah té ñvē mè wo, té tē nãh sè mo kō Tē ñgbě wille, tē me pèkèle n yori n mo ñ gblóy yō. ³⁰ Képah yīn ye yámpú ànê náfukulóle pípi yé wró, té yé náhnãh rítē me ku. ³¹ Ayãh me n sō n yah palle á gblóy tyí soko, Liyel tukey nãh n syiki n pi á yō. ³² Nte Tē ñgbě nãh me ké tyí ne ápi to tyí kyi yiki wě tyí ànê kékóyó névyele, képah ye à kō à ápile n fōh á kwó yīnne. ³³ Képah ye ní yūnpyé, yãh tuke mo Tē ñgbě yōke yō yīnne, yé pól wě syiki. ³⁴ Kwéki-à me nê tē, tē yō ñ tīnne. Kàh pi sē, yé nãh Tē ñgbě pèkè yori n mo n pi yé gblóy yō yé wě tükènmomono soko. Tyi téló nónó-á wũ, mãh po po yé tīnne gbí nēne, mé

kı sėpi tyı yah wah.

12

Liyel Mirki-á tyi nónó pínó yòbènrıle névile n kō

¹ N yúnpyé, Liyel Mirki-á tyi nónó pínó yòbènrı tē wole névile n kō, mé náh me ké tyı ne yé ne n me sé yıtūri soko. ² Yépi ntē pı ne gbı nê-á lésō yé náh tōnı Liyel pı, vı-nsah yó ntē náh sō me yé tyı né tãn yah ó tónkōnō náh tōò, sėpi nónó-á sè náh fē n wekı. ³ Kėpah ye, mé kéle n yo n yıı yé tyı ne Liyel Mirki-à me névi nê yahle n tē, tē náh fē n yo n pi ne nkē Yesu tyı yıkı; ànê ney to náh fē n yo n pi ne nkē Yesu-á Tē NGBENE né Liyel Mirki náh tē tē yahle.

⁴ Tyi duke náhnáh pínó yòbènrı kı fē we, nte kéne Liyel Mirki núkúni ó ye séle névyele n kō. ⁵ Liyel tãn duke me dò, nte Tē ngbē núkúni tyı ye sé pólle á n pi. ⁶ Tãn pi dukúnó me dò, nte Liyel núkúni ó ye sé pól pínó tãhkıle nénúkù núkú pólle n kō. ⁷ Liyel Mirki ye tir fēnrıno yòbènrıle nénúkù núkú pólle n kō, no pól tyı pekı yinne. ⁸ Liyel Mirki nkēne yòbènrıle nnı kō, à n ne n wekı yıpı soko, té kéne Mirki ó ntō yòbènrıle nnı kō, à tyile n pne n yo. ⁹ Kéne Liyel Mirki ó ye tō nkēne yòbènrıle nnı kō, à n sē yıı Tē ngbē yō, kéne Liyel Mirki núkúni n tō yòbènrıle nnı kō, à yámpúle n de n mo. ¹⁰ Kē yòbènrıle nnı kō, à gbıl tyile n pi, n tē yòbènrıle nnı kō, à Liyel tēntòle n syi n yo. Kē yòbènrıle nnı kō, à Liyel Mirki tyıpınene n wah n pne sétãn tyı soko. Kē yòbènrıle nnı kō, à wénkáhkıle n wekı nê-á à náh kè sãh, n tē yòbènrıle nnı kō, à n fē sé yahle n yo. ¹¹ Kéne Liyel Mirki núkúni ó tō vyãh ye sėpi pólle. Kē tyi fēnrıno yòbènrı dibi nénúkù núkù pól kō, à yıne nê-á ké dyo.

Yesu yō sēpú-á tōko sãh névi wil gběnsēle dukù nēne

¹² Névi wil gběnsēle, núkú ye kéle. Nte tãntãn me dò ké tyı. Ké tãntãn dò fyé yō, wil gběnsē núkú ye kéle. Névyé nónó to-á me kwrónmōnole Yesu Krista soko, sē ó ye pépi tole. ¹³ Yé náh we di, kè se Nsyifunō ò, kè se nónó náh pi Nsyifunō ò, kè se yōbı ò, kè se gblōy yō névyé ò, Liyel Mirki núkú mè ó gbō yō soko ye á pól wènwılkinó we, à pi wil gběnsē núkúle. Kéne Liyel Mirki mè ye me á pól soko.

¹⁴ Wil gběnsēle, tãntãn me dò ké tyı, fı núkú ó náh ké tyı. ¹⁵ Gbáhkı-à sō me ne péwo náh fyò pi gbōle, wil gběnsē tyah

yó nãh mó péle, képah se nãhki kè kǒ kè nãhki gbe wilki wil gběnsê soko? ¹⁶ Níkí-à sò me ne péwò nãh fyò pi yíne, wil gběnsê tyah yó nãh mó péle, képah se nãhki kè kǒ kè nãhki gbe wilki wil gběnsê soko? ¹⁷ Wil gběnsê pól-à sò me yíne, kè nãhki n nohnì sǒ? Ké pól-à sò me níkilé, kè nãhki pãne n tǎko sǒ? ¹⁸ Nte Liyel ye wil gběnsê tǎntǎn pól mo ké soko, à yíne ò dyo dyo tēne. ¹⁹ Wil gběnsê pól-à sò me fí núkú óle, wil gběnsê nãh nãhki n me n pi. ²⁰ Nte sě nãh dé, wil gběnsêle, núkú ye kéle, té tǎntǎnne dò ké tyí. ²¹ Kǎh pi sě, yí nãh fě n yo n pi gbò tyí ne, ké yétò nãh me pé tyí. Yò tó nãh fě n yo n pi gbyêh tyí ne, sé yétò nãh me pé tyí. ²² Nte wil gběnsê tǎntǎn nónó òtē wò-á pyé á ki ne sohki kósyì me sé soko, yétò me sé tyí. ²³ Wil gběnsê tǎntǎn nónó-á sè nãh me n mo n kǒ n yí, sépi ye pyé à n ne n tǒ n sah n tē. Sé nónó-á sé tyí yónó me sene, à n ne n yah n dah n mo yí sépi tyí soko, ²⁴ té nónó wò-á me palle, à n pyé sépi sah. Wil tǎntǎn nónó-á á nãh me séle n mo n kǒ kwáh yóle, Liyel-á wil gběnsê mo, à gbílkinó sah kal sépi yò. ²⁵ Kǎh pi sě, wil gběnsê tǎntǎn nãh wēne n we n mo. Sé pól me wě tēnó ple dukù núkúle. ²⁶ Ké tyah yó-à me kwónó soko, sé téló tó n ne n me n kwò kéle wě tyí. Té gbílkinó-à mó n sah ké tyah yó yò, sé téló tó n mó ké òvìvì pi kéle wě tyí.

²⁷ Nte yé yah kè, yépi ye Krista wil gběnsêle dò. Yé nénúkú núkú pólle, Krista wil gběnsê fí yó ye yéle. ²⁸ Yé nãh we di, Liyel me nósýó wilki sah Yesu yò sěpú tǐnkì soko pé tyí tyíle: Gbenne, à Yesu tēntò névye yah wilki. Ní-òle, à Liyel tēntò syínyopu yah wilki. Tǒ-òle, té kwópú yah wilki. Képah nãh, gbílnpibì me syi. Té me yámpú fēndenmòno yòbènrile tókù kǒ, té névye yòhnìnmoño yòbènrile tókù kǒ, té névye yah tēnó yòbènrile tókù kǒ, té yòbènrile tókù kǒ pè fě wénkáhkinòle n weki nónó-á pè nãh sè sãh. ²⁹ No pól se yó pi Yesu tēntò névyele, képah nãh pi Liyel tēntò syínyopule, képah nãh pi kwópule, képah nãh pi gbílnpibìle? ³⁰ Tí, no pól se yó pi yámpú dénmpule, képah nãh pi wénkáhkinò wékípule nónó-á pè nãh sè sãh, képah nãh pi wénkáhki nòpi yah yópule? ³¹ Kǎh pi sě, tir nê fēnpino-á ki névi yohni mo kal, yé képah yòbènrì yah n kǒ.

Nte mé ki tǒ yé wěki wěki yóle nê-á ple kal sé télóle.

Wě wró tyínɔnɔle

¹ Nmɔ-à kɪ sɔ́ névye welɔle n wekɪ, à tahlɪ yĩnyõ tɔ̀npɪbɪ welɔ n̄tẽ tyí, té tyínɔnɔ náh me ní sɔkɔ, mé me á kɪ ne n̄tey yó sɔ́ mɔ́ tũ, képah náh pɪ kēnkēkì yóle. ² Nmɔ-à kɪ sɔ́ me Liyel tēntò welɔle n syi n yo, Liyel-à kɪ sɔ́ me tyi pólle n wēkɪ nónó-á sɔ́ me wõ̀b̀nsàhnòle, ànê n̄mɔ-à kɪ sɔ́ me tyi pólle n pne, Liyel yõ sēnó-à kɪ sɔ́ me ní sɔkɔ nê-á ymɔle n tɔkɔ n yal sé mé-rítàn sɔkɔ té tyínɔnɔ náh me ní sɔkɔ, kwâh yó náh n̄ne. ³ Nmɔ-à kɪ sɔ́ ní gbàn yí pól dibi kwéndébé kō ò, n̄mɔ-à kɪ sɔ́ ní wil gbēnsê n̄tẽ kō pè suke nyàh sɔkɔ ò, té tyínɔnɔ náh me ní sɔkɔ, kè náh tir yó pekɪ n pi ní tyí.

⁴ Tyínɔnɔ-à me névi nê sɔkɔ, tẽ tyile n sro, à yòhn̄n̄mɔnɔle n pɪ, à náh yíwilkile n pɪ, à náh n̄ gblõyne n wēkɪ, à náh n̄ gblõyne n gbilki. ⁵ Tyínɔnɔ-à me névi nê sɔkɔ, tẽ náh sen tir yó n̄tēne n pɪ, à náh n̄ wil-nsah óle n yah n kō, à náh n̄ fɔkɔle n vyâh, ànê à náh ney tyile n tẽ n sah n̄ fɔkɔ. ⁶ Tyínɔnɔ-à me névi nê sɔkɔ, tyíkēkì pínó náh n pɪ n̄v̄n̄n̄ t̄irle n̄ tyí, gbɪ wēkì kóló n̄v̄n̄n̄ne n̄ne n kō. ⁷ Tyínɔnɔ-à me névi nê sɔkɔ, tẽ tyi pólle n yõ n mɔ. Tyi tyi pól sɔkɔ, à n ne n me sēnóle Liyel yõ, n̄ yáh-nsah náh n tye, ànê à n ne n me gbah n tẽ.

⁸ Ȳin náh me tyínɔnɔ tyí. Liyel tēntõnè syínyonɔ kɪ pɔ tye, wénkáhkinɔ wékínó kɪ pɔ yal mɔ, pn̄enó tɔ kɪ pɔ tye. ⁹ Ápi pn̄enó náh dal mɔ, ànê á Liyel tēntõnè syínyonɔ tɔ náh dal mɔ. ¹⁰ Nte sé píndaln̄mɔnɔ gb̄i-à kɪ se Liyel tyí gb̄i n̄ne, légb̄ine sépi nónó-á sè náh dal mɔ, sè kɪ tye. ¹¹ Máh lésò me wēnp̄irle gb̄i n̄ne, ní wekɪ òkù, ànê ní s̄onɔ òkù, ànê ní tyi yah òkù pól s̄ò me wēnp̄ir tyí kōle. Nte máh pɔ wah mɔ, mé wēnp̄i tyi yal mɔ. ¹² Núkúnúkú, ápi me tyile n yah ȳirkòò, á kɪ ne dwòldyâh ñ̄r̄òò yó sɔkɔ s̄ò á n yah séle. Nte á kɪ pɔ sè we n pi kyòò. Núkúnúkú, n̄mɔ pn̄enó náh dal mɔ. Nte mé kɪ pɔ sè p̄i s̄ò-á Liyel n̄ne n pne.

¹³ Núkúnúkú, tyino t̄ónó n̄opi wɔ ye sépi náh n tye n pi: Liyel yõ sēnóle, yáh-nsah tyé-ñkēne, ànê tyínɔnɔle. Nte nê-á kal sé pólle, képah ye tyínɔnɔle.

14

Liyel Mirki-á tyi nónó pínó yò̀b̀enɔrɪle n kō Yesu yõ sēpú t̄ink̄i yohn̄i n mɔ ȳinne

¹ Yé gbah n tẽ, yé tyí nɔ wě tyí. Liyel Mirki-á tyi nónó pínó yò̀b̀enɔrɪle n kō, yé sé tɔ yah n kō, té ké nê wɔ-á Liyel tēntò syínyonɔle, yé képah wɔ gbah n yah n kō n kal. ² Yé náh

we à, névi nê-à wénkáhkíle n wekɪ nê-á à náh kè sãh, Liyel tyi wõbìnsàhnó ye ñkēne à n ne n yo Liyel Mirki gbò yõ, nónó-á névyé náh séle n nohnɪ. Kàh pɪ sě, névyé tyí náh tẽ n ne n yãh dé, Liyel tyí ye. ³ Nte névi nê wɔ-à Liyel tẽntòle n syi n yo, névyé tyí ye tẽ n ne n yo n mɔ, ñ yah yúkúnóle péle n kō, ñ té sóréle n mɔ pé sɔkɔ, ñ té pé nnole n sũ. ⁴ Té nê-à wénkáhkíle n wekɪ nê-á à náh kè sãh, tẽ me ñ gblõy ó yah yúkúnóle n yah n kō. Nte nê-à Liyel tẽntòle n syi n yo, tẽ wɔ me Yesu yõ sěpú ònkɪ pól yah yúkúnóle n yah n kō.

⁵ Yé pól-à sò me wénkáhkínole n wekɪ nónó-á yé náh sè sãh, kè nàhkɪ ple ó; ñte yáh kɪ Liyel tẽntòle n syi n yo, képah kɪ nɔ kal ní tyí. Névi nê-à wénkáhkíle n wekɪ nê-á à náh kè sãh, té ké yah náh tẽ we yo Yesu yõ sěpú ònkɪ wěkɪ kè kō kè yah yúkúnóle pè kō, yõre náh me tẽ sɔkɔ à nɔ Liyel tẽntò syínyó-òle.

⁶ N yúnpyé, sǎ-á màh ñtyínɔ pɔ yah yé tyí, té wénkáhkíle n wekɪ yé tyí, tir nê me kè kɪ pekɪ yé tyí, né kè náh pɪ tir yóle Liyel ní wěkɪ mé yo yé syah, képah náh pɪ pnèné yóle, képah náh pɪ Liyel tẽntòle mé syi yo yé tyí, képah náh pɪ kwónó yóle mé yé kō. ⁷ Yé yah yímónìne kè, sǎ-á yíkule, képah náh pɪ gbrèyne; sàh n mónwàhnmɔ-ñkēne, ney se kɪ fě sé yì ònkɪ pĩ? ⁸ Té kèpõ nê-á ñkēne pè n fíbɪ ñ yo névyé tyí ne pè yuku n sɔkɔ mékɪ fwó-ñsah, képah-à ñtyínɔ fíbínwàhnmɔ-ñkēne, nê tẽ wɔ kɪ ñ vi mékɪ fwo yinne? ⁹ Sě ó ye, yé nénpóri-à wénkáhkínɔ yísyóle n wekɪ nónó-á névyé náh me séle n nohnɪ, tyi nónó-á yé n yo, pè kɪ pĩ sǎ séle? Wékínmíndahnmɔnɔ ye yé kɪ n wekɪ n min n dah n mɔ ni sɔkɔ. ¹⁰ Welɔ duke me dò kèkõyó, mé náh sé dan ñtēne n pne. Nte kór me sé núkú núkú pól tyí. ¹¹ Nte màh wey nēne n nòhnì-ñkēne, ké wékí-ò n pɪ nékâhne ní tyí, ñmɔ to n mó n pɪ nékâhne tẽ tyí. ¹² Képah ye, Liyel Mirki-á tyi nónó pínó yòbènɔrile n kō, yáh me sépi yáhnkõnɔ sɔkɔ yò, sé nónó-á Yesu yõ sěpú ònkɪle n yuku yahle, yé sépi náhnáh yah n kō.

¹³ Kãh pɪ sě, nê-à wénkáhkíle n wekɪ nê-á à náh kè sãh, tẽ kè yah n kō Liyel tyí à ké yah yónóle à wěkɪ. ¹⁴ Yé náh we di, níri pínó sɔkɔ wãh wénkáhkíle n wekɪ nê-á á náh kè sãh, ñ n pĩ á nɪ sɔkɔ ne wáh me níri le n pɪ, ñte wey nê-á á n wekɪ, áwɔ ñtẽ náh kéle n nohnɪ. ¹⁵ Nte sǎ me mé yīne mè n pɪ wé? Mé kɪ níri le n pɪ wénkáhkí sɔkɔ Liyel Mirki gbò yõ, té kɪ kéle n pɪ ní noh noh wey to sɔkɔ. Mé kɪ yìle n gbɪ wénkáhkí sɔkɔ Liyel Mirki gbò yõ, té kɪ n gbɪ ní noh

noh wey tɔ sɔkɔ. ¹⁶ Kàh pí-ńkēne sě, té á weyne Liyelle n kɔ wénkákí ó sɔkɔ, nónó-á me ké sèndìle, pépi kɔ pɔ sɔ té kɔ yohnɔ syi yo ne Liyel á wey mē tē, wáh kɔ sɔ me n tɔ n sah n wekɔ Liyel tyí sɔ ñ pèpɔrɔ pínó yinne? ¹⁷ Á Liyel tyí tɔnsàhnwekɔ mē-à kɔ sɔ me ple sɔ, kè náh yah yúkúnóle téló kɔ n pi.

¹⁸ Nmɔ n wekɔ Liyel tyí, máh sɔnpíle n wekɔ wénkákí sɔkɔ à kal yépi pólle. ¹⁹ Nte mäh me Yesu yó sěpú ònkí wró, mäh welo kwló wekɔ nónó-á névyele n kwɔ, képah tyí nɔ ní tyí kal welo kèyó kwló (10 000) wékínó yó wénkákí sɔkɔ.

²⁰ N yúnpyé, yé káh ye yé tyi yah dùkù ne me wēnpì tyí kòle. Kàh me pèkè pínóle, yé ne me wēnpì yró tyí kòle. Nte tyi yah dùkù tē wɔ sɔkɔ, yé ne me yèwàhni tyí kòle. ²¹ Kè me wárkínsàhnóle Liyel wey sébéy sɔkɔ ne Tē ñgbē Liyel-á ne ńkē: «Yìkì yó névye ye mé kɔ pè kɔ yo mɔ no nòpi tyí wey yó sɔkɔ, nê-á pè náh kéle n nohnɔ. Nte képah fyé yó, pè náh fē syi n noh n pi ní tyí.»* ²² Képah ye, wénkákí wékínóle nê-á á náh kè sãh, kè Liyel tãhkìle Yesu yó sě-ńkēpúle n wēkɔ. Nte Yesu yó sěpú yohnɔ n mɔ yin náh kéle. Liyel tēntōnè welo syinyonɔ wɔle, képah Liyel tãhkìle Yesu yó sěpúle n wēkɔ. Nte Yesu yó sě-ńkēpú yohnɔ n mɔ yin náh kéle.

²³ Sɔ-á Yesu yó sěpú ònkí pól-à nítyínɔ me tuke mɔ, té yé pól núkú tyah wénkákínóle n wekɔ à, nónó-á me ké sèndìle, képah náh pɔ Yesu yó sě-ńkēpú yísyó-à pɔ de nénpó, pè náh yé pɔ n pi vɔnpɔbɔle di? ²⁴ Nte kàh me Liyel tēntōnè welo yé pól n syi n yo, névi nê-á me ké sèndyàhle, képah náh pɔ Yesu yó sě-ńkē névi nê-à de pɔ nénpó, yé welo nòpi pól nòhnó kɔ à kò à kɔ pì ne páh pèkè pɔ, pé tyí-á kah. ²⁵ N fókósɔnɔ wɔbìntēnó pól kɔ wilki mɔ kènkwhàh yó kwèyy. Képah sɔkɔ, à kɔ kwĩnki ñ yah di sètáh kɔ Liyel gbilki, té kɔ n yo ne, kègbɔ tē yó Liyel-á me yé wró sɔkɔ.

Yesu yó sěpú ònkí-á yĩne pè ne n pɔ sɔ pàh wē tuke mɔ

²⁶ Sɔ me á yĩne à ne n pɔ wé, ní yúnpyé? Yáh tuke mɔ ne yé Liyel ni gbí nēne, ñnì kɔ fē yìkì gbɔ, ñnì mó kwónó kò, ñnì mó Liyel tyi wékínóle n we n yo, ñnì mó wénkákíle n wekɔ, ñnì mó wénkákí mē yahle n yo. Sépi pól yĩne sè yah yúkúnóle Yesu yó sěpú ònkìle n kò. ²⁷ Nòsyó-à me ké tyí ne pé wénkákínóle n wekɔ, kè káh kah népì ními, képah náh pɔ tòmí yó. Pè mó wēne n syikɔ n wekɔ. Té ñnì mó ne me, nê-á kɔ fē sé yahle n yo. ²⁸ Nte sé yah yó-ò-à

* 14:21 14.21 - Yah n tē Yesayi 28.11-12.

mé-ńkēne, wénkáhkí wékí-ò mè yĩne à ò vyãh vike Yesu yõ sěpú ùnkĩ wró. Tě Liyelle n ni ò fɔkɔ táh, ò gblɔy tyí. ²⁹ Nónó-á Liyel tětò syínyopule, pépi népí ními, képah náh pi tǔmí wɔ yĩne pè wɛkɪ, téló mó ne n me pé welole n sohl n yah. ³⁰ Nte Liyel-à tir yóle ònî yó wɛkɪ, nê-á sò me n wɛkɪ, òmɔ yĩne à ò vyãh vike, tẽ mó ò tyí yo. ³¹ Yé pól kɪ fɛ Liyel tětòne welole n syi n yo nénúkù núkúle, nê-á kɪ no pól kɔ pè kɪ kwónó wɛ, ànê sóré kɪ de pé sɔkɔ. ³²⁻³³ Liyelle, tyífɛ tyí náh nɔ ò tyí. Tir tǔnsàhnɔnɔ tyí nɔ ò tyí, yèvɪnɪ Liyel ye òne. Képah ye Liyel tětòne syínyopu yĩne pè ne me n fyãh n pne pé gblɔy yõ.

Sɔ-á kéle Yesu yõ sěpú ùnkĩnó pól sɔkɔ, ³⁴ wɛ tükènmɔnɔnɔ pól sɔkɔ, syó yĩne pè tẽ syísí. Pè náh yĩne yóndahnɔnɔle wɛy sɔkɔ. Pè yĩne pè tẽ gblɔy tíkínmɔnɔ sɔkɔ, sɔ-á tyi kǔnsàhnó yo kéle. ³⁵ Pàh me ké tyí ne pé tir yó ùkù pí, pè pé pɛbɪ piki yah gbên sɔkɔ. Ké yah náh sê ne n yo n dah n mɔ wɛy sɔkɔ Yesu yõ sěpú ùnkĩ sɔkɔ. ³⁶ Liyel wɛy sò se tyah yépi tyí? Yépi ó se noh kéle? ³⁷ Névi nê-à me n sò ne Liyel tětò syínyo-ò-á péle, képah náh pi, Liyel Mirki-á me pé yahle n tẽ, wɛy nê-á mé n wãrkɪ n tɛkɪ n mɔ yé tyí yò, tẽ yĩne à kè fɛ syi ne Tě ògbɛ tir kǔnsàhnó-á kéle. ³⁸ Nte névi nê-à képah mónkò-ńkēne, Liyel náh mó me tēne n mɔ n kó ló.

³⁹ Kàh pi sɛ ní yúnpyé, yé Liyel tětòne wɛlo syínyonole n yah n kɔ, té yé káh wénkáhkí wékínó tɔ yah kó. ⁴⁰ Nte tyi pól yĩne sè ne n pi sé yah yõ, ànê sè mó ne n tǔ n sah n pi.

15

Nìvìnì tir-á nê yo Krista lékó yílkinmɔnɔ tyí sɔkɔ

¹ N yúnpyé, mé me ké tyí ne mé yé dyɔ to kó Nìvìnì tir mè tyíle, nê-á mé yo sɔkɔ yé tyí, képah nê-á yé kè fɛ syi té me ké wɛkile n kɔ n yí. ² Képah gbò yò sɔkɔ, yé kɪ pwáhnmɔnɔ wɛ, yáh kɪ n kɔ ké wɛkì yõ máh kè yo sɔ yé tyí. Kàh kɪ pí-ńkēne sɛ, ké yõ sɛnó kɪ pi yõ kēne yé tyí.

³ Nmɔ-á kwónó wɛ nê yõ, képah ògbò ye mé yé kwɔ ne Liyel ney yáhnɔkɔnɔ-á ku ápi tyípɛl yĩnne. Sɛ ye kéle wãrkínsàhnóle Liyel wɛy sébéy sɔkɔ. ⁴ Mé tǔ kwónóle yé kó ne wáh yí, té ké sèpìn tǔ-ò sòle ò lékó me yilki mɔ. Sɛ ye kéle wãrkínsàhnóle Liyel wɛy sébéy sɔkɔ. ⁵ A ò gblɔyne

Pyeri wēki, kėpah nãh tė gblõyne pé nėpĩ gbõnimĩ* wēki, pėpi nónó-á ñ tēntõ névyele. ⁶ Kėpah nãh, à pɔ ñ gblõyne ñ tõ sãhpú nėpĩ kyekwé (500) kahnĩ wēki fĩ núkú sɔkɔ. Pėpi kan me min sɔkɔ kwey nɔ yò, tė pé tókù wɔ ku. ⁷ Kėpah nãh, tė ñ gblõyne Nsyakĩ wēki, tė me ñ gblõyne ñ tēntõ névyele pól wēki. ⁸ Pėpi pól tyĩ sókóntenɔ nãh, à me ñ gblõyne nĩmɔ tɔ wēki, nĩmɔ nê-á piri kòndal-ńkē tyĩ kōle. ⁹ Nĩmɔ ye Yesu tēntõ névyele sɔkɔ tyĩ tēne. Mé nãh yĩne yénóle Yesu tēntõ névile, máh sɔnpĩle fóhnó sah ñ yò sėpú tĩnkĩ yò. ¹⁰ Nte máh swɔ nê sɔkɔ kweyne yò, Liyel pèpɔri gbò yò sɔkɔ ye nĩne ké sɔkɔ. Pèpɔri nê-á à pĩ nĩmɔ tyĩ, kè nãh sɔkɔ de ni sɔkɔ. Yé nãh we di, nĩmɔ ye tò pĩ kal á no téló pólle. Nte nĩmɔ tē wɔ tãhkĩ nãh n pĩ kéle dé, Liyel-á pèpɔri nê pĩ ní tyĩ, kėpah gbò yò sɔkɔ ye mé n pĩ kéle. ¹¹ Kėpah ye, kè sɔ nĩmɔ ò, kè sɔ pėpi ò, kėne Nìvìnì tir mè ó ye á pól me n yo. Kėpah yò ye mó tõ yėpi tɔ me sē.

Lékyĩ pónyilkinmɔnɔle

¹² Ápi-á kéle n yo n wah ne ńkē Krista lékó-á yilki mɔ, sɔ me tė ye tókù ne lékyĩ nãh n yilki n mɔ n pi? ¹³ Lékyĩ-à kĩ me pɔ n yilki n mɔ n pi ńkēne, Krista lékó tɔ nãh mó yilki mɔ dò. ¹⁴ Tė wãh me yilkinmɔ-ńkēne, ápi Nìvìnì tir yónóle, nònó ye kéle, yėpi tɔ Krista yò sėnóle mó, nònó ye ké tɔle. ¹⁵ A wil kėpah sɔkɔ, kãh sò me gbule ne lékyĩ nãh n yilki n mɔ n pi, mìnì yónsãhpũ ye ápi ńtēne Liyel yò sɔkɔ, áyãh sɔnpĩle ne wãh Krista lékó yilki mɔ, tė à nãh se mó tõ kè pĩ. ¹⁶ Lékyĩ-à kĩ me n yilki n mɔ n pi ńkēne, Krista lékó tɔ nãh mó yilki mɔ dò. ¹⁷ Tė Krista lékó-à kĩ me yilkinmɔ-ńkēne, yé sėnóle ñ yò, nònó ye kéle. Yé me sē ye tyípêl sɔkɔ. ¹⁸ Tė névyele nónó-á sē Krista yò tė ku, pėpi tɔ tyĩ ye mó yũkĩ. ¹⁹ Kãh kĩ me ápi á gbò sah Krista yò, á min pĩ yĩnne kèkõyó mè tē ó sɔkɔ, yãm pípú ye ále à kal no pólle.

²⁰ Nte gbũ yò sɔkɔ, Krista lékó ye yilki mɔ gbenne lékyĩ sɔkɔ, nê-á kéle ále n wēki n dal n mɔ ne névyele nónó tó-á ku sɔkɔ, pé tɔ lékyĩ-á kĩ pɔ yilki mɔ. ²¹ Yé nãh we di, nénúkù yó yĩn ye névyele pólle kũ mɔ sɔkɔ yò. Tė nénúkù yó tɔ gbò yò ye névyele pól lékyĩ kĩ pɔ yilki mɔ. ²² Sɔ-á Adama nãh tãn pól n ku, sē ó ye Krista yò sėpú pól tɔ kĩ tyé-ńkē min we. ²³ Nte no pól lékyĩ kĩ yilki mɔ syĩ yuku wē nãh, kãh yĩne sɔ. Krista ñgbò lékó ye yilki mɔ. Kėpah nãh, ñ syĩ n pɔ gbĩne, nónó-á

* 15:5 15.5 - Nėpĩ gbõnimĩ nónó tyĩ-á n yo ásò sɔkɔ yò, yĩndyĩnĩ ye sò kéle Yesu tēntõ névyele tyĩ. Pãh sɔ me tú-ńkēne, pė péle n ye sē.

με ñmɔ tyí yõ, pépi tɔ lékyî kɪ yilki mɔ. ²⁴ Képah náh, tyi tyi pól tyε gbí kɪ nɔ. Képah tēne, Krista kɪ me névyε fnèpu ànê tǔrínɔ, ànê tǎhkínó duke duke pól tyí yɪkɪ, té kɪ yǔtǔrí dahbɪ Sú Liyel gbõ. ²⁵ Yé náh wε di, Krista yĩne à ne n me tǔrí yõ, fóó kè pɔ n nɔ gbí nê-á Liyel kɪ sépébí pól pɪ Krista gbáhkɪ súnsàh-ñsahle.† ²⁶ Kũ ye kɪ pɪ sépe téyne, nê tyí-á kɪ yɪkɪ. ²⁷ Liyel yíyìn pól pɪ Krista gbáhkɪ súnsàh-ñsahle.‡

Nte kǎh yo sě, pè náh ne Liyel tɔ-á dé, ñmɔ Liyel nê-á yíyìn pól pɪ Krista gbáhkɪ súnsàh-ñsahle. ²⁸ Yíyìn pól-à kɪ pɪ Krista gbáhkɪ súnsàh-ñsahle gbí nēne, ñmɔ Krista nê-á Pídine, à kɪ ñ gblǔy tiki mɔ Liyel yah, ñmɔ nê-á yíyìn pól pɪ Krista gbáhkɪ súnsàh-ñsahle. Képah sɔkɔ, Liyel kɪ tǔrí tɔkɔ dal mɔ yíyìn pól yõ.

²⁹ Nte à, lékyî-à pɔ n yilki n mɔ n pi ñkēne, névyε nónó-á pé gblǔyne n wel n wilki ni sɔkɔ lékyí yinne, pè se náhkɪ kéle n pɪ? Lékyí tē-à me pɔ n yilki n mɔ n pi ñkēne, sǔ pɪ té pè pé gblǔyne n wel n wilki ni sɔkɔ pépi yinne wé? ³⁰ Té lékyî-à kɪ me n yilki n mɔ n pi ñkēne, sǔ pɪ té ápile dlo sɔkɔ gbímegbí wé? ³¹ N yúnpyé, sǔ-á kéle gbile ne ní nɪ-á me vínóle yéle Yesu Krista yõ sēnó yinne, sě tɔ ye kéle gbile ne swǔswǔ pólle máh me kũne n dɔ n yah. ³² Gbēnképèl nónó-á sò me Yefest kwil sɔkɔ, máh mékɪ fwo séle dùkù nēne nēnpó, kǎh sò me ne kèkǔyó mè sɔkɔ min pɪ yìn tē ó sǔ, yǔre nê me mé náhkɪ wε ké sɔkɔ? Nte kǎh me pɪ ne lékyî tē náh pɔ n yilki n mɔ n pi, á ye ne n yõ à mó ne n wɔ kè, ñsǔne á kɪ se pɔ n ku n pi té.

³³ Yé kǎh yé gblǔyne n tǔ n mɔ dé, ñgbõ wáh nétúkù pɪ á kó-òle, à á yõ yɪkɪ dé! ³⁴ Mé kéle n yo yé tyí, túkù me yé sɔkɔ, pè náh Liyelle n pne. Nte yé pól sen ye kéle dò. Yé tǔ n tē kègbɪ yõ, yé yèsrey tyile n pɪ kǎh yĩne sǔ, yé mó pèl pínó yal n mɔ.

Lékyî yilkinmɔnɔ wil gbēnsé dùkùle

³⁵ Nnɪ kɪ fě n piki n yah ne, lékyî se kɪ yilki mɔ sǔ nɪ? Wil gbēnsé dùkù nê se kɪ me pé tyí nɪ? ³⁶ Lékám kē névi! Wáh sèmuɔ pi duku mɔ, kǎh fi, dúkúnmɔnɔ mè ye ñkēne n ku dò. ³⁷ Wáh ñkēne nê duku n mɔ, sèmuɔ pi yó ó ye. Kè kɪ fě pɪ kwlɔle, képah náh pɪ sèmuɔ kǎhkíle, ñkē yòhkɪ tē wɔ náh ñ n duku mɔ kè n fi dé. ³⁸ Képah náh, Liyel kè kǔ kè n fi n wil yòhkíle à yĩne ñ dɔ dɔ tēne. Sèmuɔ pye duke pól yèh me sé tyí tyíle.

† 15:25 15.25 - Yah n te Gbálnó 110.1. ‡ 15:27 15.27 - Yah n te Gbálnó 8.7.

39 Wil gběnsê dùkù nùkú náh min soko yí pól tyí. Névyé wil gběnsê με ké tyíle, gběnkycɔ tyí με ké tyíle, kèpye tyí με ké tyíle, yěnkycɔ tyí με ké tyíle. 40 Yinyõ yí to με, sétáh yõ yí με. Nte yinyõ yí plénó με sé tyíle ànê sétáh yõ yí tyíle. 41 Gbĩ plénó με ké tyíle, n̄wõ plénó με ké tyíle, n̄wõ kèpye plénó με sé tyíle. Té n̄wõ kèpye túkù nítě plénó tō sé gblõy sé túkù tyíle. 42 Sě ye lékyî yílkínmɔncɔ to kɩ pɔ n pɩ n pi. Wil gběnsê nê-á kɩ n pyãh n pi, kèpah kɩ yĩ, té kɩ pɔ yilki mɔ pɩ wil gběnsêle nê náh tō n pyãh n yah n pi. 43 Kàh n yĩ gbí nêne, kè n ne n με kétúkuyô sohki kēne. Nte kàh pɔ yilki mɔ, kè n ne n με kètār ó, tãhkìle ké soko. 44 Kè n yĩ wil gběnsê gbɔyne, nte n pɔ n yilki n mɔ wil gběnsê késãnne Liyel Mirki gbò yõ. Wil gběnsê gbɔy με, wil gběnsê késán to με Liyel Mirki gbò yõ. 45 Yé náh we di, kè με wárkínsàhnòle Liyel wey sébéy soko ne nkê: «Négben nê-á Adamale, négbɔy ye ñmɔle, nê-á min dah mɔ ñ soko.»[§] Nte Adama téy wɔle,* Liyel Mirki με ñmɔ soko, nê-á minne n kō. 46 Wil gběnsê késán nê-á we Liyel Mirki gbò yõ, kèpah náh pɔ gbenne dé, wil gběnsê gbɔy ye pɔ gbenne. Kèpah náh, nê-á we Liyel Mirki gbò yõ, kèpah pyè pɔ. 47 Puri ye mɔ Adama gbenne, sétáh névi ye ñmɔle. Adama ní-ò wɔle, ñmɔ wil yinyõ. 48 Nê-á wil sétáh soko, sétáh yõ névyé με ñmɔ tyí kōle. Nê-á wil yinyõ, yinyõ tyínɔ mó με ñmɔ tyí kōle. 49 Ayáh pɩ sétáh yõ névi mè kètòle dùkù nêne, sě ó ye á kɩ tō pɔ n pɩ n pi yinyõ névi mè to kètòle.

50 Yé yah, nê-á mé n yo yé tyí ní yúnpyé, kè we yò: Wil gběnsê gbɔy náh fẽ n de n pi Liyel tórí soko. Pyãh pyãh kwãh to náh fẽ tyé-ńkê min we.

51-52 Yé yah, mé kɩ tir wõbìnsàhnó yó yo yé syah: Á pól tẽ wɔ náh n ku n pi dé. Nte kèpõ téy-à pɔ fibɩ, á pól kɩ viri nénpó swɔ, yí víkényíkɩnmɔncɔ wró. Kàh fibɩ gbí nêne, lékyî kɩ yilki mɔ, té pè náh tō n ku n yah n pi. Nte ápi nónó-à με min soko, ápi kɩ viri. 53 Pyãh pyãh kwãh yĩne kè vi mɔ pɩ pyáh-ńkê kwãhle. Té ku ku kwãh mó vi mɔ pɩ kú-ńkê kwãhle. 54 Nte pyãh pyãh kwãh mè-à pɔ vi mɔ pɩ pyáh-ńkê kwãhle, té ku ku kwãh mè με vi mɔ pɩ kú-ńkê kwãhle, légbíne Liyel wey sébéy soko tir wárkínsàhnó mè kɩ wil, nê-á yo ne nkê: «Kũ tyí ye ykɩ. Gbò ye syi ké tyí pnépné.»[†] 55 «Kũ, nyãh με á tẽnwenɔle? Kũ, á kókè mɔ

§ 15:45 15.45 - Yah n te Yenesi 2.7. * 15:45 15.45 - Adama téy nê tyí-á n yo ásô soko yò, ñmɔ ye Kristale. † 15:54 15.54 - Yah n te Yesayi 25.8.

mɔ sɔhki nyãh?»‡ 56 Névyé tyípékè pínó ye kũ sɔhkule, tyi kònsàhnó mó tãhkile tyípékèle n kɔ̃. 57 Nte á ye wɛki Liyel tyí, ñmɔ nê-á tɛnwɛnɔle á kɔ̃ tyi nópi yò á Tɛ ñgbɛ Yesu Krista gbò yò.

58 Képah ye ní yúnpyé pèplo, yé yé tah n sah yé ne me yínnóle gbáhkì núkú yò. Yé wãñne n mɔ yé gbáhtɛño yò Tɛ ñgbɛ tò pínó sɔko. Yé mó pĩ ne yáh kwlónó nêne n pi Tɛ ñgbɛ tò sɔko, kè nãh n pi n pi nònóle.

16

Pó mórí nê-á yah kɔ̃ Yesu yò sɛpú tĩnkì yohni n mɔ yĩñne, nónó-á me Yerusalemi kwil

¹ A yuku pó mórí wɔ tyí tĩñne, nê-á kɔ̃ Yerusalemi kwil Yesu yò sɛpú yohni n mɔ, máh vñmɔnɔle Kalasi mara Yesu yò sɛpú tĩnkínó kɔ̃ ne pè kè pi sɔ̃, yépi tɔ kè pi sɛntɛne.

² Dimansyi sònó pólle, nê gbò-à nɔ nêne, à kè wilki n kɛki n sah gbòpɔle. Yé káh ñmɔ pónó óle n syki pó mórí mónóle.

³ Képah sɔko, máh pɔ pɔ, mé kɔ̃ sébéynó wãrki té kɔ̃ sépi ànê pó nópile yé névyé yáhnwĩkĩnsàhnó gbò dahbi, pè kɔ̃ pè kɔ̃ kyi sè kɔ̃ Yerusalemi sɔko. ⁴ Káh kɔ̃ se me nɔ ñmɔ tɔ kyínó tyí, á kɔ̃ wɛkì pi núkúle.

Kóló nónó-á me Pole gbáhkì sò

⁵ Mé kɔ̃ n pɔ n pi yé tĩñne. Máh kɔ̃ n pi, mé kɔ̃ sɔko Masedoni marale. Képah ye mé kɔ̃ kah té kɔ̃ de yé tĩñne.

⁶ Máh kɔ̃ pɔ, kè kɔ̃ fɛ pi mé kɔ̃ sèpìn yísyó pi yé tyí. Gbòkénpi mé kɔ̃ kwòviri gbí pól ntɛ pi n pi yé tyí. Képah sɔko, yé kɔ̃ fɛ yòhnìnmonɔ pi ní tyí ní kɔ̃ mé kɔ̃ yò sɔko ní kólóle nénpó.

⁷ Kèpàhpíkì sɔko, mé nãh me ké tyí ne mé n pɔ n yah n sɔko yé tyí yínyò. Tɛ ñgbɛ-à kɔ̃ fɛ syi, mé kɔ̃ wũ kɔ̃ wò yó pi yéle.

⁸⁻⁹ N fwópú sénsò me dò Yefesi kwil sɔko ó, ñte wɛkì ñgbɛ yó me we yiki mɔ ní tyí ní tò we n pi yĩñne nénpó. Képah ye, mé kɔ̃ tɛ nénpó kɔ̃ syi pɔ nɔ Pãntekoti syáh syah sò tyí.

¹⁰ Timotele, Liyel tò ye à n pi ñmɔ tyí kòle. Képah ye wàh kɔ̃ pɔ pɔ yé tĩñne, yé ñ tɛnó ple tiki kɔ̃ kè káh à tɛ yé wrò sɔko. ¹¹ Nnî yó ntɛ káh ñne n yilo dé. Ñmɔ me ñne n syiki ànê ní yúnpyé Yesu yò sɛpúle. Képah ye, wàh kɔ̃ pɔ n yal yé tĩñne, yé yòhnìnmonɔ pi ñ tyí ñ kóló yĩñne à kɔ̃ à pɔ ní tnò yèvini sɔko.

12 Tě á yǔnpi Apolosu wole, mé sò kè yah kǒ ò tyí gbáhyí náhnáhle ne à kyí yé ònne ànê Yesu yò sěpú télólé. Tě à náh sò me ké tyí pólle ne pé kyí yé ònne núkúnúkú. Nte wró-à pò we ò tyí, à kú pò yé ònne sò yóle.

Wey syì-nsahle

13 Yé káh yé dyo mo n fwò n tẽ. Yé su yĩn gbáhkì núkú yò Liyel yò sěno soko. Yé yé ni syãh, yè mó yé tah n sah. 14 Yé tyi pólle n pi tyínono soko.

15 N yúnpyé, Sitefanasi ànê ò no ye pi négbrole à pi Yesu yò sěpúle Akayi mara soko. Pè tǒ me pé gblǒy kǒ yí me Yesu yò sěpúle n yohni n mo. Yé pínó se yó me ké soko té. Képah ye, mé kú tǒ kè yah kǒ yé tyí ne, 16 yé ne n sah sěnkno névyé tyí yò, à tahlí nónó to-á me tãn nópilè n pi péle me n kwlo.

17 Sitefanasi ànê Fortunatusi, ànê Asyayikusi ménóle òne ásò, kè ní ni vi yí. Pè ye me pò yé swò toko. 18 Pè òmo ni de à tahlí yépi to tyí tyí. Yé yĩne yè fẽ sěnkno névyé yígbíle n yo.

19 Asi mara Yesu yò sěpú ònkínó n weki yé tyí. Akilasí ànê Prisili à tahlí Yesu yò sěpú nónó-á Liyelle n ni n pò Akilasipi gbô, pé pól n weki yé tyí Tě ògbě yĩnne. 20 Yé yúnpyé Yesu yò sěpú nónó pól-á me òne ásò, pé pól n weki yé tyí.

Yé pól weki wẽ tyí tyínono wey pèpeyne.

21 Yé yah, nê-á mé n wãrki n teki n mo yé tyí ní gbòle, kè we yò: Òmo Pole n weki yé tyí.

22 Tě ògbě Yesu tyí-à nó-ńkẽne névi nê tyí, mé me ké tyí ne tẽ tyí yiki.

Maranata. [Pàh ne Maranata-á, ké kór ye: Tě ògbě, pò!]

23 Mé me ké tyí ne Tě ògbě Yesu yòbèno pi yé tyí!

24 Yé pól tyí ò ní tyí Tě ògbě Yesu Krista yĩnne.

Pole sébéy ní-ò tékínm̀oǹole Korēnti tǎn tyí Tyàh-̀nsah wəyne

Wey k̀oǹole

¹ Nmo Pole nê-á Yesu Krista tēntò névile à yīne Liyel dyo yī tēne, nmo ànê á yūnpi Timote ye n teki n mo sébéyne Yesu yō sēpú tīnkì tyí Korēnti kwil soko, ànê Yesu yō sēpú pól tyí nónó-á me Akayi mara pól soko. ² Á kéle n yah n kō Sú Liyel ànê Tē ñgbē Yesu Krista tyí ne, pè yòbènrì ànê yèvinne yé kō.

Pèp̀ori p̀ínó wey k̀oǹole

³ Mé n weki Liyel tyí, nmo nê-á ápi Tē ñgbē Yesu Krista Súle. Nmo ye Súle nê-á névye yāmne n yah. Névyè nno dé-ò Liyel ye ñne. ⁴ Nmo ye ápi nno dé-òle á yèkworì tyino pól soko, sōnko nónó pól-á me yèkworì soko, ápi to fē pé nno de sō-á à ápi nno de. ⁵ Áyáh me yèvyāhrile n gbah n we n yuku sō Krista tyí kōle, sē ye Krista to mó me á nnole n gbah n de n yuku sē. ⁶ Áyàh yèvyāhrile n pi, yépi nno de yīn ye ànê yé pwáhnmoǹo yīnne. Á nno-à de, sōré mo yīn ye yé soko sōnko yépi to fē yèvyāhrile n sro ápi-á nónó òkù sro soko. ⁷ Ápi yáh-̀nsah náh me tyénole à yuku yépi tyí tūne. Á pī ne sō-á yé yèvyāhrile n pi ále wē tyí, sē-á yé nno to ki n de n pi ále wē tyí.

⁸ Á yūnpyé, áyáh yèvyāhrì nê we Asi mara soko, á náh me ké tyí ne yépi tē ké yítūri soko. Kéne yèvyāhrì mē kǎn pi ápile à pō kah mo á yáh-̀nsah kō kè tye, f́óó á sō me n sō ne kǎh kú á yō yī.

⁹ Á sēnyīnò sō me ké yō ne tir yó náh á kúnó òkù ku n pi. Képah ye á me á sōnò toko to á gblōy yō, té kè sah Liyel yō nmo nê-á lékyīle n yilki n mo. ¹⁰ Nmo ye ápi pwah mo kū mē òkù gbō. À ki tō á pwah n mo n pi. Á gbō sàhnò me ñ yō ne, wǎh kú á pwah n mo n pi ítō. ¹¹ Sónmoǹo ye yépi to me n so mo á tyí yáh nírile n pi á tyí. Kǎh pi sē, á ki pèp̀ori we Liyel tyí nékwínkí nírí p̀ínó gbō yō. Té névye náhnáh to ki we weki ñ tyí ápi yīnne.

Pole vīnmoǹo dah mo ñ kóló tyí soko

12 Ápi nìvìnì yō-á nêne, kè we yò: Á kè pĩ á sōno soko ne áyáh me á foko dal no pólle yãryãr pí-ńkêne, ñte áyáh me sēntēne n pi n kal yépi wò tyí. Liyel yòhnìnmonò gbõ yò ye á kō á tē we kèpah pi, névi lékãm gbõ yò náh. 13 Ápi tò náh kwáh yó wãrki tekí mọ yé tyí nê-á yé kar té ké kór pĩ kwlo. N sēnyĩno me ké yò ne, yáh kú fē ñyõ tò kar kú ké kór pĩ yĩ. 14 Yé me tyi nópi dùkùle n pne kwéy. Tē ñgbē Yesu syi n pọ sòle, yé yò kú yõ ápi yĩnne, ápi tò yò kú mó yõ yépi yĩnne. 15 N sēnyĩno sò me kèpah yò, kèpah ye mé ne mé pọ yépi ñgbò tĩnne kè kō kè pi yòbènorí ke ní-òle yé tyí. 16 Nmọ sò me ké tyí ne máh kú n soko Masedoní mara soko, mé n pọ n wil n soko yé tyí. Té máh kú ní syi, mé n pọ n wil yé tyí ñtõ yé kō yé ní yohni n mọ mé we n yõ n soko ní kólólé Nsyude mara soko. 17 Ñte káh pọ pi mé náh tē we pọ yé tĩnne, kèpah se n wēki ne máh me tyile n yah n tókò n dah n mọ sē? Kèpah náh pi, máh me tyile n yah n tókò ní yah yĩne; mäh ne àwe-á, dõ mè n tõ ne õõ-á? 18 Liyel ye ní tàrfyòle ne áyáh wey nê yo yé tyí, kõnvìnwekino náh kéle. 19 Nmọ, ànê Silasí, ànê Timote-á Liyel Pídí Yesu Krista wey nêne n yo yé tyí, kõnvìnwekino wey náh kéle dé, gbí kókó ye kéle. 20 Yé náh we di, ñmọ gbõ yò ye Liyel vyäh kónó tyi pól yĩne n tē. Nmọ gbõ yò ye tõ ápi amiinale n yo à gbílkínóle n sah Liyel yõ. 21 Liyel ye kō ápi ànê yépile tãhkile á wró kwrónmonò gbõ yõ Kristale. Nmọ ye wilki sah ále ñ tyí yõ. 22 À á pókò mọ à á pi ñ tyíle. Té ñ Mirki dah mọ á soko nê gbõ yõ-á á pĩ ne, wáh ñ vyähle á kō yí nónó tyí soko, áyáh kú sè we n pi. 23 Liyel ye ní tàrfyòle, máh kú me mìnì yo mè n ku. Yé yõ wilki yĩn ye tir soko ní kō mé náh ní syi pọ Korēnti kwil soko. 24 Á náh me n yah n kō ne á tir yó kãhlí n sah yé yõ à yuku yé Liyel yõ sēnó tyí tĩnne dé. Yòhnìnmonò ye á n yohni n mọ yéle sōnko nìvìnì we yé soko, yáh sōnpíle me yé tah sah Liyel yõ sēnó soko.

2

1 Nmọ kè yah ní gblõy ne yõ náh me ké tyí mé n syi n pọ yé tĩnne mé pọ yèkworí yorí mọ yé yõ ñtõ. 2 Nmọ-à kú yèkworí mọ yépi soko, nê kú pi ñmọ nìvìnì yòle, né yépi náh máh yèkworí mọ yépi nónó soko? 3 Mé sébéy mè wãrki tekí mọ yé tyí, sōnko mé káh pọ yé tĩnne yé túkù kō pè yèkworí mọ ní soko, pépi nónó-á sò yĩne nìvìnì mónóle ní soko. Mé kè pĩ yĩ ne, mäh me nìvìnì soko, kè n pi nìvìnìne yépi tò tyí. 4 Nmọ-á sébéy mēne n wãrki gbí nēne, ní ni sò me yíkinóle, ní lékãm sò me vye fēki té yētí me n kah n kwé. Yèkworí

náh sô mé n yah n kô mó-ńsahle yé sɔkɔ dé, mé sô me ké tyí ne yé pí, yé tyí-á me nɔ ní tyí à kyí syí nýãh tyí.

⁵ Yèkwɔri-à we ññî yó gbô yô, ñmɔ tyí náh tẽ pí dé, yé pól yô ye tẽ yɔri mɔ kéle. Nte áyáh ne á káh kè yo n kah mɔ, á kɪ ne yé pól yô-á tẽ yɔri mɔ kéle. ⁶ Kéne tẽ tẽne, tówû-á kɪ lékàh nêne à kô, képah kɪ yĩne ñne. ⁷ Képah ye, yé yĩne yé yô mɔ tẽ kô yé mó ñ nɪ de, sɔnko yèkwɔri káh pɔ ñ yáh-ńsah tye n kah mɔ.

⁸ Mé kéle n yah n kô yé tyí tɔle ne, yé kéle tẽ wèkɪ ne ñ tyí-á me nɔ yé tyí. ⁹ Máh sébéy mène n wárkɪ n tekɪ n mɔ yé tyí yô nê yô tɔle, mé sô me ké tyí ne mé yé gbɪ yah, yáh kɪ me n sah ní yóré yô tyi tyi pól sɔkɔ. ¹⁰ Yáh yô mɔ névi nê kô, ñmɔ tɔ kɪ yô mɔ tẽ kô. Té yáh we mé yô mɔ ññî kô, yépi yĩn ye mè n pí kéle Krista yah sɔkɔ. ¹¹ Képah sɔkɔ, sétãn yô tẽ náh syô-ńsah we à tẽ we n pí á tyí. Á pól ñ yah mó-ńsahle n pne dò.

Pole sôno fèkínóle Tite tyí sɔkɔ

¹² Máh yĩni tẽ Turasi mara sɔkɔ Yesu Krista Nìvìnì tir yó-ńsah, mé kè we Liyel ké wèkɪ yɪkɪ mɔ ní kô palle. ¹³ Nte mé náh ní yũpi Tite we nénpó sɔkɔ. Kãh pí sɛ, ní sôno náh sô me tẽnóle fí núkú sɔkɔ. Képah ye, mé me wèkɪ ni nénpó tãn tyí, té sɔkɔ Masedoni mara sɔkɔ.

Tẽnwenɔ nê-á n we Yesu Krista gbô yô

¹⁴ Gbílkinó ne n sah Liyel yô, ñmɔ nê-á á pí tẽnwepule á wró kwrónmɔnɔ gbô yô Kristale. Á á kô á Krista dùkùle n yo n tã n mɔ n kô tãntãn pól sɔkɔ, sô-á làsèkwèl pãn n tã n mɔ tyah pól sɔkɔ. ¹⁵ Ápi pí làsèkwèl pãn pènèkɪ tyí kôle Liyel tyí, á wró kwrónmɔnɔ gbô Kristale. Névyé nónó-á pwáhnmɔnɔ wèkɪ yô, ànê nónó-á me tyí yíkínó wèkɪ yô, pãn mè me n yĩni n tẽ pé pól tyí. ¹⁶ Túkù tyí, á me n pô kétukùyô nê-á n pɔ n pɔ kũne. Túkù tyí mó, á me n pô palle nê-á n pɔ n pɔ minne. Nte nê tẽ wɔ kɪ fè képah pí wé? ¹⁷ Névyé náhnáh me Liyel wey tɔkɔ gbòle n yĩ. Ápi tẽ wɔ náh me pépi tyí kôle. Liyel ye tã ápile, képah ye á me á fɔkɔ dal mɔ ñ weyne n yo ñ yah sɔkɔ, á wró kwrónmɔnɔ gbô yô Kristale.

3

¹ Ápi se tã yĩne á gblóy dùkù yónóle yé tyí? Képah náh pí, á se yĩne à sébéy yó wárkɪ yé kô à á gblóy dùkù yo yé syah, sô-á túkù kéle n pí? Tĩ, yépi se kɪ wárkɪ á kô sébéyne, nê sɔkɔ-á yé kɪ me ápi dùkù yo? ² Yépi ye ápi sébéy mène. Kè me wárkínóle á nno sɔkɔ. No pól kéle n pne, té kéle n

kar n pne. ³ Kè me píkinóle ne yépi-á sébéy mène, nê soko welo-á Krista á kō á wārki. Wārkinó mène, min nétē Liel Mirki gbō níy ye, wārki wārki kwâh níy náh. Dyêh fábkó fábkó yō soko náh kéle wārkinóle dé, névye nno soko ye.

⁴ Krista gbō yō ye á sēnyĩno me kene welo yō Liel yah soko. ⁵ Ápi-á tyi nónóne n pi yò, á yēngbē tēnweno náh á fē n pi séle dé, Liel kōnó ye. ⁶ Nmo ye á kō tēnweno á fē yégbékè kwrónmōno kēsān tyile névyele n kwō. Kene yégbékè kwrónmōno náh n wil tyi kōnsāhnó wārkinsāhnó soko dé, Liel Mirki tō vyāh ye kéle. Yé náh we di, tyi kōnsāhnó nê-á wārkinsāhnóle, kēpah n pō n pō tyí yíkinóle. Nte Liel Mirki wō minne n kō. ⁷ Tyi kōnsāhnó wō nê-á n pō n pō tyí yíkinóle, ké wārkinmōno gbīne dyêh fábkó fábkónó yō, Liel tōrí sō me tiki pō Moyisi yèpō kō kè n tē, fōó Yisrayel no náh sō me fē n yah n dah n mō ñ yah soko. Té kene tōrí náh mo pólle. ⁸ Nte Liel Mirki tē wō-á tō nēne n pi, kēpah náh Liel tōrí wēki n kal n pi di? ⁹ Tyi kōnsāhnó wāl kónó nê-á n pō n pō tyí yíkinóle, gbílkínó-à we kēpah tyí soko, gbí wēkì kónó wō se pyē. ¹⁰ Á ki fē yo ítēne ne tōrí nê-á sō me gben tēne, núkúnúkú tyí-á kēpah tōko yō. ¹¹ Gbílkínó-à me sah mó-ñkē kwâh yō, mo mo tyí wō se pyē.

¹² Á gbō sàhnyĩno me kēpah yō, kēpah ye á ni me yínnóle. ¹³ Ápi náh me pi Moyisi tyí kōle, nê-á sō fwo vike tū ñ yah soko sōnko Yisrayel no káh ñ yèpō tēnó yal n mō gbí pī, kēpah nê-á sō mo mo tyí náh kéle. ¹⁴ Nte pè me sē fēntū soko. À pō no kwey tyí, pàh tyi kōnsāhnó kedyāhle n kar, kene fwo mè n ne n me fókóntütēnóle pé yah soko. Kè náh tōko to pé yah. Né nê náh ñ wró kwō mō Kristale, kè náh n tōko n to tē yah. ¹⁵ Gbí yō à pō syi kwey tyí, pàh Moyisi tyi kōnsāhnóle n kar, fwo mè n ne n me pé lékām yah foko n tū n sah. ¹⁶ Nte nê wō-à sē Tē ñgbē yō, fwo mè n tōko n to tē yah soko. ¹⁷ Tē ñgbē nê tyí-á n yo ásō, Liel Mirki ye. Nte Liel Mirki-à me nýāh soko, névye n ne me pé gblōy yō nénpó. ¹⁸ Fwo náh me víkéntūnole ápi tē wō yah. Á dùkú me Tē ñgbē tōríle n wēki. Á vi mō pi Tē ñgbē tyí kōle. Wān me n mō n yuku á tōrí yō. Tē ñgbē tō vyāh ye kēpahle, ñmō nê-á Mirkile.

4

Pole ànê pé no-á fóhnó nónó we

¹ Liel ye ápi yām yah té tō mè dahbi á gbō, kēpah ye á kéle n pi wílkúni kēne. ² Sen tyi nónó-á névye n ne n wōbi n pi, ápi sépi we ye. Á me á tyile n pi yínví kēne, á náh me

Liyel wey kórle n vi n mo pólle. Gbɩ ye ápi me n yo tótó, sǒnko névye pól sê á yō Liyel yah soko. ³ Nte ápi-á Nìvìnì tir nêne n yo, kèpah-à kɩ tǒ mé-ńkēne kyòo, tyí yíkípú tyí ye kè náh me kyòo. ⁴ Sétãn yõtē nê-á kèkōyō mè tōle, ñmo ye fěntũ mo pé yah. À káh-ńsah tũ pé tyí, sǒnko Nìvìnì tir-á Krista tǒrí kyòo nêne n wēkɩ, pè káh fě kèpah we. Té Liyel kètò ye mó tǒ Kristale. ⁵ Ápi gblǒy tyí náh á n yo n kǒ dé, Yesu Krista tyí ye á n yo n kǒ ne ñmo-á Tē ñgbēne. Ápi tē wo pɩ tǒnpɩble yé tyí Yesu Krista yĩnne. ⁶ Yé náh we di, Liyel nê-á yo ne ńkē kyòo mo fěntũ soko, ñmo ye kǒ mo kyòole ápi nno soko, sǒnko névye ñ tǒrí we nê-á me n tē Krista yèpɔ soko. ⁷ Kéne tahrɩ mè ye ápi kǒ, ápi nónó-á sohki kēne á soko puri pín tyí kǒle, sǒnko névye pĩ ne ńkē tēnweno ñgbē mè náh wil ápi tyí, káh wil Liyel tyí. ⁸ Fǒhnó me n sah ápi yō yey yey pólle, ñte á náh me tē kwlo. Á lékãm me vye fěki, ñte á yáh-ńsah náh tyē. ⁹ Pè me kǒ á náh à ále n fǒh, ñte Liyel náh ñ náh vi á kǒ. Pè á mɩ min, ñte á náh ku. ¹⁰ Yesu-á fǒhnó we à ku dùkù nêne, kèpah ye me ápile n we sǒmesǒ. Kèpah ye kɩ névye kǒ pè kɩ pĩ ne áyáh me á min soko ñmo gbò yō. ¹¹ Né ápi náh ku, gbĩmegbí á kɩ me kũne n do n yah Yesu yĩnne. Á wil gběnsê nê-á mó sohki kēne, kè kɩ min we ñmo gbò yō. ¹² Káh pɩ sē, ápi me wē soko kũne, yépi mó me tyé-ńkē minne n we. ¹³ Kè me wǎrkínsàhnóle Liyel wey sébéy soko ne ńkē: «Mé sē Liyel yō, kèpah ye ń kǒ mé ñ weyne n yo.» Sē ye ápi to sē ñ yō, kèpah ye á kǒ á ñ weyne n yo. ¹⁴ Yé náh we di, á pĩ ne Liyel nê-á yilki mo Tē ñgbē Yesu lékóle, wáh kɩ ápi to lékyî yilki mo, té kɩ kyɩ ápi ànê yépi sah ñ tnô. ¹⁵ Yépi yĩn ye tyi nópi pól ápile n we. Té kèpah soko ye mó Liyel kɩ yǒbènrɩ náhnáh pɩ névye tyí, sǒnko pè ne n wēkɩ ñ tyí, pè mó ñne n gbilki.

Káh n ye á wil ku, nɔli dò me ñ syki tē

¹⁶ Kèpah ye kè náh me wíl kúnine ápi tyí pólle. Á wil gběnsê tyí-à kɩ sǒ me n yɩkɩ n yuku, á min tē wo me n gbah n pɩ n yuku sǎnne sǒmesǒ. ¹⁷ Yé náh we di, mó-ńkē yèvyāhrɩ kwéy nê-á ápi yō núkúnúkú yò, kèpah náh me sǎh yah yah tēne tyé-ńkē yō yǒnó nê-á á kɩ pɔ n we n pi kèpah tyí sǒwāh. ¹⁸ Yí-á yí nónóne n we n pne, sépi náh ápi me n yah n kǒ. Kè náh yí nónóne n we n pne, sépi ye á me n yah n kǒ. Yí-á n tē n pne yí nónó yō, sépi náh n mo. Nte kè náh n tē n pne nónó yō, sépi n ne n me tyétyéní kēne.

5

¹ Wil gběnsê nê-á ápi min tē-ńsahle sétáh mè yō soko yò,

ké tyí-à pɔ yɪkɪ, Liyel kɪ min tẽ-̀nsah yó yah á kɔ̃ yĩnyô, nê-á kɪ me kũmm yô sɔkɔ. Kéne tẽ-̀nsah mènɛ, névi gbẽnpɪnɪ náh kéle. ² Nte núkúnúkú, ké sɔkɔ de dékè me á kah tẽ, képah ye á me n gbĩ ké yĩnne. ³ Áyáh kɪ we de ké sɔkɔ, á wil títí náh tɔ̃ n we n pi. ⁴ Wô nê pól-á á min kɪ n pi n pi sètáh mè yô sɔkɔ, á kɪ me gbĩnó sɔkɔ tókópékè sɔ̃ á yô. Min tẽ-̀nsah nê-á á tyí sètáh mè yô, kè náh me á kɪ ne á sɔ̃ me ké tyí yíkí-̀nsahle n yah n kɔ̃ dé. Yíkí-̀nkẽ min tẽ-̀nsah nê-á Liyel kɪ á kɔ̃ n pi yĩnyô, á me ké tyí ne képah pɔ yɪkɪ yɪkɪ tyí mè swɔ̃ tɔkɔ. ⁵ Liyel ye sépi pól yah sah ápi yĩnne. Pèpɔrɪ nónó-á à kɪ n pi n pi á tyí, ò Mirki ñgbò ye à tɛkɪ mɔ̃ á kɔ̃ sé sɔkɔ. ⁶ Képah ye, á sɛnyĩnɔ me ké yô gbĩmegbĩ ne á min tẽ-à kɪ fyò tẽ á wil gbẽnsè mè tẽ sɔkɔ, á wró-á me dónóle Tẽ ñgbẽne. ⁷ N yô sɛnó gbò yô ye á me n yuku yahle, ò wénó gbò yô náh. ⁸ Á sɛnyĩnɔ me ké yô, képah ye á me ké tyí ne á min yal wil gbẽnsè mè sɔkɔ, kè kyɪ n tẽ Tẽ ñgbẽ tnô. ⁹ Nte káh kɪ se we wil ò; káh kɪ se we wil-̀nkẽne ò; áyáh pi sɔ̃ té á tyí n nɔ n pi Tẽ ñgbẽ tyí, képah ye á me n yah n kɔ̃. ¹⁰ Yé náh we di, á pól yĩne Krista á tuke. Képah sɔkɔ, nê-à kɪ me pèpɛy pi kèkôyô mè sɔkɔ, à kɪ à dyah kéle. Nê-à kɪ mó me pèkè pi, à kɪ à dyah kéle.

Ápi wró kwrɔ̃ mɔ̃ Liyelle Krista gbò yô

¹¹ Kwáh nê-á Tẽ ñgbẽ yah tíkí pínóle, ápi kéle n pne. Képah ye, á me n yah n kɔ̃ ne á névyɛ sɔnɔ vi mɔ̃ pè ò yah tíkile n pi. Ápi fí yó ñtẽ náh me Liyel pu. Té ñmɔ̃ sɔnɔ sɔkɔ, yépi tɔ̃ api pĩ yĩ. ¹² Á gblɔ̃y dùkù náh tɔ̃ á n yo yéle n syah, ñte syô-̀nsah ye á yéle n kɔ̃ yè fẽ yé gblɔ̃yne n gbilki ápi yĩnne. Képah sɔkɔ, wényo-̀nsah kɪ we yé tyí yí yah pípú tyí. ¹³ Ápi yôgbèl-à kɪ sɔ̃ me yuku, Liyel yĩn ye. Nte á yah-à kɪ se mó me gbréy, yépi yĩn ye. ¹⁴ Krista tyínɔnɔ ye yah syi ápi tyí, ápi nónó-á pĩ ne nénúkú-á ku no pól swɔ̃ sɔkɔ. Káh pi sɛ, kè me á kɪ ne no pól tɔ̃ sɔ̃ ku. ¹⁵ Á ku no pól yĩnne sɔnko nónó-á me min sɔkɔ, pè káh pé minne n pi pé gblɔ̃y yĩnne, nê-á ku té ò lékó yilki mɔ̃, pè kéle n pi ñmɔ̃ yĩnne. ¹⁶ Káh pi sɛ, núkúnúkú tẽne á náh tɔ̃ ñnî yó ñtẽ yah n pi à yĩne névi yòtàhsyi yáhnóle. Áyáh sɔ̃ sɔ̃ me Kristale n yah sɛ, núkúnúkú á náh tɔ̃ me ñne n yah sɛ. ¹⁷ Névi nê wró-à me kwrónmɔ̃nɔle Kristale, tẽ nɪ n vi n mɔ̃. Á ò pi dùkù kedyáh fín n mɔ̃, ò té pi dùkù késán tɔkɔ. ¹⁸ Liyel tɔ̃ vyáh ye sépi pólle, ñmɔ̃ nê-á ápi wró kwrɔ̃ mɔ̃ ñne Krista gbò yô, té me wró kwrónmɔ̃nɔ tɔ̃ dahbɪ ápi gbò. ¹⁹ Yé náh we di, Liyel náh kèkôyô névyɛ tyípèl mɔ̃ kɔ̃, à syô Krista tyí à pé wró kwrɔ̃ mɔ̃ ñne, té me wró kwrónmɔ̃nɔ tyí yónó dahbɪ ápi gbò ne,

á névye wróle n kwro n mo péwole. ²⁰ Krista yĩn yõ ye ápi me n weki. Kè me á ki ne Liyel sõ n yo n mo névye tyí ápi gbõ yõ. Képah ye á kéle n yah n kõ yé tyí Krista yĩn yõ ne, yé yé wró kwro n mo Liyelle. ²¹ Krista nê-á à náh tyípékè pí yah, Liyel ñmo twah mo ápi tyípèlle, sõnko ñmo gbõ yõ, ápi to pí yályál Liyel yah soko.

6

¹ Ápi-á pí Liyel tõ pí mune sě, képah ye á kéle n yah n kõ yé tyí ne wãh yõbènoru nê pí yé tyí, yé káh ye kè pí yõ kēne.

² Yé náh we di, Liyel ne nkē:

«Tyah-á sõ me palle gbí nēne, mé á nírí tē.

Pwáhnmoño sōle, mé ñ yohnu mo.

Tyah pèpey gbí mè ye núkúnúkú yò.

Yah, pwáhnmoño yòh ye kweyne.»*

³ Á náh me ké tyí ne á ñnî yó ñtē yõ yiki, ñnî kõ à po wényo-ńsah we á tõ tyí soko. ⁴ Nte tyi tyi pól soko, ápi me á gblõyne n wēki Liyel tōnpibí kègblóle. Á me gbah tē yèvyāhrí, ànê yèkworí, ànê tíkí kèpékèle n sro náhnáh.

⁵ Á ko syi, té wòkònpèkè pí. Pè névye mo á yõ, té á mo tãn pèl pínó soko. Á náh me n we n do, yõke to náh me n we n yõ.

⁶ Á me tôle n pí Liyel tyí fòkole píkinóle ànê á lékãm pólle. Á me tyile n sro me pèporile n pí Liyel Mirki gbõ yõ. Tyínono yèsyìkì me á soko, ⁷ ànê gbí welo ye á me n yo Liyel tãhkì gbõ yõ. Gbí wēkì kóló ye ápi pí á méfwó yíle à á sépébíle n fwo, té á gblõy yóle n syiki.

⁸ Névyé á dokò n mo, képah náh pí pè á kō fē. Pè á yígbíle n yo, képah náh pí pè á yípolle n yo. Pè ále n pí m̀nyobele, té gbló yópú ye mó tō ále.

⁹ Pè ále n pí pé kósyi á pĩ, té pè mó tō ále n pne kyó. Pè ále n pí lékyí sō ále té vye ye mó tō ále. Pè fõhnóle n sah á yõ, té pè náh ále n ko n mo.

¹⁰ Pè yèkworí tyile n pí á tyí, té gbímegbí à n ne me ñivìni soko. Pè ále n tokò n pí yãm tãnne, té á mó tō me névye náhnáhle n pí tahbule. Pè ále n pí kwáh kèpúle, té yíyìn pól mó tō me á tyí.

¹¹ Korēnti tãn, gbí ye ápi n yo yé tyí. Á á foko dal mo yéle.

¹² Ápi náh á foko kwĩnki yéle. Yépi ye yé foko kwĩnki ápile.

¹³ Sú-á nkēne tyile n yo ñ wēnpì tyí sõ, sě ye mé me n yo tyile yé tyí. Yé yĩne yè kè pĩ á tyí, yépi to mó yé foko dal n mo yĩ ále.

Kyòò ànê fēntũ náh fē n kwro n mo

¹⁴ Yé káh ne n pí n soh Yesu yõ sē-ńkēpúle tir yó ñtē soko. Gbí wēkì kóló ànê tyítúkùni pínó náh me wēkì núkú yõ.

* 6:2 6.2 Yah n te Yesayi 49.8.

Kyòò ànê fěntũ náh fě n kwɔɔ n mɔ. ¹⁵ Krista ànê sétãn yòtě wró náh fě n kwɔɔ n mɔ. Yesu yò sě-ò ànê Yesu yò sě-ńkě névi wró náh fě n kwɔɔ n mɔ. ¹⁶ Fal fal tãn náh fě n kwɔɔ n mɔ Liyel ní-ńsah gbô sɔkɔ. Yé náh we di, ápile, Liyel ní-ńsah gbô ye ále à yĩne Liyel-á kè yo sɔ ne ńkě:

«Mé kɪ tě péle té kɪ me péle pé kó-ńtãn sɔkɔ.

Mé kɪ pɪ pé Liyelle, té pè kɪ mó pɪ ní nolɛ.»

¹⁷ Képah ye Tě ñgbě Liyel ne: «Yé wil kéne névye wró, ye gbe n tě yé tyíle.

Yé káh n tũ kwâh yó ńtě tyí nê náh me yályál ńmɔ yah, képah sɔkɔ ńmɔ kɪ mó yé tě ple.

¹⁸ Mé kɪ pɪ yé Súle, té yé kɪ mó pɪ ní dɪnpì ànê ní syónpile.» Sě ye Tě ñgbě yo, ńmɔ nê-á tãhkì nétěne.»

7

¹ N nénónó, Liyel vyãh kɔnó nópilɛ, ápi tɔ vyãh me sé sɔkɔ. Képah ye, tyi nónó pól-á silki sah á wil ànê á minne, á ye sè wu n to á gblɔy sɔkɔ, à mó ne n me yályál Liyel yah ñ yah tíkì pínó sɔkɔ.

Nìvìnì nê-á we Pole sɔkɔ Korēnti tãn-á pé gblɔy tiki mɔ

² Yé ye á tyí nɔ yé tyí. Ápi náh pɪ de ñnî yó ńtě tyí. Á náh ñnî yó ńtě gbô tye. Á náh sykɪ ñnî yó ńtě yò. ³ Yé káh we ne máh me sépile n yo à lékãhle yéle n kɔ dé. Mé kè yo sah te yé tyí ne á min pól sɔkɔ, yé tyí-á me nónóle á tyí kũ ńtě fyé náh fě á wró ykɪ. ⁴ N sěnyĩnɔ me yé yò, ní nɪ me vínóle yéle. Yé tyí pɪ yĩ nɪ dénóle ní tyí. Yèkwɔɪ duke pól sénsɔ me ále n we, ñte képah fyé yò, nìvìnì me kah mɔ ní sɔkɔ. ⁵ Áyáh fyò pɔ de Masedonɪ mara sɔkɔ, yèvyãhrɪ duke pól núkú sykɪ á yò, á náh we mɪ yah kwéy ńtěne. Mâl ye yey yey pólle, tíkì we á sɔkɔ. ⁶ Nte Liyel nê-á těnkwlɔpu nɪ dé-òle, à Tite tekɪ mɔ ápi kɔ á nɪ kɔ kè de. ⁷ Kè náh me ne Tite pónó ó sɔ ápi nɪ kɔ kè de, yáh sɔré nê mɔ ñ sɔkɔ képah tɔ ye. Tite pɔ yo á syah ní we dékè-á me yé kah tě sɔ, ànê yèkwɔɪ nê-á me yé sɔkɔ, ànê yáh me yuku yĩn sɔ à ní vyãhle n syi. Képah wãn gbah mɔ ní nìvìnì yò.

⁸ Máh sébéy nê tekɪ mɔ yé tyí, mé pĩ ne kãh yèkwɔɪ mɔ yé sɔkɔ. Nte ké tékínmɔnɔ náh pɪ nãhnɔpĩne ńmɔ tyí. Té máh pɔ kè kyɔmɪ we ne kãh yèkwɔɪ mɔ yé sɔkɔ wró kwéy ó sɔkɔ, kè pɪ nãhnɔpĩne ní tyí. ⁹ Nte núkúnúkú, kè me nìvìnìne ní tyí. Kãh yèkwɔɪ mɔ yé sɔkɔ képah yĩn náh dé, yèkwɔɪ mè-á vìnɔnɔ nê dahɔ yé pɪ dùkú sɔkɔ, képah yĩn ye. Yé yèkwɔɪ mè sɔ me yínénóle Liyel tyí. Kãh mó pɪ sě, á náh pèkè yó ńtě pɪ yé tyí. ¹⁰ Yé náh we di, yèkwɔɪ nê-á me

yínénóle Liyel tyí, kápah névi pɪ òkùle n vi n mo à òne n mo pwáhnmoò wěkì yò, kè náh n pɪ nàhnɸine tẽ tyí. Nte kèkòyò tyi sòno-á yèkwòri nêne n mo névi sòko, kápah ye n pɔ n pɔ kùne. ¹¹ Yèkwòri nê-á me yínénóle Liyel tyí, kãh vinnmoò nê dahbɪ yé sòko yé kè we yò:

Yé me yé gblòy kò yíí.

Yé me gblòy yele n yah n kò.

Yé fòko me vyãh yíí yé gblòyne yí mè sòko.

Tíkí me yé tẽ pèkè pínóle.

N we dékè me yé tẽ.

Yé me gbah tẽ yíí Liyel wěkì kóló sòko.

Yé me ké tyí ne fòhnó sah lékàh névi yò.

Yé kè wěkɪ dal mo ne yé vyãh náh me yí mè sòko pólle.

¹² Nmo náh sébéy mè wárki tekɪ mo tyítúkù pí-ò yinne, kápah náh pɪ tyítúkù-á pɪ névi nê sòko tẽ wo yinne dé, mé kè tekɪ mo ne yé kè pɪ Liyel yah sòko ne ápi tyí-á me tah yíí yé tyí.

¹³ Yáh nê pɪ, kápah ápi nno de kègbɪle, té kè náh yín kápah ó tyí dé, yáh Tite ni sũ ò ni kò kè vi sò, kè wãh mo ápi nìvìnì yò. ¹⁴ Mé lésò ní gblòy yò sah kwéy Tite tyí yé tyí sòwãh. Nte yé náh mó sene ní tẽ. Áyáh dar té gbɪle n yo sò yé tyí, sè ye á yo yé yíngbɪle Tite tyí, té à mó nítyíno kyɪ kè we sè.

¹⁵ Yáh à tò sah tẽ té yòyen sah ò yò sò, ò dyo me n kwne kéle, kápah ye yé tyí gbah no yíí ò tyí. ¹⁶ Kè me nìvìnìne ní tyí, à tẽ we ní gbò sah yé yò tyi tyi pól sòko.

8

Masedonɪ Yesu yò sèpú ònkì-á pò mórí nê mo

¹ N yúnpyé, Liyel-á yòbènoòri nê pɪ Masedonɪ Yesu yò sèpú ònkìnó tyí, á me ké tyí ne á kè yo yé syah. ² Yèkwòri duke náhnáh sò pè yíni tẽ, òte kápah fyé yò, nìvìnì sò me kah mo pé sòko. Yãm sò me kah peke pé yò, òte kápah fyé yò, pè pɪ yínkòpu kègbɪle. ³ Nmo ye pé tàrfyòle ne pãh kè pɪ à syɪ pé gbò yín tyí, fóó à kah mo pé gbò yín òtẽ yò à yíne pé dyo dyo tẽne. ⁴ Té me kè gbah yah kò ápi tyí ne á ye pé gbò dahbɪ á tyí yòhnìnmoò mè tékínmoò sòko Nsyude mara Yesu yò sèpú tyí. ⁵ Ápi-á sò me nêne n yah n kò, pè kè pɪ kah mo kápah yò òtẽne. Pè pé gblòyne Liyel ògbò kò, kápah náh, té pé gblòy dahbɪ ápi tɔ gbò sòko à yíne Liye dyo yíí tẽne. ⁶ Kápah ye, á me Titi ni ne wãh pò mórí syínó tò nê tyah yé òinne, à kè pɪ n dal n mo. ⁷ Sò-á yéle yahle tyi pól sòko

yò: Liyel yõ sēnóle yé sɔkɔ, yé n wɛkɪ n pne, yíp̃ile yé sɔkɔ, sórèle yé sɔkɔ yĩn kēne, à tahlɪ névye tyínɔnɔ nê-á á dahmɔ yé sɔkɔ, kɛpah yĩnne á me ké tyí ne yé ne n me yahle pó mórí mónó mè tɔ sɔkɔ. ⁸ Kyínmɔnɔ náh mé n kyĩ n mɔ yéle máh kɛpahle n yo dé. Nte máh no téló gbáhntɛnɔ tyíle n yo yé tyí, mé me ké tyí ne yépi tɔ kè wɛkɪ ne tyínɔnɔ kɛgbi-á me yé sɔkɔ. ⁹ Tɛ ñgbɛ Yesu Krista-á pɛpɔri nê pi, yé kéle n pne. Yé náh we di, ñmɔ nê-á kwáh nétɛne, à fɛ syi ñ gblɔy pi yãm neyne sɔnko yépi pi kwáh nátãmne. ¹⁰ Nmɔ sɔnɔ-á nêne, yĩ mè tyí ñinne, kɛpah ye mé n yo yé tyí. Kɛpah me yínénóle yépi tyí yépi nónó-á pi gbrole yán dùkùle à pó mórí mè mɔ, té kè náh yĩn kɛpah ó tyí dé, ké pínó yáhntokɔnɔ wil yépi tyí. ¹¹ Kãh pi sɛ, núkúnúkú yé tò mè pi n dal n mɔ. Yáh kè yah tɔkɔ sɔnɔ pɛpɛyne sɔ, yé kè pi n dal n mɔ sɛ à yĩne yé gbò yĩnne. ¹² Yé náh we di, wãh yĩ kɔ á gbò yĩnne à yĩne wáh kè yah tɔkɔ sɔ, kɛpah tyí nɔ Liyel tyí. Kwáh nê náh me á tyí, à náh kɛpah níyne n tɛ. ¹³ Mé náh yo ne yé yé gblɔy mɔ yãm sɔkɔ no téló tyí pekɪ yĩnne dé. Nte mé me ké tyí ne yé kè pi yé pól ne n me núkùle. ¹⁴ Kwey mè sɔkɔ, kwáh me yépi gbò. Kɛpah ye, kwáh náh me nónó tyí, yé péle n yohnɪ n mɔ. Kwáh-à mó sɔ nêne me pépi tyí té kɪ n kne yépi tyí, pè kɪ yé yohnɪ mɔ. Kãh pi sɛ, yé pól kɪ me núkùle, ¹⁵ sɔ-á kéle wárkínsàhnóle Liyel wey sɛbéy sɔkɔ ne: «Nê-á sò kwel dò, wãn náh wũ ñ tyí. Nê-á sò kwel kwéy, ñ tyí náh tekɪ.»*

Titi ànê ñ kómûne

¹⁶ Liyel yĩn ne n gbilki, ñmɔ nê-á yé yòhnɪnmɔnɔ dékè dahbɪ Titi nɪ sɔkɔ, sɔ-á sò à kè dahbɪ ápi nno sɔkɔ. ¹⁷ Ayáh nê yah kɔ ñ tyí, à kè fɛ syi. Té yé yòhnɪnmɔnɔ dékè-á sò me ñ nɪ sɔkɔ sɛ, à núkú kè yah tɔkɔ ñ gblɔy nítɛne ne, páh kɪ yuku yé ñinne. ¹⁸ Á me á yúnpɪ yó tɔle n tekɪ n mɔ ñne wɛ tyí, nê-á Yesu yõ sɛpú ñnkínó pól me ñ yíngbɪle n yo Nìvìnì tir yónó tyí sɔkɔ. ¹⁹ Té à wil kɛpah sɔkɔ, ñmɔ ye tɔ Yesu yõ sɛpú ñnkínó yah wilki ne à ápi tekɪ mɔ á kyɪ pɛpɔri tò mè pi. Tɛ ñgbɛ yĩn gbilki yĩn ye ápi n pi tò mène à kéle n wɛkɪ tɔle ne tò mè pínó tyí-á me nɔ á tyí. ²⁰ Á me tyi pólle n pi tɔle ne, pó ñgbɛ nê tyí-á dahbɪ á gbò, á ké tyi tɔ sah pi pɔ tye á káh yínyíkì we ké tyí sɔkɔ. ²¹ Á me ké tyí ne á ne n tɔ n sah n pi Tɛ ñgbɛ yah sɔkɔ, té kè náh yĩn kɛpah ó tyí dé, á me ké tyí ne á ne n tɔ n sah n pi névye tɔ yah sɔkɔ.

* 8:15 8.15 Yah n te Yálnó 16.18.

22 Á ye á yúnpi yó tole n teki mo péle wě tyí. Á à we mo yah gbáhyí náhnáhle, té sé pól soko á kè we ne gbáhtě-ò-á ñne. Nte à tō me gbah tē kal núkúnúkú, wáh sōnpíle me sě yí yépi yō soko. 23 Titi tē wole, nmo kó-ò ye ñne, à me tōle n pi ànê nmole wě tyí yépi yinne. Nte á yúnpyé téló wole, Yesu yō sēpú tñkínó ye teki mo péle, Krista yin gbilki yinne. 24 Képah ye, yé kéle pè wěki ne pé tyí-á me no yí yé tyí, sōnko Yesu yō sēpú tñkínó kè we, pè mó pī ne gbi-á me á tyí á yéle n sō.

9

Yesu yō sēpú tñkí yòhnìnmonole Yude mara soko

1 Yòhnìnmonò nê-á ki n teki n mo n pi Yude mara Yesu yō sēpú tyí, yō náh me ké tyí mè sébey tō yé tyí képah tyí soko. 2 Mé pī ne yáh me ké tyí ne yé kè pi. Mé me yéle n sō nítēne Masedoní mara Yesu yō sēpú tyí, me n yo pé tyí ne, Akayi mara Yesu yō sēpú-á me pé gblōy vi te yòhnìnmonò pi yinne fóó yán dukùle. Káh pi sě, yépi nónó-á me kéne mara soko, yépi gbáhtěno mè sóre mo nénye kan soko. 3 Mé á yúnpyéle n teki n mo yé tyí, sōnko máh me yéle n sō sōnó nēne yī mè tyí soko, kè káh pō pi yō kēne. Nte yè ne n me yé gblōy vi sah kègbi yō sō-á mé yo kéle. 4 Káh ki pi dukù yóle, té Masedoní mara tãn-à ki pónó yí nmole, té pō ne yah yé náh me yé gblōy vi sah, kè ki pi sen ñgbēne ápi tyí áyáh sōnpíle káh sě yé yō. Té yépi nítē wo tyí ye kè ki pi senne. Nte mé náh me ké tyí ne mé képah yo. 5 Képah ye, mé kè sō ne máh yīne mé á yúnpyé nōpi ni pè mo nmo yahle, pè pō pó mórí mè tyí yahle n wah yáh yé vyāh kō nê tyí soko; sōnko máh ki pópó n pi, ké tyí yah ne n me wáhtenole, nê-á ki kè wěki ne yáh kè pi yé dyo dyo tēne, kyínmonò náh pè kyí mo yéle. 6 Yé se kè pī ne, névi nê-à duku mo kwéy, tē n pō sēmuko kwéy tōko; té nê-à duku mo dò, tē n pō sēmuko dò tōko té.

7 Yé nénúkú núkú pól yīne yé kō à yīne yáh kè yah tōko sō yé nno soko. Ney káh kō à mó tō ké nàhnpīne n gbo, képah náh pi, pè sō tē kyí mo. Yé náh we di, nê-á n yī n kō nìvìnì soko, ñmo tyí no Liyel tyí. 8 Tēnweno me Liyel tyí ki fē pèpōri duke pól pi yí yé tyí, sōnko yī nónó pól yétô-á me yé tyí, sè ne n me yé tyí gbímegbí ànê dòhnò tole, yé kō yé fē pèpōri duke pólle n pi, 9 sō-á kéle wárkínsàhnóle Liyel wey sébey soko ne:

«À ò n̄le n dal n m̄o n yĩ n k̄o,
à n yĩ yãm tãnne n k̄o n yĩ.
n̄ f̄ok̄òp̄en̄or̄i tyĩ yĩn nãh me.»

¹⁰ Liyel nê-á kwáhdúkúle sètòle n k̄o, té n̄ yõ yõ yòkele n̄ne n k̄o, òm̄o ye k̄i kwáhdúkúle yépi k̄o n pi, té k̄i kè k̄o kè k̄i kwel, k̄i wãn m̄o yé f̄ok̄òp̄en̄or̄i p̄ínó yõ. ¹¹ A k̄i yé p̄i kwáh nátãmne gb̄imegb̄í, s̄onko yè f̄ẽ f̄ok̄òp̄en̄or̄ile n p̄i tyé-ńk̄ẽne. Képah s̄ok̄o, yáh yĩ n̄ónón̄e ále n k̄o á névyele n k̄o n p̄o, pé nãhnãh k̄i w̄ek̄i Liyel tyĩ sépi yĩnne.

¹² Yé nãh w̄e di, yé p̄ó m̄or̄í m̄è k̄i Yesu yõ s̄ép̄ú yohn̄i m̄o. Té kè nãh n yĩn n pi képah ó tyĩ dé, kè k̄i névyele nãhnãh k̄o pé k̄i p̄ep̄or̄i p̄ínó w̄eyne Liyelle n k̄o. ¹³ Yõre t̄ò nê-á yé p̄i, p̄ah k̄i kè w̄e pé k̄i Liyel yĩn gbilki yáh s̄onp̄íle p̄i négb̄l̄òle à f̄ẽ syi t̄ò p̄i Krista Niv̄in̄i tir yónó s̄ok̄o. Pé k̄i t̄ò Liyel yĩn gbilki yáh s̄onp̄íle yé gb̄an̄ yĩle pépi àn̄e no téló pól t̄o yohn̄i m̄o. ¹⁴ Pé k̄i níri p̄i yé tyĩ, k̄i pé tyín̄on̄ole yé w̄ek̄i yòb̄en̄or̄i ògb̄ẽ m̄è yĩnne, Liyel-á n̄e p̄i yé tyĩ. ¹⁵ Gb̄ilk̄ínó ne n sah Liyel yõ ò p̄ep̄or̄i ògb̄ẽ p̄ínó yĩnne, nê-á ké kénk̄o nãh me.

10

Pole me lékàhle ò tyĩ yónyik̄ipule n k̄o

¹ Nm̄o Polele, pé ne m̄ah me yé t̄n̄o m̄è n ne n w̄ek̄i dáb dáb, té m̄ah gb̄e m̄o yéle m̄è n ne n w̄ek̄i fȳòr̄i fȳòr̄i. Yesu Krista n̄ép̄ir p̄ínó àn̄e ò n̄ìgb̄èk̄i yĩn yõ, ² òm̄o Pole kéle n yah n k̄o yé tyĩ ne, yé yé gbl̄õy ye, m̄ah k̄i p̄o p̄o yé t̄n̄o, yé káh ò k̄o m̄è p̄o ne n w̄ek̄i fȳòr̄i fȳòr̄i yépi t̄o tyĩ, s̄ò mé me kè s̄ò sah p̄i p̄i t̄ẽne névyele tyĩ n̄ónó-á me n s̄ò ne névi yòt̄ahsyi p̄i dùkù-á ápi s̄ok̄o. ³ Gb̄i ye névyele t̄ẽ w̄o ye ále ó, òte áyáh mék̄i n̄e s̄ok̄o yò, névi yòt̄ahsyi t̄ãhk̄i nãh á n fwo kéle. ⁴ Ápi-á mék̄ile n p̄i méfw̄oȳi n̄ónón̄e, névi gb̄en̄p̄in̄o nãh séle, sè n wil Liyel tyĩ. Tãhk̄i me sé s̄ok̄o k̄i f̄ẽ Liyel sép̄éb̄í tyĩ ȳik̄i àn̄e s̄on̄o t̄úkún̄ne. ⁵ Kéne méfw̄oȳi gb̄ò yõ, ápi me gbl̄õy gb̄ilk̄íp̄ú tãhk̄ile n ȳik̄i pépi n̄ónó-á s̄ò me kãh-nsah t̄ú névyele tyĩ ne pé káh Liyel p̄i. Á me névyele yòle n vi n m̄o pé k̄o pé n sah Krista tyĩ yõ. ⁶ Yáh k̄i p̄o n sah palle Krista tyĩ yõ gb̄í n̄ene, ápi nãh t̄ò n̄ohn̄i-ńk̄ẽ tir sah kè n s̄ok̄o n pi f̄óhn̄ó k̄ẽne ké tyĩ s̄owãh. ⁷ Yé yĩ-á me tyi n̄ónó yõ, yè tyile n yah n t̄ok̄o à yĩne sépi óle. Nte nê-à me s̄ẽ ké yõ ne páh me Krista tyĩ yõ, t̄ẽ yĩne à kè p̄i yĩ t̄ole ne s̄ò-á péle Krista tyĩ yõ, s̄ẽ ó-á ápi t̄ole ò tyĩ yõ. ⁸ T̄ẽ ògb̄ẽ t̄en̄wen̄ole á k̄o ne á yé yohn̄i m̄o yé yuku yahle. A nãh kéle á k̄o yé tyĩ ȳik̄i yĩnne. Té òm̄o-à k̄i s̄ò me ò gbl̄õy yõ sah kah m̄o kwéy

képah tyí sówãh, kè náh me senne nmo tyí. ⁹ Kè náh me á kɪ ne sébéy nópi sɔ́ mé n wãrkɪ n tekɪ n mo yé tyí à tíkile n mo yé sɔko dé. ¹⁰ Yé náh we di, tókù ne mäh me fíi yéle té sébéyne n tekɪ n mo yé tyí mè n ne n no n wekɪ fyõrì fyõrì ké sɔko, té mäh po yé tnô mè n pi tɛnkwlɔ-òle, wɛnfi ó-á mè n ne n wekɪ. ¹¹ Névi nê-á n yo képahle, tɛ yĩne à kè pĩ ne sɔ-á ápi wekɪ tekɪ mo á sébéynó sɔko, áyãh po yé òinne sɛ-á á kɪ n wekɪ.

¹² Névyé nónó-á me pé gblõy yígbíle n yo, ápi náh á nɪle n syãh à á gblõyne n sãh pépile. Lékám kɛ névyé ye péle, nónó-á pé gblõy toko pi sãh sãh dúle à wɛne n sãh kéle. ¹³ Yĩn-ńsah nê-á me ápi tyí, ápi tɛ wo náh á gblõy gbilki n kah n mo n pi képah yõ. Tõ nê-á Liyel dahbɪ á gbõ, nê gbõ yõ-á á yĩni tɛ yé òinne, ápi kɪ á gblõyne n gbilki à yĩne képahle. ¹⁴ Á náh n kah n mo n pi képah yõ, á kɪ ne á kósyĩ po yé òinne. Ápi ñgbò ye po yé òinne à po Yesu Krista Nìvìnì tir yo yé tyí. ¹⁵ Á náh n kah n mo n pi képah yõ, kɪ po á gblõyne gbilki no téló tò pínó yĩne. Nte á me ké tyí ne yé yuku yahle Yesu yõ sɛnó sɔko, sɔnko wãn mo á tò yõ yé òinne à yĩne yĩn-ńsáh nê-á á kɔ. ¹⁶ Képah náh, á kɪ fɛ Nìvìnì tirlɛ n yo n kɔ tãntãn téló sɔko nónó-á sé gblõy yépi òinne. Á náh ñnî yó n tɛ tò pínó toko á gblõy gbilki n pi. ¹⁷ Kè me wãrkínsàhnóle Liyel wey sébéy sɔko ne: «Névi nê-á me ké tyí ne pé pé gblõy gbilki, Tɛ ñgbɛ-á tyi nónó pi ápi tyí, tɛ ñ gblõy gbilki sépi yĩne.»* ¹⁸ Névi nê-á ñ gblõyne n sɔ, kè náh pi á kɪ ne ñmo sɔ négbíle dé, Tɛ ñgbɛ-á névi nêne n sɔ, ñmo ye négbíle.

11

Pole ànê névyé nónó-á pé gblõyne n pi Yesu tɛntò névyéle

¹ Yé náh we di, mé me ké tyí ne yé ní vɪ tyi sómnó pi yah sɛ kwéy. Úú, yé ní sómnó pi. ² Mé me yé gbĩ mo sah pe núkú ó tyí, nê-á pi Kristale, kɪ po yéle à kɔ n pi dí tyí pí-ńkɛ sɛnpir sɔ nê-á me yályál Liyel yah. Képah ye, yé tyí me ní nɪle n yorɪ sɔ-á kè Liyel nɪle n yorɪ. ³ Nte tíkí me ní tɛ ne yé sɔno káh po vi mo, kè po yé wró kwrónmɔno pɛpɛy mè gbekɪ ànê Kristale, sɔ-á wahy Awa vi tɛ lékámkãm sɔko. ⁴ Yé náh we di, névi yó-à po Yesu káhkí yó tyíle n yo yé tyí, nê-á me ñ gblõy áyãh nê tyí yo yé tyí, yɛ kè fɛ n syi. Névi yó-à po mírkí káhkí yó tyíle n yo yé tyí, nê-á ké gblõy Liyel Mirkile

* 10:17 10.17 Yah n tɛ Nsyeremi 9.23 ; 1 Korēnti tãn 1.31.

yáh nê tyí noh ápi tyí, yě kè fě n syi. Névi yó-à pɔ nìvìnì tir káhkí yó tyíle n yo yé tyí, nê-á ké gblǒy Nìvìnì tirle yáh nê tyí noh ápi tyí, yě kè fě n syi. ⁵ Nte nónó-á Yesu tēntò névyé ñgbɔle yé tyí yé yo, nímɔ náh mó tǒ me fí yó we, nýãh-á pè fónfó nímɔ yō. ⁶ Máh kɪ sǒ me wey yah wé-ńkēne, pnènó tē wɔ me ní tyí à yuku Liyel tyí tinnē. A ye képah dùkùle yé wēkɪ dal mɔ tyi tyi pól sɔkɔ. ⁷ Máh Liyel Nìvìnì tir yo yé tyí nònóle, té ní gblǒy tiki mɔ yé yō yō yinne, tyípekè se pyè mé pɪ képahle? ⁸ Yesu yō sēpú tɪnkínó yísyó ye yin nímɔ yinnóle ní kǒ mé tē we pɔ tǒ pɪ yépi wró à yé yohnɪ mɔ. ⁹ Máh lésó me yé tinnē gbí nēne, yī tókù yétó lésó me ní tē, nte mé náh sè syi ñnì yó nítē tyí. A yúnpyé nónó-á wil Masedonɪ mara sɔkɔ, pépi sǒ me ní yétó yī pólle nne n kǒ képah ye. Tyi pól sɔkɔ, mé náh sǒ me ké tyí ne mé pɪ yótókóbíle ñnì yó nítē tyí, té mé kɪ tǒ gbah n tē n pi sē. ¹⁰ Gbɪ yó-ò ye nne Krista gbò yō: ñnì yó nítē náh fě yō yǎnó mè wénó yah kǒ n pi ní tyí Akayi mara pól sɔkɔ. ¹¹ Kwáh nê pɪ té mé képahle n yo? Yé tyí náh me nɔ ní tyí képah se? Liyel nítē pī ne yé tyí-á nɔ ní tyí dò. ¹² Máh me nēne n pɪ yò, mé kɪ yō n sɔkɔ n pi ké pínóle, kɪ névyé kurn kah nónó-á me syǒ-ñsahle n yah n kǒ kɪ pé gblǒy gbilki, ne páh pɪ núkùle ápile. ¹³ Kéne névyé nópíle, nósýó ye nónó-á me pé gblǒyne n pɪ Yesu tēntò névyele. Pè n ne n vi n syikɪ névyé yō, n té pé gblǒyne n pɪ Yesu Krista tēntò névyele. ¹⁴ Nte képah náh me gbēndùnne dò. Yé náh we di, sétàn yǒtē nítē tɔ n gblǒyne n viri n pɪ yinyō tǒnpíle, nê-á me kyòò dò. ¹⁵ Képah ye n tǒnpɪbɪ tɔ-à pé gblǒyne n pɪ gbɪ Liyel tǒnpɪbɪle, kè náh me gbēndùnne. Pè kɪ pé tǒ pínó lédyáhní we n pi ké tyé-ńsah sɔkɔ à yīne pé tyípinne.

Pole-á yèvyãhrɪ nónó pɪ Liyel tǒ sɔkɔ

¹⁶ Mé kɪ n syi kè tǒ yo yé tyí ne, ñnì yó nítē káh nímɔle n yah vɪnpíle. Nte yáh kɪ se me n sǒ sē, yé ní tē vɪnpɪ tyí kǒle, ní tɔ mó ní gblǒy we n gbilki kwéy kè. ¹⁷ Nte máh kɪ nê yo n pi, mé náh me kéle n yo Tē ñgbē-á me ké tyí sǒ dé, mé me kéle n yo vɪnpɪ tyí kǒle sǒnko mè ní gblǒy we n gbilki. ¹⁸ Névyé náhnáh-á fyò me pé gblǒyne n gbilki kèkǒyó déké tyi yinne, nímɔ tɔ kɪ ní gblǒy gbilki. ¹⁹ Yépi nónó-á lékám névyele, kè yé dyɔ yé fě syi à vɪnpɪbɪ sǒmnóle n pɪ. ²⁰ Yè n fě n syi pè kǒ pé yéle n pɪ yǒbɪ tyí kǒle, n té ne n syikɪ yé yō, n té yéle n yī, n té yéle n yilo, n té yé létáhlóle n kǒli.

21 Máh nêne n yo yò, kè me senne yé tyí. Kè ye á tēnkwlono wēki.

Nte képah fyé yò, nnî-à kɪ fē syi n̄ gblɔy gbilki n pi tir yó tyí sɔkɔ, n̄mɔ to kɪ fē sēntē pi, máh kɪ sɔ me n weki vɪnpu tyí kɔle. 22 Pépi-à kɪ se me Yebrenine, Yebreke ye n̄mɔ tole. Pàh kɪ se me Yisrayel nole, Yisrayel ney ye n̄mɔ tole. Pàh kɪ se me Abrahami nàh tãne, n̄ nàh ney ye n̄mɔ tole. 23 Pàh kɪ se me Krista tɔnpuɔle ò, mé kɪ tɔ kè yo á kɪ ne vɪnpu sɔ n̄ne. N̄mɔ tɔ pi kal pé pólle, té yèvyãhri pi kal pé pólle, té de wɔkɔnpèkè sɔkɔ à kal pé pólle, té ko syi kal pé pólle, té kũ dlo gbal gbáhyí nàhnàhle à kal pé pólle. 24 Nsyifunɔ n̄ ko yèfòh yí yògbãm pó kwãryãhle, fók gbáhyí kwlo. 25 Wrome tãn n ko yèfòhle gbáhyí tɔnó.

Névyé n̄ minki dyèhle ke núkúle.

Krótókè tiki de yah n̄ne yo sɔkɔ ke tɔnó,

ànê yo n̄ yò farkɪ yah gbìyìkɪ núkú ànê lékãh núkú wró sɔkɔ.

26 N̄ kóló nàhnàh sɔkɔ,

mé dlo gbal yrey yúkúnó kàh-ntàn sɔkɔ,

té de wil névyé yò v̄nsyɪkɪpu dlono sɔkɔ.

Mé sò me dlo sɔkɔ n̄ yìkɪ névyé Nsyifunɔ wró sɔkɔ,

té me dlo sɔkɔ nékãhbí wró.

Mé sò me dlo sɔkɔ kwil n̄yó,

té me dlo sɔkɔ gbēnnɪ sɔkɔ.

Mé sò me dlo sɔkɔ pne yo sɔkɔ,

té me dlo sɔkɔ n̄ yúnpyé m̄nyobe wró.

27 Mé tãnkýèh nàhnàh pi à yèvyãhri pi sɔkɔ. Mé yah sò lékãhlo nàhnàhle, té kweki ànê níkɪ sómno pi. Yòke yah kwlo yah n̄ tyí gbáhyí nàhnàhle, mé tē kweki sɔkɔ. Mé tē yah vɪri sɔkɔ, té tē yah flo kēne n̄ tyí. 28 Nte nê n̄tē tyí-á me tah yí n̄ tyí, n̄ vyãh nàh syi képah tyí dé: Képah nê-á pi fókósõno nê-á me n̄ sɔkɔ à yuku Yesu yò sēpú t̄inkinó tyí t̄inne. 29 Nnî-à me tēnkwlono sɔkɔ, n̄mɔ to n pi tē tyí kɔle tēnkwlò-òle. Nnî-à tyípèkè pi, kē n̄mɔle n yo. 30 Máh kɪ sɔ me ȳne mè n̄ gblɔy gbilki, mé kɪ n̄ gblɔyne n gbilki n̄ tēnkwlono tyí sɔkɔ. 31 Liyel nê-á Tē ngbē Yesu Súle, n̄mɔ p̄ ne m̄nì nàh mé n yo. Sãm ne me m̄nóle n̄ sɔkɔ gb̄imegbí.

32 Máh sò me Damasi kwil sɔkɔ gbí nēne, yòtē dí Aretasi-á kwiltē nê wilki sah nēnpó, n̄mɔ sò me pè kō pè kwil dé-ntãne n sykɪ n̄mɔ tē ȳinne. 33 Nte pè me n̄ dah m̄o gbétó yó sɔkɔ à wilki m̄o sétir pwãhle à tiki m̄o kwil kēnkahn̄ne n̄ kō mé we pwah n̄ gbò.

12

¹ Nmo se yĩne mè ní gblõyne n gbilki? Yõ kě ye képahle. Nte képah fyé yõ, máh wěkínó nê we, té pnèné nê we wil Tě ñgbě tyí, mé kɪ sépi tyí yo. ² Mé Krista yõ sě-ò yóle n pne, ké ye gbõnyáh ye yò, — à yõ dɔkɔ sɔkɔ yĩnyõ léyy tẽ-nsah sɔkɔ. Ténkàh à yõ dɔkɔ sɔkɔ ñ wil gběnsé tole ni? Ténkàh wěkínó ye à we ni? Nmo tẽ wɔ náh pĩ. Liyel ó ye n pne kéle. — ³⁻⁴ Gbɪ ye, mé pĩ ne dí mè-á yõ dɔkɔ yuku fɔ́ó yĩnyõ pal tẽ-nsah. Ténkàh à yõ dɔkɔ sɔkɔ ñ wil gběnsé tole ni? Ténkàh wěkínó ye à we ni? Nmo tẽ wɔ náh pĩ. Liyel ó ye n pne kéle. Té à me welo yísyó noh nónó-á sè náh fě n yo, ké wěkì náh me névi tyí kɪ fě ñ syɪ sé yõ. ⁵ Nmo kɪ fě ní gblõy gbilki sěnkõ névi tyí sɔkɔ. Nte mé náh ní gblõy gbilki n pi ní tir yó n̄tẽ yĩnne né ní tẽnkwɔ-ńtân ó yĩn náh. ⁶ Mâh sɔ sò me ne mé ní gblõy gbilki, mé náh n mo n kô n pi vɪnpɪle. Yé náh we di, gbɪ ye mé nâhkɪ n yo. Nte mé me ní gblõyne n tẽ képah pínóle, sɔnko yáh nê we té nê noh ní tyí, ñn̄i yó n̄tẽ káh pɔ ní sɔ kah mo sépi yõ, ⁷ ànê mé káh n pɔ ní gblõyne n gbilki wěkínó mè wénó yĩnne nê-á pɪ gbille. Fóhnó yó me sah n̄mo wil gběnsé yõ, á kɪ ne sétân yòtẽ sɔ tekɪ mo ñ yĩnyõ tɔnpɪ yóle ne à pɔ ní yah kô mé káh n pɔ ní gblõyne n gbilki. ⁸ Mé Tě ñgbě ni ke tónó ne, à fóhnó mè wró gbe mo n̄ne. ⁹ Nte à me yo ní tyí ne: «N̄mo-á pèpɔrɪ nê pɪ á tyí, képah kɪ yĩne ále. Á tẽnkwɔnɔ sɔkɔ ye n̄mo n wěkɪ n yĩ ní tãhkìle.» Képah ye, n̄mo me ké tyí ne mé ní gblõyne n gbilki ní tẽnkwɔnɔ wɔ sɔkɔ, sɔnko Krista tãhkì ne n me ní sɔkɔ. ¹⁰ Képah ye, Krista yĩnne máh me tẽnkwɔnɔ sɔkɔ, képah náh pɪ pàh n̄ne n gbyɔ, képah náh pɪ máh me kwɔlónó sɔkɔ, képah náh pɪ pàh n̄ne n fõh, képah náh pɪ tíkí kèpékè-à me ní sɔkɔ, mè n ne n me n̄vìnì sɔkɔ. N̄ tẽnkwɔnɔ gbí ye tãhkì n we ní sɔkɔ.

Pole yáh-nsah me tye Korēnti tãn Yesu yõ sěpú tyíle

¹¹ Mé we pɪ lékám kě névi sɔ n̄ne. Té képah wil yépi tyí. Yépi ye sò yĩne n̄mo yíngbí yónóle. Yé náh we di, máh kɪ sɔ me tir yóle n pékí-ńkěne, nónó-á yé n ye Yesu tẽntò névyé ñgbnole, pè náh fónfó n̄mo yõ. ¹² Gbɪ yõ, mé sómnó pɪ yé ùnne à gběndùnì tyi pɪ, ànê gbil tyi duke náhnáhle, ànê tyítãhn̄ine, nónó-á n wěkɪ ne Yesu tẽntò névi-á n̄ne. ¹³ Mé se Yesu yõ sěpú ùnkìnó téló tɔkɔ fónfó pɪ yéle tir yó sɔkɔ? Máh yahle ne yé káh yĩn ní yínnóle képah ó náh di? Yé képah yõ mo ní kô, mé náh pɪ ple yé tyí. Yesu yõ sěpú ùnkìnó

téló fónfó yé yō tir nê sokɔ? ¹⁴ Yé yah, nímɔ me ní gblɔy vi te gbáhyí tǔ-ò pónó yinne yé ònne, té yé náh n yin n pi ní yinnóle. Yé náh we di, yépi ye mé n yah n kǔ, yé gbàn yí náh. Wēnpì náh yīne pè gbàn yīle n yah n sah pé dúbípu tyí. Dúbípú ye yīne pè ne n yah n sah pé wēnpì tyí. ¹⁵ Nímɔ kɪ fē syi kɪ ní gbàn yí ànê ní min tɔ kǔ yépi yinne. Yé tyí-á sǒnpule kah nɔ ní tyí, képah se kɪ kwáh wilki nímɔ tyínɔnɔ sokɔ yé tyí? ¹⁶ Gbɪ ye òn̄n̄i yó òtē náh yin ní yinnóle. Nte yé tókù me n yo ne lékámkám névi-á nne, máh yéle n yō yinvi sokɔ. ¹⁷ Máh nónó tǔ tɛkɪ mɔ yé tyí, mé se syǒ pépi tyí à yé yǒ? ¹⁸ Mé Tite gbah tē ne à kyɪ yé ònne. Mé á yūnpi yó tɔ tɛkɪ mɔ òne nê tyí-á lésǒ mé yo yé tyí. Tite se me pɔ yéle n yǒ? Nímɔ sǒnɔ ànê nímɔ tyí náh pɪ núkúle di? Á kɔ dukù tɔ náh pɪ núkúle di? ¹⁹ Yé me n sǒ di mónóle ne ápi-á me gbile á gblɔyne n kǔ yépi yah sokɔ. Nte sē náh dé, tyi nónó-á á n yo, Liyel yah sokɔ ye á n yo séle á wró kwrónmɔnɔ gbò yǒ Kristale. N̄ nénónó, ápi me sé pǒlle n yo yépi Liyel yǒ sǎnó yah yuku yinne. ²⁰ Tíkí me ní tē ne máh kɪ pɔ yé ònne mé káh n pɔ yé we máh me n sǒ sǒ, yépi tɔ káh nímɔ we yáh me n sǒ sǒ. Tíkí tǔ me ní tē ne mé káh n pɔ mál we yé wró, ànê yūnwǒrí pínóle, ànê fòkònyàh̄n̄i pínóle, ànê wē fwónóle, ànê wē tyí yónkònóle, ànê yin yìkì pínóle, ànê gblɔy gbilkínóle ànê tyífē pínóle. ²¹ Tíkí tǔ me ní tē ne máh kɪ pɔ yé ònne, ní Liyel káh n pɔ ní yilo yé wró sokɔ, ànê mé káh n pɔ n gbo névyè yinne, nónó-á lésǒ tyípékè pɪ ògbòle, té pè náh me yal mɔ pǒpǒ pínóle, ànê pròprò pínóle, ànê sèn pí-ńkē tyi pínóle.

13

Pole-á vinnmɔnɔ téy ànê wey nēne Korēnti tãn kǔ

¹ N̄ gbáhyí tǔ-ò ye n pi yé ònne. Tyi pól kɪ n wah à yīne tǎrfyò népì ními, képah náh pɪ tǔmí vyāh weyne. ² N̄ pónyahɔ ke ní-ò sokɔ, mé lésǒ gbáhdyāh di névyè tyí nónó-á sǒ tyípèl pɪ sokɔ ògbòle ànê no téló tɔ tyí. Té kweyne mé náh me yé wró, òte mé tǔ ké gbáhdyāhle n tǔ n di yé tyí ne, máh ní syi pɔ, mé náh tǔ òn̄n̄i yó òtē yām yah n pi. ³ Yé me ké tyí ne yé kè pī Krista-à kɪ me n syǒ nímɔ tyí à n yo n mɔ yé tyí. Tēnkwlɔ-ò náh òne yé tyí. Á kɪ ò tēnweno wēkɪ yé wró sokɔ. ⁴ Gbɪ tē wɔ ye, ò tēnkwlɔnɔ sokɔ ye à syi dahni yǒ. Nte à me min sokɔ Liyel tēnweno gbò yǒ. Ápi wró

kwronmɔnɔ gbɔ̀ yɔ̀ n̄ne, á to me t̄enklwɔnɔ sɔkɔ. Nte Liyel t̄enwɛnɔ gbɔ̀ yɔ̀, á me min sɔkɔ n̄ne. ⁵ Yé yé gblɔ̀y sohlɔ n yah yè p̄i yáh kɔ me yé minne n pɔ Liyel yɔ̀ s̄ɛnɔ sɔkɔ. Yé kɔ kè wɛ p̄i ne Krista-á me yéle. Gbɔ náh di? Kàh mó pí-ńk̄ɛne s̄ɛ, gblɔ̀y sóhlɔnyahɔ mè náh sɔkɔ ké w̄ɛk̄i yɔ̀ yé tyí. ⁶ Nte ńmɔ s̄ɛnɔ me ké yɔ̀ ne, yáh kɔ kè wɛ p̄i ne Liyel yɔ̀ s̄ɛnɔ-á me á sɔkɔ. ⁷ Á me Liyelle n ni yé tyí s̄ɛnko yè káh tyípékèle n pɔ. Á náh me ké tyí ne á kéle n w̄ɛk̄i ne t̄enwɛnɔ-á me á tyí, nte á me ké tyí ne yé tyípéplɔ óle n pɔ, ápi-á s̄ɔ me t̄ɛ klwɔ. ⁸ Yé náh wɛ di, gbɔ fwo fwo t̄áhk̄i náh me á sɔkɔ. Gbɔ tyí ye á me n so n mɔ. ⁹ Ápi-à me t̄ɛ kwlɔ gbí n̄ne, té yépi me t̄ɛ wɛ, ké ne me n̄v̄in̄ne ápi tyí. Ayáh me n̄ne n ni Liyel tyí képah ye ne, yé Liyel yɔ̀ s̄ɛnɔ ne n yuku yahle. ¹⁰ Képah ye n k̄ɔ mé sébéy m̄ene n tekɔ n mɔ yé tyí té ń sah f̄í yéle, s̄ɛnko máh kɔ pɔ pɔ yé t̄inne, T̄ɛ ñgb̄ɛ t̄enwɛnɔ n̄ne ń k̄ɔ, mé káh n pɔ képah tɔkɔ n peke yé yɔ̀. Yé náh wɛ di, à kéle ń k̄ɔ ne mé yé yohnɔ mɔ yé Liyel yɔ̀ s̄ɛnɔ k̄ɔ kè ne n yuku yahle. A náh kéle ń k̄ɔ yé tyí yɔ̀k̄i ȳinne. ¹¹ Ké tyé-ńsah sɔkɔ ń ȳunpyé, yé t̄ɛ n̄v̄in̄i sɔkɔ, yè mó gbah n t̄ɛ n pɔ wényo-ńsah k̄ɛne ye tyí. Yé s̄óréle n mɔ w̄ɛ sɔkɔ, yè mó ne n sah w̄ɛ tyí yɔ̀. Yé yé minne n pɔ yèvinɔ sɔkɔ, képah sɔkɔ tyínɔnɔ àn̄ɛ yèvinɔ Liyel kɔ me yéle. ¹² Yé wɛk̄i w̄ɛ tyí tyínɔnɔ wɛy pèpɛyne. Yesu yɔ̀ s̄ɛpú pól n wɛk̄i yé tyí. ¹³ Mé kéle n yah n k̄ɔ T̄ɛ ñgb̄ɛ Yesu Krista tyí ne, à yòb̄ɛnɔri pɔ yé tyí, Liyel mó tyínɔnɔ dahbɔ yé sɔkɔ, ñ Mirki mó yé wr̄ɔ kwɔ n mɔ.

Pole sébéy tékínm̄on̄ole Kalati tân tyí

Kalati tân w̄il-̀nsah kwil ȳin ye s̄ò Kolele ñgbòle. Kéne kwil ye pè n ye Frãnsile kwey m̄è s̄ok̄o. Pãh yal n̄énp̄ó, pè kyí t̄ē Asi miner̄i s̄ok̄o, k̄épah n̄ê-á pè ye Tirki yamanale kwey m̄è s̄ok̄o. Pole-á kyí k̄éne kwlo k̄o k̄ó gb̄í n̄êne à Nìvìnì tir yo pé tyí, névye náhnáh f̄ē syi s̄ē Yesu ȳò. K̄épah náh, n̄ósyó kyí pè vi t̄ē. Pè s̄ò me kyí n yo pé tyí ne pãh ȳine pè Nsyifun̄o tyi k̄ònsàhn̄ó w̄àlle n k̄o, àn̄ê pãh ȳine pè pé d̄ín̄p̄ile n k̄o à ȳine s̄ó-á Moyisi tyi k̄ònsàhn̄ó yo k̄éle.

Pole-á k̄éne welo noh s̄ē, à sébéy w̄ark̄i tek̄i m̄o pé tyí à yo pé tyí ne, pè náh t̄ó ȳine pè ye névye pè kyí m̄o pè k̄ó pè Nsyifun̄o tyi k̄ònsàhn̄ó w̄àlle n k̄o k̄áhkáh. Nk̄ē k̄éne tyi k̄ònsàhn̄ó gb̄ò ȳò náh pè p̄i négl̄óle Liyel yah s̄ok̄o dé, Yesu ȳò s̄ēn̄ó gb̄ò ȳò-á pè p̄i négl̄óle Liyel yah.

Pole sébéy tyàh-̀nsah s̄ok̄o, à k̄è yo w̄ēk̄i òk̄ù n̄ê-á Yesu à ye p̄i ñ t̄ēnt̄ò névile, àn̄ê w̄áh ñ Nìvìnì t̄irle à w̄ēk̄i òk̄ù n̄êne. A t̄ó k̄è yo t̄ole ne péw̄o àn̄ê Yesu t̄ēnt̄ò névye t̄éló t̄ó-á p̄o w̄ē w̄e. Pé w̄ē w̄énó s̄ok̄o, pãh k̄è yo pé tyí ne kw̄ónó n̄ê-á pé me n p̄i Nìvìnì tir ȳò, k̄áh me n p̄i k̄é yah ȳò. Yah n te Kalati 1-2.

Pole sȳò Vyãh k̄ónó k̄édyãh w̄ey tyí, à k̄è w̄ēk̄i ne névi n̄ê-à s̄ē Yesu ȳò, t̄ē-á k̄i pwáhn̄m̄on̄o w̄e. Yesu Krista k̄únóle dah̄n̄i ȳò, k̄épah gb̄ò ȳò-á pépi me pé gbl̄óy ȳò, pé náh t̄ó me tyi k̄ònsàhn̄ó ȳor̄i s̄ok̄o. Yah n te Kalati 3-4.

Pole sébéy tyé-̀nsah s̄ok̄o, à ne pépi min p̄i òk̄ù-á ȳine k̄è k̄è w̄ēk̄i ne, pãh me pé gbl̄óy ȳò, ȳor̄i s̄ok̄o náh péle. Pé ye ye Liyel Mirki pé yahle n t̄ē, pé k̄áh t̄ó tyíp̄elle n p̄i. Pé pé minne n p̄i Yesu tyí k̄òle, pé tyí mó n̄o w̄ē tyí.

Pole me k̄éle n w̄ēk̄i ne Yesu t̄ēnt̄ò névi-á péle

¹ N̄m̄o Pole n̄ê-á Yesu t̄ēnt̄ò névile, mé náh p̄i Yesu t̄ēnt̄ò névile névye gb̄ò ȳò, k̄épah náh p̄i ñn̄i ȳó ȳòhn̄im̄on̄o gb̄ò ȳò dé. N̄te Yesu Krista àn̄ê Sú Liyel gb̄ò ȳò ye mé p̄i k̄éle, ñm̄o n̄ê-á Yesu lék̄o yilki m̄o wilki lékyî s̄ok̄o. ² N̄m̄o àn̄ê ñ ȳún̄pyé n̄ónó p̄ól-á me ás̄ò, ápi ye n tek̄i n m̄o sébéy m̄ène Kalati mara Yesu ȳò s̄ēp̄ú t̄ín̄k̄ínó tyí. ³ Á k̄éle n yah n k̄ó Sú Liyel àn̄ê T̄ē ñgb̄ē Yesu Krista tyí ne pè ȳòb̄èn̄or̄i p̄i yé

tyí, pè mó yèvinune yé kǒ. ⁴ Krista ye ò gblǒy kǒ pè à ko mo ápi tyípèl yinne, ne pé á wilki kèkǒyǒ mè pèkè sǒko à yĩne Liyel-á me ké tyí sǒ, òmo nê-á á Súle. ⁵ Gbílkinó ne n sah òmo yǒ gbímegbí. Amiina!

Kalati tãn náh vìnóle Nìvìnì tir kǒ

⁶ Liyel nê-á ye yéle Yesu Krista pèpǒrì gbǒ yǒ, yáh yé náh vi òmo kǒ súú té tir káhkí yó sǒ tǔ, nê-á mìnnyobe ne képah-á Nìvìnì tirlé, képah pí gbèndùnìne òmo tyí. ⁷ Té kè náh me á kǐ ne Nìvìnì tir káhkí yó sǒ me dé, ǒǒ, òte nǒsyó ó ye me, nónó-á me fǔkìnóle n dahbí yé wró sǒko, me n yah n kǒ ne pé Krista Nìvìnì tir vi mo. ⁸ Nte ònì yó, képah náh pí ápi òtǔ, képah náh pí yĩnyǒ tǒnpì yó fyé-à pǒ Nìvìnì tir káhkí yó yo yé tyí, nê-á kè náh me núkúle ápi-á nê yo yé tyí, tǔ tyí kǐ yǐkǐ. ⁹ Á kè yo sǒko tǔ, té mé kǐ tǒ ò syi kè tǒ yo núkúnúkú ne, ònì yó-à Nìvìnì tir káhkí yó yo yé tyí, nê-á kè náh me núkúle yáh nê fǔ syi sǒko tǔ, tǔ tyí kǐ yǐkǐ. ¹⁰ Nte núkúnúkú, òmo náh me n yah n kǒ ne névyé òne n sǒ dé, mé me ké tyí ne Liyel òne n sǒ. Névyé dyǒ yǐ tǔ náh òmo n yah n kǒ pí-òsahle. Képah-à nê sǒ mé n yah n kǒ, mé náh náhkǐ n me n pí Krista tǒnpìle.

Pole-á pí Yesu tǔntǒ névile dùkú nêne

¹¹ N yúnpyé, mé kéle n yo n dal n mo yé tyí ne, Nìvìnì tir nê-á mé yo yé tyí, kè náh wil névyé tyí dé. ¹² Névi náh yo ò syah kéle, ònì yó òtǔ náh mó tǒ kwǒ òne kéle. Nte Yesu Krista ye ò wǔkǐ kéle.

¹³ Òmo-á sǒ me Nsyifunǒ Liyel nínó wǔkǐle n ko gbí nêne, máh sǒ me n pí dùkú nêne, yé ké tyí yónó noh. Mé sǒ me Yesu yǒ sǔpú tǔnkǐle n kah n fǒh, fǒó me n yah n kǒ pé duku tó-òsahle. ¹⁴ Mé sǒ me á kǒ Nsyifunǒ náhnáh yah tǔne ápi Nsyifunǒ Liyel nínó wǔkǐ kóló sǒko. Mé sǒ me gbah tǔ kal péle kéne wǔkǐ kóló sǒko, képah nê-á á súbí wǔdyàhle. ¹⁵ Nte Liyel ye òmo yah tǒko ò dúbí-òkǔ gbí dùkúle, té ò ye ò tǒ pí yinne ò pèpǒrì gbǒ yǒ. ¹⁶ Té wǔh pǒ kè yah tǒko à ò Pídìne ò wǔkǐ, té ne mé ò tyíle n yo n kǒ névyé tyí nónó náh pí Nsyifunǒle, kǔh pí sǔ, mé náh kyi vǔnmǒno yah kǒ ònì yó òtǔ tyí. ¹⁷ Mé náh mó tǒ dǒko yuku Yerusalemǐ sǒko à kyi wil Yesu tǔntǒ névyé tyí nónó-á tǒ tyah òmo yah dé. Mé yǒ sǒko Arabi yamana ògbò sǒko. Képah náh, mé ò syi pǒ Damastǐ kwil sǒko. ¹⁸ Té ye tǒnó sǒkǒnteno náh, mé kyi Yerusalemǐ sǒko, á kyi wǔ we pí ànê Pyerile, té tǔ òne wǔ tyí

à sèpìn gbõnkwóló pí. ¹⁹ Nte à wil ñmò ànê Tě ñgbě gběndí Nsyakı tyí sòkò, mé náh tǒ Yesu tǐntǒ névi yó ńtě wε. ²⁰ Tyi nónó pól-á mé n wārki n tεki n mǒ yé tyí yò, Liyel ye ñmò tārɔyòle ne mìnì náh mé n yo. ²¹ Képah náh, mé me sòkò Siri yamana ànê Silisi mara sòkò. ²² Nte Nsyude mara Yesu yǒ sǐpú tǐnkínó náh sǒ me ñne n pne yí yah. ²³ Pè sǒ noh óle ne, névi nê-á sǒ n fǒh péle ñgbòle, wǎh me ñ syi Krista yǒ sǐnó tyíle n yo, képah nê tyí-á lésǒ à n yah n kǒ yíkí-ńsahle. ²⁴ Képah sòkò, pè sǒ me Liyelle n gbilki ñmò tyí sòkò.

2

Yesu tǐntǒ névyε wě wénóle Yerusalemı kwil sòkò

¹ Képah náh, ye gbõnyǎh sókóntεnǒ sòkò, mé tǒ yuku Yerusalemı kwil sòkò ànê Barnabasıle. Mé Tite tǒ tǐ dohnı ñ gblǒy yǒ à sòkò. ² Liyel ye wǐki ñne tir yóle ñ kǒ mé dǒkò yuku Yerusalemı sòkò. Té mǎh tǒ nê pí sòkò te, ànê mǎh me nê pínó sòkò, mé náh sǒ me ké tyí ne sè pí yòkǎnne. Képah yǐnne, mǎh yǐni tǐ, mé kyı wil Yesu yǒ sǐpú yah tǎm tyí pé yahle, té mǎh Nìvìnì tir yo dükù nēne névyε tyí nónó náh pí Nsyifunǒle, mé ké yah yo pépi tyí. ³ Nte ñmò kó-ò Tite nê ńtǐ-á Nsyifu náh ñne, pè náh à kyı mǒ à kǒ à kǒkè kǒ. ⁴ A yǐnpyé nétúkúnì yısyó sǒ me ké tyí ne Tite kǒkè kǒ. Pépi ye sǒ pǒ de fǐki á wró sòkò, Yesu Krista-á pǒ á wε wilki tyi kǒnsǎhnó yǒrı nê sòkò, képah ségbłó ye pè pǒ yáh-ńsah té me ké tyí ne pé á tǒ dahbı kéne yǒrı sòkò. ⁵ Nte ápi sǒ me ké tyí ne Nìvìnì tir nê-á gbule, kè tǐ ké dükùle yépi yǐnne. Képah ye, á náh kè fǐ syi pé tyí. A náh sah pé tyí yǒ kwéy ńtǐne. ⁶ Nte nónó-á no me n yah yah tǎmne, yǐn-ńsah nê-á sǒ me pé tyí, képah náh me tir yóle ñmò tyí. Liyel náh ñnì yó ńtǐne n tǒkò fǒnfǒne n pí ñ ní-òle dǒ. Kéne névyε nǒpi ńtǐ tǒ náh mó tir yó wε yo dohnı ñ Nìvìnì tir yónó yǒ. ⁷ Nte pè pyé kè wε pǐ ńtǐne ne, Liyel-á kè dahbı ñmò gbǒ ne mé Nìvìnì tirlε n yo névyε tyí nónó náh pí Nsyifunǒle, sǒ-á à kè dahbı Pyerı gbǒ ne à kéle n yo Nsyifunǒ tyí. ⁸ Yé náh wε di, Liyel nê-á pí Pyerıle tǐntǒ névile Nsyifunǒ tyí, ñmò ó ye pí ñmò tǒle tǐntǒ névile névyε tyí nónó náh pí Nsyifunǒle. ⁹ Képah sòkò, Nsyakı ànê Pyerı ànê Nsyǒpi nónó-á yah tǎmne Yesu yǒ sǐpú tǐnkı sòkò, pépi me kè pǐ ne Liyel-á pí ñ tyí yǒbènrıle à ñ dah mǒ tǒ mè pínó sòkò. Kǎh pí sǐ, pè me yuku pǒ gbǎn dahbı wǐki ñmò

ànê Barnabası tyı, à kè wěki ne á pól-á pi tò núkú pípúle péle. Képah tẽne, á me yo sah núkú yõ péle ne, ápi-á ki á yah mo névye ònó náh pi Nsyifunole, té pépi ki mó pé yah mo Nsyifunò ònne. ¹⁰ Té pè kè yah kò á tyı wole ne, á á dyo sah ne n kwne pépi Yesu yõ sěpú ònkı yãm tãn tyıle Yerusalemı sokò. Pãh kè yo sò, képah ye mé me n pi ní nu pólle.

Pole me lékàhle Pyerile n kò Antyosyı kwil sokò

¹¹ Képah náh, Pyerı-á pò pò Antyosyı kwil sokò gbı nêne, à pí-ńkê tyi pi. Kãh pi sě, mé lékàhle à kò no pól yı yah. ¹² Yé náh we di, gbı nê-á lésò Nsyakı tẽntò névye náh tònı me pò Antyosyı sokò, Pyerı sò me n yõ wě tyı ànê á yúnpyé Yesu yõ sěpúle, nónó náh pi Nsyifunole. Té no nópi-á fyò pò yini tẽ, à núkú òn gbe á yúnpyé Yesu yõ sěpú nópile, nónó náh pi Nsyifunole. Á náh tò me n yõ péle wě tyı Nsyifunò yah tíki tẽ tyı.* ¹³ Nsyifunò téló tò mó kò òn náh pí-ńkê tyi nópi pínó sokò, fók pè Barnabası nítè tò yõ yıki mo ké sokò. ¹⁴ Nte Nivini tir nê-á gbıle, máh fyò pò kè we ne pè náh me n kò képah wěki yõ, mé núkú yo Pyerı tyı no pól yı yah sokò ne ńkê: «Áwò nê-á Nsyifule, wáh pò ásò sokò, á á náh vi Nsyifunò tyi kònsàhnó wál kò, té n kò á yúnpyé Yesu yõ sěpú tyı kòle nónó náh pi Nsyifunole. Té yõ nê yõ me, á ki pò pépi wole n kyı n mo n mo Nsyifunò tyi kònsàhnó wál kóló sokò núkúnúkú wé?»

¹⁵ Gbı tẽ wò ye Nsyifunò ye ápile á wıl-nsah sokò, nékàhbı náh ále pépi nónó-á pè n ne n ye Moyisi tyi kònsàhnó dèl pípúle. ¹⁶ Nte á pól pı ne Moyisi tyi kònsàhnó wál kóló náh fě névi yó nítè pi négbıle Liyel yah sokò, fók névi nê ó-à sě Yesu Krista yõ. Ápi tò me ké tyı ne á pi néglóle Liyel yah sokò Yesu Krista yõ sěno gbò yõ, té kè káh pi ne Moyisi tyi kònsàhnó wál kóló pèpey gbò yõ sò. Nnı yó nítè náh se fě n pi n pi négbıle Liyel yah sokò, képah gbò yõ té. Nte á pól pı ne Moyisi tyi kònsàhnó wál kóló náh fě névi yó nítè pi tómm Liyel yah sokò, fók névi nê ó-à sě Yesu Krista yõ. Ápi tò me ké tyı ne á pi tómm Liyel yah sokò Yesu Krista yõ sěno gbò yõ, té kè káh pi ne Moyisi tyi kònsàhnó wál kóló pèpey gbò yõ sò. Nnı yó nítè náh se fě n pi n pi tómm Liyel yah sokò,

* **2:12** 2.12 - Nsyifunò yah tíki pínó nê tyı-á n yo ásò yò, Nsyifunò pól náh pè n ye dé. Pé nónó-á sě Yesu yõ, té mó tò me ké tyı ne Nsyifunò tyi kònsàhnó wál ne n kò káhkáh, pépi ye pè n ye.

képah gbò yò té. ¹⁷ Nte áyáh n yah n kò pí-ńsahle tómm Liyel yah sɔkɔ á wró kwrónmɔnɔ gbò yò Kristale, té kè kè wēkɪ ne Moyisi tyi kònsàhnó dèl pí-pú-á ápi tɔle, képah se yò n wēkɪ ne Krista-á á mɔ tyípékè pínó sɔkɔ? Pólle! ¹⁸ Nmɔ-à nítyínɔ ní náh vi Moyisi tyi kònsàhnó wàl kò, té tɔ pɔ ní syi pɔ séle n kɔ à, mé náh ní gblɔy wēkɪ sé dèl pí-òle di? ¹⁹ Moyisi tyi kònsàhnó wàl kóló tyí ònne, ní mɔ me ne kókè sɔ́ nne. Moyisi tyi kònsàhnó ní tē ye pɪ képahle ní kò mé ní minne n we n pɪ Liyel tyí yò. Nmɔ ànê Kristale, á tɔó ye syi dahni yò wē tyí. ²⁰ Mé sɛnsɔ́ me min sɔkɔ ó, nte ní mɔ náh n tē ní gblɔy yahle dé, Krista ye n tē ní yahle. Máh min sɔkɔ wil gběnsèle ní tyí núkúnúkú yò, mé me ní min pólle n pɪ Liyel Pídí Krista yò sɛnó sɔkɔ, ní tyí-á nɔ òmɔ nê tyí, fók à fē syi pè à ko mɔ ní mɔ yinne. ²¹ Yé náh we di, káh sò me pɪ ne névi-á kɪ fē pɪ négbíle Liyel yah Moyisi tyi kònsàhnó wàl kóló gbò yò, yò se nàhkɪ sò me Krista kúnó tyí? Nmɔ náh Liyel pèpɔrɪ yahle n pi dé!

3

Pole-á Kalati mara tãn yah yo òkù nêne

¹ Kalati mara tãn, yé lékám tekɪ kah mɔ; nê yɪkɪ yé yòle? Té Yesu Krista dahni yò kúnó tyí mó tɔ yo wah yé wēkɪ palle. ² Nê ó-á mé me ké tyí ne mé piki yah yé tyí képah ye yò. Tyi kònsàhnó wàl kóló gbò yò se yé we Liyel Mirkile? Jú dé, Nìvìnì tir yò sɛnó gbò yò ye yé we kéle. ³ Yé lékám tékínó se yini tē nɛnpó tyí? Yáh nê tyah Liyel Mirki táhkìle, yé se me n sò ne yáh kɪ fē kè syi yé yěngbē táhkìle? ⁴ Nte à, tyi nónó pól sɔkɔ-á yé de wil sɔkɔ, sè se pɪ yò kēne? Sè náh fē n pɪ n pi yò kēne dé. ⁵ Liyel nê-á yé kò ò Mirkile, té me gbìl tyile n pɪ yé wró sɔkɔ, yé tyi kònsàhnó wàl kóló yin se à n pɪ kéle? Jú dé, Nìvìnì tir yò sɛnó yin ye.

⁶ Kè me yónóle Liyel wey sɛbéy sɔkɔ ne níkē: «Abrahmɪ tē wɔ sē Liyel yò, képah yinne à pɪ négbíle Liyel yah sɔkɔ.»* ⁷ Yé yine yé kè pɪ ne níkē, Yesu yò sɛpú-á Abrahmɪ náh tãnne. ⁸ Liyel kè yo Abrahmɪ tyí ne: «Mé kɪ syò áwɔ tyí kɪ sãm mɔ yikini pól sɔkɔ.»† Képah ye, kè lesò me wárkínsàhnóle Liyel wey sɛbéy sɔkɔ ne, névye nónó náh pɪ Nsyifunɔle, Liyel-á kɪ pè pɪ tómm Liyel yò sɛnó gbò yò. ⁹ Sɔ́-á Abrahmɪ sē Liyel yò té à me sãm mɔ ò sɔkɔ, sē ye névi nê tɔ-à sē Yesu yò, Liyel kɪ sãm mɔ tē sɔkɔ òmɔ tyí kòle.

* 3:6 3.6 - Yah n te Yenest 15.6. † 3:8 3.8 - Yah n te Yenest 12.3.

10 Kè me wárkínsàhnóle Liyel wey sébéy soko ne, névi nê-á tyi kònsàhnó tyíyónó pól wàlle n kó-ńkêne, pèkè-á me tẽ yõ.‡ Képah ye, nónó pól gbò sàhnó-á me tyi kònsàhnó wàl kóló ó yõ, pèkè me pé yõ. 11 Kè me wárkínsàhnóle Liyel wey sébéy soko ne ńkê: «Liyel yõ sěno gbò yõ ye tómm kɩ min yèsyìkì we.»§ Képah ye, kè me píkínóle ne nnî yó ńtẽ náh fẽ n pɩ n pi tómm Liyel yah soko tyi kònsàhnó gbò yõ. 12 Nte tyi kònsàhnó wàl kóló náh me núkúle Yesu yõ sěnole dò. Kè me wárkínsàhnóle Liyel wey sébéy soko ne, névi nê-à tyi kònsàhnó wàlle n kɔ, sépi gbò yõ-á tẽ kɩ me min soko.* 13 Krista ye ápi yõ dwe wilki tyi kònsàhnó pèkè gbò, wãh sɔnpí fẽ syi pèkè twah ñ yõ ápi yinne. Kè me wárkínsàhnóle Liyel wey sébéy soko ne, pàh névi nê gbel séswo tyí, pèkè-á me tẽ yõ.† 14 Sě ye kè pɩ té sãm nê-á mɔ Abrahami soko, Yesu Krista gbò yõ, kè yini tẽ névyé tyí nónó náh pɩ Nsyifunole. Té Krista yõ sěno soko ye ápi Liyel Mirki we, Liyel-á ñ vyãh kɔ nê tyí soko.

Moyisi tyi kònsàhnó náh fẽ n pɔ Liyel vyãh kɔno vi n mɔ n pi

15 N yúnpyé, mé kɩ wey mè yo kɩ yĩne névyé pɩ dùkúle. Sɔ-á névi-à ñ foko wekɩ ñ kú-ńkê soko, tyi nónó-á ńkêne tẽ n yo, nnî yó ńtẽ náh sé dùkúle n ko n pne, képah náh pɩ kɩ fẽ kwãh dohnɩ sé yõ. 16 Jhɔ, sě ye Liyel vyãh kɔno tɔle Abrahami ànê ñ náh ney tyí. Kè náh yo ne Liyel-á ñ vyãhle Abrahami ànê ñ náh tãn kɔ, á kɩ ne ñ náh tãn sɔ me dò dé. Kè yo ne, ñ náh ney-á. Képah n wẽkɩ ne nénúkù tyí-á n yo, nê-á pɩ Kristale. 17 Yé yah, nê-á sò mé me ké tyí ne mé yo kè we yò. Liyel-á sò ñ vyãh kɔ sah tir nê tyí soko, ye kyeyéh yõgbãm sókónteno náh, Moyisi tyi kònsàhnó náh fẽ n pɔ képah ko kè kɔ kè n pɩ n pi yõ kẽne dò. 18 Yé náh we di, Liyel-á ñ vyãh kɔ pèpɔri nê tyí soko, képah-à me n we n pne Moyisi tyi kònsàhnó wàl kóló gbò yõ, vyãh kɔno gbò yõ náh mó tɔ kè n we dò. Nte Liyel vyãh kɔno gbò yõ ye à pèpɔri pɩ Abrahami tyí.

19 Nte tir nê yin me Liyel tyi kònsàhnóle á kɔ? A sò képahle á kɔ dohnɩ, nê-á kɩ sò ñ dél tyile ále n wẽkɩ, pópó kɩ pɔ no Abrahami náh ney dúbínó tyí, Liyel-á lésɔ ñ vyãh kɔ nê

‡ 3:10 3.10 - Yah n te Tɔnyono 27.26. § 3:11 3.11 - Yah n te Yabakuki 2.4.

* 3:12 3.12 - Yah n te Levitiki 18.5. † 3:13 3.13 - Yah n te Tɔnyono 21.23.

tyí sɔkɔ. Yinyõ tɔnpɔbɩ ye sò syõ wey syinyo-ò‡ tyí, à tyi kònsàhnó mènɛ névyɛ kɔ. ²⁰ Té kàh nénúkù ólɛ, á se kɩ fɛ nɛ nɛy pɔ de yo ñ wró sɔkɔ? Ntɛ Liyellɛ, núkú ó ye ñnɛ dò.

²¹ Képah se n wɛkɩ nɛ Moyisi tyi kònsàhnó-á mɛ Liyel vyãh kɔnóɛ n fwo? Pólle! Kàh sò mɛ pɩ nɛ tir kònsàhnó yó sò névyɛ kɔ, nê-á kɩ sò fɛ pé min pwah mɔ, névyɛ náhkɩ sò fɛ pɩ tómm Liyel yah sɔkɔ kéné tir kònsàhnó gbò yõ sɔkɔ dò.

²² Ntɛ Liyel wey nɛ níkɛ, kèkõyó névyɛ pól-á mɛ tyípékè mɔ sɔkɔ. Kàh pɩ sɛ, Liyel-á ñ vyãh kɔ tir nê tyí sɔkɔ, à kɩ kélɛ Yesu yõ sɛpú kɔ pé sɛnó gbò yõ Yesu Krista yõ.

²³ Krista yõ sɛnó gbí-á pópó n sɛ, á lésõ mɛ Moyisi tyi kònsàhnó ñgbò gbò sò sɔkɔ à légbíɛ n syɩkɩ. ²⁴ Kàh pɩ sɛ, Moyisi tyi kònsàhnó ye lésõ n wɛkɩ áɛ wɛkɩ pèpɛyɛ, pópó à pɔ yĩni tɛ Krista pónó tyí, á kɔ á wɛ pɩ tómm Liyel yah Krista yõ sɛnó gbò yõ. ²⁵ Ntɛ Krista yõ sɛnó gbí-á fyò sɛ tɛ, tyi kònsàhnó vyãh de á yah tɛnó tyí sɔkɔ. ²⁶ Núkúnúkú, Yesu Krista yõ sɛnó gbò yõ, yépi pól pɩ Liyel wɛnpìlɛ. ²⁷ Yépi nónó pól-á wel wilki ni sɔkɔ, yé pɩ núkúɛ Kristalɛ. Krista pɩ dükù ye yé sɔkɔ tótó. ²⁸ Képah ye, kè se Nsyifu ò, kè se névi nê náh pɩ Nsyifule ò, kè se yõ ò, kè se névi nê náh pɩ yõlɛ ò, kè se dí ò, kè se sê ò, núkú ye yé pólɛ yé wró kwrónmɔnɔ gbò yõ Kristalɛ. ²⁹ Té yáh fyò pɩ Krista tyíɛ, Abrahmɩ náh tãn ye yéle nónó-á kɩ pèpɔrɩ wɛ n pi, à yĩnɛ Liyel-á ñ vyãhlɛ Abrahmɩ kɔ sɔ.

4

¹ Máh mɛ nêɛ n sɔ, kè wɛ yò: Gbɛnyõ-à mɛ wɛnpirlɛ gbí nêɛ, à n nɛ mɛ núkúɛ yõlɛ ñ tahrɩ nɛtɛ fyé yah yõ. ² Kàh pɩ sɛ, ñ tɛnsàhpu ànê ñ tyi yah wàhpu n nɛ n yah n dah n mɔ ñ tyí sɔkɔ, pópó ñ pɔ n nɔ ñ yah syíkínó gbí tyí, ñ sú-á nê yah tɔkɔ sah. ³ Sɛ ye, gbí nê-á ápi to lésõ mɛ wɛnpì sɔ, á lésõ mɛ kò kèkõyó tyi náh, té mɛ pɩ tɛ yõbɩɛ sé tyí. ⁴ Ntɛ gbí nê-á sò Liyel syɩkɩ tɛ, légbí-á pɔ nɔ, à ñ Pídí tɛkɩ mɔ kèkõyó. Pídí mɛ pɔ dubi sê yó tyí, té sò mɛ Nsyifunɔ tyi kònsàhnó wàllɛ n kɔ, ⁵ névyɛ yõ wɛ n dwe n wilki yĩnɛ Nsyifunɔ tyi kònsàhnó wàll kóló yõrɩ sɔkɔ, ànê á pól wɛ n pɩ yĩnɛ Liyel wɛnpìlɛ. ⁶ Ntɛ ñ wɛnpì ye rityínɔ yéle kè. Yé náh wɛ à ñ Pídí Mirki dah mɔ á pól nɔ sɔkɔ, nê-á níkɛɛ á kɔ à n nɛ n

‡ 3:19 3.19 - Wey syinyo-ò nê tyí-á n yo ásò sɔkɔ yò, Moyisi ye.

yo yĩnpõ ñgbẽne ne: <Bõ, ñmo Sú!>* 7 Kãh pĩ sě, yõbĩ nãh tõ ále; Liyel pye ye ále. Té áyãh pĩ ñ pyele sě, kápah ye ápi to kĩ pèpõri we ñmo tyí.

Pole yáh-ńsah tyénóle Kalati tân tyíle

⁸ Ngbòle, gbí nê-á yé nãh lésõ me Liyelle n pne, yé lésõ me yõrile n pĩ yĩ yísyó tyí sé gbilkínó sokõ, té Liyel nãh se mó tõ séle sé wĩl-ńsah. ⁹ Nte núkúnúkú, yé Liyel pĩ. Té mé kĩ tõ fě yo ne Liyel-á n pne yépile ñkě. Yé se tõ yĩne yè yé syĩ n tõ n de kéné yõri sokõ, yè kéné yõ kě yĩle n gbilki sépi nónó-á sohki kěne? ¹⁰ Yé me sèpĩn, ànê ñwóló, ànê tyi tókù pĩ gbí, ànê ye wõ tókùle n mo n kõ. ¹¹ E! Yé tyí me ñmo yáh-ńsah tye dé. Mãh yèvyãhri tõ nê pĩ yépi yĩnne, kè nãh n pĩ n pi nònóle lé?

¹² Nmo ní gblõy pĩ yépi tyí kõle. Kápah ye ní yũnpyé, mé yéle n ni ne, yépi to yé gblõy pĩ ñmo tyí kõle. Yé nãh pĩ de yah ní tyí dò. ¹³ Yépi ñtě pĩ ne, Nìvìnì tir yónó gbenne yé tyí, yam gbõ yõ-á mé we yo kéle yé tyí. ¹⁴ Té ní wil gběnsê yam mè yãhnó nãh sò me no. Té kápah fyé yõ, yé nãh fě syi ní yilo, yé nãh ní sohlĩ. Nte yé pyě ní tõ sah tẽ Liyel yĩnyõ tõnpi yó sõ ñne; á kĩ ne Yesu Krista ñtě sõ ñne. ¹⁵ Nìvìnì lésõ me yĩ yé sokõ légbĩne. Té nyãh me yé mo kéné nìvìnìne núkúnúkú wé? Mé kéle n yo kègbĩ yõ ne, kãh sò me fě n pĩ n pi, yáh nãhki sò me yé yĩ gbahlĩ wilki ní kõ. ¹⁶ Nte núkúnúkú, ní gbĩ yónó yĩnne yé tyí, mé kĩ pĩ yé sèpele lé?

¹⁷ Nósýó me gbah tẽ ne pãh me yé sò tẽ, ñte yé tyí sõno pèplo nãh me pé sokõ dé. Pè me ké tyí ne pé ñmo ànê yépi wró gbekĩ, yépi mó gbah tẽ pépi sò tẽ. ¹⁸ Yãh gbah tẽ tyípéplo sò tẽ gbĩmegbĩ, tyípépěy ye kéle. Té kè nãh yĩne kè ne n pĩ yãh ñmo we gbí nê óle dé. ¹⁹ N wěnpĩ, mé tõ me n kwlo yé tyí sokõ kúrntěsè sõ, pópó kĩ põ no gbí nê-á yé pĩ dükù kĩ vi mo pĩ Krista tyí kõle. ²⁰ Nte ní yáh-ńsah me tye yé tyíle. Kápah ye, mé sõ nãhki ñ gblõy we yé wró sokõ núkúnúkú ñtěne, mè tyi nópi we n yo yé tyí dükù yóle.

Gblõy yõ ménó se fõnfó, tĩ, yõri se fõnfó?

²¹ Yépi nónó-á me n yah n kõ tõnkõ-ńsahle Moyisi tyi kònsãhnó nãh, yé se kĩ fě yo ñmo tyí ne kãh tyi nónó yo, yé nãh sè we noh? ²² Kè me wãrkínsãhnóle Liyel wey sébéy sokõ ne, wěnpĩ nēpĩ nímí-á lésõ me Abrahamu tyí. Núkùle, yõ

* 4:6 4.6 - Bõ, ñmo Sú nê-á Liyel Mirki á kõ á n yo ásõ sokõ yò, á dyo ye kè n to n kõ ne Liyel-á á Súle.

pi Akar pídí-á, ní-ò me Sara pídíne, nê-á yǎ náh ñne.† 23 Piri nê-á pɔ dubi yǎ pi Akar tyí, ñmɔ dubi à yĩne névi yǎhshyí yáhntokɔnɔle. Nte piri nê-á pɔ dubi Sara wɔ tyí, ñmɔ dubi à yĩne Liyel-á sò ñ vyãh kǎ sǎ. 24 Tyi nópile yò kè; tir yó ye sè ále n wěki. Syó nópi tyi me yégbékè kwrónmɔnɔ duke nínóle ále n wěki. Akar ye yégbékè kwrónmɔnɔ gbenne, nê-á we Syinayi yǎli yǎ. Yǎbi ye ñmɔ me n dubi n mɔ. 25 Nmɔ ye Syinayi yǎlile, nê-á me Arabi yamana sɔkɔ. A kɪ fě à tɔkɔ sãh Yerusalemi kwille kwey mè sɔkɔ. Yé náh we di, Yerusalemi kwil tɔ me yǎri sɔkɔ ànê ké névyele. 26 Nte Yerusalemi nê-á me yĩnyǎ, képah náh me yǎri sɔkɔ. Képah ye ápi yúne. 27 Yé yah, kè me wárkínsàhnóle Liyel wey sébéy sɔkɔ ne ríkě:

«Ne n me nìvìnì sɔkɔ píkánsè, áwɔ nê-á á náh sò me pile n we.
Ne n syɔ n wilki n mɔ nìvìnì tǎ tyí, áwɔ nê-á á náh pi dúbínó yónó pĩ.

Yé náh we di, sê yáhlensàhnó pye kɪ dò kal pètě tyíle.»‡

28 Nte yépi wɔle, ní yúnpyé, yé dubi à yĩne Liyel vyãh kǎnóle, sǎ-á Yisakile. 29 Piri nê-á lésǎ dubi à yĩne névi yǎhshyí yáhntokɔnɔle, ñmɔ lésǎ me ñ ní-òle n fǎh, nê-á dubi Liyel Mirki gbǎ yǎ. Té sǎ ó ye kéle kwey mè tɔ sɔkɔ. 30 Nte sǎ me Liyel wey sébéy yo wé? Kè ne ríkě: «Yǎ pi pídí náh yĩne gběki yónóle wě tyí pídí yóle, nê yú náh me yǎle. Képah ye, yǎ pi yĩni ànê ñ pídí tɔle.»§ 31 Kãh pɪ sǎ, ní yúnpyé, yǎ pi pye náh ápile dé. Sê nê pye-á ápile, yǎ náh ñne.

5

Yé se kɪ yé syi de yǎri sɔkɔ rítǎ?

1 Krista me ké tyí ne á ne n me á gblǎy yǎ sɔkɔ, képah ye à kǎ à á wilki yǎri sɔkɔ. Té yé yé tah n sah, yé káh n tǎ yé syi n de yǎri sɔkɔ.

2 Nmɔ Polele, yé noh ní tyí yò: Yáh kɪ kǎkè kǎ, Krista náh tir yó pekɪ n pi yé tyí.* 3 Mé kéle n yo yé tyí rítǎ ne, névi nê tǎ-à kɪ fyò kǎkè kǎ, wãh kɪ Moyisi tyi kǎnsàhnó pól wãlle n kɔ káhkáh. 4 Yépi nónó-á me n yah n kǎ ne yé pɪ négbólóle Liyel yah Moyisi tyi kǎnsàhnó wãl kóló gbǎ yǎ, yé gblǎy ye

† 4:22 4.22 - Yah n te Yenesɪ 16 ; 17 ; 21. ‡ 4:27 4.27 - Yah n te Yesayi 54.1.

§ 4:30 4.30 - Yah n te Yenesɪ 21.10. * 5:2 5.2 - Kǎkè kǎnó nê tyí-á Pole n yo áśò sɔkɔ yò, kè náh me á kɪ ne à sǎ ne kǎkè káh ne n kǎ dé. A ne névi nê-à ñ sǎnɔ sah kǎkè kǎnó yǎ ne képah-á kɪ pé pɪ négbule Liyel yah, Krista náh tir yó pekɪ n pi tǎ tyí.

yé gbe Krista nãh. Yé vyãh nãh tã me Liyel pèpòrɪ tyí sɔkɔ. ⁵ Api tẽ wɔle, á me ké tyí ne á pɪ nɛ́gblóle Liyel yah sɔkɔ ñ yõ sɛ́nó gbò yõ. Képah sɔ́nɔ ye Liyel Mirki dahbɪ ápi sɔkɔ, té á me kéle n deki náhnãh. ⁶ Yé nãh we di, névi nê wró tẽ-à fyò me kwrónmɔnɔle Kristale, tẽ kòkè kò ò, tẽ nãh kòkè kò ò, tir yó nãh képahle. Nê-á ké yõle, Liyel yõ sɛ́nó yĩne kè ne n wɛ́kɪ tyi pɪ òkù sɔkɔ, tyínɔnɔ sɔkɔ.

⁷ Yé lésò me n yuku yahle palle. Nte nê tẽ ó pɔ kò yé yahle yé kò yé gbɪ wɛ́kɪ fin mɔ wé? ⁸ Liyel nê-á yé ye pɪ ñ tyíle, ñmɔ tẽ wɔ nãh se yɪkɪ yé yõle té. ⁹ Pè nãh ne kókónó kwéy ó-á n dɔkɔ mífáhkɪ pólle di? ¹⁰ Té sépinɔ pól sɔkɔ, ñmɔ gbò sàhnó me yé yõ Tẽ ñgbɛ gbò yõ ne, yé nãh n fɛ n syi káhkí vi n pi. Nte névi nê-á n yɪkɪ yé yõle, tẽ-à ké se me nédúkú nêne, fóhnó kɪ n sah n pi tẽ yõ. ¹¹ Nmɔ tẽ wɔle ní yúnpyé, kàh sò me pɪ ne kòkè kò́nó tyí sɔ́ tã mé me gbah tẽ n yo ne kè ne n pɪ, yõ se nãhkɪ me ké tyí pè ñne ne n fõh ñtõ? Kègbɪ yõ, képah tyí-à tã sò ne mé me gbah tẽ sɛ, Krista dahbɪ yõ syínó se nãhkɪ me yõ yíkinóle ñnî yó ñtɛ tyí ñtõ? ¹² Nónó-á n dahbɪ fɛ́kinóle yé wró, pè káh yĩn kòkè kò́nó ó tyí dé, pè pé tyínó kòli n to pnɛ́pné ñtɛne kè.

¹³ N yúnpyé, gblɔy yõ we n tẽ yĩn ye Liyel ye yéle. Nte yé káh núkú sah képah yõ, yè mó yé dyo dyo tyile n pɪ dé. Yé wɛ́ne ne n yohnɪ n mɔ tyínɔnɔ sɔkɔ. ¹⁴ Yé nãh we di, Moyisi tyi kònsàhnó tyi pól ye tir kònsàhnó núkú mè tuke mɔ yo ke núkúle ne ñkɛ: «Á ní-ò tyí yĩne kè nɔ á tyí á gblɔy tyí kòle.»† ¹⁵ Nte yáh wɛ́ne n nwáhkɪ, té wɛ́ne n kɔ sɛ à; yáh kɪ yé gblɔy tẽ-ñkɛne, yé kɪ pɔ wɛ́ tyí yɪkɪ.

¹⁶ Yé noh ní tyí yò: Yé ye Liyel Mirki yé yahle n tẽ. Képah sɔkɔ, yé nãh tã yé gblɔy dyo yĩ tyi pɪ n pi. ¹⁷ Yé nãh we di, névi gblɔy dyo yĩ tyile, Liyel Mirki dɛl tyi ye sépile. Liyel Mirki tɔ dyo yĩ tyi-á mó tyi nónóne, névi dyo yĩ tyi nãh sépile. Té sépi tẽ-á pɪ wɛ́ sépébúle sɛ, képah ye yé kò yé nãh yé gblɔy dyo yĩ tyile n pɪ n pne. ¹⁸ Nte Liyel Mirki-à kɪ fyò yé yahle n tẽ, tyi kònsàhnó vyãh kɪ de yé tyí sɔkɔ.

¹⁹ Nte á gblɔy dyo yĩ tyi-á tyi nónóne, á pól séle n pne. Sè we yò: fɔ́fíkɪ pínóle, pɔ́pɔ́ pínóle, ànê pròprò pínóle, ²⁰ ànê sãh fálnóle, ànê kló pínóle, ànê népékè pínóle, ànê mékɪ pínóle, ànê yúnwõrí pínóle, ànê fɔkɔ vyáhnóle, ànê wɛ́ fwónóle, ànê gbékínóle, ànê gbékínóle ùntinne, ²¹ ànê

† 5:14 5.14 - Yah n te Levitiki 19.18, ànê Markɪ 12.31, ànê Likyi 10.27.

yíwilkìle, ànê sètēnì pínóle, ànê yèwò pínóle, ànê sé sēnkno dukelē. Mé ké gbáhdyâhle n di yé tyí, máh sò kè di sah sòko yé tyí ñgbò dùkùle sò ne, névye nónó pól-á n pi sētēne, pé sòko yó ntē náh n de n pi Liyel tǒrì sòko. ²² Nte tyi nónó-á n pi Liyel Mirki yah tēnó sòko, sè we yò: Tyínonole, ànê nìvìnìne, ànê yèvinìne, ànê sómnole, ànê pèpòri pínóle, ànê yām yáhnóle, ànê gbì wèkì kólóle, ²³ ànê gblǒy yele, ànê gblǒy tēnóle. Sépi pólle, tyi kònsàhnó náh me séle n fwo. ²⁴ Névyē nónó-á me Krista tyí yò, pépi ye pé gblǒy dyo yíi tyi, ànê pé dékè tyi, ànê pé yíwilkì tyi pól syi dahnì yò, à sè ko. ²⁵ Liyel Mirki nê-á minne á kǒ, á ye ye képah kǒ kè á yahle n tē kè. ²⁶ Á ye káh pi gblǒy gbílkípùle, à ne n pi n de wē tyí, képah náh pi, à wē dyole n yo.

6

¹ N yúnpyé, yâh sǒ ñnì yó we tē à me tyítúkù yóle n pi, Liyel Mirki-á me yépi nónó yahle n tē, yépi tē tē mámmám yè pò ñne wèkì pèpey yò. Yé nénúkù núkù pól mó yé gblǒyne n kyomì, yé tó káh pò de tyítúkùnì pínó sòko. ² Yé wē yótókóbìle n twah. Yâh képahle n pi, yé me Krista tyi kònsàhnó wàlle n ko. ³ Névi yó-à ñ gblǒyne n dokò n sah, té kwâh yó náh mó tǒ ñne, tē me ñ gblǒyne n tǒ n mǒ. ⁴ Nénúkù núkù pól yīne pé pé tyípìnì kyomì n yah palle. Nê nì-à me fē n vī n pi ñ gblǒyne, ñ nī vī ñ gblǒyne, à káh ñ gblǒyne n tokò n sãh ñ ní-òle. ⁵ Yé náh we di, nénúkù núkù pól-á tyi nónó pi, pé kī yīn sé yótyile.

⁶ Névi nê-à ále n kwò Liyel weyne, á yīne ñ tēne n yohni n mǒ tyi tyi pól sòko. ⁷ Yé káh yé gblǒyne n tǒ n mǒ ló, pé náh kóle Liyelle n ko. Névi-à sèmuko nê duku mǒ, képah ye à kī tokò. ⁸ Névi nê-à ñ gblǒy dyo yíi tyile n pi, gblǒy dyo yíi tyi yǒre ye tē kī we, képah nê-á tyí yíkínóle. Nte nê-à Liyel Mirki dyo yíi tyile n pi, Liyel Mirki dyo yíi tyi yǒre ye tē kī we, képah nê-á tyé-ńkē minne. ⁹ Á ye káh yal mǒ tyi pèplo pínóle. Yé náh we di, áyâh tyi pèplo pínó yálnmǒ-ńkēne, á kī pò ké yǒre we ké gbí pèpey sòko. ¹⁰ Képah ye, áyâh tyípépěy pí-ńsah we, á ye kéle n pi no pól tyí. Té á ye kéle n pi n kal á yúnpyé Yesu yò sǐpú wǒ tyí.

Pole wey tyé-ńsahle

¹¹ Yâh wârkínó mè we kéle yěhyěh yò, ñmǒ ye n wârki kéle ní gbòle. ¹² Gblǒy wèkínó tyí-á no nónó tyí, pépi náh me ké tyí ne pé fòhnó we Krista dahnì yò kúnó tyí yónó

yĩnne. Képah ye pè yépile n kyĩ n mɔ n mɔ kòkè kònó sɔkɔ. ¹³ Kéne névye nónó nítě-á me kònóle, pè náh me Moyisi tyi kònsàhnó wàlle n kɔ ò. Pè me ké tyí óle ne yé kòkè kò, pé kò pé pé gblɔyne n we n gbilki képah yĩnne. ¹⁴ Nte nímɔ tẽ wɔle, mé náh ní gblɔy gbilki n pi tir yó nítě yĩnne à wil Tě nḡbẽ Yesu Krista dahnı yõ kúnó tyí sɔkɔ. Nímɔ dahnı yõ kúnó yĩn ye nímɔ kò mé kèkòyó tyile n yah yõ kẽ tyile, té kèkòyó névye tɔ mó me nímɔle n yah sɛntɛne. ¹⁵ Névi kònó ànê n kò-nkɛne, yõ náh me sépi tyí. Yõ-á me nê tyí, képah ye pi vɛnmɔnɔ nê-á Liyel dahbi tẽ nı sɔkɔ. ¹⁶ Nónó pól-á me n kɔ képah wɛkì yõ, pépi ànê Liyel no pólle, pépi nónó-á Yisrayel nole, mé kéle n yah n kò Liyel tyí ne à yèvinıne pè kò à mó pé yãm yah.

¹⁷ A tɔkɔ núkúnúkú tyí, n̄n̄i yó nítě káh tɔ nímɔle n kwɔ. Nítbó nónó-á nímɔ wil sɔkɔ, sépi n wɛkı ne máh pi Krista tyíle. ¹⁸ N̄ yúnpyé, mé kéle n yah n kò Tě nḡbẽ Yesu Krista tyí ne à yòbènɔrı pi yé tyí. Amiina!

Pole sêbéy tékínmonole Yefesî tân tyí

Pole wékínóle Yefesî tân tyí

¹ Nmo Pole nê-á pî Yesu Krista tēntò névile à yīne Liyel nìvìnne, nmo ye n tekî n mo sêbéy mēne névye tyí nónó-á pî Liyel nole Yefesî kwil soko, té me n ko palle pé wró kwrónmono gbò yò Yesu Kristale. ² Mé kéle n yah n kō á Sú Liyel ànê Tē ñgbē Yesu Krista tyí ne, pè yòbènrî pî yé tyí pè mó yèvinne yé kō.

Liyel-á pèpòrî nónóne n pî ápi tyí Krista yò sēnó gbò yò

³ Gbilkinó ne n sah Liyel yò, nmo nê-á á Tē ñgbē Yesu Krista Súle. A ye sām mo á soko Krista yò sēnó gbò yò, à pèpòrî duke duke pól pî á tyí nónó-á wil yīnyò soko. ⁴ Kèkòyó mó-ńkē gbí dukùle, Liyel sò ápi yah toko pî n tyíle Krista gbò yò soko, ne á pî yályál wényo-ńsah kēne á tyí péwo yah soko. Tyínono soko, ⁵ Liyel sò kwāh tē kè yah toko ne páh kî ápi pî pé wēnpìle Yesu Krista gbò yò. Yé náh we di, kèpah ye sò à pî à yīne n dyo yī tēne. ⁶ Á ye ñne n gbilki n pèpòrî yīnne, wāh nê pî á tyí n nìdè Pídí gbò yò. ⁷ Nmo tó kwénó gbò yò ye á we wil pèkè soko, té á tyípèl me yò mo á tyí. Sē ye Liyel pî yòbènrî ñgbēne á tyí, ⁸ kèpah nê-á à pî á tyí náhnáh à yīpî ànê lékámne á kō yī. ⁹ Sètìn sò tir nê tyí-á no n tyí, à sò kèpah yah toko sah ñgbò dukùle. Núkúnúkú, à kéle á wēkî. Krista gbò yò ye sò à yah toko tyípépěy mēne. ¹⁰ Ké pî gbí-à pò no, à kî yíyìn pól tuke mo nónó-á me yīnyò ànê sétáh yò, nénúkù kō à kî pî sé yòtēne, nmo nê-á Kristale. ¹¹ Á wró kwrónmono gbò yò Kristale, nê-á sò á we we tēne, Liyel ye kéle á kō. A sò kwāh tē á yah toko sah n tyíle. Nmo nê-á Liyelle, n dyo yī tir ye à n ne n pî à yīne wāh kè yah toko sò. ¹² Kèpah ye, ápi nónó ñgbò-á á gbò sah Krista yò, á ye gbilkinóle n sah Liyel yò. ¹³ Yépi tōle, yé wró kwrónmono gbò yò Kristale, yé gbî wey we noh, kèpah nê-á Nìvìnì tìrle, nê-á yéle n pwah n mo. Nmo yò sēnó gbò yò ye tō, Liyel-á n vyāhle yé kō n Mirki nê tyí soko, à kéle yé kō à yé poko mo. ¹⁴ Liyel Mirki nê-á à á kō, kèpah ále n wēkî ne wāh n vyāhle n no kō yī nónó tyí soko, áyáh kî sè

wε n pi. Kεpah á n̄le n sũ ne áyáh k̄i sè wε n pi, áyâh s̄o n̄ne pwáhn̄m̄o wε pn̄épn̄é. Kεpah s̄o k̄o, gb̄ilk̄ín̄ó-á k̄i n sah Liyel ȳo.

Pole n̄iri p̄ín̄óle Yefesi tãn tyí

¹⁵ Kεpah ye, n̄m̄o to-á fyò noh ne yáh me s̄é T̄é n̄gb̄é Yesu ȳo, àn̄ê ñ ȳo s̄é p̄ú tyí-á me n̄o yé tyí, ¹⁶ gb̄ím̄εgb̄í, m̄è n ne n wεk̄i Liyel tyí yé tyí s̄o k̄o, ñ té ñne n ye n gbo yé tyí. ¹⁷ Mé kéle n yah n k̄ó á T̄é n̄gb̄é Yesu Krista Liyel tyí, ñm̄o n̄ê-á t̄ó r̄i n̄ét̄ēne, ne à lék̄ám Mirkile yé k̄ó n̄ê-á k̄i Liyel dùk̄ùle yé w̄εk̄i té k̄i yé k̄ó yé k̄i à p̄i ȳí. ¹⁸ A mó yé lék̄ám ȳk̄i m̄o, s̄onko w̄áh yé ye ne yé yé gb̄ò sah kw̄áh n̄ê ȳo s̄o k̄o yé f̄é ké dùk̄ù p̄i; àn̄ê w̄áh me ȳip̄épl̄o n̄ónó yah sah ñ no k̄ó, yé sé to p̄i. ¹⁹ Yè mó p̄i gb̄il t̄ēnw̄en̄o n̄ê-á à me yah sah á k̄ó ápi n̄ónó-á Yesu ȳo s̄é p̄úle. Kéne t̄ēnw̄en̄o m̄è ye Liyel t̄ò p̄i t̄áhk̄ile, ²⁰ w̄áh Krista lék̄ó yilki m̄o gb̄í n̄ēne té à k̄ó à k̄ó t̄ē ñ gb̄òȳò s̄òle ȳinȳo s̄o k̄o. ²¹ A me t̄ēn̄óle t̄ó r̄i, àn̄ê t̄áhk̄i, àn̄ê t̄ēnw̄en̄o, àn̄ê ȳòt̄ó r̄in̄o p̄ól ȳo s̄o k̄o. Nónó yni-á me wil kweyne, àn̄ê n̄ónó yni-á k̄i n wil n pi n̄s̄ōne, ñm̄o me pépi p̄ól yah s̄o k̄o. ²² Liyel ȳiȳin̄ p̄ól p̄i Krista gb̄áhk̄i s̄uns̄àh-ñsahle, té à p̄i ñ ȳo s̄é p̄ú t̄ink̄i p̄ól ȳòt̄ē n̄gb̄ēne, ²³ pépi n̄ónó-á ñ wil gb̄ēns̄éle. Krista me t̄ēn̄óle pépi s̄o k̄o ñ t̄ó, ñm̄o n̄ê-á Liyel to me t̄ēn̄óle ñ s̄o k̄o ñ t̄ó.

2

Tyé-ñk̄é min n̄ê-á n we n̄ón̄óle Krista ȳo s̄ēn̄ó s̄o k̄o

¹ N̄gb̄òle, yé lés̄o me lékȳi tyí k̄òle yé tyítúk̄un̄i àn̄ê yé tyíp̄él p̄ín̄ó ȳinne. ² Kéne tyíp̄él s̄o k̄o ye s̄ò yé me n pi yé minne n̄gb̄òle, gb̄í n̄ê-á yé me k̄èk̄oȳó m̄è t̄áhk̄i ȳòt̄ē s̄ò t̄ē. Kéne ȳòt̄ē me t̄òle n pi tyah k̄ènk̄áh s̄o k̄o. Ñm̄o ye me Liyel tyí yáhlepu yahle n t̄ē kwey m̄è s̄o k̄o ȳò. ³ Ápi to p̄ól s̄ò me pépi tyí k̄òle, me á dyo ȳí tyi óle n pi. Tir n̄ê-à s̄ò n̄o á wil gb̄ēns̄é tyí àn̄ê áyáh n̄ê s̄o wε ne k̄áh me pl̄e, kεpah ye à n ne n pi. Áyáh s̄ò p̄i s̄é, kεpah ye Liyel p̄èk̄è k̄i s̄ò á n̄o n pi no t̄éló tyí k̄òle. ⁴ N̄t̄e Liyel n̄ìgb̄èk̄i t̄n̄o. Á tyí kah n̄o ñ tyí, ⁵ kεpah ye, áyáh lés̄o me lékȳi tyí k̄òle á tyítúk̄un̄i p̄ín̄ó s̄o k̄o gb̄í n̄ēne, à minne á k̄ó w̄é tyí àn̄ê Kristale. — Ȳòb̄èn̄o r̄i ye Liyel p̄i yé tyí à yé pwah m̄o. — ⁶ Á wr̄ó kwr̄ón̄m̄o gb̄ò ȳo Kristale, Liyel ye á wilki k̄ū s̄o k̄o ñm̄ole w̄é tyí, té á sah ȳinȳo t̄ó r̄i s̄o k̄o ñne w̄é tyí. ⁷ P̄èp̄o r̄i n̄ê-á Liyel p̄i ápi tyí á wr̄ó kwr̄ón̄m̄o gb̄ò ȳo Yesu Kristale, à k̄è p̄i ñ ȳòb̄èn̄o r̄i

ngbẽ wẽkɩ yĩnne gbĩmegbĩ no pól tyí. ⁸ Yé náh we di, yáh sã Liyel yõ, à me yòbènɔɔɔ pɩ yé tyí à yé pwah mɔ. Pwáhnmɔɔ mè náh wil yépi tyí dé, Liyel yĩnkõɔɔ ye kéle ⁹ Yépi tãhkì pínwɛɔ náh kéle dé. Kãh pɩ sã, nɛnĩ yó òtẽ náh fẽ ò gblõy gbilki n pi. ¹⁰ Yé náh we di, Liyel mónó ye ále. A ye á mɔ á wró kwrónmɔɔ gbõ yõ Yesu Kristale tyípéplɔ pɩ yĩnne Liyel-á nónó yah sah ngbò òkùle ne á pɔ séle n pi.

No pól pɩ núkùle Yesu Krista yõ sɛnó gbõ yõ

¹¹ Yépi nónó-á lésõ Nsyifunɔ n ye kò-nkẽ névyele, té me pé gblõyne n ye kènkòbele ké nítbó yĩnne nónó-á me pé wil sokɔ, yáh lésõ me òkù nêne légbĩne, yé yé dyɔ sah ne n kwne képahle. ¹² Légbĩne yé lésõ me fíí Kristale. Yé lésõ me népãne, yé náh me kwrónmɔɔle Liyel no sokɔ. Liyel-á ò vyãhle n no kã ne páh yĩ nónóne pé kã pé Yégbéke kwrónmɔɔ gbõ yõ péle, yé vyãh lésõ de sé tyí sokɔ. Yé lésõ me kèkõyó sokɔ gbõ sãh-nsah kẽne yé tyí. Liyel náh lésõ me yé tyí. ¹³ Nte núkúnúkú, yé wró kwrónmɔɔ gbõ yõ Yesu Kristale, yépi nónó-á sò me fíí, yé no de Liyelle Krista tó kwénó gbõ yõ. ¹⁴ Nmɔ ye ápi yèvinne. Nmɔ ye Nsyifunɔ ànê nónó náh pɩ Nsyifunɔle pé kwrɔ mɔ pɩ yìkì núkú névyele. Dyóyókì nê-á sò me kèkɩ tyí kõle, me Nsyifunɔ ànê nónó náh pɩ Nsyifunɔle pé wró gbekɩ sah, à ye pɔ kéne kèkɩ sɔ to ò kúnó gbõ yõ. ¹⁵ A ye Moyisi tyi kònsàhnó ànê sé wàl kɔ òkùnó pól yĩn mɔ. Nmɔ gbõ yõ, à Nsyifunɔ ànê nónó náh pɩ Nsyifunɔle, pé kwrɔ mɔ pɩ yìkì núkú névyele, yèvinɩ kò kè we pé wró. ¹⁶ A Nsyifunɔ ànê nónó náh pɩ Nsyifunɔle pé pól kwrɔ mɔ pɩ wil gbẽnsé núkùle ò kúnó gbõ yõ dahɩ yõ, té pé wró kwrɔ mɔ pɩ núkùle Liyelle. A dyóyókì to tyí tyí yɩkɩ ò syínó gbõ yõ dahɩ yõ. ¹⁷ A pɔ yèvinɩ welɔ yo yé tyí yépi nónó-á sò me fíí, ànê nónó-á sò me yúkey. ¹⁸ Yé náh we di, Krista gbõ yõ ye Nsyifunɔ ànê nónó náh pɩ Nsyifunɔle, á pól kɩ tẽ we yĩn tẽ Sú Liyel tɛnò ò Mirki núkúní mè gbõ yõ sokɔ. ¹⁹ Kãh pɩ sã, yépi nónó náh pɩ Nsyifunɔle, népãn náh tó yéle, wò yah tãn náh yéle. Yé pɩ kwil núkú tãne ànê Liyel yõ sɛpùle. Té pɩ Liyel nòle. ²⁰ Yé me á kɩ ne wòkò yó sɔ pé mɔ nê sètyah-á pɩ Yesu tɛntò névyé ànê Liyel tɛntò syínyopule, té Yesu me pɩ ké dáhgɩle ò wãhle. ²¹ Nmɔ Yesu gbõ yõ sokɔ ye wòkò kɩ yĩn gbáhgɩbáh, té kɩ kyãh kɩ pɩ Liyel ní-nsah gbòle, nê-á me Tẽ ngbẽ tyí yõ. ²² Yé wró-á kwrɔ mɔ òmòle, yépi to ye

pi gbô mè fí yóle, kɪ we kwɔɔ mɔ no téló sɔkɔ kɪ pi tẽ-̀nsah yóle, nyãh sɔkɔ-á Liyel kɪ me tẽnóle Mirki sɔkɔ.

3

Pole-á kɪ tò nê pi n pi névyé yinne nónó náh pi Nsyifunɔle

¹ Képah ye, nímɔ Pole nê-á me wòkònpèkè sɔkɔ Yesu Krista tò yinne, ànê yépi yinne, yépi nónó náh pi Nsyifunɔle...
² Liyel-á n pèpɔɔrɪ pínó sɔkɔ tò nê dahbɪ n gbò yépi tyí pekɪ yinne, mé sê ké yò ne yáh képah tẽ wɔ noh ó. ³ Liyel ye syò wěkínó yó tyí à n sètìn sò tirlé n wěkɪ, sɔ-á mé yo sɔkɔ kéle yé tyí kwéy sébéy mè yòtah sɔkɔ yò. ⁴ Yáh kɪ kéle n kar, yé kɪ pɪ ne sètìn sò tir nê-á me Krista tyí sɔkɔ, ké sèndyàh náh nne. ⁵ Liyel náh sò kéne sètìn sò tirlé ñgbò tãn wěkɪ, sɔ-á à kéle Yesu tẽntò névyé ànê Liyel tẽntò syínyopu négblo wěkɪ núkúnúkú n Mirki gbò yò. ⁶ Sètìn sò tir mè we yò, ne Nìvìnì tir gbò yò, nónó náh pi Nsyifunɔle, pé pól-á kwɔɔ mɔ Nsyifunɔ sɔkɔ kɪ gběkɪ núkú yò n pi péle, té kɪ n pi n pi gběnsê núkúle péle. Té Liyel-á n vyãh kò tir nê tyí sɔkɔ Yesu Krista gbò yò, pé tɔ vyãh-á kɪ n we n pi ké tyí sɔkɔ. ⁷ Liyel-á n tẽnpnèno gbò yò yòbènɔɔrɪ nê pi nímɔ tyí, képah gbò yò sɔkɔ ye nne Nìvìnì tir yónó tò sɔkɔ. ⁸ Nmɔ nê-á Yesu yò sěpú pól nétéyne, nímɔ ye we yòbènɔɔrɪ mène kɪ Yesu pèpɔɔrɪ tyíle n yo névyé tyí nónó náh pi Nsyifunɔle. Kéne pèpɔɔrɪ mène, yìn náh me ké tyí. ⁹ Liyel-á kɪ sètìn sò tir mè pi n pi dùkù nêne, mé yĩne mè kéle névyé wěkɪ n yíi palle. Nmɔ nê-á yiyìn pól mó-òle, à ye képah wòbɪ sah ñgbò dùkúle tyé-ńkěne, ¹⁰ sònkɔ à tɔkɔ núkúnúkú tyí, yípi nê-á n wil Liyel tyí, yòtãm pól ànê kèkòyó tɔrɪ nónó-á me tòle n pi yínyò sɔkɔ, pé pól tẽ we kè pɪ Yesu yò sěpú tĩnkɪ gbò yò sɔkɔ. ¹¹ Sépi pól pi à yĩne Liyel-á sò nê yah tɔkɔ sah tyé-ńkě, té pɔ kè pi á Tẽ ñgbě Yesu Krista gbò yò. ¹² Ayáh á wró kwɔɔ mɔ Kristale té sê n yò, képah gbò yò, wěkɪ me yíkínmɔnɔle á tyí kɪ fě nɔ de Liyel tnó nìsãh sɔkɔ. ¹³ Kãh pi sě, nímɔ-á me yèvyãhrɪ nêne n pi yé yinne, yé káh ye képah yé wil ku. Képah ye kɪ yò yónóle yé kò.

Tyínɔnɔ nê-á me Krista sɔkɔ

¹⁴ Képah ye, mé kɪ gbètukunɔ di Sú Liyel yah sɔkɔ, ¹⁵ ñmɔ nê gbò yò-á kétlo pól me sétáh yò ànê yínyò. ¹⁶ N tɔrɪ me gblò. Képah ye, mé kéle n yah kò n tyí ne à tãhkìle yé kò

ñ Mirki gbò yõ, sõnko tãhkì ne n me yïi yé soko. ¹⁷ Krista ne n me tẽnóle yé nno soko ñ yõ sẽnó gbò yõ, tyínono mó ne me yãhnì mo yïi yé soko. ¹⁸ Képah soko, tyínono nê-á me Krista soko, yépi ànê ñ yõ sěpú téló pól kɪ ké yòtukuri, ànê ké yòsěkì, ànê ké kyãhlo, ànê ké súkúlinó dukù pĩ. ¹⁹ Yé kɪ tyínono mè dukù pĩ, képah nê-á kal pnèné duke pólle. Képah soko, Liyel kɪ me ñ tòó yé soko. ²⁰ Áyáh yì nónóne n yah n kō ànê áyáh me nónó tyíle n sō, Liyel ye kɪ fě séle ále n kō gbímegbí, fóó kɪ kah mo n̄tēne, ñ tēnpnèné gbò yõ nê-á me tōle n pɪ ápi soko. ²¹ Yesu Krista gbò yõ, gbílkínó ne n sah Liyel yõ à wil Yesu yõ sěpú tĩnkì tyí, kno kno pól soko tye tyéní kēne. Amiina.

4

Yesu yõ sěpú yégbékè pínóle núkúle

¹ Nmo nê-á me wòkònpèkè soko Tě ñgbě tō yinne, mé yéle n ni yépi nónó-á Liyel ye, ne yé yé minne n pɪ à yĩne ñ yénó mēne. ² Yé pɪ gblōy tíkínmopule, ànê nēpír névyele, ànê sómno pípúle. Yé wēne n n tē tyínono soko. ³ Yáh me yèvinì nê soko wě tyí, képah gbò yõ, yé gbah n tē yé wró kwónmono tē n sah Liyel Mirki-á nēne yé kō. ⁴ Yé pól pɪ wil gběnsê núkú Krista gbò yõ, ànê Liyel Mirki núkú ye me. Liyel yé ye tōle kwáh núkú yinne ne yé yé gbò sah ké yõ. ⁵ Tě ñgbě núkú ye me, ànê Liyel yõ sẽnó núkúle, ànê ni soko wèlnwìkínó núkúle. ⁶ Liyel núkú ye me. No pól Sú ye ñne. N tōrí me no pól yõ. A me tōle n pɪ no pól soko. A me tẽnóle no pól soko. ⁷ Nte á nénúkú núkú pól ye Liyel yòbènoru we à yĩne Krista-á me ké tyí ne pé kéle á kō sō. ⁸ Kè me wárkínsàhnóle Liyel wey sébéy soko ne:

«Wáh dokò yuku yĩnyõ sě,
 à soko wòkònpèkè soko névyele.
 A tēnpnèné yĩ névyé kō.»

⁹ Nte kwáh nê me pè n ye yĩnyõ dókónyukunole wé? Képah ye n wěkɪ ne wáh sò tiki yuku sétáh sōwáh to soko. ¹⁰ Nê-á tiki pɔ, ñmo ó ye tō dokò yuku yĩnyõ léyy tē-nsah soko, kɪ kèkōyó pól yuku. ¹¹ Nmo Krista ye kō névyele tēnpnèné duke dukele. A tókú pɪ ñ tēntò névyele, té tókú pɪ Liyel tēntò syínyopule, té tókú pɪ Nìvinì tir yónkòpule, té tókú pɪ kwópúle. ¹² Sě ye à vi mo Liyel nole pè kō pè kɪ ñ tō pɪ dal mo, wãn kō kè kɪ n mo Krista yõ sěpú yõ. ¹³ Káh

pî sê, Liyel yô sêñó kî á pól wró kwro mo pî núkúle, té á kî Liyel Pídí pî té kî yuku yahle Liyel wêkî kóló soko fókó kî pò pî Krista tyí kòle. ¹⁴ Képah soko, á náh tō n pî n tē n pî wēnpile nónó-á kwónó kêtúkúñi pípú ànê pé névye vîntēno kî ále n tōko n fi n kō yáhkí tyí kòle, kî á mo pílkinó wêkî yô. ¹⁵ Nte áyáh kî gbile n yo tyínono soko, á kî yah yúkúnó we tyi pól soko kî n no n de Kristale ñmo nê-á yòle. ¹⁶ Nmo gbò yô ye wil gběnsê tântàn pólle núkúle. Gbèl tél-ńtân gbò yô ye wil gběnsê tântàn pól wē tē yīn sah. Káh pî sê, wil tântàn pól-à tòle n pî káh yīne sō, wān kî n mo wil gběnsê yô, kè kî n yuku yahle tyínono soko.

Min pî òkù késanne Krista yô sêñó soko

¹⁷ Nê-á mé n gbah n yo yé tyí Tē ñgbē wêkî soko, kè we yò: Yé káh tō yé minne n pî Liyel pî-ńkē névye tyí kòle, pépi nónó-á pé lékám pé yahle n tē n mo yöre kē tyi soko. ¹⁸ Pé lékám me fókóntūnole. Liyel-á min nēne n kō, kè náh me pé tyí. Képah ye pè pî yah wé-ńkēpú ànê kùkùtāhkî névyele. ¹⁹ Pè pî sen pî-ńkēpúle, pè náh n fyāh. Té pè pî prònpùbule à tyítúkúñi duke pólle n pî yīn kēne. ²⁰ Nte yépi tē wole, sēntē náh yé pî Kristale dé. ²¹ Mé sē ké yô ne ñ tyí òkù pól-á yo yé tyí. Té gbí nê-á me ñ tyí soko, yé kwónó we ké tō yô. ²² Yáh sò me òkù nēne ñgbòle, yé yīne yè képah milki. Yé yé náh vi yé pî òkù kedyáh kō, képah nê-á sōno túkúnine n mo yé soko, nónó-á yé tyíle n yíki. ²³ Liyel Mirki-á lékám nēne yé kō, yé ye kè yé vi mo. ²⁴ Yé vi mo ne n pî pî òkù késanne à yīne Liyel-á me ké tyí sō, yè mó ne n me tómm ànê yályál liyel yah gbí wêkî kóló gbò yô. ²⁵ Képah yīnne, yé mìnì yónó yal n mo, yè mó gbile n yo wē tyí. Yé náh we di, wil gběnsê núkú tântàn ye á pólle. ²⁶ Yé foko-à vyāh yé káh tyípekè pî. Gbíyí náh yīne kè pò de yè mó ne n me fòkòvyāhnì soko sē. ²⁷ Yé káh yé mo n tē tē wêkî yó ñtē yíki mo sétàn yòtē kō. ²⁸ Névi nê-à sò me yībele n yī, tē kè yal mo, à mó ñ gblōy kō tòle n pî ñ gbàñne yīnvì kēne, à fē kwāh we à névi yó tō yohni n mo nê-á me yām neyne. ²⁹ Wèntùkú yó ñtē náh yīne kè ne n wil yé vyāh soko. Yé wènpèplo óle n weki nónó-á kî fē névye yohni mo, ànê nónó-á kî fē pèpòru pî sé nóhpú tyí. ³⁰ Liyel Mirki me yé soko kètònpókó sō yé wil tyí, yé káh yèkwòrùle n mo ké soko. Yé náh we di, képah gbò yô soko ye yé sē yīí ké yô ne sō yó-á me n pî, Liyel-á kî yé pwah mo n pî pnépné. ³¹ Yé káh yròle n tē n sah yé

fòkòni sòkò. Yé fòkònyàhni, ànê mâl, ànê wey sòhsòh, ànê gbyò yal n mɔ, à tahlì nêpékè pínó duke pól tyí. ³² Yé pì nêgblóle, yé tyí mó ne n me nónóle wê tyí. Yé ne n yõ n mɔ wêne n kô, sô-á Liyel yõ mɔ yé kô Krista gbò yõ.

5

Kyòo sòkò kólóle

¹ Yáh pì Liyel wênpiile nónó tyí-á nɔ ò tyí sê, képah ye yé òmòle n yah n pì. ² Yé ye yé tyí nɔ wê tyí, sô-á á pól tyí nɔ Krista tyí, té à me ò gblòyne Liyel kô ápi yinne à pì sárkále, nê-á me n pò sírr té ké tyí me nɔ Liyel tyí. ³ Yé pì Liyel nole, képah ye fòfikì, ànê pròprò pínó duke pól, à tahlì yísesúkú tyí, sépi sòkò yó ntê pínó tyí náh yĩne kè ne n nohnì yé wró sòkò. ⁴ Sen pí-ńkê welo, ànê wèntùkùnì, ànê nêwân welo to náh yĩne sè ne n wil yé vyey sòkò. Nte pèpòrì pínó wey ye yé yĩne yè Liyelle n kô. ⁵ Yé yĩne yè kè pì yíi ne prònpìbì, ànê nónó-á me sílkínóle Liyel yah, ànê yísesúkú névyele, pé sòkò yó ntê náh n de n pì Krista tórí ànê Liyel tórí sòkò. Yísesúkú pínóle, sáh fálnó dùkù yó ye kéle. ⁶ Yé káh ye ònî yó ntê kô à pò yé pilki ò sòno prènìne. Sépi dùkù pínó ye ńkène n pò Liyel kô ă fóhnó sah ò tyí yáhlepu yõ. ⁷ Képah ye, yé káh ne pì n soh péle pólle. ⁸ Yé lésò me fèntù sòkò ògbòle. Nte núkúnúkú yé me kyòo sòkò yé wró kwrónmòno gbò yõ Tê ògbène. Kyòo sòkò névyé-á n pì sô, yé to ne n pì sê. ⁹ Yé náh we di, kyòo sòkò kóló ye n pò n pò pèpòrì pínóle, ànê gbì wèkì kólóle, ànê gbì yónóle. ¹⁰ Nê tyí-á nɔ Tê ògbè tyí, yé gbah tē kéle n pne. ¹¹ Yé káh fèntù sòkò tyile n pì. Yõre náh me sé tyí. Nte yé sé gbĩne n wò. ¹² Tyi nónó-á kéne névyé me n wòbì n pì, sé tyí yáhnó ntê me sennè. ¹³ Nte tyi nónó gbĩ-à wò, sépi n ne n me kyòo. ¹⁴ Yé náh we di, tyi nónó gbĩ-à wò, sé dùkù n ne n pne. Képah ye, kè me yónóle ne:

«Áwò nê-á me n dɔ, dɔ n yuku.

Yuku n wil lékyî wró,

Krista kì kyòo mɔ á tyí.»

¹⁵ Yé yé pì dùkùle n kyòmì palle. Yé káh ne n pì yĩ pí-ńkê névyé tyí kòle, yé ne n pì yĩ pípú tyí kòle, ¹⁶ nónó-á tir nê pínó yòbènrì-à fyò we pé tyí, pé kè pì. Yé náh we di, gbĩ nê sòkò-á ále, kè náh me palle. ¹⁷ Képah ye, yé káh pì lékám kè névyele, òte Tê ògbè dyò yíi tē-á nêne, yé gbah n tē képahle n pne. ¹⁸ Yé káh tō wò kè yé tē, képah névi tyíle n yìkì. Yé

ye Liyel Mirki yé tɔkɔ. ¹⁹ Yé sórɛle n mɔ wě sɔkɔ yìgb̀ǹǹ sɔkɔ yè Tě ñgbě n gbilki, yè mó yìle n gbì ñ tyí ñ Mirki-á nónó dahbì yé sɔkɔ. Yé yìle n gbì yè Tě ñgběne n gbilki yé nno pólle. ²⁰ Gbímegbí ànê tyi tyi pól sɔkɔ, yé ne n wekì Sú Liyel tyí á Tě ñgbě Yesu Krista yĩn yõ.

Pebi ànê pé syó-á yĩne pè tẽ sõ wě tyí

²¹ Yépi nónó-á pì Krista yah tíkì pípúle, yé ne n sah wě tyí yõ sɔkɔ. ²² Syó, yé ne n sah yé pebi tyí yõ, sõ-á yé n sah Tě ñgbě tyí yõ. ²³ Yé náh we di, dí ye sê yòtẽne sõ-á Kristale ñ yõ sěpú ònkì yòtẽne, pépi nónó-á ñ wil gběnsêle té à me pì pé pwáhnmo-òle. ²⁴ Syó yĩne pè ne n sah pé pebi tyí yõ tyi tyi pól sɔkɔ, sõ-á Krista yõ sěpú ònkì n sah ñ tyí yõ. ²⁵ Pebi, yé ye yé syó tyí no yé tyí, Krista yõ sěpú ònkì tyí-á no sõ ñ tyí, fók à ñ min kō pé yĩne. ²⁶ Sě ye sò à me ké tyí ne pé pé yõ sěpú ònkì pì yályál Liyel yah, ni sɔkɔ wèlnwilkínó sɔkɔ ànê Liyel wey gbò yõ. ²⁷ A sò me ké tyí ne pè pò pé yah sɔkɔ yályál syú kěne, ànê tìkìlì-ńsah kěne, ànê yíkì-ńsah kěne, ànê wényo-ńsah kěne pé tyí. ²⁸ Sě ye pebi tɔ yĩne pé syó tyí no pé tyí pé gblöy wil gběnsê tyí-á no sõ pé tyí. Névi nê kyì tyí-à no ñ tyí, ñ gblöy tyí ye no ñ tyí. ²⁹ Yé náh we di, ñnî yó ñtẽ wil gběnsê kó náh ñne n tẽ dò, tẽ n pyě kéle n pu ñkě; ñ té kè tõ n sah n tẽ sõ-á Krista tõ sah tẽ ñ yõ sěpú ònkile, ³⁰ képah nê-á ápile. ³¹ Képah ye, dí kì yal ñ sú ànê ñ yú tnô, té kì kwɔ mɔ ñ kyile, pé ními kì pì wil gběnsê núkúle.* ³² Sètìn sò tir ñgbě ye kéle. Té ñmɔ kéle n yo ne káh me ké yah mɔ Krista ànê ñ yõ sěpú ònkì tyí. ³³ Nte kè me ké yah mɔ yépi tɔ tyí. Yé nénúkù núkú pól syó tyí yĩne kè no yé tyí yé gblöy sõ, syó nénúkù núkú pól mó yòyenne n sah pé pebi yõ.

6

Wěnpì ànê pé dúbípú wě tẽ dùkùle

¹ Wěnpì, yé ne n sah yé dúbípú tyí yõ Tě ñgbě wěkì kóló sɔkɔ. Képah ye ple. ² Yòyenne n sah á sú ànê á yú yõ. Képah ye tir kònsàhnó gbenne, vyãh kónóle tãhlínóle ké tyí ne: ³ Wáh képah pì, wáh kì me ñv̀ǹǹ sɔkɔ té kì min sěkì we sétáh yõ sɔkɔ.* ⁴ Dúbípú, yépi tɔ káh yèkwɔrile n mɔ yé wěnpì sɔkɔ. A yĩne Tě ñgbě wěkile, yé péle n pu, yè mó kwónó pèpeyne péle n kō, yè mó péle n vi n mɔ palle.

* 5:31 5.31 Yah n te Yenesi 2.24.

* 6:3 6.3 Yah n te Yálnó 20.12.

Yõbı ànê pé nátãm wẽ tẽ òúkùle

⁵ Yõbı, yé nátãm nónó-á sètáh mè yõ sòkò, yé ne n sah pé tyí yõ tíkí ànê wılsyahrlé ké sòkò. Yé kéle n pı yáryár dáhbı-ńkêne ké sòkò Krista tyí sõ yé n pı kéle. ⁶ Kè káh pı á kı ne páh yéle n kyomı képah yın sõ yé n pı kéle, á kı ne névi dyo yũ tẽ sõ yé n yah kõ pí-ńsahle dé. Yé kéle n pı Krista yõbı sõ yéle, yè Liyel dyo yũ tẽne n pı yé nno pólle. ⁷ Yé tõe n pı pé tyí yé nno pólle, á kı ne Tẽ ñgbẽ tyí sõ yé n pı kéle, kè káh ne n me névi tyí sõ yé n pı kéle. ⁸ Yé yé dyo sah ne n kwne ne yé nénúkù núkú pólle, nê-à kı sõ me yõle ò, nê náh me yõle ò, tẽ-á kı ñ tõe pínó lédyáhnı we n pı Tẽ ñgbẽ tyí. ⁹ Yépi nónó-á yõbı nátãmne, yépi tò sèntẽne n pı pé tyí. Yé káh dírlé n kõ pé yõ sòkò. Yé pı ne yépi ò, pépi ò, yé pól tyí yõtẽ yó-á me yınyõ sòkò, nê-á à náh ñnı yó ńtẽne n tòkò n pı fónfó ñ ní-òle.

Liyel yõ sẽ-ò méfwóyılé

¹⁰ Ké tyé-ńsah, yé ye yé tãhkı ne n wil Tẽ ñgbẽ tẽnpnènò ñgbẽ tyí. ¹¹ Yé Liyel méfwó yı tòkò, sõnko yè tẽ we sétò yınvı tyi yah kõ. ¹² Yé náh we di, ápi mékı náh me ké yah mò névyé tyí dé. Nte káh me ké yah mò nónó tyí pépi ye pı, yõtãmne, ànê tãhkınóle, ànê névyé fnèpu nónó-á me tõe n pı kèkõyó fèntũ mè sòkò, ànê pèkè pı pı mréy nónó-á me tõe n pı yınyõ. ¹³ Képah ye, yé Liyel méfwóyılé tòkò, sõnko yòhnpèkè sò-à pò, yè tẽ n we sépe fwo. Képah-à pı yé kı yın gbáhkı núkú yõ. ¹⁴ Yé ne n me yé gblõy vi n sah. Yé ye gbı yónó pı syı kõle yé tyí, gbı wèkı kóló mó pı vyõrı fwòmõnne yé tyí. ¹⁵ Nıvıvı tir nê-á yèvinne n kõ, ké yónó dékè ne me yé sòkò yé gbyèh sòkò lékyèh tyí kõle. ¹⁶ Yé Liyel yõ sèno tẽ n yın mèmèkı swàhkı sõ yé gbàn sòkò gbımegbí, yè fè pèkè pí-ò pnépél pól swah kéle. ¹⁷ Yé pwáhnmonò fè n syı á kı ne vyõrı gbétú sõ yé kwınkı, yè mó Liyel wey fè n syı kèkırkı sõ Liyel Mirki-á nê kõ. ¹⁸ Yé ye yé Liyel nınó ànê yé Liyel fálnó duke pól ne n pı Liyel Mirki yah tẽnó sòkò gbımegbí. Yé gbah tẽ ne n yuku yahle képah sòkò. Yé Liyelle n ni Yesu yõ sèpú tınkı pól tyí. ¹⁹ Yé nırlé n pı ńmò tò tyí, sõnko Liyel welo pèplo dahbı ń vyãh sòkò máh n wekı gbı nêne, mè n tẽ n we nısãh we mè tyıpılle n yo n wah nónó-á me Nıvıvı tir sòkò. ²⁰ Kéne Nıvıvı tir yah yuku yın ye kárnne mónóle ń gbàn tyí wòkònpèkè sòkò yò. Yé nırlé n pı ń tyí ń kõ mè tẽ n we kéle n yo nısãhle káh yıne sõ.

Wey t́yɩne

²¹ Mé me ké tyí ne yépi to pĩ ní tyí-á me dùkù nêne, ànê tir nê-á mé me n pi. A yũnpi Tisyiki nê-á ní nénóníne, té me tòle n pi palle Tẽ ñgbẽ tyí, ñmɔ ki po ní tyí kèdùkù pól yo yé tyí. ²² Ñmɔ ye we te n tekɩ n mɔ ñne yé tyí ne à kyɩ á tyí kèdùkù yo yé syah à mó yé ni sũ.

²³ Mé kéle n yah n kɔ́ á Sú Liyel ànê Tẽ ñgbẽ Yesu Krista tyí ne pè yèvuni, ànê tyínɔnɔ, ànê Liyel yõ sɛ́nóle á yũnpyé pól kɔ́. ²⁴ A Tẽ ñgbẽ Yesu Krista tyí-á me nónóle nónó pól tyí tyétyéni kéne, mé kéle n yah n kɔ́ Liyel tyí ne à yòbènrɩ pi pé tyí.

Pole sébéy tékínm̄on̄ole Filipi t̄an tyí

Tyàh-nsah wey

¹ N̄m̄o Pole àn̄ê Timotele, ápi nóno-á Yesu Krista t̄on̄p̄ibule, ápi ye n teki n m̄o sébéyne Yesu Krista ȳo s̄épú pól tyí Filipi kwil s̄ok̄o, pépi nóno s̄ok̄o yísyó-á yah t̄épú àn̄ê yòhn̄n̄m̄opule, nóno-á yáhnt̄ok̄onsàhn̄óle. ² Á kéle n yah n k̄o Sú Liyel àn̄ê T̄ē ñgb̄ē Yesu Krista tyí ne, p̄e yòb̄en̄or̄i àn̄ê yèvin̄ine yé k̄o.

Pole-á n̄irí n̄ene n p̄i Filipi kwil Yesu ȳo s̄épú tyí

³ Gb̄imegb̄í máh s̄o yé tyí s̄ok̄o, m̄e n w̄eki Liyel tyí. ⁴ Gb̄imegb̄í m̄e n̄ir̄ile n p̄i yé pól tyí n̄iv̄in̄i s̄ok̄o, ⁵ yáh s̄on̄p̄ile p̄i n̄m̄o yòhn̄n̄m̄opule N̄iv̄in̄i tir yónó s̄ok̄o, à t̄ok̄o ké tyah s̄o duku tyí, pópó à p̄o syi n̄úkúnúké tyí. ⁶ N̄ s̄enȳino me ké ȳo s̄ok̄o ne, Liyel n̄ê-á tyah t̄ò p̄ep̄ey m̄ene yé n̄no s̄ok̄o, w̄ah k̄i ȳo s̄ok̄o k̄i kéle n t̄o n sah n p̄i, pópó k̄i p̄o syi ké p̄int̄eno tyí Yesu Krista syi n p̄o s̄ole. ⁷ Yé tyí n̄o ȳíí n̄ tyí. Képah ye, ké yah ye yé pól tyí s̄on̄ole n̄ s̄ok̄o s̄ent̄ēne. Yépi t̄o vyāh me yòb̄en̄or̄i m̄e tyí s̄ok̄o, Liyel-á n̄ene n p̄i n̄ tyí w̄ok̄on̄p̄èk̄e s̄ok̄o, àn̄ê máh s̄o me N̄iv̄in̄i t̄irle n yo n wah gb̄í n̄ene, à kéle n w̄eki ne gb̄i-á kéle. ⁸ Liyel ye n̄m̄o t̄arf̄ȳole ne, Yesu Krista tyín̄on̄o n̄ê-á me n̄m̄o s̄ok̄o, képah-á n̄ n̄i k̄o k̄e n yor̄i yé tyíle.

⁹ Máh me Liyelle n ni yé tyí tir n̄ê tyí s̄ok̄o, képah ye yò ne: Tyín̄on̄o n̄ê-á me yé s̄ok̄o, k̄e ne n yuku yahle, yé k̄o yé p̄i lékám névyele, àn̄ê ȳi p̄íp̄ule. ¹⁰ Képah s̄ok̄o, tyi nóno-á ȳine kal, yé k̄i s̄ép̄ile n yah n t̄ok̄o n p̄ne. Képah-à p̄i, yé k̄i me yályál wényo-nsah k̄ene yé tyí Krista syi n p̄o s̄ole. ¹¹ Képah s̄ok̄o, yé k̄i tyi pólle n p̄i gb̄i w̄èk̄i ȳo Yesu Krista gb̄ò ȳo, Liyel ȳin̄ k̄o k̄e k̄i p̄i gbl̄ò, té k̄i n gbilki.

N̄iv̄in̄i tir yónó yah yúkúnóle

¹² N̄ yún̄pyé, mé me ké tyí ne yé p̄i ne, tir n̄ê-á n̄m̄o ȳini t̄ē, k̄ah yòhn̄n̄m̄on̄o p̄i N̄iv̄in̄i tir yónó yah yúkúnó s̄ok̄o. ¹³ Yé n̄ah we di, yòt̄ē d̄í t̄or̄i kéte n̄ê s̄ok̄o-á n̄ne w̄ok̄on̄p̄èk̄e s̄ok̄o, n̄en̄p̄ó t̄an̄ pól àn̄ê no téló pól p̄i ne, Krista t̄ò ȳin̄-á n̄ne w̄ok̄on̄p̄èk̄e s̄ok̄o. ¹⁴ N̄ yún̄pyé-á n̄m̄o we w̄ok̄on̄p̄èk̄e s̄ok̄o s̄ē, w̄an̄ m̄o pé kan T̄ē ñgb̄ē ȳo s̄en̄ó ȳo. K̄ah p̄i s̄ē, pé n̄i t̄o gbah

syãh, pè Liyel weyne n yo tíkí kěne. ¹⁵ Gbɪ tẽ wɔ ye, túkù me nímɔ dyɔ yɔ yinne Krista tyíle n yo à pé gblɔyne n tɔkɔ n pɪ fónfó nímɔle. Nte túkù tẽ wɔ me kéle n yo sɔnɔ pèplɔle pé sɔkɔ. ¹⁶ Tyínɔnɔ sɔkɔ ye pépi n pɪ képahle. Pè pĩ ne Nìvìnì tir gbɪ yo n wah yin-á nne ásô. ¹⁷ Nte nónó tẽ wɔ-á Krista tyíle n yo à nímɔle n fwo, pépi sɔnɔ náh me ple. Pè me n sɔ ne páh kɪ wán mɔ n pɪ nímɔ wòkɔnpèkè sɔkɔ déno yèvyáhrɪ yô. ¹⁸⁻¹⁹ Nte képah náh me tir yóle nímɔ tyí. Kè sɔ pɪ sɔnɔ túkù sɔkɔ ò, kè sɔ pɪ sɔnɔ pèpèy sɔkɔ ò, Krista tyí tẽ wɔ me n yo. Képah ye, kè me nìvìnìne nímɔ tyí.

Té nímɔ pĩ ne yépi níri ànê Yesu Krista Mirki yòhnìnɔnɔ gbò yô, yĩ mè-á me n pɪ nímɔ pwáhnɔnɔ wěkì yô. Képah ye, ní nɪ kɪ tɔ n vɪ n yuku n pɪ yahle. ²⁰ Máh me nê syɪkɪ tẽ kègbɪle, té ní gbò sàhnó me ké yô, képah ye ne, sen káh ní tẽ ní tyípíní yó nítè sɔkɔ pólle. Nmɔ sěnyĩnɔ me ké yô sɔkɔ núkúnúkú ànê gbímegbí ne, mäh se wũ min sɔkɔ ò, mäh se ku ò, képah-á kɪ Kristale n gbilki. ²¹ Yé náh we di, nímɔ ménó yóle min sɔkɔ, Krista gbilki yin ye. Té kúnóle, yôre wénó ye kéle nímɔ tyí. ²² Nte min sɔkɔ ténó-à kɪ nímɔ kò mé fẽ tò we n pɪ n pɪ yôre-á me nê tyí, mé yĩne mè nê tẽ yah n tɔkɔ wé? ²³ Nmɔ me tòtò sɔnɔ sɔkɔ. Mé me ké tyí ne mé yal kèkôyó mè sɔkɔ mé n kyɪ n tẽ Kristale, képah tyí me kal ní tyí. ²⁴ Nte ní ténóle min sɔkɔ, yô me képah tyí kal yépi yinne. ²⁵ N sěno me ké yô, ànê mé pĩ ne mäh kɪ wũ, kɪ n tẽ n pɪ yé pólle, yé yah yuku yin ànê yé nìvìnì we yinne Liyel yô sěno sɔkɔ. ²⁶ Képah sɔkɔ, nímɔ syínɔnɔle yé tnô, kè kɪ yé kò yé kɪ Yesu Kristale n gbah n gbilki.

²⁷ Nê tẽ-á tah kal, yé yé minne n pɪ à yĩne Krista Nìvìnì tir yónóle. Képah sɔkɔ, mäh kɪ sɔ pɔ wil yé tyí ò, mäh kɪ sɔ pɔ n wíl-nkěne yé tyí ò, mé kɪ me yé tyíle n nohnɪ ne yáh me su yin gbáhkì núkú yô sɔnɔ núkúle yé sɔkɔ, té me so wě tyí à gbah tẽ Nìvìnì tir yô sěno yah yúkúnó tyí sɔkɔ. ²⁸ Yé káh ye yé sèpébi kò pè yé wore tir yó nítè sɔkɔ. Képah sɔkɔ ye pè kɪ pĩ ne pé tyí yɪkɪ yɪkɪ wěkì yô-á péle, té yépi-á me pwáhnɔnɔ wěkì yô. Liyel ye n pɪ sépi pólle. ²⁹ Yé náh we di, Liyel ye yòbènɔrɪ pɪ yé tyí yé kò yé pɪ Krista yô sèpúle. Té kè náh yin n yô sěno ó tyí dé, yé kɪ tò yèvyáhrɪ tɔ we n pɪ n pɪ nímɔ yinne. ³⁰ Yépi ye me mékìle n fwo Nìvìnì tir yah yúkúnó tyí sɔkɔ nímɔ tyí kòle, sɔ-á lésò yé ní we mé me ké mékìle n fwo. Té nímɔ me yô sɔkɔ sě kéle. Yépi nítè pínó me ké sɔkɔ ó.

2

Krista gblöy tikinmɔnɔle ànê n né-ngbê dùkùle

¹ Yé wró kwrónmɔnɔle Kristale, kè me sòréle n mɔ yé sɔko. N tyínɔnɔ nê-á yé sɔko, kè me yé nnɔle n sũ. Yé wró me kwrónmɔnɔle Liyel Mirkile. Yé me wê yãmne n yah, té me pèpɔrile n pɪ wê tyí. ² Kǎh pɪ sê, núkúnúkú tɛne, yé ne n sah núkú yõ. Tyínɔnɔ dùkù núkú yĩne kè ne n me yé sɔko, yè mó yé fɔko táh ànê yé sɔnɔ pɪ núkúle. Yáh kèpah pɪ, nìvìnì ye yé kɪ mɔ yĩ nímɔ sɔko. ³ Yé káh tir yó n̄tɛne n pɪ wê fwónó sɔko. Yé káh yé gblöyne n wêkɪ. Yé yé gblöyne n tiki n mɔ, yè mó no télóle n tɔko n pɪ fónfó yé gblöyne. ⁴ Yé sɔko yó n̄tɛ káh ne n yah n̄ yēngbê tyi ó tyí dé, yé ne n sɔ n kal no téló tyí sɔko.

⁵ Sɔnɔ nê dùkù-á sò me Yesu Krista sɔko, yé ye kéne sɔnɔ dùkù nê me yépi to sɔko.

⁶ Nmɔ me núkúle Liyelle,

té nê-á yĩne òne, à náh sò me kéle n yah n kǔ káhkáh.

⁷ Nte à sépi pól we ye

té n̄ gblöy pɪ yõle,

à n̄ gblöy pɪ névile.

No pól sò òne n pne névile.

⁸ A n̄ gblöy tiki mɔ

à n sah Liyel tyí yõ,

à syi pɔ dahɪ yõ kũ ku.

⁹ Kèpah ye, Liyel me òmɔ dɔko sah kal no pólle,

té yín-nsah ngbēne à kǔ kal no téló pólle.

¹⁰ Kèpah sɔko, yí nónó pól-á me yínyõ sɔko,

ànê sétáh yõ, ànê lékókwl,

sé pól kɪ sé gbètukunɔ di Yesu yah sɔko,*

¹¹ té kɪ n yo ne Yesu Krista-á TÈ NGBÈNE,

Sú Liyel yín kǔ kè kɪ n gbilki.

Yesu yõ sēpú-á yĩne pè ne n pɪ sǔ

¹² N nénónó, máh sò me yé wró sɔko té yé me n nohnɪ sǔ n̄ tyí gbĩmegbí, núkúnúkú mé náh me yé wró, n̄te mé kéle n yah n kǔ yé tyí ne yé wǎn mɔ sê yé nòhnìnó yõ. Yáh fyò pwah mɔ, yé tǔle ne n pɪ tiki ànê wilsyahɪ sɔko kèpah yĩnne. ¹³ Yé náh we di, Liyel ye n dahɪ yé sɔko tǔ pínó dékèle à yĩne òmɔ-á me ké tyí sǔ, n̄ té ké pínó tɛnwɛnɔle yé kǔ yé kéle n pɪ à yĩne òmɔ-á me ké tyí sǔ. ¹⁴ Yé tyi pólle ne n pɪ wɛnkyõ wékí-ńkēne, ànê yékâb kēne. ¹⁵ Kèpah sɔko,

* **2:10** 2.10 - Yah n te Yesayi 45.23.

yé kɪ pɪ pèkè kě névyele, pè náh wényo-ńsah wɛ n pi yé tyí. Yé kɪ pɪ Liyel wɛnpìlɛ, lékàh kě névyele kèkòyó névyɛ wró, pépi nónó-á yínvĩ ànê népèl ó pé tóó. Yépi yĩne yè pɪ kyòole pé tyí, sɔ́-á ńwɔ̀ kèpyele kyòò yínyò sòkɔ. ¹⁶ Té wɛy nê-á minne névyele n kɔ́, yé kèpah yo pé tyí. Kèpah-à pɪ, kè kɪ pɪ yò yǎnòle ńmɔ tyí Krista syi n pɔ sòlɛ. Té kè kɪ tɔ̀ kè wèkɪ nɛ máh yèvyàhrɪ ànê tǎn nónó pɪ sòkɔ, sè náh pɪ yò kěne. ¹⁷ Yépi-á yèvyàhrɪ nê pɪ Liyel yò sɛnó yĩnne, ńmɔ-à kɪ sɔ́ mɛ yĩne mè n ko n pɪ sárkále à tahlɪ kèpah tyí ò, nìvìnì ye kélé ńmɔ tyí. Té mé mɛ kè nìvìnì sòkɔ yé tɔlɛ. ¹⁸ Yépi tɔlɛ, yé nɛ n mɛ nìvìnì sòkɔ, yè kè nìvìnìne n pɪ ńmɔlɛ wè tyí.

Timote ànê Yepafroditi tyípínine

¹⁹ Nmɔ gbò sàhnó mɛ Tě ńgbě Yesu yò nɛ máh kɪ Timote tɔ̀ yé tyí kè náh tɔ̀ n mo n pi. Kèpah sòkɔ, wàh kɪ kyɪ yah yé tyí té ñ syi, à kɪ pɔ yé tyí kèdùkù wɛ yo ní syah ní nɪ kɔ̀ kè kɪ de. ²⁰ Yé náh wɛ di, ñmɔ ó mɛ ńmɔ tyí nê nɪ-á mɛ n yɔrɪ yé tyíle ńmɔ tyí kòlɛ. ²¹ No téló pól tɛ wɔ mɛ n yah pé yěngbè tyi ó tyí, pé dyɔ náh mɛ n kwɛ Yesu Krista tò tyíle. ²² Nte Timotele, yépi ńtɛ pĩ nɛ tyípínì sòkɔ-á à kè wèkɪ nɛ, tònpi pèpɛy-á péle. A ñ gblɔy kɔ̀ Nìvìnì tir yónó tò sòkɔ ńmɔlɛ wè tyí, sɔ́-á wɛnpir tòlɛ n pɪ ñ sú tyí. ²³ Kèpah ye, ní tyí-à kɪ fyò pɔ sah gbáhkì nùkú yò, ñmɔ ye mé mɛ n yah nɛ máh kɪ nùkú tɔ̀ yé tyí. ²⁴ N sɛnyĩnɔ mɛ kè yò nɛ Tě ńgbě gbò yò, ńmɔ ńtɛ tɔ-á kɪ pɔ yé tĩnne kè náh n mo n pi.

²⁵ Nte mé kè wɛ, mé yĩne mè ní yúnpi Yepafroditi kɔ̀ à ñ syi n yuku yé tĩnne. N kó-ò ye ñne, tò nùkú pípú ànê mékì nùkú fwópú tɔ̀ ále. Yépi ye ní fyàhnó wɛ, té à wilki tɔ̀ ní tyí à pɔ ní yohnɪ mɔ. ²⁶ Yé pól wɛ dékè mɛ à tɛ yí, té yáh noh ñ yónó tyí sòkɔ, kè mɛ yótókóbíle ñ tyí. ²⁷ Kègbɪ yò, à sò mɛ n yɔ. Fárkɔ fárkɔ à nàhkɪ ku. Nte Liyel mɛ ñ yám yah. Té kè náh pɪ nɛ ñmɔ ó yám sɔ̀ à yah dé, ńmɔ tɔ̀ yám ye à yah wǎn kɔ̀ kè náh n mɔ n pi ní yèkwɔrɪ yò. ²⁸ Kèpah ye, mé kɪ à kɔ̀ à kɪ ñ syi yuku súú yé tĩnne, yé kɔ̀ yáh kɪ à wɛ, kè pɪ nìvìnìne yé tyí ńtɔ̀, kwàh mó wilki ńmɔ tɔ̀ yèkwɔrɪ sòkɔ. ²⁹ Kèpah ye, yé à tɛ ple nìvìnì sòkɔ Tě ńgbě yĩnne, yè mó sɛnkɔ névyele nɛ n sò. ³⁰ Yé náh wɛ di, Krista tò yĩn ye à ku farkɪ. Yépi-á nɛ yé ńmɔ yohnɪ n mɔ yí nónónɛ, té yé náh fɛ n pɔ séle ní kɔ̀ n pi yé gblɔy, ñmɔ fɛ syi kũ dlo gbal à sè syi pɔ ní kɔ̀.

3

Kóló pèpeyne Liyel yah soko

1 N yúnpyé, yé ne me nìvìnì soko yé wró kwrónmono yinne Tě ñgběne. Máh tyi nónó yo soko te yé tyí, kè náh me kwlónóle ní tyí kú tǒ ní syi sè wārki tekú mǒ yé tyí. Képah ntě ye kú yépi yohni mǒ yéki tě wěkì pèpey yǒ. ² Yé yé gblǒyne n kyomú tǒntùkù pípúle, kéne pāhlǒle, pépi nónó kǒkè kǒnó-á wil fí yó ó kǎmnóle. ³ Ké gbú tě yǒ, ápi wǒ ye kǒ kǒkè pèpeyne, képah nê-á Liyel yin gbilkínóle ñ Mirki gbǒ yǒ. Kè me yǒ yǒnóle á tyí áyáh we kwrǒ mǒ Yesu Kristale té á náh me á gbǒ sah á gblǒy yǒ. ⁴ Nnî yó tě-à fyò fě ñ gbǒ sah n pi ñ gblǒy yǒ, gbú kú sǒ fě we nímǒ tyí kal tēne kú ní gbǒ sah ní gblǒy yǒ, ⁵ nímǒ nê-á kǒ ní dúbínó sèpìn kwártǒ-ò sǒle, té mó tǒ pí Yisrayel neyne à wil Běnsyame yǐkì soko. Yebreke ye nne, ní dúbípúle Yebreni ye péle. Nsyifunǒ tyi kǒnsàhnó wǎl kópú nónó-á pè n ye Farisi wěkì kópúle, pépi soko ney yó ye sǒ nne.* ⁶ Té à yuku gbáhntēno tyí ñinne kéne wǎl kóló soko, mé sǒ me Yesu yǒ sǐpú ñinkile n fǒh. A tǒ yuku kéne wǎl kóló tyí ñinne, ney náh sǒ fě lékǎhle n kǒ n pi. ⁷ Nte kéne tyi nónó-á sǒ me yǒre tyile nímǒ tyí, núkúnúkú mé me pǒ sè we syíkínó tyile Krista yinne. ⁸⁻⁹ Gbú yǒ, Tě ñgbě Yesu Krista wénpǐno-á pí pèpǒri ñgbě nēne nímǒ tyí, képah yinne mé me tyi nǒpi pólle n yah syíkínó tyile. Mé me ké tyí ne mé pí Krista tyíle, ànê ní wró mó kwrǒ mǒ nne. Képah ye ní kǒ mé fě syi ní náh vi tyi pól kǒ, té sé pólle n yah tǔ yǒ yí tyí kǒle. Mé náh tǒ me n sǒ ne tyi kǒnsàhnó wǎl kóló-á pí nne tómm dé. Krista yǒ sǎnó gbǒ yǒ ye mé pí tómm. Liyel ye n pí névile tómm Krista yǒ sǎnó gbǒ yǒ. ¹⁰ Nmǒ-á me nê tyí képah ye yò ne, mé Krista pí ànê tǎhkì nê-á yilki mǒ ñ lékóle, ànê ní vyāh mó we ñ yèvyāhrú pínó soko, mé mó n pí ñ tyí kǒle ñ ku dùkù soko. ¹¹ Képah soko, ní sǒno kú me ké yǒ ne ní tǒ lékó-á kú pǒ n yilki n mǒ n pi.

¹² Kè náh me á kú ne nê-á mé n yah n kǒ mé sǒ kè we te, ànê ní tyí sǒ pekú syi ké yin tyí dé. Nte mé me yǒ soko ní tólóle ne mé gbah n tě mé kè we, képah nê yin-á Krista ní ye pí nímǒ ó tyíle. ¹³ Óǒ dé ní yúnpyé, kè náh me á kú ne nímǒ sǒ kè we te. Nte nê-á mé me n pí, kè we yò: Tyi nónó-á soko te, mě ní dyo mǒ n fwo sépi tyíle, ñ té yah ñin tyíle n yǐkú. ¹⁴ Mé me n to ké yinne n yǐkú yǒre we yinne Liyel-á ále n ye ne

* 3:5 3.5 - Nsyifunǒ pólle, Yisrayel no ye péle. Yisrayel no pólle mó, Yebreni ye péle.

á pɔ nê syi yĩnyõ, Yesu Krista gbõ yõ. ¹⁵ Api nónó pól Yesu yõ sɛnó-á de yĩn, sɛ ye á yĩne à ne n sõ. Nte sɔnɔ káhkí-à kɪ se me yé sɔkɔ tir yó tyí sɔkɔ, Liyel kɪ tɔ képah dùkùle yé wɛkɪ. ¹⁶ Kàh kɪ sɔ n pɪ sɔ, áyáh me n kɔ wɛkì nê yõ à pɔ syi núkúnúkú tyí, á ye yõ sɔkɔ ne n yuku yahle képah ó yõ.

¹⁷ N yúnpyé, yé rímɔle n yah n pɪ. Áyáh pɪ dùkù nê wɛkɪ, nónó-á me képah wɛkìle n kɔ, yé pépile n yah n pɪ. ¹⁸ Mé ye kè yo sɔkɔ te yé tyí gbáhyí náhnáhle, té tɔ me ní syi kéle n yo yé tyí gbní sɔkɔ núkúnúkú ne, Yesu Krista dahnɪ yõ kúnó-á nêne n pekɪ, névyé náhnáh pɪ dùkù-á me kéle n wɛkɪ ne páh me kéle n fwo. ¹⁹ Pépi tyí-á kɪ pɔ n yɪkɪ n pi ké tyé-ńsah sɔkɔ. Pé kèkùrn-á pɪ pé líyelle. Tir nê-á senne pè tɛ n pi, pè n ne me pé gblɔyne n gbilki képah sɔkɔ. Kèkòyó yí ó tyí-á pépi n ne n sõ. ²⁰ Api tɛ wɔ sú fò me yĩnyõ sɔkɔ, nýáh sɔkɔ-á á pwáhnɔ-ò nê-á Tɛ ñgbɛ Yesu Kristale, à kɪ n wil n pɔ n pi, áyáh me ñmɔ nêne n dekɪ. ²¹ Api wil gbɛnsê nê-á sohki kɛne, à kɪ pɔ kè vi mɔ pɪ ñmɔ wil gbɛnsê tyí kòle, nê-á gbilkínó me n sah ké yõ. N tɛnpnèné gbõ yõ ye à kɪ pɪ képahle, nê-á yíyĩn pól kɔ sè n sah ñ tyí yõ.

4

¹ Képah ye ní yúnpyé pèplo, yé gbah n tɛ sɛntɛne yè yé sɔnɔ sah yíi Tɛ ñgbɛ yõ. N nénónó, yé we dékè me ní kah tɛ. Yépi ye ñmɔ nìvìnì yòle, ànê yépi ye yõ ñmɔ yòle.

Pole-á vìnɔnɔ nê kɔ

² Mé kéle n yah n kɔ Yevodi ànê Sɛtisiyi tyí ne, pè pé wró kwrɔ n mɔ Tɛ ñgbɛ wɛkì kóló sɔkɔ. ³ Té áwɔ nê-á tò núkú pí-ò pèpeyne rímɔle, mé kéle n yah n kɔ á tyí ne á Yevodi ànê Sɛtisiyi yohnɪ n mɔ pé wró kɔ kè kwrɔ n mɔ. Yah, syó yísyó ye péle, nónó-á so mɔ ñmɔ tyí á gbah tɛ Nìvìnì tir yah yúkúnó tyí sɔkɔ. Klema tɔ sò me péle, ànê ní tò núkú pípú télóle, pépi nónó yni-á me wárkínsàhnóle tyé-ńkɛ min névyé yni sɛbéy sɔkɔ.

⁴ Yé ne n me nìvìnì sɔkɔ yé wró kwrónɔnɔ yĩnne Tɛ ñgbɛne gbímegbí. Mé kéle n tɔ n yo yé tyí, yé ne n me nìvìnì sɔkɔ. ⁵ Yé yah, Tɛ ñgbɛ pónó me yúkey. Yé ye no pól yéle n pne népèplo tyí sɔkɔ. ⁶ Yé káh n ye yé yáh-ńsah tye tir yó ntɛne. Té tyi tyi pól sɔkɔ, kwáh nê yétò-à yé tɛ, yé kè ni Liyel tyí níri pínó sɔkɔ, yè mó wekɪ ñ tyí ñ pèpɔri pínó yĩnne. ⁷ Képah sɔkɔ, ñ yèvɪni nê-á kǎn pɪ névi sɔnɔle, képah kɪ yáh-ńsah tyénó yah kɔ dénóle yé nno ànê yé sɔnɔ sɔkɔ, yé wró kwrónɔnɔ gbõ yõ Yesu Kristale.

⁸ Nê-á mé kɪ yo yé tyí ké tyé-ńsah sɔkɔ ń yũnpyé, tyi nónó-á me gblɔle, té yĩne gbílkinóle, ànê tyi nónó-á me tómtóm té me yályál, ànê tyi nónó tyí-á kɪ fẽ nɔ névi tyí té à kɪ sè fẽ syi, ànê tyi nónó-á me tyípénalle té me n mɔ n kɔ, yé ye sépi ó ne me yé sɔnɔ sɔkɔ. ⁹ Yáh tyi nónó sáh ńmɔ tyí, té nónó we tɔkɔ ńmɔ tyí, ànê yáh tyi nónó noh ńmɔ tyí, té ń we mé me tyi nónóne n pɪ, yé ne n kɔ sépi wál yõ. Képah sɔkɔ, Liyel kɪ me yéle ńmɔ nê-á yèvinine n kɔ.

Pole wékínóle Filipi kwil tãn tyí, pé pèpɔri pínó tyí sɔkɔ

¹⁰ Mé nìvìnì ñgbě we Tě ñgbě wěkì kóló sɔkɔ, yáh sɔnpíle tẽ we kè we wěkɪ n̄tɔ ne ń tyí-á me tah yé tyí. N tyí sò me tah yé tyí, ñte yé náh sò me syõ-ńsah we à fẽ kéle ń wěkɪ. ¹¹ Kè náh pɪ ne ń fyàhnó sɔ ń kɔ mé képahle n yo dé. Máh nê sáh képah ye yò ne, kè sɔ dùkù nê óle, kè n ne n me yínénóle ńmɔ tyí. ¹² Mé ń minne n pɪ n pne yãm sɔkɔ, té mó tɔ kéle n pɪ n pne tahrɪ sɔkɔ. Tyi pól sɔkɔ ànê duke duke pól sɔkɔ, ńmɔ n fẽ ń minne ne n pɪ. Kàh se tẽkɪ sɔkɔ ò, kàh se kwekɪ sɔkɔ ò, mé ń gblɔy dar mɔ sépi pólle. Mé ń minne n pɪ n pne tahrɪ sɔkɔ, té mó tɔ kéle n pɪ n pne fyàhnó sɔkɔ. ¹³ Mé kɪ fẽ tyi pól pɪ Yesu Krista gbò yõ, ńmɔ nê-á tãhkìle ńne n kɔ. ¹⁴ Nte képah fyé yõ, yé pɪ ple gbò dáhbínóle ń tyí ń yèvyãhrɪ gbí sɔkɔ. ¹⁵ Filipi tãn, yépi n̄tẽ pínó me ké sɔkɔ ne, Nìvìnì tir yónó tyah gbíne yé ùnne, gbí nê-á sò mé yal Masedonɪ sɔkɔ, à wil yépi tyí sɔkɔ yépi nónó-á pɪ soh ńmɔle à kwáhle ń kɔ, té kwáh we syi ń tyí, Yesu yõ sèpú ùnkì yó n̄tẽ náh tɔ kwáhle ń kɔ. ¹⁶ Gbí nê n̄tẽ fyé-á sò mé me Tesaloniki kwil sɔkɔ, gbáhyí núkú ó náh yé tekɪ mɔ ń tyí yòhn̄n̄mɔnɔle. ¹⁷ Kè náh me á kɪ ne mé sɔ me ké tyí ne, yé yíle ne n yĩ ńne n kɔ dé, ñte mé me ké tyí ne wãn mɔ yé pèpɔri pínó yõre wénó yõ. ¹⁸ Yáh yí nónó pól tekɪ mɔ ń tyí, mé sè we syi, kwáh yó n̄tẽ náh tɔ me ń tekɪ. Yepafroditi-á fyò pɔ yòhn̄n̄mɔnɔle ń kɔ, nê-á yé à kɔ ne à pɔ ń kɔ, mé núkú pɪ kwáh n̄tẽne. Kéne yòhn̄n̄mɔnɔ m̄ene, tyípépɔy ye kéle Liyel yah sɔkɔ, wãh nê fẽ syi, té ké tyí nɔ ñ tyí. ¹⁹ Nmɔ Liyel nê-á tahrɪle ñ tyí tyétyéní kě, à kɪ syõ Yesu Krista tyí, kɪ yé yétò yí pólle yé kɔ. ²⁰ Gbílkinó ne n sah ápi Sú Liyel yõ gbímegbí. Amiina!

²¹ Yesu Krista yĩn yõ, yé weyne Yesu yõ sèpú nénúkù núkú pól kɔ ń tyí . N yũnpyé Yesu yõ sèpú nónó-á me ńne ásò, pé tɔ n wɛkɪ yé tyí. ²² Yesu yõ sèpú pól n wɛkɪ yé tyí, ké dú ðɔkɔ nónó-á me tòle n pɪ yòtẽ dí Sesar tyí ásò sɔkɔ.

23 Tě ñgbě Yesu Krista yòbènrìe ne n pì yé pól tyí.

Pole sébéy tékínmɔnɔle Kolosı tãn tyí

Pole wékínóle Kolosı tãn tyí

¹ Nmo Pole nê-á pı Yesu Krista tẽntò névile à yĩne Liyel nìvìnìne, ñmo ànê á yũnpi Timote ye ² n tekı n mo sébéy mène yépi tyí, yépi nónó-á pı Liyel nole Kolosı kwil sɔkɔ, té pı á yũnpyé Krista yò sěpú kègblɔle yé wró kwrónmɔnɔ gbò yò Yesu Kristale. Á kéle n yah n kɔ á Sú Liyel tyí ne, à yòbènɔrı pı yé tyí à mó yèvinne yé kɔ.

Pole me weyne Liyelle n kɔ

³ Liyel nê-á á Tě ñgbě Yesu Krista Súle, gbímegbí áyâh ñne n ni, à n ne n wekı ñ tyí yé tyí sɔkɔ. ⁴ Yesu Krista yò sěno nê-á me yé sɔkɔ, ànê ñ yò sěpú tyínɔnɔ nê-á me yé sɔkɔ, á sé tyí yónó noh. ⁵ Gbı wey nê-á Nìvìnì weyne, ké yínintěno gbenne yé tyí, képah sɔkɔ ye yé noh kéle ne gbò sàh-nsah yó-á me yé tyí yĩnyò sɔkɔ, té me yé gbò sah ké yò. ⁶ Kéne Nìvìnì tir mè-á yĩni tẽ yépi tyí gbí nêne, kãh sò me tôle n pı n tɔ mo kèkoyó tãntãn pól sɔkɔ sɔ, sě kéle yépi tɔ ònne, à tokɔ sò nê-á yé kè pı kègbı yò sɔkɔ ne Liyel-á yòbènɔrı pı yé tyí. ⁷ Ápi nénónı Yepafratı nê-á me tò núkúle n pı ápile, ñmo ye kɔ yéle kwónó mène. Krista tònpi négbı ye ñne nê-á me tôle n pı yépi tyí. ⁸ Liyel Mirki-á tyínɔnɔ nê dahbı yé sɔkɔ, à ké tyí yo á tyí.

⁹ Képah ye, ápi tɔ-á yé tyí noh sò nêne, à tokɔ lésò tyí, á nãh me yal mo níri pínóle yé tyí. Á me kéle n yah n kɔ Liyel tyí ne à ñ dyo yĩne yé wěkı palle, yípı ànê lékãm gbò yò nónó-á n wil ñ Mirki tyí. ¹⁰ Képah sɔkɔ, yé kı tẽ we n kɔ à yĩne Tě ñgbě wěkile, kı ñ dyo yĩ tyile n pı gbímegbí. Yé kı tyípeplo duke pólle n pı, té kı Liyelle n gbah n pı n yuku yahle. ¹¹ Á me kéle n yah n kɔ ñ tyí ne à tãhkile yé kɔ tyí tyi pól sɔkɔ, ñ tǔrí tãhkì gbò yò, sǔnko yé fě tyi pólle n sro. ¹² Yé wekı Sú Liyel tyí nìvìnìne, ñmo nê-á tẽnwenɔle yé kɔ yé vyãh kɔ kè we ñ pèpɔrı wénó sɔkɔ, wãh képah nê yah sah ñ tǔrí kyò sɔkɔ kı névye kɔ, nónó-á me ñ tyí yò. ¹³ A ye á yɔrı tẽ syi fěntú tãhkì gbò, té á dah mo ñ nìdè Pídı tǔrí sɔkɔ. ¹⁴ Kéne Pídı gbò yò ye á pwáhnɔnɔ we, té á tyípèl me yò mo á tyí.

Krista ye yiyin pól Tě ñgběne

¹⁵ Liyel nê-á à náh n we yíne, Krista me ñmɔ tyí kòle. Nmɔ ye Liyel Pi gbenne. A me Liyel gbɛ̃npɛnɔ pól yõ.

¹⁶ Yé náh we di, ñmɔ gbõ yõ ye yiyin pól mɔ.

Kè se yĩnyõ sɔkɔ ò, kè se sétáh yõ sɔkɔ ò,

kè se yí nónó-á n we yíne ò, kè se nónó náh n we yíne ò,

kè se mréy tãhkínóle ò, kè se névye fnèpule ò, kè se

yõtãmnóle ò, kè se tǒrí yõ névyele ò,

ñmɔ gbõ yõ ye pé pól mɔ, ànê pé pól me ñmɔ tyí yõ.

¹⁷ Nmɔ yiyin pól dyah tẽ,

yiyin pól me ñmɔ gbõ yõ sɔkɔ.

¹⁸ Yesu yõ sɛ́pú ònkì yõtẽ ye ñmɔle, pépi nónó-á ñ wil gběnsêle.

Nmɔ ye tyàh-ñsahle,

ñmɔ lékó ñgbò ye yilki mɔ,

sõnko ñmɔ pɪ gbenne tyi tyi pól sɔkɔ.

¹⁹ Yé náh we di, kè ye nɔ Liyel tyí à tẽ ñmɔ sɔkɔ ñ tóó.

²⁰ Té me ké tyí ne pé névye ànê yiyin pól wró tǒ sah péwo

Liyelle, Krista gbõ yõ.

Liyel Pídí mè kúnóle dahni yõ, képah gbõ yõ ye yèvɛni we

Liyel ànê no pól wró

sétáh yõ ànê yĩnyõ sɔkɔ.

²¹ Ngbòle, yépi tɔ wró lesõ me gbékínóle Liyelle. Sépérí lesõ me yé wró ñne yé sɔnɔ túkúni ànê yé tyítúkúni pínɔ yinne.

²² Nte núkúnúkú, ñ Pídí-á wil gběnsê sɔkɔ kũ nê ku,

képah gbõ yõ ye Liyel yé wró kwrɔ mɔ ñ gblõyne, ne yé pɔ

yin péwo yah sɔkɔ yályál pèkè kěne, ànê wényo-ñsah kěne

yé tyí. ²³ Nte yé yíne yè Liyel yõ sɛ́nó tẽ yin gbáhngbáh, yé

yin dukù mó ne n me palle. Yé gbõ sàhnó-á me nê yõ à tɔkɔ

yé Nìvìnì tir noh sò dukù tyí, yé káh pɔ gbe mɔ kéle. Kéne

Nìvìnì tir ye yo kèkõyó névye pól tyí, képah nê tǒ sɔkɔ-á

ñmɔ Polle.

Pole-á Liyel tǒ pɪ yèvyãhrɪle dukù nêne

²⁴ Máh me yèvyãhrɪ nêne n pɪ yépi yinne, núkúnúkú mé me képah nìvìnì sɔkɔ. Yé náh we di, ñmɔ me ní gblõy kǒ

à Krista yèvyãhrɪ téy tɔkɔ n pɪ ñ yõ sɛ́pú ònkì yinne, pépi

nónó-á ñ wil gběnsêle. ²⁵ Nmɔ pɪ tǒnpule yépi Yesu yõ sɛ́pú

ònkì tyí à yíne Liyel-á tǒ mè dahbi sǒ ní gbõ yé yinne. A

kè dahbi ní gbõ ne mé pé wey pól yo, ²⁶ képah nê-á pɪ Liyel

sèfìn sò tɪrle, nê-á à me no pól wǒbɪ sah kéle ñgbò dukùle,

té me kéle Yesu yò sěpú tĩnkĩ wɔ wěki núkúnúkú. ²⁷ Yõre ñgbě ànê tǒrí nê-á me sètĩn sò tir mè sɔkɔ, névyé tyí nónó náh pĩ Nsyifunɔle, képah ye sò Liyel me ké tyí ne pé wěki. Sètĩn sò tir mè we yò: «Kristale yé wró sɔkɔ, yé gbò sàhnó kí me Liyel tǒrí wénó yò ñmɔ gbò yò.» ²⁸ Ñmɔ tyí ye á me n yo no pól tyí, té me ké gbáhdýáhle n di n sah nénúkù núkú pól tyí, té me nénúkù núkú pólle n kwɔ yípĩ duke pól sɔkɔ, sǒnko no pól Yesu yò sěnó de yĩn pé wró kwrónmɔnɔ gbò yò Kristale. ²⁹ Képah yĩn ye mé me tǒle n pĩ, me ní tah sah syikey sɔkɔ Krista tǎhkĩ gbò yò, nê-á me tǒle n pĩ yíi ñmɔ sɔkɔ.

2

¹ Mé me ké tyí ne yé pĩ ne máh me mékì ñgběne n fwo yépi ànê Lawodise tǎn yĩnne, à tahlĩ nónó nítě tɔ pól-á pé náh ní we yah yĩne. ² Mé me ké tyí ne nìsǎh we pé sɔkɔ, pé mó pĩ núkúle tyínɔnɔ sɔkɔ, lékām mó ne me yíi pé sɔkɔ. Képah sɔkɔ, pé kí Liyel tir wǒbìnsàhnó pĩ, nê-á pĩ Kristale. ³ Yõre nê-á yípĩ ànê pnèné sɔkɔ, ké pól me wǒbìnóle ñmɔ sɔkɔ. ⁴ Mé tir mène n yo yé tyí sǒnko ñnĩ yó nítě káh n pɔ yé pilki vyáhsesyírĩ sɔkɔ. ⁵ Gbĩ ye, ñmɔ tě wɔ náh me yéle fĩ núkú sɔkɔ ó, ñte mé me yéle sǒnɔ sɔkɔ. N ni me vínóle yéle, máh kè we yé me yé tah sah té me Krista yò sěnó koh tě yĩn gbáhnghbǎh.

Min pínóle Krista gbò yò

⁶ Yáh fyò kè fě syi ne yé Tě ñgbě-á Yesu Kristale, yé yé minne n pĩ yé wró kwrónmɔnɔ sɔkɔ ñmɔle. ⁷ Yesu yò sěnó nê-á me yé sɔkɔ, yé ye ké yǎhnì ne n me dínyĩnɔle ñ sɔkɔ, yé mó yé min pólle n pĩ ñmɔ tyí yò. Yé ne me sũnyĩnɔle Yesu yò sěnó sɔkɔ sǒ-á pé yé kwɔ kéle, yé mó pĩ Liyel pèpɔrĩ pípú ñgbnɔle. ⁸ Yé yé gblǒyne n kyɔmĩ sǒnko ñnĩ yó nítě káh n pɔ tyídĩ ànê kèkǒyó tyi tɔkɔ à yé pilki tě mìnì tyile, ñ névi yǒtǎhsyi lékāmne. Sè náh me wěkì núkú yò Krista tyile. ⁹ Yé náh we di, Liyel me těnéle Krista sɔkɔ ñ tǒ. ¹⁰ Yiyĩn pól me yépi tyí ñmɔ gbò yò. Ñmɔ ye yǒtǒrí ànê ténwɛnɔnɔ pól yǒtěne. ¹¹ Yé wró kwrónmɔnɔ gbò yò ñmɔle, yé kòkè kǒ. Kéne kòkèle, névi gbò pínó náh kéle, Krista pínó ye kéle sǒnko kè á wilki á tyípékè sɔkɔ. ¹² Yé náh we di, yáh wèlnwìlkínɔ we ni sɔkɔ, kè me á kí ne yé lékyí sǒ yĩ ñne wě tyí, té me yilki mɔ ñne wě tyí, yáh sǒnpíle sě Liyel tǎhkĩ yò, nê-á yilki mɔ Krista lékóle. ¹³ Ngbòle, yé lésò me lékyí sǒ yé

tyípêl ànê kò-nkê yinne. Nte núkúnúkú, Liyel ye minne yé kǒ ànê Kristale wê tyí. A á tyípêl pól yǒ mǒ á kǒ. ¹⁴ Ayáh Moyisi tyi kǒnsàhnó dèl pɪ té lékàh nê kɪ sǒ pǒ á kǒ n pɪ, Liyel ye képah niri to á tyí, té ké tyí yɪkɪ Krista syínó gbò yǒ dahɪ yǒ. ¹⁵ Yǒtām ànê tēnwepu nónó-á me yinyǒ, Liyel ye pé tǎhkì tyí yɪkɪ kwèyy. À pè pɪ yèdīmòle no pól tyí à n yɔɪ n kǒ wòkònpèkè sòkò névyè tyí kǒle Krista kúnó gbò yǒ dahɪ yǒ. ¹⁶ Kǎh pɪ sǐ, yé káh n ye ñnì yó ñtē yé tuke yǒke képah nǎh pɪ wǒ wǒ kwâh yinne. Yé káh n ye tē yé tuke syáh yó, képah nǎh pɪ ñwǒ sǎn yó wilnó, képah nǎh pɪ mɪ mɪ yòh tyí sòkò. ¹⁷ Sépi pólle, yípéplò nónó-á me n pɪ, sépi kètò ye. Nte ké kègbɪ tēne, Krista ye. ¹⁸ Névyè nónó-á n pɪ á kɪ ne pè sǒ me pé gblǒyne n tiki n mǒ yinyǒ tǒnpɪbɪ yah, té me gbílkínóle n sah pé yǒ, té me pé tah sah pé dléy tyile n mǒ n kǒ, yé káh ye pé sòkò yó ñtē yé yah kǒ yah yúkúnóle. Pé gblǒy ye pè n gbilki pé fòkò táh tyi sǒnóle. ¹⁹ Krista nê-á yǒle, pè yahle ñmǒ sǒ tēnóle. Té ñmǒ gbò yǒ ye gbèl tél-ñtân ànê yǎhlò wil gběnsê tǎntân pól tel sah wê tyí, wil gběnsê kǒ kè fē n kyâh à yīne Liyel-á me ké tyí sǒ.

²⁰ Yé ku Kristale wê tyí, té pwah mǒ wilki kèkǒyó sètân tyi tǎhkì gbò. Nte kwâh nê pɪ té yé tǒ yé minne n pɪ á kɪ ne yé sǒ me kéne tyi gbò sǒ sòkò, à fē syi pè kǒ pè yéle n kyí n mǒ n mǒ sēnkno tyi sòkò ñtǒ wé? Pè n ne: ²¹ «Káh kwâh mē tǒkò, káh kwâh mē yǒ, káh n tū kwâh mē tyí.» ²² Kéne yī pólle, á kɪ fē á gblǒy tyí pekɪ séle ke núkú óle, té sè kɪ pɪ yǒ kē yile. Névyè yah yī tyi kǒnsàhnó ye séle à tahlɪ pǎh kwónó nónóne n kǒ. ²³ Gbɪ ye gbílkínó sàhnóle yinyǒ tǒnpɪbɪ yǒ ànê gblǒy tíkɪnmǒnóle sé yah sòkò, ànê wil gběnsê fòhnóle. Sè me á kɪ ne yípi tyi sǒ séle. Nte yǒre nǎh me sé sòkò yó ñtē tyí. Névi dyo yī tyi ó ye séle.

3

Min pínó késánne Liyel wèkì kóló sòkò

¹ Yépi to lékyí-á fyò yilki mǒ ànê Kristale wê tyí, yé Liyel fǒ yile n yah n kǒ, nýâh sòkò-á Kristale tēnóle Liyel gbòyǒ sǒle. ² Yé ne n sǒ Liyel fǒ yī tyí sòkò, yé káh ne n sǒ sètáh yǒ yī tyí sòkò. ³ Yé nǎh we di, yé ku té yé min me wǒbìnsàhnóle Krista sòkò Liyel tyí. ⁴ Nte Krista nê-á yépi minne, ñmǒ-à sǒ nēne wil mǒ, yépi to kɪ wil mǒ ñne wê tyí ñ tǒrí sòkò.

Pɪ òkù kédyâh ànê pɪ òkù késánne

⁵ Tyi nónó-á pi kèkōyó mè tyile, yé sépi yal n mɔ, sépi nónó-á pi: Pròprò pínóle, pǒpǒ pínóle, dékè tyi pínóle, dékè tókúnìne, à tahlì yísesúkú pínó tyí, kèpah nê-á sãh fálnó dùkù yóle. ⁶ Kéne tyi dùkù ye n yorì n mɔ Liyel fòkònyàhnìne n yóré yáhnlepu yó. ⁷ Ngbòle sò, yé min-á lésò me tyípèké yòri sòkò, sèntě ye yé me n pi. ⁸ Nte nùkúnúkú, tyi nónó-á yé yíne yè milki, sè we yò: Fòkònyàhnìne, ànê mál pínóle, ànê népèké pínóle. Gbyo ànê wènpèké yó rítě káh ne n wil yé vyëy sòkò. ⁹ Yé káh mìnìne n yo wě tyí. Yé náh we di, yé yé náh vi yé min pi dùkù kedyâh kò te, à ké tyípínì pól milki, ¹⁰ té me pi dùkù késánnè n pi, kèpah nê-á Liyel me n vi n mɔ gbímegbí, sònkò yè pi ñmɔ tyí kòle, yè mó ñne n pĩ yuku yahle ñmɔ nê-á mɔ yéle. ¹¹ Kèpah sòkò, wãhkì náh tǒ n we n pi yìkìni téló ànê Nsyifunɔ wró sòkò, kènkòbe ànê kò-ñkèpú wró. Kè náh tǒ me á kɪ ne yàhnkò wɔ-á yĩ pĩ, té ñyo me náh yĩ pĩ. Kè náh tǒ me á kɪ ne ñyole yǔ-á té ñyo me gblǒy yó névile. Nê-á me n mɔ n kò, Krista ye. Nmɔ ye yíyìnì pólle té me no pól min sòkò.

¹² Liyel-á fyò yépi yah wilki pi ñ nole, à yé pi yályál ñ yah sòkò, té yé tyí me no ñ tyí. Kèpah ye, yé pi névye yãm yáhpú, ànê pèpòri pípúle, ànê gblǒy tíkinmɔpule, ànê népír névyele, ànê nónó-á tyile n sro. ¹³ Yé wě sómnóle n pi. Nnì yó-à sǒ pi de ñ ní-ò tyí, yé yǔ mɔ wě kǒ. Tě ñgbě-á yǔ mɔ yé kǒ sǒ, yépi tǔ ne n yǔ n mɔ wěne n kǒ sě. ¹⁴ Nte nê-á kal sépi pólle, yé tyí no wě tyí. Tyínɔnɔ gbò yǔ ye yé wró kɪ me kwrónmɔnɔle palle. ¹⁵ Krista yèvinì nê me yé sòkò. Liyel ye yé ye kéne yèvinì we yíinne, sònkò yè pi wil gběnsé nùkúle. Yé pi pèpòri pípúle. ¹⁶ Yé ye Krista wey tǔ pi yíi yé sòkò. Yé wěne n kwɔ, yè mó wěne n vi n mɔ yípi sòkò. Yé pi pèpòri pípúle Liyel tyí yé nno pólle, yè mó ñne n gbal, yè ñ yin gbilki gbilki yìle n gbɪ, à tahlì Liyel Mirki-á yè nónó dahbì yé sòkò. ¹⁷ Yâh tyi nónónè n yo té tyi nónónè n pi, yé séle n pi Tě ñgbě Yesu yin yǔ, yè weyne Sú Liyelle n kǒ ñmɔ gbò yǔ.

Yesu yǔ sěpú wě tě dùkùle kǒhkí sòkò

¹⁸ Syó, yé ne n sah yé pèbi tyí yǔ kãh yíne sǒ Tě ñgbě wěkì kóló sòkò. ¹⁹ Pèbi, yé ye yé syó tyí no yé tyí, yé káh peke tě pé yǔ. ²⁰ Wènpì, yé ne n sah yé dúbípú tyí yǔ tyi tyi pól sòkò. Kèpah ye Tě ñgbě n yah n kǒ yé tyí. ²¹ Dúbípú, yé káh fòkònyàhnìne n mɔ yé wènpì sòkò kè kǒ kè pɔ pi wìkúnìne pé tyí.

22 Yõbı, tyi tyi pól sɔkɔ, yé ne n sah yé yõtãm tyí yõ nónó-á me sétáh mè yõ. Yé káh tõle n pi pé tyí pàh yéle n kyɔmı gbí nê óle, á kı ne névye dyɔ yíi tẽ sɔ yé n yah n kɔ pí-ńsahle dé. Nte yé yé gblɔy tiki mɔ kéle n pi fɔkɔ pérpérle yáh sɔnpıle me Tẽ ñgbẽ yah tíkile n pi. 23 Yáh sɔ tò nê dùkùle n pi, yé kéle n pi yé nno pólle Tẽ ñgbẽ tyí sɔ yé n pi kéle, kè káh ne n me ne névi tyí sɔ yé n pi. 24 Yé pı ne ńkẽ Tẽ ñgbẽ-á kı pɔ yépi tɔ dyah n pi yípeplɔle, wáh sépi nónó yah sah ñ no yinne. Yé náh we di, ñmɔ Krista ye yõtẽ kègbıle nê tyí-á yé n pi tõle. 25 Nte névi nê-à ñ gblɔy pi nétúkùle, ñ nétúkúni tyi lédyáhnı ye à kı we. Yé náh we di, Liyel náh wáhkıle n pi.

4

1 Yõtãm, yé yé yõbıle n tẽ n ple gbı wèkì yõ sɔkɔ, yé mó yé dyɔ sah ne n kwne ne yõtẽ yó-á me yépi tɔ tyí yinyõ sɔkɔ.

Pole-á vınmɔnɔ nónó kɔ

2 Yé gbah n tẽ níri pínó sɔkɔ. Yé níri le n pi yé pépɔrı pínó weyne Liyelle n kɔ. 3 Yé Liyelle n ni ápi tɔ tyí sɔnko à wèkì yıki mɔ á kɔ à fẽ ñ weyne n yo, ànê mè fẽ sètın sò tir tyıle n yo nê-á Liyel wõbı sah Krista sɔkɔ. Képah nê yın-á ńne wòkònpèkè sɔkɔ. 4 Yé Liyelle n ni ń tyí sɔnko à ń yah tẽ ń kɔ mè fẽ sètın sò tir mène n yo n wah, máh yıne mè kè yo sɔ.

5 Yé yé minne n pi lékámne Yesu yõ sɛ-ńkèpú wró. Syõ-ńsah-à fyò we yé tyí pépɔrı pi pi tẽne pé tyí, yé kè pi pé tyí. 6 Yé ye yé welɔ nóhnó nɔ névye tyí, ànê yõre mó ne n me sé tyí. Névi nê-á pikinyahno pi, yé ké yah tɔ n sah n yo tẽ tyí.

Wey kɔnóle

7 Á yúnpı Tisyiki nê-á ń nénónıne ànê ń kó-òle té me tõle n pi palle Tẽ ñgbẽ tyí, ñmɔ kı pɔ ń tyí kèdúkù pól yo yé tyí. 8 Ñmɔ ye we te n tekı n mɔ ñne yé tyí ne à kyı á tyí kèdúkù yo yé syah à mó yé nı sũ. 9 Wonesimi tɔ me ñne, ñmɔ nê-á á yúnpıle nê-á me tómm, té pi á nénónıne. Yépi sɔkɔ yó ye ñne. Tyi nónó pól-á me n pi ásò, pè kı pɔ sè yáh yé syah.

10 Arisitarkı nê-á me wòkònpèkè sɔkɔ ànê ńmɔle, à n wekı yé tyí. Markı tɔ n wekı yé tyí ñmɔ nê-á Barnabası tyí névıle. Markı tyí kèdúkù yo sɔkɔ yé tyí ne wáh kı pɔ yé ńne, yé à tẽ ple. 11 Yesu nê-á pè n ye Nsyusıtusıle, à n wekı yé tyí tole. Nsyufunɔ Yesu yõ sɛpú sɔkɔ, pépi ó ye me tõle n pi ànê ńmɔle à Liyel tɔrı tyıle n yo. Pè ń nı de yíi kègbıle.

¹² Yepafrası nê-á yépi sɔkɔ yóɛ, à n wɛkɪ yé tyí. Yesu tònpu ye ñne, nê-á me níriɛ n pi yé tyí gbímegbí sɔnko yè ne n me súnyĩnɔɛ Liel yõ sɛnó sɔkɔ, Liel dyɔ yí tyi pól pi pi tɛne.

¹³ A yèvyährı kah pi yépi ànê Lawodise tãn, ànê Yerapolisi tãn yĩnne. Nmɔ ní tɛ kɪ fɛ pi képah tãrfyɔɛ. ¹⁴ Dòktôr dí Likyi nê-á ápi kódíne, à n wɛkɪ yé tyí ànê Damasɛ.

¹⁵ A yúnpyé nóno-á me Lawodise, yé wɛkɪ pé tyí à tahl Nefa tyí ànê Yesu yõ sɛpú tĩnkĩ nê-á n tuke n mɔ n pɔ ñ gbô.

¹⁶ Yáh kɪ sébéy mè wɛ kar, yé gbah n tɛ Lawodise Yesu yõ sɛpú tĩnkĩ tɔ kɔ pè kè wɛ n kar. Nê tɔ-à kɪ se mó me tɛkɪ mɔ pépi tyí, pàh kɪ kéle yé kɔ, yé kè kar.

¹⁷ Yè mó n yo Arsyipi tyí ne, Tɛ ñgbɛ-á tò nê dahbi ñ gbò, à gbah n tɛ kè pi palle.

¹⁸ Nmɔ Pole ye n wɛkɪ yé tyí, té kéle n wãrkɪ ní gbòɛ. Yé káh n ye yé dyɔ fwɔ ne máh me wòkònpèkè sɔkɔ. Mé kéle n yah n kɔ Liel tyí ne, à yòbènɔri pi yé pól tyí.

Pole sébéy tékínmɔnɔle Tesaloniki tãn tyí Tyàh-nsah weyne

Pole wékínóle Tesaloniki tãn tyí

¹ Nmo Pole, ànê Silasí, ànê Timote ye n wãrku n tekí n mo sébéy mène yépi Tesaloniki kwil Yesu yõ sěpú ònkì tyí, yépi nónó-á me Sú Liyel ànê Tě ñgbě Yesu Krista tyí yõ. Mé kéle n yah n kō ne Liyel yòbènrɔrɔ pɪ yé tyí, à mó yèvinune yé kō.

Pole wékínóle Liyel tyí Tesaloniki tãn Liyel wey fěnsyinɔle tyí sɔkɔ

² Á me n wɛkɪ Liyel tyí yé pól tyí sɔkɔ gbímegbí, té me ñne n ye n gbo yé tyí. ³ Yáh me gbah tẽ Liyel yõ sěno tyípinì sɔkɔ, té me tòle n pɪ tyínɔnɔ sɔkɔ, à yé gbò sah yí Tě ñgbě Yesu Krista yõ sɔ, Sú Liyel ye ápi tàrfyòle ne, gbímegbí á dyo-á me n kwne séle. ⁴ Á yúnpyé, yépi nónó tyí-á nɔ Liyel tyí, á pĩ ne wãh yé yah wilki pɪ ñ tyíle. ⁵ Yé náh we di, áyáh Nìvìnì tir nê yo yé ònne, kè náh sò pɪ vyãh wey gbɔy óle dé. Á sò me kéle n yo ténweno sɔkɔ Liyel Mirki tãhkì gbò yõ, té á sěnyino me ké yõ ne gbɪ-á kéle. Áyáh á gblɔy tẽ dùkù nêne yé wró sɔkɔ yé tyí pekɪ yinne, ké sendi náh yéle dò. ⁶ Ápi ànê Tě ñgbě pɪ dùkù ye yé me n yah n pɪ. Yèvyãhrɪ náhnáh fyé sɔkɔ, yé Liyel wey fě syi nìvìnì sɔkɔ, ñ Mirki-á nìvìnì nê mɔ yé sɔkɔ. ⁷ Kãh pɪ sě, yépi ye Masedonɪ mara ànê Akayi mara Yesu yõ sěpú pól kɪ n yah n pɪ. ⁸ Yé náh we di, à tɔkɔ yépi ònne, Tě ñgbě wey me tɔ mɔ Masedonɪ mara ànê Akayi mara pól sɔkɔ. Té kè náh yin képah ó tyí dé, yé Liyel yõ sěno tyí tɔ me n yãh ywɔ ywɔ pól sɔkɔ, fók kè náh tɔ me ápi tɔ képah tyíle n yo rítěne. ⁹ Áyáh kyɪ yé ònne té yé á tɔ sah tẽ palle dùkù nêne, névye pól me képahle n yãh; ànê yáh yé náh vi fal fal tãn kō té yé yah mɔ Liyel ònne à tòle n pɪ ñ tyí dùkù nêne, ñmɔ nê-á gbɪ Liyelle té me min sɔkɔ, névye pól me képah tɔle n yãh. ¹⁰ Yé me ñ Pídí Yesu sykɪ tẽ ñmɔ nê-á kɪ wil yinyõ kɪ n pɔ n pɪ. Ñmɔ nê-á Liyel ñ lékó yilki mɔ, ñmɔ ye kɪ ápi yõ wilki n pɪ Liyel tukey sɔkɔ nê-á me n pɪ.

2

Pole tò pínóle Tesaloniki kwil soko

¹ A yúnpyé, yépi ntě kè pĩ yíi ne á pónó náh pĩ nònóle yé ònnè. ² Yé kè pĩ tǒle ne áyáh yèvyāhrı we soko Filipi kwil soko, nýāh soko-á pè fóhnó sah á yō té Liyel me nìsāh mǒ á soko á kō á me fē pǒ ò Nìvìnì tirlè n yo yépi tǒ tyí, gbí nê-á névyè sò me ále n fwo. ³ Tyi nónó-á á n yo névyè tyí, á náh me pílkinó soko, yínvī welo náh séle, vintēno tǒ náh à n vi n tē péle. ⁴ Liyel ye kè we ne ápi-á kǐ fē Nìvìnì tir yo, té me ké tyí dahbı ápi gbò á kō á kéle n yo ké yah yō. Névyè dyo yíi tē náh ápi n yah n kō pí-ńsahle dé, Liyel dyo yíi tē ye òmǒ nê-á ápi sǒnole n pne.

⁵ Yépi ntě pínó me ké soko ne welo nónó-á á yo yé tyí, yé vi n tē tē welo náh séle. Liyel ye á tǎrfyòle ne á náh me n yah n kō yé yó-ńsahle. ⁶ Ápi náh me n yah n kō ne ònì yó ntě ále n gbilki. Kǎh sǒ yépìle ò, kǎh sǒ no tǔlǔle ò, á náh me n yah n kō ne ònì yó ntě ále n gbilki. ⁷ Té ápi kǐ mó tǒ sò fē á tǔrǐ sah yé yō áyáh sǒnpíle pĩ Yesu Krista tēntò névyele. Nte á yé tē mármár pídúbisè-á ò pyele n tǒ n sah n tē sǒ. ⁸ Yé tyí sò no yíi ápi tyí, képah ye á me Nìvìnì tir yo yé tyí nê-á n wil Liyel tyí. Té kè náh yīn képah ó tyí dé, á á min ntě mǒ kǔ kō yépi yīnne yé tyí táhnó tē yīnne á tyí. ⁹ A yúnpyé, áyáh yèvyāhrı ànê kwlónó nónó pĩ, yé dyo me n kwne séle kyó. Áyáh lésǒ me yé ònnè à Nìvìnì tirlè n yo n kō yé tyí, á lésǒ me tǒ tǒle n pĩ lékǎh ké gbǐntǒ à yīn á gblǔy yínnóle, sǒnko à kǎh n pĩ n tē yótókóbíle yé soko yó ntě tyí. ¹⁰ Yépi ntě ye ápi tǎrfyòle ne, áyáh tyi nónó pól pĩ yépi Yesu yō sǔpú tyí, sé pól-á me ple, té me gbı wǔkǐ yō wényo-ńsah kéne; Liyel tǒ ye á tǎrfyòle. ¹¹ Yé pĩ tǒle ne áyáh yé tē ple, sǒ-á súbí pé wǔnpíle n tē ple. ¹² A vǐnmǎnole yé kō, té sǒré mǒ yé soko, té kè gbah yo yé tyí ne yé ye yé kǒ dǔkù ne n me Liyel dyo yíi, òmǒ nê-á ye yéle ò tǔrǐ soko de yīnne kǐ ké nolı we yō.

¹³ Yáh Liyel wey nê noh ápi tyí, yé náh kè pĩ névi vyāh weyne. Yé kè pĩ Liyel weyne. Té sē ntě ye kéle kyó. Kǎh pĩ sē, kè me tǔle n pĩ yé soko, yépi nónó-á Yesu yō sǔpúle. Képah ye, á n wǔkǐ Liyel tyí gbǐmegbí ntǒ. ¹⁴ N yúnpyé, Yesu yō sǔpú tǐnkínó nónó-á me Liyel tyí yō Nsyude mara soko, tir nê-á no péle, sǔnkǒ ye no yépi tǒle. Yé náh we di, yé sú fǒ névyè-á yé kwlo sǒ, sē ye Nsyifunǒ kwlo pépi

tole. ¹⁵ Nsyifunɔ ye ko mɔ Tě ñgbě Yesu ànê Liyel tẽntò syinyopulɛ*. Pè fóhnó sah ápi tɔ yõ. Pé tyí náh nɔ Liyel tyí. No pól sépébi ye péle. ¹⁶ Pè με ké tyí ne pé ápi yah kō á káh Nìvìnì tir yo yìkìnì téló névyé tyí pé tɔ kō pè we n pwah. Káh pì sě, dòhnìnó ó ye pè me n pì n yuku pé tyípêl yõ. Nte ké syì-ñsah, Liyel fóhnó sah pé yõ.

Kyi n yah dékè με Pole tẽ Tesaloniki tãn tyí

¹⁷ N yúnpyé, á yal yé tnô wró kwéy mè sɔkɔ, á yí tẽ wo náh με tẽnóle yé yõ ó, ñte á me yé tyíle n sō gbímegbí. Yé we dékè με á kah tẽ, képah ye á me gbah tẽ ne á yé we. ¹⁸ Á lésō με ké tyí ne á á syi n pɔ yé tĩnne, té gbáhyí náhnáh rítẽ ye ñmɔ Pole yah kō kéle té sétàn yõtẽ á yah kō. ¹⁹ Api Tě ñgbě Yesu syi n pɔ sòle, nónó gbò yõ me á yáh-ñsah náh n tyé n pi, ànê á nì kì vì, ànê á yò kì yõ? Yépi ye. ²⁰ Kègbì yõ, yépi yìn ye gbilkínó kì sah ápi yõ, té nìvìnì kì me á sɔkɔ.

3

¹ Képah sɔkɔ, áyáh pópó pɔ tẽ kwlo yé wé-ńkẽne, á kè yah tɔkɔ ne ápi-á kì wū á gblɔy Atenì kwil sɔkɔ, ² té me á yúnpì Timote tekì mɔ yé kō, ñmɔ nê-á me Liyel tòle n pì ápile wẽ tyí Nìvìnì tir yónkɔnɔ sɔkɔ Krista tyí sɔkɔ. Á ne à pɔ yé yohu mɔ yé tãhkì we Liyel yõ sěnó sɔkɔ, à mó sóre mɔ yé sɔkɔ, ³ sɔnko kwey gbì yèvyãhrì káh pɔ yé kō kwɔ. Yé pínó se με ké sɔkɔ ne yèvyãhrì mène n sɔkɔ té á sah n pi té. ⁴ Yé náh we di, áyáh lésō με yé tĩnne gbí nêne, á lésō kè yo sah yé tyí ne áyáh kì pɔ yèvyãhrì pì n pi. Képah ye pì yò, ké sendì náh yéle dò. ⁵ Képah ye, máh pɔ tẽ sómnó pì kwlo, mé Timote tekì mɔ ne à kyì yé Liyel yõ sěnó dùkù yah n pɔ n yo ñ syah. Tíkí sò me ñ tẽ ne sétàn yõtẽ tɔnmɔnɔ káh ne me tẽ n we yé tyí, ápi kwlónó kō kè pì yõ kẽne.

⁶ Nte núkúnúkú, Timote ye wil yé tĩnne à pɔ. Á me pɔ yé yíngbìle n yo ne Liyel yõ sěnó-á me yé sɔkɔ, ànê tyínɔnɔle. Nkě yáh me n sō ápi tyí sɔkɔ gbímegbí. Á we dékè-á me yé tẽ, sǎ-á yépi tɔ we dékè me ápi tẽ. ⁷ Káh pì sě á yúnpyé, áyáh sò me yèkwɔrì ànê yèvyãhrì nónó pól sɔkɔ, yé Liyel yõ sěnó tyí nóhnó pì nì dénó ñgbẽne á tyí. ⁸ Nte yáh fyò me sěnyĩnɔle Tě ñgbě yõ, á mìnì ye pyè tiki de á fɔkɔ sɔkɔ núkúnúkú yò. ⁹ Wey dùkù nê tẽ me ápi kì fẽ Liyel kō n pi yé tyí sɔkɔ yò, wãh nìvìnì ñgbě nêne á kō yépi yĩnne? ¹⁰ Ké

* **2:15** 2.15 Liyel tẽntò syinyopu kònmɔnɔ nê tyí-á n yo ásò, pé pól náh pè ko mɔ. Pé tükù ye pè ko mɔ.

l k h k  gb nt ,   me k le n gbah n ni Liyel ty  ne   w k  yiki m    k    f  p  yah y  ty . T  f  n -  ki me y  tek  Liyel y  s n  s k ,   m  y  yohni n m  k  ty  s k .

¹¹   k le n yah n k    S  Liyel n t  ty   n    T  n gb  Yesu Krista ty  ne, p  w k  yiki m    k    p  y  f nne. ¹² W  ty n n   n  no p l ty n n  n -  me y  s k ,   k le n yah n k  T  n gb  ty  ne,   w nne n m  k  y    ki ne y  ty -  no s   pi ty . ¹³   m  n s hle y  k  y  Liyel y  s n  s k , y  k  y  p  w nyo-n sah k ne y  ty . Y  m  ne n me y ly l   S  Liyel yah s k    T  n gb  Yesu Krista-  s  n ne n sy  p  n y  n y ny  t np b  p lle.

4

Min p  duk  n  ty -  n  Liyel ty 

¹   y npy , y h y ne y  ne n k  duk  n ne k  m  n  Liyel ty ,   k le y  w k  te. S nt  n t  ye y  me k   , nte   t  k le n yah n k  y  ty  T  n gb  Yesu y n y  ne, y  gbah n t  w n m  k  y . ²  y h v nm n  n n ne y  k    wil T  n gb  Yesu ty , y  s le n pne. ³ Liyel-  me n  ty , k  we y :   me k  ty  ne y  ne n me y ly l p w  yah, y  k h pr pr le n p , ⁴ y  n n k  n k  p l m  y  gbl yne n t  f f k  p n le. ⁵ Y  k h ye l d r  t  n we y  ty  s -  k  Liyel p -n k p le n fne. ⁶ Nn  y  n t  k h n p  n de n n -  ty    yuku k pah t  ty  f nne. Liyel n h n ye k pah t  w  d n le d .   l s  k  yo y  ty , t  k  gb hdy h t  di sah te y  ty  d . ⁷ Liyel n h   ye p p  p  y nne d ,     ye ne   ne me y ly l p w  yah. ⁸ K h p  s , n vi n -  v nm n  n pi yahle, n vi n h t  yahle d , Liyel ye t  yahle, n m  n -  n Mirki dah m  y  s k .

⁹ Liyel ty  ye y  we kw n le   yuku w  ty n n  ty  f nne. K pah ye, y  n h me k  ty  m  n t  tir y  w rk  n tek  n m  y  ty  k pah ty  s k . ¹⁰ Masedoni mara Yesu y  s p  p l ty  me n  y  ty . K pah k le n w k  ne y h me ty n n  m  w k le n k . Nte   y npy ,   t  k le n yah n k  y  ty  ne, y  t  w n m  k  y . ¹¹ Y  y v ni y h k n  p  y  t le. Y  k h y  p  p  ty  sah y  m  ne n y k  n de n vy  ty  s k . Y  y  gbl y k  t  s k   y h k  yo sah s  y  ty . ¹² K pah s k , y  k  duk  ki k k y  n vy  k  p  ki y y nne n sah y  y ,  n  y  n h n p  n t  n pi y t k b le n n  y  n t  ty .

L ky   n  vye ty -  ne p  n p  n pi s  T  n gb  Yesu sy n n  s k 

13 Á yúnpyé, yé no nónó-á pè náh tǒ me min sɔkɔ, pé tyí-á ne pɔ n pi n pi sǒ, ápi náh me ké tyí ne yé tǔ ké yíturi sɔkɔ kè pɔ n pi yèkwɔrile yé tyí névyé tyí kǒle, nónó yáh-ńsah-á me tyénóle. 14 Áyáh fyò sǔ ké yǒ ne Yesu-á ku té ñ lékó me yilki mɔ, á sǔnó me ké yǒ tǔle ne nónó-á sǔ ñ yǒ te pɔ yah kwɔ, Liyel-á kɪ pépi tǔ lékyî yilki mɔ pè kǒ pè kɪ me wǔ tyí Yesule. 15 Á kɪ tir yó yo yé syah, à yǐne Tǔ ñgbǔ wey yóle. A ne ńkǔ pé syi n pɔ sǔle, ápi nónó-à kɪ me min sɔkɔ, névyé nónó lékyî-á yilki mɔ, á náh pépi dyàh tǔ n pi. 16 Yé náh we di, Tǔ ñgbǔ-à kɪ fyò pɔ wǔkì kǒ, yǐnyǒ tǔnpɪbɪ yǔtǔ kɪ gbo mɔ yǐnpǔ ñgbǔne, té Liyel kǔpǔ kɪ fɪbɪ. Képah sɔkɔ, Tǔ ñgbǔ kɪ wil yǐnyǒ kɪ tiki pɔ. Képah tǔne, nónó-á sǔ sǔ Yesu yǒ té pɔ yah kwɔ, pépi ñgbò lékyî kɪ yilki mɔ. 17 Képah náh, ápi nónó-à kɪ me min sɔkɔ légbǔne, á tǔ kɪ kwɔ mɔ yǒ dɔkɔ péle wǔ tyí ńyǐrn sɔkɔ kɪ kyɪ Tǔ ñgbǔ Yesu yohnɪ yǐnyǒ, té kɪ tǔ ñne kúmm yǒ. 18 Kǎh pi sǔ, yé wǔ nnɔle n de wɔle nópɪle.

5

Tǔ ñgbǔ syǐnpɔnɔle

1 Á yúnpyé, tyi nópi-á kɪ pɔ n pi n pi gbǔ nǔne, yǒ náh me ké tyí mè n tǔ tir yó wǎrkɪ n tekɪ n mɔ yé tyí sépi tyí sɔkɔ. 2 Yépi ńtǔ pǔnó me ké sɔkɔ ne Tǔ ñgbǔ syi n pɔ sǔ-á kɪ névyé kwɔkɪ n tǔ n pi yǔnwó pónó tyí kǒle lékǎhne. 3 Gbǔ nǔ-á névyé kɪ me n yo ne, yèvɪnɪ-á me, dlo náh tǔ me, légbǔ ye tyí yíkínó kɪ núkú pè kwɔkɪ tǔ sǔ kúrkɪ tǔnó tyí kǒle, té pè náh tǔ we n wil n pi ké sɔkɔ pǔlle. 4 Nte yépi wǔle á yúnpyé, yépi tǔ se yó me fǔntú sɔkɔ kéne gbǔyǔkì kǒ kè kɪ pɔ yé kwɔkɪ n tǔ n pi yǔnwó tyí kǒle? 5 Yé náh we di, yépi pǔlle, yé fɔkɔ me dálnóle. Yé me tyile n pi kyò sɔkɔ. Ápi tyípínì náh me fǔntú sɔkɔ. 6 Képah ye, á yé káh ne n dɔ no téló tyí kǒle. Á ye ne me n yah, à mó á gblǔyne n kyɔmɪ sètǔnì pínóle. 7 Yé náh we di, lékǎh yé dɔy dǔpú n ne n dɔ, ànǔ lékǎh ye sǔwɔbɪ tǔ sètǔnǔne n pi. 8 Nte ápi nónó-á pi tyah kyò sɔkɔ névyele, á ye káh sètǔnǔne n pi. Á ye ye Liyel yǒ sǔnó ànǔ tyínɔnɔ ne n me á sɔkɔ á kɪ ne vyɔrɪ fwòmɔnɪ sǔ á mɔ. Á gbò sǎhnó mó ne me pwáhnmɔnɔ yǒ á kɪ ne vyɔrɪ gbétú sǔ á kwǐnkɪ. 9 Yé náh we di, Liyel náh ápi mɔ ne pé pɔ á fǔh dé. Nte à me ké tyí ne á pwáhnmɔnɔ we á Tǔ ñgbǔ Yesu Krista gbò yǒ. 10 Nmɔ ku ápi yǐnne, sǔnko áyáh sǔ me min sɔkɔ ò, áyáh sǔ ku ò, à ne n me ñmɔle wǔ tyí. 11 Képah ye,

yé sórèle n mɔ wě sɔkɔ, yè wãnne n mɔ wě tãhkì yõ Liyel yõ sěńó sɔkɔ, sã-á yé me kéle n pɪ yò.

Pole-á vìnɔnɔ téy ànê wey nêne Tesaloniki tãn kã

¹² A yúnpyé, á kéle n yah n kã yé tyí ne nónó-á me gbah tẽ yé yahle n tẽ, té me yéle n vi mɔ Tẽ ñgbě wěkì kóló sɔkɔ, yé yòyénne n sah pé yõ. ¹³ Yé yòyénne n sah n yíí pé yõ tyínɔnɔ sɔkɔ pé tò yinne. Yé ne n me tɔɔ sɔkɔ wě tyí yèvinɪ sɔkɔ.

¹⁴ A yúnpyé, á kéle n yah n kã yé tyí ne, yé ne n wekɪ gbãndal pípu yõ, yé nìsãhle n mɔ tiki pípu sɔkɔ, yé mó tẽnkwɔpule n yohnu n mɔ. Yé no pól sómnóle n pɪ. ¹⁵ Yé yé gblõyne n kyɔmɪ, ñnî yó rítẽ káh pèkè wóle n de pèkèle. Nte yé pèpey ó pí-ńsahle n yah n kã wě tyí, ànê no pól tyí gbímegbí.

¹⁶ Yé ne n me nìvìnì sɔkɔ gbímegbí. ¹⁷ Yé Liyelle n ni kúmm. ¹⁸ Tyi tyi pól sɔkɔ yé ne n wekɪ Liyel tyí. Képah ye Liyel n yah n kã yé tyí ne yé ne n pɪ Yesu Krista yõ sěńó sɔkɔ.

¹⁹ Yé káh Liyel Mirki yah kã tò pínóle, ²⁰ yé káh Liyel tẽntò syínyopu welɔ tyíle n yo n ko. ²¹ Yé tyi pólle n sohlɪ n yah, té nónó-à me palle, yé mó sépi fẽ n syi. ²² Yé yé gblõyne n tẽ tyípêl duke pól pínóle.

²³ Liyel nê-á yèvinɪ nètẽne, mé kéle n yah n kã ñ tyí ne à sãm mɔ yé min pɪ òkù pól sɔkɔ. A mó yé sɔnɔ, ànê yé min, ànê yé wil gběnsê pɪ wényo-ńsah kěne sé tyí á Tẽ ñgbě Yesu Krista syɪ n pɔ sõle. ²⁴ Nmɔ nê-á n ye yéle, à n kɔ ñ tyíyónó sò. Nmɔ ye kɪ pɪ séle.

²⁵ A yúnpyé, yé níri tole n pɪ ápi tyí.

²⁶ Yé wekɪ á yúnpyé pól tyí tyínɔnɔ wey pèpeyne. ²⁷ Mé yéle n gbah n ni Tẽ ñgbě yín yõ, ne yé sébéy mè kar á yúnpyé pól noh.

²⁸ Mé kéle n yah n kã á Tẽ ñgbě Yesu Krista tyí ne à yòbènrɪ pɪ yé tyí.

Pole sébéy ní-ò tékínmɔnɔlɛ Tesaloniki tãn

Pole wékínóle Tesaloniki tãn tyí

¹ Nmo Pole, ànê Silas, ànê Timote ye n tekɪ n mo sébéy mène yépi Tesaloniki kwil Yesu yõ sěpú tĩnkĩ tyí, yépi nónó-á me ápi Sú Liyel ànê Tě ñgbě Yesu Krista tyí yõ. ² Mé kéle n yah n kō Liyel tyí ne à yòbènrɪ pɪ yé tyí, à mó yèvinune yé kō.

Liyel wěkì kólóle yèvyãhrɪ sɔkɔ

³ Á yúnpyé, ké yah ye á yĩne à ne n wekɪ Liyel tyí gbímegbí yépi tyí sɔkɔ, yé Liyel yõ sěno ànê yé wě tyínɔnɔ-á sōnpile me n yuku yahle. ⁴ Yé me yèvyãhrɪ ànê yèkwɔrɪ tole n we, ñte kėpah fyé yõ, yé Liyel yõ sěno gbò yõ, yé me fě yé tah sah. Kėpah ápi nɪ vɪ yĩ á kō á me yé tyíle n yah n yãh n kō Yesu yõ sěpú tĩnkínó tyí, nónó-á me Liyel tyí yõ. ⁵ Kéne yèvyãhrɪ nópi ye n wěkɪ kéle ne Liyel tukey-á me gbɪ wěkì yõ, ànê nònó náh yépi kɪ we de Liyel tōrɪ sɔkɔ, yáh me n kwlo kėpah nê yĩne.

⁶ Liyel me tómm. A kɪ yé fòhpú wó de pé sɔkɔ. ⁷ Yépi nónó-á me fòhnóle n we, à kɪ yèvinune yé kō n pi ànê ápile. Kėpah kɪ n pɪ n pi sō nê-á Tě ñgbě Yesu kɪ wil yĩnyõ kɪ pɔ ànê ñ yĩnyõ tònpuɪ tɛnpnèpule ⁸ nyàh lépõ yó sɔkɔ, kɪ pɔ fòhnó sah Liyel pí-ńkėpú ànê Tě ñgbě Yesu Nìvìnì tir yáhlepu yõ. ⁹ Pé fòhnó kɪ pɪ tyí yíkínó kúmmne, té pé wró kɪ gbe mo Tě ñgbě ànê ñ tōrúle. ¹⁰ Lésõ nê-á Tě ñgbě kɪ n pɔ n pi yõ, ñ náh névyé ànê ñ yõ sěpú pól kɪ gbilkínó sah ñ yõ lésõle, té kɪ ñne n yah dékè ó. Yépi tɔ kɪ me kéne névyé sɔkɔ, yáh fyò sě Nìvìnì tir yõ ápi-á kėpah nê yo yé tyí. ¹¹ Kėpah ye, á me nírúle n pɪ yé tyí gbímegbí. Á me kéle n yah n kō á Liyel tyí ne, wáh yé ye tir nê yĩne, à kè pɪ yé fě kè pekɪ. Á kéle n yah n kō ñ tyí ne, à tãhkúle yé kō yé fě tyípéplɔ pólle n pɪ nónó dékè-á me yé sɔkɔ, à mó yé yohnɪ n mo yé ñ yõ sěno tyípínune n pɪ. ¹² Kėpah sɔkɔ, yé kɪ Tě ñgbě Yesu yĩne n gbilki, té ñ tɔ kɪ mó yé yõ yõ. Pèpɔrɪ ye séle ápi Liyel ànê Tě ñgbě Yesu Krista kɪ pɪ.

2

Tyí nónó-á kɪ Tě ñgbě syínɔnɔ dyàh tě

¹ A yũnpyé, à yuku ápi Tě ñgbě Yesu Krista syínpono ànê ápi tükènmõno tyí ònnè n tñô, á kéle n yah n kō yé tyí ne, ² yé káh ye ñnî yó ñtê po yé sõno vye fẽki, képah náh pi tiki mo yé soko sérõséro ne Tě ñgbě syínpono gbìyìkì-á yĩni tẽ. Tě-à kɪ sõ ne Liyel tẽntò-à pé syi n yo, képah náh pi, tẽ yẽngbẽ wey-à kɪ sõ nê à po n yo yé tyí, képah náh pi, sébéy yó fyé-à kɪ sõ nê tẽ po, té ne káh wil ápi tyí, yé káh sã tẽ yõ. ³ Yé káh ye ñnî yó ñtê kō à po yé pilki òkù yó ñtẽne. Yé náh we di, kéne gbìyìkì-à pópó n pi, Liyel wẽkì ñgbò ye pè kɪ po tyah n fwo, té Liyel fwó-ò kɪ ñ yõ wilki mo. Nmõ nê-á n pilki névyele, ñ tyí kɪ po n yikɪ n pi. ⁴ Nmõ ye kɪ po yuku Liyel ànê gbilki gbilki yì pólle n fwo, té kɪ kyɪ de kō tẽ ñtẽne Liyel ní-risah gbò soko, té kɪ ne Liyel-á péwõle. ⁵ Yé dyo se fwo ne máh lésò kè yãh soko yé tyí ní me gbíne yé ònnè? ⁶ Nte núkúnúkú, kwáh nê-á kō sah ñ yahle à kō à náh fẽ wil n mo n pi ké gbí nó-ńkẽ soko, yé kéle n pne dò. ⁷ A me ñ tãhkile tò tyah té sètìn sò soko. Té ñ tẽnsàh-ò-à sõ nẽne n kne, ⁸ légbíne à kɪ ñ yõ wilki mo, té Tě ñgbě Yesu kɪ ñ tyí yikɪ ñ vyãh yãhfãne, té Yesu pínó tãhkì kɪ à pyãhrɪ pnépné. ⁹ Népékè mè kɪ n po n pi sétàn yòtẽ tãhkile ñ soko. A kɪ gbìl ànê gbèndùnì tyi duke pólle n pi nóno-á névile n pilki. ¹⁰ A kɪ tyíknènì duke pólle n pi névyé we n pilki yinne nóno-á me tyíyíkinó wẽkì yõ. Pé tyí kɪ n yikɪ n pi pãh sõnpíle gbɪ wẽkì kóló yahle, képah nê-á kɪ sõ fẽ pè pwah n mo n pi. ¹¹ Képah ye, Liyel ye sétò tãhkì kō kè po pè mo pílkinó soko, pè kō pè kɪ n sã mìnì tyi yõ. ¹² Képah soko, nóno pól-á yahle sãnóle gbɪ yõ, té tyíknènì tyí no pé tyí, fõhnó kɪ sah pé yõ.

Tesaloniki tãn gbáhntẽnole Yesu yõ sãnó soko

¹³ A yũnpyé, yépi nóno tyí-á no Liyel tyí, ké yah ye á yĩne à ne n wekɪ Liyel tyí gbímegbí yépi tyí soko. Yé náh we di, ñmõ ye yah wilki yéle tyah gbí òkùle ne pé yé pwah mo ñ Mirki gbò yõ, képah gbò yõ-á yé kɪ yé minne n pi yályál Liyel yah, ànê gbɪ yõ sãnó to gbò yõ. ¹⁴ Képah yĩn ye à ye yéle Nìvìnì tir nóhnó gbò yõ áyáh nê yo yé tyí, nê-á kɪ yépi to kō yé kɪ we de á Tě ñgbě Yesu Krista tórí soko. ¹⁵ Káh pi sã á yũnpyé, á kéle n yah n kō yé tyí ne yé sã yí Tě ñgbě yõ. Áyáh kwónó nóno ne yé kō vyãh wey soko, képah náh pi sébéy tóntekunmõno soko, yé sè koh n tẽ n yĩn. ¹⁶ Ápi tyí no á Tě ñgbě Yesu Krista ànê á Sú Liyel tyí. Pépi ye á nnole

n de tyé-ńkêne pé pèpɔɔrɔ gbò yõ, té á kõ á tẽ we á gbò sah yĩĩ pé yõ. ¹⁷ A kéle n yah n kõ pé tyí ne pé yé nno de, pé mó tãhkìle yé kõ yé fẽ ne n tõ n sah n pi, tyípínì ànê vyãh wey sɔkɔ.

3

Nĩri pínó yáhnkõnɔle

¹ A yúnpyé, ké syì-ńsah mé kéle n yah n kõ yé tyí ne yé nĩrile n pi ápi tyí, sɔnko Tẽ ñgbẽ wey tõ mɔ súú, névye mó kéle n mɔ n kõ yépi tyí kõle. ² Yé Tẽ ñgbẽ ni á tyí tɔle à kõ à á pwah n mɔ nétúkúnì ànê népèl gbò. Yé náh we di, no pól náh sã Nìvìnì tir yõ. ³ Nte Tẽ ñgbẽ me tómm. A kɔ tãhkìle yé kõ, té kɔ yé yõle n syíkɔ ne sètãn yòtẽ káh tẽ we yé tyí. ⁴ Tẽ ñgbẽ gbò yõ, ápi sěnyínó me ké yõ ne áyáh nê kõ sah yé kõ, yáh me kéle n pi, té kɔ tõ n yõ n sɔkɔ n pi sã. ⁵ A kéle n yah n kõ Tẽ ñgbẽ Krista tyí ne, à yé yohnɔ n mɔ yé fẽ pĩ yé tyí-á nɔ sã Liyel tyí, ànê yé fẽ sómnole n pi ñmɔ Krista tyí kõle.

Gbáhdyãh dɪnsàhnóle gbãndal pínó tyí sɔkɔ

⁶ N yúnpyé, ápi-á yé kwɔ tyi nónóne, yé yúnpyé nónó-á sépi kěkɔ sah té pé minne n pi gbãndal pínó sɔkɔ, mé kéle n yah n kõ yé tyí Tẽ ñgbẽ Yesu Krista yĩn yõ ne, yé káh péle n tĩnki. ⁷ Yáh yĩne yé ápile n yah n pi dùkù nêne, yé kéle n pne kyó. Ápi náh á min pi yé wró gbãndal pínó sɔkɔ. ⁸ Áyáh lésõ me yé tĩnne, á náh kè yah kõ ñnì yó nítẽ tyí ne à ápi vyãhle n yah. A tõ pi, á yah vyãh, à kwlɔ lékãh ké gbĩntõ à yĩn á gblɔy yínnóle, sɔnko à káh n pi n tẽ yótókóbìle yé sɔkɔ yó nítẽ tyí. ⁹ Ké yah ye lésõ yé á vyãhle n yah. Nte ápi képah pi ne kè pi kwónóle yé tyí, yé tɔ kõ yé sěnkõle n pi. ¹⁰ Áyáh lésõ me yé tĩnne, á ké gbáhdyãh di sah yé tyí ne, névi nê-à yahle tõ pínóle, tẽ náh yĩne yónó tɔle. ¹¹ Nte á me n nohnɔ ne, yé túkù-á me gbandal ó yah wũ à yahle tõ pínóle, té me n yɔkɔ n de névye tyi sɔkɔ. ¹² Kéne névye nópi tẽne, á kéle n yah n kõ pé tyí té sórèle n mɔ pé sɔkɔ Tẽ ñgbẽ Yesu Krista yĩn yõ ne, pé pé yah di tõle n pi, pé pé yõ yõ tẽne n we pé yěngbẽ myèh ninkwenɔ sɔkɔ.

¹³ Yépi tẽ wɔle á yúnpyé, yé káh n yal n mɔ tyípéplɔ pínóle. ¹⁴ Tyi nónó-á ápi yo sébéy mè sɔkɔ yò, névi nê tẽ-à kɔ fyò yahle sàhnóle sé yõ, yé tẽne n kyɔmɔ, yé káh ne n pi n soh tẽne. Képah sɔkɔ, kè kɔ pi senne tẽ tyí. ¹⁵ Té yé káh tẽ pi

yé sépe tǎ wǎle dé, yé vǎnmǎnǎle tǎne n kǎ sǎ-á yé kéle yé yúnpyéle n kǎ.

Wékínóle névye tyí ànê sǎm mǎnóle pé sǎko

¹⁶ Mé kéle n yah n kǎ yèvinu Tǎ ògbǎ òtǎ tyí ne, à yèvinune yéle n kǎ gbímegbí kǎh sǎ kǎ dùkù nê óle. Mé kéle n yah n kǎ ò tyí ne, à ne n me yé pólle.

¹⁷ Wey nê-á mé yé kǎ yò, òmǎ Pole ye wǎrkǎ kéle ní gbòle. Sǎ ye mè n ne n mǎ ní gbò níyne ní sébéy wǎrkíntekimǎnǎnǎ yò. Òmǎ wǎrkínó ye kéle tótó. ¹⁸ Mé kéle n yah n kǎ ápi Tǎ ògbǎ Yesu Krista tyí ne, à yòbènrǎ pǎ yé pól tyí.

Pole sébéy tékínmɔnɔle Timote tyí

Pole wékínóle Timote tyí

¹ Nɔmɔ Pole nê-á pɪ Yesu Krista tēntō névile à yīne Sú Liyel-á kè yah tɔkɔ sɔ̃, nɔmɔ nê-á á pwáhnɔ-òle, ànê à yīne Yesu Krista tɔ-á kè yah tɔkɔ sɔ̃, á gbò sàhnó-á me nɔmɔ nê yō sɔkɔ. ² Timote, áwɔ tyí ye mé n tɛkɪ n mɔ sébéy mènɛ, áwɔ nê-á ní pídí kègbule Liyel yō sēnó sɔkɔ. Mé kéle n yah n kō Sú Liyel ànê á Tē ñgbē Yesu Krista tyí ne pè yòbènrɔ pɪ á tyí, pè á yām yah pè mó yèvinɛ n kō.

Gblɔy tēnóle kwónó kétúkúni pípúle

³ Tē Yefesɪ kwil sɔkɔ sɔ̃-á sò mé yo kéle á tyí máh n sɔkɔ Masedonɪ mara sɔkɔ. Névyɛ tókù me kwónó kétúkúnine n pɪ nɛnpó, á yīne n pè yīni n mɔ ké pínóle. ⁴ Yo pé tyí ne, pè káh tē sèmirn yáhnó ànê náh tãn yīni tyí níy tēnó ó sɔkɔ tyé-ñkēne. Yékâb ó ye sépi n pɔ n pɔ. Sè náh névyɛle n yohnɪ n mɔ Liyel yō sēnó sɔkɔ, à yīne Liyel-á me ké tyí sɔ̃. ⁵ Gbáhdyáh dínsàhnó mè yō ye ne kè tyínɔnɔ dahbɪ pé sɔkɔ, tyínɔnɔ nê-á n wil nɪ pèpɛy sɔkɔ, sɔnɔ pèpɛy sɔkɔ, ànê Liyel yō sēnó kègbɪ sɔkɔ. ⁶ Nte névyɛ tókù ye kèpah yahle, té mɔ pu à yékâb tókúni pínó ó yah wũ. ⁷ Pè pé gblɔy pɪ Liyel tyi kònsàhnó kwópúle. Té tyi nónó ñtē-á pè me n yo, ànê tyi nónó-á pè me névyɛle n gbah n kwɔ, pè náh me sé dùkùle n pɛ.

⁸ Api pĩ ne ñkē Moyisi tyi kònsàhnó-á ple, wâh me sé tyile n pɪ sáh yīne sɔ̃. ⁹ Yé náh we di, Moyisi tyi kònsàhnó náh sah négblo yīnne dé. Nónó yīn-á sè sah, pépi ye pɪ tyítúkúni pípúle, ànê kèlékē pípúle, ànê népèkè pípúle, ànê tyípèl pípúle, ànê Liyel mónkò-ñkēpúle, ànê Liyel tyi mónkò-ñkēpúle, ànê súbí kònmɔpule, ànê yúbí kònmɔpule, ànê nékókè mópúle, ¹⁰ ànê prònrɪbɪle, ànê díbí wē tókópúle, ànê syó wē tókópúle, ànê yōbɪ yãmpule, ànê m̀nyobele, ànê nónó-á péle n wo m̀nì tyi sɔkɔ, à tahlɪ nónó pól-á me Liyel tyi kwónóle n fwo. ¹¹ Kéne kwónó mè wil Nìv̀ǹǹ tir sɔkɔ, tɔ́rɪ Liyel-á nê dahbɪ ñmɔ gbò, nɔmɔ nê-á pèpɔrɪ Liyelle.

Krista kɔ́nóle pèpɔrɪ pínó weyɛ

¹² Nɔmɔ n wekɪ á Tē ñgbē Yesu Krista tyí, nɔmɔ nê-á tãhkìle n kō. Mé n wekɪ n tyí, wãh sɔnpúle kè yah ne máh yīne pé

tò pínóle, té ní tɔkɔ̀ n̄ tò sɔkɔ̀. ¹³ Té n̄mɔ̀ ye mó t̄s̄ lésõ n̄ yo n̄ ko n̄ tyíle, té ñne n̄ fõh, té p̄i n̄épékèle. Nte mé lésõ me sépi pólle n̄ p̄i ñp̄i-ñkê ànê Liyel yõ s̄ẽ-ñkê sɔkɔ̀, kèpah ye Liyel me pɔ̀ ní yãm yah. ¹⁴ Api T̄ẽ ñgb̄ẽ ye p̄èp̄ɔ̀ri p̄i n̄mɔ̀ tyí nánháh, à Liyel yõ s̄ẽnó ànê tyínɔ̀nɔ̀le ní k̄õ nê-á n̄ we á wró kwrónmɔ̀nɔ̀ gb̄õ yõ Yesu Kristale. ¹⁵ Gb̄i ye wey mène nê-á no pól ȳine pè kè f̄ẽ syi, kèpah nê-á yo ne Yesu Krista-á pɔ̀ kèkõyó sɔkɔ̀ tyípèl pípú pwah n̄ mɔ̀ ȳinne. Pépi sɔkɔ̀ ney yó ye n̄mɔ̀le, té n̄mɔ̀ tyí peke kal. ¹⁶ Nte n̄mɔ̀ nê tyípèl-á kal, Liyel n̄mɔ̀ yãm yah. A me ké tyí ne Yesu Krista n̄ gbl̄õy p̄èp̄ɔ̀ri pínó w̄ẽk̄i, nê-á k̄i p̄i kwónóle névye tyí nónó-á k̄i pɔ̀ n̄ s̄ẽ n̄ pi n̄ yõ, k̄i tyé-ñkê min we. ¹⁷ Tyé-ñkê Yõt̄ẽ dí nê-á à nán n̄ we, à nán n̄ ku, ñmɔ̀ nê-á Liyel núkúnine, mé me ké tyí ne yõ ȳnó ànê gbilkínó p̄i ñmɔ̀ tyíle gb̄imegb̄i. Amiina.

Pole me n̄isãhle n̄ mɔ̀ Timote sɔkɔ̀

¹⁸ N̄mɔ̀ pídí Timote, Liyel t̄ẽntò welo nónó-á yo sah á tyí sɔkɔ̀, mé kéle n̄ yah n̄ k̄õ ne sépi n̄ yohn̄i n̄ mɔ̀ á gbah t̄ẽ tò p̄èp̄eyne n̄ p̄i. ¹⁹ Kéle n̄ p̄i Liyel yõ s̄ẽnó sɔkɔ̀ ànê s̄õnɔ̀ p̄èp̄eyne. Túkù ye yahle s̄ẽnt̄ẽ pínóle. Káh p̄i s̄ẽ, pé Liyel yõ s̄ẽnó t̄ẽ syi pé tyí. ²⁰ Pépi túkù ye Yimene ànê Alekisãdrele. Mé pépi gbah de mɔ̀ sétàn yõt̄ẽ k̄õ, nê-á k̄i p̄i kwónóle pé tyí pè k̄õ pè nán t̄õ n̄ yo n̄ de n̄ pi Liyel tyí.

2

Kwónó nê-á k̄õ n̄irí pínó tyí yõ

¹ Máh me nê ñgbòle n̄ yah n̄ k̄õ, kèpah ye ne á yáhnkõnɔ̀le n̄ p̄i Liyel tyí, á ñne n̄ ni, á ñne n̄ fal, á mó weyne ñne n̄ k̄õ no pól ȳinne. ² A ye n̄irile n̄ p̄i yõt̄ãm tyí, ànê névye pól tyí t̄õrí-á me nónó gb̄õ, s̄õnko à á minne n̄ we n̄ p̄i syísyí yèvin̄i sɔkɔ̀, á k̄õ dùkù mó ne n̄ me palle, à mó Liyel yah t̄ikile n̄ p̄i. ³ Kèpah ye ple, ànê ké tyí no á pwáhn̄mɔ̀-ò Liyel tyí, ⁴ ñmɔ̀ nê-á me ké tyí ne no pól pwáhn̄mɔ̀nɔ̀ we, pè mó t̄ẽ we gb̄ule n̄ pne. ⁵ Yé nán we di, Liyel núkú ó ye me. Liyel ànê névye wró t̄õ-ò núkú t̄õ ó me. Névi ye ñne. N̄mɔ̀ ye Yesu Kristale, ⁶ ñmɔ̀ nê-á n̄ gbl̄õy k̄õ à névye pól yõ dwe. Gb̄i nê-á s̄õ yáhn̄tɔ̀kɔ̀nsàhn̄óle, kè p̄i kèpah sɔkɔ̀. ⁷ Yesu Krista gbl̄õy k̄õnó mè ȳin ye Liyel n̄mɔ̀ yah tɔ̀kɔ̀ p̄i n̄ wey yó-òle, ànê Krista t̄ẽntò névile, ne névye nónó nán p̄i Nsyifunɔ̀le mé péle n̄ kwó Liyel yõ s̄ẽnó ànê gb̄i w̄ẽk̄ile. Gb̄i ye mé n̄ yo, m̄inyo nán ñne.

Dibi ànê syó p̄i dùkùle tówù sɔkɔ̀

⁸ Mé me ké tyí ne tantàn pól soko, díbí pé gbàn yõ doko yinyõ pé Liyelle n ni nnole yalyál, fòkònyàhni ànê mékì kène pé wró. ⁹ Mé me ké tyí ne syó to flole n tã n sah n mo kãh yĩne sã. Pè flole n mo nónó-á kú fẽ pé sen yĩ óle yáryár dáhbí-ńkène ké soko. Pè káh yõ kàhntõnsàhnó kèpèkè, ànê sán yèsò yĩ, ànê yĩ kètãrnò, ànê fwõtãhnìne n yah n kò. ¹⁰ Nte pé gblõy tãnsàhnó yĩne kè pí tyípèplo pínóle, sã-á syó kéle n pí nónó-á me Liyel yah tíkile n pí. ¹¹ Sê yĩne à ò gblõy tiki mo tẽ syísyí pàh òne n kwò gbí nêne Yesu yõ sèpú tĩnkì wró. ¹² Mé náh ké wèkìle sê kò ne à névyele n kwò, kèpah náh pí à pí dí yõtène. A yĩne à tẽ syísyí. ¹³ Yé náh we di, Adama ògbò ye Liyel mo, té pyè Awò mo dò. ¹⁴ Adama náh sétó pilki; Awò ye à pilki à kò à Liyel yóré yahle. ¹⁵ Nte kèpah fyé yõ sê kú pwáhnmoño we ò pínó yinne yũne, wàh sè Liyel yõ, té tyínòño me ò soko, té me n kò yalyál Liyel yah yáryár dáhbí-ńkène sépi pól soko.

3

Yesu yõ sèpú tĩnkì yah tẽpú-á yĩne pè ne n pí sã

¹ Yé yah, kègbí wey yó ye mé n tyah yónóle yé tyí yò. Névi nê-à me ké tyí ne pé pí Yesu yõ sèpú tĩnkì yah tẽ-òle, tò pèpey ye tẽ n yah n kò pí-ńsahle. ² Yesu yõ sèpú tĩnkì yah tẽ-ò yĩne à pí wényo-ńsah kène ò tyí. A yĩne à pí sê núkú nètène, gblõy tẽnpnè-òle, nê-á me ò tyile n pí n yĩne palle, me nèpãne n tẽ ple, té kú fẽ névyé kwò n pí. ³ A náh yĩne à pí sèwòle, kèpah náh pí nèpèkèle. Nte à yĩne à pí névile, nê-á ò gblõyne n ye n pne. A náh yĩne à pí mál kòlì-òle, kèpah náh pí pò náh púkúbinmo-òle. ⁴ A yĩne à ne n me ò kété yahle n tẽ n pne palle, à mó ò wènpì kwò pè ne n sah ò tyí yõ kãh yĩne sã. ⁵ Yé náh we di, névi-à tẽ we ò kété yahle n tẽnpnè-ńkène, à kú pí sã té kú fẽ Yesu yõ sèpú tĩnkì tẽnó ple, pépi nónó-á Liyel nòle? ⁶ Tẽ náh yĩne à ne n me nésãne Liyel wèkì kóló soko, sònko gblõy gbílkinó káh pò de tẽ soko, ò tyí kò kè pò n yíkú sétàn yõtè tyí kòle. ⁷ A wil kèpah soko, Yesu yõ sè-ńkèpú to yĩne pè ne me tẽ yíngbìle n yo, sònko yílónó káh pò à yini tẽ, à kò à pò tẽ sétàn yõtè vyóy soko.

Yesu yõ sèpú tĩnkì yah tẽpú yòhnìnmoṗule

⁸ Sè ó ye, Yesu yõ sèpú tĩnkì yah tẽpú yòhnìnmoṗu to yĩne pè pí néglòle ànê wékínyìpule. Pè náh yĩne pè pí sèwòbile

à nê kwâh yáhnkõpule yínvĩ sòkò. ⁹ Gbɩ nê-á pè we pĩ Liyel yõ sɛnó gbõ yõ, pè yĩne pè kè tẽ n sah pé sônò sòkò palle. ¹⁰ Ké gbenne, pè yĩne mónyahno. Pílkí-ńsah-à wé-ńkêne pé tyí, pè kɩ pyè fẽ wilki sah Yesu yõ sɛpú ònkĩ yah tɛpú yòhnìnmpule. ¹¹ Syó nónó tɔ-á Yesu yõ sɛpú ònkĩ yah tɛpú yòhnìnmpule, pé yĩne pè pɩ névyele nónó-á yòyén me n sah pé yõ. Pè náh yĩne pè pɩ névye tyí yónkòpule. Pè yĩne pè pɩ gblõy tɛnpnèpule, pè mó ne n me tómm tyí tyí pól sòkò. ¹² Yesu yõ sɛpú ònkĩ yah tɛpú yòhnìnmpò-ò yĩne à ne n me sê núkú nétêne, à mó ne me tẽ we ò wɛnpĩ à nê ò kéte yah tɛnó tyí. ¹³ Nónó-à pé tòle n pɩ palle, pè kɩ yín-ńsah ògbɛ we ké sòkò, té gbõ sàh-ńsah tɔ kɩ we pé tyí pé wró kwrónmòno gbõ yõ Yesu Kristale.

Sètìn sò tir ògbɛne

¹⁴ Mé ye sébéy mène n tekɩ n mɔ á tyí, òte ní sônò sòkò mé kɩ pɔ n yah n pi á tyí dõ kwéy. ¹⁵ Nte máh kɩ se mo pónyah-ńsah á tyí, tyi nónó-á mé wárkɩ tekɩ mɔ á tyí, sépi kɩ ò yohnɩ n mɔ á kɩ á gblõy tẽ dùkù pĩ min nétê Liyel no wró sòkò, pépi nónó-á Yesu yõ sɛpú ònkile, nónó-á gbɩ tɛnsàhpule dàhpɛ sò.

¹⁶ Liyel-á nê yo á tyí Yesu Krista tyí sòkò, tyi ògbɛ ye kéle. Liyel ò gblõy pɩ névile à pɔ sétáh yõ, nê-á Kristale. Liyel Mirki kè wɛkɩ ne négbí-á òne, yínyõ tònpiɩ à we, ò tyí yo névye tyí nónó náh pɩ Nsyifunòle, névye náhnáh sɛ ò yõ kèkõyó, té yínyõ sòkò, Liyel me gbilkínó sah ò yõ.

4

Kwónó kètúkùni pípùle

¹ Liyel Mirki kè yo dal mɔ pnéyy ne kèkõyó-à pópó n tye, névye tókù-á kɩ Krista yõ sɛnó yahle, té kɩ sɛ m̀nyobe welo yõ, à nê kwónó nónó-á n wil sétàn tyí. ² Névyé nónó-á yínvĩnpibule à nê m̀nyobe, pépi nónó-á pè náh senne n pne pólle, pè kɩ pé gblõy sah pépi kò pè kɩ vi tẽ. ³ Pépi ye n kwò névyele ne pe dékè náh me sê tókì náh me, à nê yõ yõ yí yísó-á me sè náh yĩne yónóle. Té Liyel mó tɔ kéne yõ yõ yí mɔ ne péwò yõ sɛpú nónó-á gbile n pne, pè séle n yõ pè mó pèpɔri pínó weyne péle n kò. ⁴ Liyel-á yí nónó pól mɔ, sè ple. Milki milki kwâh náh me sé sòkò, áyâh me sè fẽ

syi té me pèpɔɔrɪ púnó weyne ònne n kɔ̃. ⁵ Yé náh we di, Liyel wey ànê nírí ye n pɪ yíyìnì pólle yályál Liyel yah sɔkɔ.

Yesu Krista tònpi pèpeyne

⁶ Wáh kɪ tyi nópile á yúnpyéle n kwɔ, á kɪ pɪ Yesu Krista tònpi pèpeyne. Á kɪ kè wèkɪ képah sɔkɔ ne pǎh Liyel yò sɛ́nó welɔ ànê kwónó kègbɪ nêne ò kwɔ sɔkɔ, sǎh de yíí á sɔkɔ. ⁷ Á náh vi sèmirn wǎn ànê wènwǎn kɔ̃, sépi nóno náh tir yóle n pekɪ Krista yò sɛ́nó sɔkɔ. Gbah n tɛ̃ ò ne n me Liyel yah tíkile n pɪ. ⁸ Wil gběnsê dàrnmonɔle tòle, yòre me ké tyí. Nte Liyel yah tíkí pínó yòre wɔ kal tyi tyi pól sɔkɔ. Yé náh we di, képah gbò yò sɔkɔ ye á kɪ min we kwey gbí mè sɔkɔ, ànê òsò tɔle. ⁹ Wey mène gbɪ wey ye kéle, nê-á no pól yíne pè kè fɛ̃ n syi. ¹⁰ Yé náh we di, ápi-à me tòle n pɪ yèvyährule, té me gbah tɛ̃ sɛ̃, képah n wèkɪ ne á gbò sàhnó-á me min nétɛ̃ Liyel yò, nê-á no pól pwáhnmo-òle. Té wǎh kɪ nóno pwah n mo n pi kal, pépi yé pɪ Krista yò sɛ́púle. ¹¹ Képah ye á yíne ò gbah n yo névyé tyí ònte pè kwɔ kéle.

¹² Nnì yó òtɛ̃ náh yíne à ále n yilo wáh sɔnpíle pɪ wènpirle. Ye Yesu yò sɛ́pú tɛ̃ we ále n yah n pɪ á vyǎh wey sɔkɔ, ànê á pɪ dùkù sɔkɔ, ànê tyínɔno nê-á me á sɔkɔ, ànê á Liyel yò sɛ́nó sɔkɔ, ànê á pínó sɔkɔ yályál Liyel yah. ¹³ Máh kɪ pópó n pi, gbah n tɛ̃ Liyel weyne n kar tówú sɔkɔ, ò té névyéle n vi mo, ò té kwónóle n pɪ. ¹⁴ Liyel tǎhkì nê-á me á tyí, káh kè tɛ̃ gbònwòkòle dé; képah nê-á á we Liyel tɛ́ntò syínyopu welɔ gbò yò, ànê Yesu yò sɛ́pú yah tɛ́pú-á pé gbǎn sah á yò à nírí pɪ á tyí gbí nêne. ¹⁵ Liyel tǎhkì mè tɛ̃ gbénìnìne, gbah n tɛ̃ ké sɔkɔ. Képah sɔkɔ, no pól kɪ kè we ne wáh me n yuku yahle. ¹⁶ Á gblǔy tɛ́nó ple, wáh kwónó nêne n kɔ̃ ò té ké tɔ tɛ́nó ple. Gbah n tɛ̃ ne n yuku yahle ké sɔkɔ. Wáh n pɪ sɛ̃, képah sɔkɔ ye á kɪ á gblǔy pwah mo, té kɪ á wey nóhpú tɔ pwah mo.

5

Timote-á yíne à Yesu yò sɛ́pú tɛ̃ dùkù nêne

¹ Wáh yèwǎhle n vi mo, káh ne n wekɪ ò tyí dírí sɔkɔ, ne n wekɪ ò tyí á sú sɔ̃ ònne. Kètɛ́npíle n vi mo á yúnpyé sɔ̃ péle. ² Syódíle n vi mo á yúbí sɔ̃ péle, ò té syónpíle n vi mo ké yah pèpey yò á dósý sɔ̃ péle. ³ Pékúsyɔ nóno-á yòhnìnmɔpu náh me pé tyí, pé tɛ́nó ple. ⁴ Nte pékúsyɔ nóno tyí wènpì-à me, képah náh pɪ pétóbéle, kéne wènpì ye yíne pè pé Liyel yah tíkí pínó wèkɪ à yuku pé gbò tǎn ònne. Pǎh yíne pè nê

pi pé dúbípu tyí, pè képahle n pi pé tyí. Yé náh we di, képah tyí ye no Liyel tyí. ⁵ Nte sê nê-à me pékúsèle kègbi yò soko, nê-á névi náh me n tyí ki à yohni mo, ñmo ye níkēne n gbò sah n yíí Liyel yò soko. A Liyelle n ye n gbo níri soko lékâh ké gbîntõ. ⁶ Nte pékúsè nê tẽ wo-à me wil gběnsê dékè tyi óle n sò, ñmo me kúnóle té à sah vile. ⁷ Wáh yíne n nê to yo pé tyí sônko lékâh káh po we pé tyí, kè we yò. ⁸ Névi nê-à n yáhdahnmo-ńkēne n tyí névyé tyí soko, ànê n kéte névyé tẽ tyí soko, tẽ Krista yò sěno wěkì milki. Krista yò sě-ńkē névi nítě fónfó ñmo yò. ⁹ Pékúsè nê yín-à pópó n wārki, à ñne n mo n kò pékúsyo wró à yíne à ne n me ye tikitóní tẽ wo we, à mó ne me de yah pe núkú ó tyí. ¹⁰ N tyí yíne kè ne me pínóle n tyípeplo pínó tyí soko. A ne n me n wěnpì těno ple, à ne n me ye népân ne n twah n tyí, à ne n me Yesu yò sěpu gbyēhne n wu, à ne n me névyé nnole n de nónó-á me yèkwari soko, à mó ne n me tyípeplo duke pólle n pi. ¹¹ Nte syópâm nónó tẽ wo-á pékúsyo, káh pépi yni wārki pékúsyo soko. A náh we di, lédóri-à po pé wró gbe mo Kristale, pè n ne n me ké tyí ne pé pé syi de pebi tyí. ¹² Káh pi sě, lékâh n we pé tyí, pãh sōnpíle pé vyãhle Krista kō té po pé syi n náh. ¹³ Pãh se tō pi tō kē névyele sě, pè n wũ n tẽ gbéngbèn kōnkōno ó soko. Pépi ye tō náh me pé tyí yò, té pè n tō n pi wènkwĩnki wékípúle vyãhle dálnóle, n ne n weki n min n dah n mo sě. ¹⁴ Képah ye, mé me ké tyí ne pékúsyo nónó-á me syópâmne, pè de pebi tyí. Pè fě wěnpì we, pè mó ne n yah n dah mo pé gbèn tyí soko. Sônko pè káh po wěkì yiki mo á sėpėbí kō pè á yĩnpole n yo. ¹⁵ Yé náh we di, pékúsyo tókù ye me wěkì milki te, té me sétàn yòtẽ sò tẽ. ¹⁶ Nte pékúsyo-à me Yesu yò sě-ò sê nê wòkò tãh soko, tẽ yíne à ne n yah n dah mo pé tyí soko, sônko képah káh pi Yesu yò sěpu ñnkì yótókóbíle. Képah soko, Yesu yò sěpu ñnkì to ki mó n yah n dah mo pékúsyo tyí soko nónó-á nékán tãne.

Yesu yò sěpu ñnkì yah tēpúle

¹⁷ Yah tēpú nónó-à me Yesu yò sěpu ñnkì yahle n tẽ palle, yòyén yíne kè ne n sah n yíí pé yò. Ké dú dokò pé nónó-á Liyel wey yónó ànê névyé kwónó tō me dahbi pé gbò. ¹⁸ Yé náh we di, kè me wārkinsàhnóle Liyel wey sėbéy soko ne, nyeh-à me swãh tónó soko á tyí gbí nēne, á káh sé vyēy pukubi ne sè káh á sēmukole n yò. Té tō me wārkinóle ne,

tònpɪ-á yĩne ò tò pínó sǎr wénóle. ¹⁹ Káh n fě n syi lékàhle n syi yah tẽ-òle n kǒ ne kéné tir náh wil tàrfyò népí ními képah náh pɪ tǒmí vyěy sòkɔ. ²⁰ Névi nê-à tyítúkù pɪ, kè yo gbáb tówù pól yí yah sòkɔ, sǒnko kè tíkí mɔ téló sòkɔ. ²¹ Mé kéle n gbah n yo á tyí Liyel yah, ànê Yesu Krista yah, ànê yínyò tǒnpɪbɪ wìlkinsàhnó yah sòkɔ ne, á tyi nópi pólle n pɪ tómm, á káh wǎhkìle n pɪ. ²² Káh ne n sal á gbòle n sah névi yò ò níri le n pɪ tẽ tyí, ànê káh á vyǎhle n dah n mɔ á ní-òle ò tyípèl pínó sòkɔ. Ne n me yályál Liyel yah sòkɔ. ²³ Wáh me n yo gbáhyí náhnàhle sě, káh ni ó kókóle n wɔ, òwě tǒle n wɔ kwéykwey á fòkɔ markɪ yĩnne. ²⁴ Névyè túkù tyípèl me sè n wilki n mɔ kwèyy pé tükè-ñkě sòkɔ. Nte tükù tyí me, náh ó sè n pɔ n pĩ. ²⁵ Sě ye tyípéplɔ tǒle, sépi tɔ n we kwèyy yĩne, ànê nóno nítě fyé-á sè náh me n yah, sè náh n wũ n pi wìlkinmɔ-ñkěne.

6

Yǒbɪ ànê pé yòtāmne

¹ Nóno pól-á me yǒrile n pɪ, pè yĩne pè pé yòtāmne n mɔ n kǒ ne pǎh yĩne yǒyén sàhnóle pé yò, sǒnko áyáh kwónó nêne n kǒ, ònî yó nítě káh pɔ képah ànê Liyel tyíle n yo n ko. ² Nóno yòtām-à me Yesu yò sěpùle, pè náh yĩne pè yo ne pé yúnpyé-á péle, pè mó yahle yǒyén sàhnóle pé yò sòkɔ dé. Pépi nóno-á pé yúnpyé pèplòle, pépi-á sǒnpíle n we pé tò pínó yòrele, pè ye pyě yĩne pè tǒle n pɪ n yíi pépi tyí ríkě.

Mìnì kwónó ànê tahrɪ tyínɔnɔle

Yah, kéné tyi ye á yĩne ò nole n kwɔ, ò té sè kǒ n sah pè kǒ. ³ Nnî yó-à pɔ nole n kwɔ tyíkáhkìle, té kè náh me núkúle gbɪ weyne nê-á wil ápi Tě ògbě Yesu Krista tyí, ànê kwónó nê-á á we Liyel yah tíkí pínó tyí yò, ⁴ képah n wěkɪ ne gblǒy gbílkinó-á tẽ yí wɔ. Npĩ-ñkě ney ye tēne, nê-á yékâb pínó, ànê wěnkýò wékínó me ò yǒgbèkè yɪkɪ sah, sépi nóno-á n pɔ n pɔ mékìle. Sépi ye n pɔ n pɔ yúnwǒrí, ànê méwéy, ànê yrówân yónó, ànê gbyòle. ⁵ Té tǒ n pɔ n pɔ yékâb kwínkile lékám kě névyè wró, nóno-á pè náh gbɪle n pɪne pólle. Pépi tǎn n ne n sǒ ne Liyel yah tíkí pínóle, kwáh wénó-á me ké sòkɔ. ⁶ Gbɪ tẽ wɔ ye, Liyel yah tíkí pínóle tahrɪ ògbě ye kéle névyè tyí, nóno-á pé wénó pé yĩne n yuku. ⁷ Yé náh we di, ápi náh pɔ kwáh yó nítěne kèkǒyó mè sòkɔ, á náh mó á syi n sòkɔ n pi kwáh yó nítěne. ⁸ Nte yòke ànê flo tẽ-à fyò

me á tyí, sè yĩne sè á yí yuku. ⁹ Nte nónó-à me ké tyí ne pé pi tahbule, pépi ye n de mónyahno soko. Tyiwán ànê yõ ké tyi sòno n po pé mo n tẽ, sépi nónó-á névyele n mo tyí yíkinó ànê mónpuno wèkì yõ. ¹⁰ Yé náh we di, tyípêl duke pól tyàh-nsah n wil pó tyínono soko. Pó yáhnkõno kèpèké tẽ tyí, tókù Liyel yõ sèno yal mo, té kwlónó náhnáh yori mo pé gblõy yõ.

Pole-á vinnono nene Timote kò ò gblõy tẽ dùkù tyí soko

¹¹ Nte áwo tẽ wo-á Liyel tyí névile, ne n to kéne tyi yah soko. Ne n yah n kò ne á pi négbule Liyel yah, á ne n me Liyel yah tíkile n pi, á ne n me sènole Liyel yõ, tyínono ne n me á soko, á ne n me sònmóle n pi, á mó ne n me á gblõyne n tiki n mo. ¹² Mékì pèpey fwo à yuku Liyel yõ sèno tyí tĩne. Á pwáhnmono tẽ n yĩn palle, kèpah nê yĩn-á Liyel ye ále, té á me fẽ syi névye náhnáh yí yah ne wáh pi Yesu yõ sè-òle. ¹³ Liyel nê-á minne yiyĩn pólle n kò, ànê Yesu Krista nê-á yĩn Põse Pilatı yah soko à Liyel yõ sèno welo tõ sah weki, pépi yí yah soko ye mé kéle n yo á tyí ne, ¹⁴ tyi nónó-á kò sah ò kò, á sé walle n kò. Á ne n me pílki-nsah kéne ànê wényo-nsah kéne á tyí fókù ki po no ápi Tẽ ngbẽ Yesu Krista syínono tyí. ¹⁵ Liyel nukúní nê-á tyí pól tyí tẽpnè-òle, pèporı-á n wil òmo nê tyí, òmo nê-á yõtámnó Yõtène, ànê tãmnó Tẽ NGBÈNE òmo ye ki Krista kò à ki ò syi po à yĩne ké gbí yáhtokònsàhnóle. ¹⁶ Nmo ó ye à náh ku n yah n pi. Á me déntènole kyòo yó soko nê-á ney náh fẽ n no n de n pi kéle. Ney yí náh tẽ yah ké yõ, ànê ney yí náh n tẽ n yah n pi ò yõ soko. Gbílkinno ànê tãhkì ne n sah ò mo yõ gbímegbí. Amiina!

Vinnono nê-á yĩne tahbi kònole

¹⁷ Kè yo kèkõyó mè tahbi tyí ne pé káh pé gblõyne n gbilki, pé káh pé gbò sah tahrı yõ nê-á ki n tye n pi. Nte pé pé gbò sah Liyel yõ, òmo nê-á yiyĩn pólle ápile n kò náhnáh nê-á ki á kò á ki me òvìno soko. ¹⁸ Yo pé tyí ne pé tyípeplole n pi, pé ye pé tahrı pi tyípeplo pínóle. Pé pi fòkòpènorı névyele nónó-á ki fẽ syi n yĩ n kò. ¹⁹ Kèpah soko, pé ki tahrı pèpey yah sah pé gblõy tyí nsò yĩne nê-á kè náh n yiki. Sòno pé po min kègbı we.

Vinnono téyne

²⁰ N dí Timote, tyi nónó-á áwo gbò dahbi, sé tẽno ple. Káh ne n de yékâb wán pínó soko nónó náh me n yuku Liyel yõ

sěńó wěkì yõ, ànê káh névye welo níne n tě nóńó-á pé gblõy
 pı tyi kàhnpnepule. ²¹ Névye tókù ye pé gblõy pı kéné yípî
 mè dükù névyele, té Liyel yõ sěńó wěkì milki.

Mé kéle n yah n kõ ne, Liyel ñ pèpõrı pı yé tyí.

Pole sébéy ní-ò tékínm̀oǹole Timote tyí

Pole wékínóle Timote tyí

¹ Nmo Polele, Yesu Krista tẽntò névi ye níne à yíne Liyel dyo yíi tẽne. Liyel-á n̄ vyähle á k̄o tyé-ńkẽ min nê tyí soko, té kè n we Yesu Krista gb̄o yõ, à n̄ tekı mo kèpah tyí yo yinne névye tyí. ² N pídí Timote, áwo nê tyí-á no yíi n̄ tyí, áwo tyí ye mé n tekı n mo sébéy m̀ene. Mé kéle n yah n k̄o Sú Liyel ànê ápi Tẽ ñgbẽ Yesu Krista tyí ne, pè yòb̀eǹori pi á tyí, pè mó á yãm yah, ànê pè yèvinine n̄ k̄o.

Pole me n weki Liyel tyí

³ Gb̄imegb̄i m̄ah n s̄o á tyí soko, m̄e weyne Liyelle n k̄o náhnáh ñmo nê tyí-á mé me n̄ foko dal mo t̄ole n pi palle n̄ s̄utóbé tyí k̄ole. Lékãh ké gb̄int̄o, m̄ah níri le n pi, m̄e n pi á to tyí. ⁴ N̄ dyo-à to k̄o á yéti kwénó tyíle, m̄e n ne n me yíi ké tyí ne mé n̄ we n̄ n̄ k̄o kè vi yíi. ⁵ N̄ dyo náh fwo á Liyel yõ s̄énó kègbı tyíle. Liyel yõ s̄énó kègbı nê-á lésõ me á yũntó Loyisi ànê á yũ Yenusi soko, n̄ s̄enyĩno me ké yõ ne, kèpah n̄kú-á me á to soko.

⁶ Kèpah ye, mé á dyole n to n k̄o ne, m̄ah n̄ gb̄an sah á yõ á níri pi á tyí, té Liyel me n̄ Mirki tãhkì n̄ene n̄ k̄o, á kè koh n tẽ yĩn. ⁷ Ngb̄o Mirki nê-á Liyel á k̄o, tíki Mirki náh kéle dé; tãhkì ànê tyĩno, ànê gbl̄oy t̄énó Mirki ye. ⁸ Káh n ye ápi Tẽ ñgbẽ tyí yónó pi sene á tyí. Nmo m̄enóle wòk̀oǹpèkè soko ñmo tyí s̄owãh, káh n ye kè ne me sene á tyí. Nte Nìv̀iǹi tir yónó yèvyãhrı f̄e n syi ñmole w̄e tyí, á gb̄o sàhnó mó ne me Liyel tãhkì yõ, ⁹ kèpah nê-á pwah mo ápile, té à me á ye pi n̄ nole. Á tyípeplo pínó yĩn náh à kèpah pi á tyí dé, kè ye n̄ dyo ànê p̀epori ye à pi á tyí kéle. Yesu gb̄o yõ, à kéne p̀epori m̄e pi sah ápi k̄o kèk̄oȳó mó-ńkẽ gb̄i d̄ukule. ¹⁰ Kéne k̀epori ye á we n̄kúnúkú á pwáhnmo-ò Yesu Krista pónó soko. Nmo ye po k̄u tyí yıki té Nìv̀iǹi tir yo á tyí, nê-á á mo tyé-ńkẽ min w̄ekì yõ. ¹¹ Nìv̀iǹi tir m̄e yĩn ye Liyel ñmo ye t̄o, té n pi Yesu tẽntò syĩno-òle, ànê tyi k̄onsàhnó kwó-òle. ¹² Kèpah kwlónó ye n̄ yõ soko, ñte kè náh me sene n̄ tyí. M̄ah n̄ gb̄o sah névi nê yõ, mé ñne n pne dò. N̄ s̄enyĩno me ké yõ tole ne wãh nê dahbi n̄ gb̄o, tãhkì-á me n̄ soko ki f̄e ké t̄énó ple, pópó ki po no gb̄inyĩkì téy s̄o tyí.

¹³ Timote, máh welo gblo nónó yo á tyí, sè koh n tẽ n yĩn Liyel yõ sẽnó ànê tyínɔɔ sɔkɔ, sépi nónó-á á we á wró kwrónmɔɔ gbõ yõ Yesu Kristale. ¹⁴ Liyel Mirki nê-á me ápi sɔkɔ, kèpah gbõ yõ wáh kwónó pèpey nê we, kè koh n tẽ yĩn palle.

¹⁵ Áwo n̄tẽ p̄nó me ké sɔkɔ ne, Asi mara tãn pól-á pé náh vi ní k̄õ, Fisyelù ànê Yeremosyenu n̄tẽ to pé náh vi ní k̄õ. ¹⁶ Mé kéle n yah n k̄õ Liyel tyí ne, à Nsyonesifɔrɔ ànê n̄ no n̄le n gbe. Yé náh we di, máh wòkònpèkè sɔkɔ kárnne mónóle ní tyí, ké sen náh ñmɔ tẽ wɔ yah k̄õ ní n̄i dénɔɔle gbáhyí náhnáhle. ¹⁷ N̄ yĩn̄intẽno ñs̄ Wrome kwil sɔkɔ, à ní gbah soh k̄õ súú à kyí we. ¹⁸ Mé kéle n yah n k̄õ Tẽ ñgbẽ tyí ne à ñ yãm yah tukey tuke s̄ole. Wáh yòhn̄n̄mɔɔ nónó p̄i ní tyí Yefesi kwil sɔkɔ, ney náh sè p̄i nɔ áwo Timotele.

2

Pole ne Timote n̄ tah sah

¹ Áwo tẽ wole ní pídí Timote, yòbèɔrɔ nê-á ápi we á wró kwrónmɔɔ gbõ yõ Yesu Kristale, kèpah yĩnne, á tah n sah yĩ. ² Wáh ní kwónó nê noh névye náhnáh yí yah, kyí négblo kwɔ kéle, nónó tɔ-á kɔ t̄õ f̄ẽ túkù kwɔ kéle. ³ Kwónó nê-á yĩne ále, kè f̄ẽ n syi Yesu Krista sr̄asyi yèsyìkì tyí k̄õle. ⁴ Névi-à fyò de sr̄asyiyá sɔkɔ té me ké tyí ne pé pé yòtẽ n̄v̄in̄ne n p̄i, à ñ vyãh de kèk̄oyò tyi t̄éló sɔkɔ. ⁵ Wẽ kàlnó tóló tó-ò to náh t̄órí yókúríle n we n pne né à náh to ké w̄kì yõ. ⁶ Sètò nê-á t̄õ swãhle à kwlo, ñmɔ ñgbò ye yĩne ké s̄emukɔ wénóle ⁷ S̄õ n yah ní welo yõ, Tẽ ñgbẽ kɔ sé pól syíkì-ñsahle n̄ w̄kì.

⁸ Káh á dyo fwo Yesu Krista tyíle, ñmɔ nê lékó-á yiki mɔ. Davidi náh ney ye ñne.

S̄ẽ ye kéle yónóle N̄v̄in̄n̄ tir sɔkɔ, kèpah nê-á mé me n yo n k̄õ. ⁹ Kéne N̄v̄in̄n̄ tir yĩn ye kwónóle ní yõ sɔkɔ, ànê kárnne mónóle ní tyí á kɔ ne pèkè pí-ò s̄õ ñne. Nte kárn náh se yó me mɔ Liyel wey tẽ wɔ tyí té. ¹⁰ Kèpah ye, mé me tyi pólle n sro névye yĩnne Liyel-á nónó yah t̄okɔ, s̄onko pé to pwáhn̄mɔɔ we Yesu Krista gbõ yõ, pé mó gbílkinó we nê-á kè náh n tye. ¹¹ Gbɔ wey yó we yò:

Áyáh kɔ me ku Yesu Kristale w̄ẽ tyí, á kɔ me min to sɔkɔ ñne w̄ẽ tyí. ¹² Áyáh kɔ á tah sah w̄ẽ tyí ñne, á kɔ t̄órí p̄i ñne w̄ẽ tyí.

Áyáh kɔ à yahle,
 ñ to kɔ á yahle.

13 Áyáh kɪ sɔ́ pí-ńkĕne négbólóle,
 ñmɔ tĕ wɔ kɪ tĕ négbíle,
 à náh fĕ ñ syɪ n kur n pi.

Kwónó kètúkù fwónóle

14 Névyɛ dyɔ to n kɔ́ n mɔ kéne tyile, ñ té ké gbáhdyâh di pé tyí Liyel yah sɔkɔ ne, pè káh yékâb wânne n pi. Sè náh tir yóle n pekɪ. Nónó-á me séle n nohnɪ, sè n pyĕ pépi mɔ n pu. 15 Á tah n sah Liyel yí kɔ́ kè yuku ále. Pɪ tɔ́npɪle, nê-á gbɪ wɛlɔle n yo ké yah yô, té sen náh n pi ñ tyí à yuku ñ tɔ́ tyí tĕnne. 16 káh yáhwânne n yâh nónó-á sè náh me yuku Liyel yô sĕnó tyí tĕnne. Nónó-á kéle n pi, pé wrɔ́ n ne n gbah n gbɛ Liyelle. 17 Pé yáhwân yíkínóle n pi á kɪ ne nówũ-á ńkĕne wille n yô sɔ́. Yimene ànê Filetɪ tɔ́ me kéne sĕnkno névyɛ sɔkɔ. 18 Pépi gbɪ wĕkì fĭn mɔ té me n yo n ne lékyî-á yilki mɔ sɔkɔ tɛ. Sĕ ye pè pi té névyɛ náhnáh Liyel yô sĕnó yɪkɪ.

19 Nte sépino pól sɔkɔ, Liyel-á sètyah nê wilki, képah tĕ wɔ me. Wɛlɔ nónó-á me wárkínóle ké tyí yô, sè wɛ yò: «Nónó-á me Tĕ ñgbĕ tyí yô, à péle n pne.»

Ànê tɔ́: «Nónó pól-á Tĕ ñgbĕne n ye n gbo, pè yĭne pè tyítúkùni wɛ n ye.»

20 Wòkò ñgbĕ sɔkɔ, sãn vyó ànê wárn vyó ó kókó náh me dé; sésár tyínɔ me, puri tyínɔ tɔ́ me. Túkù me yí tãhnì mɔ yĭnne, túkù mó me ñyãn yí mɔ yĭnne.

21 Tyi nónó tyí-á mé yo, Névi nê-à sè wɛ ye té pi yályál Liyel yah, tĕ kɪ me wilkinsàhnóle tyítãhnì pi yĭnne. N yétò kɪ me yòtĕ dí tyí tyípéplɔ pi yĭnne. 22 Kètĕnpikini dékè tyi wɛ n ye. Tyi nónó-á á yĭne n yah n kɔ́, sè wɛ yò: Gbɪ wĕkì kólóle, Liyel yô sĕnó, tyínɔnɔle, ànê yèvinune. Yé sépi pólle n pi ànê névyɛle nónó-á me Tĕ ñgbĕne n ye n gbo fɔkɔ pépérle. 23 Yékâb wân pínó wɛ n ye. Á pĭ ne sépi-á n pɔ n pɔ málle dò. 24 Ngbô Tĕ ñgbĕ tɔ́npɪ náh yĭne mékì pínóle dé. Á pyĕ yĭne à ne n me népír névile no pól tyí, à mó ne n me névyɛ kwónó yah wɛ, té pah ñ tyile n yo, à tĕ wɛ kè sómno. 25 À yĭne à ñ wɛy kòlɪpɪle n tĕ mármár à vɪnmɔnɔle péle n kɔ́. Nê pĭ, ténkàh Liyel kɪ ye pè kɔ́ pè kɪ pé sɔno wɛ vi mɔ kɪ gbɪ wɛ pĭ té. 26 Képah-à pi, pé yah kɪ pi kyòo pè kɪ wɛ de sétãn yòtĕ vyóy sɔkɔ, nê sɔkɔ-á sɔ́ à pè mɔ tĕ sah pè kɔ́ pè ñ dyɔ yĭne n pi.

3

Kèkôyô tyénó tyile

¹ Timote, á yĩne ñ kè pĩ ne kèkõyõ tye gbĩne, tyah táhnóno-á kɪ n we. ² Névye kɪ pɪ gblõy yõ yíkípule, pó kódíbilé, wèngbil wékípule, gblõy gbilkípule, Liyel tyí yóndepule, dúbípú tyí yáhlepule, pèpɔɪ pí-ńkē névyele, Liyel tyi mónkò-ńkēpule, ³ kùkùtǎhkì névyele, népíkɔbule, névye yĩn yíkípule, gblõy tē-ńkē névyele, nékókè mópule, pèpɛy fwópule, ⁴ wē náh vɪpule, fòkònvǎhni névyele, gblõy yõnsàhpule. Pé dyɔ yĩ tyi tyí kɪ nɔ kal pé tyí Liyelle. ⁵ Pè kɪ pɪ yí yah Liyel yah tíkí pípule, ñte kègbɪ yõ, pè náh Liyel yah tíkí pínó tǎhkì fē n syi n pi. Káh ne n pɪ n soh sēnkno névyele. ⁶ Pé tókù n ne n de n kō gbèn sɔkɔ ñ syó tókùle n vi n tē, nónó lékām-á tuke. Kéne syó me tyípèl ó pé tō. Tyi duke pól dékè n ne n me pé sɔkɔ. ⁷ Pè me sǎhnó sɔkɔ kúmm, ñte pè náh me fē gbule n pne pólle. ⁸ Nsyānesɪ ànê Nsyābresɪ-á Moyisi kōlɪ sō, sē ye pépi tɔ me n kōlɪ gbule. Pé sōnɔ náh me palle. Liyel yõ sēnó náh yuku yahle. ⁹ Nte pè náh n yuku n pi yahle. Yé náh we di, no pól kɪ pé nēwōré we kwèyy sō-á Nsyānesɪ ànê Nsyābresɪ tyí pɪ.

¹⁰ Nte áwɔ Timote tē wɔ ye ñmɔ sèfiki mɔ tyi tyi pól sɔkɔ: Máh kwónó nê pɪ á kè fē syi, té me ní pɪ dùkùle n yah n pɪ. Á ní sōnɔle n pne, ànê ní Liyel yõ sēnó dùkùle, ànê ní tyi srónó dùkùle, ànê tyínɔnɔ nê-á me ní sɔkɔ, à tahlɪ máh me gbah tē dùkù nēne. ¹¹ Páh ní fōh dùkù nēne á kéle n pne, à tahlɪ máh yèvyǎhrɪ nónó pɪ Antyɔsyɪ, ànê Yikonyumi, ànê Lisitir sɔkɔ. Fóhnó nê dùkù tē me mé náh kè we yah? Nte Tē ñgbē ní pwah mɔ sépi pól sɔkɔ. ¹² Gbɪ yõ, nónó pól-á sē Yesu yõ, té me ké tyí ne pé pé minne n pɪ Liyel yah tíkí pínó sɔkɔ, pé kɪ fōhnó we. ¹³ Nte népèl ànê névye pílkipú tē wɔ kɪ yõ sɔkɔ pèkè pínóle kɪ névye tókù pilki, té kɪ pé gblõy nítē tɔ pilki. ¹⁴ Nte áwɔ tē wɔ-á kwónó nê we té kè fē syi ne gbɪ-á kéle, kè tē yĩn palle. Wáh kwónó mè we nê tyí, á ñne n pne ó. ¹⁵ Á wēnpir gbí dùkùle á Liyel weyne n pne. Kè kɪ fē á lékām ykɪ mɔ ñ kō á kɪ pwáhnmɔnɔ we Yesu Krista yõ sēnó gbõ yõ. ¹⁶ Liyel wey pól wārki Liyel tǎhkì gbõ yõ. Kè wārki névye kwɔ yinne, ànê mìnì gbel kye yinne, ànê pílki-ńtān tō yinne, ànê névi mɔ yinne gbɪ wēkì kóló sɔkɔ, ¹⁷ sōnko, Liyel tyí névi pɪ négbíle tǎn pèplɔ pól fē n pɪ yinne.

4

¹ Yesu Krista nê-á kɪ pɔ vye ànê kyí tuke n pi, mé kéle n gbah n yah n kō á tyí Liyel ànê ñmɔ yí yah, à tahlɪ ñ syínɔnɔ ànê ñ tǔrí yĩn yõ ne, ² á Liyel weyne ne n yo. Káh sō yèvyǎhrɪ gbí sɔkɔ ò; káh sō yèvinɪ gbí sɔkɔ ò; kéle ne

n gbah n yo. Névi nê-à pu pi, wẹki tẽ yõ, vìnmonole tẽ kõ, tẽ toko yárr n kwónóle à kõ. ³ Gbĩ yó me n pi, tókù náh tõ kwónó yèsyìkì fẽ n syi n pi. Tyi nónó dékè-á n ko péle, pé ki kwópú kwĩnki yísyó yah nónó-á ki pɔ sépi tyíle n we n yo pé tyí nónó nóhnó-á me nɔ. ⁴ Pè ki pé ní tah tũ yahle gbì nóhnóle, té ki sèmìrn wole n nohnì. ⁵ Nte áwɔ tẽ wɔ á gblõy tẽ palle tyi tyi pól sɔkɔ. Kwónó sro, n tè á gblõy kõ yĩ Nìvìnì tir yónó sɔkɔ. Pì Liyel tònpi pèpeyne.

⁶ Nmo tẽ wɔ pi gbĩ nɔ te sárkále. Kèkõyõ fin mɔ gbĩ nɔ ní tyí. ⁷ Mé mékì pèpey fwo à yuku Liyel yõ sě́nó tyí tĩnne. Tóló nê sɔkɔ-á sò ínne, kè tye. Mé náh Liyel yõ sě́nó yal mɔ. ⁸ Nte núkúnúkú, tẽnwenɔ yõre wénó ye mé me syíkì tẽ, nê-á négbλό yõtõrí yókúrile. Tẽ ñgbẽ nê-á tukey tükè-ò pèpeyne, ñmɔ ye ki ní kõ n pi kéle. Tẽ à náh n yĩn n pi ñmɔ ó tyí dé, nónó tɔ-á me n pónó syíkì tẽ nìvìnì sɔkɔ, à ki pépi tɔ pól kõ kéle.

Pole me vìnmonɔ téyne Timotele n kõ

⁹ Gbah n tẽ n pɔ ní tĩnne súú. ¹⁰ Yé náh we di, kwey gbĩ tyi me yah syi Demasi tyí à kõ à me n náh vi ní kõ. À me sɔkɔ Tesaloniki kwil sɔkɔ. Kresã mó sɔkɔ Kalasi mara sɔkɔ, té Tite wɔ me sɔkɔ Dalmati mara sɔkɔ. ¹¹ Likyi ó ye me ní tnô. Marki tẽ yè pɔ wẽ tyí ñne. N yétô me gblò ní tyí tō mē sɔkɔ. ¹² Mé Tisyiki tekì mɔ Yefesi kwil sɔkɔ. ¹³ Wáh ki n pi, ní fwòmò-ñgbẽ toko n pɔ ní kõ nê-á mé sah Karpusi tyí Turasi kwil sɔkɔ. N sébéynó tɔ toko n pɔ n kõ, n tè n pɔ sé sêl tyínɔ tɔle, sépi nónó tyí-á tah kal ní tyí.

¹⁴ Kètõndí Alekisãdre népékè kah pi ínne. Tẽ ñgbẽ ki à dyah n pi n tyípínne. ¹⁵ À ápi welo kòlì kah mɔ. Képah ye, á tɔ á gblõyne n tẽ ñne.

¹⁶ Páh ní tuke sò nêne gbenne, no pól pé náh vi ní kõ. Nnì yó ñtẽ náh yo tẽ mɔ ñne. Mé kéle n yah n kõ Liyel tyí ne à káh kè pi tirlé pé tyí. ¹⁷ Nte Tẽ ñgbẽ wɔ so mɔ ní tyí. À tãhkìle n kõ mé fẽ n wey yo yĩ, té nónó náh pi Nsyifunole, pé pól kè we noh. À ní pwah mɔ kyëkingbèki tyí. ¹⁸ Tẽ ñgbẽ ki tõ ní yõ wilki n pi pèl duke duke pól sɔkɔ. Té ki ní pwah mɔ ní kõ mé ki we de n tõrí sɔkɔ. Gbílkinó ne n sah ñmɔ yõ gbímegbí. Amiina!

Wey tyé-ńsahle

¹⁹ Wẹki Prisili ànê Akilasi tyí ní kõ, ànê Wonesiforì nòle. ²⁰ Yerasiti wũ Korēnti kwil sɔkɔ. Mé Torofimi wɔ sah Miletì kwil sɔkɔ. À sò me n yo képah ye.

²¹ Gbah n tẽ n pɔ kwònrɪ gbí n-ńkẽ sɔkɔ. Yebulusi, ànê Pudẽsi, ànê Linusi, ànê Klodya, ànê á yũnpyé t́éló pól n wɛkɪ á tyí.

²² Mé ḱéle n yah n kɔ Tẽ ñgbẽ tyí nɛ à nɛ n mɛ áwɔlɛ, à mó yòbènɔrɪlɛ nɛ n pɪ yé pól tyí.

Pole sébéy tékínmɔnɔlɛ Titi tyí

Wey kǎnóle

¹ Nɔ Pole nê-á Liyel tɔnɔ ànê Yesu Krista tɛntò névile, Liyel ní tɔ ne mé péwɔ névye yáhntɔkɔnɔ yohni mɔ pè kɔ pè sɛ Yesu yɔ. A ní yah tɔkɔ ne mé gbɔ wɛkìle pè wɛkɪ pè kɔ pè pé minne n pɪ Liyel yɔ sɛnó wɛkì yɔ, ² pé gbò sàhnyĩnɔ mó ne me tyé-ńkɛ min wénó tyí yɔ. Liyel nê-á à náh mìnine n yo, ñmɔ ñ vyãhle pè kɔ kéné tyé-ńkɛ min tyí sɔkɔ kèkɔyó mó-ńkɛ gbí dùkùle. ³ Té wãh ñ vyãh kɔ nê tyí sɔkɔ, ké wɛkɪ gbí-á pɔ nɔ, à kè wɛkɪ ñ wey gbò yɔ, té ní kɔ mé kéle n yo, ñmɔ nê-á á pwáhnɔ-òle.

⁴ Titi, áwɔ nê-á ñmɔ pídí kègbule ápi Liyel yɔ sɛnó sɔkɔ, áwɔ tyí ye mé n tekɪ n mɔ sébéy mènɛ. Mé kéle n yah n kɔ ápi Sú Liyel ànê ápi pwáhnɔ-ò Yesu Krista tyí ne, pè yòbènɔrɪ ànê yèvinune ñ kɔ.

Tò nê-á dahɔ Titi gbò

⁵ Mé ye ñ sah Kretɪ mara sɔkɔ ne, tyí téló nónó-á wũ á sɛ pɪ n dal n mɔ, á mó yah tɛpú yísyó yah n sah n sah n kɔ kwlo kwlo pól Yesu yɔ sɛpú tɪnkínó yɔ sɔkɔ à yĩne máh sò kè yo sɔ á tyí.

⁶ Kéné yah tɛpú pól yĩne pè ne n me wényo-ńsah kɛne pé tyí, ànê pé ne n me sê núkú núkú nátãmne. Pé wɛnpɪ mó ne n me Yesu yɔ sɛpúle, pè káh pí-ńkɛ tyile n pɪ, pè káh pɪ nòhnì-ńkɛpúle. ⁷ Yé náh we di, Yesu yɔ sɛpú tɪnkì kyòmì-ò yĩne à ne me wényo-ńsah kɛne ñ tyí, wãh sɔnpúle pɪ Yesu yɔ sɛpú tɪnkì tahrɪ kyòmì-òle. A náh yĩne à pɪ wèngbìl wékí-òle, ànê fòkònyãhnì névile, ànê sèwɔle, ànê mál kǎlì-òle. Tɛ káh ne yah n kɔ pí-ńsahle kwãh nétɛne yínvɪ sɔkɔ. ⁸ A yĩne à nɛpãne n tɛ ple, pèpey pínó tyí mó nɔ ñ tyí. A yĩne à pɪ yĩ pí-òle, ànê négbúle, à mó ne me yályál Liyel yah, ànê gblɔy tɛnpnè-òle. ⁹ Wele nónó-á yĩne sɛnóle sé yɔ, à yĩne à sè koh n tɛ n yĩn à yĩne kwónó nê-á à we. Képah sɔkɔ, à kɪ tɛ we Liyel weyne névyele n vi n mɔ, té kɪ wényo-ńsah tye ñ kǎlɪpu tyí.

Liyel yĩn yɔ mìnnyobele

¹⁰ Yé náh we di, névye náhnáh me pɪ gblɔy tíkínmɔ-ńkɛpúle, ànê wɛnfɪ wékípúle, ànê névye pílkípúle. Té pé

kan ntě n we Nsyifuno Yesu yõ sěpú soko. ¹¹ Pè me fěkìnóle n dahbi kětlo náhnáh soko pé kwónó túkúnine kwâh we yinne yínvĩ soko. Képah ye, pé vyěy yĩne túnóle. ¹² Pé lékám névi yó lésõ ne ríkě, m̀nyobe, ànê gběnképèl, ànê gbāndal névyè, ànê yèwònpɔbɔ-á Kretu tǎnne. ¹³ Gbɔ ye à yo. Képah ye, wɛkɔ n yĩĩ pé yõ, pé kɔ pé Liyel yõ sěno pèpey we. ¹⁴ Pé káh pukubi mo Nsyifuno sèmìrn ànê névyè tyi kònsàhnó náh, nónó-á sè náh me gbɔ wěkì yõ. ¹⁵ Tyi pól me yályál névyè tyí, nónó-á me yályál Liyel yah. Nte névyè nónó-á me s̀l̀kìnóle Liyel yah, té yahle sěno n yõ, tyi pól me s̀l̀kìnóle pépi tyí. Yé náh we di, pé sòno ànê pé lékám náh me palle. ¹⁶ Pě pé gblòyne n pi Liyel pípúle. Nte pé tyípínì kéle n wěkɔ ne pé náh ñne pne. Pè pi nétúkúnì ànê nikisekókó pípúle, pé náh tǔ fě tyípépy pi.

2

Kwónó nê-á yĩne Yesu yõ sěpú t̀nkì kònole

¹ Nte áwo tě wołe, ápi sěno-á me nê yõ, képahle névyèle n kwɔ. ² Yo yèwǎhnì tyí ne pé pé gblòyne n tẽ n pne, pé ye yòyén ne n sah pé yõ, pé pi yèsrey névyèle, pé ne me sũ yĩĩ Liyel yõ sěno soko, tyínono mó ne n me pé soko, pé mó ne me sómnó névyèle.

³ Yo syódýì tɔ tyí ne pé ye pé kɔ dùkù ne me palle Liyel yah, pé káh névyè yinne n yiki, pé káh pi sèwɔbɔle, pé névyèle n vi n mo palle. ⁴ Syó nónó náh wah mo, pǎh yĩne pé pépile n yohnu n mo pé pɛbɔ ànê pé wěnpì tyí kɔ kè no pé tyí. ⁵ Pǎh yĩne pé pi yèsrey névyèle nónó-á me tómm, té me n yah n dah mo pé kětlo tyí soko. Pǎh yĩne pé ne n me syógbłóle nónó-á me n sah pé pɛbɔ tyí yõ, sǎnko Liyel wey tyí káh yo ko.

⁶ Sóre mo kètēnpì tɔ soko pé pi yèsrey névyèle ⁷ tyi pól soko. Áwo tě wo mó pi dùkù pèpeyne péle n wěkɔ á tyípéplɔ pínó soko, ñ té á foko dal mo péle n kwɔ yèsyìkìle. ⁸ Ye á wɛło ne n me gbłó ó sé tǔó, wényo-ńsah kěne. Képah soko, á sèpébi náh wényo-ńsah we n pi ápi tyí. Kè kɔ pi sennè pé pól tyí.

⁹ Yo yǔbɔ tyí ne pé ne n sah pé yòtām tyí yõ tyi tyi pól soko, pé pi négbłóle pé tyí, pé káh pé yòtāmne n kǔlɔ, ¹⁰ pé káh kwâh yó ntě yĩ n tɔkɔ pé tyí. Pè pé Liyel yõ sěno pèpeyne n wěkɔ gbímegbí, sǎnko á pwáhnmo-ò Liyel-á kwónó nēne n kɔ, gb̀l̀kìnó ne n sah ké yõ.

¹¹ Yé náh we di, Liyel ye n yòbènrɔ wěki képah nê gbò yò-á névyé pól pwáhnmoɔle n we. ¹² Kè ále n kwɔ ne á Liyel yah tíkile n pɪ, ànê á káh á yĩne n wil kèkōyó yí tyí. Kàh pɪ sě, kwey gbí mè sòkɔ á kɪ tē we á minne n pɪ gblɔy tēnó sòkɔ, ànê gbɪ wěkì yò, ànê Liyel yah tíkí pínó sòkɔ. ¹³ Sě ye á yĩne à nìvìnì wénó mè syɪkɪ tē, á gbò sàhnó-á me nê yò, à tahl gbìyìkì tyí, sò ye ápi Tě ngbě Liyel nê-á pwáhnmo-ò Yesu Kristale, n tǔrí kɪ n wilki n mo n pi. ¹⁴ A n gblɔy kō ápi yinne à á yò we dwe wilki tyípél pól sòkɔ. A me ké tyí ne pé á pɪ yályál pé yah, á mó ne me pé tyí yò, á mó gbah tē tyíéplo pínó sòkɔ.

¹⁵ Sě ye á yĩne n ne n weki yòtǔrí sòkɔ, n sǔréle n mo pé sòkɔ, n té ne n weki pé yò. Káh n ye nnî yó n̄tē ále n yilo.

3

Kɔ dùkù pépěyne Liyel wěkì yò

¹ Névyé pól dyɔ to n kō ne pǎh yĩne pé pé gblɔyne n tiki n mo kwil yah tām ànê yòtām yah sòkɔ. Pǎh yĩne pé ne n sah pé tyí yò, pé mó pé gblɔy vi sah tyíéplo duke pól pɪ pɪ tēne. ² Pè káh wèntùkùnĩne n weki nnî yó n̄tē tyí, pé káh mǎlle n kǔlɪ. Pè pɪ négbłóle, pé mó névyé pólle ne n tē mǎrmár. ³ Yé náh we di, ngbòle, lékám kē ànê kèlékē névyé ye lésò ápi tǔle. Á sò me mónpunɔle, me á dyɔ dyɔ tyi ànê á nìvìnì tyi yǔrɪ sòkɔ. Á sò me á minne n pɪ pèkè pínó ànê dékè tyi pínó sòkɔ. Á sò me á dékè wilki névyé sòkɔ, té me wē dyɔle n yo. ⁴ Nte gbí nê-á á pwáhnmo-ò Liyel n pèpɔrɪ ànê n tyínɔnɔle névyé wěki, ⁵ à á pwah mo. Té kè náh pɪ ne á tyíéplo pínó yin sǔ dé, á yām ye à yah. A ye á pwah mo, té min sǎnne á kō à á nno wu pɪ yályál Liyel Mirki gbò yò. ⁶ A syò á pwáhnmo-ò Yesu Krista tyí à Mirki mè tiki mo á yò nahnáh, ⁷ sǔnko á pín̄tenɔ náh négbłóle n pèpɔrɪ gbò yò, à tyé-ńkē min we képah nê-á á me n dekɪ.

⁸ Wey mènne, gbɪ ye kéle. Mé me ké tyí ne á kè gbah yo pé tyí, sǔnko nónó-á sě Liyel yò, pé gbah tē tyíéplole n pɪ. Sépi ye ple, té sé yǔre mó tǔ me no pól tyí. ⁹ Nte káh yò kē yékâble n pɪ, ànê káh yékâble n pɪ névyé duku wìl-nsah tyí sòkɔ. Káh mǎlle n pɪ, ànê káh yékâble n pɪ névyele Moyisi tyi kǔnsàhnó tyí yò. Yǔre kē ànê yékâkwè ye séle. ¹⁰ Névi nê-à névyele n gbekɪ, ké gbáhdýáh di tē tyí kè nɔ ke nínóle,

wàh ké nòh-ńkêne, à gbe n milki. ¹¹ Á pĩ ne kéne névi dùkù-á wěkì pèpey fin mɔ, wăh me tyípèlle n pi à pèkèle n yɔri n mɔ n̄ gblɔy yõ.

Pole-á v̄inmɔnɔ t̄ey ànê wey nêne Titi k̄õ

¹² Máh ki fyò Artemasi, képah náh pi Tisyiki teki mɔ á tyí, gbah n t̄ẽ n pɔ n wil ní tyí Nikopolisi kwil sɔkɔ. Mé kè yah tɔkɔ ne máh ki kwòviri gbí pi nénpó. ¹³ Nsyenasí nê-á Liyel ñgbò wěkì kwó-òle, yah n dah n mɔ ñmɔ ànê Apòlɔsɩ kóló tyí sɔkɔ. Káh n ye kwâh yó n̄t̄ẽ pè teki. ¹⁴ Ápi no tɔ yĩne pè pé gblɔy k̄õ n ȳĩ tyípéplɔ pínó sɔkɔ, s̄nko tyi nónó tyí-á me tah, pè t̄ẽ n we sépi yahle n wah. Pè káh pi t̄ẽ yõre k̄ẽ névyele.

¹⁵ Névyé nónó pól-á me ànê ñmɔle, pè n weki á tyí. Nónó-á ápi kódíbìle Yesu yõ s̄nó sɔkɔ, weki pé tyí.

Mé kéle n yah n k̄õ Liyel tyí ne à yòbènɔrile n pi yé pól tyí.

Pole Sébéy tékínmɔnɔle Filemo tyí

Wey kɔ́nɔ́le

¹ Nɔmɔ Pole nê-á wòkònpèkè sɔkɔ Yesu Krista tò yinne, ñmɔ ànê á yúnpí Timote ye n tekí n mɔ sébéy mène áwɔ Filemo tyí, nê-á ápi nénóníne ànê á tò pí mûne. ² Á kéle n tekí n mɔ tɔle ápi dósê Apiya tyí, à tahlí Arsyipi tyí ñmɔ nê-á á mékì fwo mûne, ànê Liyel yò sɛpú tɔ́nkì tyí pépi nónó-á wɛne n tuke n mɔ n pɔ áwɔ Filemo wòkò sɔkɔ. ³ Mé kéle n yah n kɔ́ ápi Sú Liyel ànê Tɛ̀ ñgbɛ́ Yesu Krista tyí ne, pè yòbènɔrɔ ànê yèvinune yé kɔ́.

Liyel yò sɛ́nɔ́ ànê tyínɔnɔ nê-á me Filemo sɔkɔ

⁴ Gbímegbí mǎh Liyelle n ni, mèn n wɛkí Liyel tyí á tyí sɔkɔ, ⁵ mǎh sɔ́npíle me n nohnɔ ne Tɛ̀ ñgbɛ́ Yesu yò sɛ́nɔ́-á me á sɔkɔ, ànê ñ yò sɛ́pú tyí-á me nónóle á tyí. ⁶ Mé kéle n ni Liyel tyí ne ñmɔ yò sɛ́nɔ́ nê-á ápi kwrɔ mɔ pí núkúle, kè ne n yuku yahle. Tyípéplɔ pól nónó-á á kí fɛ́ pí Krista yinne, séle névyè wɛkí. ⁷ N yúnpí, tyínɔnɔ nê-á me á sɔkɔ ñ kɔ́ á Yesu yò sɛ́pú nnɔle n de, kè me nìvìnìne ñmɔ tyí, té me sórèle n mɔ í sɔkɔ.

Pole me kéle n yah n kɔ́ Filemo tyí ne à Wonesimi yòrɔ tye

⁸ Gbɔ ye sɛ́nsɔ́, Krista yò sɛ́nɔ́ gbò yò mé kí sò fɛ́ á pí pí tir kɔ́ sah ñ kɔ́, ⁹ ñte tyínɔnɔ yinne mé ále n ni, ñmɔ Pole nê-á pí yèwǎhle, té me ñtɛ́ne wòkònpèkè sɔkɔ Yesu Krista tò yinne. ¹⁰ Mé ále n ni Wonesimi tyí sɔkɔ, ñmɔ nê-á pí í pídíne Yesu yò sɛ́nɔ́ gbò yò wòkònpèkè sɔkɔ. ¹¹ Ngbòle, à nǎh sò me tirlè n pekí áwɔ tyí. Nte núkúnúkú, à me tirlè n pekí áwɔ ànê ñmɔ tyí. ¹² Mé kí í syɔ́ à tekí mɔ ñ kɔ́, ñmɔ nê-á ñmɔ wil fí yóle. ¹³ Nɔmɔ-á me wòkònpèkè sɔkɔ sɛ́ Nìvìnì tir yinne, mé sò me ké tyí ne à tɛ́ ñ tnò à tòle n pí í tyí áwɔ swɔ. ¹⁴ Nte mé nǎh me ké tyí ne mé tir yó pí né á nǎh ké wɛkì kɔ́. Mé nǎh me ké tyí ne mé ñ kyí mɔ á tyípépɛy pí. Mé me ké tyí ne kè pí áwɔ dyɔ́ dyɔ́ tɛ́ne.

¹⁵ Gbòkénpi Wonesimi kí me gbe mɔ ále wró kwéy yó ó sɔkɔ, sɔ́nko ñ pɔ à wɛ kúmm yò sɔkɔ. ¹⁶ Yé nǎh wɛ dí, yò ó nǎh ñne núkúnúkú dé, à fónfó yò yò. Á pól yúnpí ye ñne, nê tyí-á nɔ yíí á tyí. Ñ tyí nɔ yíí ñmɔ tyí, ñte ñ tyí ké nɔ kal áwɔ tyí, wǎh sɔ́npíle pí áwɔ yòle té tò pí Yesu yò sɛ́-òle.

¹⁷ Képah ye, wáh kɪ me pĩ ne á yũnpi-á ńne, à tẽ ple ńmɔ sɔ́ á tẽ. ¹⁸ Wàh kɪ me tyítúkù yó pɪ, képah náh pɪ á kòlɪ-à kɪ me ò yò, mé kɪ yĩn sé yínnóle. ¹⁹ Nmɔ Pole ye n wārki welo nópilɛ ń gbòlɛ ne máh kɪ kòlɪ mè dyah. Té á dyo náh mé n to n kò ne wáh yĩne á á minne ń dyah. ²⁰ Képah ye ń yũnpi, mé kéle n yah n kò á tyí ne á tir mè pɪ ń tyí Tẽ ñgbẽ yĩn yò. N nɪ de á wró kwrónmɔnɔ gbò yò Kristale.

²¹ N sɛnó me ké yò ne négbí-á ále. Képah ye, máh tyi nónónɛ n wārki n tekɪ n mɔ á tyí yò, mé pĩ ne wáh kɪ sè pɪ ń yóré yò, kɪ kah mɔ ńtɛne.

²² Mé kè pĩ tɔlɛ ne yé nírí gbò yò pǎh kɪ ńne yé kò. Képah ye, mé kéle n yah n kò á tyí ne á sɛ-ńsah yah n sah n kò ńtɛne.

Wey tyé-ńsahle

²³ Yepafraɪ n wɛkɪ á tyí, ñmɔ nê-á me ńne wòkònpèkè sokɔ Yesu Krista yĩne. ²⁴ Markɪ ànê Arisitarkɪ, ànê Demasɪ, ànê Likyi n wɛkɪ á tyí, pépi nónó-á ńmɔ tò pɪ mũne. ²⁵ Mé kéle n yah n kò Tẽ ñgbẽ Yesu Krista tyí ne, à yòbènɔrɪlɛ ne n pɪ yé tyí.

Nsyaku-á sébéy nê wārki tekı mo Liyel nípú tyí

N yúnpyé, yépi nónó-á sébéy mē kàrpule.

Nsyaku lésō sébéy mē wārki tekı mo Liyel nípú tyí nónó-á sò me kwlo náhnáh sòko. Pè sò me sē Liyel yō, òte, kwlonó sò me péle n yīni n tē, ànê sétō sò me péle n fwo. Képah ye Nsyaku sébéy mē tekı mo pé tyí, à sóré mo pé sòko ne, pè gbah n tē Liyel yō sēnó sòko. A sò me péle n vi n mo tyi náhnáh sòko, ne pè tyipéplòle n pi. Liyel nípú tókù sò me n yo ne páh sē Liyel yō, té pé tyípinì náh mó tō me plé. Képah ye Nsyaku kō à kè gbah yo pé tyí ne nké, névi nê-à ne páh sē Liyel yō, té n tyípinì náh me plé, yō kē-á tē Liyel yō sēnóle. Liyel yé yah tē ké kàrnó sòko!

Wey kōnóle

¹ Nmo Nsyaku nê-á Liyel, ànê Tē ògbē Yesu Krista tōnpule, mé sébéy mēne n tekı n mo, à n weki Liyel nípú pól tyí, nónó-á me kàrkínkōnole kèkōyó sòko.

Mónyahno dòhnínóle n pi Liyel yō sēnó yō

² N yúnpyé, mónyahno-à sō pi yèvyāhrı dükù nê dükùle yé tyí, yé ye kè pi nìvì ògbēne yé tyí. ³ Yé pī ne, yé Liyel yō sēnó-á tē we mónyahno tyí, képah sòko-á yé ki pi tēpnèpule. ⁴ Nte, yé ye yé tēpnèné mē ké tō pi kyı syı ké yīn tyí, yé kō yé gbèkè yī, pèkè káh tō we yé sòko, ànê kwāh yó ntē káh yé tekı. ⁵ Nte, yípi-à yé sòko ney yó tekı, tē kè ni Liyel tyí, à ki kè yī tē kō. Nmo ye n yī no pólle n kō fòkòpènrı sòko, pé yah yó-ńkēne. Képah ye, tē kè ni nmo tyí. ⁶ Té tē yīne à kè ni Liyel yō sēnó sòko tòtò kēne. Yah, névi nê-à tòtòle n pi, tē me á ki ne yónkwıl sō, yáhkı n toko n mo n kō yey yey pólle. ⁷ Sēnkō névi káh ne n sō ne, páh ki kwāh yó ntē we n pi Tē ògbē Liyel tyí. ⁸ Névi dükù yó ye tēne, nê lékám náh me tēnóle fí núkú, ànê à me tòtò sòko n tyípinó pól sòko.

Yām ànê tahrıle

⁹ N yúnpyé nónó-á me yām sòko, Liyel ki po pè doko n mo n pi: Képah ye, pè ké nìvìle ne n pi. ¹⁰ Té tahbı ki tye n sòko n pi filfi tyí kōle. Képah ye, pè to pé tíkínmōno nìvìle ne n pi. ¹¹ Sō-á gbı-à gbo, té vyāh filfi tē, sè n kòko, n du n

kwε. Plé-ńsah náh tǔ n wε sé tyí. Sě ó ye, tahbı tǔ kı yah n kwłǔ n pi pé tyípínó nyóǔ.

Mónyahno ànê tǔnmǔnǔle

¹² Yèvını me névi tyí, nê-á ñne n tah n sah mónyahno sokǔ. Mónyahno sókǔnteno náh, tǔ kı tǔnweno tǔrı yókúrí wε, nê-á tyé-ńkê minne. Kéne tyé-ńkê min tyí ye Liyel ñ vyǎhle névye kǔ sah, ñ tyí-á nǔ nónó tyí.

¹³ Yé pǔ, ney náh fě Liyel tǔ mǔ à tyípékè pı n pi, ànê ñmǔ tǔ náh mó tǔ ñnı yó ńtǔne n tǔ n mǔ n dah n mǔ tyípékè sokǔ. Képah ye, tǔnmǔnǔ-à nê yǔni tǔ, tǔ káh ne, Liyel-á n tǔ n mǔ péle. ¹⁴ Nte, nê-á ńkǔne nénúkú núkú pólle n yǔrı n dah n mǔ tyípékè sokǔ, pé sǔnǔ túkúnı dékè tyi ye. ¹⁵ Wáh ye sǔnǔ túkúnı nǔpi kǔ sè tǔ wε á tyí, sè n pǔ tyípékèle. Tyípékè-à mó gbèkè yǔ, kè n pǔ kǔne. ¹⁶ N yǔnpyé, yé tyí nǔ n tyí. Yé káh yé gblǔy pilki dé! ¹⁷ Ngbǔ, yǔnkǔnǔ yǔ tǎhnı pèpǔ pól n wil yǔnyǔ. Liyel ye n kǔ ále séle, ñmǔ nê-á mǔ yǔnyǔ kyòole. N ñúkú náh n vi n mǔ, fǔntǔ tyah náh me ñ sokǔ. ¹⁸ Nte, Liyel sǔ me ké tyí ne, pé á sah ñ yǔ mǔnǔnǔ pól yah fǔnne. Képah ye, à min sǎnne á kǔ ñ wey gbı gbǔ yǔ.

Liyel wey nóhnǔ ànê ké wǔkǔ kólǔle

¹⁹⁻²⁰ N yǔnpyé, yé tyí nǔ n tyí. Yé pǔ ne ńkǔ, névi fǔkǔ-à vyǎh, ñ tyípínı náh Liyel nıle n vi. Képah ye, yé nénúkú núkú pól yǔne yé yé nıne n kwǔ nohnı súú, té yé káh ne n sal n wǔkǔ sónyah-ńkǔne, ànê yé fǔkǔ káh ne n kwǎh n vyǎh.

²¹ Káh pı sǔ, yé tyítúkúnı ànê nǔpékè pínó duke duke pól yal n mǔ pnépné. Yé mó Liyel wey fě n syi gblǔy tǔkǔnmǔnǔ sokǔ, wǎh nê dah mǔ yé nǔnǔ sokǔ. Képah ye kı fě yé pwah mǔ. ²² Yé káh yé gblǔy tǔ mǔ n pı Liyel wey nóhpú óle, ñte, yé ne n kǔ ké wǔkǔ yǔ. ²³ Yah, nê-à kéle n nohnı óle, té à náh me n kǔ ké wǔkǔ yǔ, tǔ me á kı ne ñnı yó sǔ, nê-á me ñ yèpǔle n yah dwǔlǔ sokǔ sǔ-á kéle. ²⁴ Wáh fyǔ ñ gblǔy yah te, té yal ké tǔnǔ, nǔnpǔ swǔ, ñ dyǔ n fwǔ ñ yèpǔ ñúkúle. ²⁵ Nte, Liyel tyi kǔnsǎhnǔ me tǔnǔle, sè kı fě névye sah pé gblǔy yǔ. Névi nê-à sépi tǔ palle, sé sokǔ tyi nóhnmilki-ńkǔne, té ñ tyile n pı sǎh yo sǔ, tǔ wǔ kı yèvını wε ñ tyípínó pól sokǔ. ²⁶ Nkǔ, nê-à me n sǔ ne, Liyel wǔkǔ kó-ò-á péle, té à náh me n kyǔmı n wǔkǔ, tǔ me ñ gblǔyne n pilki. N Liyel wǔkǔ kǔ ñúkú me ñnǔle. ²⁷ Nte, Liyel wǔkǔ kólǔ nê-á syıi ńtǔ kǔne ké sokǔ sú Liyel n mǔ n kǔ, kè wε yǔ: A yǔne ñ ńgbye ànê

pékúsyòle n tẽ ple pé yèvyãhrı soko, ànê káh n ye kèkõyó tyi pɔ n silki Liyel yah.

2

Wãhkì pínó náh ple

¹ N yúnpyé, yáh sã tǒrí Tẽ ñgbẽ Yesu Krista yõ, yé náh yĩne yè neyne n wah. ² Sõ-á dí yó kɪ fẽ pɔ de yé tówú nyó soko, té kɪ me sán kèngbo táhní dɪ, té kɪ me fwõtáhnì mɔ; té yãm ney yó tɔ kɪ fẽ pɔ de yé nyó fwòyàlle n wil: ³ Yáh fwòpèplo mó-ò dí wɔ ténó ple, té yo n tyí ne, à pɔ kɔ tẽ tẽ-ñsah pèpey mè soko, té yo yãm ney mè wɔ tyí ne, à yuku yĩn tẽ, képah náh pɪ, à kɔ tẽ ásô sétáh soko; ⁴ yáh pɪ sã, wãhkì náh yé n pɪ wẽ wró di? Yé náh ñnî yó tɔkɔ fónfó pɪ n ní-òle yé fókósõnɔ túkúnì gbò yõ di? ⁵ N yúnpyé, yé tyí nɔ ní tyí. Yé yé níki kwɔ noh. Névyé nónó-á yãm tãnne kèkõyó névyé tẽ tyí, pépi ye Liyel yah wilki, à pɪ tahbɪle Yesu yõ sɛnó soko. Anê pépi ye tɔ à kɪ kɔ pè kɪ n de n pi n tǒrí soko, képah nê tyí-á à ñ vyãhle névyé kɔ, n tyí-á nɔ nónó tyí. ⁶ Nte, yépi-à yãm tãnne n yilo, té tahbɪ wɔle n gbilki-à; kéné tahbɪ tẽ wɔ náh n fõh yéle, té yéle n tẽ n tuke n pɔ tukey tükè-ntàn soko di? ⁷ Té Krista yĩn pèpey-á yé yõ soko, pépi ye tɔ képah tyí yónkòpule. ⁸ Nte, Liyel tyi kònsàhnò yó me wárkínsàhnóle nê-á gblò kal sé no télóle. Képah n yo ne níkẽ: «Ye á ní-ò tyí nɔ á tyí á gblóy tyí kòle»*. Képah wẽkì-à kɪ nê yé n kɔ, yé me n pɪ ple. ⁹ Nte, wãhkì tẽ-à kɪ nê yé n pɪ, tyípékè ye kéle. Yé me pílkinóle Liyel tyi kònsàhnò soko, yáh sɔnpí yahle kólóle ké wẽkì yõ. ¹⁰⁻¹¹ Yah, Liyel nê-á yo ne: «Káh fɔfíkì pɪ», ñmɔ ó ye tɔ yo ne: «Káh nékókè mɔ.»† Wáh sɔ fɔfíkì pí-ńkẽne, té nékókè mɔ, á ye Liyel tyi kònsàhnó yahle. Képah ye, névi-à sɔ Liyel tyi kònsàhnó pól pɪ, té sé soko tyiyóné núkú fyé yahle, tẽ me pílkinóle sé pól soko. ¹² Liyel tyi kònsàhnó ye sah yéle yé gblóy yõ, té Liyel kɪ yé tuke n yĩne n pi sépile. Képah ye, yé ye yé wey, ànê yé pídúkù ne me yínénóle Liyel tyi kònsàhnó nópile. ¹³ Nkẽ, névi nê-à névyé yãmne n yáh-ńkẽne, Liyel tɔ náh tẽ yãm yah n pi tukey tuke sóle. Nte, névi nê-à névyé yãmne n yah, tẽ yõ kɪ yõ tukey tuke sóle.

* 2:8 2.8 - «Ye á ní-ò tyí nɔ á tyí á gblóy tyí kòle»: Yé kɪ fẽ kè we Likyi sèbéy 10.27, ànê Marki sèbéy 12.31, ànê Levitiki sèbéy 19.18. † 2:10-11 2.11 - Kònmonɔ ànê fɔfíkìle, sépi tɔ me Liyel tyi kònsàhnó gbãm soko, Moyisi-á nónó wárki sah Yálnó sèbéy 20 soko.

Tyípeplo pí-ńkĕ Liyel yõ sĕnóle, yõ se me ké tyí?

14 N yúnpyé, ñnî yó-à ntyíno ne, páh sĕ Liyel yõ, té n tyípínì náh me kéle n wĕki, yõ se ki we ké tyí? Kéne Liyel yõ sĕnó dukù mè se ki fĕ à pwah mo? 15 Sǒ-á, á yúnpi yó tyí flo ki fĕ n kne, ànê à náh me n we n yõ swõswõ pól soko: 16 Yõ se me ké tyí, wáh tĕ syah ne, à de lènole, à mó flole n mo virule n tũ, ànê à ne n yõ n tǒ; té á náh se mó tǒ à kǒ n yétò yí nópìle? 17 Sĕ ó ye, névi nê-à ne, páh sĕ Liyel yõ, tir yó ntĕ pí-ńkĕne nê-á n Liyel yõ sĕnóle n wĕki, tĕ Liyel yõ sĕnó me kúntĕnóle. 18 Gbòkénpi ñnî yó ki fĕ ne, tókù-á me sĕ Liyel yõ, tókù mó me tyípeplole n pi. Kàh pi sĕ, tĕ ní wĕki n Liyel yõ sĕnóle, tyípínì kéne wé. Nmo wo ki à wĕki ní Liyel yõ sĕnóle ní tyípínì soko. 19 Wáh me sĕ ké yõ ne Liyelle, núkù-á ñne, kè ple. Té pĩ ne, sétàn to sĕnó-á me képah tĕ wo yõ dé. Anê, n yah tíki pínó tĕ tyí, sé wil n ne n syah.

20 Lékám se me n tĕki? Wáh me ké tyí, mé ki fĕ n wĕki ne, tyípeplo pí-ńkĕ Liyel yõ sĕnóle, yõ náh me ké tyí: 21 Api náh ney Abrahami-á tyípíkì nê pi, képah nê-á pi n pidí Yisaku dókónmonole sárká súkĕnkǒ-ńsah yõ, ne pé à ko Liyel kǒ, sǒ-á Liyel yo kéle n tyí.‡ Képah soko náh Liyel à pi négbíle di? 22 Á náh we di, Abrahami Liyel yõ sĕnó ànê n tyípínì sò me n ko wĕ tyí. Té, n tyípínì gbò yõ, n Liyel yõ sĕnó pi palle. 23 Képah soko ye Liyel wey mè pi tũ nê-á yo ne ńkĕ: «Abrahami sĕ yíi n Tĕ ñgbĕ Liyel yõ, Liyel mó à pi négbíle», té ñne n ye n kódíne. 24 Yé kè we kè, névi Liyel yõ sĕnó ó náh dé! N tyípínì to gbò yõ ye Liyel à pi négbíle.

25 Sĕ ó ye tǒ, fòfínpi pi nê-á lésò pé n ye Wrahbile: A lésò fĕ syi Yisrayel tĕntò névye kǒ pé wǒbi n tyí. Té pé yohni mo, à pé mo wĕki yó yõ, pé kǒ pé to pwah.§ Kéne tyípepĕy gbò yõ ye Liyel n to pi négbíle. 26 Sǒ-á névi min-à wil n soko, à n ne me kúnóle, sĕ ó ye tyípínì to-à n kne, névi Liyel yõ sĕnó n ne me kúnóle.

3

Gblǒy kyòmínóle wékínó soko

1 N yúnpyé, yé pínó me ké soko ne, ápi nónó-á pi névye kwópúle, áyáh ki n tuke n pi képékèyò, ki kal no télóle kè.

‡ 2:21 2.21 - Abrahami sĕ Liyel yõ, képah ye à Liyel yóré fĕ syi. Kàh pi sĕ, Liyel mó à dyah ké pèporile. Képah n we Yenesi sĕbéy 15 ànê ki 22 soko. § 2:25 2.25 - Wrahbile, fòfínpi pi ye sò ñne. Té wáh po sĕ Liyel yõ, képah ye à kǒ à Yisrayel névye yísyó yohni mo, pé kǒ pé wǒbi n tyí. N tyí me yónóle Nsyosye sĕbéy 2 soko.

Képah ye, yé náhnáh káh ne n yah n kǒ ne, yé pɪ kwópúle.
² Yé pǐ ne, á nénúkù núkú pól-á n pilki náhnáh. Nte, névi
 nê-à n pilkí-ńkêne ñ vyāh wey soko, ñmo népépěy syi ké yǐn
 tyí. A kɪ fě tē ñ wil gběnsé pól to tyí. ³ Sǒ-á áyāh kārfyê dyi
 sēsèn vyěy tyí ne, sè ne n nohnɪ á tyí, sé wil pól to yah ye
 ńkêne à n ne n tē kéle. ⁴ Képah náh pɪ, yé krótókè ñgbě tole
 n yah yɔ soko kè: Kàh sǒ me gblò sǒ, té yáhkí sǒ me kéle
 n tu n mo sǒ, sésár pír yó ó ye ké tó-ò n ne n tē ké yahle.
 Wàh me ké tyí ne, kè syǒ nýāh soko, kè n syǒ nénpóle. ⁵ Sě
 ó ye nénpórí tole, wil tyah yó ye tyíĩ ñsǒ, té kè ké gblǒyne n
 gbilki n kah.

Yé náh nyàh to we di? Kàh sǒ me tyíĩ sǒ, kàh soh dùkù
 ñgbě soko, kè n fě ké pól yǒ. ⁶ Nte, nénpórí to me kéné nyàh
 tyí kǒle. Tyípél náhnáh n wil képah soko. Kè me déntěnóle
 wil soko, té wil téy pólle n yǒ. Tyípél nónó-á n wil ké soko,
 ní-ńkê nyàhnpèkè soko ye sè n wil. Képah ye, ké yíkínóle n
 pɪ á min pól soko, fók kè pɔ nɔ á kúnó tyí.* ⁷ Yah, gběnkɔ
 duke duke pól n kwɔ n pne. Kèpye, ànê vyeh, à tahlɪ yɔ soko
 yí tyí, névi tē we sépi pól kwɔ. ⁸ Nte, nénpórí tē wɔle, ñnɪ
 yó ńtē náh tē we képah kwɔ n pi. Kwáhpèkè nê-á kè náh n
 tē syísyí, képah ye nénpóríle. Kè me névi ko ko sohnɪ óle ké
 tǒó.

⁹ Kéné nénpórí núkú me ye ápi Tě ñgbě, á sú Liyelle n
 gbilki, ñ té n tǒ képah óle pèkèle n ye n mo névyé yǒ, ñte
 Liyel ye mó tǒ mo péle ñ kètòle. ¹⁰ Gbilkínó welo ànê pèkè
 yénmɔnɔ welo kɪ n wil vyāh núkú soko ni? N yúnpyé, yé
 káh ne n pɪ sě. ¹¹ Nípénèkì ànê ni páhpáh se kɪ fě n wil
 kwlèy núkú soko? ¹² N yúnpyé, dah se kɪ fě we gbe sènsóké
 séswǒ soko? Tí sènsóké séswǒ pye se kɪ fě we gbe kèpǔnpǔ
 séswǒ soko? Sě ó ye pne ni, ànê nípénèkì náh fě n wil n pi
 kwlèy núkú soko.

Yípi nê-á n wil Liyel tyí

¹³ Té yépi soko, nê tē me yípi névile té lékám me ñ soko?
 Tě yǐne à ne n ko palle gblǒy tíkínmɔnɔle ñ tyípínì soko,
 képah nê-á n wèkɪ ne, wāh yǐ pǐ. ¹⁴ Nte, dyóyókì kèpèkè,
 ànê wě fwónó sǔnɔ-à kéné yé nno soko, yé káh yé gblǒyne
 gbilki ne, yáh me yǐ pǐ. Yé káh gbule n kǒli. ¹⁵ Kéné yípi mè
 dùkù náh n wil Liyel tyí dé! Kèkǒyó mè tyí ye kéle. Névi
 yípi ye kéle, kè n wil sétò tyí. ¹⁶ Yah, dyóyókì ànê wě fwónó

* **3:6** 3.6 - Ní-ńkê nyàhnpèkèle, fí yó ye, nýāh soko-á pè n fōh tyípél pípúle pé kúnteno náh. Sétò tē-ńsah ye kéle; ñmo nê-á me ké tyí ne, pé Liyel tyípínóle n ykɪ. Anê ñmo ye n mo névyé nénpóríle pèkè pínó soko.

sõno-à me ñyāh soko, tyíḗ ànê tyítúkúni duke duke pól n ne n pi nénpó soko. ¹⁷ Nte, yípi nê-á n wil Liyel tyí, képah-à me névi nê soko, ké gbenne, tẽ ni n ne n me yályál, ànê yèvini tyí n no ò tyí, té à n pi n épépèyne. N tò náh n tah, ànê à névi yāmnè n yah, té tyípeplo ó ye à n ne n pi. A náh yèwāhkì ànê fòkòpille n pi. ¹⁸ Yèvini-á me nónó tyí, té pè me ké tõe n pi, pè ké yõre we, nê-á péle n pi néglòle Liyel yah.

4

Wāh á yí wil kèkõyó tyí, Liyel dèl ye á pi

¹ Kwāh nê n po n po yékāb ànê málle yé wró soko? Fókósõno túkúni dékè tyi náh n fwo yéle di? ² Yé yí me n wil yí nahnáh tyí, té yé náh me séle n we. Kàh pi sè, nékókè mo dékè yé tẽ. Yáh nêne n yah n kō, yé náh kéle n we. Kàh pi sè, yékāb ànê māl n pyè ne n de yé wró soko. Nte, yé náh me n ni Liyel tyí, képah ye, yé náh me kwāh yóle n we. ³ Yāh se sō n ni Liyel tyí, sōno pèplo náh nkēne ne me yé soko. Yè n ne n ni yé tyítúkúni dékè tyi pi yīn óle. Képah ye, yé náh kwāhle n we. ⁴ Kwāh nê fòfnpibi pi dukù me yé n pi sè? Yé náh pī ne, wāh á yí wil kèkõyó tyi tyí, Liyel sépe-á ále di? Nê-à kèkõyó tyi tẽ kódiñe, tẽ ki pi Liyel sépele. ⁵ Yé se we ne, yō kē-á Liyel wey mène, nê-á yo ne nkē: «Liyel-á min nê mo ápi soko, ké tyí no yīi ò tyí. Képah ye, à me ké tyí ne á ne n me péwo ó tyí yō.» ⁶ Nte sépi pól soko, à tō pèpori ñgbēne n pi ápi tyí, sō-á ò wey kè yo ne nkē: «Liyel peke gblõy gbilkípú yō, té pèporile n pi gblõy tikiñmopu tyí.» ⁷ Képah ye, yé ne n sah Liyel yóré yō, yé mó sétò tyí yahle, képah soko, sétò ki to gbè mo yéle.* ⁸ Yé no n de Liyelle, képah soko, ò to ki no de yéle. Tyípèl pípi, yé yé gbān wilki tyípèl píno soko. Tòtò névyè, yé yé nno tō n sah. ⁹ Yé yīne yé pí ne, yáh me pèkè soko, yé ké nāhnpi gbo. Yé ye yé yīsyòni pi gbnìle, yé nivi mó pi yèkworile. ¹⁰ Yé yé gblõy tiki mo Tè ñgbè yah, à ki yé yō yō.

¹¹ N yūnpyé, yé káh wè tyíle n yo n yiki. Nê-à ò yūnpi tyí yo yiki, képah náh pi, à lékàh syi à kō, Liyel tyi kōnsàhnó tyí ye tẽ yo yiki, té lékàhle kè kō. Wāh képah pi, á se me n kō Liyel tyi kōnsàhnó wèkì yō? Lékhàh náh á kéle n kō di? ¹² Nte, Liyel ó ye sah tyi kōnsàhnóle, ànê ñmo ó ye ki

* 4:7 4.7 - Sètòle, Liyel sépe ye ñne. A me ké tyí ne, pé ále n tō mo n dah n mo pèkè píno soko.

fě lékàhle névi kǒ. Nmɔ ó ye kɪ tǒ fě névi pwah mɔ, képah náh pɪ, kɪ ñ tyí yɪkɪ. Nê me áwɔ tǔne, té á lékàhle n syi á yúnpilɛ n kǒ?

Yé káh pɪ gblǒy gbílkípúle

¹³ Núkúnúkú, yé noh ní tyí yò, yépi nónó-á me n yo ne kweyne, képah náh pɪ, nsône yáh kɪ kyɪ kwíl-̀ngbǔ mè sɔkɔ, kɪ kyɪ yi núkú pɪ gbò yínó sɔkɔ nɛnpó kɪ pɔ wɛ. ¹⁴ Nte, yé se pĩ yé min-á kɪ n me n pi sǒ nsône? Yé me á kɪ ne kénfáhkí tǒtǒ yó sǒ, nê-á nkǔne n mɔ nɛnpó swɔ, ñ té n karkɪ. ¹⁵ Yé pyǔ tǒ sǒ yǔne yè yo ne, Tǔ ñgbǔ-à kɪ fě syi, yáh kɪ tǔ min sɔkɔ, té kɪ tir mè pɪ, képah náh pɪ tir mè pɪ. ¹⁶ Nte, yè n pyǔ yé gblǒyne n gbilki yé vyǎh wey sɔkɔ. Kéne gblǒy gbílkínó òkù yó ñtǔ náh plɛ.

¹⁷ Sépi pól sɔkɔ, névi nê-à pèpɔrɪ pínó yah wɛ, té tǔ náh me kéle n pɪ, tyípekè ye tǔ n pɪ.

5

Tahbɪ-á yǔne pè nê pĩ

¹ Núkúnúkú, yépi nónó-á me tahbɛ, yé noh ní tyí yò: Yèvyǎhnpèl nónó-á kɪ pɔ yé yǔni n tǔ n pi, yé ne n kah n gbo sépi yǔnne. ² Yé tahrɪ me n pyǎh, té sóhrí me yé flɔle n yǒ. ³ Yé sǎn ànê yé pónɔ me n pɪ syímíne. Kéne syímí ye kɪ pɔ wilki mɔ yé gbònkòkòle, té kɪ yé wil gbǔnsé yǒ, nyàh tyí kǔle. Kèkǔyó tye gbí mè fyé nóntenɔ sɔkɔ, yépi me tahrɛle n yah n tuke n mɔ n sah yé gblǒy tyí kè! ⁴ Té, tǔnpɪbɪ nónó ñtǔ-á tǔle n pɪ yé swǔy sɔkɔ, yè n yahle pé póle pé kǔnóle. Pépi Liyel yéngbonɔ yǔnpǔ ye n de Liyel níki sɔkɔ, ñmɔ nê-á kèkǔyó Tǔ ñgbǔne. ⁵ Yépi me yǔtǔrí yéle n yǒ kèkǔyó mè sɔkɔ, à yé dyɔ yǔi tyile n pɪ, me gbilki tǔ, á kɪ ne ko ko nyeh sǒ. ⁶ Yé lékàhle névyɛ kǒ, nónó-á pè náh tyítúkù pɪ. Pè mó pé gblǒy fin mɔ yé kǒ, yé pè ko mɔ.

Syíkíntǔnó pɪ, Tǔ ñgbǔ Yesu syínɔnɔ me yúkey

⁷ N yúnpyé, yé syíkíntǔnóle n pɪ, fǒ kè pɔ nɔ Tǔ ñgbǔ syínɔnɔ tyí. Yé yah sètǔle kè, à nkǔne sèmuɔkɔ pèpɛy wéntakɔnɔ syikɪ n tǔ, à tɔkɔ púgbro pínó tyí, pópó ñ pɔ n syi pútéló pínó tyí. ⁸ Tǔ ñgbǔ syínɔnɔ me yúkey; képah ye, yépi tɔ sóré mɔ yǔi yé gblǒy sɔkɔ, yé syíkíntǔnó pɪ. ⁹ N yúnpyé, yé káh ne n tɔkɔ wǔne n kǒ; képah sɔkɔ, Liyel náh yé tuke n pi. Yé yah, Tǔ ñgbǔ nê-á kɪ pɔ á tuke n pi, à me yúkey. ¹⁰ N yúnpyé, Liyel tǔntǔ syínyopu-á lésǒ ñ weyne n

yo n kō yèvyāhri ànê syíkíntěno soko sō, yé yīne yè ne n pi pépi tyí kōle. ¹¹ Yé yah, nónó-á gbah tē à kyi syi ké yīn tyí, ǎ pépile n sō. Yé Nsyobu gbáhntěno tyí noh n yèvyāhri gbí soko kè. Té tō kè we, Tē ñgbē-á tyí-ñgbno nónó pi n tyí ké tyé-nsah soko.* Yé náh we, Tē ñgbē tē wo névi yām yáhnó ànê n pèpòri me gblò kègbi tēne.

¹² Nte, ní yúnpyé, sépi pól soko, yé káh yéle n wo Liyelle, képah náh pi sétáhle. Anê yé káh yéle n wo kwâh yó ntēne. Yé ye yé àwe ne me ké gbi yō, yé ññ mó ne me ké gbi yō. Képah soko, Liyel náh lékàhle yé kō n pi.

Niri pínóle yámpú tyí

¹³ Té yèvyāhri-à me yépi soko ney nê yō, tē Liyel ni. Nìvìnì-à se mó me nê yō, tē Liyel yīn gbilki yìgbìnì soko. ¹⁴ Yé soko ney nê-à me n yo, tē Liyel nípú yah tēpú ye, pépi kú pò nuri tuke n tyí Tē ñgbē Yesu yīn yō, té kú Liyel ni n tyí. ¹⁵ Té níri mē-à pi Liyel yō sēno soko, yónwó mē kú pwáhnmono we, ànê Tē ñgbē Liyel kú à de mo. Té wàh se me tyípèl pi, à kú sè yō mo à kō. ¹⁶ Képah ye, yâh me dénmono tyí, yé yé tyípèl wil n syi, yè mó Liyelle n ni wēne n kō. Tǎhkì me yīí négbí níri soko dé. ¹⁷ Yé náh Yeli we-à: Névi ye lésō ñne ápi tyí kōle. Nte, à me níri gbah pi ne, pù káh tō pi. Pù náh mó ntyíno pi sétáh yō, fóó à pò no ye tōno ànê tóni tyí. ¹⁸ Képah náh, à tō n syi Liyel ni ne, pù pi. Pù me pi, sèmuco pekú.†

Mónpú-ò tēnpòwle

¹⁹ N yúnpyé, yé soko ney yó-à mo pu gbi wèkìle, té nê me à tē pò ké yō, tē pi ple. ²⁰ Yé pī ne, névi nê-à tyípèl pí-ò vi mo pèpey pínó soko, tē n min pwah mo n kúnteno náh yèvyāhri yah. Anê n tyípèl náhnáh nópi kú se tō yō mo à kō.

* **5:11** 5.11 - Nsyobule, négbí ye sō ñne: Té sétó pò à kwlo náhnáh. Nte, à n tah sah. Ké tyé-nsah soko, Liyel pò à yohni mo n yō yō. N tyí me yónóle Liyel wey sébéy yó soko, nê-á pè n ye Nsyobu sébéyne. † **5:18** 5.17-18 Yeli sō pi Liyel tēntò syínyo-ò ñgbēne. N tyí me yónóle Yõtām sébéy gben 17 ànê 18 soko.

Nsyõ-á sébéy gben nê wārki tekı mɔ

Yesu Krista ye min nétēne nê-á Weyne

¹ Min nétē nê-á Weyne, ñmɔ tyí ye á n yo yé tyí. Nmɔ nê-á sò me tyi pól tyah gbí dukùle, ápi ñ wékínó noh, té à we yíne, té à yah díkídíkí, té tũ ñ tyí. ² Nmɔ nê-á min nétēne, à ye ñ gblöyne á wēki. Á à we, té me ñ tyíle n yo n wah. Nmɔ nê-á tyé-ńkē minne n kō, ñmɔ tyí ye á n yo yé tyí. Nmɔ sò me Sú Liyel tnô, té pɔ ñ gblöyne á wēki. ³ Áyáh ñmɔ nê we té ñ wékínó noh, ñmɔ tyí ye á n yo yépi to tyí á wró kwrónmɔnɔ yinne yéle. Képah sɔkɔ, wró kwrónmɔnɔ nê-á me ápi wró ànê Sú Liyel ànê ñ Pídí Yesu Kristale, yépi to kɔ de ké sɔkɔ. ⁴ Á ye tyi nópile n wārki n tekı n mɔ yé tyí, nê-á kɔ ápi ànê yépi ñvìnì kō kè kɔ syi ké yĩn tyí.

Kyòò sɔkɔ kólóle

⁵ Té yah, áyáh wey nê noh Yesu Krista tyí té kéle n yo yé tyí, képah ye yò: Liyelle, kyòò ye ñne. Fěntũ náh me ñ sɔkɔ pólle. ⁶ Áyáh n yo ne á wró-á me kwrónmɔnɔle Liyelle, té mó tō me n kɔ fěntũ sɔkɔ, m̀nyobe ye ále, á náh me gbı wēkile n kɔ. ⁷ Nte áyáh kɔ n kɔ kyòò sɔkɔ sã-á ñmɔle kyòò sɔkɔ, á nénúkù núkú pól wró kɔ me kwrónmɔnɔle wēne. Té Liyel Pídí Yesu Krista tó kɔ á tyípél pól wu to á tyí.

⁸ Áyáh ne tyípekè náh me á sɔkɔ, á gblöy ye á n pilki, gbı náh me á sɔkɔ. ⁹ Nte áyáh á tyípél wil syi, ñmɔ nê-á Liyel tómmne té n kɔ ñ tyíyónó sò, à kɔ á tyípél yõ mɔ á kō, té kɔ á wu wilki á tyíknènì pól sɔkɔ. ¹⁰ Áyáh ne á náh tyípekè pı, ñmɔ ye á n pı m̀nyole, ñ wey náh me tēnóle á sɔkɔ.

2

¹ N wěnpı, mé sébéy m̀ene n tekı n mɔ yé tyí, nê-á kɔ yé kō ye káh tyípekèle n pı. Nte káh se pɔ pı ññı yó tyípekè pı, wró tō-ò me á tyí Sú Liyel yah sɔkɔ, nê-á Yesu Kristale, ñmɔ nê-á me tómm. ² Nmɔ ye ñ gblöy kō sárkále nê-á kɔ Liyel kō à kɔ ápi tyípél yõ mɔ. Té à náh ñ gblöy kō ápi ó tyípél yõnmɔnɔ yinne dé, kèkõyó névyé pól to tyípél yõnmɔnɔ yĩn ye à ñ gblöy kō.

Kólóle à yĩne Liyel tyi kònsàhnóle

³ Áyáh Liyel tyi kònsàhnó wàlle n kɔ, képah sɔkɔ ye á kɔ pı ne áyáh ñne n pne. ⁴ Névi nê-à ne páh ñne n pne, té tē

náh me n ko ò tyi kònsàhnó wàl yõ, m̀nyo ye tẽne. Gbı náh me tẽ soko. ⁵ Nte nê wò-à n ko ò yóré yõ, ò tyí me nò tẽ wò tyí kègbı tẽ yõ. Képah soko ye à kéle n pne ne áyáh me ò tyí yõ. ⁶ Névi nê-à ne páh me ò tyí yõ, Yesu-á ko òkù nêne, tẽ to yĩne à ne n ko sèntẽne. ⁷ N nénónó, tir kònsàhnó késán náh kéle mé n wãrkı n tekı n mo yé tyí dé, tir kònsàhnó kedyáh ye kéle, nê-á yo soko yé tyí tyah gbí òkùle. Yáh wey nê noh soko te, képah ye tir kònsàhnó kedyáh mène. ⁸ Nte fı yó tĩnne, tir kònsàhnó késán ye mó tã kéle mé n wãrkı n tekı n mo yé tyí. Yesu ànê yépi pi òkù me képah gbıle n wẽkı. Yé náh we di, fèntú me n soko, kyòo yèsyìkì mó me po te. ⁹ Névi nê-à ne páh me kyòo soko, té mó tã me ò yúnpi yó dyole n yo, tẽ me sè fèntú soko. ¹⁰ Névi nê yúnpi tyí-à nò ò tyí, tẽ wò me kyòo soko. Nnı yó nítẽ náh n de n pi tyípékè soko òmo gbò yõ. ¹¹ Nte nê-à ò yúnpi dyole n yo, tẽ me fèntú soko. Té wáh me n ko fèntú soko sè, fèntú tẽ tyí, ò yí kı wò, à náh ò yúkú-ńsah pĩ n pi.

Kèkõyó ànê Krista sépébi swah òkùle

¹² N wẽnpı, Yesu yĩn gbò yõ soko ye yé tyípèl yõ mo yé kò. Képah ye mé sébéy mène n wãrkı n tekı n mo yé tyí. ¹³ Súbi, nê-á sò me tyi pól tyah gbí òkùle, yé òne n pne. Képah ye mé sébéy mène n wãrkı n tekı n mo yé tyí. Kètènpı, yé tẽ we pèkè pí-ò tyí, nê-á sétàn yòtẽne. Képah ye mé sébéy mène n wãrkı n tekı n mo yé tyí.

¹⁴ Yépi nónó-á wẽnpıle, nê-á Sú Liyelle, yé òne n pne. Képah ye mé sébéy mène n wãrkı n tekı n mo yé tyí. Yépi nónó-á súbıle, nê-á sò me tyi pól tyah gbí òkùle, yé òne n pne. Képah ye mé sébéy mène n wãrkı n tekı n mo yé tyí. Kètènpı, tãhkı me yé soko, ànê Liyel wey me n tẽ yé nno soko, té yé tẽ we pèkè pí-ò tyí, nê-á sétàn yòtẽne. Képah ye mé sébéy mène n wãrkı n tekı n mo yé tyí.

¹⁵ Yé káh yé yí wil kèkõyó tyí, képah náh pi ké soko kwáh yó nítẽ tyí. Névi nê-à ò yí wil kèkõyó tyí, Sú Liyel tyí náh fẽ n nò n pi tẽ tyí. ¹⁶ Yé yah, tyi nónó-á me kèkõyó soko, sã-á gblõy dyo yíi tyi pínó dékèle, ànê yíwilkıle, ànê gblõy wèkínóle à yuku tahrı tyí tĩnne, sépi soko yó nítẽ náh n wil Sú Liyel tyí. Kèkõyó soko ye sè n wil. ¹⁷ Té kèkõyó ànê ké yíwilkı kı po n tye n pi. Nte névi nê-à Liyel dyo yíi tyile n pi, tẽ wò kı tẽ tyé-ńkẽne.

18 N wěnpì, kèkõyó tyε gbí ye me nɔ n tε. Yé kè noh sɔkɔ tε ne Krista sépe-á kɪ n pɔ n pi. Núkúnúkú, Krista sépébí yísyó me wil mɔ pí. Képah n wěkɪ ne kèkõyó tyε gbí sɔkɔ-á ále. 19 Api ùnkɪ sɔkɔ ye sépébí nɔpi wil. Nte kègbɪ yõ, pè náh sò me núkúle ápile. Pàh sò me núkúle ále, pè náh náhkɪ n gbe n wil n pi ápi sɔkɔ. Nte kè ye sò yĩne kè pɪ sě, nê-á kɪ kè wěkɪ ne pé sɔkɔ ney yó ñtě náh sò me núkúle ápile kègbɪ yõ.

20 Nte yépi wɔle, Liyel Mirki me yé sɔkɔ Krista-á nêne yé kɔ. Képah ye yé pól kɔ yé tyile n pne. 21 Kè náh me á kɪ ne yé kósyí gbule n pne ní kɔ mé sébéy mène n wārki n tekɪ n mɔ yé tyí dé, yáh kéle n pne, té pĩ ne mìnì yó ñtě náh n wil ké sɔkɔ, képah ye ní kɔ mé sébéy mène n wārki n tekɪ n mɔ yé tyí.

22 Névi nê-à ne Yesu náh Kristale, nê-á Liyel ney yáhtɔkɔnɔle, mìnyo yó ñtě náh kah mɔ tě yõ. Krista sépe ye tēne. Sú Liyel ànê ñ Pídí Krista ye tě yahle. 23 Yé yah, névi nê-à Liyel Pídí yahle, Sú Liyel náh me tēne. Té nê-à Liyel Pídí fě syi, Sú Liyel me tě wɔle.

24 Yépi tě wɔle, yáh wey nê noh tyah gbí òkùle, yé yĩne yè kè koh n sah yé nno sɔkɔ. Yáh wey nê noh tyah gbí òkùle, yáh fě kè koh sah yé nno sɔkɔ, yépi tɔ wró kɪ me kwrónmɔnɔle Pídíne, ànê Súle. 25 Té Pídí-á ñ vyāh kɔ nê tyí sɔkɔ, tyé-ńkě min ye.

26 Nónó-á n yah n kɔ yé yõ yíkí-ńsahle, pépi tyí sɔkɔ ye mé sébéy mène n wārki n tekɪ n mɔ yé tyí. 27 Yépi tě wɔle, Yesu-á Liyel Mirki nêne yé kɔ, kè me tēnɔle yé sɔkɔ. Képah ye, kwó-ò yétò náh tɔ me yé tyí. Liyel Mirki me yéle n kwɔ tyi pólle. Té ñ kwónónɔ pólle mó tɔ, gbɔ ye séle, mìnì náh me sé sɔkɔ. Képah ye, yé ne me kwrónmɔnɔle Kristale, sɔ-á Liyel Mirki yé kwɔ kéle.

Liyel wěnpì pɪ òkùle

28 Núkúnúkú ñtēne ní wěnpì, yé ye yé wró ne me kwrónmɔntēnɔle Kristale. Képah sɔkɔ, wāh sɔ nêne pɔ tíkí náh á tě n pi, ànê sen náh á kɔkɔ n sah n pi ñ yah sɔkɔ lésòle. 29 Yé se pĩ tε ne wāh me tómm té. Té yé yĩne yè kè pĩ tɔle ne, névi nê-à n kɔ tómm, Liyel pi-á tēne.

3

1 Yé náh we à, á tyí kah nɔ Sú Liyel tyí, fóó à ále n ye ñ wěnpile. Té Liyel wěnpì tě wɔ ye ñtyínɔ ále ó. Té kèkõyó névyé-á pɪ Liyel pí-ńkěpúle sě, képah ye pè náh fě ápi tɔ

pĩ. ² N nénónó, Liyel wěnpĩ ye ále núkúnúkú, òte áyáh kɪ pɔ n pɪ n pi kwáh nêne ísòne, képah náh tǒnì me wilki mɔ te. Nte á pĩ ne Krista-à pɔ wil mɔ gbí nêne, áyáh kɪ à we wáh me òkù nêne. Képah ye, á kɪ me òmɔ tyí kǒle. ³ Névi nê gbò sàhnó-à me képah yò sɔkɔ Krista tyí, tẽ ò gblǒy tǒ n sah yályál Liyel yah sɔkɔ, sǒ-á Kristale yályál. ⁴ Névi nê-à tyípékèle n pɪ, tẽ me Liyel tyi kǒnsàhnó délle n pɪ. Tyípékè pínóle, Liyel tyi kǒnsàhnó dél pínó ye kéle. ⁵ Nte yé pĩ ne Krista pónó yǒ-á pɪ tyípèl tẽnyǒnóle névyè yǒ. Tyípékè náh me òmɔ sɔkɔ pǒlle. ⁶ Névi nê-à me Krista tyí yǒ, tẽ náh tyípékèle n pɪ. Nte nê-à tyípékèle n pɪ, tẽ náh à we yah, à náh òne n pne. ⁷ N wěnpĩ, yé káh ye ònì yó òtẽ yé pilki. Névi nê-à n kɔ tómm, négbí ye tẽne Krista tyí kǒle. ⁸ Té névi nê-à tyípékèle n pɪ, sétàn yǒtẽ tyí névi ye tẽne. Yé náh we di, sétàn yǒtẽne, tyípékè pí-ò ye òne tyi pól tyah gbí òkùle. Liyel Pídí-á pɔ tir nê yinne, sétàn yǒtẽ tyípínì yíkɪ yin ye. ⁹ Névi nê-à pɪ Liyel pile, Liyel pɪ òkù n ne n me tẽ sɔkɔ. Képah ye tẽ náh tyípékèle n pɪ. Wáh pɪ Liyel pile sǐ, à náh fẽ tyípékè pɪ n pi. ¹⁰ Liyel wěnpĩ ànê sétàn yǒtẽ tyí-á n wah n pne wẽ sɔkɔ òkù nêne, kè we yò: Névi nê-à n kó-òkène tómm, Liyel tyí névi náh tẽne. Névi nê tɔ yúnpi tyí-à nókène ò tyí, Liyel tyí névi náh tẽne.

Wẽ wró tyínɔɔle

¹¹ Yé náh we di, yáh nê noh tyah gbí òkùle képah ye yò ne òkè, áyáh yĩne á ye á tyí nɔ wẽ tyí. ¹² Á ye káh pɪ Kayin tyí kǒle. Sétàn yǒtẽ tyí névi ye sò òne. A ò gběndí kɔ mɔ. Nte tir nê yin me à kɔ mɔ òne? Nmɔ tyípínó-á sò me kétúkùyò Liyel yah sɔkɔ té ò gběndí tyíle palle, képah yò ye. ¹³ N yúnpyé, kèkǒyó névyè-à yé dyòle n yɔ, yé káh n ye kè pɪ gběndùnne yé tyí. ¹⁴ Ápɪ tẽ wòle, á yúnpyé tyí-á nɔ á tyí sǐ, á pĩ ne áyáh tẽ syi te kũ gbò sɔkɔ, té min we. Nte tyínɔɔ-à n kne névi nê sɔkɔ, òmɔ me kũ gbò sɔkɔ. ¹⁵ Névi nê tẽ-à fyò ò yúnpi dyòle n yɔ, nékókè mǒ-ò ye tẽne. Té yé se mó tǒ pĩ ne tyé-òkè min náh me nékókè mǒ-ò yó òtẽ tyí té. ¹⁶ Yé yah, Krista-á ò min kǒ ápɪ yinne, képah sɔkɔ ye ápɪ me tyínɔɔ òkù pĩ. Ápɪ tɔ yĩne à á min kǒ á yúnpyé yinne. ¹⁷ Nte kèkǒyó tahrɪ-à me ònì yó tyí, té à ò yúnpi yó we yám sɔkɔ té yahle ò yám yáhnóle, Liyel tyínɔɔ náh me tẽ sɔkɔ. ¹⁸ N wěnpĩ, ápɪ tyínɔɔ káh n pɪ wey ànê vyáhshesýírí ó sɔkɔ dé. Á tyípínó yĩne kè kéle n wẽkɪ kègbɪ tẽ yǒ.

¹⁹ Képah sɔkɔ ye á kɪ pĩ ne áyáh me gbɪ wěkì yõ, ànê á nno kɪ me yínnóle Liyel yah sɔkɔ. ²⁰ Ápi nno-à sõ me lékàhle ále n kõ sõ, Liyel nê-á gblò kal, ñmɔ tyi pólle n pne n kal ápi nnole. ²¹ N nénónó, á nno-à kɪ lékàhle ále n kõ-ńkêne, tíkí náh á tẽ n pi Liyel yah sɔkɔ. ²² Té áyáh me ñ tyi kònsàhnó wàlle n kɔ, té ñ dyo yíi tyile n pi, képah ye áyáh kwáhdúkú nê yah kõ ñ tyí, à kɪ kéle á kõ. ²³ Wáh nê kõ sah á kõ képah ye yò ne ńkẽ, á sê pé Pídí Yesu Krista yĩn yõ, á mó ye á tyí nɔ wẽ tyí sõ-á à kõ sah kéle á kõ. ²⁴ Névi nê-à Liyel tyi kònsàhnó wàlle n kɔ, tẽ kɪ me Liyel tyí yõ, ànê Liyel kɪ me tẽne. Sõ-á á kɪ pi té kɪ pĩ ne Liyel-á me ále, ñ Mirki gbò yõ ye, wáh képah nêne á kõ.

4

Liyel tyi wàhnpiñole sépe tyí sɔkɔ

¹ N nénónó, névyne nónó-á ne Liyel Mirki gbò yõ-á pé n yo tyile, yé káh n sê pé pól yõ dé. Yé pè sohlɪ n yah, yé ké gbɪ pĩ Liyel Mirki gbò yõ-à kɪ nê ítyĩnɔ pè n yo tyile. Yé náh we di, Liyel yĩn yõ mìnnyobe me tõ mɔ pí kèkõyó. ² Liyel Mirki-á n tẽ nónó yahle, yáh ne pè pĩ n pi dùkù nêne, kè we yò: Yáh névi nê we à me n yo ne Yesu Krista-á pi névile, Liyel Mirki ye n tẽ tẽ yahle. ³ Nte nê-à ne sê náh, Liyel Mirki náh n tẽ tẽ wɔ yahle. Krista sépe mírki ye n tẽ tẽ yahle. Yé kè noh sah te ne, Krista sépe-á kɪ n pɔ n pi. Té núkúnúkú, à me te kèkõyó ítẽne.

⁴ Yépi wɔle ń wěnpì, Liyel tyí névyne ye yéle. N Mirki nê-á n tẽ yé yahle, képah tãhkì kal sétàn yòtẽ mírki tyíle, képah nê-á kèkõyó névyne yahle n tẽ. Képah ye, yé tẽnweno we Liyel yĩn yõ mìnnyobe yõ. ⁵ Pépile, kèkõyó tyí ye péle. Képah ye, pè pé tyile n yo à yĩne kèkõyó névyne tyi yo dùkùle, té kèkõyó névyne n mó pé níne n kwɔ pé tyí. ⁶ Nte ápi me Liyel tyí yõ. Névi nê-à Liyelle n pne, tẽ ñ níkile n kwɔ ápi tyí. Té névi nê-à mé-ńkêne Liyel tyí yõ, tẽ náh ñ níkile n kwɔ ápi tyí. Sěntě sɔkɔ ye Liyel Mirki nê-á névyne n mɔ gbɪ wěkì yõ, à n tẽ n we ñne n wah sétàn yòtẽ tyí sɔkɔ, ñmɔ nê tyí-á névyne n pilki.

Tyínɔnɔ nê-á me Liyel sɔkɔ

⁷ Tyínɔnɔ n wil Liyel tyí. Tyínɔnɔ-à me névi nê sɔkɔ, Liyel pi ye tẽne, ànê tẽ Liyelle n pne. Képah ye ń nénónó, á ye ye á tyí nɔ wẽ tyí. ⁸ Liyelle, tyínɔnɔ Liyel ye ñne. Képah ye, á náh fẽ n yo n pi ne wáh ñne n pne tyínɔnɔ kẽne á sɔkɔ. ⁹ Yé

yah, Liyel-á kè wěki òkù nêne ne á tyí-á no pé tyí, kè we yò: Pi núkúní nê-á me ò tyí, à à tekí mo kèkõyó, ápi kó á kú min we òmo gbò yó. ¹⁰ Tyínõno-á nêne, kè we yò: Liyel tyí-á no ápi tyí òkù nêne, kèpah náh tyínõno kègbule dé. Ápi tyí-á no Liyel tyí no òkù nêne, kèpah ye tyínõno kègbule. Yé náh we à ò Pídí tekí mo à po pí sárkále ápi tyípél yó n mo yinne di? ¹¹ N nénónó, ápi tyí-á no Liyel tyí sè à, ápi to yíne á tyí no wě tyí mó kè.

¹² Nnì yó òtè yí náh tē yah Liyel yó. Nte ápi tyí-à me no wě tyí, á me ò tyí yó, ànê ò tyínõno me ápi sòko yèsyìkì tēne.

¹³ Liyel-á ò Mirkile á kó, kèpah ye á kó á pí ne áyáh me ò tyí yó, ànê wáh me ále. ¹⁴ Sú Liyel ye ò Pídí tekí mo kèkõyó névye pwah n mo yinne. Ápi yí ye kè we, kèpah ye á kó á kéle n yo n wah. ¹⁵ Névi nê tē-à fyò yo ne òkè Yesu-á Liyel Pídíne, Liyel me tēne, ànê tē me Liyel tyí yó. ¹⁶ Ápi tyí-á no Liyel tyí òkù nêne, ápi tē wo ye kéle n pne, ànê á sè ké yó. Liyelle, tyínõno Liyel ye òne. Tyínõno-à me névi nê sòko, tē wo me Liyel tyí yó, ànê Liyel me tēne.

¹⁷ Tyínõno-à me yíí ápi sòko, á me á minne n pí kèkõyó Yesu Krista tyí kóle. Kèpah sòko, tíkí náh á tē n pí Liyel tukey tuke sòle. ¹⁸ Yé náh we di, Liyel tyínõno-à me névi nê sòko, tíkí náh tēne n tē. Té wáh me n sò ne á tyípél wo-á kú po n de n pí á sòko, kèpah ye n po n po tíkile. Nte tyínõno kègbu wo tíkí yahle n kó. Tíkí tē-à fyò me névi nêne n tē, tyínõno náh me yíí tē sòko.

¹⁹ Liyel ògbò ye ápi tyí no ò gblóy tyí, kèpah ye tyínõnole ápi to sòko. ²⁰ Névi nê-à ne Liyel tyí-á no pé tyí, té mó tó me ò yúnpi yó dyòle n yo, mìnyo ye tēne. Tē yí-á me ò yúnpi nê yó, òmo tyí-à nó-òkène ò tyí, sò me Liyel tyí kú po n no ò tyí, òmo nê-á à náh à we yah? ²¹ Té Krista-á nê kó sah á kó, kè we yò ne òkè, Liyel tyí-à me no névi nê tyí, tē yúnpi to tyí-á yíne kè no ò tyí.

5

Yóre nê-á n we Liyel Pídí yó sèno gbò yó

¹ Névi nê-à sè ké yó ne Yesu-á Kristale, nê-á Liyel ney yáhntòkònole, Liyel pí ye tēne. Té Sú Liyel tyí-à no névi nê tyí, Liyel wènpì to tyí n no tē tyí. ² Liyel tyí-à no ápi tyí, té á me ò tyi kònsàhnó wàlle n kò, kèpah sòko ye á kú pí ne Liyel wènpì to tyí-á me no á tyí. ³ Á náh we di, Liyel tyi kònsàhnó wàl kóló ye n wěki kéle ne ò tyí-á no á tyí. Té ò tyi

kõnsàhnó náh me táhnóle, ⁴ á pól-á sõnpìle pì Liyel wẽnpìle té n tẽ n pne kèkõyó tyí. Té tir nê-á á kõ á n tẽ n pne kèkõyó tyí, á Yesu yõ sãnó ye. ⁵ Nte nê n tẽ n pne kèkõyó tyí wé? Névi nê-á sã ké yõ ne Liyel Pídí-á Yesule, òmò ye.

Yesu Krista tyí yónwàhnóle ne Liyel Pídí-á òne

⁶ Yesu Krista ye pò wel wilki ni sòkò. Képah náh, à ko mò ò tó kwe. Té à náh pò wel wilki ni ó sòkò dé, à ye pò wel wilki ni sòkò, té ko mò ò tó kwe. Kéne tyinò nínó ànê Liyel Mirki ye n yo n wah kéle. Yé náh we di, Liyel Mirki ye n wẽkì gbule gbímegbí. ⁷⁻⁸ Liyel Mirki-á nê yo, ànê ni-á nê wẽkì, ànê tó-á nê wẽkì, sépi tónó ye n yo n wah kéle. Té sé tónó pól me sah núkú ó yõ. ⁹ Névyè-á tyi nónó we té séle n yo n wah, áyáh me sépile n fẽ n syi à, òne Liyel tyi yónwàhnó náh fónfó névyè tyí yõ di? Té Liyel ye mó tó yo wah ò Pídí tyíle. ¹⁰ Névi nê-à sã Liyel Pídí yõ, ò tyi yónó mè ye tẽ tẽ sah ò ni sòkò. Nte nê-à sã-ńkẽne Liyel yõ, tẽ me Liyelle n pì mìnnyole, wáh sõnpìle yahle sãnóle Liyel tyíyóné mè yõ, wáh nê yo ò Pídí tyí sòkò. ¹¹ Tyíyóné mè we yò ne, Liyel-á tyé-ńkẽ minne á kõ, nê-á n we ò Pídí gbò yõ sòkò. ¹² Névi nê-à me Pídí tyí yõ, kéne min me tẽ wò tyí. Nte nê-à mé-ńkẽne ò tyi yõ, min mè náh me tẽ tyí.

Tyé-ńkẽ min tyíle

¹³ Yépi nónó-á sã Liyel Pídí yõ, mé ye tyi nópìle n wãrkì n tekì n mò yé tyí, nê-á kì yé kó yé kì pĩ ne yáh tyé-ńkẽ min we. ¹⁴ Àpi sěnyĩnò-á me Liyel yõ nê tyí sòkò képah ye yò ne ńkẽ, áyáh kwáh nêne n ni ò tyí té kè me ò dyò yĩne, à nóhnó pì á tyí. ¹⁵ Té áyáh fyò kè pĩ ne wáh me nóhnóle n pì á tyí, á pĩ yĩ tóle ne, áyáh kwáh nê ni ò tyí, à kè we. ¹⁶ Nnì yó-à ò yũpi yó we à me tyípékèle n pì, nê-á kè náh névi min tyíle n yìkì Liyel yah sòkò, tẽ nírí pì ò tyí, Liyel kì tyé-ńkẽ minne tyípékè pí-ò mè kó, káh me ne tyípékè nê-á à pì, kè náh névi min tyíle n yìkì Liyel yah sòkò. Té tyípékè yó me nê-á névi min tyíle n yìkì Liyel yah sòkò, képah dùkù tyí náh mé n yo ne yé níríle n pì ké tyí sòkò dé. ¹⁷ Tyi nónó pól tẽ-à fyò me tyíknènne, tyípèl ye séle. Nte tyípèl pól náh névi min tyíle n yìkì Liyel yah sòkò.

¹⁸ Àpi pĩ ne névi nê-à pì Liyel pile, tẽ náh tó tyípékèle n pì. Liyel Pídí ńkẽne ne me tẽ yòle n sykì, képah ye pèkè pí-ò nê-á sètàn yòtẽne, à náh fẽ tir yó pì n pì tẽ sòkò.

¹⁹ Ápi pĩ ne ápi-á me Liyel tyí yõ, té kèkõyó pól tẽ wõle, pèkè pí-ò mè me képahle n fne.

²⁰ Ápi tõ pĩ ne Liyel Pídí-á pɔ, ànê wăh lékámne á kõ á tẽ we Liyel yèsyìkìle n pne. Nmɔ Liyel nê-á yèsyìkìle, ápi wró me kwrónmɔnɔle òmɔle n Pídí Yesu Krista gbò yõ. Nmɔ ye Liyel yèsyìkìle, ànê tyé-ńkê minne.

²¹ N wẽnpì, yé yé gblõyne n tẽ sãh fálnó tyile.

Nsyõ-á sébéy ní-ò nê wārki tekí mɔ

Sébéy-á tekí mɔ nê tyí à weyne à kɔ

¹ Nmɔ nê-á nédyâhle, ní mɔ ye n tɔ sébéy mène pi tyí, nê-á Liyel yah tɔkɔ ànê ò wěnpìle;* pépi nóno tyí-á no yíí n tyí. Nte pé tyí náh no ní mɔ ó tyí dé. Nóno pól-á gbile n pne, pé tyí no pépi tɔ tyí ² kéne gbí gbò yò, képah nê-á me ténóle ápi sɔkɔ, té kɔ n tẽ n pi á sɔkɔ tyé-ńkêne. ³ Sú Liyel ànê ò Pídí Yesu Krista kɔ yòbènɔri pi á tyí, té kɔ á yám yah, té kɔ yèvinune á kɔ, nê-á kɔ á kɔ á kɔ tẽ gbí wěkì yò ànê tyínɔno sɔkɔ.

Kólóle gbí ànê tyínɔno wěkì yò

⁴ Kè pi nìvìnì ñgbêne ní mɔ tyí, máh kè kyomí we ne áwo wěnpì tókù-á me n kɔ gbí wěkì yò, à yíne Sú Liyel-á kè kò sah ápi tyí sɔ. ⁵ Pi, máh me nêne n kò n sah á tyí núkúnúkú, képah ye yò: Yé ye á tyí no wě tyí. Tir kònsàhnó késán náh kéle mé n wārki n tekí n mɔ á tyí dé. Nê-á me ápi tyí tyah gbí ò dukùle képah ye. ⁶ Tyínɔnole, Liyel tyi kònsàhnó wàl kóló ye kéle. Tir kònsàhnó mè tyí ye yo yé tyí tyah gbí ò dukùle ne, yé yé minne n pi tyínɔno sɔkɔ.

⁷ Névyé náhnáh me wil kwe kèkòyó pól sɔkɔ, nóno-á me névyele n mɔ pílkinó wàl yò sɔkɔ. Pépi náh me kè fě syi ne Yesu Krista-á pi névile kègbí yò sɔkɔ. Té yah, sěntě névile, névyé pílki-ò ànê Krista sépe ye tēne. ⁸ Káh pi sě, yé yé gblòyne n kyomí, yé káh pɔ tekí yé tò pínó† yòre sɔkɔ. Yé yíne yé ké yòre we n yíí. ⁹ Krista-á kwónó nê kɔ, névi nê-à n kó-ńkêne képah wěkì yò, té kè fin mɔ, tẽ wró me gbékínóle Liyelle. Nte névi nê-à n kɔ Krista kwónó mè wěkì yò, tẽ wró me ténóle Sú Liyel ànê ò Pídíne. ¹⁰ Nnî yó-à pɔ yé tinné, té ò kwónó me ké tyíle, yé káh fě syi tẽ twah yé tyí. Yé káh wekí ò tyí pólle. ¹¹ Névi nê-à wekí tẽ tyí, tẽ tɔ vyáh me ò tyítúkúnì nópi pínó sɔkɔ. ¹² Tyi náhnáh me ní tyí yo yo tēne yé tyí, òte mé náh me ké tyí ne mé sè wārki n tekí n mɔ yé tyí sébéy sɔkɔ. Mé me n yah n kò ne mé pɔ n wil yé tyí, mé mó sè yo yé tyí vyáhle. Képah sɔkɔ, ápi nìvìnì kɔ syi ké yín tyí. ¹³ Pi nê-á Liyel yah tɔkɔ ásò, ò wěnpì n wekí á tyí.

* **1:1** 1.1 - Nédyâh nê tyí-á n yo ásò sɔkɔ yò, Nsyõ ye. Té pi nê wɔ tyí-á n yo ásò, Yesu yò sěpú ùnkì ye. † **1:8** 1.8 - «Yé tò pínó» nê tyí-á n yo yò, tókù ne: «Á tò pínó-á».

Nsyõ-á sébéy tǔ-ò nê wārki tekı mo

Sébéy-á tekı mo nê tyí à weyne à kǔ

¹ Nmo nê-á nédyáhle, nmo ye n tekı n mo sébéyne ní nénóní Kayusi tyí, nmo nê tyí-á no ní tyí kègbı yǔ. ² N nénóní, mé me ké tyí ne á tyi pól ne n pekı, á mó ne n me lèno soko palle, sǔ-á á min pi dükùle palle Liyel yah soko.

³ N yúnpyé yısyó po yo ní tyí ne, áwo-á me gbı koh tǔ yın, té me n kǔ kèpah wǔkì yǔ. Kèpah ní ni vi kègbıle. ⁴ Mâh n nohnı ne ní wǔnpı-á me n kǔ gbı wǔkì yǔ, tir yó nte náh ní nıle n vi n no kèpahle.

Kayusi ànê Nivini tir yónkǔpu tyí yónóle

⁵ N nénóní, á me ápi yúnpyé Yesu yǔ sǔpúle n tǔ ple, wáh nónóne n pne ànê á náh nónó nte pne n pne. Á me n pi ple. ⁶ Tyínono nê-á me á soko, pè ye ké dükù yo Yesu yǔ sǔpú tǔnkı yı yah. Mé kéle n yah n kǔ á tyí ne, á yòhninmono pi pé tyí pé kóló yinne à yıne kǔh yıne kè ne n pi sǔ Liyel wǔkì soko. ⁷ Á náh we di, Yesu Krista yın ye pè n kǔ kóló mène, té pè náh fǔ syi Yesu yǔ sǔ-ńkǔpú yòhninmono yó nte syi. ⁸ Kǔh pi sǔ, ápi ye yıne à so mo sǔnkno névyé tyí tǔ mè soko, á tǔo pi tǔ núkú pípúle péle, à gbı wǔkile névyele n wǔkı.

Dyotrefi ànê Demetriyusi tyipinine

⁹ Mé vyǔh wey kwéy yó to wārki tekı mo Yesu yǔ sǔpú tǔnkı tyí. Nte Dyotrefi náh me n sah ní tyí yǔ, nmo nê-á me n yah n kǔ pí-ńsahle tyi yah tǔ-òle kirkir. ¹⁰ Kèpah ye, mâh po po yé tǔnne, wáh me nene n pi ápi tyí á tyí yónyıkıno soko, mé kı sé pól yo wah yé syah. Té à náh me yın kèpah ó tyí dé, à náh me n fǔ n syi á yúnpyé Yesu yǔ sǔpú wǔkǔbi me n twah n tyí. Té nónó-à se tǔ ne pé péle n swah n syi, á pé yah kǔ ké pínóle, n té pè yini n wilki Yesu yǔ sǔpú tǔnkı soko. ¹¹ N nénóní Kayusi, kǔh pèkè pínóle n yah n pi, nte pèpey wo pínóle n yah n pi. Nê-à pèpeyne n pi, Liyel tyí névi ye tǔne. Té nê-à pèkèle n pi, tǔ náh Liyelle n pne. ¹² Demetriyusi tǔ wǔle, no pól me nmo yıgbıle n yo. Gbı wǔkì nê to-á à n kǔ, yın pèpey ye ké tǔle n tyí. Api to me n yıgbıle n yo, té áwo pi ne nê-á ápi n yo, gbı-á kéle.

Wey tyé-ńsahle

¹³ Tyi náhnáh me ní tyí yo yo tẽne á tyí, té mé náh me ké tyí ne mé sè wãrki n teki n mo á tyí sébéy soko. ¹⁴ Mé me n yah n kã ne mé ñ we kè káh tã n mo. Áyâh po wẽ we, á ki yãh sé tyí yõ vyãhle. ¹⁵ Mé kéle n yah n kã Liyel tyí ne à yèvinine ñ kã.

A kódíbí n weki á tyí. Weki ápi to kódíbí tyí á kã pé nénúkù núkú pólle.